



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ФОНД ФУНДАМЕНТАЛЬНЫХ ФОРМАЦИЙ

БИБЛИОТЕКА РУССКОЙ КЛАССИКИ

КОНСТАНТИН ФЕДИН

ԿՈՆՍՏԱՆՏԻՆ ՖԵԴԻՆ



Г
ОРОДА
И
ОДЫ

Տ
ԵՂԵՔՆԵՐ
ԵՎ,
ՇՐԻՆԵՐ

РОМАН

ՎԵՊ

ПЕРЕВОД
ДОРЫ ЕСАЯН

ԹԱՐԳՄԱՆՈՒԹՅՈՒՆԸ
ԴՈՐԱ ԵՍԱՅԱՆԻ

Ամեն ինչ մեր առջևում էր,
Ոչինչ չկար մեր առջևում:
Զարլա Գիկկենս

Ինչ վերաբերում է գինուն,
Ան ջուր էր խմում:
Վիկտոր Հյուգո

Գ Լ Ո Ւ Խ Ե Վ Ի Ր Վ Ա Մ Ա Յ Ն Տ Ա Ր Ո Ւ Ն, Ո Ր Ո Վ
Ա Վ Ա Ր Տ Վ Ո Ւ Մ Է Վ Ե Պ Ը

Ծ ա ո

— Թանկագին հարևաններ, ամենաբարի բնակիչներ, պատվարժան քաղաքացիներ: Գլուխս պատուհանից դուրս եմ հանել կանխապես մտածված մի դիտավորություն: Ետքում եմ, թանկագին հարևաններ, թախիծը կրծում է սիրտս, հարգելի քաղաքացիներ, սիրտս չորացել ու ոլորվել է խցանահանի նման, ինչպես կիտրոնի կեղևը արևից շիկացած սալարկին:

— Պատվելի բնակիչներ: Ճիշտ է, որ զրսում արդեն հազար ինը հարյուր քսաներկու թվականն է:

— Իմ առջև է թիսունհինգ պատուհան, չհաշված ձեղնահարկի երկու պատուհանը, նկուղի մեկ պատուհանը և պատի վրայի այն պատուհանը, որ վարպետորեն նկարված է դեռ նախապատերազմյան ժամանակի ներկարարի ձեռքով, ինչպես նաև այն, որի մեջ բոլորը կարող եք տեսնել անձիս վերին մասը:

— Ես չարող էի ձեզ պատմել այս պատուհաններից յուրաքանչյուրի մասին, բայց գիտեմ՝ ինձ շեք լսի: Ուստի խընդրում եմ ձեր հայացքները դարձնեք միայն ահա այն ներքևի

Ֆեդին Կ.

Ֆ 321 Քաղաքներ և տարիներ: Վեպ/Ռուս. թարգմ. Գ. Եսայան. — Եր.: Սովետ. գրող, 1981. — 472 էջ.

«Քաղաքներ և տարիներ» քաղաքացիական պատերազմի և հեղափոխության մասին առաջին վեպերից է: Բաղմապլան է նրա կոմպոզիցիան և բաղմազան է թեմատիկան՝ հեղափոխական Պետրոգրադը և միլիտարիստական Գերմանիան, կապիտալիստական սպանդի անմարդկայնությունը և հեղափոխական պայքարի խոր հումանիզմը, հեղափոխական նոր Ռուսաստանը և հին աշխարհի սարսափելի քաղքենիական «պարսպուտը»:

Այս ամենի մասին «Քաղաքներ և տարիներ» վեպում պատմված է արվեստի լեզվով:

4702010200 (85) 81 «Տ»
705 (01) 81

Ք 2
ԳՄԴ 84. Ռ 7

«Սովետական գրող» հրատարակչություն, բաղմանված է հայերեն, 1981

պատուհանին, որտեղ փուլել է զոլավոր փետրաներքնակը, հենց այդ փետրաներքնակն էր առավոտյան հրացանի շամփուրով կատաղի թակում կարմիր ձեռքերով տանտիկինը: Մեկ էլ ահա այն աչ կողմի պատուհանին, որտեղից առավոտից իրիկուն ղոմարչի ծնոց է լսվում, և մեկ էլ այն մյուսին՝ ամենավերևին, ձեղնահարկի տակին, որտեղից զրամոֆոնը շարունակ սոսնակներ է խխում, ու ևս մի պատուհանի՝ վերջինը, որ ուղղակի իմ դիմացն է ու այնպես թարմ մածկած է՝ վաղն այն պետք է ներկեն:

— Պատվարժան քաղաքացիներ: Վերջ ի վերջո հանրապետութունը վատ բան չէ: Հանրապետության մեջ կարելի է փետրաներքնակները թափ տալ, գցել արևի տակ օդափոխելու, առանց վախի, թե երեկոյան արդեն ստիպված պիտի լինես ընտանեկան անկողինդ գցել միայն փետրաներքնակի ծածկոցով: Հանրապետության մեջ կարելի է ունենալ երաժշտական լսողություն և սովորել ղոմրա նվագել: Միանգամայն ակնհայտ է, որ պետության կառավարման ձևը ոչ մի կերպ չի անդրադառնում գրամոֆոնի ձայնապնակների որակի վրա: Եվ, վերջապես, հանրապետությունը համեմատաբար հեշտությամբ յուրացրեց, որ պատուհանի ներկած շրջանակները զերազանց են դիմանում քամիներին և վատ եղանակին:

— Թանկագին հարևաններ: Արժե՞ արդյոք ասել, որ մեր ջրհորի ութսունհինգ պատուհաններից միայն իմ պատուհանն է, որ չի զարդարված պանրի և երշիկի փաթեթներով, թթվասերի և մածնի ամաններով, կաթսայիկներով, կաթնամաններով, կարագի ամաններով, մուգ կանաչ սոխով և կարմիր բոգզով: Նույնիսկ ձեղնահարկի ամենածայրի պատուհանը, որ հազիվ մի օղանցքի շափ լինի, տվեց-անցավ իմ սարդոստայնով պատած դատարկ լուսամուտագոգից, որն անձեռնմխելի պահպանում է հարգելի տանտիրուհու Մատրոս կատվի թողած ոչ այնքան քաղաքավարի հետքը:

Հիմա սպիտակ գիշերներ են, և մեր ջրհորում հանգստանում է օրվա ընթացքում քրտնած ամառը: Ութսունհինգ պատուհան լայն բացված են: Ես օգտվեցի դրանից, որպեսզի ձեզ համար իմ ճառն արտասանեմ՝ ձե՛զ համար, քաղաքացի գրամոֆոնատեր, և ձե՛զ համար, հարևանուհիս, որ ձեր փետրաներքնակը ցույց տվիք, և ձե՛զ համար, կաթսայիկ-

ներթ, կարագամանների, փաթեթների և բողկի տերեր, բոլորիդ համար, ով գլուխը դուրս է հանել ու ըստ է իմ առույգ ձայնը:

— Ո՛չ, ո՛չ, չվախենաք. ճառս չի երկարի: Ուզում էի ձեզ մի հարց տալ, միայն մի հարց, ու ես կվերջացնեմ:

— Ամենաբարի բնակիչներ, պատվարժան քաղաքացիներ: Ծիշտ է, որ դրսում հիմա քսաներկու թվականն է: Դա, ճիշտ է, որովհետև մենք թթվասեր ու մածուն ենք ուտում, սովորում ենք ղոմրա նվագել և թափ ենք տալիս մեր փետրաներքնակները: Ծիշտ է, որովհետև թվարկված զբաղմունքների դեմ, որքան էլ դրանք նվազ հեղափոխական լինեն, հանրապետությունը չի առարկում: Եվ, պատվելի քաղաքացիներ, արդյոք չե՞ք կարծում...

Ճառի այս տեղում, իրար կպած քարե տների տուփի արանքում երերվող ձայնի մեջ մի ճիշ խրվեց.

— Անդրե՛յ:

Մարդը, որ կանգնել էր կուրծքը բաց, վերևաշապկի կոճակներն արձակած, դադարեց խոսելուց ու նայեց այն կողմը, որտեղից այդ ճիշը լսվեց: Հետո հանկարծ ընկրկեց սենյակի խորքը, նորից մոտ վազեց պատուհանին, մինչև գոտկատեղը դուրս կախվեց, թուլացած ձայնով հարցրեց.

— Բնակարանի համարը ո՞րն է:

— Փողոցում կհանդիպենք.— ձայնն ընկավ հորի մեջ: Անդրեյն, ինչպես որ կար, առանց կոճկվելու, զզգզված դուրս վազեց սենյակից:

Տանտիրուհին նրա ետևից դուռը փակեց, դուրս նայեց դեպի ջրհորը, մի հայացքով ընդգրկեց բոլոր ութսունհինգ պատուհանն էլ, և դողացող շրթունքներով շնչաց.

— Վաղուց էի կարծում, որ խելագարվել է: Օ՛, սարսափելի է:

Ն ա մ ա կ

Սիրելիս: Ահա նորից գրում եմ քեզ, ու նորից չգիտնմ, թե ինչ պետք է ասեմ:

Ամենից ավելի վախենում եմ, որ նամակս կպատուես, երբ ձեռագիրս ճանաչես:

Կամ ոչ: Ամենից ավելի վախենում եմ, թե գրում եմ մահացածի: Թե դու՝ մահացած ես: Այնպես շասացի, թե դու արդեն մահացել ես, իսկ ես քեզ նամակ եմ գրում:

Մարի, փոքրիկս, ինձ համար մի բան է պարզ: Հիշո՞ւմ ես, առաջ ինձ համար շատ բան էր պարզ: Հիմա՝ միայն մի բան. ես պետք է նստեմ՝ քո կողքին ու հերթով ամեն բան պատմեմ: Կարծես շեմ կարողանում ամեն ինչ հերթականությամբ հիշել: Մի բան պարզ է, որ եթե ինձ լսես, ես ամեն ինչ կհասկանամ, ու դու այլևս չես բղավի ինչպես այն ժամանակ, երկու տարի առաջ: Ինչպե՞ս էիր այն ժամանակ բղավում, Մարի...

Ինչ-որ բան խառնում եմ:

Սպասիր, սենյակում մի քիչ կքայլեմ ու կմտածեմ, թե փնչպես ավելի հեշտ կլինի ասել ամենակարևորը, Մարի...

Այո: Կարծում եմ՝ ինձ կհասկանաս, եթե պատմեմ... Կամ ոչ, նախ ահա ինչ եմ ասում:

Այս ամբողջ շփոթը (կարծում եմ՝ ուժ կունենայի կանոնավոր նամակ գրելու, եթե դա չլիներ), այս ամբողջ շփոթը նրանից է, որ վճռել եմ...: Մարի, չգիտեմ, թե ինձ հետ ինչ է կատարվում: Գալիս եմ քեզ մոտ: Այդպես եմ վճռել: Այլևս չեմ կարող: Միևնույն է: Ականջներս կփակեմ ու կփախչեմ: Թող վայնասուն բարձրացնեն, թող մեռնեն, միևնույն է: Ես պետք է քեզ մոտ գամ:

Կուրտն իսկական մարդ է: Այսօր հանդիպեցի նրան այստեղ, Պետերբուրգում, բոլորովին անսպասելի: Նա հանձն է առնում ինձ տեղ հասցնել, այսինքն՝ օգնել: Նա ձայնիցս ճանաչել էր ինձ, թեև դա մի քիչ տարօրինակ պայմաններում էր: Ընդհանրապես ես այնքան էլ լավ չեմ: Կուրտն անմիջապես ասաց, որ պետք է կլիման փոխեմ: Ես, իհարկե, ոչ մի խոսք չասացի, թե ուզում եմ քեզ տեսնել: Համաձայնեցի կլիմայի հարցում: Մարի, ինձ համար մի քիչ ծիծաղելի է, երբ խոսում են կլիմայի մասին, ջղերի մասին: Թեև շատ եմ հոգանել: Իսկ Կուրտը չի հոգնում:

Բանն այն է, որ...

Սկիզբը վերընթերցեցի: Ահա իմ պատմությունը: Հիշեցի, փնչպես ձմռանը տեսա մի շնիկ, որ առջևի թաթերով ճանկում էր փակ դուռը: Զգիտես, շնիկի տերը քնած էր, թե դու-

ցե չէր ուզում դուռը բացել. բուք էր: Մոտեցա դռանն ու տրորված ձյան վրա տեսա շնիկի թաթերի կարմիր հետքը: Ծնիկը դուռը ճանկոկիս թաթերն արնոտել էր: Նա չէր կարողանում հասկանալ, որ այս աշխարհում ինքը բնավ պետք չէ:

Ես այդ հասկանում եմ: Այսինքն՝ իմ մասին...

13 հունիսի, առավոտ:

Այսօր Կուրտն ինձ մոտ էր: Վերջնականապես պայմանավորվեցինք: Քեզ մոտ եմ գալիս, Մարի...

Նրա գնալուց հետո հանգիստ էի: Նա լավ ձեռքեր, ուսեր, բերան ունի: Նրա ներկայությամբ սենյակը մի տեսակ իմաստավորվում է: Ինձ համար անմիջապես հաճելի և պետքական դարձան սեղանը, մահճակալը, պատուհանը: Կուրտը կազմակերպված մարդ է: Նորից կարդացի երեկվա գրածս: Ուղարկում եմ քեզ, տես թե հիմա ինչպիսին եմ: Այնտեղ շքեղիկի մասին գրածս ճշմարիտ է:

Իհարկե, մեղավոր եմ քո առջև: Սակայն ինձ չեմ մեղադրում այն բանում, ինչը քեզ հավանաբար թվում է ամենածանր հանցանքը քո նկատմամբ, մեր նկատմամբ:

Ես իրոք ինչ-որ կարգ պիտի սահմանեմ: Գլխումս ամեն ինչ իրար է խառնվել: Զգիտեմ արդյոք երբ և որտեղ անուղղելի կերպով շեղվեցի կամ ստեցի, կամ սխալվեցի: Վերջին իրադարձությունների մեջ (այսինքն՝ այն բանից առաջ, երբ դու եկար այստեղ և հետո անհետացար, չէ՞ որ դրանից հետո այլևս ոչ մի իրադարձություն չեղավ) կապ չեմ գտնում: Գուցե և կասկ կա: Սա մի կծիկ է, այս բոլոր տարիները:

Ասեմ շնիկի մասին:

Ամբողջ կյանքումս ջանացել եմ շրջանի մեջ լինել: Հասկանա՞ւմ ես, այնպես, որ աշխարհում ամեն բան շուրջս կատարվի: Սակայն միշտ քշվել-տարվել եմ, մի կողմ եմ նետվել:

Զուր արնոտվել եմ:

Այդ բանն ահա թե ինչպես հասկացա:

Սակայն նախ ևս երկու խոսք: Վերջերս զբաղված էի որոշ թղթեր ձեռք բերելու գործով: Ինձ հարցրին՝ «Ձեր մասնագիտությունը ի՞նչ է»: Զէի կարող պատասխանել: Հանկարծ

մտածեցի, իսկ ի՞նչ մասնագիտութիւն էի ուզում ձեռք բերել առաջ: Շփոթվեցի, հիմար բան ստացվեց:

Հասկանո՞ւմ ես, շարունակ վախենում եմ մտքիցս շեղվել:

Անցնում էի խանութների շարքով: Մի դարբասից ներս նայեցի: Ամբողջ հաստ պատերը խրվել էին հողի մեջ: Պահաստների դռներին ժանգոտած կողպեքներ էին կախված: Եվ ամբողջ բակում մոլախոտ, եղինջ, կոստուկ, երկաթի կտորտանք, խիճ: Ինչպես ամալի տեղում:

Թախիժը սիրտս ճմլեց: Կամքիցս անկախ: Դա այնքան տխուր ու հոգեմաշ բան է: Ես մտածում էի մի համընդհանուր վախճանի մասին: Չեռքերս սառեցին:

Սակայն դեռ... մի խոսքով, դեռես շարունակում էի ճանկոնել...

Եվ ահա արդեն այս օրերին, Մոսկվայի մոտերքում, մի ընկերս ինձ Պոկլոննայա սարից ցույց տվեց նոր ռադիոկայանը: Աշտարակը կառուցել էին հեղափոխության ժամանակ: Ակզբում փլվել էր: Նորից էին բարձրացրել: Անպետք գործիքներով, շրթունքներն ատամների տակ առած: Բարձրացրել էին: Ալիքները հասնում են Ամերիկա:

— Գիտե՞ս ինչ,— ասաց ընկերս,— հիմա այնպիսի ռադիոկայան կկառուցենք, որի ալիքները կընդգրկեն ամբողջ երկրագունդը: Մոսկվան հաղորդում է, Մոսկվան ընդունում է: Աշխարհի շուրջը:

Այն ժամանակ մտածեցի, որ դա հիմարութիւն է: Սակայն իսկույն նայեցի նրա դեմքին...

Մի խոսքով, վերջ տվեցի ճանկոնելուն...

Դա անօգուտ է, անօգուտ, գրողը տանի: Բարի կամքը, անըր, ցանկութիւնը՝ այդ ամենը շափաղանց քիչ են: Իսկ հետո դրանք բնավ պետք չեն: Բետեւու և խմելու համար պետք չէ ոչ բարի կամք, ոչ սեր: Այդ մարդիկ փաստորեն ավելին չեն անում, քան պետք է անեն ըստ էութեան: Նրանք իրենց ոտքերի տակ ոչինչ չեն տեսնում, շարունակ՝ առաջ և վեր: Եվ այնպիսի լարվածութեամբ, կարծես ոչ թե մարդիկ են, այլ կրճեր, լարված կոճեր: Եթե նրանց ասես ժանգոտած կողպեքների, մոլախոտի և խիճի մասին, ոչինչ չեն հասկանա: Նրանք շրջանի մեջ են. հավանաբար շրջանի կենտրոնում:

Ինձ սարսռեցնում է այն միտքը, թե մահացած մարդու եմ գրում: Եթե այդպես է, քեզ հարութիւն կտամ, որպեսզի հասկանաս. ես չեմ ստել:

Իմ մեղքն այն է, որ մետաղալարից չեմ:

Դու ինձ պետք է հասկանաս, Մարի:

Անդրեյ:

Ա Ա Գ Մ Ա Ա Բ Ա Գ Ա Ճ Ա Ը

Կոմիտեն կազմված էր յոթ հոգուց: Բոլորն ուշադիր հետևում էին Կուրտին, որը խոսում էր. նույնիսկ քարտուղարը ամեն րոպե ընդհատում էր սղագրութիւնն ու ճակատին հավաքում կնճիռների եռանկյունին, ասես ականջ դնելով մի բանի, որ պետք է տեղի ունենար սենյակի սահմաններից դուրս ինչ-որ տեղ: Նախագահի աթոռին նստել էր հաստ ապակյա ակնոցով մի մարդ. նրա ակնոցի ֆոկուսը Կուրտի խոսելու թացքում ոչ մի անգամ չփոխվեց:

Կուրտը կանգնել էր նախագահի դիմաց, բոունքները սեղանին առջած և ամեն նախադասութիւնից հետո գլուխը թեթևակի շարժում էր: Խոսում էր սահուն, առանց կմկմալու, ասես գիրք էր կարդում, և նրա ճառն էլ զրբային էր: Քրտինքի կաթիլներ էին գուրս տվել վերին շրթունքի վրա:

— Ամփոփում եմ,— ասաց նա:

— Այդ մարդը բարոյական անկման վիճակում էր այն պահին, երբ ինձ խոստովանեց իր հանցագործութիւնը: Որքան կարողացա նկատել, նրա մտավոր կարողութիւնները նույնպես խանգարված էին: Ես գիտեի, որ այդ ամենը անձնական կյանքում կրած ծանր ցնցման հետևանք է: Ուստի նրա խոստովանութեանը մեծ զգուշութեամբ վերաբերվեցի: Սակայն ես ինձ ընտելացրել եմ օբյեկտիվորեն մտածել և վարձել բանականութեանս թելադրանքին համապատասխան: Հիշողութիւնս հաջորդաբար վերականգնեց իմ բոլոր հանդիպումներն այդ մարդու հետ Սեմիդոլում, նրա անձնական կյանքի այն փաստերը, որ կապված են մարկգրաֆի հետ, վերջապես Մոսկվայի զինվորական դեպուտատների գերմանական խորհրդից մարկգրաֆի անհետանալու հանգամանքները: Իրադարձութիւնների փաստական ընթացքը ամենայն

մանրամասնությամբ համընկնում էր այն բանի հետ, ինչ
ես լսեցի այդ մարդուց նրա վերջին դժոխանքի ժամանակ: Նա
ի միջի այլոց ինձ խոստովանեց, որ մտադիր է որոնել մարկ-
գրաֆին, դա միակ մարդն է, որ կարող է որևէ բան իմանալ
իր սիրեցյալի մասին: Կասկած չկար. անձնական նկատա-
ռումներով նա փրկել էր մեր թշնամու կյանքն ու դավաճանել
այն գործին, որին մենք բոլորս ծառայում ենք: Իբրև մարդ
ինձ համար ատելի դարձավ, որպես բարեկամ,— իմ բարե-
կամն էր,— զզվելի: Ես նրան սպանեցի: Հաջորդ օրը տեղե-
կացա մարկգրաֆի մասին: Նա իրոք հանգիստ ու խաղաղ
ապրում է Բիշոֆսբերգի մոտի իր ամրոցում և, ինչպես կայստ-
շաճեր անհաջողակ բախտախնդիր մեկին, ուժերի ներածին
չափով ծառայում է հայրենի արվեստին՝ զբաղվում է դերմա-
նական վարպետների նկարների սպեկուլյացիայով: Միայն
թույլ չի տրվել: Ոստիկանությունը գտնում է, որ սպանությունը
կատարվել է քրեական նպատակով: Մինչ այս գործի մա-
սին կոմիտեին հայտնելը, ես հարկ չեմ համարել հերքել այդ
ենթադրությունը: Ենթարկվում եմ ձեր որոշմանը:

Կուրտը վերջացրեց, կարծես փակեց կարդացած գիրքը:
Նախագահը հերթով դարձավ նիստի բոլոր մասնակիցնե-
րին.

— Հարցեր չկան... Ընկեր Վան, խնդրեմ, հեռացեք:

Կուրտը դուրս եկավ: Կից սենյակում նա թաշկինակով
երեսը շորացրեց, սիգար ծխեց և, պատրաստվելով սպասել,
հարմար տեղավորվեց բազկաթոռին: Եխի կապտավուն շեր-
տերը, իրար մեջ մտած, սկսեցին տարուբերվել սենյակի մեջ-
տեղում: Դրանց մեջ բացվեց ինչ-որ մեկի բերանը, կեռացրած
հինգ մատ դանդաղ շրջվեցին, կախվեցին ցած, մատներին
կապվ արմունկից ծալած թևը և ձգվեց դեպի Կուրտը:

— Հիմարություն է,— փնթփնթաց նա և ուժով փչեց ծխի
վրա: Կապույտ շերտիկները շարվեցին օդի հոսանքի երկայ-
նությունում և անհետացան:

— Ընկեր Վան:

Յոթ մարդ նախկին կարգով նստած էին սեղանի առջև:
Նախագահը ակնոցն ուղղեց քարտուղարին: Վերջինս թուղթը
ձեռքն առավ և բարձրաձայն կարդաց.

— «... լսելով ընկեր Կուրտ Վանի հաղորդումը, միաձայն
որոշեց. վերոհիշյալ ընկերոջ գործելակերպը համարել ճիշտ,
գործն արձանագրության մեջ շմտցնել, սղագրությունը ոչըն-
չացնել և անցնել հերթական հարցերի քննարկմանը»:

Քարտուղարը թուղթը երկտակ ծալեց և պատռեց:

— Նստեք, ընկեր,— ասաց նախագահը:

Կուրտն աթոռը մոտ քաշեց: Նա հանգիստ էր և իրեն շատ
սովորական ձևով էր պահում, ասես չէր էլ կասկածում, որ
այդ հրավերը կլսի:

Գ Լ Ո Ւ Ս Ա Ռ Ա Ջ Ի Ն
Ի Ն Ը Հ Ա Ր Յ Ո Ւ Ր Տ Ա Ս Ն Ի Ն Ը Թ Վ Ա Կ Ա Ն Ի
Մ Ա Ս Ի Ն

Պ Ե Մ Ե Ր Բ Ո Ր Գ

Մարդը պետք է մի երկար կյանք ապրի առանց երկնքի,
առանց իսկական, լայնաշունչ քամիների, պետք է մեծահոս
երկաթի սյունների փակ շարքի մեջ, մանկությունն անցկացնի
թուզե սանդուղքի վրա, ասֆալտած փողոցում, որպեսզի քա-
ղաքում իրեն զգա այնպես, ինչպես անտառաբնակը՝ անտա-
ռում:

Ոտքը գիտե, թե տակը երբ է երկաթե ունյա, երբ՝ փտած
գերան, երբ՝ սայթաքուն և հնչեղ ցեմենտ: Ականջն էլ իմա-
նում է, թե տանիքներից ուր է թափվում անձրևաջուրը, և ին-
չի դիպավ ու պայթեց հանկարծակի պոռթկացող ուժեղ քա-
մին:

Այն մարդուն, ում համար քաղաքը նույնն է, ինչ անտառը՝
անտառաբնակի, լույս պետք չէ: Նա հիշում է ամեն մի ան-
կյուն, գիտե յուրաքանչյուր փողոց, յուրաքանչյուր տուն՝ հին
թե նոր, քանդված և որպես վառելիք օգտագործված, փակ-
ված, լքված և կիսակառույց:

Հատկապես կիսակառույցները: Այդպիսի տների ցանկա-
պատերը վաղուց անհետացել են: Սակայն քարացած աշ-
յուսն կմախքի վրա տեղ-տեղ տնկված են ցցագերանների

մնացորդները, կիսով չափ խիճով ծածկված մի գերան է ընկած կամ էլ պոկված չէ ձողը՝ փայտե խաշով:

Այդ ցցադերանների, գերանների և խաշերի մասին արժե հիշել նոր թվականության երրորդ տարում:

Նոր թվականության երրորդ տարում, հոկտեմբերի վերջին Պետրոգրադի գլխին խավար էր կախված: Խավարը հյուսիսարևմուտքից սուլոցով ու թնդունով բշում էր թաց, ծուռթն քամին:

Պետերբուրգը թեփը տալիս էր, երկաթի թեփ էր թափում, և այն զնգոցով խփվում էր տանիքներին ու կրճատցով ընկնում փողոցների քարե հատակին:

Ներքևում մութ էր, ինչպես թունելում:

Տները մեռել էին, տները խորտակվել էին, տներ չկային: Իրար հատում էին, մթության մեջ ձգվում թունելների անաչք թաց կողերը:

Եվ թունելների թաց, անաչք կողերով ու նրանց քարե հատակներով ճռնչալով, զնգալով, սլանում էր երկաթե թեփը: Քամին ծուռ թևերով տրորում էր քարե քաղաքը, կտոր-կտոր պոկոտում մաշված կաշին, շարտում խոնավ խավարի մեջ:

Ավտոմոբիլի սպիտակ կապկի թաթերը ճանկոտում էին թունելների մեռած, սառնաշունչ կողերը, կորչում նույնքան արագ, ինչպես հայտնվում էին: Եվ միայն սատկող շնագայլի նման ոռնում էր ավտոմոբիլի շշակը:

Մարդը, որ հազիվ էր տարբերվում քարից, ինչից սարքված էին թունելները, շոշափելով անկյուններն ու ելուստները, քամուց բշված, արագ ու թեթև սահում էր ջրափոսերի վրայով: Ահա նա միաձուլվեց սև պատին, ասես դարբասից ներս մտավ: Ահա շոշափելով բարձրացավ սայթաքուն թղմբիկի վրա: Իջավ փոսի մեջ: Խցկվեց նեղ, գերեզման հիշեցնող նեղ միջանցքը: Նրա գլխավերևում համաշափ դարկվում էր քարին պոկված տանիքի թիթեղը:

Մարդը գրպանից հանեց թերթը, ծածկեց ուսն ու կուրծքը, միջանցքի անկյունում շոշափեց իր բեռը, գցեց ուսին ու ըզգուշությամբ ետ սողաց:

Անցավ միջանցքը, փոսը, թմբիկը, սև պատի միջով դեպի թունելների խոնավ խավարը և շարունակեց՝ խոնավ խավարի միջով, քամուց բշված, սահեց ջրափոսերի վրայով:

Այն մարդուն, ում համար քաղաքը նույնն է, ինչ անտուրք՝ անտառաբնակի, լույս պետք չէ:

Մարդը գտավ դարբասը, դուռը, սանդուղքը, ևս մի դուռ: Այնտեղ բեռն ուսից գցեց, հանեց մի բանալի, երկրորդը՝ ֆրանսիական, երրորդը՝ շատ երկար, մեջտեղում օղակով, ինժեներ Տուբկիսի արտոնագիրը, հերթով բացեց փականները:

Խոհանոցում վառեց «էկոնոմիա» լամպիկը (շաբաթական քառորդ ֆունտ նավթ), հանվեց: Մատներով շափչփեց. գերանը կարելի է սղոցել չորս մասի՝ ութական վերջով երկարությամբ, ամեն կտորը ջարդել մեկ, երկու, երեք... — ութ կտոր անել: Երկու ութվերջոկանոց ձողանը եռման ջուր է սուրճի համար: Տասնվեց անգամ: Լավ է:

— Սատանան գիտի, թե դեռ ինչքան է տեկու այս քաշքը շոկը: Տասնվեց անգամ...

Երբ գերանը շրջեց, վրան գրություն տեսավ: Կայքրած էր հարթ, կարճրագույն խմորով: Գրված էր քիմիական մատիտով: Գրերը խոնավացել էին, ծորում էին:

Սովորեց՝ ում եմ ֆրանսերեն և գերմաներեն աշխատանքային դպրոցի բոլոր դասարանների համար: Գինը չափավոր:

ԳԵՏՐՈՋԱՎՈՂՍԿԱՅԱ 17, ԲԵ. Ց:

Նույն տեղում գուպաների լցում և հատերի հավաքում:
Իճչպես նաև վաճառվում են ճազարներ:

Գլուխն օրորեց, ասաց բարձրաձայն.

— Ինչ օրի հասցրին ինտելիգենցիային, հը՞:

Գերանը տարավ դրեց խորդանոցը:

Բացեց պատի մեջ սարքված պահարանը: Կորեկաձավարի ամանի միջից հանեց լաթի կտորը: Կորեկաձավարը թղթե տոպրակից լցրեց ամանի մեջ, լաթով ծածկեց: Վրան դրեց բլթի նման կլոր մի գետաքար:

— Մկները: Սրիկաներ:

Թիթեղյա վառարանը վառեց: Զուր եռացրեց, տապակի մեջ լցրեց ցորեն՝ բովելու: Եռման ջրով լվաց սուպի կաթսայիկն ու ափսեն: Հետո ձիլուպով և ժեծած աղյուսով լվաց ջրի կոնքը: Ֆրենչը՝ հանեց, Վերնաշապկի թևերը ծալել էր մինչև արմունկը: Երբ աչքվածի հոտ ընկավ, կոնք լվանալն ընդհա-

տեց, դանակը շտապով ձեռքն առավ ու տապակից պոկելով
այրված հատիկները, մի հինգ անգամ ասաց.

— Սուրճ: Սրիկաներ:

Հետո տնտղեց պահարանը: Բանկաների մեջ կային ցորեն,
զարեծավար, կորեկաձավար և հնդկացորենի ձավար, հարինգ:
Շշերի մեջ՝ վուշի և արևածաղկի յուղ: Կտավե տուպրակի մեջ՝
վորլա: Բղթե տուպրակներով՝ աղ, դափնետերև, ժելատին:
Ժելատինը մի երեք ֆունտ կլիներ: Ասաց.

— Ժելատին, հը՞:

Ձեռքն առավ Մոպասանի գիրքը՝ «Տիկին Գյուստնի ընտր-
յալը», լամպիկը մոտ քաշեց: Ֆրենչը հագավ, * եղունգները
մաքրեց փոքրիկ դանակով, նստեց լայն բազկաթոռին ու
պենսնեն դրեց կլոր թթին:

Հասավ մինչև այս տողերը.

— Հուսով եմ, դեռ չե՞ն նախաճաշել:

— Ոչ:

— Շատ լավ է: Ես հենց պատրաստվում էի սեղան նըս-
տել, այսօր հիանալի իշխան ձուկ ունեմ:

Պենսնեն գցեց գրքի վրա, ասաց.

— Ժելատին, ամեն կտրոնին մի ֆունտ, երեք շաբաթ շա-
րունակ, հը՞:

Հանկարծ ուշադրութունը լարեց:

Բախում են, բայց ոչ ուժեղ, անհաստատ: Ավելի լավ է
սպասել: Սպասեց: Բախում են ավելի ուժեղ: Վեր թռավ, պա-
հարանը ծածկեց, փակեց, նայեց սեղանին: Հացը՝ անձեռո-
ցիկի սակ, սախարինի տուփիկը՝ գրպանը:

— Ո՞վ է:

— Սերգեյ կվովիչ Շչեպովն այստե՞ղ է ապրում:

— Իսկ ո՞վ է հարցնում:

— Ստարցովը:

— Ի՞նչ եք կամենում:

— Ստարցովն է: Սեմիդովից, Անդրեյ Ստարցովը:

— Սեմիդովի՞ց:

— Ես նամակ եմ բերել ձեր որդուց, Ալեքսեյ Սերգեևիչից:

— Ա՛-ա-ա: Իհարկե, իհարկե: Հիմա:

Իրար անցավ: Մի փականք դուռն վերևում, մի փականք՝

ներքևում, հետո՝ մի կեռ, հետո՝ ինժեներ Տուրկիսի՝ կողպեքը,
մի հասարակ փականք, ֆրանսիական: փականքը, շղթայիկը:

— Գիտեք ինչ, հիմա ոչ մեկին չի կարելի վստահել, հա-
րազատ որդուդ էլ չես կարող վստահել: Շուրջը գողեր են,
միայն գողեր, խաբեբաներ, ավազակներ: Շատ ուրախ եմ
ծանոթանալու: Այո: Ահա տեսնում եք, այսպես էլ ապրում
եմ: Ամաններ եմ լվանում, փայտ եմ սղոցում, ինքս եփում
եմ, ինքս լվանում, կարում, լամպերը լցնում, սապոգներ
կարկատում, pardon, արտաքնոցներ եմ մաքրում: Խնդրեմ,
համեցեք: Ահա տեսնո՞ւմ եք ձեռքերիս կոշտուկներ են, կոշ-
տուկավոր ձեռքեր: Այրվածի հոտ է փչում, սուրճից է, նավ-
թի հոտը՝ լամպից է, գերչակի ձեթի հոտը կոտլետներից է:
Կարտոֆիլի կոտլետ եմ պատրաստում գերչակի ձեթով: Ահա
այդպես: Խնդրեմ, նստեցեք: Սուրճ կա: Միայն թե ավլեմ,
մոռացել եմ ավլել: Երկա՞ր ժամանակով եք եկել: Գործո՞վ:

Ստարցովը պարկը մեջքից ցած դրեց: Կանգնել էր՝ մեծ,
մուգ գորշագույն, թրջված դինվորական շինելը հագին, որի
ուսերը կախ էին, օձիքը նեղլիկ, թևքերը երկար՝ հասնում էին
մինչև մատների ծայրերը:

— Զգիտեմ, — ասաց նա, — այսօր ոչինչ չիմացա: Վաղն
առավոտյան հայտնի կլինի:

— Իսկական պետական խորհրդական: Ահա այս ձեռքե-
րով, ամեն ինչ ինքս: Առավոտյան ութից մինչև դիշերվա տաս-
ներկուսը: Իսկ ինձ ի՞նչ են տալիս դրա դիմաց: Հրեն երեկ
նորից կես ֆունտ վորլա, մեկ էլ մի ֆունտ ժելատին տվեցին:
Ժելատինն ինչի՞ս է պետք: Պլանով է հասնում: Կավ: Իսկ եթե
պլանով կարթեր հասնե՞ն: Ասենք, ամեն քաղաքացուն եր-
կուական կարթ: Ի՞նչ կհրամայեք անել: Հիմարութուն...
Ասում եք Ալեքսեյից նամա՞կ եք բերել: Նա ինչպե՞ս է... Ահա
սուրճը: Հաց ես...

— Ես հաց ունեմ, — ասաց Ստարցովը, — սպիտակ, Սեմի-
դովի հաց:

— Այնտեղ ալյուրն ի՞նչ արժե:

— Ահա նամակը, — ասաց Ստարցովը:

Կարդալիս Սերգեյ կվովիչը քիթը վեր էր քաշում, և պենս-
նեն վերին մասով դանդաղ թեքվում էր դեպի թուղթը: Սերգեյ
կվովիչը շարունակ ավելի էր գլուխը տնկում, ու նրա դեմքը

գնալով պվելի նեղանում ու մեծամիտ արտահայտութիւնն էր ստանում:

— Ամուսնացել է,— բացականչեց նա մատները խփելով նամակին:— Ամուսնացել է դերասանուհու հետ: Պատկերացնում եմ:

Նա պենսնեն ուղղեց և աչքերով որոնեց այն տողը, որտեղ կանգ էր առել: Հետո նամակը գրեց գրքի մեջ, արմունկներով հենվեց սեղանին և հայացքը հառեց հյուրի աչքերին:

— Իհարկե, իհարկե: Այ թե հիմա ինչ երեխաներ են: Առաջ վաճառականներն էին այսպես գրում. պատիվ ունենք հաղորդելու, որ հավասար իրավունքներով մեր առևտրական տան մեջ է մտել Իվան Իվանովիչ Միդորովը: Խնդրում ենք ձեզ մտ հաշվի առնեք նրա ստորագրությունը: Իսկ հիմա այդքանն էլ չկա, հաղորդում եմ, որ ձեր ազգանունը պետք է կրի մի երգչուհի: Նույնիսկ անունն էլ չկա՝ Դարյա՞ն է, Մարյա՞ն թե՞ Ագրաֆենա: Ստանան գիտի:

— Նրա անունը Կլավդիա է... հայրանունը... մոռացել եմ,— ասաց Ստարցովը:

— Իսկ ազգանունը: Մի որևէ Կուլտյայկինա, բեմական անունով՝ Ռազդոր-Չապուսկայա, էնժենյու-գրամատիկ համր և անշարժ դերերում... Ասենք, մի՞թե միկնույն չէ: Միկնույն չէ՞ արդյոք, հարցնում եմ ձեզ, հը՞:

— Ինչո՞ւ:

— Որովհետև հիմա ամեն ինչ գրողի ծոցն է գնացել: Ամեն ինչ: Հիմա ես ու դուք իսկական շիլա ենք մի հրեշի փորում: Մեզ մշակում է ստամոքսահայտիքը, հետո կսողանք աղիքներով, տասներկուամտնյա աղիքով, բարակ, հաստ աղիքներով և ուղիղ աղիքով: Ահա թե մենք ինչ ենք:

Սերգեյ Լվովիչը գրպանից հանեց սախարինի աուփիկը, գդալի ծայրով մի փոքրիկ սպիտակ հաք վերցրեց, գցեց իր բաժակի մեջ: Մի պահ մնաց անշարժ: Հետո աուփը մեկնեց Ստարցովին:

— Շնորհակալութիւն, սովորել եմ առանց բազցրի:

Սերգեյ Լվովիչը աուփը խնամքով փակեց և անսպասելի, երեխայի նման միանգամից արտասվեց.

— Ասում եք, ինչո՞ւ է միկնույն: Դե ես Ալեքսեյի ի՞նչ պետքն եմ: Դեռ լավ է, որ հայտնեց: Թե չէ կարող էր մի գե-

ղեցիկ օր չորս փսլնքոտի ուղարկել մոտոս մի դրութիւն տված, թե՛ թանկագին հայրիկ, ուղարկում եմ ձեզ ձեր թոռնիկներին, խնամեցեք, ինքս մեկնում եմ ճանապարհորդութեան: Կարծում եք, նա օդաչու այդպես շղարձավ: Մի անգամ հայտնվեց ու ասում է. «Մնաք բարով, գնում եմ ուղմաճակատ, կարող է գլխիս փորձանք գա, էլ չհնք տնանվի:— Գլխիդ ի՞նչ փորձանք պիտի գա, երբ դու ուսաստանյան ծառայութեան միլման ես»: — «էհ, պատասխանում է, ուշացել եք: Ես արդեն կես տարի է թոնում եմ հիլորուպանով, իսկ հիմա նշանակված եմ հրահանգիչ ուղմաճակատում»: Հորն ինչ էր մնում անել: Թրհնութիւն տալ: Իսկ հիմա ի՞նչ կհրամայեք անել: Թրհնել նրան և իր Կուլտյայկինային, Ռազդոր-Չապուսկայային: Միկնույն է, նա թքել է դրա վրա, կուզես օրհնի, կուզես՝ ոչ: Սա դեռ բախտավորութիւնն է, հավատացեք ինձ, բախտավորութիւնն է: Մի ուրիշ որդի ունեմ, կրտսերը...

Սերգեյ Լվովիչը հանկարծ վեր կացավ, ձեռքը բարձրացրեց ու բղավեց նայելով մի անկյուն.

— Հրաժարվում եմ: Աստծո և մարդկանց առջև հրաժարվում եմ: Երկրորդ որդի չունե՞մ: Կար, բայց մահացավ, փոսեց, դարձավ փոշի, անհետացավ, կործանվեց, մահացավ...

Նա փվեց բաղկաթոռին, գլուխը խփեց սեղանի ելքին, հեծկլտաց, նորից գլուխը խփեց, ցնցվեց:

— Կործանվեց կյովոչկան, կործանվեց... Ստոր սրիկա, սրիկա... Բուրովիչն կործանվեց...

Ստարցովը վեր կացավ, շրթունքները շարժեց, նստեց, կրկին վեր կացավ: Իսկ Սերգեյ Լվովիչը գլուխը թափահարեց ու հանկարծ հանգիստ.

— Սրիկան շարժե նույնիսկ որ հիշեմ, ոչ թե արտասուք թափեմ: Այ թե ինչու եմ ասում, որ հիմա ամեն ինչ գրողի ծոցն է գնացել: Երեխաները դարձել են դավաճան, իսկ հայրները դաժանացել են: Ոչ ափսոսանք, ոչ արտասուք, ոչ սիրտ, դաժան ու սառը, ահա ինչպես այս սալը: Այո, ձեզ, օտար մարդու, ես հանգիստ սրտով ասում եմ, ինչպես զեկույց են գրում պետերին. իմ տղան՝ Լեք, գող է: Ոչ թե փոխաբերական իմաստով, այլ ուղղակի, իսկական գող: Հորը թալանեց, մորաբորոքը թալանեց, ծանոթներին թալանեց: Երեկ քրեական հետախուզութիւնից եկել փնտրում էին նախկին ազնվական-

նի որդի և Շչեպովին, որը բռնվել է գողութեան մեջ: Ժամացույց է գողացել, երեք կոստյում, սպիտակեղեն, ջրարջենու մուշտակ, արծաթե գդալներ: Գոանս երեք փականք էի արել: Ամեն օր գողություն էր լինում: Տանս դարան սարքեցի, երբ ծառայության էի գնում, պահարանի մեջ գաղտնի գործակալ էր նստում: Երեք օր նստում էր: Իսկ հետո թթի տակ ծիծաղելով ասում է ինձ. ընկեր Շչեպով, ներեցեք, բայց այստեղ տանու մարդ է: Այն ժամանակ ես և՛ ինչ այտակ տվի, դուրս արեցի: Նա գնաց մորաքրոջ մոտ գիշերելու և նրան թալանեց: Ահա այս բոլորը ձեզ եմ ասում, օտար մարդու: Լեք իմ որդին՝ չէ: Քոսի պես տառապեցրեց, ու պրծա: Ինչպես ուրիշ մարդկանցից, նրանից էլ պրծա. հիմա մարդիկ ինձ համար գողեր են, դավաճաններ, սրիկաներ:

Սև պատուհանի տակ խուլ շխկշխկում էր ջրատար խողովակի պոկված երկաթը: Թիթեղյա վառարանի խողովակի նեղլիկ կափույրը մտահոգ դրնգում էր առաստաղի վրա ինչոր տեղ: Քամին մերթ այն դուրս էր քաշում, մերթ ներս հրում: Սերգեյ Լվովիչը բաժակի մեջ թեյի գդալով սախարինն էր խառնում:

— Նա ինչ է, սովետական կարգով է ամուսնացել:

— Չգիտեմ: Կարծում եմ՝ այո, — պատասխանեց Ստարցովը:

— Այդ դեպքում աստված նրա հետ:

Ստարցովը ծիծաղեց: Սերգեյ Լվովիչը նրան նայեց արագ, աչքերը նեղացրած, պրպտող հայացքով, ասես նոր միայն հիշեց, որ պետք է վննել հյուրին:

— Անդրեյ... Ձեր հայրանունն ինչպե՞ս է:

— Գեննադիևիչ:

— Դուք գործով եք այստեղ եկել, Անդրեյ Գեննադիևիչ:

— Ես զորահավաքի եմ ենթարկված: Եկել եմ այստեղի բանակը:

Սերգեյ Լվովիչի հայացքը թուավ դեպի մթերքների կիսաբաց պահարանը:

— Ես ձեզ կհրավիրեի ինձ մոտ գիշերելու... Ահա Ալեքսեյն էլ խնդրում է նամակում... Միայն թե սենյակում երկու աստիճան ջերմություն է... Վառում եմ միայն մի փոքրիկ խցում...

— Ռչինչ, կծածկվեմ...

— Գե, եթե չեք վախենում...

Ստարցովը պառկեց կաշվե բաղմոցին, ուղղակի շորերով, այնպես, ինչպես պառկում էր այդ բոլոր գիշերները՝ տաքացվող ապրանքավազոններում, կայարաններում, Մոսկվայի զորանոցում. պառկեց շինելով, սապոգները հագին, ուսապարկը դրած գլխի տակ:

Սերգեյ Լվովիչը տնտղեց մթերքների պահարանը, բանալիով փակեց, նիկելապատված փոքրիկ կողպեք կախեց, թեև տակ դրեց «Տիկին Գյուստնի ընտրյալը», ձեռքն առավ «էկոնոմիա» լամպիկը և գնաց ննջարան: Այնտեղ, գլխավերև, փոքրիկ սեղանի վրա ժամացույցն է, սաղափապատ վառիչը, պենսնեի ծածկոցը, «Տիկին Գյուստնի ընտրյալը», արծաթի ծխախոտատուփը՝ փորագրված անվանատառերով և մի փոքրիկ կտոր, ընդամենը մի պստիլի քառակուսի՝ հին, նախապատերազմյան շոկոլադ: Վերմակը ծրարի պես հարմարեցնելով և մեջը մտնելով, Սերգեյ Լվովիչը հառաչեց, ձեռքերը առաջ մեկնեց և մի պահ աչքերը փակեց: Հետո, արդեն կերպարանափոխված, դանդաղորեն բերանը տարավ շոկոլադի քառակուսին: Նորից աչքերը փակեց: Հետո ծխեց, ծուխը խոր ներքաշեց և կողքի շրջվելով, սեղանից վերցրեց գիրքը:

Պատուհանի ետևում պոկված երկաթի համաչափ զնգոցն այստեղ հաղիվ էր լսվում:

Խ ր ա մ ա տ ի պ ր ո Ֆ և ս ո Ր Ր

— Լսեցեք, լսեցեք, բախում են:

Ստարցովը փորձեց աչքերը բացել: Կոպերը ծանր էին, ինչպես ցինկապատած սնդուկի կափարիչը:

— Անդրեյ Գեննադիևիչ, բախում են:

Առանց շարժվելու, Ստարցովն ասաց.

— Հետո ինչ:

— Մտածում եմ, որ եթե խուզարկություն է...

Եվ դարձյալ Ստարցովը նույն կերպ արտասանեց.

— Թողեք, թող...

Նա լսեց, ինչպես տուֆլիները շտապով քստքստացին հա-

տակին: Շարժվեցին, շարժվեցին: Կանգ առան: 'Իարձյալ
քստքստացին: Մոտ, ավելի մոտ:

— Անդրեյ Գեննադիևիչ, չէ՞ որ դուք գրանցված չեք:

— Փաստաթղթեր ունեմ: Կբացատրեմ...

Պատերի վրայով թնդաձայն հառաչ դլորվեց: Տուֆլինները
շտապեցին: Սակայն անմիջապես, ասես մի պտույտ քստաց-
նելով, նորից շմփացին ուղղակի ականջի տակ:

— Իսկ եթե հարձակում է... Թալանչիները... գիտեք...

— Մաուզեր ունեմ,— ասաց Ստարցովն ու աչքերը բա-
ցեց:

Սերգեյ Լվովիչը կանգնել էր նրա առջև մուշտակն ուսերին
պցած, մինչև ծնկները հասնող երկար գիշերանոցով և տրիկո-
տածն խունացած վարտիքով, որ կիպ կպած էր նիհարիկ
սրունքներին: Չեռքին դողդողում էր լամպիկը, լույսի փոք-
րիկ, շերմ ճառագայթներ պցելով մերթ կզակին, մերթ քթին, և
Սերգեյ Լվովիչի դեմքը մեկ թվում էր ճարպոտ, մեկ տարօրի-
նակ կերպով նիհար:

— Իսկ թույլտվություն ունե՞ք,— կամացուկ հարցրեց նա:

Պատերն ավելի թնդաձայն հառաչեցին: Սերգեյ Լվովիչը
նետվեց դուռը բանալու: Անորոշ ձայները միահյուսվեցին և
գողոացին սենյակներում: Հետո հանկարծ անշատվեց մի լա-
լագին, բարալիկ ձայն:

— Օրական տասնվեց ժամ աշխատում եմ: Վեց ժամ՝ պաշ-
տոնավայրում, վեց ժամ՝ տանը և շորս ժամ էլ հերթերի եմ
կանգնում, հետո էլ հերթապահություն, աշխատապարհակ: Ես
հիսուներկու տա...

Մեկը հեռվից և խուլ ձայնով, ասես կացինը խփեին դա-
տարկ տակառին:

— Քաղաքացի, մի ուշացրեք...

Մուշտակն ընկել էր Սերգեյ Լվովիչի ուսերից, և նա աշխա-
տում էր այն մի ձեռքով բռնել, շուտամոտ գալով իր պողո
որսացող ջահել, անշնորհք գամփոփ նման:

— Գիշերվա կեսին գրողի ծացն են ուղարկում խրամատ
փորելու: Դանակը մարգու բլին դեմ աված: Բավական չէ կեղ-
տահորեր ենք մաքրում, փայտ ենք ջարդում, գրողը տանի,
հերթերի ենք կանգնում... Ժելատինի համար հող փորե՞ս:
Ախր ինչիս է պետք...

— Հիմա ժամը քանի՞սն է,— հարցրեց Ստարցովը:

— Երեքը: Գիշերվա երեքը: Մի՞թե...

— Գիտե՞ք ինչ: Ես կգնամ ձեր փոխարեն: Արդեն քունս
առել եմ:

Սերգեյ Լվովիչը լամպիկը մոտեցրեց Ստարցովի դեմքին:

— Գնացեք ասացեք, որ ձեր փոխարեն ուրիշ մարդ է
գալիս, ավելի երիտասարդ և...

— Ավելի ուժեղ, իհարկե, ավելի ուժեղ: Այ թե ինչ ուսեր
ունեք,— խոսքն շտապով շարունակեց Սերգեյ Լվովիչը:

Նա այդ բառերն արտասանեց արդեն քայլելով, մուշտակն
իրար վրա բերած դեպի դուռը սլանալիս:

Հյուրին ճանապարհ դնելով, ազնվորեն և սրտաշարժված
մազթանքներ էր շոսալում:

— Ցանկանում եմ ձեզ, ցանկանում եմ... Համեցեք: Եթե
այնտեղ ուշանալու լինեք, եկեք գիշերելու, նույնիսկ ապրելու:

— Չէ՞ որ ես բոլորովին մեռնակ եմ: Շատ ուրախ եմ...

Արդեն դռան մոտ նա բռնեց Ստարցովի թևից, բարձրա-
ցավ ոտքերի ծայրերին ու շնչաց:

— Նրևում է, այնտեղ վատ է:

— Որտեղ:

— Դե այնտեղ...

— Կգնամ կտեսնեմ,— պատասխանեց Անդրեյն ու սան-
դուղքով վար նետվեց դեպի մթությունը:

Բակում, մրոտած լապտերի պղտոր լույսի տակ անվանա-
կանչ էին անցկացնում:

— Բնակարան քսանյոթ:

— Այստե՞ղ եմ,— բղավեց Անդրեյը:

Եվ խուլ, ինչպես կացնով հարվածես դատարկ տակառին,
հնչեց մի ձայն:

— Վարձել է:

Հետո մութ զանգվածը Անդրեյի առջև տնկվեց, ծածկեց
լապտերը և նույն ձայնը հնչեց նրա գլխավերևը:

— Փաստաթուղթդ...

Թաց, խուլ թունելը, ցրտի սև երախը լցվեցին համր,
խոնաված երամակով: Նրկաթի թեփի վրայով, ինչ-որ տեղ
գլխավերևում, կալի վրայի շղթաների նման դիսկոկոկում էին
արագ քայլերը: Օձիքները բարձրացրած, ձեռքերը թևերի

մեջ քաշած, մեջքները կորացրած, դեմքները դետնին հառած, հայացքը ոտքերի տակ՝ առաջ, միշտ առաջ, անպայման առաջ, միայն առաջ՝ դեպի ցրտի սև երախը:

Եվ հանկարծ՝ մեջքներին, ծոծրակներին, վզներին, ոտքերի տակ՝ քթերով, փորերով, ծնկներով բռթբռթում են իրար, բոլորը, բոլորն անխտիր: Եվ առջևից.

— Կանգ առ, կանգ, կան-ն-ն...

Կամաց-կամաց, շոշափելով, աչքերը կկոցելով, արմունկները, ձեռքերը, մատները՝ առաջ, դեպի կողքերը, դեպի ետ տնկելով, բազմութունն սկսեց ցրվել աջ ու ձախ: Իսկ առջևից.

— Գ-գրողը տանի: Դեմ առանք:

— Տե՛ր աստված, ախր ո՞ւր էիր ճխտվում:

— Դե, ընկերն է տանում, ես էլ մտածում էի, թե ճանապարհը դիտի...

— Աքաղաղներն են մտածում... Վա՛յ փեշերս պոկվեցին վրայիցս:

— Դուք ինքներդ...

— Հա՛-հա՛...

— Քաղաքացիներ, ձախ կողմով, ահա լուցկու լույսի կողմը, այստեղ:

— Կոիվ շարած, վիրավորվել ենք:

Շրջանցում էին կույրերի նման, ոչ թե երամակով, այլ մարդկային բազմությամբ, մարդկային ծիծաղով, մետաղալարի մեջ խճճված, խղճուկ փայտե իշոտնուկ: Լուցկիներ էին շրթացնում, վառիչներից սպիտակ կայծեր էին կորզում բամուռնի զվարճություն:

Անկյունադարձին, հեռվում հանկարծ լուսնի լույսով լուսավորվեց ժամացույցի թվատախտակը: Այն հարթ էր, մաքուր, հստակ, շրջապատված պիշերվա անսահման մթությամբ, լուսավորվում էր, առանց լույս տալու, և ցույց էր տալիս ութից տասնհինգ պակաս:

Այդ թվատախտակի շնորհիվ մարդիկ ավելի կայտառ քայլեցին և աղմկում էին անդադար:

— Շատ տարօրինակ ղուգորդություններ են լինում,— լսեց Ստարցովը. կամացուկ մի ձայն: Նա ուշադիր նայեց. մթության մեջ: Կողքից, արագ-արագ քայլում էր փոքրիկ մի սովեր, հաղիվ մինչև իր ուսը հասնող հասակով:

— Շատ տարօրինակ: Ես մի ծանոթ ունեմ, թանգարան պահող: Տասնութերորդ դարի մանրանկարների միակ հավաքածուի և մանրանկարչության պատմության գրադարանի տերը: Հիմա, իհարկե, կարիքի մեջ է, վաճառել է կահույքը, զանազան իրեղեն, մանր-մունր բաներ: Հասել էր ծայր աստիճանի. արդեն պետք է վճարե առաջ ո՞րը ծախի՝ մանրանկարները թե գրադարանը: Հիշում եմ, տանջվեց, տանջվեց ու սկսեց գրադարանից: Եվ գիտե՞ք ինչ, այդ օրից ամեն ինչ ստացավ, մոռացավ այն ամենը, ինչ գրքերում կար, ամեն բան՝ ժամանակագրություն, դարաշրջաններ, ոճեր՝ ամեն ինչ: Նայում է միայն իր մեղալիտներին՝ ճենապակի և արծնապակի, ժպտում է, պայծառանում՝ և վերջ: Ու ինչ էլ փորձում է հիշել, բոլորը խառնում է:

— Դուք ի՞նչ ղուգորդության մասին եք ասում,— հարցրեց Անդրեյը:

Կամացուկ ձայնը՝ անթափանց խավարի միջից, մարդկանց ղժժոցի, երկաթաթեփի շշուռնի միջից, ասես ներդուրծուն հայցելով, ծիծաղեց ինքն իր վրա:

— Ոչինչ, էլեկտրական ժամացույցի մասին եմ ասում: Ահա դեռ փայլփլում է, ու թվում է, թե դեռ ժամացույց է, իսկ սլաքներն արդեն կանգնել են, կանգնել մնացել, բոլորովին շեն շարժվում: Փայլփլում է, բայց կմարի, անպայման կմարի...

— Դատարկ բան է,— հանկարծ դուրս թռավ Անդրեյի բերանից, և իսկույն հիշեց, որ այդ խոսքն իրենը չէր, որ Գոլոսովն այն այլ կերպ էր արտասանում:

— Ժամացույցը հենց կաբելի վրա է, դրանից է վառվելու,— լսվեց ետևից:

Կանգ առան այն նույն սառը երախի մեջ, թվում էր անտեղի, թվում էր կարելի էր կանգ առնել շատ ավելի առաջ, և կարելի էր նաև էլի գնալ: Կարմրագույն լույսը բո՛ր միջից դիպավ կնճիռներով ակոսված, շեշտ լայն երեսին: շեշտ դեմքի տեղում կարմրին տվեց ծխախոտի կրակը: Կրակին մոտեցավ թևքը, կրակը թեժացավ, լուսավորեց ժամացույցի փոկը:

— Տասն է պակաս,— հառաչեց զանգվածը: Ինչ-որ տեղ տրտնջաց խավարը, ճանապարհը ցնցվեց,

երկրաց. մի երկու հարյուր քայլի վրա գետնից դուրս ցցվեց սպիտակ վանդակատունը, նրա կողքին՝ փլատակներ, սառը մեռած լուսարձակի դողացող լույսի տակ, հետո արտունջը վերածվեց աղմուկի, ղուվոցի, որոտի, դրդոցի և հետո, սավանի պես փովելով տների վրա՝ եկեղեցուց, փլատակների վրայով, տնից տուն, որքան հեռանալով, այնքան արագ, լույսի ուղղակի, աչք ծակող փողը խփեց երեսներին և կուրացրեց:

Պղրդացող, լեռան նման բեռնատարից, ճայթյունն ու ցնցումը հաղթահարելով, զիլ ձայնով բղավեցին.

- Բ-քանի՞ հոգի են:
- Երեսուն:

Պղրդոցով, զնգոցով գետնին թափվեցին բահերը, վեր-վեր թռչելով սալարկի վրա:

- Տասնչորս: Տո՛ւր, է՛լ-լի:
- Բավական է:

Ու նորից գետինը ոտքերի տակ երերաց, նորից մեռյալ-սառը լուսարձակը ճանկեց տները, փլատակները, ցանկապատերը. հետո սև խորխորատը միանգամից շրջվեց ու կիպ փակեց մարդկանց, և բոլորը կուրացան:

— Բաժանվեցեք երկու մասի:

Փլատակների վրա էին բարձրանում խումբ-խումբ, իրար ձեռք բռնած: Այնտեղ սկսեցին լուցկիների վերջը տալ՝ գեղաններ էին որոնում: Չգիտես ինչպես, ամեն կողմից ծպեղներ, փայտեր, տախտակ, բազդատիներ, շրջանակներ էին հավաքել, մոտ զլորեցին մի թաց գերան: Երկու ծայրերին, որ ծածկել էին ծպեղներով, խարույկներ վառեցին:

Թնդաձայն կոկորդը անհամբեր որոտաց.

- Հը, ի՞նչ եք ասում, քաղաքացիներ, վեր կենա՞նք:

Այն ժամանակ մեկի մեծ ձեռքը, խարույկների ազոտ լույսի տակ դողողալով, ծանրորեն բարձրացավ դեպի ճակատը, իջավ փորին, մի ուսից մյուսը նետվեց և հանգիստ ձայնը կանչեց.

- Տեր ընդ մեզ, ընկերներ:

Եվ ահա մի երկու տասնյակ մեջքեր դանդաղ հակվեցին գետնին:

Յուցանակներից սարքված ցանկապատի մոտ, որտեղ անցավ հերթափոխը, սալարկը շարդուփշուր անելով, դղբողում ու խշխշում էր երկաթը: Անդրեյը կոճակներն արձակեց, ձեռքով սրբեց քրտնած վիզը, նստեց ասֆալտին: Իրեն փոկով կապկպած կիներ, անճարպիկ, գեր, փնչացնելով, ժանգոտած թիթեղի կտորով քերելով ափերի վրայի կպչուն ցւխը, հարցրեց.

- Հը, պրոֆեսոր, քարեր շուռ տալը ո՞նց է:

Մեկը, որ հասակով Ստարցովի ուսից կլինեք, ճմլկոտաց, ասես քնից արթնանալով, և ծիծաղեց.

— Գիտե՞ք ինչ՝ լավ է: Չեմ կարող ձեզ ստույգ հաղորդել, թե ինչ դպցում ունեմ: Երբեմն այնպես զնում ես փողոցով, պատահաբար գլուխդ բարձրացնում ես, և հանկարծ՝ երկինք: Այնպիսի մի զարմանք է պատում հոգուդ: Տարիներով շես տեսնում, շես նկատում, ասես ոչինչ չկա: Մեկ էլ հանկարծ առնչվում ես: Բանից պարզվում է՝ երկինք է... Ահա այդպես էլ...

- Պարզվում է՝ աղբ է:

— Միանգամայն ճիշտ է՝ աղբ է, ցեխ: Իսկ դիպչում ես՝ ուրախություն է:

— Ես կհասկանայի, եթե ասեիր՝ պաթոս է,— լավեց կերկերուն, հեացող մի ձայն:

- Գևը, անճարպիկ կիներ գլխի ընկավ:

— Այո՛, այո՛: Փետրվարին բարիկաղներն իրենք իրենց էին սարքվում: Իսկ հիմա՝ զորանոց է:

— Եվ կարևորը ի՞նչ ենք պաշտպանում: Ավերելու իրավունքը:

- Ավերելու,— արձագանքեց ետևում:

- Ավերելու,— ծփաց առջևում:

— Պաթոսը,— ասաց պրոֆեսորը հայացքը սևեռելով Անդրեյին,— պաթոսը՝ մոլուցք է: Չի կարելի, որ ժողովուրդը տարիներ շարունակ մոլուցքով բռնկված մարտնչի:

- Իսկ ինչո՞ւ պետք է մարտնչի:

- Պրոֆեսոր, չէ՞ որ կուլտուրան...

- Կուլտուրան,— արձագանքեց ետևում:

- Կուլտուրան,— ծփաց առջևում:

Եվ դարձյալ, ասես ինքն իր վրա ծիծաղելով, պրոֆեսորը արդարացալով.

— Գիտե՞ք ինչ, պատմութիւն ուսումնասիրելիս ես չկարողացա հայտնաբերել այնպիսի մի դեպք, երբ որևէ գաղափար անհետ կորած լինէր ակադեմիայի, քաղաքի կամ պետութեան փլատակների տակ: Չկարողացաւ եւ միանգամայն հանգիստ եմ կենսաբանութեանը, պատմութեանը, արվեստին, ֆիզիկային, ընդհանրապես մարդկութեան կուտակած գիտելիքներին հիմա ոչ մի վտանգ չի սպառնում:

— Գաղափարներ կարող են հղանալ միայն մարդկութեան մեջ: Իսկ մարդկութիւնը դատապարտված է փոխադարձ բնաջնջման:

— Բնաջնջման, — արձագանքեց ետևում:

— Բնաջնջման, — ծփաց առչեց:

— Ես այդպիսի բան չեմ տեսնում, — առաջարկեց պրոֆեսորը:

— Ինչպե՞ս թե, — հարցրեց Ստարցովը, — հապա ժամացույցի մասին ասվածը:

— Ի՞նչ ժամացույց:

— Այն, խաչմերուկինը: Փայլփլում է, բայց կմարի, անպայման կմարի...

— Թանգարան պահողի մասին: Բայց չէ՞ որ դա զղացում է, մարդկային զգացում: Պարոնայք (պրոֆեսորը բացականչեց՝ պարոնայք, սակայն դիմեց միայն Անդրեյին և խոստում էր մտերմիկ կշտամբանքով), Ո՞վ կարող է ծխել, որ մեղ համար ցավալի է տեսնել սեփական մահը:

— Մահը, — ձայնակցեց հետքը:

Տուցանակներից սարքված ցանկապատը դղրդաց և ունաց, խլացնելով կամացուկ խոսակցութիւնը: Խարույկները մարեցին, հետո մի պահ մարդկանց ողողեցին կարմիր բոցով և հավասարաշափ գետնահարեցին կրակը:

Հողաթումբը բարձրանում էր ամբողջ խրամատի երկայնութեամբ, մայթից մայթ, լայնակի ուղիղ գծով: Երբ խրամատ էր մտնում հերթափոխը, բահերը շարժվում էին դանդաղ, թույլ, հողը թմբից ետ էր լցվում փոսի մեջ, Հետո պինդ հողակոշտերը ուժեղ կարկուտի նման հողաթմբի վրայից զլորվում էին դեպի խարույկները, լցվելով ջարդուփշուր

եղած գետաբարերի վրա: Բահերի ցեխոտված երկաթը ժլունգում էր հողին դիպչելիս, ինչպես գերանդիները շաղոտ մարգագետնում, մարդիկ կրակ էին կտրում և շարացած աշխատում:

Առաւոտյան ժամը վեցին այն ձայնը, որ թնդում էր, ինչպես դատարկ տակաոին կացնով հարվածելիս, թռավ խրամատի մեջ, աչքով շափեց հողաթումբը, քայլեց ծայրից-ծայր, հետո բարձրացավ սալարկ ու սրտաց:

— Բավական է, քաղաքացիներ: Ենորհակալութիւն:

— Այսպես ասած, հանրապետութեանն է շնորհակալութիւն հայտնում, — արտասանեց հետքը:

Մեկը ծղրտալով հառաչեց.

— Տե՛ր ասոված:

Իրենց թափ էին տալիս, մաքրում, ցեխը բերում, բաժանում էին ծպեղների մնացորդները, ծխացող խանձողները հանգցնում ջրափոսերի մեջ, ծիծաղում. գիշերային խավարի վերջին ժամը ոտնակոխեցին աղմկոտ լամբով:

Ստարցովը շատ առաջ էր անցել: Նրա ետևում ձայները մարել էին, քաղաքը խստաշունչ լուսթյամբ էր արձագանքում նրա քայլերին:

Հանկարծ նա իր առչեում խրոխտալի երգի պատասիկներ լսեց: Ուշադրութիւնը լարեց, քայլերն արագացրեց, քայլելով միայն ներբանների վրա:

Փոքրիկ ուրվապատկերը, որ հագիվ նրա ուսին էր հասնում, ձեռքերը դրած խոր գրպանները, ամբողջապես կծկրված և վերարկուի մեջ քաշված, սալաքարերի վրա էր դրոշմում իր արագ, պստիկ քայլերն ու վճռականորեն մըռմըռացնում:

Aux armes, citoyens!

Ստարցովը ձայնակցեց.

Formez vos bataillons!

Պրոֆեսորը թափով կրնկի վրա շուռ եկավ, մի տեսակ թռչնավարի Ստարցովին հառեց ածխիկ-աշուկները, կտրուկ բացականչեց՝ «Օ՛, դո՛ւք եք» — և իսկույն նրան թևանցուկ անելով, երգի ուրիշով նրա թևը քաշելով, կարծես ուղում:

էր Ստարցովին խթելով զգաստացնել, կարծես ուզում էր աշխուժացնել, եռանդ ներշնչել, գրեթե բարձր ձայնով շարունակեց.

Marchons, marchons...¹

Եվ խորիսա, երթային, խանդավառված զընգուն փոքրիկ բայլեր էր դրոշմում թաց սալաքարերին:

Այսպես ամայացած, խոնավ, երկաթե թեփուկ թափող քաղաքում, գիշերային խավարի այդ վերջին ժամին քայլում էին երգելով մի երգ, որին հավասարը չկար: Եվ երբ երգը վերջացավ, մեկն ասաց.

— Մարդ մի անգամ էլ ծնվեր, մի անգամ էլ, տեր աստված: Հարյուր տարի հետո: Որպեսզի տեսնի, թե ինչպես են մարդիկ լալիս այս տարիների անունը տալով միայն, որպեսզի բռնե տեղ երկրպագի դրոշի փտած կտորը, կարդա Բանվոր-Գյուղացիական կարմիր Բանակի շտաբի օպերատիվ հաղորդագրությունը: Ահա խնդրեմ՝ նայեցե՛ք, նայեցե՛ք՝ քամին պոկում, անձրևով ողողում է ցանկապատին խմորով կպցրած թեթե՛ք: Բայց չէ որ հաբուք տարի հետո այս թղթի մի կտորը, մի մասնիկը մարդկությունը կպահի որպես մասունք. որպես սրբություն սրբոց... Հարյուր տարի հետո ծնվես և հանկարծ ասես՝ իսկ ես ապրեի եմ այն ժամանակ, այն օտարիներին: Եվ մի անգամ, խոնավ, ցուրտ մի գիշնր Պետերբուրգում, Պետրոգրադում, Պիտերում խրամատներ եմ փոքել ահա այս ձեռքերով, քայլել եմ ամայի փողոցով, քաղաքով: որ մասնում էր և կուլում, կուլում էր և մահանում: քայլել եմ կարմիր Բանակի մի գլխավորի հետ թևանքով ահա այս. ահա, ահա՛ նայեցե՛ք, ահա այդ ձեռքով այսպես սալե՛լ եմ կարմիրբանակայինին: Չէ՞ որ դուք կարմորանակային էք:

— Ես գնում եմ... Այսինքն... Ես պետք է այսօր նշանակում ստանամ...

— Գուց թերևս դեռ տեսնեք... Ես, իհարկե, կենդանի չեմ մնա. ուղիքան չեմ դիմանա: Փորի, մամոնայի, գազանի համար հալա ծանր է: Եթե դուք պատկերացնեք, թե երբեմն

¹ զեն քաղաքացիներ
հաստ քաղաքացի քաղաք

Հաստ 2 հաստ 2... (Չորանա.)

որքան ցավալի է, ուղղակի լացդ գալիս է, գիտե՞ք: Գուցե ծերություն է: Այո, ծերություն է: Ահա և... Թույլ տվեք ձեզ...

Հանկարծ պրոֆեսորը հայտնվեց Ստարցովի դիմաց, մի ձեռքով գրկեց նրա ծոծրակը և դողացող շրթունքներով երեք անգամ համբուրեց նրա այտը:

— Ես պետք է ձախ թեքվեմ: Չնեղանա՞ք: Հաշողություն:

Եվ անհետացավ փողոցի անկյունում:

Անդրեյը կանգ առավ:

Տաք օրն այրեց նրա դեմքը՝ այնքան որոշակի, այնքան զգալի, որ նա ցնցվեց: Հիշողությունն անսպասելի էր և նրան շփոթեցրեց: Այն ամենից, ինչ տեղի ունեցավ Սեմիդոլի կայարանում, ինչ պատահեց այս հրաժեշտի վերջին օրը, միայն մի բան, մի աննշմարելի փոքրիկ զգացում էր պահպանվել հիշողության մեջ: Մնացյալը միախառնվել էր, մի կծիկ դարձել:

Մթնշաղ, խառնիխուռն ձայներ, պլակատներ և դրոշակներ, ծալած, որպեսզի հարմար լինի, հրմշտոց կայարանի նեղ կառամատույցում: Ոտքերի տակ բղավոցներից երեքացող ճաճոսն արկղ, հետո գործնական, շտապ համբույրներ ընկերներին, նրանց դեմքերը՝ մի տեսակ ամաշող, մեղավոր, հետո այդ վազը սև, խառնիխուռն ուղիներով և ճանապարհ դեպի քաղաք, միայնակ և երկար ճանապարհ: Եվ այդ ամենը՝ մի պինդ կծիկ դարձած, ետ վանվեց հստակ, աննկուն կամքով. այո, կամքով, ցանկություն, ցանկությամբ ևս մեկ անգամ ունենալու այն զգացումը, կատարյալ աղատության այն զգացումը, որ տիրել էր դաշտում, Մանշինի մոտերքը. մարմին շունենալու զգացումը:

Սակայն ահա թե ինչը խաթարեց կամքի անընդմիջելիությունը, ինչը ձուլածո գնդակի նման մի կողմ նետեց այն ամբողջ օրը, Սեմիդոլում անցկացրած վերջին օրը, և ահա թե ինչն այդ օրը դարձրեց հրածեշտի օր.

Յուրտ գիշեր էր: Երկինքը արտասովոր բարձր, և աստղերն էլ երկնքում մեռած էին: Կայարանի առջևի հրապարակը ոչ թե ընկած էր ինչպես միշտ որպես ա-

մայի տարածություն, այլ տարածվել էր անապատի նման: Ձին շարժում էր ոտքերը, կառապանական երկանիվ կառքը աչ ու ձախ էր թեքվում: Սակայն առաջանալու, շարժման զգացում չկար: Հանկարծ գիշերվա մեջ աննշմարելի մի մարմին թռավ կառքի ոտնակին: Ձին կանգ առավ:

— Ռի՛տա,— բղավեց Անդրեյը:

— Ուզում էի, ոչ ոք չտեսնի,— շնչակտուր ասաց աղջիկը: Հետո փարվեց նրա պարանոցին, սառցասառն շուրթերով սեղմեց նրա բերանը, սառը թափթփված մազերը դիպան նրա դեմքին, պարանոցին, ձեռքերին, և այս աշնանային գիշերվա, շուրթերի և մազերի սառնության մեջ անսպասելիորեն տաք այրեց.

— Գնաս բարո՛վ:

Նա պետք է մի բան բղավեր, որովհետև ճիշդ կանգնել էր կոկորդում, որովհետև Ռիտան կառքից պոկվեց ու փախավ գիշերվա մեջ, որովհետև նա հանկարծ իրեն այնպես զգաց, կարծես հեռանում էր մորից, հեռանում էր հավերժ. պետք է, պետք է բղավեր, սակայն ճշալու փոխարեն մատով բզեց կառապանի մեջքն ու ճիգով կոկորդից դուրս կորզեց.

— Քշի՛ր:

Ու դարձյալ ամեն բան ետ վանվեց մի պարզորոշ ցանկություն՝ ևս մեկ անգամ, շուտով զգալ, ապրել, դարձյալ զգալ այն, ինչ եղել էր Սանշինի մոտերքը, դաշտերում:

— Քշի՛ր, քշի՛ր, քշի՛ր:

Հիմա էլ, գիշերային ցրտի մեջ, օտար շուրթերի սառը հպումից որոշակի, զգալիորեն նրա դեմքն այրեց տաք մի հառաչ, և հիշողությունը վերջին օրվա, որ դարձավ հրաժեշտի օր, դառն էր: Սակայն նույնքան արագ դառնությունը վերացավ անդադրում ցանկություն՝ զգալ, ապրել, Եվ Անդրեյը նետվեց մթության մեջ, բղավելով ինքն իրեն.

— Քշի՛ր:

Օ՛, եթե նա հիմա լիներ այն վարորդի տեղը, որն անկյունից դուրս քշեց դրոպացող մեքենան, թափով անցավ թուշն,

սյունից երկու մատ հեռավորությամբ, ընկավ ջրափոսը, վեր թռավ, ուղղվեց, կարգավորեց, մեքենան մտցրեց պողոտայի անձայրածիր հարթության մեջ և քշեց ջրացայտերի մերիկի, անիվների սուլոցի, շարժիչի հռնդյունի, աղմուկի, դրոպցի, որոտի միջով: Ամեն պահը՝ մահ, ամեն փոսում՝ մահ, ամեն խանդակում՝ մահ, ամեն սյան մոտ՝ մահ, շրջադարձին՝ մահ, ուղիղ ճանապարհին՝ մահ: Եվ հիանալի է, հիանալի, քանզի չկա ոչինչ, բացի՝ այդպես է պետք, ոչինչ, բացի՝ անհրաժեշտ է: Հիանալի է, թեթև, անսահման թեթև: Օ՛, եթե հիմա զգար, ապրեր, կրկին զգար այն, ինչ նրան համակել էր Սանշինի մոտերքը, դաշտերում:

— Քշի՛ր, քշի՛ր, քշի՛ր:

Կ Ո Ռ Ր Ա Պ Ծ Մ Ե Յ Ա

Նույն օրը, Մոսկվայում, այն տանը, որտեղ տեղավորվել էր Ձինվորական դեպուտատների գերմանական խորհուրդը, մոտեցավ մի մարդ՝ գլխին նապաստակի մորթու փափախ, գերմանական տիպի պատռտված, կեղտոտ շինելով, ոտքերին ավստրիական երկնադույն փաթաթաններ: Նա մի քիչ քարշ եկավ նախասրահում, մեկ-երկու անգամ կարդաց պատերին փակցված հայտարարություններն ու գրությունները և բարձրացավ երկրորդ հարկ:

Սենյակում, ուր խոնվել էին հին, պատռտտված շորերով մարդիկ, նա հերթի կանգնեց: Մի կես ժամի չափ առաջ էր շարժվում հոգնած և անտարբեր, սպասելու սովոր մարդու տեսքով: Մոտենալով սեղանին, գլխարկը հանեց: Մազերը շատ կարճ խուլված էին և գլխի վրայով՝ աչ ականջից գեպի ծոծրակը, կնճոտ վարդագույն մանրիկ սպիներով ծածկված լայն սպի էր ձգվում: Նա իրեն պահում էր ուղիղ, լավ գինվորի նման և կրունկները հնչեղ իրար զարկեց, երբ սեղանի առջև նստած մարդը հայացքը նրան հռոհեց:

— Ես ետ եմ մնացել հայրենիք վերադարձող էշելունից: Ահա փաստաթղթերս: Խնդրում եմ ինձ ուղարկեք մոտակայում մեկնող խմբով: Ես պետք է...

— էշելունը որտեղի՞ց էր մեկնում:

— Սեմիդոլից:

— Իսկ ինչպե՞ս ետ մնացիք:
— Ընկերներիս համար կարտոֆիլ էի գնում: Էշելոնի
պետն ասաց, որ ութ ժամ կկանգնենք: Գնացի երկու-երկու
կիլոմետր հեռավորության վրա գտնվող գյուղակը: Այդ միջո-
ցին գնացքն ուրիշ գծի էին քաշել: Ռուսական այս ամբողջ
խառնաշփոթության մեջ մինչև ես հետաքրքրվում էի...
— Դա որտե՞ղ պատահեց:
— Ռյազանում: Մինչև Մոսկվա գրեթե կես ճանապարհ
քաղաքով եմ եկել:
— Ձեր անո՞ւնը:
— Կոնրադ Շտեյն:
Մատը ցուցակներով վրայով սահեցնելով, սեղանի առջի
նստած մարդը ծխախոտը վառեց ու ասաց.
— Այո, կա: Դա հոկտեմբերի վերջին էր:
— Էշելոնը Սեմիդոլում բեռնվեց հոկտեմբերի քսանչոր-
սին և մեկնեց քսանհինգին:
— Մի ըոպե, — արտասանեց ցուցակները ստուգող մար-
դը, տեղից ելավ ու գնաց հարևան սենյակը:
Վզին ռուսական բաշլուղ փաթաթած մորուքավոր տարեց
մի զինվոր սիրալիր տնտղեց Կոնրադ Շտեյնին և, աչքերով
ցույց տալով նրա սպին, ասաց.
— Լավ է արված: Բեկո՞ր է:
— Ֆրանսիական աշխատանք է, — արձագանքեց Շտեյնը, —
Շամպանյում, տասնհինգ թվականին:
— Լավ է արված, — կրկնեց զինվորը: — Սաքսոնացի՞ եք:
— Այո:
Հարևան սենյակի դուռը բացվեց, և ցուցակները բռնած
մարդը բղավեց.
— Կոնրադ Շտեյն, համեցեք այստեղ:
Երբ Շտեյնը հավասարվեց նրան, ավելացրեց.
— Քարտուղարին զեկուցեք այն, ինչ ինձ ասացիք:
Եվ կանգնեց դռան մեջ:
Քարտուղարը մի թուփեղկ հայացք նետեց նրա վրա և
ասաց.
— Դուք կարող եք գնալ, ընկեր:
Հետո շոր դիմեց Շտեյնին:
— Դուք ո՞ր ճամբարում էիք:

— Տոմսկի:
— Մինչև ե՞րբ:
— Ահա փաստաթղթերս, մանրամասնություններն այն-
տեղ գրված են: Նեղություն քաշեցեք...
— Խնդրում եմ պատասխանել հարցերին: Մենք գտնվում
ենք օտար երկրում, որը դեռ նորերս պատերազմում էր մեր
դեմ, և մեր պարտքն է օգնել միմյանց: Բոլորն էլ տուն են
շտապում, սակայն բոլորը չէ, որ հավասարապես իրավունք
ունեն առաջին հերթին մեկնելու:
— Սակայն չէ՞ որ ես արդեն էշելոնի մեջ էի:
— Գիտեմ: Ե՞րբ եք գերի ընկել:
— Ես ծանր հիվանդ եմ, տեսնո՞ւմ եք, — Շտեյնը ցույց
տվեց իր սպին:
— Ե՞րբ եք գերի ընկել:
— Տասնյոթ թվականի փետրվարին:
— Որտե՞ղ:
— Ռեգայի մոտ:
— Մինչև ե՞րբ են ձեզ Տոմսկում պահել:
— Ստույգ չեմ հիշում: Մինչև այս տարվա գարնանը:
Ես, տեսնո՞ւմ եք, — Շտեյնը դարձյալ զլուխը ցույց տվեց:
— Սակայն դուք ստույգ ասացիք, թե երբ եք մեկնել Սեմի-
դոլից:
— Դա գրված է փաստաթղթերումս:
— Ինչպե՞ս հայտնվեցիք Սեմիդոլում:
— Վեց մարդ փախել էին Տոմսկից, ի թիվս դրանց՝ ես:
— Ինչպե՞ս անցաք ռազմաճակատը:
— Կարմիրները մեզ լավ ընդունեցին և օգնեցին, որ Սե-
միդոլ հասնենք:
— Իսկ սպիտակները:
— Սպիտակներին շրջանցեցինք:
— Քաղաքացիական պատերազմին չե՞ք մասնակցել:
— Ո՛չ:
— Շարքայի՞ն եք:
— Եֆրեյտոր եմ:
Քարտուղարը վեր կացավ և դիմեց զեպի սենյակի ծայրին
գտնվող դուռը: Դռան մոտ հասնելով, արագ շրջվեց և հարց-
րեց.

— Ի ուր չէի՞ք ճանաչում ոմն ցուր Մշակեն-Շենաուի:
Երբեք չէի՞ք հոնքերը խոժոռեց, աչքերը հառեց առաստա-
ղին, հառաչեց.

- Ոչ, չեմ հիշում,— հանգիստ պատասխանեց նա:
- Ձեր անունն ինչպե՞ս է:
- Կոնրադ Շտեյն:

Քարտուղարը դուրս եկավ:

Այն ժամանակ Կոնրադ Շտեյնը նետվեց դեպի դուռը, որով
ներս էր եկել, մի պահ կանգ առավ, շունչը պահեց՝ ականդ
գնեցով, հետո անշտապ սեղմեց դռան բռնակը:

Այն սենյակում, որտեղ խմբված էին գլխադրած մարդիկ,
սեղանի առջև ոչ ոք չկար: Հեռախոսի խցիկից լսվում էր մեկի
զայրացած, սուր ճիչը:

Կոնրադ Շտեյնը գլխարկի մեջ դրեց իր փաստաթղթերը,
նապաստակի մորթուց փափախը քաշեց մինչև աչքերը ու
սկսեց քայլել դեպի ելքը: Վզին բաշխող փաթաթած մորուքա-
վոր զինվորին, որը սիրալիր նայեց նրան, նա ձանձրացող
մարդու ձայնով ասաց.

— Գնամ ծխեմ, մինչև թղթերիս հետ քաշըշուկը վեր-
ջանա:

Ու հանգիստ իջավ սանդուղքով: Փողոցում իսկույն ծլկեց
մյուս անկյունը, նետվեց դեպի տրամվայի կանգառը ու
խառնվեց անբարեսես ամբոխին:

Իսկ գիշերը Մոսկվայից Կլին մեկնող ապրանքատար
գնացքին մթության միջից մոտ վազեց մի արագաշարժ մարդ՝
մեծ սպիտակ գլխով, և սպասելով, որ անցնի կցաշղթա-
ները զնգացնող, ճոճացող գնացքը, կպավ վերջին վագոնի
ժոթրակին, թափարգելի մոտ, կարմիր լապտերի կույր աչքի
տակ:

Թ Չ Յ Ա մ ի ճ ու ր ք ա ս ի մ ո տ է

Շտաբը լուսավորված էր և կեղտոտված, կոխկրտած սան-
դուղքով վազում էին, այս ու այն կողմ նետվում, քարշ էին
գալիս մարդիկ: Բաց դռնից խուժում էին հեռախոսի զանդե-
րը և խուպոտած, տանջահար ձայնը կոնչում էր բոպեն մեկ:
— Լսում եմ... հանձնարարությունների համար...

— Խոսում է հանձնարարությունների համար... հանձ-
նարարությունների համար հեռախոսի մոտ:

Կլոր, բարձրաոստաղ սենյակում ծխախոտի ծխի և թղթե
կույտերի մեջ թաղված էր քնատ մի մարդ: Մատները թրո-
տելով, նա ընտրում և առանձնացնում էր սովորաթղթե քար-
տերը, թղթիկները, շուրթերին էր մոտեցնում արծնապատ
թեյամանը, ծծում մաշված քթիկը, հետո երկար ժամանակ
չում էր աչքերը՝ հաստացած կոպերով և գունազրկված բի-
բերով, և կրկին թղթերն էր վերագասավորում:

— Ձեզ ասվա՞ծ է երբ ներկայանալ,— հարցրեց նա Ստար-
ցովին, առանց թղթերից կտրվելու:

- Իննին:
- Իսկ հիմա քանի՞սն է:

Նա մի տեսակ ամբողջովին կախ էր ընկել՝ բեղերը մտել
էին բերանը, այտերն իջել ստորին ծնոտին, երկար մազերը
ծածկել էին ճակատը, աչքերը, ականջները, սակայն անդա-
դար էին ձեռքերը, որ փնտրում, դասավորում էին քարտեր,
թղթեր, թղթիկներ:

— Սպասեցե՛ք,— ձայն տվեց նա հեռացող Ստարցովին,—
կա: Ֆրանսիական գետափնյա փողոցում է:

Ստարցովը թուղթը վերցրեց, մտցրեց թևածալի մեջ և թա-
փառող, վազվզող, այս ու այն կողմ նետվող մարդկանց,
բազմաձայն զնգոցների և ծղրտացող խուպոտ «հանձնա-բա-
րու-թյունների համար» ձայնի կողքով դուրս եկավ հրապա-
րակ:

Պալատի վրա բարձրանում էր այգաբացի անհավասարա-
չափ սպիտակը, սակայն պալատն ինքը, Ալեքսանդրյան այ-
գին, շտաբի բացված պայտը դեռևս կանգնած էին գորշ, հոծ
պատի նման, կտրելով ավտոմոբիլների լուսարձակների խա-
չաձևած ճանկերը:

Անդրեյը սուզվեց մառախուղի մեջ: Նա քայլում էր լայն
ու վստահ՝ սառը քամուց կայտառացած, որ սողոսկում էր
օձիքի տակ, թևերի մեջ:

Նա շտապում էր գործին ընդառաջ, և վստահ էր, որ աշ-
խարհում ամեն բան կդառնա պարզ ու հստակ, ինչին էլ ինքն
առնչվի: Նրան թվում էր, թե այն զգացումը, որ իրեն կտրել
էր գետնից, ինչպես քամին է վեր թոցնում թղթի կտորը,

պահված էր մի տեղ, բոլորովին մոտիկ, և ուր որ է կներխուծի իր ներսը, որպեսզի դարձյալ առնի հողմապտույտի մեջ նա ինչպես կարող էր գիտենալ, որ իր համընթաց քամիի փչում էր հենց այն ափից, որին ինքն աշխատում էր մոտենալ: Ինչպե՞ս կարող էր գիտենալ, որ այն ժամից, երբ ոպկզնի անձրևներից կուրացած տան շեմքին, նրա ապրած ամեն օրը սարի պես կկանգնի իր և իր պարզ, որոշակի նպատակի միջև:

Նա բացեց խոնավութունից թաց դուռն ու բարձրացավ սանդուղքով, որի վրա փռված ուղեգորգը ամբողջապես ցեխոտված էր:

Մեծ դահլիճում վառվում էր մի թույլ, անուժ էլեկտրական լամպիկ: Լամպիկի կարմրագորշ լույսն ընկել էր պատուհանների երկայնքով շարված թղթախաղի սեղանիկների երկայն շարքին:

— Սա-լա-վատ, — Անդրեյի ականջին հասավ կոշտ կոկորդային բառը:

Նա շուռ եկավ: Անկյունում, համերգային դաշնամուրի կափարիչի վրա երեսնիվեք պառկած էր մի մարդ, հեռախոսի փողը բերնի մոտ բռնած:

— Սալավատ, Սալավատ, — բղավում էր նա այնպես, որ փորը ցնցվում էր, ոտքերը ձգվում էին:

Անդրեյը նայեց դահլիճի հեռավոր անկյունը: Նրան թվաց, թե այնտեղ ոչ ոք չկար: Սակայն պատուհանից թափանցող աղոտ լույսի տակ հանկարծ նկատեց գինվորի պատկերը: Սվիճեք ուղիղ քանոնի նման ցցված էր նրա գլխավերևում: Զինվորը կանգնել էր հատակի վրա բարձրացող սև, անձև կույտի առջև: Անդրեյը մոտեցավ: Բարձր ոտնակին, որի վրա փրոված կտորը երկու կողմերից ծալքերով ցած էր իջնում և ծածկված էր պսակներով, դրված էր դազաղ: Պահակ կանգնած գինվորը խոր քնած էր:

— «Սալավատի» թողարկի՞չն է, — բղավեց դաշնամուրի վրայի մարդը և իսկույն եռանդով սկսեց հեռախոսափողի մեջ հրեկ կոշտ, անհասկանալի բառեր: Հետո դաշնամուրից ցած թռավ և ասաց, արդեն դիմելով Անդրեյին.

— Ա՛յ քեզ սրիկաներ, մինչև հիմա դեռ մեքենայի մեջ չե՞ն գցել:

— Ի՞նչը:

— «Սալավատը», ի՞նչը: Թերթը, գրողը տանի: Իսկ դուք ի՞նչ էիք կամենում:

— Չգիտեմ, արդյոք ճի՞շտ եմ եկել: Ես ուզում եմ պետին...

— Պետի՞ն: Ահա այնտեղ է:

Եվ կարճ մատը Անդրեյին ցույց տվեց դահլիճի հեռավոր անկյունը, դազաղը:

— Նա մահացե՞լ է, — հարցրեց Անդրեյը:

— Ո՛չ, ո՛չ, դա բոլորովին ուրիշ մարդ է: Ահա այնտեղ, այն դուռը:

Պատերին թափառող կարմիր լույսը թռավ Անդրեյի կրծքին, ծփաց դեմքի վրա և սողաց ցած, հատակին: Բուխարու մոտ, մեծ գորգի վրա ծալապատիկ նստել էին երեք մարդ: Այտուսկրոտ սև մի մարդ իրար կպած ուղիղ ճարպոտ մազերով գլուխը կտրուկ Անդրեյի կողմը դարձրեց և հարցրեց արևելյան ծորուն առզանությամբ:

— Ընկեր, ի՞նչ եք ուզում:

Անդրեյը մոտեցավ ու մեկնեց իր թղթերը:

— Լավ, մեզ այսպիսի աշխատող պետք է, — ասաց սև մարդը և Անդրեյին ծակեց իր շեշտակի աչքերով:

Մյուս երկուսը թուլցիկ խեթ հայացք նետեցին Անդրեյի կողմը և բարձր հառաչելով միապաղաղ մի երգ մոմոացին:

— Ուզում ես սպասել՝ կարող ես սպասել մյուս սենյակում:

— Դուք ինձ զորամաս կնշանակե՞ք, — հարցրեց Անդրեյը:

— Ի՞նչ զորամաս, ինչո՞ւ զորամաս, երբ ես ասում եմ, որ մեզ այսպիսի աշխատող է պետք:

— Սակայն ես ցանկություն եմ հայտնում ուղմաճակատ գնալու, ոչ թե այստեղ մնալու:

— Սիրելի ընկեր, ես էլ ցանկություն եմ հայտնում, որ դու այստեղ մնաս: Այստեղ էլ ուղմաճակատ է, ոչ թե այլ բան:

— Ես ուզում եմ առաջին գծի զորամասում լինել, ընկեր, ինձ դրա համար են այստեղ ուղարկել:

— Ի՞նչ շատախոսն ես, ի՞նչ շատախոսն ես, սիրելիս, — բացականչեց սև մարդն ու Անդրեյին ցույց տվեց իր բավա-

կան փայլուն սեպերը:— Ահա, ուրեմն, հայտնում եմ, որ այս-
տեղ առաջավոր զորամաս է, հիմա կարող է պատահել, որ
առաջավոր զորամասը հենց Պետրոգրադում լինի: Զենք
ունենա:

— Մատուցիր է:

— Գնա մատուցիր մաքրիր:

— Ցուղած է, մաքրելու բան չկա:

— Ի՞նչ շատախոսն ես:

Ան մարդը տեղից վեր թռավ, խփեց իր ազդերին ու մո-
տեցավ Անդրեյին: Նա բարեկամ էր, ճկուն, նեղկուրծք, և
այն բանում, ինչ նա ասաց, անսպասելիորեն լրջութուն լքս-
վեց: Նրա բռնորդ հետ չկապվող առողջամտությամբ խորացած
լրջութուն: Նա ասաց.

— Երիտասարդ ընկեր, հեղափոխությունը գիտե, թե ինչ
պետք է անի քեզ, ինձ, ահա այն մյուսներին: Ես էլ չեմ
ուզում նստել այս սենյակում, ցուրտ, բարձրառաստաղ, հա-
տակից մինչև առաստաղը հինգ վերստ է: Հեղափոխությունը
գիտե, որ ես, պետս, այստեղ եմ պետ, այս գարշելի բուխա-
րու մոտ: Սպասիր մյուս սենյակում: Գու կօգնես թաղելու
սպանված հրամանատարին:

Նա ձեռքը խփեց Անդրեյի ուսին:

— Լավ թաղում է պետք, նա լավ կարմիր հրամանա-
տար էր:

Բանբերը մտավ ու կանգնեց դռան մեջ: Պետը նրան ընդ-
առաջ դնաց, և հանկարծ կոկորդային ձիշերի մի անդուսպ հե-
ղեղ թափվեց բանբերի գլխին և կարծես նրան ցած տապա-
լեց: մարդը հտ-հտ դնաց ու նստեց բազկաթոռին: Այն ժա-
մանակ սևը հարձակվեց նրա վրա, նրա ուսերը թափ տվեց,
կրծքին խփեց, սկսեց գոտին քաշքշել: Բանբերը պետին մեկ-
նեց կարճ մատներով ձեռքը՝ ափը դեպի վեր, պետը խփեց
նրա ձեռքին և նետվեց բուխարու մոտ: Այնտեղ նրա երկու
ընկերները գեռն օրորվում էին ու երգը մոռացնում: Նա մի
բան ասաց սրանց. վերջիններս դարձան բանբերի կողմը և մի
կարճ խոսք բղավեցին: Բանբերը վեր կացավ, նույն խոսքն
արտասանեց ու դուրս եկավ: Այն ժամանակ պետը մոտեցավ
Անդրեյին:

— Ես նրան ասում եմ, իմ ձիուն ինչո՞ւ ես սպիտակ սթար

տալքա: Ես սպիտակ բանակային չեմ, ես կարմիր բանակային
եմ, ուրեմն կարմիր սթար տուր, կարմիր աստղ, կարմիր
թամբ տուր: Սպիտակն ինչի՞ս է պետք:

Նա ուրախ քրքջաց ու ձեռքը մեկնեց Անդրեյին:

Անդրեյը բռնեց այդ ձեռքը՝ կառչուն, ուժեղ և շոր այդ
ձեռքը, սեղմեց և դեպի դուռը շարժվեց: Երբ մի քանի քայլ
անելով կանգ առավ սենյակի մեջտեղում, նրա դեմքին ստվե-
րի պես արտացոլվեց սև մարդու խաբուսիկ, ուրախ, խորա-
մանկ ժպիտը:

Նա սկսեց աշխատել:

Հեռախոսներ, ծրարներ, թղթեր, հեռագրային ամփոփա-
գրեր, ինչ-որ գրքեր ու տեղեկագրեր, ինչ-որ դերասաններ և
կապտենարմուսներ, հանկարծ ինչ-որ մի բան, որ կարծես
սառն էր, սառնախյուսի նման, դռնից սողում էր պարկետի
վրայով, կամ հեշտ կեղտոտվող, ինչպես լամպի վրայի մե-
տասքե ծածկոցը, ինչ-որ մեկի վիշտը, մեկի երջանկությու-
նը, ձիապաններ, նախնադարյան մշակույթի պատմության
դասախոսներ և դիվիդիայի բժիշկներ, նապաստակի մորթի
մուշտակներով օրիտոզներ և թաղիքե կոշիկներով նկարիչներ,
մի անընդարկելի և հանկարծ շատ շնչին մի բան. այդ ամենը
նրան առավ իր պտույտի մեջ, օրորեց, ինչպես նավակում, և
նա լողում էր, խեղդվում ու դուրս պրծնում, որպեսզի կրկին
լողա և խեղդվի:

Նա ուշքի եկավ մթնշաղին, կարմիր դագաղը շրջապատած
այտուկրոտ մարդկանց բազմության մեջ, հենց դագաղի մոտ,
սգի պես սև պետի կողքին: Ածխալամպիով լուսավորված
դահլիճը, ամբողջապես պաննոներով, գորելեններով և ծանր
նկարներով ծածկված, լցվել էր սովորական դարձած երգի
մեղեդիով: Սակայն երգը երգում էին կարճահասակներ, անտա-
ռակացարի նման սվավացող լեզվով և եղանակն ստացվում
էր թախձալի, ինչպես տափաստանը: Անդրեյին թվաց, որ
այտուկրոտ, անշարժ, պղնձաձուլ դեմքերին շափազանց հա-
ձախակի էին փակվում ու թարթում շեղ, շոր աչքերը:

Նա գետափնյա փողոց դուրս եկավ, երբ կաշուի խավարը
կառչել էր մոռյլ, մութ տներին: Մի պահ վարանոտ կանգնեց
ճանապարհի մեջ, գլուխն այս ու այն կողմ դարձնելով, հետո
դիտարկե դրեց ու քայլեց դեպի Լիտեյնի կամուրջը:

Գիշերը նոր բանշտաբը գործի անցավ:

Պատերի, ցանկապատերի և սյուների վրա թպրտում էին երիզակներով և լարանով կախ տված հեռախոսալարերը: Նրանց վրա զնգզնգում էին Զմեռայինի, Սմոլնիի դիվիզիաների շտաբների, Պետրոպավլովյան ամրոցի փայտե պիտակները:

Ջեկույցի սևագրութունը գրվեց առանց ջնջումների, քիմիական մատիտով, երկու էջի վրա: Նրբ առաջինը ծածկվեց տառերի խիտ շարքերով, դուռը բախեց մի ձայն, որ անմիջապես բռնվեց և խլացավ հեռախոսի զանգով.

— Արտագրե՛լ:

Երկրորդ էջը վերջանում էր հետևյալ պարբերությամբ.

Ներկա իրադրության մեջ, երբ 2-րդ և 6-րդ դիվիզիաների զորամասերը գրեթե դիմադրություն չեն ցույց տալիս հակառակորդին, լքում են դիրքերը, որը կազմալուծող ազդեցություն է ունենում նրանց որպես օդնություն ուղարկվող նոր զորամասերի վրա, միանգամայն հնարավոր կարելի է համարել, որ ամենամոտակա ծածանակ թշնամին կտրի Նիկոլասկի երկաթուղին: Պետրոգրադի ամրացված շրջանի միջոցները քիչ մարտունակ են և նրա պաշտպանությունը չի կարգավորված: Նկատի ունենալով Պետրոգրադի համար ստեղծված ծայրահեղ լուրջ սպառնալիքը, խնդրում եմ Տոսնոյի շրջան ուղարկել մարտունակ օժանդակ զորամասեր, ամենաքիչը երկու բրիգադի շափ, որպեսզի կասեցվի Գառչինայից դեպի Տոսնո թշնամու առաջխաղացման հնարավորությունը և արգելք հարուցվի Պետրոգրադը գրավելու նրա մտադրությանը: Այս օրվանից բանակի շտաբը տեղափոխվում է Պետրոգրադ:

— Արտագրե՛լ:

Գա բանակի նոր շտաբի առաջին զեկույցն էր Հյուսիս-Արևմտյան ռազմաճակատի շտաբին:

Ռազմաճակատի օպերատիվ ամփոփագիրն այդ օրը ազդարարում էր— նախաձեռնող պարբերությունը.

Ցամբուրդի ուղղությամբ մեր զորքերը համառ մարտերից հետո թողնել են Գառչինան:

Վերջին պարբերությունը.

Լուսկի շրջանում թշնամու ճնշման տակ մեր զորամասերը հեռանում են դեպի Վինգովի երկաթուղին:

Տեսնում կան սանդուղքներ, խառնիխուռն ու ամայի, խորհանոցներ, ուր խոհարարուհիներից բացի մեկ էլ մկներն են մտնում. նկուղներ, կառանոցներ և ձեղնահարկեր, որոնց դռները փակ են նույնիսկ շների համար. նախասենյակներ, մառաններ, միջանցքների փակուղիներ:

Ահա այս սանդուղքների վրա, այս ձեղնահարկերում, այս նկուղներում շրթունքները ավելի պարզորոշ են շնջում և բռունցքները քիչ-քիչ դուրս են գալիս ծոցերից: Կառանոցների լքվածությունը, նկուղի լուսությունը, միջանցքի դատարկությունը, որտեղ ամենավտանգավոր վկան սարդն է՝ շրջապատված ճանճերի փոշոտ, դատարկափոր դիակներով, արիություն են ներշնչում հոգուն, որին վիճակված է սոսկ դողալ:

Շուրթերը պարզորոշ շնջում էին.

— Յուրաքանչյուր պատուհանից՝ դրոշներ: Ազգային դրոշներ:

— Յուրաքանչյուր ձեղնահարկից՝ հրավառություն: Հանդիսավոր, շքեղ հրավառություն:

— Յուրաքանչյուր նկուղից ազատվածների գոշերը: Ուրախ, խելահեղ գոշեր:

— Յուրաքանչյուր անկյունում ծաղիկներ: Բուրավետ, շքեղ ծաղիկներ:

— Ամեն տեղից: Ամեն տեղից:

Դրոշների, հրավառությունների, գոռում-գոշյունների և ծաղիկների մասին էին շնջում շուրթերը ձեղնահարկերում, նկուղներում, ասես ի պատասխան այն հրամանի, որ տակ-նուվրա էր արել քարացած մայրաքաղաքը: Կառանոցներում, նկուղներում գաղտագողի երևում էին բռունցքներ՝ հակառակ կոշի, որ փակցված էր փողոցներում և համոզում էր քաղաքացիներին, թե հսկա քաղաքը բավականաչափ գնդացիներ, նոնակներ, հրացաններ և նազաններ ունի և սպիտակգվարդիականներին ջախջախելու համար պետք է միայն, որ մի քանի հազար մարդ վճռեն շհանձնել Պետրոգրադը:

Մի քանի հազար մարդ վճռեցին:

Սակայն կիտեցին, այն վիճակում, ինչպես Անդրեյը տեսավ, կարծես շգիտեր այդ:

Պողոտայի կպշուն մթությունն մեջ մառախուղից ճզմված

մարդիկ իրենց ետևից քարշ էին տալիս պարկեր, կապոցներ, զամբյուղներ:

Այս ու այն կողմ էին նետվում, կաշում ծուռված, ծակ-ծրկված տրամվայներին, որոնք իրենց կախ ընկած թափար-գելներով պոկում էին սալարկի փայտաղյուսներն ու քարերը:

Պատերին փակցված նոր հրամանի հատվածներից խելա-հեղ աչքերով պոկում էին անվահեր խոսքերը:

ՀԱՆՈՐԻՆ ԳՈՐԾԻ

ԲՈՂՈՐԳ ՊԱՏՐԱՍ:

ՏԱԳՆԱՊ ՀՆՁԵՑՐԵՔ, ԹՇՆԱՄԻՆ Է ԴԱՐԲԱՍԻ ՄՈՏ:

Ավելի ճարպկորեն էին բռնում պարկերը, վեր քաշում ցե-խի մեջ ընկած փեշերը, ցրվում էին տրամվայի գծի երկայն-քով:

Փրկվում էին:

Եվ հանկարծ այդ կործանման զառանցանքով խելակո-րույս փախստականների մեջ Անդրեյը տեսավ մի կնոջ, որ կարում էր փողոցը լարովի տիկնիկի նման համաշաչի քայ-լով: Կինը գնում էր հովանոցը բացած: Մազերին զխաշոր էր կապած և զգեստն էլ կանոնավոր էր: Անշտապ փակելով հո-վանոցը, նա գլուխը թեքեց ու տան մուտքից ներս գնաց: Անդրեյը հետևեց նրան:

Դռան վրա, ազոտ լապտերիկի տակ կարդաց.

ՆԵՐՍ ԵՎ ԵՎ ԼՄԻՐ

ԽՈՍՔՆ ԱՂՆՏԱՐԱՆԱԿԱՆ,

ԿԱՆՁՈՒՄ ԵՆՔ ՔԵՁ:

ՄՈՒՏՔԸ ԲՈՂՈՐԻ ՀԱՄԱՐ Է ԱՋԱՏ:

Ինչպես թատրոնում շարված նստարանների ետևը, աղջա-մուղջի կիսախավարի մեջ կուտակվել էին ծնկաշոք կանայք: Դպրոցական ամբիոնից խոսում էր լայնաթիկունք մի մարդ: Նրա խոսքերը պարզորոշ էին, սակայն ոչնչի հետ չէին կապ-վում, բացի իր ձայնից՝ կոկած, հարթած, մի տեսակ կամա-ցուկ, թաքուն հասնող, ինչպես քարոզչի զգույշ շարժումները:

...Խղճի գործունեությունը մեզ պետք է, որպեսզի մարդը չհանգստանա մեր կյանքի խաբուսիկ փետրա-

ներքնակների վրա: Իսկ ես գիտեմ, փրկիչն իմ կենդա-նի է, ինչպես ասել է Հոր Երանեկին:

Նղբայրներ և քույրեր, մեր հավիտենականությունն ապահովված է, ապավինենք Քրիստոսին: Քանզի աս-ված է կորնթացիների Ուղիորձում. զատիկը մերն է, Քրիստոսը զոհվել է հանուն մեզ: Աղոթենք, օ՛ն, եղ-բայրներ ու քույրեր, միասին ի սփոփումն մեր վշտերի և ընթացիկ պահանջների...

Հետո որը ձեռքերը խաշեց ամբիոնին և զլուխը դրեց ձե-քերի վրա: Նստարանների ետևի սև կիտուկները երբևցե՛ն ու սակվեցին: Մեկի խուլ ձայնը անհասկանալի մի բան մը ու-մըրթաց: Հետո այդ մոթմոթոցից դուրս սողացին ու սեռյա-կում ծփացին ընդհատուն խոսքեր.

— Ողորմած աստված, ես աղքատ կլին եմ...

— Տե՛ր աստված, աղջիկս թույլ է...

Հանկարծ այդ բղավոցների և հեծկտանքի ծփոցի մեջ Անդրեյը տարօրինակ կերպով ծանոթ մի ձայն լսեց: Նա լռո-ղութունը լարեց, առաջ գնաց, փնտրելով խոսողին: Հենց ամբիոնի մոտ տեսավ վեր սնկված մի գլուխ: Քթի վրայի պինսենն դողդողում էր ու ցած սահում, ծիածանագույն կայ-ծեր ցուլացնելով, իսկ գլուխը յուրաքանչյուր խոսքի հետ ավե-լի ու ավելի էր բարձրանում:

— Տե՛ր աստված, ների՛ր որդու՛ լեին, և ուղիղ ճամփի դարձրու... Որդու՛ լեին... Իմ որդուն, լեին, որ թալանեց հորն ու ազգականներին, տե՛ր աստված... Եվ իմ մյուս որ-դուն, Ալեքսեյին... աստված...

Մեկը խեղդվեց հեծկտանքի նուպայից և իսկույն ճղճղաց, վայնասուն բարձրացավ սև զլխաշորերով ծածկված, խոնարհ-ված, ցնցվող զլուխների վրա:

Եվ մի գլուխ միայն անշարժ էր քարի պես՝ քարոզչի գլուխը, որ ընկած էր բարձր՝ ամբիոնի վրա, լայն ծոծրակը դարձրած դեպի եղբայրներն ու քույրերը:

Անդրեյն ինչպե՛ս ընկավ այստեղ: Ի՞նչը նրան մղեց գնալ լարովի տիկնիկի նման այն կնոջ ետևից: Ո՛ր է հիմա նա: Մի՞թե անդեմ, անխոս հայտնվեց, որպեսզի շեղի Անդրեյին

այն ճանապարհից, որով այնքան թեթև ու առույգ է քայլում:

Անդրեյը նետվեց դեպի ելքը: Պլակատի համառ տառերը աչքը մտան:

ԳՆԱ ԵՎ ԱՅԼԵՎՍ ՄԵՂՔ ԶԳՈՐՄԵՍ:

Գո՛ւրս, դո՛ւրս այստեղից: Պողոտա: Գեպի պողոտա: Գորշ շինելների խառնարանը, երթի, հավերժական երթի, ու թող հավերժ լինի այս երթը:

Բարակ լարի նման ձգված շրթունքներով մի դեմք ասես դանակով ծակեց Անդրեյին իր սրած հայացքով և դարձավ նրա ետևից վազող կարմիրբանակայինին:

— Դեռ կտեսնե՞նք,— ւսեց Անդրեյը:

— Դեռ կտեսնե՞նք,— բղավեց կարմիրբանակայինն ու ուրախացած քրքջաց, վազելով ընկերոջ ետևից:

— Դեռ կտեսնե՞նք,— սպառնաց շգիտես ում Անդրեյը և հանկարծ քթին հացի թթվաշ հոտ փչեց: Հոտը հաղիվ էր զգացվում, սակայն այդ հոտից, ինչպես նարկոզից, սիրտն սկսեց ուժգին բաբախել: Անդեյը նայեց շուրջը, որպեսզի վճռի, թե ուր գնա: Մարդիկ շարժվում էին նոսրացած հանդիպական շարքերով: Դեմքները հողազույն էին և տափակ: Անդրեյը նկատեց մեկի անզույն աչքերը: Դրանց բուժ, անշարժ փայլի տակ տեսավ սովի գազանային ցավը: Անմիջապես կարծես մի ծանր բան ուտերից ցած քաշեց, և նա երեւրաց:

Քաղցը, քաղցն էր շարժում ամբողջ պողոտան,— թվաց Անդրեյին: Այս ամբողջ շփոթությունը, մարդկային մարմինների այս վազքը, գորշ շինելների հազած մարդկանց այս անվերջանալի երթը— վազք է տեղում, երթ է սովահարության սև կմախքի շուրջ:

Շուտ, հասի՛ր բնիդ մուժ անկյունը, տո՛ւն, տո՛ւն: Այնտեղ, ուր հացի կտոր կա:

Պայուսակում, որ Անդրեյը բերել էր Սեմիդոլից, դեռևս շատ հաց կար: Այնքան շատ, որ կբավականացնե՞ր ամբողջ երեկո և ամբողջ գիշերը: Սակայն պայուսակը մնացել էր Շչեպովի մոտ՝ կաշվե բազմոցին: Անդրեյն ամբողջ օրվա ընթացքում ընդամենը երկու անգամ այդ մասին հիշեց ու գի-

տեր, որ կգնա Շչեպովի մոտ, որ ուրիշ տեղ չունենր դնալու Սակայն սարսափելի էր մտածել, որ արդեն գիշերելու թույլատվություն խնդրելու ժամանակն է:

Նա տեղից պոկվեց, և պողոտան սովոր ձևով տարավ նրան իր սառած փայտաղյուանների վրայով:

Տանը, որտեղ նա պետք է ապաստան գտներ, սանդուղքի վրա, Շչեպովի բնակարանի դռան մոտ, Անդրեյն սպասում էր Սերգեյ կովիչին:

Սակայն Սերգեյ կովիչը շուտ չեկավ:

Ավետարանական քրիստոնյաների ընկերությունից նա վերադառնում էր դանդաղ, ձեռքերը մեջքին դրած և կանգ առնում ավերված տների մոտ, որպեսզի գլուխն օրորի: Ժամանակից սանձված և կոտրված նրա քայլածքում դեռևս պահպանվում էր թոշակառուի բնավորության գիծը. նա շէր շտապում, նա հանդարտ տանում էր շորրորդ կարգի վաստակավոր իր անձը:

Բնակարան մտնելուց առաջ Սերգեյ կովիչը մտավ տնային կոմիտեի նախագահի մոտ:

— Բարև ձեզ,— ասաց նա հանելով գլխարկը և նստելով:— Խորամատ փորելու համար մի ֆունտ հաց է հասնում: Եկել եմ հարցնելու՝ իմ հացը դուրս գրված է, թե դեռ ոչ:

— Բայց չէ՞ որ դուք չեք փորել,— պատասխանեց նախագահը:

— Փորել է իմ բնակարանը, համաձայն ցուցակի: Հանձնում եմ է բնակարանը փորել՝ միևնույն է: Բնակարանի վարձակալը ես եմ, ուստի իրավաբանորեն ինձ հասնում է մի ֆունտ հաց: Բացի այդ, հիմա այնպիսի ժամանակ չէ...

Եվ Սերգեյ կովիչը գլանակը թխկթխկացրեց բուժ մատի եղունգին:

Պետերբուրգը պատրաստվում էր ընդունելու բարձր հյուրին:

Բարձր հյուրը մայրաքաղաք գալիս ուշացավ կայսերական ամառային նստավայրերում: Սակայն սուրհանդակներն ու արագավազ բանբերներն մոտենում էին մայրաքաղաքի ուղեկալներին, որպեսզի ստուգեն, թե մայրաքաղաքն արդյոք պատրաստ է ընդունելու և պատվելու հյուրին: Սուրհանդակ-

ներն ու արագավազ բանբերները հազվադեպ էին ուղեկալ-
ներից վերադառնում ամառային նստավայրերը, որովհետև
Պետերբուրգը՝ կայսերական ավանդությունների այդ քաղա-
քը, չէր կարելի հանկարծակիի բերել և որովհետև մայրաքա-
ղաքը միշտ էլ գիտեր ինչպես վարվել բարձր հյուրերի՝ դես-
պանների հետ:

Պետերբուրգը պատրաստվում էր ընդունել բարձր հյուրին
Սմոլնի և Կսենինսկի ազնվազարմ ինստիտուտները, փորձ-
ված բարձր և բարձրագույն անձանց ընդունելությունների
գործում, մի ժամանակ հպարտ իրենց անցյալով, ներկա-
յումս վստահ ապագային, պատվով գլխավորում էին մայրա-
քաղաքի հուզումնալից հոգսերը և անդադրում շանքերը: Պետք
էր զարդարել ամբողջ քաղաքը: Պետք էր գեղեցկացնել մուտ-
քը: Հաղթականարներ կառուցել: Տախտամածներ բարձրաց-
նել, պատվո պահակներ կանգնեցնել, պարզել շտանգարտ-
ներն ու պատվավոր դրոշները:

Որպեսզի ամեն պատուհանից դրոշ երևա: Ամեն տանիքին
հրավառություն լինի: Ամեն անկյունում ծաղիկներ լինեն:

Ա՛խ, փշալարից հիանալի օձաժայպվեն է ստացվում: Իսկ
նրա առածից ժայպվեններից թեթևագույն վարդակապեր են
հանգուցվում ռեժիսորների մերակներին: Եվ մի՞թե մանրա-
գեղակով լցված տաշած արկերը չեն ցրվի բաղամազույն և
ուրախ կոնֆետտիների նման: Իսկ հաստ, խոնավ ավազով
լցված պարկերը մի՞թե հարմար չեն տաղավարներ սարքելու
համար: Մի ժամանակ այսպիսի տաղավարներում վեր էին
թռչում պահուստի սեկ-ի խցանները, սակայն խցաններից ին-
չո՞վ է պակաս լավ յուղած գնդացրի ոռնացող ճարճա-
տյունը:

Ազնվազարմ Սմոլնին հյուսում և կտրում էր փշալարի
օձաժայպվեն, և ազնվազարմ Կսենինսկին տարօրինակ տա-
ղավարներ էր սարքում ավազով լցված պարկերից:

Եվ ահա ամեն ինչ պատրաստ էր, և պողպատե պայուսակ-
ների մեջ պահված կոնֆետտիներն էին հանգիստ սպասում
իրենց ժամին, և տաղավարներից դուրս էին նայում կարմիր
գլխաշորերով կապված գլուխները, ու մնում էր միայն քաշել
Շիգովկայում դրված ություլյանոց հրանոթի քուլը՝ բարձր
հյուրի Պետերբուրգ գալուստը ողջունելու համար:

Սակայն բարձր հյուրը մայրաքաղաք չմտավ: Նա խուսա-
փեց մեծարանքից: Նրան սխալ էին հասկացել: Նա այդպիսի
շքեղ ընդունելություն չէր կամենում: Նա բնավ չէր կարծում,
որ իր հայտնվելը կարող է այդպիսի ոգևորություն առաջ բե-
րել: Նա կարծում էր, որ ամեն ինչ ավելի պարզ կլինի: Նա
տեսավ, որ սխալվել է, երեսը թեքեց մայրաքաղաքից, որ-
պեսզի հեռանա առհավետ. խեղճ, չհասկացված բարձր հյուր:
Եվ որքա՛ն ափսոս էր: Ինչ տաք ընդունելություն էր պատ-
րաստել Պետերբուրգը:

Ահա թե ինչ սասց Անդրեյին ծորուն արևելյան առոգա-
նություն տեր մարդը, երբ ժամանակ եղավ հրամանից բացի
ուրիշ մի բան ասելու.

— Հեղափոխությանը գրագիր է պետք: Գու գրել գիտես՝
գրի:

Այն ժամանակ Անդրեյը բղավեց կատաղած.

— Ես չեմ ուզում գրել: Ինձ համար ղզվելի է թղթիկների
հետ գործ ունենալ, երբ կենաց-մահու կոխվ է:

Եվ առողանություն տեր մարդը պատասխանեց հանդարտ
ձայնով, այտոսկրոտ դեմքին մի խաբուսիկ ժպիտ.

— Մլրիկի ընկեր, ինչո՞ւ ես կարծում, որ հեղափոխության
ժամանակ ամեն մարդ պետք է հրացանով կրակի: Գուցե թո
հեղափոխությունը հենց թղթայի՞ն է:

Եվ հետո, հեռանալով, շրջվեց ու գրեթե քնքշորեն ավե-
լացրեց.

— Հեղափոխությունը չի սիրում, որ նրան առարկեն:
Պետք է միշտ ուրախ լինել...

Ե՛րշտ է, այն ժամանակ էլ մարդիկ կային, որ չէին կորց-
նում ուրախության կայտառ ոգին:

Այն դիվիզիայի կոմիսարը, որտեղ Անդրեյն էր ծառայում,
պատրաստվում էր ամուսնանալ նապաստակենու մուշտակով
սպիտակամորթ կնոջ հետ: Կոմիսարը հյուրասեր էր, սիրում
էր մարդկանց, ընկերներին և պատերազմի եղբայրակիցնե-
րին: Եվ նա ուզեց մի լավ հարսանիք անել, ինչպիսին անում
են տափաստանում, ազատության մեջ, բաց երկնքի տակ:
Ձիերը չբավականացրին, նա խնդրեց դիվիզիայի բժշկից, որ-
պեսզի փոխարինաբար իրեն տրամադրի կլորիկ զամբիկին,

որով վերջինս շրջում էր քաղաքում: Բժիշկը տվեց. քաղաքում ավելի հանգիստ վիճակ էր, զինվորներն առողջանում էին, կարելի էր մեկ-երկու օր ոտքով շրջել:

Սակայն մեկ-երկու օրն անցան, իսկ զամբիկին չէին վերադարձնում բժշկին: Նա ոչ մի կերպ չէր կարողանում տեսնել կոմիսարին և ի վերջո գլխի ընկավ իր ձիու մասին հարցնել նրա կնոջը՝ նապաստակենու մուշտակով սպիտակամորթ տիկնոջը:

— Զամբիկը,— զարմացավ մուշտակով կինը:— Սիրելի բժիշկ, չէ՞ որ մենք հենց այն ժամանակ, հարսանիքին նրան մորթեցինք ու բաժանեցինք հյուրերին: Եթե գիտենայիք, թե ի՞նչ հյուրեր ունեինք:

Եվ նա սկսեց ծիծաղել...

Այ, եթե Անդրեյը կարողանար ծիծաղել: Թերևս, այն ժամանակ նրա աչքերն այդպես փոս չէին ընկնի, և քայլվածքն էլ ավելի ամուր ու հաստատուն կլիներ: Սակայն յուրաքանչյուր օրը հարվածում էր նրան, ինչպես քամին թռչունին, և նրա շուրջն ամեն ինչ գառնում էր տարօրինակ ու հազիվ հասկանալի:

Ու, մի անգամ, ձյունոտ մի երեկո տուն վերադառնալիս, նա կանգ առավ անկյունում, զարմացած նայեց շուրջը, ասես այս փողոցներն էր ընկել ուրիշ աշխարհից: Բաց ձյունը կատաղորեն հարվածում էր գորշ, պլոկված պատերին: Մարդիկ վազում էին, կարծես բոլորովին աննպատակ, և այն ամենի մեջ, ինչ շրջապատում էր Անդրեյին, չէր կարելի իմաստ տեսնել, որն այնքան սովորական և պարզ բան է ապրող քաղաքում:

Մի աղջիկ, գլխին շորի կտոր պցած, կարճ զգեստով, թեի տակ ինչ-որ բան սեղմելով, ոտքից ոտք էր փոխվում մեխած դռան մոտ: Նրա դեմքը չէր երևում:

— Ի՞նչ ասացիք, քաղաքացի:

Բարձրահասակ, ոսկրոտ մարդը Անդրեյին հառեց դատարկ աչքերը: Նրա բերանը կիսաբաց էր, գլխարկի կախ ընկած եզրերից ջուր էր կաթում թաց ուսերին:

— Դուք, կարծեմ, հիմա մի բա՞ն ասացիք,— կրկնեց նա:

— Ե՞ս ասացի,— հարցրեց Անդրեյը:

— Դուք ոչինչ չասացի՞ք:

Բարձրահասակ մարդը կիպ մոտեցավ Անդրեյի դեմքին և ուշադիր նայեց նրան:

— Քաղաքացի, մի կտոր հացի փող ողորմացեք,— հանկարծ մոթմոթաց նա և բերանն ավելի մեծ բացվեց:

— Հացի՞,— հարցրեց Անդրեյը:

Մարդը մի քիչ ժամանակ կանգնեց լուռ, սառած դեմքով, աչքերը շոճ, հետո շրջվեց ու արագ վազեց հեռացավ:

Անցավ մի ժերուկ՝ մարմինն առաջ հակված, ոտքերը մի կես քայլ մարմնից ետ ընկած: Նրա ոտքերի թաթերին փաթաթված էին թաց, ծանր լաթի կտորներ և քայլերից մայթի վրա շվարբի թողած հետքեր էին մնում: Նա կանգ առավ աղջկա դիմաց և ինչ-որ բան հարցրեց: Հետո կոացավ դեպի աղջիկը և դարձյալ ինչ-որ բան ասաց: Այն ժամանակ աղջիկը սուր ճիշ արձակեց և, փողոցը կտրելով, մի կողմ վազեց: Նրա բարալիկ երկար ոտքերը՝ մերկ, ջրից փայլփլող ծնկներով, երևացին ու անհետացան Անդրեյի աչքին: Անդրեյը մի քանի քայլ արեց աղջկա հետևից: Աղջիկը չգիտես ուր կորավ:

Խոպոտ, սկզբում խեղդված, հետո սուր, շարունակ սաստկացող ղողանջը ողողել էր ամբողջ փողոցը: Հասկանալի չէր, թե որտեղից էր այն գալիս: Հետո հանկարծ ծանր աղմուկը Անդրեյի վրա փլվեց վերևից, կողքերից, գետնի տակից և իսկույն հանդարտվեց, իրմով սրբելով փողոցը ողողած ղողանջը:

Նույն պահին մեկը մոտ վազեց Անդրեյին ու նրա թևը բռնեց: Անդրեյը շրջվեց: Դեղին, անզոր, պղտոր լապտերը կույր նշանի նման նայում էր նրա թիկունքին: Խոպոտած կոկորդիների ղովոտցն ընդհատեց կանացի գիլ ձայնով հայհոյանքը:

— Գ-գրո՞ղը տանի: Ծս նրան զանգահարում եմ, իսկ նա, գ-գրո՞ղը տանի, իսկապես որ...

— Ախր ի՞նչ եք ասում,— արտասանեց մեկի կամացուկ ձայնը:

Ձեռքը, որից բռնած Անդրեյին, ինչպես կույրի տարան մայթ, մնացել էր մեկնած... Հետո Անդրեյը ինչ-որ բան հասկացավ, ուղեց ինչ-որ մեկին շնորհակալություն հայտնել և կույրի նման սկսեց մեկնած ձեռքով հենարան որոնել:

Եվ նրա ձեռքը դիպավ մեկի բարալիկ սառը մատներին: Նա բռնեց այդ մատներն ու դեպի իրեն ձգեց:

— Ենթահակալութիւն,— ասաց նա:

Վախեցած, դողող ճիշը մտրակեց նրա դեմքին:

— Անդրե՛յ:

Անդրեյն աչքերը կկոցեց, ինչպէս հարված ստացած լիւններ, նայելով իր առջև կանգնած սև, կլոր աչքերին:

— Անդրեյ, դո՛ւ ես, Անդրե՛յ:

Նա նետվեց դեպի կինը, գրկեց նրա գլուխը՝ սառը, թաց մազերը վրան կպած, փնտրեց շրթունքները, սեղմեց իր շուրթերին և սսկվեց.

— Ռիտա,— արտասանեց նա հազիվ հասկանալի,— դու ինչպե՞ս այստեղ ընկար:

— Եկել եմ, քեզ էի փնտրում...

— Գնանք, այստեղ մարդիկ կան,— ասաց Անդրեյը, տանելով նրան կողքի փողոցը:

Եվ անմիջապէս փողոցները զծագրվեցին պարզորոշ, և ամեն ինչ կոպիտ պարզութիւն ձեռք բերեց:

— Ինչ անիմաստ բան,— ասաց Անդրեյը:

Ռիտան շտապով նրան ընդհատեց.

— Քեզ ի՞նչ է պատահել, խելագարի նման կանգնել էիր ճանապարհի մեջտեղը, հազիվ ճանաչեցի: Անդրեյ, դու տկա՞ր ես:

— Սպասիր, ասում ես, թե ինձ մո՞տ ես եկել:

— Այո, Անդրեյ: Այլևս չէի կարող:

— Դե իհարկե չէիր կարող, կարոտել էիր:

— Անդրե՛յ:

— Ի՞նչ Անդրեյ: Ինչ հիմար բան, անիմաստ բան: Իսկ եթե ես այսօր ռազմաճակատ մեկնեմ: Եվ հետո չէ՞ որ գիտեիր, որ ռազմաճակատ եմ մեկնել: Գիտեիր չէ՞, որ ռազմաճակատում եմ: Ինչպէս կարող էիր... Ո՛չ, սա սատանան...

— Անդրե՛յ...

— Է՛հ, թող: Ինչի՞ վրա էիր հույս դնում: Որտեղի՞ց իմացար, թե այստեղ եմ ապրում: Դու ի՞նչ պիտի անես:

— Գիտեի, որ դու այստեղ ես ծառայում: Չէ՞ որ երկու ամիս է անցել: Մտածում էի...

— Իսկ մտածո՞ւմ էիր, որ ես օրական յոթանասուներկու մսխալ հաց եմ ստանում: Մտածո՞ւմ էիր, որ կարող ես մի տեղ ցանկապատի տակ ընկնել ու մնալ: Վերջապէս դուցե՛

ես սպանվա՞ծ եմ: Այսինքն՝ մտածո՞ւմ էիր, որ ես կարող էի սպանված լինել: Դե, ասենք, եթե ոչ սպանված, համենայն դեպս հարյուր անգամ կարող էի մեռած լինել քաղցից:

— Կսիր...

— Հիմա ո՞ւր պիտի գնաս:

— Քեզ մոտ:

Նա կանգ առավ, թևերը թափահարեց և ուզում էր բղավել, սակայն Ռիտան նրա բղավոցը կանխեց կամացուկ, մի տեսակ խղճալի հառաչով.

— Ես այլևս գնալու տեղ չունեմ, Անդրեյ...

Անդրեյն արտաշնչեց բղավելու համար կուտակած օդն ու նայեց նրան: Ռիտայի աչքերը խոնավ էին, կոպերը բոլորել էին աչքերը մեռած կապույտ օղակներով: Քամուց կոշտացած շրթունքները ցնցվում էին, ասես շանալով մի բառ արտասանել:

— Իհարկե, ուրիշ տեղ չունես,— փնթփնթաց Անդրեյը, երեսը Ռիտայից շրջելով և շարունակելով կանգնած մնալ:

— Ուզում էի քեզ ասել...— լսեց նա նույն տնքացող, ինչ-որ տեղ գահավիժող ձայնը: Անդրեյը ցնցվեց, անմիջապէս կծկվեց, ձեռքերը թաքցրեց շինելի թևերի մեջ և արտասանեց այն խոսքը, որ միշտ սիրտ էր տալիս:

— Դատարկ բան է:

— Ուզում էի քեզ ասել, թե ինչու եկա:

Անդրեյը ոչ մի շարժում չարեց:

Այն ժամանակ Ռիտան հենվեց նրա թևին և կամացուկ, արագ շշնջաց.

— Ես պետք է գայի: Ես հղի եմ:

Անդրեյը ետ թռավ, սեղմվեց թաց պատին: Չեռքի ափերը քսում էր լլորձուն քարին, ծնկները ծավլում էին և ծանր, խոնավ շինելի փեշերը ցնցվում էին: Նա երկար ժամանակ լուռ էր, փոս ընկած աչքերը սեռած Ռիտայի գլխավերևում մի կետի: Հետո հազիվ լսելի շշնջաց.

— Բայց դու ինչպէս...

— Ես մեղավոր չեմ, Անդրեյ...

— Ո՛չ, ո՛չ,— բացականչեց նա, պատից պոկվելով:— Ինչ հիմարութիւն է: Եվ ընդհանրապէս...

— Անդրե՛յ:

— Ո՛ր, ո՛ր, Ես ասում եմ, ինչո՞ւ ինձ ոչինչ չասացի Այսինքն՝ ինչո՞ւ ինձ անմիջապես չասացիր, հենց որ հարբեցի:

— Բայց դու չհարցրեցիր, — ասաց Ռիտան դողացող ձայնով:

Անդրեյը ծիծաղեց մի տեսակ ընդհատուն, ոչ սովորական բանեց Ռիտայի թևն ու տարավ արագ, գրեթե վազելով:

— Բայց ինչո՞ւ ենք կանգնել: Ինչո՞ւ ենք կանգնել: Ի՞նչ հիմարիկն ես: Պետք էր...

— Անդրեյ, ես ինչպես կարող էի գիտենալ, որ դու...

— Որ ես՝ ի՞նչ: Ես՝ ի՞նչ:

Ռիտան նայեց նրա աչքերի մեջ ներքևից վերև, գլուխը մի տեսակ թռչնավարի թևքած, և լուռ ժպտաց:

Նրանք քայլում էին ամառի փողոցներով, իրար սեղմված, և Անդրեյը ուշադիր նայում էր ճանապարհին, շրջանցում տեղահան արված քարերն ու աղոտ փայլփլող ջրափոսերը:

Հետո կամացուկ հարցրեց.

— Ռիտա, չե՞ս մրսում:

Կ Ց Ի Կ

Վաղ առավոտյան Անդրեյը սանդուղքի վրա հանդիպեց պրոֆեսորին: Նրան ճանաչեց հասակից և գլխի շարժումներից՝ կարճ, ցնցվող և հաճախակի: Եվ դեմքն էլ, — այդ կարելի էր տեսնել հարթակում, որտեղ վաղորդյան լույսն արդեն մի քիչ խտացել էր, — նրա դեմքը նույնպես ջղաձգվում էր, խաշաձև դիմագծերով ամբողջապես խորանարդիկների բաժանված: Նա ամուր թափահարեց Անդրեյի ձեռքն ու զարմացավ:

— Ինչպիսի՞ հրաշք: Գիտե՞ք, ուղղակի մարդ չի հավատում: Կարծես ոչ թե ապրում ես, այլ գրքի մեջ ես, մի հիանալի գրքի մեջ: Օր օրի ետևից, էջ էջի ետևից, հրաշքից հրաշք:

Անդրեյը լսում էր պատուհանից դուրս նայելով: Դառնալ և նայել այս փոքրիկ մարդու արագ-արագ թարթվող, փայլաթիթեղի նման պսպղոտ աչքերին, տեսնել այն մարդուն, որ շարունակ կուչ ու ձիգ էր անում զսպանակի նման, նրա ուժերից վեր էր:

— Բացարկի ժամանակ է, — բացականչեց պրոֆեսորը և մոտեցավ Անդրեյին: — Ասացեք, — սկսեց նա շողում ձայնով, — դուք, ահա դուք, երիտասարդ, համոզվա՞ծ եք: Հր, համոզվա՞ծ եք: Այնպես, ձեր մտքում, երբ խոսում եք ինքներդ ձեզ հետ, մենակ ժամանակ, համոզվա՞ծ եք:

Նա չսպասեց պատասխանի և կրկին տաքացած ու շտապով բացականչեց.

— Ոչ մի կասկած, ես ոչ մի կասկած չունեմ: Մինչև հիմա ես նման բան չէի զգացել: Դա մի հրաշալի բան է: Զգիտեմ, թե ինչու: Ինձ կարծես մի բան թոցնում է գետնի վրայով:

— Ինձ ծանոթ է այդ զգացումը, — խուլ ձայնով ասաց Անդրեյը:

— Դուք անպայման պետք է գիտենաք: Ինձնից լավ: Եթե ես լինեի ձեր տե՛ղը: Հասկանո՞ւմ եք, ես մի ամբողջ շաբաթ պտտվում էի Սմոլնու շուրջը: Շրջում էի ու նայում, միայն նայում, ուրիշ ոչինչ...

Պրոֆեսորը լռեց, հետո ծիծաղեց.

— Ինչպես տեսակցության գնացող դիմնազիստ՝ ամեն օր որոշակի ժամին: Եվ, կ'ավատա՞ք, գնում եմ, նայում շենքին, ու քիչ է մնում խեղդվեմ:

— Իսկ չե՞ք հոգնում, — թույլ հարցրեց Անդրեյը:

Պրոֆեսորը սսկվեց:

— Ինչպես ձեզ ասեմ... Իհարկե: Ես այնքան էլ առողջ մարդ չեմ: Թեև հիմա առողջ մարդն էլ...

Նա թաքուն, ասես մեղավոր, խեթ-խեթ նայեց Անդրեյին:

— Լսել եմ, որ ձեզ մոտ է եկել...

Եվ հանկարծ ամբողջապես սկսեց շարժվել՝ փոքրիկ կարճ ոտքերից մինչև դեմքի ամենափոքր ջլերն ու խորանարդիկները:

— Վաղուց էի ուզում ձեզ տեսնել, որպեսզի... Գիտե՞ք ինչ, ինձ համար գյուղից այլուր են բերել... ծանոթներս, ես առաջ այնտեղ...

— Ոչ, ինչու, — ասաց Անդրեյը, մռայլվելով:

— Մտածում էի, որ հիմա ձեզ համար ծանր է, ձեր կնոջ գալու...

— Կնո՞ջ, — կրկնեց Անդրեյը և ապա ինքն իրեն չպատաս-

խանեց:— Այո՛, այո՛, Ռիտայի... Բայց ոչ, ինչու, դուք ինք
ներդ...

Պրոֆեսորը դիպավ նրա ձեռքին իր անհարթ մատների
ձայրերով:

— Խոսք եմ տալիս, որ դուք ինձ չեք նեղի: Ես շատ ու
նեմ: Ձեզ համար կրեբեմ: Կրեբեմ, լա՛վ:

Նա սանդուղքով վեր նետվեց և, բազրիքի վրայից կախ
վելով, բղավում էր անհանգիստ.

— Կրեբեմ, կրեբեմ... Նրբավարություն անելու հարկ
չկա... Կրեբեմ:

Ռիտան, շալի մեջ փաթաթված, ոտքերը ծալած նստում էր
թախտին ու այդպես անշարժ մնում ամբողջ մտայլ երեկոնե-
րը: Պետք էր պահպանել շալի տակ կուտակված ջերմությունը,
և նա ժամերով տեղից չէր շարժվում:

Նրա ձայնը չէր լսվում, սակայն դեմքը՝ սպիտակ, ճաք-
ճրքած, շոր շրթունքներով և մարող անշարժ հայացքով,
երևում էր ամեն տեղից, ամեն անկյունից: Կարծես սենյակը
պատել էին խավար հայելիներով, որոնք այդ դեմքից բացի
ոչինչ չէին արտացոլում:

Նա չէր շրջվում, բայց տեսնում էր Անդրեյին այնքան լավ,
ասես նրա գլուխն իր ձեռքերի մեջ լիներ: Եվ Անդրեյն էլ, պե-
պի նա մեջքով նստած, տեսնում էր նրա դեմքի ամենանուրբ
գծիկները, գլխաշորի ծալքերը, և կզակին հենված ծնկները, և
գլխաշորի վրա թափթփված մազերը:

Նրանք երեխա պետք է ունենային:

Երեխան աշխարհ էր գալու ոչ շուտ, անորոշ, հեռավոր
ապագայում: Պետք է աշխարհ գար, ծծելով մոր արյան վեր-
ջին կաթիլը, կլանելով նրա ճարպի վերջին կաթիլը:

Ճարպը մի ժամանակ տեղափոխում էին հաստ օղակապե-
րով ամրացված տակառներով. ճարպը մի ժամանակ անհա-
շիվ, անհամար զնդերով լցված էր վաճառասեղաններին,
որոնք ճնշվում էին նրա ծանրության տակ. ճարպով մի ժա-
մանակ լիքը լցված էին, տրաքվում էին մատաններն ու նկուղ-
ները. ճարպը մի ժամանակ նույնիսկ շուկայի շները չէին
լափում, որոնք դրանից հոտառությունն էին կորցրել. այո՛,
այո՛, հենց այդ ճարպը:

Ճարպի կշիռ շունեցող մի փոքրիկ կտոր ստանալու հա-
մար պետք էր սպասել յոթ անվերջանալի օր: Դրա մի կաթիլը
կուտակելու համար պետք էր պահպանել ջերմությունը, պահ-
պանել թուլացած մկանների շնչին ուժերը, պետք էր շալի մեջ
փաթաթված նստել: Այդ մի կաթիլը պետք էր երեխային, որն
անդառնալիորեն պիտի աշխարհ գար անորոշ ապագայում՝
աշխարհ գար մի այլանդակ էակ, փափուկ ծոմով ու սկրեբով,
ոտքերի, ձեռքերի մատներն առանց եղունգների:

Հանուն այդ այլանդակ էակի, հանուն անշոշափելի, ան-
տեսանելի հյուսվածքի, որ պիտի վերածվեր այդ այլանդակ
էակի, Ռիտան նստել էր անշարժ, կծկված, և Անդրեյը վախե-
նում էր խանգարել լուռությունը, որպեսզի Ռիտայի կուտակած
ջերմությունը չցրվի:

Սակայն լուռությունը խախտեց Սերգեյ կվովիչը:

Նա սենյակ ներս ընկավ, ձեռքերը խաչեց և սպառնալից
Քշշացրեց.

— Հը՛մ, հը՛մ:

Պենսնեն ցնցվեց և քթից ցած սահեց: Նա գլուխը վեր
նետեց:

— Հը՛մ,— կրկնեց նա, ոտքով դոփելով գետինը:— Ահա
թե դուք, Անդրեյ Գեննադիևիչ, ինչպես ինձ շնորհակալ եղաք
հյուրընկալության համար: Վատ չէ: Միանգամայն ժամանա-
կակից ոգով է: Դուք ամենայն հավանականությամբ կարծում
եք, թե հիմարի՞ հետ գործ ունեք: Սխալվում եք, սը-խալ-
վում եք:

— Ի՞նչ է պատահել,— ասաց Անդրեյը:

— Ախ, դուք չե՞ք հասկա-նում: Դուք տեղյակ չե՞ք: Օ՛,
որպիսի անմեղություն:

— Ասացեք վերջապես, թե ինչ է պատահել,— բղավեց
Անդրեյը, աթոռն իրենից ետ հրելով և տեղից ելնելով:

Այն ժամանակ Սերգեյ կվովիչը մի քայլ գցեց դեպի Անդ-
րեյը, վճռական շարժումով ձեռքերը խոթեց գրպաններն ու
սկսեց տեղալ վաղուց չափած-ձևած խոսքերը:

— Դուք շատ խորամանկ եք, երիտասարդ: Դուք օգտվում
եք յուրաքանչյուր բոլորից, որպեսզի իմ հաշվին ձեր բյուջեն
ավելացնեք: Բավական է շուտ գամ, իմ մի որևէ բանը կոր-

դում է: Գուք ոչնչից չեք խորշում, իսկական պառավ խոհա-
բարուհու նման: Գուք...

— Ինչո՞ւ ես լռում,— բղավեց Ռիտան:

— Իսկ ի՞նչ կարող է ասել: Նա ի՞նչ կարող է ասել, երբ
ահա հենց հիմա, մի քառորդ ժամ առաջ, մինչև վազ տվեցի
կրպակ եկա, մի ութ մսխալ ճարպ չքացավ: Չհասցրի փա-
կել, շտապում էի կրպակ, թողել էի սեղանին, ամանի մեջ,
աղաչրի մեջ, այսպես, մի կեսֆունտանոց կտոր: Վերևից խա-
չերով նշան արեցի, միշտ էլ այդպես եմ անում: Եկա, տես-
նեմ նշանները տեղում են, իսկ ճարպը կարծես թե պակասել
է: Իսկույն դրեցի կշեռքին: Ութ մսխալ պակաս է: Խորամանկ
է մտածված, երիտասարդ, խորամանկ: Միայն թե ես ձեռքից
խորամանկ եմ: Գուք բարեհաճել էիք տակից դանակով այս-
պիսի մի կտոր կտրել: Իբր, դեհ, ճարպի կտորը լող է տալիս
ջրի մեջ, ո՞վ կհասկանա, թե տակից մի կտոր կտրել են, եթե
վերևից ամեն ինչ տեղում լինի:

— Անդրեյ,— հռոպեց Ռիտան:

— Դա էլ ձեր շնորհակալությունն է այն բանի համար,
որ ես ձեզ, կարելի է ասել, ուղղակի փողոցի՞ց տուն բերի:
Դա էլ որպես շնորհակալություն է, այն բանի համար, որ,
այսպես ասած, ձեր կինը...

Անդրեյը երբեք, ասես նրան տեղից բռնեցին, մոտեցավ
Սերգեյ Վովոլիչին, բռնեց նրա ուսերից, շրջեց ու գուրս տա-
րավ սենյակից: Սերգեյ Վովոլիչը ոչ միայն շղիմաղրեց, այլ մի
տեսակ նույնիսկ շատ շտապում էր, մոռանալով բերանը փա-
կել, իսկ դուռն մեջ կողքի դարձավ, որպեսզի հեշտ դուրս գա:
Սակայն գուրս գալուց հետո հանկարծ ոտքը գետնին խփեց
ու սուր ճչաց.

— Դո՛ւրս իմ տնից, դու-ո՛ւրս:

Անդրեյը դուռը փակեց և նայեց Ռիտային: Եվ իսկույն էլ
կրկին դուռը բացեց և միջանցքից լսվող ճշոցի տակ, գլուխը
ձեռքերով սեղմած, դուրս փախավ տնից:

Սանդուղքի վրա նրա երեսին սառը քամի փչեց: Նա կանգ
առավ: Շինելը և գլխարկը վերցնելու համար սենյակ չէր կա-
րող վերադառնալ: Բարձրացավ մի հարկ վերև և բախեց պրո-
ֆեսորի բնակարանի դուռը: Ոչ ոք չարձագանքեց: Նա սկսեց
ավելի ուժգին բախել, ականջ դնելով, թե ինչպես են թակոց-

ները խլանում բնակարանում և կորչում լուսթյան մեջ: Հետո
սկսեց դուռը կատաղի ծեծել սապոգներով և ամբողջ սան-
դղահարթակում՝ ձեղնահարկից մինչև նկուղ ահավոր աղմուկ
բարձրացավ:

Ստեղծ լսվեց մեկի ձայնը:

— Գուք պրոֆեսորի մո՞տ եք եկել,— լսեց նա և դարձավ:

— Այո:

— Չի՞ պատասխանում:

— Ոչ:

— Նա այս ժամերին միշտ տանն է:

— Այո, գիտեմ:

— Հապա մեկ էլ բախեցեք:

Անդրեյը բախեց: Ականջ դրեց: Լուսթյուն էր:

Անդրեյի ետևում լսվեց շղթայի զնգոց, և մթության մեջ
հայտնվեց բարձրահասակ, փոքր-ինչ կորացած մի մարդ:

— Տարօրինակ է, կարծես վաղուց նրան չեմ տեսել,—
ասաց նա և շոշափեց դուռը:

— Գուցե...— սկսեց Անդրեյը:

— Կարող է պատահել, իհարկե, ամեն բան կարող է պա-
տահել,— ընդհատեց նրան բարձրահասակը:— Գնանք կո-
միտե:

— Մի՞թե դուք կարծում եք...— նորից սկսեց Անդրեյն ու
նորից բարձրահասակը նրան ընդհատեց.

— Կարծո՞ւմ եմ, իհարկե կարծում եմ... իսկ ինչո՞ւ չկար-
ծել:

Մութ սանդուղքով, նեղ, ձայներն արձագանքող բակով,
մուտքերով, որոնց մեջ սուլում էր քամին, քայլում էին երկու
մարդ, հետո՝ երեք, շորս, հինգ, ամեն տեղ հապաղելով ու
կանգնելով, ասես վախենում էին գործն սկսել:

Հետո երկար ժամանակ բախում էին պրոֆեսորի բնակա-
րանի դուռը, ականջ դնում, կրկին բախում: Հետո կրկին ու
կրկին անգամ հարցնում իրար, թե վերջին անգամ ե՞րբ էին
տեսել պրոֆեսորին, չէ՞ր կարող արդյոք նա որևէ տեղ գնալ
կամ մեկնել, կամ որևէ տեղ գիշերել:

Վերջապես բուժ, մաշված սայրով կացինը մտավ դուռն
փեղկերի մեջ, և այն շոր, ինչպես հրդեհված, ճարճատեց: Այն
ժամանակ բուրբ, ասես ազդանշանով, սկսեցին իրար խոսք

կտրելով խորհուրդ տալ, թե ինչպես ավելի հարմար կարելի է դուռը ջարդել: Սակայն հենց որ փականքը տեղի տվեց, և արդեն պարզ էր, որ հաջորդ սեղմումից դուռը կբացվի, բոլորը նորից սկսվեցին:

Անդրեյը երկրորդը մտավ բնակարան, կոմիտեի նախագահից հետո: Սենյակից սենյակ էին անցնում վախեցած, լուռ էուցկիներն էին շրթացնում, կողափայտերի ետևը միացուցիչներն էին փնտրում, փորձում էին արդյոք լույս կա: Նորից լուցկիներ էին վառում, շրջում դատարկ անկյուններում և ապա շարունակում առաջանալ:

Միջանցքի ծայրի սենյակից, երբ դուռը կիսաբացեցին, մեղմ, վարդագույն լույս դուրս սողաց:

— Հենց այդպես է որ կա, — ասաց նախագահը և դարձավ Անդրեյին, — մենք գլխի շրնկանք բակից նայել պատուհաններին:

— Պատուհանները վարագուրված են, — ասաց մեկը:

— Դեհ, շո՛ւտ, շո՛ւտ:

Նախագահը առաջ մեկնած ձեռքով դուռը բացեց: Բոլորը զգուշորեն խմբվել էին դռան մոտ:

Մեղանի լամպիկի փայլատ լույսը համաշափ շրջանիկով ընկել էր գրքերի վրա, հատակին, մահճակալին:

Պրոֆեսորը պառկած էր անկողնու վրա, գլուխը ետ զբացած, սուր կզակը դեպի վեր ցցած: Նա լարի պես ամբողջովին ձգվել էր, երկարել, ասես հասակ էր առել այն օրից, ինչ վերջին անգամ եղել էր մարդկանց մեջ: Դեմքի կնճիռները հարթվել էին, խալիկներն ու խորանարդիկները, որ այնքան ընդգծված էին կենդանության օրոք, անհետացել էին. նա երիտասարդացել էր: Ողորկ ճակատին լույսի մի մեղմ բիծ էր ընկել:

Բոլորը լուռ մտեցան նրան, ուշադիր դիտեցին, հետո առանց իրար նայելու, ցրվեցին սենյակում: Եվ քանի որ ոչ ոք չէր խոսում և ասելու էլ բան չկար, Անդրեյը հազիվ լսելի ասաց.

— Ա՛յ թե մկներն ինչ են արել...

Եվ իսկույն բոլորը գլուխներն այն կողմը դարձրին ու սկսեցին հետաքրքրությամբ նայել գրքերի պահարանին հենած ալյուրի պարկին: Այն բոլոր կողմերից կրճմրծված էր:

քաթանի պատառոտված կտորները կախվել էին հատակին և պարկետի վրայով դեպի շրիշակներն էին ձգվում նեղլիկ սպիտակ հետքեր:

— Սա պետք է մաքրել, — ասաց նախագահը, և անմիջապես երեք մարդ նետվեցին դեպի պարկն ու դուրս տարան:

Մեկ, զուցե երկու տարի շարունակ տեղի էին ունենում ընդհարումներ, վեճեր, կռիվներ, նույնիսկ սպանություն էր լինում, թեև մեղավորներից ոչ մեկը չէր ուղում մեղքն իր վրա վերցնել: Վերջապես այդ մարդկանց գիտակցությանը հասավ, որ ապրում են նոր դարաշրջանում և որ աշխարհն այսօրվանից մերժում է ամբողջ անցյալն ու ապրածը: Վճռված էր հիմնել արտել պրոֆեսիոնալ համապարտության հիմունքներով: Ծիշտ է, այդ արտելը դատապարտված էր գաղտնի գոյություն. նրա իսկական նպատակների մասին չէր կարելի խոսել նույնիսկ գերեզմանատան քահանայի ներկայությամբ: Եվ դրանով իսկ ավելի հաստատուն ու խիստ էր նրա շքրված կանոնադրությունը:

Գերեզմանատունը բաժանված էր յոթ տեղամասի, և ամեն տեղամասը տրված էր երկու գերեզմանափորի տնօրինությանը: Այստեղ հարկ է մի քանի խոսք ասել հենց գերեզմանատան մասին, որքան էլ որ անշնորհակալ բան լինի այդ նկարագրությունը: Գերեզմանատունը տարածված էր լայնարձակ հարթավայրում, ցաթուցրիվ տներով մոռյլ արվարձանի ետևը և իր հին մասում ամբողջապես ծածկված էր բարդիներով: Եկեղեցին հազիվ էր երևում ծառերի խիտ սաղարթի միջից: Նոր տեղամասերն ամայի էին, եթե կարելի է ամայի համարել գերեզմանաթմբերի անծայրածիր մի տարածություն: Եկեղեցու շուրջ կուտակվել էին հինավուրց դամբարաններ, մատուռներ, ծանր գերեզմանաքարեր:

Սակայն բանը ոչ դամբարաններն էին, ոչ էլ շքեղ հուշարձանները: Այս տեղամասը, որ մի ժամանակ ամենանկամբրտաբերն էր, վերջին ժամանակներս գյուղական գերեզմանատան նման ցամաքել էր, խեղճացել և երկու տարվա ընթացքում ընդամենը մի թարմ մարմին էր ստացել, այն էլ ոչ եկամտաբեր՝ գերեզմանատան հայր սարկավագի մարմինը, որ մահացել էր թախծից:

Հուշարձաններ վաղուց չէին գնում և մատուռներով դամբարաններ էլ չէին կառուցվում: Սակայն խաչերը դեռևս գործածությունից դուրս չէին եկել, և խաչերը, հենց այդ խաչերն օգնեցին գերեզմանափորներին՝ հասկանալու իրենց բնույթը և արտել հիմնելու՝ անցման դարաշրջանում իրենց շահերը պլանաչափորեն պահպանելու համար:

Խաչերը, այո՛, որ, ինչպես հայտնի է, լինում են թուլից, երկաթից և մեծ մասամբ փայտից: Թուլն խաչերը պիտանի չեն որևէ գործնական բանի համար: Դա, ըստ էության, անպետք բան է, ինչպես հուշարձանները, մատուռները, տապանաքարերը: Բարեբախտաբար թուլը առաջնակարգ կամ գասակարգային հուշարկավորությունների հետ միասին դարձել էր ավանդություն, և խաչերի ու գերեզմանները այդ տարիներին լրացվում էին միայն երկաթով ու փայտով: Եկեղեցու ցանկապատի նման խիտ պարուրազարդերով կռած երկաթի խաչերն էլ թուլն խաչերից ավելի պետքական չեն: Դրա փոխարեն երկաթաթերթից սարքված դատարկ խաչերը, որ սովորաբար ներկվում էին կեչու գույնի, շատ գործածական են տնտեսության մեջ: Դրանցից, առանց մեծ շարձարանքի, ամեն մեկը կարող է իր համար սարքել ծխնելույզի արմունկ՝ թիթեղյա վառարանի համար, կամ ինքնաեռի խողովակ, կամ հարմար ջրհորդան: Բարդիններից հեռու ընկած լայնարձակ տարածության մեջ այդպիսի խաչեր բավական շատ կային, և խելամիտ օգտագործելու դեպքում դրանց պաշարը կարող էր երկար ժամանակ բավականացնել:

Արտելի անդամների մեջ տեղամասերի բաշխման դժվարությունն այն էր, որ գերեզմանատան ոչ բոլոր տեղամասերում հավասար քանակությամբ փայտե խաչեր կային: Արտելն այդ պատճառով ստիպված եղավ մեծ նախապատրաստական աշխատանք կատարել հին ունեցած մնացած ունեցվածքի գույքագրման ուղղությամբ: Սակայն այդ աշխատանքի ընթացքում երևան եկան նոր դժվարություններ, քանզի, ի տարբերություն հասարակայնության այլ բնագավառների, գերեզմանոցային գործի բնագավառում հին ունեցած փոխել էր, այսպես ասած, ոչ թե ամբողջապես, այլ միայն մասամբ, թեև հաշվելու ժամանակ պարզվեց, որ փոսած խաչերն ավելի են, քան պահպանվածները: Սակայն

մի անգամ արդեն արթնացած գիտակցությունը օգնեց արտելականներին հանգելու իմաստուն վճռի. երկու փոսած խաչը հավասարեցրին մեկ հատ շփոսած, պինդ փայտե խաչի, այն հաշվով, որ մի կտոր պինդ վառելիքայտը նույնքան ջերմություն է տալիս, որքան երկու կտոր փոսած փայտը:

Երբ այսպիսով միավորման հիմունքները սահմանվեցին, գերեզմանափորները գերեզմանատան երեցփոխին առաջարկեցին իրենց վրա դնել տարերայնորեն գողացվող խաչերի պահպանության գործը:

Երեցփոխը համաձայնվեց: Դրանից հետո գերեզմանատան ավերումն արդեն պլանաչափորեն էր կատարվում, և գերեզմանափորներին համակեց մի փիլիսոփայական հայեցականություն, որ վաղուց ի վեր նկատված է այդ արհեստի տեր մարդկանց մեջ և միայն այդ արհեստին է հատուկ:

Պրոֆեսորի մահը հայտնաբերելուց երկու օր հետո դեղեզմանատուն եկավ երիտասարդ, զջլտված մի ուսանող և գրասենյակում տեղեկացավ, թե ինչպես կարելի է արագացնել վաղուց մահացած մարդու թաղումը: Գրասենյակում սկսեցին բացատրել դազաղի, գերեզմանի համար օրդերներ ստանալու կարգը, գրանցումների, հաշվառումների, հերթերի հարցը: Բանը վերջացավ նրանով, որ ուսանողին ուղարկեցին գերեզմանատուն՝ գերեզմանափորներին փնտրելու: Նա հանդիպեց սրանցից մեկին և պատմեց, թե ինչ գործով է եկել: Գերեզմանափորն այնպիսի գին ուղեց, որ ուսանողն ուղղակի սարսափեց:

— Իսկ հանգուցյալն ո՞վ է,— հացրեց գերեզմանափորը:

— Գիտնական է,— պատասխանեց ուսանողը:

— Ուրեմն սովի՞ց է:

— Ոչ, սովից չի:

— Եթե սովից չի, ուրեմն վճարելու բան պիտի լինի:

— Հենց բանն էլ այն է, որ չկա: Եթե լինեք, չէի սակարկի:

— Ավելի էժան չի լինի: Չեք կարող, ուրեմն հերթի դրեք գուցե մեկ, մեկուկես շաբաթից...

— Այդքան փող չկա,— ասաց ուսանողը:

— Մենք կամավորներ չենք, մեզ մոտ սակագնով էս Ձեր կամքն է:

— Ո՛չ, այդքան փող մենք չենք կարող վճարել,— վճռաբար կրկնեց ուսանողը:

Դերեզմանափորը մտածեց և հարցրեց.

— Իսկ պետք է թաղեք ուղղափառ եկեղեցո՞ւ կարգով թե քաղաքացիական:

— Քաղաքացիական:

— Ուրեմն ավելի թանկ կլինի:

— Ինչո՞ւ:

— Ինչպես ասեմ... Եկեղեցական կարգով թաղումից էլի ինչքան շիճի մի եկամուտ կա: Մեկ էլ տեսար կհանձնարարեն խաչին հետևել, որ չՔոցնեն... Դե դա էլ իսկի հետևել կլինի: Փայտի ի՞նչ կարիք կա... Իսկ թե քաղաքացիական է ի՞նչ օգուտ: Հողի մեջ կղնեն, ու վերջ: Անցյալ օրը թաղեցին մի օղաչուի, գերեզմանի վրա կաղնեփայտից մի պտուտակ գրին, իր մեքենայից էր: Դե այդ պտուտակի ի՞նչը վերցնես: Դա քլփորելով էլ չես պոկի, ոնց որ երկաթից լինի: Ձեր տված փողով քաղաքացիական թաղելուց օգուտ չկա:

— Հապա ի՞նչ անենք:

— Այդ փողով գերեզման փորել դեռ մի կերպ կարելի է իսկ թաղելը՝ ինչպես կուղեք արեք:

Այդպես էլ որոշեցին. փոսը գերեզմանափորները կփորեն, իսկ հանգուցյալին մեջը կղնեն ու կթաղեն ուղեկցողները:

Պրոֆեսորին վերջին հարգանքը մատուցելու էին եկել չորս ուսանող, նիհար շիկամորուք մի մարդ, որ նման էր ուսուցչի, և համալսարանի դռնապանը:

Սառնամանիքն այդ օրը մեղմացել էր և գորշ, մանր անձրև էր մաղում: Մի խումբ մարդիկ ցրտից կծկված, թաց, կախ ընկած կարմիր դրոշը ձեռքներին դարբասի մոտ սպասում էին դազաղին: Դազաղը դուրս բերին տան բնակիչները: Գրեցին սայլի վրա և, խաշակնքելով, կարգադրեցին շարժվել: Սայլի ետևից գնացին ուսանողները՝ դրոշակը ձեռքներին: Նիհար մարդը, որ նման էր ուսուցչի, համալսարանի դռնապանը, Անդրեյը և տնային կոմիտեի նախագահը: Եվ քանի որ թաց դրոշակը դժվար էր տանել, գրեցին դազաղի վրա, և

սայլի ցնցումներից այն կիպ կպել էր կափարիչին, փակել ծածկոցի նման:

Երբ գերեզմանը հող էին լցնում, Անդրեյը կանգնել էր քիչ հեռու, նայում էր հատուկենտ խաչերով անթիվ-անհամար գերեզմանաթմբերի վրայով: Նա լսում էր, ինչպես են փոսի մեջ լցվում անձրևից թուլացած ցեխակոշտերը, ինչպես են այդ ընկնելու ձայները դառնում կարճ ու սուր, մոտենալով հողի մակերեսին: Եվ նրան թվում էր, թե պրոֆեսորը այդպես անսպասելիորեն հայտնվելով նրա կյանքում, իր կյանքից տարավ ամենակարևորի մասին մի բան ասելու վերջին հնարավորությունը: Ի՞նչն էր այդ ամենակարևորը. Անդրեյը ինքն էլ կարգին չգիտեր: Սակայն նա այնպիսի մի զգացում ուներ, ասես մեկի դաժան ձեռքը բռնել էր իր կողորդից, և նա հասկանում էր, որ այդ ձեռքը իրեն բաց չի թողնի, մինչև որ ինքը շասի այդ ամենակարևորը:

Նա գերեզմանատնից հեռացավ վերջինը, բոլորից հետո, կորացած, բթացած, աղջամուղջի մշուշով պարուրված: Նա ոչ թե քայլում էր, այլ քարշ էր գալիս, գրեթե սողում արվարձանների անվերջանալի փողոցներով: Անդրեյը նմանվում էր հիվանդի, որին հիվանդանոցից դուրս են գցել հիվանդությունը հազիվ դեռ նոր հաղթահարած վիճակում:

Տանը նրա համար դուռը Ռիտան բացեց:

— Քեզ մի զինվոր է սպասում:

— Զինվո՞ր:

— Այո: Նա իր անունը շասաց, ասում է, թե դու իրեն ձանաչում ես...

— Տարօրինակ է,— անտարբերությամբ ծոր տվեց Անդրեյը և սենյակ մտավ ճիշտ այնպես, ինչպես փողոցում էր քայլում, հյուծված, դժվարությամբ քարշ տալով կախ ընկած մարմինը:

Թիթեղյա վառարանի մոտ, դեմքը դեպի կրակը դարձրած, տաքանում էր զինվորը: Նրա շինելը գցված էր աթոռին, վառարանի մոտ: Նստել էր ծալապատիկ և ձեռքերն էր տրորում: Երբ դուռը ճռռաց, գլուխը բարձրացրեց, կրակի լույսը նրա ճակատից վազեց դեպի կիսաբաց բերանը, որ շրջապատված էր հազիվ նկատելի կնճիռներով, և նրա շրթունքները ծովեցին ժպիտի նման մի բան արտահայտելով:

— Ահա և դուք,— ասաց նա, և վեր կացավ հատակից:

Անդրեյը հյուրին տեսավ միայն այն ժամանակ, երբ լույսն ընկավ նրա շրթունքներին: Նա բռնեց դռան կողափայտից: Նրա միջից գրեթե վայրկենապես վերացավ ողջ լիակաթությունը: Թուլացած, կորամեջք մարդուց նա դարձավ ֆայտացած, ձիգ, սյան պես կանգնած մի արձան: Ռիտան նրա ետևից ներս մտնելով և դուռը փակելով, նրան մի կողմ հրեց, սակայն նա մի քայլ միայն արեց և դարձյալ կանգնեց փայտացած:

— Թարև ձեզ,— ասաց զինվորը, մոտենալով Անդրեյին:

Անդրեյի ձեռքերը ետ քաշվեցին, կարծես ուզում էր դրանք պահել մեջքին, հետո մի հայացք նետեց Ռիտայի վրա և արագ սեղմեց հյուրի մեկնած հանգիստ ձեռքը: Զինվորն էլ նայեց Ռիտայի կողմը և զլուխ տվեց:

— Պատիվ չունեմ գիտենալու ձեր... հըմ... անունը... — Նա սիրալիր էր:— Տեսնո՞ւմ եք, շորերս եմ շորացնում... Կարծում եմ, ավելի լավ չի՞ լինի մենք...

Եվ նա հանգիստ արտասանեց գերմաներեն.

— Մեզ համար ավելի հարմար կլինի ռուսերեն չխոսել:

Օտար լեզվով արտասանած այդ անսովոր, կտրտված խոսքերից Անդրեյն ասես ցնցվեց և արագ հարցրեց.

— Ինձ ինչպե՞ս գտաք:

— Փողոցում տեսա: Մի գումարտակ զինվորների մեջ էլ ձեզ կձանաչեմ: Հետո հետևեցի:

— Ինչո՞ւ մինչև հիմա չեք մեկնել:

— Դա երկար պատմություն է:

— Ի՞նչ եք ուզում ինձնից: Ինչո՞ւ եք եկել:

Անդրեյն իր միջից հարցերն այնպիսի լարումով էր դուրս քաշում, ասես ջանում էր դրանով խեղդել հուսահատական ձիշը:

— Ես կարող էի ավելի ուրախ ընդունելություն ակնկալել,— պատասխանեց հյուրը և կկոցած աչքերը սահեցրեց Անդրեյի դեմքով:

— Հանվեցեք, դուք թրջված եք,— ավելացրեց նա ներողամտորեն և ուսերը թոթվեց:— Որքա՞ն հուզված եք: Ես իրերին ավելի հանգիստ եմ նայում: Մեկընդմիջտ ասել եմ ինքս ինձ, որ ամեն բույն կարող եմ մահանալ: Պատրաստ եմ ամեն

նասարսափելիին՝ մահվան: Ուստի միշտ հանգիստ եմ: Ի՞նչը կարող է մահվանից ավելի վտանգավոր լինել:

— Հավանաբար այդպես է, եթե կյանքում ոչինչ չես սիրում,— թթի տակ ասաց Անդրեյը, շինելը հանելով:

Նա այն կախեց աթոռի թիկնակին, մոտեցրեց վառարանին, անշտապ, դանդաղ, հետևելով իր յուրաքանչյուր շարժումին և նստեց:

— Ի՞նչ պատահեց, որ շմեկնեցիք:

Հյուրը նստեց նրա կողքը:

— Մեծ դժվարությամբ ընկա Մոսկվա: Դա մոտ մեկ ամիս տևեց: Մենակ էի գնում: Մոսկվայում առաջին անգամ վճռեցի օգտվել նոր անունիցս: Պարզվեց, որ դա այնքան էլ հարմար չէր: Չեմ ուզում որևէ վատ բան ասել նրա նախկին տիրոջ մասին, սակայն այդ անունն ինձնից առաջ մեկն արդեն արատավորել էր: Ճիշտն ասած, մի ժամանակ մտածում էի, որ դուք...

— Իմացա՞ն,— շշուկով հարցրեց Անդրեյը:

— Իմացան,— ասաց հյուրը:

Անդրեյը վեր թռավ, նետվեց դեպի Ռիտան և սոսկալի վախեցած շնչաց:

— Իմացել են, տեր աստված: Ռիտա, իմացել են: Ռիտա, հասկանո՞ւմ ես, իմացել են...

Ռիտան նստել էր մահճակալին, ինչպես միշտ, շալով փաթաթված կզակը ծնկների մեջ առած:

— Անդրեյ,— ասաց նա ձգվելով դեպի նա և ձեռքը հանելով շալի տակից,— չեմ հասկանում, դուք ի՞նչ եք խոսում: Խնդրում եմ քեզ...

— Ախ, դու չպետք է հասկանաս,— հառաչեց նա, նորից նետվելով իր աթոռին,— ոչինչ չպետք է հասկանաս: Մի՞թե իմացան:

Հյուրը մի քիչ լռեց, հետո, ասես դիտմամբ դանդաղելով, ընդհատելով և ընդմիջումներ տալով ասաց.

— Սակայն ձեր ինքնատիրապետումը շատ կարճ տևեց: Իմ տեղը լինեիք, վաղուց բռնված կլինեիք: Ես, ինչպես տեսնում եք, զլուխս պրծացրել եմ:

Անդրեյը նրա թևքը քաշեց:

— Ասացեք, գրողը ձեզ տանի, ասացեք վերջապես: Իմացան:

— Այ յայսպես ավելի լավ է,— ասաց հյուրն ու նրա բերանը կրկին ծովեց ժպիտի նման մի բանից:

— Իմացան,— ասաց նա զզվանքով:— Սակայն վրատահորեն չեմ կարող ասել, թե հատկապես ի՞նչ իմացան: Հավանաբար, նրանց հայտնի էր, որ ես ուրիշի անունով եմ ներկայանում: Բայց թե իրականում ո՞վ եմ, նրանք կարող են միայն ենթադրել: Ինչ վերաբերում է ձեզ...

— Տեր՝ աստված,— կրկին հառաչեց Անդրեյը:

— Ձեր մասին ես ոչինչ չեմ կարող ասել: Մի ժամանակ մտածում էի, թե հենց դուք եք արատավորել իմ նոր անունը: Սակայն հետո վճռեցի, որ դա վտանգավոր կլիներ ձեզ համար:

— Վտանգավո՞ր:

Հյուրը սկեռուն նայեց Անդրեյին:

— Այո: Եթե անգամ դուք ցանկանայիք ինձ մատնել, որպեսզի դրանով մի քիչ հեշտացնեք ձեր վիճակը: Հետո հիշեցի, որ դուք ոուս եք: Մատնությունն ու դավաճանությունը հատուկ չէ ուսաներին, որքան ես կարողացել եմ նրանց ուսումնասիրել:

— Ես ցանկություն չունեմ փրկստփայելու ազգային թեմաների շուրջ: Ուզում եմ, որպեսզի դուք ասեք, թե ինչ եք մտածում... ձեր կարծիքով... Ինչ է հայտնի...

— Հա՛-հա՛: Որքան լավ սկսեցիք և ինչպես խառնաշփոթ եք վերջացնում: Ուզում եք իմանալ, արդյոք հայտնի է դարձել, թե դուք ինչ դեր խաղացիք...

— Այո, այո: Այն դերը, որ ես... դե միևնույն չէ՞ մի-թե,— ընդհատեց Անդրեյը:— Ասացեք:

— Դատելով այն բանից, որ դուք հանգիստ մասն եք գալիս այս մեծ քաղաքում, ձեզ ոչ մի բանում չեն կասկածում: Ընդհանրապես, ինձ թվում է, թե գործը բարեհաջող վերջացավ: Ես գրեթե համոզված եմ դրանում: Համեմայն դեպս, այստեղ ինձ առանց մի առարկության էշելունի մեջ մտցրին:

— Ի՞նչ: Դուք եղել եք... Դուք ձեր անունը տվեցի՞ք, — բղավեց Անդրեյն ու բռնեց իր գրուցակցի ուսերը:

— Այսինքն ոչ թե իմ...

— Կոնրադ Շտեյնի՞:

— Հանգստացեք, սիրելիս: Այդ կողմից ոչ մի վտանգ չկա: Կոնրադ Շտեյնն այլևս գոյություն չունի:

— Ի՞նչ,— ետ թռավ Անդրեյը:

— Կոնրադ Շտեյնը մահացել է:

— Ոչինչ չեմ հասկանում:

— Դե լսեցեք: Մոսկվայում ամեն բան կարող էր պարզվել: Ես ժամանակին փախա: Ընկա Կլին, այնտեղից՝ Տվեր: Տվերում աշխատում էի օրավարձու: Մի ընկեր ունեի, հիանալի տղա էր, բեռլինցի: Գիշերում էինք մերթ այստեղ, մերթ այնտեղ, մշտական անկյուն չունեինք: Որտեղ աշխատանք էինք ստանում, այնտեղ էլ ապրում էինք: Մեզ ոչ մի տեղ կարգին չէին ճանաչում: Այնպես որ, երբ այդ բեռլինցին մեռավ, ամեն ինչ ինքնըստինքյան ստացվեց: Ես վերցրի նրա թղթերը, իսկ իմը թողեցի նրան:

Անդրեյը նստել էր լուռ, կարծես չէր լսում:

Հյուրը նայեց նրա աչքերին և հանկարծ, գլխի ընկնելով, ասաց.

— Ոչ, այդ չէ, այդ չէ: Դուք ինձ ո՞ւմ տեղն եք դրել: Մոռացա ասել, որ բեռլինցին տիֆով հիվանդացավ: Ես մեկուկես շաբաթ խնամում էի նրան: Լավ տղա էր:

Անդրեյը վեր կացավ:

— Ուրեմն, Կոնրադ Շտեյնի գործը փակվե՞ց նրա մահվամբ:

— Հավանաբար:

— Ուրեմն, մենք քվիտ ենք:

Հյուրն արագ վեր թռավ տեղից, կծկվեց, դանդաղ շարեց իր շափած-ձևած սառը խոսքերը.

— Ոչ, մենք դեռ քվիտ չենք, ընկեր Ստարցով:

— Ի՞նչ եք ուզում ինձնից,— նորից ճշաց Անդրեյը:

Հյուրը գլուխն օրորեց, դեմքին քնքուշ-սիրալիք ժպիտ սարքեց և, մոտենալով Անդրեյին, բռնեց նրա արմունկը:

— Սիրելի բարեկամս, ես այդպես եմ ասում, որովհետև ինձ պարտավորված եմ զգում: Դուք արեցիք ամեն բան, ինչ կարող է անել բարի սիրտ ունեցող մարդը: Սակայն մենք դեռևս քվիտ չենք: Ես խոստացել եմ ձեզնից նամակ

ասանել ձեր հարսնացուին: Դա իմ պարտքն էմ համարում: Զիշում եմ նույնիսկ նրա անունը՝ Ֆրոյլայն Մարի Ուրբախ, թիշոֆաբրիկից, այնպես չէ: Ինչո՞ւ եք լուում: Կարծեմ չե՞մ տխարվել: Ֆրոյլայն Մարի Ուրբախ, այնպես չէ:

Անդրեյը դեմքը ծածկեց ձեռքերով:

— Սակայն գիտեք ինչ, ձեր նամակը կորցրել եմ: Այսինքն չեմ, ոչ թե կորցրել եմ, այլ դրել եմ այն բեռլինցու գրպանը՝ Խոնրադ Շտեյնի թղթերի հետ...

— Գժվե՞լ եք, ինչ է,— գրեթե շնչահեղձ լինելով, խոխորչաց Անդրեյը:— Չէ՞ որ եթե Կոնրադ Շտեյնի թղթերի հետ քանեն նաև իմ նամակը:

— Ի՞նչ եք ասում, ում մտքով կանցնի ձեր անունը կապել Խոնրադ Շտեյնի հետ:

— Խնդրեմ, չժողրեք: Դուք չհամարձակվեք ինձ ծաղրել:

— Ես ասում եմ այն, ինչ մտածում եմ:

— Թղթերն անպայման կուղարկեն Սեմիդոլ, Կուրտին: Չէ՞ որ Կուրտն անմիջապես ամեն ինչ կհասկանա:

— Այդ մեկը, ճիշտն ասած չէի մտածել...

— Լսեցեք, դուք... գրողը... Լսեցեք: Մաղրելու համար դուք ուրիշ մեկին գտեք: Չմոռանաք, որ իմ ձեռքում եք...

Հյուրը շտապ մատը թափ տվեց Անդրեյի աչքերի առջև:

— Սակայն ձեզ էլ խորհուրդ եմ տալիս չմոռանալ, որ իմ ձեռքում եք: Այո... Բայց սա ի՞նչ գժտութուն է,— կրկին շողորթոթեց նա,— մի՞թե չեք զգում, որ անչափ շնորհակալ եմ ձեզնից և պատրաստ եմ ինչով ասես հատուցել:

— Ինչպես կարող էիք չմտածել, որ...

— Կատակեցի, սիրելի բարեկամ, հավատացնում եմ ձեզ, կատակեցի: Հանգուցյալի գրպանը դրեցի միայն Շտեյնի թղթերը: Ուրիշ ոչինչ:

— Նամակը ձեզ մո՞տ է: Տվեք ինձ, տվեք:

— Ոչ: Նամակը պատռել եմ, որպեսզի պատահամաք ձեզ որե՛կ կերպ չվնասեմ:

— Ախ, ձեր ոչ մի խոսքին չեմ հավատում, չեմ հավատում:

Անդրեյը գլուխը ձեռքերով բռնած ու թափահարելով, ասես ցավից, անկյունից անկյուն էր վազվզում: Հյուրն աչ-

քերը կկոցած հետևում էր նրան և խոսում դանդաղ, բառերը շարում էր, ինչպես խայծն են ամրացնում կեռիկին:

— Ինչո՞ւ եք հուզվում, սիրելի բարեկամ: Մի՞թե դժվար է մի նամակ ևս գրել: Դա ձեզ ավելորդ անգամ բավակա՞նություն կպատճառի գրուցելու սիրելի կնոջ հետ: Խոսք եմ տալիս, որ հենց վերադառնամ հայրենիք, անմիջապես կգտնեմ Ֆրոյլայն... Մարի Ուրբախին՝ այդպե՞ս է կարծեմ,— կհանձնեմ նրան նամակն ու կպատմեմ այն ամենը, ինչ գիտեմ ձեր մասին:

— Դուք ճանաչո՞ւմ եք Մարիին,— հարցրեց Անդրեյը հանկարծ դադարելով վազվզելուց:

Հյուրը լռեց և սեեռուն նայեց Անդրեյին:

— Ոչ:

— Նրան իմ մասին ոչինչ չասեք,— ասաց Անդրեյը կանգնելով հյուրի դիմաց:

— Բայց դուք ինքներդ էիք ինձ խնդրել:

— Իսկ հիմա խնդրում եմ, որ այդ բանը չանեք: Մարիին մի որոնեք: Պետք չէ:

Հյուրը նորից լռեց, հետո խփեց Անդրեյի ուսին, գլխով ցույց տվեց Ռիտային և ծիծաղեց:

— Մենք բոլորովին մոռացել ենք տիկնոջը: Ես ձեզ շատ լավ եմ հասկանում: Սակայն իզուր եք անհանգստանում. Ֆրոյլայն Ուրբախն այդ մասին ոչինչ չի իմանա:

Եվ նա կրկին գլխով արեց Ռիտայի կողմը:

— Խոսենք գործի մասին,— ասաց Անդրեյն, իրենով ծածկելով Ռիտային:— Ինչո՞ւ եք ինձ մոտ եկել:

— Խոսենք գործի մասին,— Անդրեյի տոնով ասաց հյուրը:— Եկել եմ ձեզ մոտ գիշերելու: Վաղն ինձ էջելոնով ուղարկում են: Խուսափում եմ լինել այնպիսի տեղերում, որտեղ շատ մարդ կա:

— Լավ: Խոսք տվեք, որ ինձ ընդմիշտ հանգիստ կըթողնեք:

— Խոսք եմ տալիս:

Անդրեյը մեծ-մեծ քայլերով դուրս եկավ սենյակից:

— Սերգեյ կվովիչ,— ասաց նա, մտնելով տանտիրոջ սենյակը,— ինձ մոտ մի ընկեր պետք է գիշերի: Դա անհրա-

Պեշտ է: Ես նրան կպառկեցնեմ կողքի սենյակում, բազմոցին:

Սերգեյ կվովիչը ձեռքերն իրար զարկեց:

— Սպասեցեք, — համառորեն շարունակում էր Անդրեյը, — ոչ մի առարկություն: Նա պետք է մնա: Այլապես վատ կլինի: Լսո՞ւմ եք: Եվ՝ ոչ մի խոսք: Ոչ մեկին ոչ մի խոսք այդ մասին: Շնորհակալ եմ:

Նա շրջվեց և հեռացավ, շնկատեց, թե ինչպես Սերգեյ կվովիչն սկսեց խաշակնքել արագ-արագ, վախեցած շարժումներով:

Անդրեյը հյուրին տարավ հարևան սենյակը, ցույց տվեց բազմոցը, դուռը ծածկեց և վերադարձավ իր սենյակը:

Այնտեղ նա մի քանի վայրկյան անշարժ կանգնեց, ձեռքով շփեց գլուխը, շփեց ճակատը, այտերը, վիզը: Հետո բռունցքները սեղմեց և ասաց ինքն իրեն.

— Նա ճանաչում է նրան, ճանաչում է, ճանաչում:

Երեբայ, մոտեցավ մասճակալին, գլուխը դրեց Ռիտայի ծնկներին: Հետո փակեց աչքերը:

Ռիտան նրա գլուխը գրկեց, թեքվեց նրա վրա: Անդրեյի շուրթերին մի տաք կաթիլ ընկավ: Նա հարցրեց կամացուկ, առանց կոպերը շարժելու.

— Դու ինչո՞ւ ես... — և լիզեց աղի շրթունքները: — Եթե կարելի լիներ կյանքը նորից սկսել... Բացել կծիկը, թեև առ թեև հասնել այն անիծյալ ժամին և այլ կերպ վարվել: Բուրովին այլ կերպ...

Ռիտան բարձր հեծկտաց և այտը դիպցրեց նրա ճակատին:

— Սիրելիս, սիրելիս...

— Ինչո՞ւ ես... — նորից հարցրեց նա:

— Ո՞վ է այդ մարդն, ասա: Ի՞նչ էիք խոսում:

Նա երկար ժամանակ չէր պատասխանում:

Լուսվուն էր, պատուհանից դուրս հեռավոր աղմուկ էր լսվում: Դանդաղ, դժկամորեն մարում էր էլեկտրական լույսը:

Անդրեյը գլուխը շրջեց, դեմքը թաղեց Ռիտայի ծնկների մեջ՝ ծնկների, զգեստի, ոտքերի ջերմության մեջ, ասաց.

— Այդ բանը ես ոչ մեկին չեմ կարող ասել: Ոչ մեկին:

Ս Ի Ր Ո ց Ե Ա Մ Ր Ի Ֆ Ո Ւ Գ Վ

- Belegte Brötchen!
- Warme Würstchen!
- Bier, Bier, Bier, gefälligst!
- S-s-simplicissimus, Berliner, ageblatt, Lustige

Blätter!

- Woche, Woche, Woche!
- Bier, Bier, Bier!
- Belegte Brötchen, warme Würstchen!
- Zigarren, Zigarren, Zigaretten!
- Kladderadatsch, Kladderadatsch!
- Einsteigen!

Սիզարի ծուխը երկնազույն սավանի նման ծածանվում է առաստաղի տակ և փափուկ պարուրում դժժացող ձայները: Ծավալուն փոքրերը, բրտնած հաղատները, սպիտակ շրջազգեստները, մերկացած ամուր արմունկները, մեծ, կլոր կրծքները՝ ժանյակների և զարդանկարների տակից, հավասարաչափ օրորվում են նստոցներին:

Պատուհաններից դուրս դանդաղ լողում-անցնում է մարմնեղ, լվացված, արևով օրհնված հայրենիքը:

էնլանգենում փարթամ, շքեղ, սուլող, զարդարված դնացքը դատարկվեց՝ կայարանում, և ամբոխը նեղ փողոցով շարժվեց դեպի քաղաքի ծայրը:

Անդրեյն ու Կուրտը բազմությունից զատվեցին, մտան համալսարանի այգին:

Այստեղ խաղաղ էր, տաքուկ սովերներն ընկել էին շավիղներին, հացենիներն ու կաղնիները ծածկել էին երկինքը: Ծառաբներին դեղնին էին տալիս ողորկ ցուցանակները՝ լա-

1 Վաճառողների գոտում-գույուն կայարանի կառամատուցում. բուտերրոդներ: Տաք նրբերշիկ: Գարնշուր: Սիզար: Մխախտո: Ամսագրերի, թերթերի-անուններ և այլն: Վերջին բազմոցը՝ գնացքի ուղեկցողի հրավերը՝ անցեք վագոնները:

տիններն մակագրութիւններով, նույնպիսի ցուցանակներ ցցված էին նաև թմբերի մեջ խրված ձողիկների վրա: Կուշտ, պարարտ հողի և, շգիտես որտեղից, թարմ յուղաներկի հոտ էր գալիս:

— Դուք այդպիսի զգացում ունե՞ք,— հարցրեց Կուրտը,— հանգիստ, խաղաղարար, հարազատութեան զգացում: Մենք բավարարվում ենք շնչին բաներով, որովհետև դրանք մեր շնչին բաներն են: Հավատացնում եմ քեզ, երջանիկ եմ, որ եկե՛կ եմ այստեղ: Հիմար, սիրելի տոնախմբութիւն, հիմար, սիրելի սովորութիւն: Մեկ անգամ ևս նայում եմ ահա այս հացենուն՝ որքան այն հին է, փխրուն, ծակոտկեն: Անցյալ տարի դրա վրայի սունկերը մինչև գոտկատեղս էին հասչնում: Հիմա, տեսնո՞ւմ ես, ավելի վեր են սողացել... Ահա և անատոմիական թատրոնի դարբասը: Գնանք, թանգարանը քեզ ցույց կտամ:

Այգի դուրս եկող դռնից գետնի վրա էր տարածվում յոդոֆորմի սառնավուն, քաղցր հոտը: Սենյակում, ուր նրանք մտան, խոնավ պատի որմնախորշի մեջ էր մտցված ցինկապատ մի սնդուկ: Նրա կափարիչը մի փոքր բացված էր:

Կուրտն այն բացեց: Սնդուկի մեջ ընկած էին պոկպկված մաշկով մարդկային ձեռքեր ու ոտքեր, կապտած մկանների կտորներ, սպիտակ ոսկրեր, ճիլուպի նման զգզված ջլերով, կապտա-կարմիր, սև, գորշ ներքին օրգաններ՝ աղիքներ, լյարդ, թոքեր: Սնդուկի անկյունում երևում էին իրար սեղմված երկու գլուխ՝ լուսավորված դուռնի միջով այգուց ընկած ցերեկային լույսով: Մեկի ծոծրակի մաշկը հանված էր, և գլխի վրա մանր, արյունոտ գանգակարերն էին երևում: Մյուս գլխի վզին, որ անմազ էր՝ և բարձև, փաթաթված էր, ինչպես փողկապ, թմբիկ կապույտ մանկական մի ձեռք: Այս ու այնտեղ ինչ-որ դեղին փոշու կուլտեր էին:

— Գնանք,— ասաց Անդրեյը:

Կուրտը լուռ նայում էր սնդուկին:

— Գնանք, այստեղ մարդ կիսեղզվի:

Կուրտը սնդուկի կափարիչը ծածկեց և, ժպտալով, կամացուկ Անդրեյին թեանցուկ արեց:

Նրանք անցան մի ընդարձակ, լուսավոր սենյակով, որ-

տեղ ապակով ծածկված բարձր սեղաններ էին դրված: Սեղանները մաքուր լվացված էին, հատակը փայլում էր, դռնից դուռ սառնավուն, կամֆորայի հոտով հազեցած միջանցիկ բամբի էր վզզում: Կամարակապ միջանցքի կիսամութը տանում էր դեպի լայն սանդուղքը: Հարթակում, սեղանիկի մոտ նստած էր պահակը: Նա գլխարկը հանեց, հարցրեց.

— Պարոնայք ցանկանում են թանգարանը տեսնել:

Հետո առաջ անցավ:

Մեկը մյուսի ետևից ձգվում էին ապակյա պահարանները: Պահարանների մեջ ապակյա դարակների վրա շարված էին ապակյա բանկաներ՝ սպիրտի մեջ դրված մարդկային օրգաններով: Ապակի, սպիրտ և մարդկային մարմնի կապույտ, գորշ, կարմիր մսակտորներ, թելեր, հյուսվածքներ՝ ահա այն մաներ, ինչ լցված էր այդ ընդարձակ, բարձրառաստաղ սրահներում:

Արևն անզուսպ կերպով հորդում էր մաքուր պատուհաններից և պատերի, առաստաղի, հատակի վրա, մարդկանց հագուստներին, ձեռքերին, դեմքերին թրթռում էին բազմագույն լուսակները, որոնք բեկվում էին պահարանների, դարակների, բանկաների և սպիրտի միջով:

Հանկարծ պահակը կանգ առավ, մի ոտքը ետ գցեց, աջ ձեռքի բութ մատը մտցրեց համազգեստի դարձածալի ետևը և անշտապ բացեց բիրանը:

— Սաղմնաբանութեան բաժանմունք: Աշխարհում առաջինն է իր պրեպարատների թվով:

Այստեղ, մեծությամբ իրարից հազիվ տարբերվող բանկաների մեջ, լողում էին սաղմերի դեղնավուն գնդիկները՝ լծնված հոգիների ամբողջ մի խումբ: Հետո ձգվում էին մեծազլուխ մարդուկների խիտ շարքերը՝ փորոնքներն սեղմված բարալիկ ոտիկներով և ձեռքերի թաղանթավոր մատներով: Վերջում, մի դուլլի շափ տարողութիւն ունեցող բանկաների մեջ, իրենց ծնկներին էին նայում երեխաներ, արդեն այնպիսիները, որոնց անկողնու մոտ տեսնում են մայրերը ծննդաբերութիւնից հետո: Այնուհետև, մյուս սրահում արևի տակ սևին էին տալիս ուղեղի կտորները, խոկ դրանց ետևը:

հատուկ ապակյա պատյանի մեջ, լայն բահկայի հատակին էր դրված մարդու գլուխ:

Գլուխը նեղճակատ էր և ամբողջ ճակատի վրայով իջնում էին անփույթ կարի հետքերը: Շագանակագույն աչքերը բաց էին, բիբերը լայնացրած և ուղղված ինչ-որ կետի, որ հավանաբար ուղիղ նրա առջևն էր: Վերին շրթունքի և այտերի վրա տարբեր կողմեր էին ցցվել կարճ, հաստ, մուգ մազերը. դրանք սափրվել էին մահապատժից մի շաբաթից ոչ շուտ: Եվ ամբողջ դեմքը, վզի կտրված կտորն ու ականջները մուգ կապույտ էին: Պատյանի տակ ցուցանակ էր ամրացված.

Նշանավոր մարդասպան
ԿԱՐԼ ԷՔԵՐՍՈՒԿՍԻ
ԳԼՈՒԽը
(Նյուրնբերգում կայացած վերջին)
հրապարակային մահապատիժը)

— Հայրս ներկա է գտնվել այդ մահապատժին, — սկսեց պահակը՝ ոտքը կախ գցելով, — և եթե պարոնայք ցանկանում են...

— Լսիր, — ասաց հանկարծ Անդրեյը, — գրողը տանի, ախր ինչո՞ւ ենք մենք այս ամենը նայում:

Կուրտը գլուխը ետ գցեց:

— Սա նշանավոր թանգարան է:

— Ես եկել եմ այստեղ կարուսելի, ոչ թե մեռյալներ տեսնելու:

— Կարուսելն էլ կտեսնենք: Սակայն այս թանգարանը...

— Գրողի ծոցը թանգարանը, գրողի ծոցը Կարլ էբերսուկսին, ես ուզում եմ օդ, արև:

Էռլանգենն օդառատ է:

Պատշգամբում, մի գավաթ սուրճն առջևդ, ծիամորճը բերանիդ նստելն ու այդ օդը ծծելը մի բավականություն է, որով կարող է պարծենալ միայն փոքրիկ քաղաքը:

Կեսօրից հետո, երբ գլխավոր փողոցի վրա որոշակի է

դառնում ստվերոտ խաղաղ կողմը և երբ յուրաքանչյուր պատուհանից կախվում են գորգիկներ, բարձեր, փետրաներքնակներ, Էռլանգենի պատշգամբներում թեք թիկնակների մեջ կիսապառկած են ուսանողները:

Համալսարանի այգուց վեր են խոյանում ծաղկող ծառերի նույր բույրերը, ցածից՝ աղմկոտ, արագահոս գետակից ղովասուն խոնավություն է փչում: Երկինքն անսահման վեր է բարձրացել, և քաղաքն իրեն զգում է անսահման թեթև, հաճելի, հարմար: Ճանապարհներն ու մայթերն ամալի են:

— Հե՛յ-հե՛յ, — լսվում է պատշգամբից մի զրնգուն ձայն: — Հե՛յ-հե՛յ: Էրիխ, երեկվա կազինոյից հետո ո՞նց ես:

— Մի ծիծաղիր, կարճիկ. գիշերվա ընթացքում գոտկատեղս հինդ սանտիմետր լայնացել է...

— Հա՛-հա՛-հա՛:

Եվ այսպես պատշգամբից պատշգամբ, փողոցի մի անկյունից մյուսը.

— Հե՛յ-հե՛յ, կոլեգա: Ինչո՞ւ եք այդպես հոհում:

— Էրիխի հետ վիրաբուժական դեպք է պատահել՝ գոտկատեղը ձգվել է:

— Հա՛-հա՛-հա՛:

— Ալֆա կորպորացիան ռադիկալ միջամտություն դեմ է: Փարձեցեք բուժով հետազոտել:

— Իսկ ի՞նչ կնշանակեիք թեթև խռպոտության դեմ:

Նեղ նրբանցքներում տնից տուն.

— Գլխավոր փողոցում փնտրում են գործածված շալվար. գտին՝ հարյուր հիսուն սանտիմետր:

— Հա՛-հա՛:

Պատշգամբների ետևը, վարագույրներով և գորգիկներով ոչ բարձր սենյակներում ջանադիր տանտիրուհիները կոշիկի քուրքով մաքրում են իրենց կենվորների կոշիկները: Համալսարանի լաբորատորիաներում և առանձնասենյակներում պահակներն անշտապ ողողում են փորձանոթները, թորանոթներն ու սրվակները: Ընդարձակ սրահում հավաքում և կացոցների վրա ամրացնում են սուսերները, թրերը, դաշույններն ու էսպադրոնները:

— Հե՛յ-հե՛յ, Օտտո: Ի՞նչ կասես մեր այս էրիխի մասին...

Գլխավոր փողոցով ցած, դեպի գետը դեռևս շարու-
նակում էին քայլել ժանյակներով, դեկլոտեններով, զուգված-
զարդարված հյուրերը: Սակայն աղմուկ չկար, և պատշգամբ-
ներից ելնող ծխախոտի ծուխը հանգիստ վեր էր մագլցում
հարթ պատերի վրայով:

— Որքան խաղաղ է, ի՞նչ անսահման խաղաղություն, —
ասաց կուրտը:

Նա քայլում էր գլխաբաց, դանդաղ, սիրով նայելով
ամեն մի անկյուն, ասես վաղուց կորցրած ու հարազատ մի
քան էր փնտրում: Անդրեյը լուռ էր:

Տարիների ընթացքում մեր բարեկամների կատարած զրո-
սանքներից և ոչ մեկը այնքան կամովին և աննպատակ չէր,
ինչպես էլուանգեն կատարած ճամփորդությունը: Ահա թե
ինչու շենք շտապում առաջ անցնել և ուրախությամբ քայլ
առ քայլ գնում ենք նրանց ետևից փողոցով, քաղաքի ծայ-
րով, անցնում ենք կամուրջը և այնուհետև բարձրանում
խիտ անտառով պատած սարը: Ո՞վ գիտե, գուցեև այս զրո-
սանքը վերջին հանգիստն է, որից ավելի լիակատար միայն
մահն է լինում:

Սարը, որ լորենու, կեչու, թխկու խիտ անտառով պատ-
ված նմանվում էր գլխաշորով ծածկված գլխի, պտտվում
էր ձայների կենդանի ձագարի մեջ: Ձայները դոփոդփում էին
տեղում, այս ու այն կողմ էին նետվում, օձերի պես գալար-
վում էին ծառերի շուրջ, ոտքերի տակ փուվում: Այստեղ կա-
յին Արևելքի և Արևմուտքի հնարած բոլոր գործիքները՝
տնայնագործական եղանակով սարքած, թե գործարաններում
պատրաստված ավտոմատիկ, փողային, լարային գործիք-
ներ: Եվ նրանք սուլում էին, դոփում, գվվում, ճայթում,
երգում, ոռնում, բոլորը միանգամից, ոչ մի ըրպե դադար
չտալով: Երբևէ աշխարհում հորինված բոլոր օպերետները,
օպերաները, մազուրկաներն ու վալսերը, քայլերգներն ու
գալոպները, չհաշված հանդիսավոր օրատորիաները, թախ-
ծալի կանտատները, ռապսոդիաները, մենուետները, պո-
լոնեզներն ու երգերը, երաժշտական ստեղծագործություն-
այդ բոլոր ձևերն ու տեսակները, կենդանական աշխարհին
և երգհոնային ֆարբիկաներին հայտնի բոլոր տոներով և
տեմպերով, մեծաշույն ջանացողությամբ և աներևակայելի

Փորտիսսիմոյով տքնում էին իրենց դրսևորելու այստեղ, այս
սարում, որն, ինչպես գլխաշորով, ծածկված էր լորենուչ
թխկու խիտ անտառով:

Եվ սարը պտտվում էր, պտտվում:

Սարի գլխին, ծառուղիների երկայնքով փուված էին բա-
լագանները, բուդկաները, կրպակները, կարուսելները, հա-
մացուցարանները, համայնապատկերները, կինոները, հիպ-
նոսի աւանձնասենյակները, ճոճանակները, հրաձգարան-
ները, ուժաշափման և սպորտային սրահները, բախտա-
գուշակների տաղավարները և գուշակուհիների քարանձավ-
ները: Ամեն մարդ այս զբոսանքի մեջ մխրճված էր, ինչպես
խցկանը փամփուշտի մեջ, և անմոռունչ բավարարվում էր
նրանով, որ կարող է գլուխն ամեն կողմ դարձնել:

— Գիղեցիկ տիկնայք, հարգելի պարոնայք: Կոչ եմ
անում ձեզ գերմարդկային մի ջանք անել՝ մի երկու ըրպե
կանգ առնել իմ առջև: Այդ ջանքը պետք է թափվի, որպեսզի
ես պահեք այն ոչխարների գրոհը, որոնք ձգտում են ձեր
տեղը գրավել: Դուք չեք կամենա ձեր տեղերը զիջել ոչ-
խարներին, հարգելի պարոնայք: Մի պահ ուշադրություն:
Ձեր առջև են տաբատակալներ, որոնց համեստ տեսքը տրխ-
րեցնում է պարզամիտ մարդկանց և գեղջկուհիներին: Սա-
կայն մենք գիտենք, որ իսկական առաքինությունը միշտ
համեստ է: Նայեցե՛ք, ես ամբողջ ուժով ձգում եմ այս
տաբատակալները, ես դրանք պատում եմ, ատամներով
քրքրում, ինչպես Համբուրգի կենդանաբանական այգու առ-
յուժը, ես դրանք հանգույցներ եմ անում, կտրում եմ կաց-
նով, ահա՛ ա՛յ, ա՛յ, ա՛յ, ես դրանցով քսանհինգ կիլոյա-
նոց կշռաբար եմ բարձրացնում: Նայեցեք, դրանք դառնում
են ավելի առաձգական, փափուկ և հաճելի, բնավ չեն փո-
խում իրենց գույնը, ամրությունն ու հաճելի տեսքը: Սպա-
սեցեք, սպասեցեք: Ես դրանց դնում եմ ջրի մեջ, օճառում
եմ, տրորում խոզանակով...

— Այստե՛ղ, այստե՛ղ, տիկին: Ահա այն հովանոցը, որ
կոչված է պաշտպանելու ձեր աննման մաշկը արևի տապից:
Փորձենք նրա վրա ջուր լցնել, փորձենք այն հակառակ երե-
սին շրջել, փորձենք կտորել նրա կոթը կամ մատով ծակել
այն. ոչինչ դուրս չի գա: Այսպիսի մետաքսից մեծն նապո-

լեռնը զգեստ էր կարել տվել իր երկրորդ կնոջ, իր սիրելի տիկնոջ համար, ինչպես պարզել է պատմական գիտությունը: Եթե այդ հովանոցը հմուտ ձեռքով փակենք, այն բարավիկ կլինի ասեղի նման, որի ծակից ուղտը մտավ երկնային արքայություն: Եթե այն տեսներ ձեր տատիկը, իհարկե, ոչ տիկին ուղտը...

— Օ՛-լյա, Օ՛-լյա-լյա: Այ քեզ մարդիկ, սրանք պատրաստ են ականջները կախ գցել ու ամեն մի դատարկախոսի լսել: Փա՛ռք աստծու, արևից պաշտպանված եք ծառերով: Ի՞նչ միտք ունի փող ճախսել հովանոցի վրա:

Դրա փոխարեն էռլանգենի մագիստրատը ձեր բաց բերաններն է լցրել իր փողոցների ամբողջ փողին, և ձեզ վնաս չէր տա բերաններից ողողել սառույցով և մաքուր շաքարով սարքված իսկական լիմոնադով...

— Իմ սիրելիներ, հանուն քաղաքակրթության և դաշնակից գերմանական միապետությունների միջև լավ հարաբերություններ պահպանելու՝ միայն կես ընդհանուր ուղադրություն: Ոսկյա շղթայիկ, հորինված պրոֆեսոր...

— Այդ երբվանի՞ց են կանայք սկսել տաբատակալներով վարտիք կրել: Բավական է լսեք այդ տաբատակալ վաճառողին, գրո՞ղը տանի, իմ հետճաշյա հանգիստը...

— Սկսվում է, սկսվում է...

— Ի՞նչ կտեսնեք մի մարդու, որ ամբողջ կյանքում սնվել է հին կաշվե կոշկատակերով: Ձեզ համար կցուցադրեն...

— Հինգ հարյուր մարկ նրան, ով կապացուցի, որ իր ձեռքով շոշափել է Պոնդի-Ռոնդի-Կակսից փոքր գաճաճի Պոնդի-Ռոնդի Կակսի հասակը տասներկու սանտիմետր է և բաշը...

Կապտա-կարմիր դեմքերով կանչողները, որոնց երեսներից քրտինք ու թուք էր հոսում, մի ըմպանակ լիկյոր են խմում ու դարձյալ ոռնում իրենց խուպոտ կոկորդներով, ճակատի և պարանոցի երակները պրկելով կապույտ, թանձր արյունով:

— Ըս-կըս-վում է:

— Ըս-կըս-վու-ո՛ւմ է:

Թուֆակների ճշոցներ, գիտուն ավանակների ոռնոց, գրամոֆոններ, երգեհոններ, փոքրիկ երգեհոնիկներ, նվազա-

խրմբեր, օրկեստրիոններ, դաշնամուրներ և միայնակ սրտափնդեք ջութակներ: Իսկ այդ ամենի վրա իշխում է մարդկային ձայների աղմուկը, անօրինակ, աննկարագրելի, տիտանական ոռնոց: Քանզի մարդը պետք է խլացնի բոլոր ձայները, մեքենաների, գործիքների, գազանների և թռչունների ամբողջ աղմուկը, դրոզոցը: Քանզի այս հիանալի, տարված մեջ միակ այս սրբատոնի, ամառային, սիրային տոնախրամբությունն անհրաժեշտ է ոչ միայն վաճառք անել, ոչ միայն ցույց սալ ապրանքը, այլև ծիծաղել, սրամտել, սեր խոստովանել:

Օ՛, այո, սեր խոստովանել:

Դրա համար անհրաժեշտ է սիրեցյալ աղջկա հենց ականջի տակ բղավել, ինչպես ամբողջ ուժով դողանշող զանգառ կատունը:

Սակայն իսկական կիրքը երբևէ մնացել է էլեգիկ պիսոնոյի սահմաններում:

Ա՛խ, կիրք: Ա՛խ, դեռատի, դաժան, ուժգին կիրք:

Նստել ժապավենաթելերով զարդարված կարուսելի սայլակում, նստել՝ ամբողջ մարմնով սեղմվելով ժանյակների մեջ կորած, տաք, լիքը կրծքով, շպարված, մի քիչ քրտնած աղջկան, որին տեսել ես, հանդիպել, մոտեցել մի ընդհանուր, բազմութան մեջ, որտեղ ամեն մեկը կարծես խցկան է փամփուշտի մեջ, նստել՝ ա՛խ, ա՛խ, ոչ, թռչել, սլանալ: պտտվել, ասես ամպիրի թևին: Ահա մութ կիսաշրջանը՝ թունելը, ոչինչ չի երևում, ոչ ոք չի տեսնում, մի վայրկյան, ևս, ևս. ահա ցերեկը՝ կուրացնող, պայծառ. ոտքերիդ տակ մարդիկ են՝ ցույց են տալիս մատներով, ծիծաղում են. ահա կրկին մթություն՝ ոչ ոք չկա, միայն՝ նա է, սակայն ո՞վ, անծանոթ, կարուսելում պտտվող, մի վայրկյան, ևս, ևս՝ լույս, ցերեկ, մարդիկ, և դարձյալ թունել:

Արդյոք մարդկությունը հորինե՞լ է մի ուրիշ մեքենա, որը սրտերը, հոգիները, գրկախառնությունները, համբույրները՝ սիրային այդ ամբողջ հումքը վերամշակեր ու դարձներ երջանկության այնպիսի բյուրեղային, խտացված ֆաբրիկատ, ինչպիսին ստեղծում է կարուսելը, սիրո այդ կախարդական ցենտրիֆուգան:

Այս ամբողջ ճոճանակները, թռչկոտող սանդուղքները և

անվերջանալի կածանները, և ամերիկյան սարերը, դրանք բոլորը երջանկութեան քիչ թե շատ որակյալ փոխամիջոց էլ չեն արտադրում, երջանկութուն, որի արտադրութեան արտոնազիրը պատկանում է կարուսելին: Իսկական երջանկութունը, աշխարհում միակ երանելի նիրվանան, իսկական փոթորիկող կիրքը (զգուշացե՛ք կեղծվածից) կարուսելի մենաշնորհն է:

Ուրախացի՛ր ժապավենազարդ, երփներանգ, ոսկեթելիկ, հուրհրատող, ձիու վազքը նավակի համաշափ ճոճումին զուգակցող, հավերժ հմայված երգեհոնիկի ձայներից, հավերժ պտտվող՝ ուրախացի՛ր:

Երբ փաստորեմ սկսվեց Ռամաշխարհային
պատերազմը

Երբ բալով, ճոճվելով՝ բալագանից ճոճանակները, ճոճանակներից դեպի բողկաները բշկվելով, Կուրտն ու Անդրեյը անձնատուր եղան ամբոխին, նրա անհոգութեանը, նրա քմահաճույքներին: Որպես ի ծնե բերանբացներ, նրանք չէին կարող ասել, թե իրենցից քանի ժամ խլեցին կանչողները, առևտրականները, ծաղրածունները և իրենց նկրողոզիայի ու հոգեբուժութեան պրոֆեսորներ մեծարող ճմրթված ֆրակներով պարոնայք, որոնք սեփական ձեռքերով բալագանների լաստակներին էին դնում նախշված քնած լուսնոտներին:

Երբ հոսանքն ընկերներին դուրս բերեց այնպիսի մի տարածություն, ուր կարելի էր ազատ շնչել ու շարժվել, նրանք նայեցին իրար ու ծիծաղեցին: Քրտնած, ճմրթված, նրանք նման էին հորդ անձրևի տակ ընկած մարդկանց: Կուրտը հիացմունքով բացականչեց.

— Նայիր, Անդրեյ: Ահա այս բեղավոր, իսկ շատերն էլ ձերմակահեր այս մարդիկ, այս հայրերը, մայրերը, գուցեև պապերն ու տատերը՝ սրանք բոլորը երեխաներ են, որոնց համար խաղալիքն ամենաթանկ բանն է: Այսպիսի տոնախորմութիւն... այսպիսի պարզամիտ ուրախութիւն...

— Սպասիր, — կանգնեցրեց նրան Անդրեյը, — սու ի՞նչ է: Կուրտ, սա ի՞նչ է:

— Տիր:

Անդրեյն առաջ նետվեց, հետո Կուրտի ձեռքը բռնեց, ամբողջ մարմնով սեղմվեց նրան, ասես սպաստան և պաշտպանութուն փնտրելով:

— Քեզ ի՞նչ պատահեց, ի՞նչ ես անում:

Ոչ բարձր բալագանի առջև լիահնչյուն, հանդարտ քրքիջ էր լսվում: Տղամարդկանց մի հոծ խումբ մերթ էտ էր բաշվում վրանի արգելապատից, մերթ վրա էր ընկնում սլատին: Արգելապատից ութ-ինը քայլ հեռու, երկաթածողերի վրա ամբացված ցցվել էին գզգզված, ծեծված մարդկային զուլփներ: Իրանցից յուրաքանչյուրի վրա ամբացված էին ցուցանակներ՝ վրան այն հանցագործների անունները, որոնց մի ժամանակ պատժել էր արդարադատությունը, և որոնց հիմա խրտվիլակ էր դարձրել բալագանի տիրոջ ցասումնալից ձեռքը:

Շատ հասարակ խաղ էր: Հարկավոր էր մեծ լաթե գնդակը խփել գլխին: Այն ընկնում էր և ծածկվում քաթանե վաճառասեղանի վրա: Նիհարիկ, գունատ դեմքով մի փոքրիկ տղա, որ վազվզում էր վաճառասեղանի ետևում, նշանակետն անմիջապես կարգավորում էր ու գնդակը նետում տիրոջ ոտքերի մոտ, որը արգելապատի առջև կանգնած տուգանք էր գանձում յուրաքանչյուր վրիպումի համար:

Գործն անընդմեջ առաջ էր գնում. գնդակները արգելապատից թռչում էին նշանակետերի գծի ետևն ու ետ գալիս տերը մարկաներ էր փոխում, գնդակները տալիս մրցութեան մասնակիցներին, բղավում էր տղայի վրա ու գավաթից գարեջուր ծծում: Հավաքված մարդիկ հոհոտում էին, խրախուսում և ծաղրում, ետ էին նահանջում, երբ սպորտսմենը թափ էր առնում, որ նետի և նորից վրա ընկնում, երբ նա գնդակը նետում էր նշանակետին:

Նշանակետերի կենտրոնում ցցված զուլխը՝ նեղ ճակատին արած անփուլթ հանգուցավոր կարով, մուգ կապույտ դեմքին դուրս պրծած շագանակագույն աչքերով, որ ծածկված էր սափրելուց հետո բուսած կարճ մազերով, այդ զուլխը բազմութեան առանձնահատուկ ուշադրութեանն էր արժանացել, և գնդակ գնդակի ետևից նրան էին հարվածում: Իսկ այն ետ ընկնելով և քաթանի տակ ծածկվելով, նորից ու նորից տնկվում էր առաձիգ երկաթածուղի վրա և իր շագա-

Նակագույն խելահեղ հայացքը բուժ կերպով սեեռում քրքշացող, քրտնած, ամբոխին:

Գլխի հետ վարվում էին սիրալիր, մտերմավարի, տնավարի:

— Կառլիկ, Կառլուշա, Կառլո:

Իսկ գլխի վրա կախված էր ցուցանակը:

Գագանային մարդասպան,
Սարսափելի ավազակ,
Օրը ցերեկով թալանչի և
նշանավոր կին լլկող
Կառլ է բ ե ռ ս կ ս:
Մրիկայի գլուխը կտրեցին
Նյուրնբերգում:

— Սա ի՞նչ բան է,— նորից բզվեց Անդրեյը:

— Սա սպորտ է,— լսվեց մեկի հանգիստ ձայնը նրա ականջի տակ:

Նա անմիջապես գլխի շքնկավ, թե ով արտասանեց այդ բաները, և, իսկույն չհասկացավ, որ դրանք ուսուցիչն ասվեցին: Ուրեմն իր բերանի՞ց էլ էին ուսուցիչն ասելը դուրս թռել:

— Մանոթանանք, ես այստեղի ուսանող եմ, ազգանունս է... Ի դեպ, այդ կարևոր չէ: Դուք և ձեր բարեկամը ինձ դուր եկաք. վաղուց եմ ձեզ հետևում, նայում, թե ինչպես եք ձանձրանում այս խառնաշփոթության մեջ:

Կկոցած, մի փոքր հոգնած աչքերը նայում են ծաղրալի ու հանգիստ, բերանն ասես ջղաձգվում է անվստահ ժպիտից:

Ուսանողը սեղմում է Անդրեյի և Կուրտի ձեռքերը:

— Դուք գերմանացի՞ եք,— աշխուժորեն դիմում է նա Կուրտին:— Հիանալի է, ուրեմն գերմաներեն կշատախոսենք: Այս բալագանի մոտի զվարճությունը ձեր բարեկամին այնպես է շքմեցրել, որ նա նույնիսկ գունատվել է:

Անդրեյը ջանում է նայել Կուրտի աչքերին ու ասում է.

— Համենայն դեպս, հրեկաններն այդպես չեն զվարճանում:

Կուրտը սեղմում է Անդրեյի արմունկն, ասես ուզում է նրան հանգստացնել և ուշադիր նայում է նոր ուղեկցին:

Սա խոսում է, քիչ անհանգստանալով, արդյոք լավ՞ում է իր ձայնը թե ոչ:

— Սպորտն, ինչպես հայտնի է, ֆիզիկական դաստիարակություն է: Սակայն որքան իմաստություն է հանդես բերել բալագանի տերը օգտակարը զուգակցելով վսեմին: Հոյակա՞պ է: Այս ձևով դուք ոչ միայն մարզում եք լանդշտուրմի քարացած մկանները, այլև սրում եք նրա բարոյական զգացումը, ամրացնում իրավագիտակցությունը և այլն: Իսկ որպեսզի այդ ամենը շատ տաղտկալի չլինի, հաբը ոսկեջրում են ամենագրգռիչ ակնարկությամբ. կին լլկող, և այն էլ ոչ թե սովորական, այլ՝ նշանավոր: Ահա, խնդրեմ, օձի իմաստությունը: Որպիսի լայն հնարավորություններ Տիցի գործակատարի երևակայության համար: Ծապոնական և ոչ մի պատկեր նրա երևակայությունն այնպես չի բորբոքի, ինչպես այս կարճ տողը՝ նշանավոր կին լլկող: Կարևորն այն է, որ այս ամբողջ պատմությունը ներթմված է հայրենասիրական գաղափարով, քաղաքացիներին պետականության ոգով դաստիարակելու գաղափարով:

— Իսկապես զզվելի է,— կուչ եկավ Անդրեյը:

— Քա՛հ-քա՛հ, եթե լավ տրամադրության մեջ չլինեի,— ծիծաղեց Կուրտը,— ձեզ կզնգսեի, կուլեզա:

— Ինչի՞ համար:

— Ընդհանրացումների: Խաբեբայի մեկը բան է հորինել, հիմար մարդկանց գրավելու համար, իսկ դուք պետականության մասին եք դուրս տալիս:

Ուսանողն աչքերը կկոցեց, ուսերը թոթվեց: Նրա դեմքով շարունակ ժպիտ էր սահում, դեմքի արտահայտությունը սակայն անորսալի էր: Նա ասես ծիծաղում էր ինքն իր ճառի վրա ու վճռել էր մտքում ստուգել՝ հավատո՞ւմ են իրեն թե ոչ:

— Դուք լավ տեսք ունեք: Հավանաբար ուսանող եք, գուցե նկարիչ՞ եք: Մի խոսքով ձեզնից ոչինչ չի կարելի պահանջել: Ուզում եմ ասել, որ դուք երազող մարդիկ եք: Իսկ ես սթափ մարդ եմ, թեև դեմ չեմ կոնծելուն: Գնանք այնտեղ, սարը բարձրանանք, գնանք ռեստորան: Վահ, ձեռք քաշեք՝ վերջապես կաժաններով ման գալու սովորությունից: Անտա-

որ միջով և՛ ավելի մտտ է, և՛ ավելի ազատ... Բարեկամներ, ես հինգ համալսարանում եմ եղել, ընդ որում, շորսից ինձ վրձնել են: Ասենք, բանը համալսարանները չեն, այլ այն, որ ես կարճ ժամանակում ապրել եմ շորս երկրում և սովորել եմ թթել ամեն ինչի վրա: Այնպես որ, ինձ դժվար կլինի կողմնակալության մեջ բռնացնել: Ես միջազգային անասուն եմ: Եվ եթե ձեր ձեռքերը քոր են գալիս, ես պատրաստ եմ շաբունակելու իմ ընդհանրացումները, որպեսզի ինձ դնգսեք ամբողջությամբ: Համաձայն եք:

Խոտի վրա թավալվել էին հոգնած մարդիկ, առանց բաձկոնների, առանց գլխարկների, գետնի վրա չոված բացված հովանոցների տակ: Բարեկամներն անտառն անցան և դարձյալ հայտնվեցին զվարճասերների տոնական ամբոխի մեջ:

Այստեղ, լայն հրապարակի վրա ծավալվել էր ռեստորանը: Երկար սեղանների ու նստարանների շարքերը ձգվել էին հրապարակի ամբողջ երկայնքով և հավասար սանդուղքով բարձրանում էին դեպի վրանը, որ գրոհված էր օսլայված մատուցողուհիների մեծ խմբով: Նստարաններն այնպես էին ծածկվել հյուրերով, ասես միայնակ ծառի վրա սերմնագոռավների մի ամբողջ երամ նստած լինեք: Սեղաններն ամբողջովին ծածկված էին զարեջրի կավե ամաններով: Հասաժամարմին մատուցողուհիները, մատներին ամրացված գավաթները գլուխներից վեր բռնած, մի կերպ առաջանում էին դեպի վրանը, որտեղ դրված էին փրփրալի հեղուկի տակառիկները: Մաղիկներ և օձաժապավեններ վաճառողները թեքվում էին հյուրերի մեջքի վրայով, նայում ուղիղ նրանց նրեսին այնպիսի ժպիտով, ասես այդ բոլոր մարդիկ նրանց սիրեկանները լինեին: Գլխավերևները, ծառերի ճյուղերին կպած, խառնված, խճճված կախվել էին օձաժապավենի զուլնզուլն ծապավենները, որ երբվում էին, պոկոտվում նոր ու նոր թղթի օձերի հարվածների տակ: Այստեղ էլ ծիծաղ էր լսվում:

Բարեկամները սեղան նստեցին հարթակի վերևում: Նոր սեղանիցը հայտնվեց նրանց մեջտեղում և հերթով դառնում էր մերթ մեկին, մերթ մյուսին, ջանալով որ իրեն լսեն:

— Ահա ձեզ կենսաբանության այբուբենը. եթե որևէ օրգան երկար ժամանակ անգործության մատնվի, այն կորց-

նում է իր ֆունկցիաները կատարելու կարողությունը: Ըստ իս, օրգանական տեսությունը գուր են հայհոյում: Կենսաբանության օրենքներն, ըստ էության, ընդգրկում են ժողովուրդների հոգեկան ողջ կյանքը: Արյան վրեժը եվրոպացիք փոխարինեցին մենամարտով, իսկ մենամարտը վերածվեց չափառիթի. հակառակորդիդ թշիկը քերծեցի՞ր սրովդ, ուրեմն բավական է: Կամ դրանից էլ լավ. ձեզ ապտակել են, դատավորը տուգանել է վերավորողին, ուրեմն վիրավորանքը վերացավ. դուք հանդիստ եք: Սա նրանից է, որ մենք սերնդեսերունդ չենք մարզել մեր վրիժառության զգացումը: Այն աստիճանաբար ատրոֆիայի է ենթարկվում:

— Դուք ի՞նչ եք ուզում մեզ համոզել,— հարցրեց Անդրեյը:

Ուսանողը գավաթից գարեջուր խմեց, և հանկարծ նրա դեմքը սմբեց, մթնեց, ծերացավ, ժպիտն անհետացավ, և նա հոգնած ասաց.

— Ոչ մի բան: Ինձ ուղղակի զվարճացրեց ձեր միամբողջությունը որպիսի տեսքով ձանձրանում էիք նայելով բալզանին: Եվ հետո ձեր վախը հրաձգարանի մոտ. ուզում էի մի քիչ շատախոսել, ուրիշ ոչինչ:

Նա սեեռուն նայեց Անդրեյին:

— Հատկապես ձեզ, ուսուներիդ հետ: Ես սոսկ հարցեր եմ դնում: Դուք Հոմեր չհիշեցի՞ք, երբ առաջին անգամ տեսաք Գերմանիան: Հասկանո՞ւմ եք: Այսպիսի ծաղկում, այսօրան շքեղություն, այսօրան լիություն, գոհունակություն: Անտանելի է: Ես զգում եմ, որ ամբողջ երկրի հողի տակ, ամբողջ ժողովրդի գիտակցության խորքում լարված անհամբերության հակայական շերտեր են փռվել: Շուրջն ամեն բան այնքան հագեցած է, այնքան լիքը, որ պետք է, անհրաժեշտ է, անխուսափելի է լարումը թուլացնել: Շուրջն ամեն ինչի մեջ ես զգում եմ մի սարսափելի պոտենցիայի շունչ: Եվ տեսնում եմ ինչպես է այդ պոտենցիան աճում, ինչպես է շարունակ դրսից սնուցվում, ասես էլեկտրականությամբ լիցքավորված ակումուլյատոր: Դուք հիշո՞ւմ եք սպորտամենների դեմքերը: Դուք սարսափեցի՞ք: Իսկ մտածե՞լ եք, թե ինչ ուժ է թաքնված այդ զվարճության տակ: Այն մարդում են այդպիսի անմեղ ձևով, որպեսզի հետո ուղղեն ուր հարկն է:

Գուք հասկանո՞ւմ եք, թե այն ուր կուղղվի: Հասկանո՞ւմ եք: Զգո՞ւմ եք, թե ինչպես է այդ ուժը երբերում հողը ձեր սոթե-րի տակ: Զգո՞ւմ եք, թե դա ինչ ժայթքում կլինի:

— Ի՞նչ եք խոսում,— հանկարծ բղավեց Անդրեյը:

Ուսանողը բռնեց նրա ձեռքը:

— Ժայթքում,— խուլ ձայնով կրկնեց նա,— զգո՞ւմ եք:— Եվ նա գլխով ցույց տվեց ցած՝ սեղանները, որոնց շուրջ խիտ-խիտ, ինչպես սերմնագույնները ծառի ճյուղերին, նըստել էին զվարճասերները:

— Նայեցեք:

Իրենց սեղանից մի շարք ցած, նստարանին կանգնել էր մի ուսանող: Նրա նախշված կորպորանտական գլխարկը թեքվել էր հարթ, վարդագույն ծոծրակին: Նա առանց բաճկոնի էր, վերնաշապկի թևքերը ծալած: Ետևը կանգնել էր մի աղջիկ օձաժապավեններով լի զամբյուղը ձեռքին: Ուսանողը զամբյուղից վերցնում էր օձաժապավենի մի կծիկ, ժապավենի ծայրը փաթաթում մատին, երկար ժամանակ հարմարեցնում ու նշան էր բռնում, իսկ հետո կծիկը շարտում ներքևի սեղանի ուղղությամբ: Ծանապարհին ժապավենը խճճվում էր ծոռերից կախ ընկած օձաժապավեններին կամ դեմ էր առնում դիմացից թռչող ժապավենին ու միահյուսվում նրա հետ կամ էլ հենց իսկույն խրվում մնում էր լորենու ճյուղերի մեջ, առանց նույնիսկ բացվելու: Ուսանողը, առանց շրջվելու, ձեռքը դարձյալ մտցնում էր իրեն մոտեցրած զամբյուղի մեջ, վերցնում էր նոր կծիկ ու, ջանալով ճարպկորեն շրջանցել արգելքների բարդ ցանցը, նորից էր ժապավենը նետում: Յուրաքանչյուր անհաջողությունից հետո նա ավելի էր բորբոքվում: Վերջապես նրան հաջողվեց իր ժապավենով դիպչել օձաժապավենի խիտ ծածկույթին, որը նրան բաժանում էր իր նպատակից: Ընդհանուր քրքիշի տակ նա օձաժապավենը ցած քաշեց հյուրերի գլխին: Հիմա մարտի դաշտը նրանն էր: Նա սոթերն ավելի լայն բացված դրեց, վերջրեց օձաժապավենների մի ամբողջ կապոց և աշխույժ կրակ բացեց:

Ուսանողի նշանակետը մի աղջիկ էր: Նա նստել էր մի տարեց, պատկառելի տիկնոջ հետ, որն իրեն պահում էր մոր կամ մորաքրոջ նման: Նպատակին հասած աղաջին ժապավենը

կրկնեց: Ե՛հ, այստեղ ինչքան ասես օձաժապավեն կարե Փրանք թափում էին վերևից անձրևի նման և խշխշում սոթերի տակ, ինչպես տաշեղներն ատաղձագործի արհեստանոցում: Երկրորդ ժապավենը հարվածեց աղջկա թևին: Նա անհամբերությամբ ժապավենակծիկը մի կողմ նետեց: Երրորդը սահուն կերպով ընկավ սեղանին, տիկնոջ դեմքի մոտ: Աղջիկն շտապով ժապավենը մի կողմ քաշեց և ինչ-որ բան շաղակրատելով, ակամա այն փաթաթեց իր մատին:

Այն ժամանակ ուսանողը ժապավենը ձգեց և մեծ զգուշությամբ քաշեց: Աղջիկը զուլսը բարձրացրեց, նրա հայացքը սահեց այդ օդալարի վրայով և հանդիպեց ուսանողի ժպիտից ճապաղած, բրտնքից փայլվող դեմքին: Աղջիկը քմծծաղ տվեց և ձեռքի մի թեթև շարժումով լարը կտրեց:

Կուրտն ու Անդրեյը ծիծաղում էին: Նրանց ուղեկցի դեմքը դարձյալ երիտասարդացավ, և երեսին մի անվստահ ժպիտ սահեց:

— Գուք գիտե՞ք,— ասաց նա,— որ այս տոնախմբությունը ուսանողներն անվանում են գինեկոլոգիական սեղոն: Ո՞չ, Դա ուսանելի պատմություն է: Այստեղի պրոֆեսորներից մեկն իր դասընթացն սկսելիս հայտարարել է. «Շատ ափսոս, որ մենք աշխատանքն սկսում ենք ձմեռային սեմեստրին և առաջին շրջանում զրկված կլինենք այն փրկարար նյութերից, որոնց շնորհիվ մեր թանգարանի սաղմնաբանական բաժանմունքը համաշխարհային համբավ է ձեռք բերել: Էոլանգենի տոնավաճառից երկու-երեք ամիս հետո այդպիսի նյութեր ինչքան ասես կան»: Գուք զարմացա՞ծ եք: Զեզ համար դա անհասկանալի՞ է: Պրոֆեսորը գիտեր ինչ էր ասում: Տարին մեկ անգամ այս մշտապես քաղցած քաղաքն են մտնում կանանց հոծ շարքեր: Նրանց այստեղ սպասում են ուսանողներն ու զինվորները: Գուք կարծում եք նրանք կանանց զո՞ւր են սպասում: Երկու ամիս անց այդ կապտաշա հարսնացուների, կանանց, զարմուհիների և քույրերի մի որոշ տոկոսը դարձյալ կգա հյուրասեր Էոլանգեն, որպեսզի պառկի համալսարանի կլինիկաների մահճակալներին:

— Գուք չափազանցում եք, և մուսլ եք, կուլեզա,— ասաց կուրտը:

— Չափազանցում եմ: Մու՞յլ եմ: Օ՛, դուք ումանտիկ
նք: Ուզում եք գրագ գանք, որ այդ բուրշն՝¹ ամենաուշը այս-
օր երեկոյան կհասնի իր նպատակին: Նայեցե՛ք, նայեցե՛ք:
Նստարանին կանգնած ուսանողի մոտ խմբվել էին ծաղ-
կավաճառուհիները: Նրա և ներքևի սեղանին նստած աղջկա
միջև օտար օձաժապավեն էր ձգվել: Ուսանողը շուրթերը
հպում էր ձեռքի մեջ սեղմված ժապավենի ծայրին և ամբողջ
իր ծանրամարմին տեսքով աղջկա նկատմամբ անզուսպ մի
տենչանք էր արտահայտում: Նա ընտրում էր մի ծաղիկ,
իրեն մատուցած կողովից, համբույր էր դրոշմում այդ ծաղիկին
և ծաղկավաճառուհու ձեռքով ուղարկում իր ընտրյալին: Հե-
տո գլխավերևն էր բարձրացնում զարեջրի գավաթն ու մի
քանի կոմո՞վ դատարկում: Աղջիկն ընդունում էր ծաղիկները,
սեղմում դեմքին և աննկատելիորեն խորամանկ հայացքներ
նետում ուսանողի կողմը: Սա անմիջապես որսում էր այդ
հայացքներն ու իր հիացմունքն արտահայտում այնպիսի
շարժումներով ու դեմքի արտահայտությամբ, որ ուրախաց-
նում էր աղջկան:

— Ուրախ է, ազնիվ խոսք, ուրախ է,— ծիծաղեց Կուրտը:

— Նայեցեք սրա մարմնին,— բղավեց ուսանողը,— չե՞
որ սա սարսափելի է: Փորձեցեք նրան խանգարել, մի պահ
միայն ուշադրությունը շեղել, նա կատաղած շան պես վրա
կպրծնի ձեզ, ձեզ կզզի: Ե՛վ դա նրան մեծագույն բավակա-
նություն կպատճառի, քանի որ ծայր աստիճան անհամբե-
թությամբ է համակված:

— Դուք այդ բո՞ւրշի մասին եք ասում:

— Ես ասում եմ բոլորի մասին:

— Խելագարվել եք:

— Հա՛, հա՛: Դուք նկարի՞չ եք: Այդպես էլ գիտեի:
Նստում եք այս ու այնտեղ ձեր քաթանն աթոռակներին ու
ոչ մի անգամ մտքներովդ չի անցել, որ հրաբխի վրա եք
նստած: Քա՛հ, քա՛հ: Մի գեղեցիկ մի անգամ ձեզ պատան-
պատառ կանի այդ ներկայանակների, հովանոցների և աթո-
ռակների հետ միասին, ինչպես սողալաշրի շիշն է արևից

չայթում: Ահա այդպիսի բուրշերի հրոսակախումբը կրունկ-
ներով կտրորի ձեր բարեհոգությունը:

— Մտազար է,— ասաց Կուրտը, ուսանողից ետ քաշվե-
լով:

— Սպասեցեք,— ասաց սա ոտքերը նստարանի վրայով
տնցկացնելով,— ես մի ապուշի պետք է տեսնեմ: Հիմա
կվերագտնամ և միտքս կավարտեմ:

— Նեղություն մի քաշեք,— պատասխանեց Կուրտը:

— Ուզում եմ ձեր գլուխը մտցնել. ոչ ձեք, ո՛չ, կոլեգա,
այլ իմ միամիտ համերկրացու, որ... հետո կասեմ, որ...

Նա պտտվեց և անհետացավ կիսահարբած, աղմկոտ ամ-
բոխի մեջ:

— Գնանք,— ասաց Անդրեյը և բարեկամի դեմքին հա-
ռած նրա հայացքում հոգսի ստվեր էր երևում:

Երբ իջնում էին բալագանների մոտ, և շուրջն ամեն ինչ
խառնվել էր երգեհոնի դմբղմբոցի մեջ, Կուրտն ագանց.

— Այդ տղան, իհարկե, հիվանդ է:

Հետո, քիչ անց, քնքուշ ժպտալով ավելացրեց.

— Առանց նրա զվարճանանք, հը՛...

Գիշերը, կայարանում՝ արևից, կարուսելներից, ոգեհարչ
ցումներից և ամբոխից հոգնած մարդկանց հետ, որոնք
փորձում էին վազոն բարձրանալ, բոթբոթվելուց ու վեճերից
հետո, Կուրտը կրկին ընկավ հաճելի հայեցականություն մեջ՝
հայացքներից, ծիծաղից, երգերից ու գիշերից բորբոքված:

— Անդրեյ, միևնույն է, մենք գնացք շենք ընկնի: Արի
այս տոնախմբությունն ավարտենք հին կարգով. մի հյու-
բանոց գտնենք, գիշերենք, իսկ վաղը լուսաբացին՝ տուն,
ոտքով, մեր զարմանահրաշ, մեր սքանչելի...

Կուրտը խոսքը շավարտեց: Նրա հայացքն ընկալ՞ սրահի
ծայրին սեղանի մոտ տնկված բրգաձև ծառին:

— Իսկ այն տղան,— փնթփնթաց նա,— նա, որ այսօր
մեզ էր կպել, որոշ բաներում ճիշտ է, գրողը տանի:

Բրգաձև ծառի ետևում, սեղանին դրված էր վառ դեղին
մի փոքրիկ ճամպուրուկ: Ճամպուրուկի ետևը, կաշվե բազմոցին
փովել էր ուսանողը, այն աղջկան գրկած ու իրեն սեղմած:
Մի քանի ժամ առաջ այնտեղ, բալագանի ռեստորանում.

¹ Բուրշ—գերմ. ուսանողական միության անդամ (Յ. Ք.):

նրանց միայն թղթե ժապավենն էր միացնում: Նրանց աչքերում թափառում էին ծուլ կրակներ: Ուսանողը օգում թափահարում էր ձեռքը, նույնիսկ ոչ թե ձեռքը, ոչ թե դաստակը, այլ միայն ձիգ և ուղիղ տնկված մատները: Այդ շարժումը,— ներողամիտ սիրալիր և անփույթ,— վերաբերում էր տարեց պատկանելի տիկնոջը՝ աղջկա մորը կամ մորաքրոջը: Տիկինը կանգնել էր մի քիչ հեռու, պատրաստվելով հեռանալ, և գլուխն էր օրորում՝ չգիտես կշտամբանքով, ափսոսանքով, թե խրախուսելով: Նրա գլխարկը մի կողմ էր սահել, և գլխարկի տակից դուրս ընկած մազափնջերը թաց էին: Ուսանողը խաղաղաբար մոմոտում էր.

— Adieu, Frau Mama, adieu!¹

Անդրեյն ու Կուրտը փողոց դուրս ելան:

Հրապարակով հաղթականորեն, գոռոռալով քայլում էր մի խումբ, մի յոթ հոգի, ձեռք-ձեռքի տված, ամուր շղթա կազմած, աչ ու ձախ հրերալով: Նրանք բարձր երգում էին միասնաձայն.

Die Männer sind alle Verbrecher,
Ihr Herz ist ein finsternes Loch ;
Die Frauen sind auch nicht viel besser,
Aber lieb,
aber lieb
sind sie doch!²

DICHTUNG UND WAHRHEIT³

— Առանց դուլզն իսկ ջանք թափելու դու մի հարյուր տարով ետ ես գնում: Դու այլևս քաղաքակրթության դարում չես ապրում: Երևակայությունդ հեշտությունք վերականգնում է անցյալի ամենափոքր մանրամասները: Դու միայն չես ընդդիմանում նրան, խոչընդոտներ չես հարուցում, ուժով չես քաշում ցած, այսօրվա երեկոյին... Եվ տես,

¹ Գնաք բարով, մայրիկ, գնաք բարով (գերմ.):

² Տղամարդիկ բոլորն էլ շարագործներ են, նրանց սրտերը՝ մութ վիճ: Կանայք նույնպես ափելի լավը չեն, բայց սիրելի են, սիրելի (գերմ.):

³ «Բանաստեղծություն և ճշմարտություն» — Գյոթեի ինքնակենսագրական վիպերգության վերնագիրը:

դու արդեն մի աշակերտ ես, շտապում ես մինչև մութն ընկնելը քաղաք հասնել, դու գիտես, դուրս ես, տեսնում ես այնս նրա համբավը տարածված էր իջևանատներում և հյուրանոցներում, նրա մասին երգեր են երգում: Դա գեղեցիկ հին քաղաք է՝ բոլոր արհեստների իր վարպետներով, սուրբ կալերենտիոսի զարմանահարաշ կիրկայով, որը նույնիսկ Ստրասբուրգի տաճարից պակասը չէ, զմայելի շատրվաններով, հիանալի շուկայով և ընտիր տապակած նրբերշիկներով: Ամեն քայլ գցելով դու մոտենում ես նպատակիդ, և ամեն քայլիդ հետ պակասում է հոգնությունդ: Բարձրանում ես բլուրը, և առջևդ փռվում է քաղաքը՝ բարձր պատերով, աշտարակներով, ծառերով ու ծաղիկներով պարսպված: Դու տեսնում ես դարբասը, ուզում ես անպայման դարբասից ներս ընկնել, մինչ արևը կանհետանա հորիզոնում: Դու վազում ես: Սակայն երեկոյի լուսթյան մեջ հանկարծ կախվում է հուզիչ, թախծալուր սուլոց: Քեզ ընդառաջ է գալիս բարձրահասակ, նիհար մի մարդ: Նրա մազերը գզգզվել են, աչքերը կիսաբաց են: Նա հովվի շվիով մի միալար եղանակ է սուլում և քայլում թեթև, լուսնոտի նման գրեթե սահում է ճամփով: Սա ի՞նչ է, Անդրեյ, ի՞նչ է: Նրա ետևը ծառս է լինում ճամփեն, ինչպես ալիքի կատարը, որը չի կարող ափին հասնել: Այն գորշ է, այդ ճամփան, նրա վրա ինչ-որ էակներ են զենում: Անդրեյ, առնետներ են, առնետներ: Դրանք հոծ զանգվածով տարածվել են ճամփին, մեկը մեկի վրա են բարձրանում անշարժ սև մանրիկ աչքեր, ատամները բացած մռութներ: Կանգնիր, կա՛նգ առ, շարժվես: Նրանք քեզ կշրջանցեն, նրանք ոչինչ չեն տեսնում, նրանք միայն մի բան են ուզում, լսել մարդու մռայլ սուլոցը, որը բներից ու մառանների ծակերից նրանց դուրս է կորզել փողոց, և իր ետևից բերել է դաշտ: Շտապի՛ր. առնետների վտառի ետևից քաղաքի դարբասները փակում են: Արևը մայր մտավ: Դու զովացար, հոգնությունդ անցավ: Դու քաղաք ես մտնում...

— Դու մտնում ես քաղաք,— շարունակում է Անդրեյը,— ու քեզ անմիջապես շրջապատում են աշակերտների, սպասուհիների երեխաների հուզված դեմքեր՝ այն նույն քաղաքացիները, ովքեր այնքան թնդածայն քրթչում են երգիչների մրցույթներին և այնքան դառը հեծեծում, տեսնելով մեր

տեր Հիսուսի շարժարանքները շուկայի հրապարակում ցուցադրվող միասերիայում: Նրանք վախեցած են, նրանք աչքերով խժոռում են քեզ, նրանք անպայման ուզում են իմանալ՝ արդյոք լսե՞լ ես այն տարօրինակ պատանու մասին, որ այսօր լուսաբացին հայտնվեց նրանց քաղաքում: Չէ՞ որ դու այստեղացի չես: Ու դու անպայման գալիս ես հեռվից և շատ բան գիտես: Այսպես, ուրեմն, այսօր առավոտյան փողոցներում հայտնվեց մի տղա, որին ոչ ոք չէր ճանաչում: Նա գունատ է թղթի պես, մաշկը թափանցիկ է, նա նիհար է և այնքան թույլ, որ մի հինգ քայլ էլ չի կարողանում անել: Նա ունի գեղեցիկ, կապույտ աչքեր, շատ երկար մազեր, որ հավանաբար երբեք չեն կտրվել և բմբուլի պես փափուկ են: Դատելով հասակից, նա կարող է մի տասնհինգ տարեկան լինել, սակայն մանկան պես անօգնական է: Նրա հայացքից սոսկում ես՝ այնքան մաքուր, անմեղ է այդ հայացքը: Հավանաբար այդպես են նայում մեծ նահատակներն ու հրեշտակները: Սակայն ամենասոսկալին այն է, որ նա ոչ մի խոսք չգիտե, ասես հենց նոր է աշխարհ եկել: Ահա դու եկել ես ուրիշ քաղաքից՝ Հալլեից, Փրանկֆուրտից, իսկ գուցե՞ն՝ հենց Հոննոսից: Արդյոք որևէ տեղ չե՞ս լսել այդ պատանու մասին: Ընչո՞ւ է, արդյոք, որ մի շարագործ նրան պահել է մութ զնդանում, ու այդ տղան ծնված օրվանից ոչ մի մարդկային դեմք չի տեսել, մարդու ձայն չի լսել:

— Դու էլ արդեն վախեցար,— ասում է Կուրտը Անդրեյի ուսերը գրկելով,— ինքդ էլ այս բարի մարդկանց պես տագնապած ես. քո սրտի զարկերը ներդաշնակեցին քաղաքի սրտի զարկերին, դու ներքաշված ես նրա կյանքի մեջ և ապրում ես այդ կյանքով այնպես, ինչպես եթե այստեղ մեծացած լինեիր...

Բարեկամները գնում են արագ, համաքայլ, ուղիղ, քարերով խիտ սալարկած ճանապարհով: Երկու կողմերից ձգվում են փարթամ սաղարթներով կարճիկ խնձորենիները, բեռնավորված կիսահասուն պտուղների դեղինի տվող գնդերով: Ոտքերը ծածկվել են ճերմակավուն մանր փոշով, սակայն քայլերը դեռևս թեթև են և առույգ: Առջևում, զատիվայր բլրի ետևը, երկնքում ինչ-որ տեղ կախված է մի թեթև ծխանման ծածկույթ: Այնտեղ քաղաքն է: Բարեկամները նայում

են այնտեղ, առաջ, երկնքին, բաց, զգզված գլուխները տնկած:

— Դու շնչում ես այս քաղաքի կրծքով: Այն քնի նման պարուրում է քեզ իր էությամբ: Ինչ-որ կատարվում է այստեղ, կատարվում է նաև քո մեջ: Դու տեսնում ես հրաշք հրաշքի ետևից... Սուրբ կավրենտիոսի կիրկայի մոտ խաղացող տղան ասաց... «Սատանան տանի», ու հենց իսկույն սատանան բուսեց. մի ակնթարթ, և տղան թաքտում է նրա թևատակին, ու տղան գետնի տակն է, ու հողի մեջ միայն մի ծակ է: Մի՞թե քեզ համար միևնույն է, թե սատանան ինչ պոզեր ունի, ինչպիսի պոչ, նրանից ինչ հոտ է փչում: Եվ մի՞թե վաղ չես տա քաղաք, որպեսզի սեփական աչքերովդ պատին տեսնես այն ձիու սմբակների հետքերը, որին հեծած փախավ ավազակը, թռնելով բերդի փոսի վրայից...

Բարեկամները կանգ առան: Հենց նրանց ոտքերի տակից ճանապարհը ուղիղ սահում էր դեպի դաշտերի վառ քառակուսիները: Նոր քաղաքը մութ շրջանալ լուստում էր հինը: Լայն ու ծանր հինգ աշտարակ հսկում էին շրջադարձը: Խիտ խիտ մութ տների վրա, որ միաձուլվել դարձել էին անհաղթ քարե կուրծք, դարերի թագի նման բազմել էր վարդագույն բուրգը:

— Նյուրնբե՛րգ:— դուրս թռավ Կուրտի բերնից:

— Նյուրնբե՛րգ,— կրկնեց Անդրեյը:

Նրանք կանգնել էին անշարժ, ամբողջ մարմնով առաջ հակված, ինչպես անպատի ճամփորդներ: անսպասելի հայտնված ջրհորի առաջ: Հետո Կուրտը բռնեց Անդրեյի ձեռքերը, դեպի իրեն ձգեց նրան փութկուտ, շտապ շարժումով և նայեց նրա աչքերին, ասես ուզում էր Անդրեյին ներարկել իր հիացմունքն, ու նրանք համբուրվեցին:

— Հավե՛տ,— ասաց Անդրեյը:

— Հավե՛տ:

Ձեռք-ձեռքի տված, նրանք անբարբառ մի ճիչ արձակեցին ու սլացան ցած, քաղաք:

Երեկո էր:

Իր ձեղնահարկից ւանդուղքով իջնելիս Կուրտը մի սպայի հանդիպեց: Սպան երիտասարդ էր, աշխույժ, նրա կեցված-

քի մեջ անկաշկանդութիւն կա: Նա ձեռքը գլխարկին տա-
րավ, ողջունեց.

— Չէի՞ք ասի արդո՞ք, թե որտեղ է ապրում նկարիչ
Վանը:

— Ինչո՞վ կարող եմ ձեզ օգտակար լինել:

Սպան մի աստիճան էլ վեր բարձրացավ, կանգնեց Կուր-
տին դեմ-հանդիման, ժպտաց ու գրեթե բացկանչեց.

— Ախ, ուրեմն դուք ինքնե՞րդ եք: Ծանաչեցի ձեզ ինքնա-
նկարից. հիշո՞ւմ եք, այսպիսի փոքրիկ մատիտանկար է:

— Գուր... դուք— փնթիփնթաց Կուրտն ու հանկարծ շըրջ-
վեց, որպեսզի սանդուղքով իջնի: Սակայն իսկույն էլ միտ-
քը փոխեց ու երկու աստիճան վեր թռավ: Հետո կրկին ցած
նետվեց, նայեց սպային, սեղմեց նրա մեկնած ձեռքն ու
պարզորոշ, զինվորավարի պատասխանեց.

— Շատ ուրախ եմ, պարոն լեյտենանտ:

— Գուր, կարծես, շտապո՞ւմ եք: Խնդրում եմ ինձ կոչել
պարզապես Ֆոն Շենաու: Գուցե միայն մի քանի բոպեո՞վ...
Ձեզ չեմ ուշացնի: Եվ խնդրեմ՝ պարզապես Ֆոն Շենաու:

— Շատ ուրախ եմ,— կրկնեց Կուրտն ու ձեռքով վերև
ցույց տվեց:

— Ես ձեզ առանց դժվարության գտա,— ասում էր սպան
սանդուղքով բարձրանալիս,— թեև իմ գործակալը, որի հետ
մինչև հիմա գործ ունեիք, հավատացնում էր, թե ձեր ար-
վեստանոցն ուղղակի անհնարին է գտնել: Հա՛-հա՛: Վախե-
նում եմ, որ այդ բարի մարդն անպայման ուզում է իմ և
ձեր միջև անջրպետ պահպանել: Ի դեպ, ասացեք, վերջին
անգամ նրանից ի՞նչ գումար եք ստացել ավանսի կարգով:

— Հինգ հարյուր մարկ:

— Տեսա՞ք: Դա նրան պատիվ է բերում, հա՛-հա՛:

Կուրտը դուռը բացեց և սպային առաջ թողեց:

— Սա՞ է ձեր արվեստանոցը: Տեսա՞ք: Ահա թե որքան
համեստ են իսկական մեծ մարդիկ:

— Ես շատ զգացված եմ, պարոն Ֆոն Շենաու, սակայն...

— Իրավ, չեմ կատակում: Ես կուզեի ձեզ հետ բարեկա-
մանալ: Այն բարի մարդը, որի հետ գործ ունեիք, ձեզ հավա-
նաբար պատմել է, թե ինչպես եմ ձեր տաղանդը գնահա-

տում: Կուզեի ավելի պարզ լինել, առանց ձևականություննե-
րի: Շատ ուրախ եմ, որ ձեզ գտա: Ես ընդհանրապես սիրում
եմ նկարիչներին: Հակադրության ոգով, մեզ մոտ ամեն ինչ
այնքան բարդ է. ներկայացչություն, վարվելակարգ, իսկ
դուք՝ պարզ եք: Ասացեք: Սա ձեր նոր կտա՞վն է: Դարձրեք
իմ կողմը, հապա դարձրեք, ահա... ահա այսպես: Սա ի
հաշիվ ավանսի՞ է. ի՞նչ: Հա՛-հա՛:

— Ներեցեք, պարոն Ֆոն Շենաու, բայց ես այս նկարն
արդեն խոստացել եմ ուրիշ անձնավորության... այսինքն,
Նյուրնբերգի քաղաքային մագիստրատին...

Սպան նստեց բազկաթոռին ու առաջ հակվեց, արմունկը
հենելով ծնկին: Նրա դեմքը նեղացավ, լայն ճակատը, որի
վրա կարմիր գիծ էր թողել գլխարկը, մեծացավ, բերանը՝
պարզորոշ ու խիստ գծագրվեց: Նա նայում էր նկարին:

— Ի՞նչ ասացիք,— մոլտաց նա:

Հետո հայացքը կտրեց կտավից:

— Ինձ թվաց, թե դուք մի անհեթեթ բան ասացիք, սլա-
րոն Վան:

Կուրտը քայլեց դեպի հյուրը, նրա ձայնը ծանրացավ:

— Ես պատրաստվում էի երախտահատույց լինել ձեզ,
պարոն Ֆոն Շենաու... Ուզում էի նաև վերադարձնել ձեր
ավանսը...

Սպան արագ վեր կացավ, ձեռն առաջ նետեց կտրուկ,
մարդիկ նման.

— Տվե՛ք:

— Ցավոք սրտի, ներկա պահին... ես...

— Գուր հիմարություններ եք դուրս տալիս, սիրելի Վան:

Ես ձեզ հնարավորություն եմ տալիս աշխատելու: Չեմ շտա-
պեցնում: Կարող եք երեք տարին մի նկար նկարել: Խնդրե՛մ:
Ձեզ ապահովում եմ: Ձեր առջև ոչ մի պայման չեմ դնում,
բացի մեկից. այս արվեստանոցից նկարները միայն մի ճա-
նապարհ ունեն՝ դեպի իմ հավաքածուն:

— Խայտառակությո՞ւն է:

Սպայի բերանը պարզորոշ ու խիստ գծագրված է, նրա
բառերն, ինչպես բերանը, պարզորոշ են ու խիստ:

— Պարոն նկարիչը հասկանում է, որ նրա հետ սպա է

խոսում: Սպան առաջարկում է, նկարիչը համաձայնվում է կամ մերժում: Դուք մերժո՞ւմ եք:

— Տե՛ր աստված: Չէ՞ որ դուք ինձ զրկում եք զլիսավոր բանից, դուք ինձնից խլում եք...

— Ես ձեզ պատիվ եմ անում: Դուք ծանոթ եք իմ հավաքածուի ցուցակին: Վան-Գեյկ և Ռուբենս, Ֆրանսիացիները՝ մինչև Սեզանը, գերմանացիները՝ մինչև Կլինգերը: Ես ձեզ մի ամբողջ պատ եմ հատկացրել:

— Ինձ ոչ ոք չի ճանաչում: Ես աշխատում եմ... աշխատում եմ...

Կուրտը ձեռքը զցում է բազմոցի թիկնակին, ոտքերով հրում նկարների ենթաշրջանակները, կերկերուն ձայնով, ասես ծարավից պապակած, ասում.

— Ես ձեզ համար եմ աշխատում:

— Ասացեք, խնդրեմ, Վա՛ն, Վա՛ն, դուք խելագար եք, վաշել հանճարին: Ուզում եք քայլ առ քայլ ձեր ճանապարհը հարթել, իսկ ես խոսք եմ տալիս ձեր ապագան մի շարժումով զլուխ բերել: Ձեզ ոչ ոք չի՞ ճանաչում: Ես այնպես կանեմ, որ ամբողջ աշխարհը ձեզ կճանաչի: Ես այդ կանեմ:

Կուրտը նետվում է բազմոցին:

— Սակայն այս կտավը... հենց սա: Խնդրում եմ: Ես ուզում եմ սա տեսնել քաղաքային մագիստրատում: Գերմանական թանգարանի բակը. սա մերն է, Նյուրնբերգյան, մեզ մոտ...

— Վան, բավական է անհեթեթ բաներ ասեք: Ես չէի ցանկանա ձեզ թողնել վատ տրամադրության մեջ: Բացի այդ...

Սպայի գլուխը դարձյալ մեծանում է, զլիսարկի թողած կարմիր հեռքը գունատվում, անհետանում: Սպան նայում է նկարին:

— Լավ է: Շատ լավ: Որքան ուրախալի է հետևել ձեր աճին: Գիտեք...

Սպան վեր է կենում, մոտենում է Կուրտին, բռնում նրա ուսերից ու նայում է դեմքին, նայում ինչպես զինվորին՝ խրախուսանքով:

— Գիտեք, դուք ձեր սերնդի նկարիչներից լավագույնն եք: Չէ՞ որ ինձնից այնքան էլ մեծ չեք, այնպես չէ՞:

Հետո կրկին հայացքը պտտեցնում է սենյակում, դուրանից հանում է այցետոմսը, վրան մի քանի խոսք է գրում ու առաջվա նման առույգ ասում.

— Ես այստեղով անցնում էի, այդ առիթով մտա: Չափազանց ուրախ եմ, որ ձեզ հանդիպեցի: Ահա, վերջերք, գուցե պետք զա: Եվ ցտեսություն: Ձեզ անպայման կհրավիրեմ ինձ մոտ, Շենաու: Կտեսնեք, թե ձեզ ինչ պատ եմ հատկացրել: Անպայման: Ցտեսություն:

Սպան սեղմում է նրա ձեռքը, առույգ և ուրախ խշխշացնում է համազգեստն, աղմուկով փակում է հտեկից բարակ ապակյա դուռը:

Կուրտը նստած է անշարժ:

Ներքևից, փողոցից լսվում է ֆարրիկաններից վերադարձող բանվորների երեկոյան աղմուկը: Լսվում է, ինչպես են սալարկի վրա խշշում հեծանիվի անվաղողերը: Սենյակի անկյուններում իրիկնաշաղն էր լցվում: Նկարակալին դրված կտավը կարմիր է արտացոլում:

Կուրտը ձեռքի մեջ զգում է այցետոմսը: Մոտեցնում է աչքերին:

Մատիտով.

Վճարեք 200 ի հաշիվ վարձի՝ «Գերմանական թանգարանի բակը» Գևարի համար:

Տպագրական ներկով.

Լեյտենանտ ֆոն ցուր Մյուլեն-Շենաու
(մարկգրաֆ)

Այն ժամանակ Կուրտը վեր է թռչում բազմոցից, պատռում է այցետոմսը, վազում է պատուհանի մոտ և բռունցքը սեղմած, սպառնում՝ նայելով ներքև, դեպի փողոց:

Մանր շնչով բերնից դուրս է սողում ու ֆշշում.

— Ա-տո՞ւմ եմ:

Ռոզենաուն գտնվում է ցածրավայրում, և Ռոզենաուն կա լճակ: Նրա խոնավությունից, հյութեղ կանաչից ու սուրճի նիների խիտ սաղարթից Ռոզենաուն զով է:

Եվ երբ իշխում էր մթնշաղը ու քաղաքը դառնում էր հեղձուկ, մարդիկ գնում էին Ռոզենաու:

Քանզի այդ ամառ Բավարիայի գլխով ամպրոպներ էին անցնում:

Դրանք կուտակվում էին և գիշերվա դեմ կատաղի թափով պայթում քաղաքների, ճանապարհների, դաշտերի վրա: Լուսաբացին երկինքը պարզվում էր, ցերեկները տոթ էին, ծանր, երեկոյան կուտակվում էին ամպերն ու գիշերը, ամպրոպից պատռված, թափվում երկրի վրա...

Մարդն իր ուղղումները մտքրեց բնության խելահեղու-թյունների մեջ: Շանթարգել կանգնեցրեց, կոյուղի անցկացրեց, հովանոց հորինեց:

Օ՛, այդ հպարտ մարդը:

Երբ առաջին անձրևակաթիլը պաղ նախագուշակի պես ընկնի գետնին, մարդը ձեռքով կշռափի ճաղատը, հովանոցը կբացի, և նրա դեմքին շփոթմունքի հետք իսկ չի երևա. հովանոցի տակ նորից քայլում է բնության արքան:

Ոչ մի շփոթմունք ընդհանրապես: Ո՛չ մտահոգություն, ո՛չ շտապողականություն, ո՛չ իրարանցում: Կյանքը ներդաշնակություն է: Եվ ներդաշնակության հայրենիքն է՝ Բախի, Մենդելսոնի, Լիստի, Հայդնի հայրենիքը:

Ամեն քայլափոխում կհանդիպես այնպիսի մարդու, որ ի վիճակի չէ c-dur-ը զանազանել a-moll-ից: Սակայն ամեն մարդ գիտի, որ Հայդն և Մենդելսոն Գերմանիան է տվել: Եվ ամեն ոք, ինչպես ուղղափառ հելլեն, հավատում է, որ երաժշտական գամմայի յոթ տոները համապատասխանում են սպեկտրի յոթ գույներին:

Կյանքը մի ներդաշնակություն է, որի մեջ յուրաքանչյուր սիգարը՝ որոշակի տոնայնություն է:

Տանիքների նարնջագույն կղմինդրը, օդային զանգի կոճակը, երշիկավաճառուհու կաշվե բազկակալը, մատուցող կնոջ գլխի սանրը՝ որոշակի, միայն նրանց հատուկ, միայն նրանց կողմից հաղորդվող հաճելի ձայներանգ է:

Դանակով խփեցեք բեռլինցի տեղագրիչի սուրճի գավաթին: Գավաթը այն նույն ձայներանգը կարձակի, ինչպիսին արձակում է Հաննովերի կամ Դրեզդենի, Շտետտինի, Լյուբե-

կի ուղածղ տեղագրիչի սուրճի գավաթը, Հերլիցի շտապտրաստի թանաքամանը փոխեք Բաուտցենի շտապտրաստի թանաքամանի հետ: Պատվելի քաղաքացիների մտքովն իսկ չի անցնի, որ իրենց գրիչներն ուրիշի թանաքամանի մեջ են թաթախում:

Բաուտցենը ո՞րն է, Հերլիցը ո՞րն է: Հապա քառասուն կիլոմետրը, որ բաժանում է այդ հարևան քաղաքները:

Օ՛, թեկուզ շորս հարյուր, հինգ հարյուր, նույնիսկ հազար կիլոմետր լինի:

Զէ՛ որ դրանք շտապտրաստների թանաքամաններն են: Ոչ թե պրոֆեսորների, քահանաների, սպաների:

Կյանքը ներդաշնակություն է:

Եվ ապրել՝ նշանակում է շխախտել ներդաշնակությունը: Ամեն հասակում և ամեն ժամ, ամեն տեսակի կոչում և աստիճան ունենալու դեպքում, յուրաքանչյուր հասարակական միջավայրում հնչել քեզ հատուկ, քեզ տրված հաճելի ձայնարանգով...

Այսպես, այդ ամառը, երբ Բավարիայի գլխով ամպրոպներ էին անցնում, և մթնշաղին քաղաքը դառնում էր հեղձուկ և երեկոները մարդիկ գնում էին Ռոզենաու, լճի գովը:

Տղամարդիկ հանում էին բաճկոնները, ժիլետի կոճակից կախ տալիս պանամաները, գլխարկները (հատուկ պահիչի համար՝ Տիցի անվճար մրցանակ), վերցնում էին հովանոցներն ու գնում:

Եվ նրանց առաջին իսկ քայլի հետ, հենց որ ոտքը գցում էին, հանում բաճկոններն ու ժիլետի կոճակներից կախում գլխարկները, ամեն ինչ կատարվում էր ներդաշնակության սահմանած ռիթմով և շափով:

Ահա այդպես՝ տղամարդիկ:

Նրանց ետևից՝ համերաշխորեն. կանայք, դուստրերն ու զոքանչները: Բոլորը սպիտակ բլուզներով, ռիդիկյուլներով և հովանոցներով:

Իսկ առջևից՝ որդյակները՝ առանց գլխարկի, «Ռոբեսպիեր» վերնաշապիկները կարճ անդրավարտիքների մեջ դրած: Դե, սրանք առանց հովանոցների էին: Ամպրոպի առաջին իսկ

որոտից՝ վազըով տուն, շտապ, շտապ: Իսկ «Ռոբեսպիերները»
կշորանան ու կարգուկվեն վաղը...

Անդանի շուրջ նստում էին հիմնավորապես, երկար: Ան-
սասան լսում էին նվագախմբին: Մոր էին տալիս Շտրաուսը,
խանդաղատվում:

— Լավ կոմպոզիտոր է, Prosit.

Տելեֆեբել-դիրիժորը զեկավարում էր հատու, ինչպես
շքերթի ժամանակ: Մափահարութուններից շրջվում էր՝ մեկ,
երկու, երեք անգամ ու գլուխ տալիս, որքան որ թույլ էին
տալիս գինավորական կանոնադրությունն ու օձիբը:

Տլեյտահարը վեր էր կենում, փոխում ցուցանակ-համա-
րը՝ «4»:

Եվ իսկույն յուրաքանչյուր ընտանիք, նահապետական հե-
տևողականությամբ, նայում էր ծրագիրը.

— Չո՞րս: Շուման, պոպուրի երգերից:

— Ա՛խ, Շուման:

— Այո, երգերից...

— Հիանալի երաժիշտ է, թեև՝ ավստրացի՞ է, Prosit!
Ամեն ինչ այս ուրիշով, այս շափով:

Սակայն գիշերը, մինչ ամպրոպի թուխպը կկախվեր քա-
ղաքի վրա ու անձրև կթափվեր, սովորական և հարմար ուրիշը
խախտվեց:

Այն ձայներանգների մեջ, որ հատուկ էին, ավանդված և
ճշտապես ընդունված Ռոզենաուի զովից, Շտրաուսից և Շու-
մանից հետո, մխրճվեցին բառեր, որ պատռեցին ներդաշնա-
կությունն, ինչպես ամպրոպը՝ տոթը:

Մարդիկ, հորդ անձրևից մտրակված, խմբվել էին խաշմե-
րովներում, ինչպես քամուց խփված թռչուններ, ինչպես որո-
տից խլացած ոչխարներ:

Բացում-փակում էին հովանոցները: Արձակում-կոճկում
էին օձիքները: Հազնում-հանում էին գլխարկները:

Սակայն չէին շարժվում, սպասում էին կայծակի:

Եվ երբ այն գողավարի այս ու այն կողմ էր նետվում տա-
նիքների գլխին, մարդիկ աչքները գամում էին պատճրիկ
փակցված հեռագրերի թղթիկներին, որպեսզի կրկին և կրկին
քննազամ կուրանան այդ խոսքից՝

Է ր ց հ ե ր ց ո՞ գ

Հետո տեղից պոկվում էին ծեծված, շարժված, որոտից ու
հեղեղից խլացած և դարձյալ միանում խաշմերուկում կու-
տակված բազմությունն ու դարձյալ կուրանում.

Է ր ց հ ե ր ց ո՞ գ

Եվ դարձյալ չէին շարժվում. սպասում էին կայծակի:
Եվ այսպես յուրաքանչյուրը, ամեն տարիքի, ամեն կոչ-
ման, ամեն տեսակի հասարակական խավից:
Քանի որ այս գիշերվանից, որ կուրացրեց

Է ր ց հ ե ր ց ո՞ գ

խոսքով, հին ներդաշնակությունն այլևս չկար, և մարդիկ
շփոթված, նետվեցին նորը որոնելու:

Անդրեյը, մինչև վերջին թելը թրջված, ծանոթ ծայրամա-
սերով մի կերպ հասավ Կուրտի ապրած տանը: Քամու պոռթ-
կումներից մարում և հարոթյուն էին առնում զազի լապտեր-
ները: Անդրեյը լուցկին վառեց, գտավ զանգի կոճակը: Մի
երեք րոպեից հետո վերևից ներքև սահեց թույլ մի ձայն.

— Դո՞ւք եք, հերր Վան:

Անդրեյը դռնից ետ վազեց փողոցի մեջտեղը.

— Ներեցեք անհանգստության համար, ֆրաու Մայեր
Մի՞թե Կուրտը տանը չէ:

— Ահ, հերր Ստարցով: Բարի երեկու: Մենք կարծում
էինք, թե հերր Վանը ձեզ հետ է: Նա վաղուց է գնացել: Նրա
մոտ մի սպա էր եկել:

— Սպա՞:

— Երիտասարդ սպա:

— Եվ Կուրտը նրա հե՞տ գնաց:

— Ոչ: Սպան ավելի վաղ գնաց:

— Հապա Կուրտը որտե՞ղ է:

— Իրավ, դուք ինձ վախեցնում եք, հերր Ստարցով: Ես
ի՞նչ գիտեմ, թե նա ուր է կորել: Նա գնալիս դուռն այնպե-
շխկացրեց, որ խոհանոցում ամանները վեր-վեր թռան:

— Ներեցեք անհանգստացնելու համար, ֆրաու Մայեր
Բարի գիշեր:

— Բարի գիշեր, հերր Ստարցով:

Ձեզնահարկի սպիտակ կետն անհետացավ, պատուհանը
փակվեց: Անդրեյը մի քանի վայրկյան անշարժ կանգնեց:
Հետո կամացուկ ասաց.

— Սպա:

Ապա դանդաղ ետ գնաց այն նույն ծայրամասերով, որոնք
նրան մինչև Կուրտի բնակարանն էին հասցրել:

Տանը նա հանվեց, չոր սրբիչով շփեց կուրծքը, մեջքը,
փորը, ոտքերը, սպիտակեղենը փոխեց, բացեց պատուհանը,
փաթաթվեց ու անմիջապես քնեց, ասես գահավիժեց մի վիճ:
Այդ վիճում նա պարզորոշ տեսավ.

Անհոն, թերևս ձյունածածկ տարածության մեջ
կախված է մի մարդկային գլուխ: Շուրջն ամեն ինչ լուռ
է և անշարժ: Հանկարծ այդ դատարկությունից հանուն
է մի ուսանող՝ կորպորանտական գլխարկը հարթ, վար-
դագույն ծոծրակին դրած: Գլխի շագանակագույն աչքե-
րը բաց են, բիբերը հառած են ուսանողին:

— Adieu, Frau Mama! — ասում է գլուխն ու աչքով
անում ուսանողին: Այն ժամանակ ուսանողը ետ է վա-
զում, ոտքերը շոտում է ու ձեռքը բարձրացնում: Կտորից
գնդակները որտեղից է գտել: Առաջին հարվածն անց-
նում է կողքով: Երկրորդը՝ նույնպես: Գնդակները գլխից
կես սանտիմետր աչ ու ձախ են թռչում: Գլուխը հայաց-
քը դարձնում է Անդրեյին և բացում կապույտ շրթունք-
ները, որպեսզի մի բան ասի: Սակայն մի պահ գնդակը
ծածկում է գլուխը, և այն սկսում է երերալ ու ցնցվել,
ասես մտասուզված, հետո հանկարծ ետ է ընկնում ծոծ-
րակին ու թռչում ուր որ ցած: Եվ նույն պահին անհե-
տանում է նաև ձյունի անսահմանությունն, ու Անդրեյի
առաջ ցցվում է հսկայական մի քարե սանդուղք ու
գլուխն սկսում է այդ սանդուղքով ցած գլորվել քրոնո-
մետրի համաչափությամբ, հերթով խուլ կերպով զար-
նբվելով յուրաքանչյուր աստիճանին մերթ՝ դեմքով,
մերթ ծոծրակով.

Բո՛ւմ-բո՛ւմ

Բո՛ւմ-բո՛ւմ...

Սակայն նրա հայացքը շարունակ սեւեւած է Անդ-
րեյի աչքերին, թեև չէ՞ որ պետք է լինեն, պետք է լի-
նեն պահեր, երբ Անդրեյը չի կարող, չի կարող տեսնել
այդ հայացքը.

Բո՛ւմ-բո՛ւմ

Բո՛ւմ-բո՛ւմ...

Անդրեյը տեղից վեր թռավ: Ամբողջովին ողողված էր քրո-
տինքով, բերանում էլ ինչ-որ աղի շորություն էր զգում: Նա
գլուխը ձեռքերով սեղմեց: Ականջ դրեց: Հնչեղ հարվածները
ղղրղալի լսվում էին փողոցում: Անդրեյը նետվեց դեպի պա-
տուհանը, վարագույրը բարձրացրեց:

Ամպրոպից հետո վաղորդյան զովություն մեջ թնդում էին
բազմաթիվ պայտեր: Օդում, հեծելագորային նիզակների ծայ-
րին ծածանվում էին երկնագույն զրոշակները: Փայլեցրած
մուգ կանաչ համադրեստները, տոգած՝ լավ, լայնաթիկունք
մարմիններով, ձգվում ու վեր-վեր էին թռչում թամբերի վրա:
Սաղավարտների ծայրի սև լաքե քառակուսիների վրայով սա-
հում էին վաղորդյան երկնքի տարտամ ստվերները:

Հեծելագորի առջևից, սևաթույր ձիերին հեծած, փողերի
պղնձի տաք փայլով ողողված շարժվում էր գնդի նվագա-
խումբը: Մեծ թմբուկը զրրդացնում էր քնած փողոցների հան-
գիստը.

Բո՛ւմ-բո՛ւմ

Բո՛ւմ-բո՛ւմ...

Անդրեյը նստեց լուսամուտագոգին և ձեռքերով երեսը
ծածկեց:

Մարդիկ հիշեցին, որ աշխարհում գոյություն ունեն թագա-
վորներ:

Նրանց միանգամայն ունալ կեցությունը հանկարծ աղբը-
հայտ դարձավ այն բանից հետո, երբ շլացուցիչ

Էրցե երցո՛ց

խոսքը ներխուժեց ներդաշնակութեան մեջ, խախտեց ռիթմերը, ազավաղեց շափսերը, այլանդակեց ձայներանգները:

Բանից պարզվեց, որ թագավորներն ապրում են ոչ միայն ամսագրերի, հանդեսների էջերում և լուսանկարիչների ցուցափեղկերին: Բանից պարզվեց, որ նրանք ոչ միայն ճամփորդում են, ձմեռային աթոռանիստից տեղափոխվում ամառայինը, ժպտում դիմաէկարներում և ամեն տարի տոնում անվանակոչությունները: Բանից պարզվեց, որ թագավորները լինում են ոչ միայն պատմության և աշխարհագրության մեջ, այսինքն՝ ըստ էության դպրոցական նստարանին: Ո՛չ:

Թագավորներն ապրում էին իրականության մեջ, ապրում իսկապես: Թագավորներն իրոք ունեին գանգեր, որոնք զընգակներին վերաբերվում էին ճիշտ այնպես, ինչպես նրանց հպատակների գանգերը: Եվ թագավորներն այնքան լավ էին բղավում, որ նրանց ձայները լսվում էին աթոռանիստից շատ հեռու ընկած վայրերում:

Օ, տե՛ր աստված, հանկարծ որքան շատ թագավորներ հայտնվեցին: Ամեն օր, ամեն ժամ նրանք ուտիճների նման դուրս էին սողում իրենց նստավայրերից: Ի վերջո նրանք իրենցով ծածկեցին թերթերի բոլոր անկյունները, և եկավ այդ արքայական անկարգությանը վերջ դնելու ժամանակը:

Բավ է ականջ դնել այս տարածայնությանը, բավական է գլուխ կտրել այս խառնաշփոթի վրա, բավական է աչք փշաջնել ամեն տեսակի նոտաների, հուշագրերի, հրամանների և մանիֆեստների վրա, բավ է:

Մի՞թե պարզ չէ արդեն, թե մեզ ուր է կանչում պարտքի զգացումը:

Ենթարկվեցեք այդ զգացումին՝ պարտքի զգացումին: Միայն դրան, ուրիշ ոչնչի:

Այն ձեզ կտանի փողոց, ամբոխի մեջ, և ամբոխը ձեզ կառնի իր ուսերին, ինչպես ալիքն է տաշեղն իր կատարին բարձրացնում: Ու դուք կնետվեք դեպի սերբերի առևտրական հյուպատոսի տունը, և պարտքի զգացումը ձեր ներքին օրգաններից զայրույթի ճիչ դուրս կմղի: Եվ հետո դուք կսկսեք փայտով խփել հյուպատոսարանի փակ շքամուտքին, մինչև

որ շուցմանը մոտենա ձեզ ու բացատրի, թե սխալվում եք, եթե կարծում եք կարգապահությունը թույլ է տալիս դուները փշաջնել: Այն ժամանակ պարտքի զգացումը ձեզ փողոցներից կքշի դեպի Իտալիայի առևտրական հյուպատոսի դուռը, և դուք կերգեք բզգաչին հիմնն ու կբղավեք «Viva Italia», մինչև որ շուցմանը դարձյալ մոտենա ձեզ ու խորհուրդ տա տուն գնալ, ասելով, որ մոտենում է ոստիկանական ժամը, ու աղմուկին պետք է վերջ տալ: Ահա այսպես, որքան էլ պարտքի զգացումն ու խռպտած կոկորդը մեղմեն ձեր ավյունը, դուք, այնուամենայնիվ, կշարունակեք բղավել ու զայրանալ, վրդովվել, քանզի՝ մի՞թե կյանքն այլևս կարող է նախկին ներդաշնակությանը հնչել թարմացնող ամպրոպից հետո, մի՞թե վիճակված չէ զգալ երկար սպասված հիանալի փոփոխությունը. մի՞թե դարձյալ պետք է լինի օրհնյալ, ծանր, ներդաշնակ խաղաղությունը: Օ, երբե՛ք: Ոչ մի դեպքում, փոփոխություն, փոփոխություն, փոփոխություն:

Մենք պահանջում ենք, մենք ուզում ենք, մենք տենչում ենք փոփոխություն:

Արդ, անսացեք պարտքի զգացումին:

Ամբոխը գազազել էր սերբերի առևտրական հյուպատոսարանի շքամուտքի առջև, և ամբոխի մեջ էին Անդրեյն ու Կուրտը: Սակայն նրանք իրար չէին տեսել: Քանզի, եթե փողոցի երկու կողմերի մեջ ամփոփված բազմությունն ընդունենք որպես ուղղանկյուն, ապա Անդրեյը գտնվում էր անկյունագծի մի կողմում, իսկ Կուրտը՝ մյուսում: Եվ անկյունագծի այդ մյուս ծայրն ընկնում էր հենց հյուպատոսարանի շքամուտքի դիմացը, իսկ առաջինը՝ այնտեղ, ուր կանգնած էին մարդիկ, որոնք համակված չէին պարտքի զգացումով կամ էլ ի բնե զուրկ էին այդ զգացումից:

Քաղաքների փողոցներում ժողովրդական զանգվածների մեխանիկական իր օրենքներն ունի, և այդ օրենքներն, իհարկե, չեն կարող խախտվել այնպիսի մակերեսային երևույթներով, որպիսին է մարդկային բարեկամությունը:

Եվ երբ ամբոխը շրջվեց ու գնաց ետ, դեպի Իտալիայի առևտրական հյուպատոսի տունը, Անդրեյը հայտնվեց թափորի առջևում և գլխավորեց այն մինչև առաջին նրբանցքը:

Այնտեղ նա նետովեց փողոցի անկյունն ու ծայրամասերով գնաց Կուրտի մոտ:

Ֆրաու Մայերից իմանալով, որ նրա կենվորը առավոտից տուն չի եկել, նա գնաց Կուրտի սենյակը, սեղանին մի թղթի կտոր գտավ և ձեռքն ընկած դարչնագույն պաստելամատիտով հաստ տառերով գրեց.

ԿՈՒՐՏ, ՔԵՋ ԻՆՉ Է ՊԵՏԱՆԵՆ: ԵՐԿՈՒ ԱՆԳԱՄ ԵՎԱ: ԿԳԱՄ
ՎԱՂՆ ԱՌԱՎՈՏՅԱՆ: ՈՌՂՂԱԿԻ ՏԱՆՁԱՆԱՐ ԵՄ:

ԱՆԳՐԵՅ:

Հաջորդ օրը արեգակը նախորդ օրվանից երկու և կես րոպե ուշ ծագեց: Ուրիշ որևէ բանով այգաբացն աչքի չընկավ: Ինչպես միշտ, առավոտյան յոթի մոտ փողոցներում հայտնվեցին հեծանվորդները՝ պարկերն ու զամբյուղները մեջքներին: Անվազողները խշխշացնելով, նրանք Կուրտի պատահանների տակով շարժվում էին դեպի աջ ու ձախ:

Նրանք, որ դեպի աջ էին շարժվում, իրենց թամբին տալուով էին Իոհան Ֆաբերի բանվորներին:

Ինչպես միշտ, բանվորներն իրենց հեծանիվները թողեցին լայնածավալ ավտոկայանում, կանգնակների վրա, և բարձրացան հանդերձարան: Այստեղ յուրաքանչյուրը բացեց իր պահարանիկը՝ բանվորի ազգանունով և համարով, որն ուներ իր առանձին փականքը, հանեց բաճկոնը, բազկակալները, ցելյուլոիդի օձիքը՝ կրծքակալով, և այդ ամենը պահարանում կախելով, հագավ քաթանն բլուզը:

Ժամը յոթին բոլորը կանգնած էին իրենց տեղերում:

Ժամը յոթին վարպետ Մայերը անցավ երկրորդ հերթափոխին մշտավառ վառարանի մոտ:

Չափիչ ապարատները, ճառագայթիչ հրաշափերը գտնվում էին հարևան շենքում, ուր ցուցանակների, աղյուսակների և չափիչների առջև նստած էին անշարժ մարդիկ, որոնք հատուկ ուժաշափի վրա մի խազով ավելի էին սեղմում, քան սովորական վարպետները: Օդալարերը, զանգերը և հեռախոսներն այդ մարդկանց միացնում էին Մայերի հետ, և նա կատարում էր որանց հրամանները, ինչպես ծովայինը՝ լոցմանի աշտարակի ազդանշանները:

Նա ազոտ պատկերացում ուներ հարևան շենքում հրաշա-

փերի առջև նստած անշարժ մարդկանց հաշվումների մասին: Գիտեր միայն նրանց կամքով ծագող ազդանշանները, և ըստ ազդանշանների կարող էր վստահորեն ասել, թե որ համարի գամիկ է թրծվում վառարանում:

Նա հավատում էր լոցմանի աշտարակին, ու նաև այն բանին, որ այնտեղ՝ դիտանցքների, պտուտակների, բետոնե երկաթապատ պատի ետևում կա մի տարածություն, անունը վառարան, որը կարելի է տաքացնել մինչև 1300 աստիճան:

Մինչև 1300 աստիճան ըստ Ֆելսիուսի:

Նա՛ վարպետ Մայերը, հավատում էր դրան:

Ամեն օր, կեսօրին բանվորները մոտենում էին վաացարանին, պատշաճը մատուցում ֆարրիկայի օճառին և սրբիչներիին, հագնում ցելյուլոիդի օձիքներն ու բազկակալները և գնում ավտոկայան՝ հեծանիվները վերցնելու:

Այդ օրը նրանք վաացարանին մոտեցան առավոտյան ժամը տասին և հեծանիվները չվերցրին:

Առավոտյան ժամը 10-ին մշտավառ վառարանի շենքը մտան երկու մարդ:

— Ահա թե ինչ, Մայեր, — ասացին նրանք, — մենք այսօր փողոց ենք գնում: Մենք դեմ ենք պատերազմին: Գնանք մեկ հետ:

— Դեմ եք պատերազմի՞ն, — կրկնեց Մայերը: — Այդ լավ է: Սակայն իմը՝ վառարանն է:

— Ճիշտ է, Մայեր, քոնը վառարանն է: Բայց մենք կարծում էինք, թե դու, դրանից բացի, նաև գլուխ ունես...

Մայերի հոնքերը վեր թռան, և նա ծամելու այնպիսի շարժում արեց, ասես բերանում չիբուխ կար:

— Բայց չէ՞ որ ձեզ ասում եմ, ես էլ եմ դեմ:

— Դեհ, ուրեմն, գնանք:

— Հապա վառարանը:

— Ուրեմն արձակիր բանվորներիդ:

Մայերը քաշվեց անկյունը, գրպանից հանեց ծխախոտն ու ցածր, թավ ձայնով մոթմոթաց.

— Ես ոչինչ չգիտեմ...

Իսկ մի քառորդ ժամ անց, գզգզված մազերով, կալենկորե խալաթ հագած մեկը ներս ընկավ ու ձայն տվեց Մայերին.

— Մայեր, դուք այստե՞ղ եք:

Շփոթված ժպտաց ու անմիջապես փողոց դուրս թռավ:
Այն ժամանակ Մայերը մոտեցավ հեռախոսափողին ու
հանգիստ ասաց.

— Ինձ մի երկու հոգի ուղարկեցեք օգնութիւն: Իմոնք չգի-
տեմ ուր են կորել, գրողը դրանց տանի...

Իսկ մի քառորդ ժամ հետո, այն մարդուն, որ ֆարերկայի
դարբասից դուրս էր տանում՝

ՄԵՆՔ՝ ՍՈՑԻԱԼ-ԴԵՄՈԿՐԱՏՆԵՐՍ,
ԴԵՄ ԵՆՔ ՊԱՏԵՐԱԶՄԻՆ

պլակատը, մոտեցավ ոստիկանական հրահանգիչը, պլակատի
կոթը նրա ձեռքից վերցրեց ու այն տալով շուցմանին, ասաց.

— Այս զիբիլը տարեք տեղամաս:

Այդ մարդու ետևում, որի ձեռքից պլակատն առան, ծփում
էր ոչ հոծ, անկանոն բազմութիւնը: Հրահանգչի ետևում,
ասես սալակի վրա գծված ձգվում էր շուցմանների համա-
զգեստների ուղիղ գիծը: Մոտ մի րոպե բազմութիւնը նայում
էր համազգեստներին: Հետո այն սկսեց նոսրանալ, հետո
հալվեց, և վերջին մարդը, նա, որը պլակատը փողոց էր
դուրս բերել, լուսումնոյն վերադարձավ ֆարերկայի բակն ու
ետեից փակեց շուգունն դարբասը:

Դա տասնմեկից քառորդ պակաս էր:

Եվ այդ օրը Անդրեյը երրորդ անգամ մոտեցավ Կուրտի
ապրած տանը:

Նա կանգ առավ դռան մոտ՝ շունչ առնելու: Հայացքն ըն-
կավ ճարթված թղթի կտորին, որ ընկած էր մայթին, Կուրտի
պատուհանի տակ: Մի բան նրան առաջ մղեց: Կուսցավ, վերց-
րեց թուղթը և ուղղեց:

Պատուված, ճարթված, դարչնագույն պատտելից կեղտոտ-
ված գրութիւնը վերջանում էր մի խոսքով.

Անդրեյ:

Ծ ա ղ ի Կ Ա Ն Ե Ր

Մայերի հագին գործած բաճկոն էր՝ կրծքազրպաններով
Մի գրպանից մյուսը շղթայիկ էր գցված: Անատամ բերանից
որ հաճելի կերպով եղերված էր մորուքի և բեղերի ճերմակա-

վուն ստեններով, երկար շիբուխն էր կախված: Զիբուլը կախ-
վել էր փորին: Փորը հաստ էր, բայց ոչ թե նրա համար, որ
Մայերը լավ էր ապրում և շատ ապուխտ էր ուտում, այլ
պարզապես լրացել էր Մայերի վաթսուն տարին, և նրա փորը,
որ բավական ջանք էր թափել կարտոֆիլի, սալաթի ու լյար-
դոթոքի երշիկի վրա, Մայերի այդ փորը պարզապես մի քիչ
կախվել էր:

Տասնութ տարի է, ինչ Մայերը վարպետ է, սակայն, միև-
նույն է, իրեն չի կարող շտաշութիւն թույլ տալ ու տաքաց-
նել իր ձեռնահարկի բոլոր սենյակները, ուստի ամենամեծը
(հարավ-արևելյան կողմինը) վարձով է տալիս:

Ահա հիմա, ճաշից հետո, ծխամորձ ծխելով, Մայերը մտավ
իր կենվորի մոտ, որը երազող, տարօրինակ, բայց ընդհան-
րապես լավ տղա էր, մտավ նկարիչ Կուրտ վանի մոտ: Լավ
տղան կանգնած էր բաց պատուհանի առջև ու նայում էր
ցած, դեպի փողոց:

— Ինչ ասես չի կատարվում այս աշխարհում... — ասաց
Մայերը շրթունքներով շիբուխը պահած:

Լավ տղան շարձագունքեց:

— Բանն ավելի բարդ կլինի, քան յոթանասունմեկ թվա-
կանին...

Լավ տղան կոշիկներով դոփեց հատակին:

— Որ մտածում ես... — սկսեց Մայերն ու լեզուն ճպճպաց-
րեց. — հըմ-հըմ-հըմ...

Լավ տղան, առանց շրջվելու, հարցրեց.

— Ի՞նչ նորութիւն կա, հերր Մայեր:

Տանտերը շիբուխը ծծեց և նստեց բազմոցին, իրենից հե-
ռացնելով փոշոտ ենթաշրջանակները:

— Ամեն վարպետութիւն իր կարգն ունի, որ կարելի է
հասկանալ, եթե ուշադիր նայես: Նայում եմ ձեր վարպետու-
թյանն ու ոչինչ չեմ հասկանում: Հերր վան, դուք ե՞րբ պիտի
ասեք, որ իմ կինը ձեր փոշիները սրբի... Նորութիւն: Նույնն
է, նույն հիմարութիւնը:

— Ձեր կարծիքով պարտքը նույնպե՞ս հիմարութիւն է
Վրդովմունքը, զայրույթը. նո՞ւյնպես:

Կուրտը շրջվեց, բռունցքը խփեց կրծքին ու բղավեց.

— Երբ այստեղ ասես եռման ջուր լինի, ասես կրակ լինի,— ու դարձյալ երեսը դարձրեց պատուհանին:

Մայերը ծուխը բաց թողեց:

— Ես անցյալ գիշեր շեմ քնել, հերր Վան: Մտածում էի, հերր Վան: Այնպես որ կինս ուզում էր ոտնատակերիս մանանեխի ծեփելիք դնել: Գլուխս այսպիսի մտքեր էին գալիս, հերր Վան: Ես այսքան տարի կանգնած եմ վառարանի առաջ, դուք հո գիտեք: Բարեկամս, նկարիչ Վանը, որ թույլ չի տալիս իր սենյակի փողին սրբել, գնում է քաղաքից դուրս, որպեսզի բնությունը նկարի, իսկ հետո նկարներ է ստեղծում: Ինձ ու իմ բարեկամին ոչ ոք չի նեղացրել, ու մենք վիրավորվելու բան չունենք: Բայց հանկարծ...

— Ազգը, հերր Մայեր, ազգը, ժողովուրդը,— բղավեց Կուրտը պատուհանից դուրս:

— Հասկանում եմ, հերր Վան: Սակայն ես կարծում եմ, հերր Վան... Գուցե ես պետք է կնոջս լսելի մանանեխի ծեփելիքի հարցում. դա արյունը գլխիցս ցած կբաշեր: Ես մտածում էի, թե ինչու է այսպես ստեղծված: Ինչու է ես պետք է վիրավորվեմ, այն...

Կուրտն ընդհատեց:

— Լինում են դեպքեր, երբ մտածել չի կարելի: Ներեցեք ինձ, հերր Մայեր, սակայն ձեզ ապտակել են, իսկ դուք փիփսուփայում եք:

— Ես այդ բանն իմացա, ինչպես և դուք, հաջորդ օրը, թերթերից, հեռագրով: Իսկ երբ այդ ապտակը շառաշել էր, հանգիստ քնած էի կնոջս հետ:

Կուրտը պատուհանից պոկվեց, վազեց դեպի տանտերը, և գուլիսը ցնցելով, խուլ ձայնով ասաց.

— Ես ձեզ խնդրել եմ, հերր Մայեր, ինձ հետ այդ նյութի ջուրը չխոսել:

— Չէի կարծում, թե այդքան տաքդուխտ եք,— պատասխանեց Մայերը և շիբուխը սեղմեց շրթունքների մեջ:— Ես չէի էլ ուզում այս նյութին անդրադառնալ: Ինքներդ հարցրիք, ինչ նորություն կա: Ուզում էի պատմել, թե այսօր ինձ ինչ պատահեց ճաշից առաջ...

Մայերը բացեց ծխամորձի կափարիչը, մատով ծխախոտը արուրեց ու շարունակեց շիբուխը ծծել:

— Առավոտյան ինձ կանչում են հեռախոսի մոտ: Ասում են. ճաշին մտնել գրասենյակ: Գնացի: Երկրորդ դիրեկտորը, հերր Լիբերը, ընդառաջ է գալիս ինձ, մեկնում է ձեռքը և ասում. հերր Մայեր, վարչությունն ինձ հանձնարարել է իր անունից ձեզ շնորհակալություն հայտնել այն բանի համար, որ դուք գրակորել եք պարտքի գիտակցություն ու ձեր պոստը չեք լքել տեղի ունեցած անկարգության ժամանակ: Ես նրան ասում եմ, հերր դիրեկտոր, բայց չէ՞ որ վառարան էր, չէ՞ որ այն... Այդ բոլորին նրան մի թուղթ են մոտեցնում, ու նա հարցնում է, թե դա ինչ է: Նրան ասում են թերթիկ է՝ տուգանքաթերթ: Այն ժամանակ նա գրպանից հանում է մատիտը, գորշ շրջանակով, մեր ստեղծածն է, ամենավերջին խոսքը, գիտե՞ք, հերր Վան, գամիկը մեխանիկորեն է դուրս գալիս, պետք չէ ոչ սեղմել, ոչ պտուտակել, մեխանիկորեն. ահա դիրեկտորը թերթում է թուղթը, ես տեսնում եմ՝ էջ էջի ետևից, բայց չեմ հաշվում, այլ նայում եմ դիրեկտորի մատներին: Այնպիսի երկար և այնքան սպիտակ մատներ են: Հավատացե՛ք, հերր Վան, ես մտածում էի միայն, որ երբեք այդպիսի մատներ չեմ ունեցել, և ոչ այնպիսի երիտասարդ ժամանակ, և որ բնավ ոչ աշխատանքի պատճառով, այլ պարզապես ես ի ծնն ուրիշ տեսակի մատներ ունեմ: Հերր դիրեկտորը թուղթը թերթից և թեթև այնպես մատիտով սահեցրեց ուր պետք էր, ու նորից ինձ ձեռք է տալիս և խոսում վարչության անունից: Ես նրա ձեռքը սեղմեցի՝ անուկը ձեռքը, և ասում եմ, վառարանը, չէ՞ որ այն... և այլն, և այլն, իսկ ինքս, մատներից բացի, ոչինչ չեմ կարողանում մտածել: Այդպես էլ դուրս եկա: Անցա բակով, հեծանիվը վերցրի, ոտքով ոտնակը սեղմեցի և հանկարծ ասում եմ ինձ. սպասիր, ծերուկ Մայեր, սպասիր: Չէ՞ որ դու վատ բան ես արել, անպայման վատ բան ես արել: Եթե շնորհակալություն ստացար այն ժամանակ, երբ ամբողջ ֆաբրիկան, բոլոր բանվորները...

— Հերր Մայեր, խոստովանեցե՛ք, դուք սոցիալիստ եք:

Մայերը շիբուխը բաց թողեց, աչքը կկոցեց լուսավոր պատուհանի կողմը, ջանալով ուշադիր նայել կենվորի դեմքին. փափուկ բերանը ճպպացրեց, հետո անվստահորեն ժպտաց. հետո վեր կացավ:

— Առաջ դուք ավելի հաջող էիք կատակում, հերր Վան:

Եվ դուրս եկալ:

Կուրտը պատուհանից դուրս էր նայում:

Ապիտակ ճանապարհով անվաղողերը խշխշացնելով, աչու ձախ էին սահում հեծանիվները: Հեծանվորդների մեջքներին պարկեր և դամբուղներ կային: Ճոճվող դեկերի վերնը երերվում էին ծխամորճերը, մերթ ընդ մերթ ծխողների մեջքի ետևը թողնելով կապույտ ծխի քուլաներ: Այդ քուլաներն անցնում էին պարկերի և դամբուղների ետևը, կախվում նրանցից, ձգվում, դառնում էին սպիտակ շերտիկ ու անհետանում: Հեծանվորդները իրարից առաջ էին անցնում, խըմբվում էին կույտ-կույտ, ցրվում շղթայի նման, շտապով սողալով տների ետևից և փողոցների ծայրին վերածվելով սև հոծ հոսանքի:

Ահա փողոց դուրս սողաց, պտտվեց ու աչ սլացավ բարձր զեկով մի դեղին հեծանիվ, որի վրա նստած մարդը բազմել էր, ինչպես բազկաթուղին՝ ուղիղ, հանգիստ. հերը Մայքերը գնաց Ցարերի մոտ:

Եվ այսպես, մի քառորդ ժամ. իրարից առաջ էին անցնում, խմբվում կույտ-կույտ, ցրվում շղթայաձև, փողոցների ծայրերին անհետանում սև հոծ հոսանքով՝ հեծանիվներ, հեծանիվներ, հեծանիվներ: Ու երբ այդ քառորդ ժամն անցավ, և ոչ ոք չուշացավ, քանի որ ոչինչ չպատահեց, ճանապարհը գատարկվեց: Մի կին, դեմքի քրտինքը սրբելով, ժշում էր սայլակին լծած զույգ մկանուտ շներին: Շները երախները քացել էին, և ձեղնահարկում, որ ճանապարհից շատ բարձր էր, լսվում էր նրանց արագացած շնչառությունը: Մի վանական, հագին գլխադիրով դարչնագույն փարաջա, որ գաստակներից պինդ կապված էր ուղրած գոտեկապով, տերողորմյան ձեռքին, գլուխը կախ գցած, սլանում էր փողոցով:

Կուրտը պատուհանից դուրս էր նայում:

— Պատերա՛ղմ:

Ո՛վ այդ խոսքն արտասանեց:

— Պատերա՛ղմ:

— Սա ո՞ւմ ձայնն է:

— Պատերա՛ղմ:

Ինչո՞ւ այստեղ, խնձորենիներով հզերված այս ճանապարհին:

պարհներին, սիրով խնամված, անեցված, փայփայված այս մայրի ծառերի ստվերում, ինչո՞ւ, ինչո՞ւ այստեղ:

— Պատերա՛ղմ:

Տուրբինների զնգուն աղմուկի մեջ, որ սուզվում էր ուղեների կանաչում, քարավանները բաց թողնող ջրարգելակների սուլոցի և խշշոցի մեջ, ինչո՞ւ այստեղ:

— Պատերա՛ղմ:

Մեր տների շուրջը ծաղիկներ են տնկած, մեր դաշտերը հերկված են նոր բերքի համար, մեր ֆաբրիկաները, մեր ֆաբրիկաները, մեր ֆաբրիկաները՝ տաճարներ, ուր մենք մանկուց օր ու գիշեր պատարագ ենք անում: Ինչո՞ւ, ինչո՞ւ:

— Պատերա՛ղմ:

Խնձորենիներն ու մայրիները, ծաղիկներն ու տուրբինները, դաշտերն ու ջրարգելակները և մեր հավերժական պատարագը ֆաբրիկային, — և այդ ամենը մեր ոսկորների, մեր մկանների, մեր հոգիների զնով, — մենք չե՛նք ուզում, չե՛նք ուզում, չե՛նք ուզում:

— Պատերա՛ղմ:

Կուրտը սանդուղքով ցած է վազում, կտրում է ճանապարհն ու թռչում տրամվայ: Տրամվայը սլանում է կենտրոն՝ հին քաղաքը: Կենտրոնը՝ հին քաղաքը, ավտոբուսներով, բարերով, հրապարակներով և փողոցներով, եկեղեցիներով, ավտոմատներով և միջնադարյան բուրգով սլանում է ոչ մի տեղ:

Այդ քաղաքը չափազանց խաղաղ էր, այն գրեթե նիրհում էր, այն խնայում էր իր միջնադարյան քարե կմախքի հանգիստը: Բարերում և ավտոմատներում դանակներն ու բաժակներն այնքան էլ բարձր չէին շխլվելով, ավտոբուսներն էլ ակնածանքով խլացնում էին իրենց շարժիչները, որպեսզի չխտվեն, չխանգարեն տասնյոթերորդ դարի հաճելի նիրհը:

Եվ հիմա արթնացած, վախեցած ջունը թոթափած քաղաքը պետք է մի քանի օրում, մի քանի ժամում հասներ քսաներորդ դարին: Նա պետք է հասներ քսաներորդ դարին, որպեսզի անխաթար պահպաներ իր միջնադարյան կմախքը: Այժմ են աղաղակում թերթերը՝ առավոտյան և երեկոյան, պահպանողական և սոցիալ-դեմոկրատական, լիբերալ-ժողովրդական և եկեղեցական-կաթոլիկական, հարուստ, աղքատ, մեծ

փոքր, ընթերցող ունեցող և շունեցող, պատկերազարդված, արտակարգ, ավանդական, քրիստոնյաների համար, տնային տնտեսուհիների համար, սպասուհիների համար և պարոնայք սպաների համար:

Թղթակիցներն արդեն ուղարկված են սահմանները, արդեն հայտարարված է շորս նոր, ռազմական վեպերի տպագրության մասին, արդեն երևան է եկել առաջին ռազմական հաղորդագրությունը՝ հաստ տառերով, տպված առաջին էջերին բոլոր թերթերի՝ քրիստոնեական, սոցիալ-դեմոկրատական և այլն՝ հաստ տառերով, առաջին ռազմական հաղորդագրությունը:

Երեկ, ցերեկվա ժամը շորսին, Մենցից դեպի հարավ-արևմուտք գտնվող Ֆանուար խուտորի մոտերքը մեր պահակախումբը հանդիպեց ֆրանսիական հետախուզական ջոկատի և հարձակվեց նրա վրա: Ֆրանսիացիք ապարդյուն կրակելով, փախուստի դիմեցին:

Օ՛, օ՛: Նրանք արդեն փախուստի են դիմում:

Օ՛, նրանք ինչպես պետքն է կրակել շգիտեն:

— Կարդացի՞ք:

— Իսկ դուք կարդացի՞ք:

— Լսե՛լ եք ինչպես ֆրանսիական լրտեսը քահանայի շորեր հազած...

— Գիտե՞ք, որ ուսաներն արդեն վաղուց...

— Օ, մենք չափազանց բարեհոգի էինք և մեր համբերությունը...

— Նրան բռնել են և, ի՞նչ էք կարծում, նրա բերանում պիրոկսիլինե...

— Գրողը տանի, սակայն նա մեր կալվերին նամակներ էր գրում, մինչդեռ...

— Այդ կինը՝ սովորական ուսուցչուհու անձնագիր ունեւր, իսկ երբ նրան խուզարկեցին...

— Ստոր վախկոտներ, մերոնց սաղավարտները տեսնեցուն պես ծկում են:

— Հավատացնում եմ ձեզ, ամենաբարի տեսքով՝ երկնաշույն աչքեր...

— Ես իսկույն գլխի կրնկնեի...

— Բռնեցեք, բռնեցեք, բռնեցեք:

— Արտակարգ հե-ռա-գիր...

— Արտա...

— ...ռա-գիր...

— Կարդացեք, կարդացեք:

— Ընչ...

— Ասում էի ձեզ, ասում էի...

— Կարդացե՛լ եք:

— Իսկ դո՞ւք:

— Հապա դո՞ւք:

Օ՛, օ՛: Նրանք արդեն փախուստի են դիմել:

Օ՛, նրանք ինչպես հարկն է կրակել շգիտեն:

Այսօր, առավոտյան ժամը հինգին Ռոտի շրջակայքում բռնել են մի երիտասարդի, որն իրեն անվանել է...

Կառապանը ցիլինդրը ծոծրակին ետ գցած, բարձր նստիքին վեր-վեր թռչելով, օդում թափահարում է հեռագիրը: Վարորդը, ղեկը մի ձեռքով պահած, մյուսով թևածալի մեջ է խրում հեռագիրը: Շուցմանը, խաշմերուկից մի տասը քաջ է ետ կանգնելով, աչքը կկոցած նայում է պատուհանին, որտեղ հեռագիրն է փակցրած: Հեծանվորդը, առանց հեծանվից իջնելու, շունչը կտրած, տղայից հեռագիր է առնում: Ռեստորաններում, գարեջրատներում, ավտոմատներում, տրամվայներում, գլխների վերևը, ձեռքներին, գրպաններում, հատակին՝ հեռագրեր: Պատուհաններին, պատերի վրա, ցուցամեղկերին՝ օդում՝ քամուց քշված, հեռագրեր, հեռագրեր, հեռագրեր:

— Արտակարգ հե-ռա-գ-գիր:

— Արտա...

— ...ռա-գ-գիր:

Ասես քաղաքով մեկ թունդ գինի էին լցրել, ու մարդիկ խմում են, խեղդվում, լողում, սուզվում, կորչում են գինու մեջ:

Կուրտը ճարթում է կտրտված տառերով նախշված սպիտակ թղթի կտորը: Հետո հարթում է, սուր հայացքը սահեցնում պարզորոշ տողերի վրայով, նորից թուղթը պինդ ճարթում է ու բղավում:

— Օբեր:

Վճարում է, դուրս վազում հրապարակ: Այնտեղ, խեղդ-
վող, սուզվող քաղաքի աշմուկի և դողի մեջ նա հանկարծ
կանգ է առնում մայթի մեջտեղին: Նրան շրջանցում են, բո-
թում, նայում են նրան: Նա ոչինչ չի նկատում: Նայում է
գլուխների, ուսերի, գլխարկների և հովանոցների վրայով
ուղիղ իր առջև, այն կողմը, ուր նոր գնում էր: Նույնքան հան-
կարծակի, ինչպես կանգ առավ, դառնում է, կտրում հրապա-
րակն ու նստում տրամվայ: Հրապարակը կտրելով, մայթի
մարդկային հրհրոցից պոկված, վագոնի մոտ է վազում մի
մարդ: Վագոնը շարժվում է: Մարդն արագացնում է վագոնը,
թռնում ոտնակին, ներս է մտնում վագոն և աչքերով փնտրում
մեկին:

— Կո՛ւրտ:

Կուրտը նայում է դեպի փողոց, ձեռքերի մեջ տրորում
սպիտակ թղթի կտորը:

— Կո՛ւրտ, Կո՛ւրտ... Դու ինձ տեսա՞ր:

Կուրտը շրջվում է, ձեռքերը գրպանները խոթում: Նրա բե-
րանը սեղմված է, վերին նուրբ կոպիտը սեղմվել են հոնքերի
տակ:

— Մենք խոսելի՞ք շունենք:

— Կո՛ւրտ...

— Լոնցեք,— սկսում է Կուրտը:

Սակայն նա, ով Կուրտին անունով էր կոչել, գլուխն է
բռնում ու շշնջում.

— Ուրեմն դու ինձնից փախա՞ր:

Կուրտը փլվում է նստարանին: Նրա շրթունքները ցնցվում
են, աչքերը կարմրում: Գուցե նա հիմա կժպտա, գուցե կհե-
կեկա, գուցե կբղավի:

Նա խոսում է, նույնպես շշուկով.

— Անդրեյ, ես քեզ ատում եմ... Ես պարտավոր եմ ատել:
Հեռացիր: Գնաա բարով... Դեհ, գնա:

— Դու քո խելքի, սրտիդ դեմ ես խոսում:

— Սրտի՞ս: Սրտի՞ս,— բղավում է Կուրտն ու բարձրանում
նստարանից:

— Հեռացիր, թող ինձ: Մենք խոսելի՞ք շունենք: Հեռացիր,
ատում եմ... Այլապես կբղավեմ ամբողջ վագոնով մեկ, թե
դու ով ես, և քեզ...

— Բղավիր, բղավիր: Ես մի քայլ էլ չեմ գցի:
Նրանք կանգնած են դեմ-դիմաց, իրարից չկտրելով հա-
մառ հայացքները, և նրանց դեմքերը գունատ են, լարվա-
ծով թյունից ծոված, քրտնքապատ:

— Ես սպասում եմ:

Կուրտը լռում է:

— Յտեսություն, Կուրտ: Դու կսթափվես, գիտեմ:

— Ես կեղծավոր չեմ: Գնաա բարով,— ասում է Կուրտն
Անդրեյից պոկվելով:

Ստարցովը վագոնից ցած է թռչում:

Փողոցում հեծանվով նրան ընդառաջ է սլանում լրագրու-
վածառը և կտրում լուսթյունն իր խոպուտ ձայնով.

— Արտակարգ հե-ռա-գիր:

— Արտա...

— ...ռա-գիր..

Շուրջը տները լուռ են ու ամայի, բաց պատուհաններում
գեղնին են տալիս և գանգրանում ծաղիկները, հարկերի գրե-
խին կախված ձեռնահարկերը պահում են փողոցների ան-
դորը: Մարդիկ այստեղից փնացել են կենտրոն՝ դեպի բա-
րերն, ավտոմատները, խմբագրություններն ու գոռում-գոչ-
յունները, հեռացել են, փախել, սլացել, որպեսզի իրենց աչ-
քերով տեսնեն երկար դարեր նիրհած քաղաքի վարթոնքը՝
պատերազմի, փառքի:

Անդրեյը քայլում է լուռ՝ ծայրամասերով, խուլ նրբանցք-
ներով, հին քարե շինությունների անկանոն, ծուռ շարքերի
մոտով: Շտապելու բան չունի: Շտապելու տեղ չունի: Ետե-
վում են տարիները, որ չես վերադարձնի և որոնք պետք չեն.
մարդիկ, որոնք երբեք այլևս նախկինը չեն դառնա, երբեք
Միկնուլյն չէ, թե ուր կգնաս: Միկնուլյն չէ՞, թե ուր կհասնես
Եվ կհասնես՞ սարդոք որևէ տեղ:

Անցումը դեպի Ֆյուրտ տանող ճանապարհը՝ Գերմանիայի
առաջին հնագույն ճանապարհը, մի անցում, որով այնքան
հաճախ էր գնում Անդրեյը, պահպանվում է գինվորական պա-
հակախմբի կողմից:

Նկատե՛ց արդյոք Անդրեյը, որ գինվորների հագին կա-
նաչագորշ համազգեստ էր՝ փայլատ կոճակներով, հորթի
կաշվից պայուսակ, քաթանի ծածկոցով սաղավարտ և փորձի

երկու կողմից փամփուշտակալներ էին կապված: Նկանե՞ց արդյոք, որ զինվորները երթային համազգեստով էին: Եվ որ այդ համազգեստներին նայում են պատուհաններից, դռներից, փողոցից, մայթերից: Տեսա՞վ արդյոք, ինչպես դեպի Ֆյուրտ անցնող գնացքի մեջ այս ու այն կողմ նետվեցին, թրթռացին գլխաշորերը, հովանոցները, գլխարկները, ձեռքերը, և ինչպես երթային համազգեստ հագած զինվորների ոտքերի մոտ գետնին թափվեցին ծաղիկներ, սիգարներ, գլանակներ, ու նորից ծաղիկներ, ծաղիկներ, ծաղիկներ: Տեսա՞վ արդյոք, ինչպես վսեմորեն գլուխները ետ գցեցին երթային համազգեստ հագած զինվորները, և նրանց շուրթերից ինչպիսի ծպիտ շնորհ եղավ գլխաշորերին, հովանոցներին, գլխարկներին, ծաղիկներին: Երթային համազգեստ հագած զինվորներն իրենց ոտքերի տակ թափված բոլոր ծաղիկները չհավաքեցին, միայն մեկական վարդ խրեցին իրենց հրացանների փողի մեջ, գոտու մեջ և փամփուշտակալին: Հնարավոր է արդյոք հավաքել այն բոլոր ծաղիկները, որ հայրենիքը փռում է երթային համազգեստ հագած զինվորների ճամփին: Տեսա՞վ արդյոք այդ ամենն Անդրեյը:

Միևնույն չէ՞, սակայն:
Անդրեյը քայլում էր գլուխը հակած:

Լուսավոր, լվացած սանդուղքին, այն բնակարանի դռան մոտ, որտեղ նա ապրում էր, անշարժ կանգնած էին երկար սև վերարկուներ հագած և ցածր կոտելոկներ ծածկած մարդիկ: Նրանք հինգ հոգի էին: Կանգնած էին լուռ, անձայն: Անդրեյն այդ մարդկանց նկատեց, երբ արդեն նրանց օղակում էր:

Գունատ դեմքով, մաքուր սափրված, բաց գույնի աչքերի բարի հայացքով մեկը կոտելոկը բարձրացրեց ու հարցրեց.

- Հերր Ստարցովն եք:
- Այո:
- Բարի եղեք, — և նա կիսով բացեց Անդրեյի առջև արդեն բացած դուռը:

— Գուցե հերր Ստարցովը մեզ ցուց կտա իր իրերը:
Չորսը հանեցին կոտելոկները, վերարկուները, բաճկոնները, արձակեցին բազկակալները և մինչև արմունկները վեր բաշեցին շերտավոր վերնաշապիկների թևերը: Այս հանված

մարդկանց բարակ կաշեզոտիների վրա, հենց ազդրերին կպած կախված էին փոքրիկ կոլտեր՝ բաց դեղնավուն պատյանների մեջ:

Գ Լ Ո Ւ Ն Շ Ե Ղ Ո Ւ Մ Ն Ե Ր Ի

Լ Ե Պ Ե Ո Ղ Ա Ն Ե Ր - Ա Ս Ե Կ Ո Ս Ե Ն Ա Ն Ե Ր - Ե Ղ Ե Լ Ո Ւ Ք Յ Ո Ւ Ճ

Ուրբախ վիլլան ընկած է լեռներում, Բոհեմիայի սահմանին մոտ: Շուրջը սոճիներ են՝ երեկոները մանուշակագույն, կեսօրին՝ կարմրագուրջ: Լեռնազագաթներին քարերը լերկ են, սուր-սուր: Հեռվից նայելիս թվում է, թե լեռներին հին, կոտորտված կահույք է կիտված: Ի դեպ, մի գազաթին դեպի արևելք են խոնարհվում Երեք Միանձնուհիները՝ վեղարներով, կնգուղները մեջքներին ետ գցած: Մեկի ձեռքին տերողորմյա է. գա լեռան ծերպից գանգուր վարդագույն հավամրդի էր գուրս սողում: Դեպի Ուրբախ վիլլան գալարվող հովիտով մի սպիտակ խճուղի էր վազում, նրա կողքին՝ նեղաղուր երկաթուղին: Այնտեղ, ուր հովիտը դեմ էր առնում Լաուշեի թեք ստորոտին՝ կայարանի մրոտված կարմրավուն տանիքն էրս վերևից, Լաուշեի կլոր կրծքանման բարձունքից՝ հովիտը, խճուղին, երկաթուղին, կայարանը, թվում էր, կտեղավորվեն բոիդ մեջ: Այստեղից շոգեքարշերի սուլոցները լսվում էին, ինչպես ճնճղուկների ծվլոց: Այստեղ քնած էր արձագանքը, մատղաշ սոճիների խոր միջուկի մեջ թաղված: Մինչդեռ հովտի յուրաքանչյուր ձայն յոթ անգամ բարձրանում էր մինչև Երեք Միանձնուհիների ոտները: Երեկոյան դեմ, երբ խճուղով իրենց գիշերօթևաններն են շտապում գյուղացիների սայլերը, ամենախիզախ մարդն էլ չի կարողանա նստած մնալ Երեք Միանձնուհիների ոտքերի մոտ:

Ուրբախ վիլլայի մասին ոչ մի լեզունդ չեն պատմում: Հայտնի է, որ առաջ այն կոչվում էր Ֆոն Ֆրեյլբերն, մինչև որ այդ անունը կրող վերջին կինը ամուսնացավ ոչ մի զբաղմունք չունեցող և բնավ ոչ աղնվական Ուրբախի հետ: Եթե պետք լիներ, վերջ ի վերջո, Ֆոն Ֆրեյլբերն վիլլայի մասին էլ կարելի էր լեզունդ հորինել: Սակայն հարկ չկա:

Երեք Միանձնուհիներից դեպի աջ գտնվում են կապուցիների վանքի ավերակները: Վանքն այրել էր կայծակը՝ այն պահին, երբ վանականները հարևան գյուղից երկու գեղեցկուհի էին խաբխբելով բերել վանքի նկուղը: Կապուցիները բուրբ մինչև վերջինն այրվեցին: Կենդանի մնացին հրաշքով փրկված երկու գեղեցկուհիները. նախախնամությունը պահանջ անմեղությունը՝ որպես խրատ քրիստոնյաներին: Այդ հաստատեցին գյուղացիները, որոնց բաժին ընկան գեղեցկուհիները: Սրան հետևում է պատմությունն այն մասին, թե ինչ տուրուդմփոց սկսվեց ամբողջ այդ շրջանի փեսացուների մեջ այս աղջիկների պատճառով. ամեն մեկն ուզում էր նրանց միջոցով առնչվել նախախնամությանը: Սակայն հենց այդ պատմության վրա կանգ առնելու ժամանակը չէ:

Խոսքն այն մասին է, որ գյուղացիները առասպելների կարիք չունեին: Մինչ կապուցիների միաբանության այստեղ գալը, ամրոցը, որ քրիստոսասիրաբար ծառայել էր միաբանությանը, երկար տարիներ ցուր Մյուլեն-Շենաու փոքրիկ մարկգրաֆության տերերի նստավայրն էր եղել: Այս ասպետական տոհմի նախնիները մի ժամանակ մոտ էին Վատիկանին և երկու անգամ ջոկատներ էին ճանապարհել տիրոջ գերեզմանին: Երեսնամյա պատերազմին մարկգրաֆները շղջիկների նման նստել-մնացել էին իրենց ամրոցների ապաստարաններում: Հետո թալանով էին զբաղված բողոքական Մաքսոնիայում: Հետո սսկված հալումաշ էին լինում: Կարգինալ Սեբաստիանը մարկգրաֆներից ապաստան խնդրեց սնանկացած կապուցիյան միաբանության համար: Մարկգրաֆներն իրենց նստավայրը դարձրին վանք, այդ իրողությունը հայտնելով կաթոլիկական բոլոր տերություններին: Այդ ժամանակ ամրոցում մնացել էին միայն նեպուկներն ու սարգերը:

Լաուշից դեպի արևմուտք, գրեթե հենց նրա լանջին տեղավորվել էր մի նոր ամրոց՝ ավելի փոքր, ավելի բարեհամբույր և ավերակներից ջահել: Այստեղ տեղափոխվեցին ասպետների նախնիները, կապուցիներին գեջելով նեպուկներն ու սարգերը: Այստեղ պահվում էին տիրակալ տոհմի հիշատակները: Այստեղ մեծանում էր նրա վերջին ժառանգը՝ լուսկյաց, կոկլիկ, շիկահեր տղան՝ Մաքսիմիլիան Յոհան Ֆոն

ցուր Մյուլեն-Շենաուն: Նա մեծանում էր խնամակալի հսկողության ներքո, գյուղացիների աչքի առաջ, որոնք ժառանգներն էին նրանց, ովքեր երկու անգամ փորձել էին օգնել տեր աստծուն՝ նրա գերեզմանը խելով անհավատներից:

Ահա թե ինչու այս վայրերում առասպելների կարիք չեն գգում: Ահա թե ինչու, երբ նայում ես ոտքերը ձիու նման լայն-լայն գցող գյուղացու ետևից, թվում է, թե նրա մեջքին է ընկած դարերի բեռն՝ իր ասպետներով, թագավորներով, կարդինալներով և վանականներով: Եթե շիներ այդ մեջքը, ի՞նչ իմանաս, Լաուշից արևմուտք ընկած այս ամրոցի գրադարանը հիմա կզարդարե՞ր արդյոք հիանալի, մի քիչ կանաչած մեծածավալ գիրքը՝ «Փոն ցուր Մյուլեն-Շենաու տիրակալ մարկգրաֆների դինանիշագրությունն ու տոհմագրությունը»: Այսքանից հետո ի՞նչ կարելի է ասել Ուրբախ վիլլայի մասին:

Բամբասել, բամբասել՝ այո:

Անհասկանալի մարդ է այդ հերր Ուրբախը: Թերևս որևէ ուրիշ երկրում նա իր վրա ուշադրություն չգրավեր: Սակայն Գերմանիայում, Գերմանիայում...

Նախ և առաջ. ինչո՞վ է նա զբաղվում: Կալվածատեր է: Լավ: Ինչո՞ւ ուրեմն ոչ մի անգամ չի մտել պանրագործանոցը, չի նայել գոմերը, չի հետաքրքրվել խոտհոսնձով: Կառավարի՞չ ունի: Լավ: Անխոհեմ բան է, իհարկե, մեծ տնտեսությունը վստահել հասարակ ծառայողին, սակայն հարուստ մարդն իրեն շատ բան կարող է թույլ տալ: Բայց ինչո՞ւ հերր Ուրբախը ոչ մի անգամ հաշվետվություն չի ընդունում վստահված անձից, և միշտ այն ուղարկում է կնոջը՝ Ֆրաու Ուրբախին, ծնյալ ֆոն Ֆրեյլբերն: Գուցե հերր Ուրբախը պետական է: Կանգաղի անդամ: Բնավ ոչ: Գուցե գիտաշատնյա՞ է: Կանգաղի անդամ: Բնավ ոչ: Գուցե գիտնական է: Այդ դեպքում, սակայն, նրան կկոշեին պրոֆեսոր: Գուցե գրո՞ղ է: Դե դա արդեն հայտնի կլիներ յուրաքանչյուր ժանդարմի: Պարզապես ունտայով ապրող մա՞րդ է: Սակայն մի՞թե ունտայով ապրողը այդպիսի կյանք է վարում: Մի օր վիլլայում է, մի օր քաղաքում, մյուս օրը՝ հանգրստավայրում: Գիշերները լեռներում է, ճաշի ժամին՝ քնած, իսկ երբեմն էլ երեք օր իրար ետևից դուրս չի գալիս իր առանձնասենյակից: Իսկական ունտայի ապրելակերպը ստե՞

մանվում է պրոֆեսորների մի իսկական կոնսիլիումով: Ռանտյեն ոչ թե պիտի ապրի, այլ անխնայ կերպով ողջ-առողջ լինի: Ասում են, թե հերր Ուրբախն ինչ-որ նախագծեր է գծում: Սակայն ի՞նչ նախագծեր, ոչ ոք չգիտի: Այնպես, միայն խոսակցութուններ են:

Ոչ, հերր Ուրբախն անհասկանալի մարդ է: Ֆրանու Ուրբախը երբեք նրա հետ չէր ամուսնանա, եթե... Մի խոսքով, նա դեռ ֆրոյլայն ֆոն Ֆրեյլբերեն էր, երբ որդի ունեցավ: Հետո, մի քիչ էլ կաղում է մի ոտքից. դա մանկուց է: Սակայն նա պատկանելի, խիստ, առաքինի տիկին է, և նրան չողջունելը, երբ անցնում է խճուղով, մի տեսակ անհարմար է:

Նրանք երեխաներ ունեն: Այն տղան, որի աշխարհ գալով անսպասելիորեն երջանկացավ հերր Ուրբախը, և մի աղջիկ՝ Մարի անունով: Ուղղակի տարօրինակ է, թե որքան արդարացի և խիստ է ճակատագիրը: Մեծ երեխան նմանվել էր մորը: Հայնրիխ Ադոլֆը— իհարկե ոչ Ուրբախը— Հայնրիխ Ադոլֆ ֆոն Ֆրեյլբերենը տոհմի ժառանգն ու հետնորդն էր: Մարին... Դեհ, ինչ կարելի է ասել այդ աղջկա մասին:

Բամբասել, բամբասել՝ այո:

Հարցրեք ուղածո գյուղացուն՝ նրան ճանաչում են ամբողջ շրջանում: Նա հայտնվում է ամեն տեղ, ամենուրեք, և միշտ անսպասելի, ինչպես ուրվական: Ծիշտ է, վատ նշան է, եթե Մարին վազում մտնում է ուրիշի բակը: Նրա հայտնվելուց հետո տնտեսության մեջ անպայման որևէ փորձանք է պատահում՝ ձին է հիվանդանում կամ ջարդվում է հնձող մեքենան, կամ էլ, ամենաքիչը՝ կաթն է թթվում: Մի անգամ Մարին կանգ առավ կիրկայի մոտ: Այդ պահին եկեղեցուց դուրս էր գալիս երգհոնահարը:

— Բարև, աղջիկս,— ասաց նա:

Եվ Մարին նայեց նրան այնպիսի աչքերով, որ վերջինիս քթի մեջ անմիջապես սկսեց քոր գալ: Ու ի՞նչ եք կարծում. խեղճ երգհոնահարը հարբուխով հիվանդացավ և սկսեց այնպես փոշտալ, որ եռամիանձնության ժամերգության ժամանակ երգչախմբից հենց միայն հափշի, հափշի էր լսվում:

Իսկ մի անգամ Մարին ներս էր նայել ֆորշտանդի պատուհանից: Վերջինս նստած իր թղթերն էր նայում ու զանազան բաներ գրում:

— Վահ,— ասում է Մարին,— ինչքան շատ թղթեր ունես ինչպե՞ս է, որ դրանց մեջ գլուխդ չես կորցնում:

— Ոչ,— պատասխանում է սա,— հենց նրա համար էլ ֆորշտանդ եմ, որ գլուխս չկորցնեմ: Իսկ դու հեռացիր այստեղից, մի խանգարիր:

— Դեհ,— ասում է Մարին,— կտեսնես, որ ամեն ինչ իրար էս խառնելու:

Եվ փախչում է:

Իսկ ֆորշտանդն այդ օրից այնպիսի մի խառնաշփոթ է սարքում, որ քաղաքից պաշտոնյա է գալիս ու կարգադրում նրան անմիջապես հեռացնել:

Անպայման աղջկա մեջ մի սատանա էր նստած, նա երջանիկ պահի չէր ծնվել...

Սակայն ինչպես այս վայրերում կարիք չի զգացվում առասպելների, քանի որ առասպելներով է ծածկված ամեն մի քարը, այնպես էլ կարիք չի զգացվում Մարիի շուրջը եղած բամբասանքների, քանզի նրա մանկության պատմությունը լի է պատահականություններով և զաղտնիքներով, որոնք թերևս ավելի անսպասելի ու սարսափելի են, քան բոլոր բամբասանքները:

Մարին երեք ամսական էր, երբ առաջին անգամ մահը եկավ նրա ետևից: Հերր Ուրբախը քաղաքից երկու բժիշկ բերեց, և բժիշկները տասնինն օր շհեռացան Ուրբախ վիլլայից: Տասնինն օր երեխան մահանում էր: Նա լուռ էր, գրեթե անձայն, օրական մեկ անգամ՝ երեկոները, ջերմությունից կրակվում էր, ինչպես ածուխ, և գիշերվա ընթացքում կամաց-կամաց սառչում, ծածկվելով մոխրանման գորշավուն գունատությունից: Աչքերը, որ երբեմն-երբեմն պարզվում էին աշնանային գետակի նման, հանկարծ կանգ էին առնում հոր վրա, և այդ ժամանակ հերր Ուրբախը տնից փախչում էր ու թափառում սարերում: Բժիշկները խորհրդակցում էին, դեղատոմսեր գրում և երկար-երկար ինչ-որ բան էին բացատրում երեխայի հորը, հետո բարձրանում էին վերև, իրենց հատկացված սենյակները ու սկսում շախմատ խաղալ: Մառանները դեղատոմսերը ձեռքներն առած վազվում էին դեղատներ, բերում կոմպրեսներ, ջերմաչափեր, վաննաներ, հետո նստում էին

Այն ժամանակ հերը Ուրբախը նետվեց դեպի աղջիկը, բարձրացրեց նրան գլխից վեր և անկապ մի բան բղավեց: Սակայն սովորաբար լուրիկ Մարին սկսեց անզուսպ կերպով լացել, ասես ծանր վիրավորանքից, որ մեկը թաքուն հետևել էր իր միայնությունը: Գրանից հետո ինչքան էլ Մարիին սովորեցրին քայլել, ինչքան էլ փորձեցին ստիպել, որ կանգնի, նա ամեն անգամ նստում մնում էր անշարժ, քարի պես, մինչև իր տարին լրացավ և քայլեց վստահորեն, առանց որևէ օգնություն:

Քարն ւ արկարաֆուհիս

Ոտքերի տակ փափուկ, փտած փշատերևը, կայմափայտի հավասար շարքը, ամենուրեք կիտված սարերը, ամրոցի ավերակները, ճանապարհով գոտեորված հովիտը և լաուշերի թեք, հավասար սարալանջը՝ ահա Մարիի մանկասենյակը:

Նա ծանձրանում էր տնից, կահույքից և կյանքի ամենամեծ դժբախտությունը համարում էր ձմեռը: Սակայն ձմռանն էլ Մարին ապրում էր սառնամանիքի, քամու մեջ, ապրում դահուկ ջղելով, սարերից սահելով, սառած, լպրծուն քարերի վրա բարձրանալով և վազվզելով: Նա վազում ու վեր էր մագլցում այծի նման, մագլցում էր ուղղաբերձ ժայռերին, արագ ու անձայն կառչելով անտեսանելի ելուտներից: Ճշմարիտ էին ասում, որ նա իր ծծմորն էր եկել՝ ամբողջ շրջանին ծանձրացրած այդ խեղճան, կովարար, թուլան կնոջը:

Մի անգամ աշնանը Մարին անհայտացավ: Ամբողջ օրը հնարավոր չեղավ նրան գտնել, իսկ երեկոյան Ուրբախ վիլլան տագնապ բարձրացրեց: Մարդիկ ուղարկվեցին բոլոր ծայրերը: Գյուղում հարցուփորձ արեցին Մարիի հետ խաղացող երեխաներին: Ոչ ոք նրան չէր տեսել:

Ամբողջ գյուղը ոտքի էր հանված: Գյուղացիները լապտերներն առած և խմբերի բաժանված հենց նոր էին շարժվել տարբեր ուղղություններով, երբ մեծ ճանապարհից սլացավ եկավ մի երիտասարդ բարակ: Նրա ձին փրփրակուլ էր եղել, սայլի միջի խոտը քրքրվել էր, իր վռայից քրտինքը վազում էր. նա ամբողջ մարմնով դողում էր ու երկար ժամա-

նակ չէր կարողանում խելքը գլխին պատմել, թե ինչ էր պատահել:

Բանից պարզվեց, որ նա խճուղով անցնելիս շրջանցել է Երեք Միանձնուհիներին և անմիջապես գլխին մի ահավոր աղմուկ է պայթել: Տղային թվացել է, թե սարերը տեղից շարժվել են, ու շար ոգին հոճոացել ու հաչել է նրա ետևից: Ձին տեղից պոկվել ու սլացել է, ինքը հաղիվ է կարողացել սայլի մեջ իրեն պահել՝ հիշելով տեր աստծուն ու այն բոլոր աղոթքները, որ սովորեցրել էր քահանան: Իսկ ետևից լսվել է սուլոց, կրճտոց, հոճոց, հաչոց: Երևում է, հենց Բեհեզգեբուղն էր իր ծննդյան օրը տոնում:

Շատ էլ հեշտ բան չէր այնպիսի մարդիկ գտնել, որոնք համաձայնեին զիշերով գնալ Երեք Միանձնուհիների մոտ: Հերը Ուրբախն ինքն էր գլխավորում խիզախ գյուղացիներին: Որքան լավ էր ճանաչում աղջկան, եթե անմիջապես վճռեց, թե նա էլ ո՞ր կարող էր գնալ, եթե ոչ հենց սատանային հյուր:

Պետք էր լսել, թե նա ինչ համերգ տվեց այդ անիծյալ երեկո: Ամեն կողմը անտառների վրայով գլորվում էր տրաքոցն ու որոտը, ասես ամպրոպն էր արմատախիլ անում ու գլորում սոճիները: Լեռները սվվում էին ու հեծեծում՝ հրեշները նրանց կուրծքը քրքրում էին մագիլներով: Եվ ի լրումն ամենի՝ գիկուրժքը քրքրում էին մագիլներով: Նույն չի երևում, լապտերներն էլ մեկ էլ տեսար մարում էին անձրևից: Ով թքել է իր հոգու փրկության վրա, իհարկե, թերևս այսպիսի գիշերով վեր մագլցի Երեք Միանձնուհիների մոտ:

Երիտասարդների քաջությունը դիմացավ ճիշտ մինչև ճանապարհի վերջը: Այն կտրել-անցնել ու խճուղի դուրս գալ կտրականապես հրաժարվեցին: Հերը Ուրբախն ընտրեց ամենալավ լապտերը և, շրջանցելով, գնաց դեպի ժայռը: Նա դեռ չէր հասցրել խճուղին կտրել ու շրջանցել Երեք Միանձնուհիներին, երբ աղմուկը հանկարծ լռեց: Բարձունքից երբեմն-երբեմն ցած էին գլորվում հավասարաչափ թափահարվող թիթեղի բեկվող զնգոցները: Արձագանքն այստեղ ոչ մի անգամ չկրկնվեց:

Հերը Ուրբախը բղավեց.
— Մարի՛:

— Հա՛ւ-ա,— լսվեց ի պատասխան:

— Յաժում քեզ եմ սպասում:

— Գա-լի՛ւ եմ:

Լսվեց, ինչպես քարին դիպավ ու զնգաց թիթեղը: Եվ կա-
մաց-կամաց, վայրկյան առ վայրկյան խաղաղվեց ու լեռները
վրա տարածվեց լուսթյունը:

Մարին, արագ սահելով թաց քարերի վրայով, ճմրթված,
փայլուն անձրևակաթիլներով ծածկված, հայտնվեց լապտեր-
ների լույսի ղեղին շրջանի մեջ: Նա մատը դրեց բերանին ու
դավադրի նման զլուխը տարուբերեց:

— Հայրիկ, միայն թե ոչ մեկին շասես, որ այդ ես էի:
Թիթեղը մնաց վերևում: Վաղը կգամ այստեղ և հետո մի թի-
թեղ էլ կբերեմ:

— Վաղը ամբողջ օրը սենյակում կլինես:

— Ոչ, հայրիկ, միասին կգանք այստեղ: Դու անպայման
պիտի նստես վերևում, Միանձնուհիների ոտքերի տակ:

— Իսկ դու կնստես փակի տակ, ասում եմ քեզ:

— Վա՛հ, ինչ տեսակն ես: Քեզ ասում եմ, չէ՞, այնտեղ
այնքան սարսափելի է, որ չես կարող դիմանալ: Դու ան-
պայման վախից ցած կզլորվես:

Նա ծիծաղեց, բռնեց հոր թևն ու թռչկոտելով վազեց
առաջ, ասես ոչ թե հայրն էր նրան տուն տանում, այլ նա՝
հորը:

Դա վերջին շարությունն էր, որ Մարիի վրա ոչ մի հետք
չթողեց:

Գարնանը նա սկսեց աչք ածել, տնտղել իր գյուղի ընկեր-
ներին: Պետք էր ստուգել նրանց հավատարմությունը, ընտրել
ամենավստահելիներին, ամենավճռականներին, լուսկյաց ու
դիմացկուններին: Միայն երեքի վրա կարելի էր հանգիստ
սրտով հույս դնել: Դրանք տասներեք-տասնչորս տարեկան
տղաներ էին՝ լայնաթիկունք, ամրակազմ, և երեքն էլ կար-
ժես ընտրովի, այնպիսի մեծ, կլոր աչքերով, որ երբ Մարին
պատմում էր նրանց սարսափելի պատմությունները, նրան
թվում էր, թե այդ աչքերը ահա ուր որ է դուրս կթռչեն ու
կզլորվեն: Իհարկե, այդպիսի տղաների խելքը տեղն է, և
նրանք կարողանում էին լեզուները փակ պահել: Բացի այդ,
նրանք որոշ բան լսել էին հարյուրավոր տարիներ առաջ ամ-

րոցում թաղված քարի մարկգրաֆուհու մասին: Նրանց դժ-
վար չէր համոզել, որ սկսեն խորհրդավոր պեղումներ կա-
տարել վանքի ավերակներում. նրանք իրենք էին շտապեց-
նում Մարիին ու վաղուց արդեն վճռել էին, թե ով որտեղ
պետք է փախչի, երբ ամբողջ ստորերկրյա ներքնատանը զբո-
նեն մարկգրաֆուհու գանձերը:

Ամեն մեկին չէր հաջողվի հարկ եղածին պես կարգադրել
այնպիսի բարդ գործը, ինչպիսին է գանձի որոնումը:

Մարին գիտեր ինչ պետք է անել:

Մի անգամ նա իր բարեկամներին բերեց հոր առանձնա-
սենյակը: Պահարաններից ու գրադարաններից երեխաների
զևխին թափվեցին գրքեր, քարտեզներ և պլաններ:

— Ահա: Նայեցեք: Այստեղ գրված է անգլերեն. չորս հար-
յուր տարի առաջ մարկգրաֆներն իրենց ընտանեկան դամբա-
րանում գտել են քարացած մարկգրաֆուհուն: Երբ փորձել են
վրայից հանել թանկարժեք զարդերը, դադաղի կափարիչն
ինքն իրեն փակվել է, և այլևս անհնարին է եղել բանալ...

— Ահա ձեզ փաստաթուղթ: Այստեղ գերմաներեն է գրո-
ված: Գերմաներեն ինքներդ էլ կարդալ գիտեք: «Հազար հինգ
հարյուր վաթսուն թվականին մարկգրաֆներն իրենց ամբողջ
տվել են կապուցիոյան միաբանությունը»: Տեսնո՞ւմ եք: Կար-
դացեք. կապուցիոյան միաբանությունը:

Առարկելու բան չկար. սևով սպիտակի վրա գրված էր.
կապուցիոյան միաբանությունը: Եվ տարեթիվը: Զարմանալի
ճշտությամբ՝ 1560 թվական:

— Հաստատ գործ է,— ասաց մասնակիցներից մեկը:

— Ըհը,— ասաց Մարին, և բոլորը վախեցան:

— Հետո, նայեցեք այ այս գիրքը: Տեսնո՞ւմ եք, այստեղ
նկար էլ կա՝ ցուր Մյուլեն-Շենաու հին ամբողջը: Եվ գրված է,
որ մարկգրաֆուհու դադաղը ավերակների տակ է մնացել
մինչև մեր օրերը: Հասկանո՞ւմ եք:

Բոլորն էլ, իհարկե, հիանալի հասկանում էին: Ասենք,
հնարավոր էլ չէր չհասկանալ, երբ Մարին իր ընկերակից-
ների մոտ հանդես էր բերում արտակարգ գիտունություն,
կարողում էր ոչ միայն անգլերեն, այլև հոլանդերեն և նույ-
նիսկ ամերիկերեն, ինչ-որ դեղնավուն էջեր էր շրջում, թեր-

թում հսկայական թղթապանակներ և գունավոր քարտեզներ։ Ահա թե երբ կարող էին աչքերը դուրս թռչել։

— Հիմա գործի անցնենք, — ասաց մասնակիցներից մեկը։

— Դեռ ոչ, — հայտարարեց Մարին, — ես դեռ պետք է ուսումնասիրություն կատարեմ։

Այդ խոսքը հնչեց հանդիսավոր, և բոլորը համաձայնեցին, որ առանց ուսումնասիրության չի կարելի գործին ձեռնամուխ լինել։

— Ո՞վ է այսօր իմ թղթապանակները քրքրել, — հարցրեց հերթի Ուրբախը երեկոյան։

— Ի՞նչ ես ասում, ի՞նչ ես ասում, — վախեցավ Մարին և հոր գլուխը մոտեցրեց շուրթերին։ — Դրանք բոլորը ձեռագրեր են, որ բացում են գաղտնիքը...

— Դու պետք է զբաղվես ոչ թե գաղտնիքներով, այլ թվաբանությամբ։

Սակայն գաղտնիքը բացվեց։

Գաղտնիքը բացվեց անտառում, ավերակների մոտ, և ամփոփված էր այն պլանի մեջ, ուր Մարիի ձեռքով նշված էին հին ամրոցի բոլոր ստորերկրյա անցքերը, այն տեղը, որտեղ պետք է պեղումներ կատարեին, և քարե մարկգրաֆուհու գերեզմանոցը։ Այդ օրն այլևս ոչ թե հավատում, այլ համոզված էին, որ ստորերկրյա գանձը գոյություն ունի։

— Երգվեցեք, կրկնեցեք իմ ետևից ամեն խոսքս, — շնչաց Մարին, ձեռքը բարձրացնելով։

Եվ դավադիրներն արտասանեցին.

— Երգվո՛ւմ ենք, որ աշխարհում ոչ մեկին չենք հայտնի մեր դաղտնիքը։ Երգվո՛ւմ ենք, որ կաշխատենք այնքան, մինչև գտնենք քարե մարկգրաֆուհուն։ Կաշխատենք գաղանի նման։ Կաշխատենք ցուլի նման։ Թող մեզ կրակի վրա այրեն ու երկաթով դաղեն։ Երգվո՛ւմ ենք, որ ոչ մի խոսքով իրար չենք մատնի։ Երգվո՛ւմ ենք, որ եղբայրների նման, առանց գծովելու կբաժանենք գանձը։ Երգվո՛ւմ ենք, որ կգտնենք բահեր, լապտեր և պարան։ Եվ ամեն ինչում կենթարկվենք Մարիին։ Ամեն։

— Սպասեցեք, — ասաց Մարին, երբ երգումն արդեն տրրված էր, — վերջը ինձ դուր չի գալիս, պետք է կրկնել։

Բոլորը նորից ձեռքները բարձրացրին և ասացին.

— Եվ ամեն ինչում ու ամբողջ կյանքում կենթարկվենք Մարիին։ Երգվո՛ւմ ենք, երգվո՛ւմ ենք, երգվո՛ւմ ենք։ Ամեն։

— Ահա, հիմա լավ է։ Կարելի է գործի անցնել։

Եվ գործի անցան։

Ավերակների վրա առաջին անգամ բարձրանալով, նրանք սահմանափակվեցին տեղանքի ուսումնասիրությամբ։ Գտան հողով ծածկված, մամռակալած մի ելուստ՝ սուր և բարձր։ Վճռեցին, որ դա ստորերկրյա ներքնատան մուտքն է։

Հաջորդ օրվանից սկսեցին պեղումները։ Աշխատանքը տեղեց երեք օր։ Առավոտները, երբ թփերի վրա դեռ վառվում էր փայլուն շաղը, երեք դավադիրները հորենական նկուղներից գողանալով բահերը, գաղտագողի, ամեն մեկն իր ճամփով, շարժվեցին դեպի ավերակները։ Այնտեղ հանդիպելու չուներ ու փոխադարձ մոռյալ հայացքներ փոխանակելով, նրանք մեկին ընտրեցին պահակության համար։ Երկուսն սկսեցին մեկին ընտրեցին արմատներն ու փորել։ Հողը փխրուն էր, բահի տակ ընկնող արմատներն ու կոճղի կտորտանքը փշրվում էին մի թեթև հարվածից, քարեր չկային, և գործը շատ լավ էր առաջ գնում։ Երբ արևը բարձրացավ կառուցի վրա, պահակ կանգնածի ականջին հասավ ծանոթ սուլոցը։ Մարին իր բարեկամների համար նախաճաշ էր բերում։ Դա գանձ որոնողների այրած ամենալավ պահն էր։ Մահ, ինչ համեղ բաներ կային Ուրբախ վիլլայի բուֆետում։ Եվ հողափորների ախորժակը ինչպե՞ս էր բացվում առավոտյան ժամը տասի մոտերքը։ Հենց միայն էդամական պանրի համար արժեր բահ բանեցնել։

Մարին հարցաքննում էր իր բարեկամներին, ինչպես սպան՝ զինվորներին, ամեն կողմից պտտվում փորված ելուստի շուրջ, բահով խփում էր գետնին և բղավում.

— Լսո՛ւմ եք, ինչպես է թնդում։

— Թնդում է, ու-ու-ու, — արձագանքում էին դավադիրները։

— Շուտով կհասնենք։

— Այո, կհասնենք։

Տարօրինակն այն է, որ իսկապես փորեցին հասան։ Տարօրինակն այն է, որ նախաճաշից հետո բահերը ձեռք-ձեռքորդ առավոտ, երբ նախաճաշից հետո բահերը ձեռք-ձեռքորդ առան, խրամատը հանկարծ ոտքների տակ փլվեց, փոսնեքն առան, խրամատը հանկարծ ոտքների տակ փլվեց, փոս դարձավ։ Վախեցած ետ թռան։ Իրար նայեցին։ Փորձեցին

զգուշությամբ հողը փորել փլվածքի շուրջը: Եվ ուրախացած, վախեցած, մի տեսակ թռչնային վայնասուն բարձրացրին, փոսի մեջ թափվող հողագնդիկները խուլ կերպով զարկվում էին ստորերկրյա ներքնատան ամուր, անտեսանելի հատակին:

— Պարանը,— հրամայեց Մարին, փորված հողակույտի մեջ մի սրածայր քար որոնելով:

Այն ամենը, ինչ դրանից հետո տեղի ունեցավ, կատարվեց այնպես, ինչպես նավի տախտակամածի վրա՝ կարճ, հատու, հարթ:

Քարով և պարանով ուղղալար պատրաստեցին: Ուղղալարով չափեցին փոսի խորությունը: Փոսին մոտեցրին մի շորացած ծառ և գցեցին անցքի վրա: Պարանի մի ծայրին օղակ էր արված, մյուսն ամրացված էր շորսուններին:

Մարին մտնում է օղակի մեջ, լապտերը ձեռքն առնում և հաղթանակող հայացք նետում իր բարեկամների վրա: Նրա դեմքին վճռականություն կար, բերանը կիսաբաց էր, շրթունքներն անհանգիստ թրթռում էին: Նա նստում է շորսուի վրա, ոտքերը կախում փոսի մեջ ու հրամայում.

— Իջեցրե՛ք:

Տղաները ոտքներն ամուր սեղմում են գետնին ու պարանը ձգում: Մարին ծառից ցած է թռչում, և նրա գլուխը, որ կարծես քանդակված լիներ խրամատի սև կտրվածքի վրա, անհետանում է գետնի տակ: Պարանը ցնցվող լարի պես սահում է փոսի մեջ, կտրիճները հայացքները մեխում են մութ, սև անցքին և շունչները պահում ճիշտ նույնպիսի երկչոտ զգուշությամբ, ինչպես դողող ձեռքերն են պարանը բռնում: Սակայն ահա պարանը թուլանում է, ճոճվում օդում, ընկնում և գետնի տակից խեղդված, հազիվ լսելի մի ձայն է գալիս.

— Եկեք այստեղ:

Ու երբ դավադիրները գլուխները կախում են փլվածքի վրա և տեսնում խորքում լապտերի աղոտ լույսն ու Մարիի սոսկալի գունատված դեմքը, նորից լսում են խեղդված, օտար ձայնը.

— Ստորերկրյա ներքնատունն է: Ցած իջեք, բերեք բահերը: Ծառացի եմ գնում:

Նրանք տեսնում են, ինչպես գունատ դեմքն անհետանում

է գետնի տակ, աղոտ լույսը ճապաղվում է, մարում, անհետանում խավարի մեջ: Այն ժամանակ պարանը դուրս են բաշում, կանգնում են մի կողմ ու սկսում մտածել, թե ով իշնի ստորերկրյա ներքնատուն:

Այդ պահին գետինը ցնցվում է նրանց ոտքերի տակ և լեռներով՝ բարձունքից բարձունք ահավոր մի հատու է գլորվում. փորված ելուստը խրվում է հողի մեջ և Մարիին կլանած փոսի տեղում բացվում է փլվածքի խոր երախը:

Եվս մի պահ, ու դավադիրները փախչում են ու աչքը որտեղ կտրի: Լսվում է, ինչպես ավերակների ետևում, տարբեր կողմերից ճրթում են ճյուղերն ու ծանր քարեր են թափվում: Հեռու, ավելի հեռու:

Լուռություն:

Այդպես երկրորդ անգամ մահը եկավ Մարիի ետևից...

Գանձ որոնողների տված երդումը չխախտվեց: Ծիշտ է, նրանց երկաթով շղաղեցին և կրակով շայրեցին, քանի որ փորվածքի մոտ մոռացված բահերը անառարկելիորեն մատփորվածքի մոտ մոռացված բահերը անառարկելիորեն մատնեցին բոլոր դավադիրներին, սակայն նրանց վիճակվեց շատ դառն ժամեր ապրել: Եվ ի՞նչ իմանաս, որն էր ավելի՞ ծանր՝ հայրերի բռնացքները, որոնց համը վաղուց էին առել, թե՞ գանձի կորուստը, որի մասին եղած երազանքը շքացավ առաջին իսկ վերջալույսին:

Քանզի երբ երեկոյան՝ փլուզումից տասը ժամ հետո, գյուղացիները փորելով հասան մինչև անձավները, և Մարին լացեց հոր գրկում, նրա առաջին խոսքերն էին.

— Մարկգրաֆուհին այնտեղ չէ...

Անզոր ածխիկի նման մարմրում էր լապտերը, որով Մարին իջել էր ստորերկրյա ներքնատուն: Նա երկու ձեռքով կառչել էր այդ լապտերից: Գեմքը հողագույն էր և խիստ: Արտասուքները գլորվում էին դանդաղ շիթերով:

— Հիմար, հիմար,— ասաց հերը Ուրբախը,— պետք է նախ ինձ հարցնեիր. մարկգրաֆուհին նոր ամրոցում է:

Այսպես Մարին ծնվեց երրորդ անգամ:

Գա համընկավ նրա տասներեքերորդ տարեդարձին, և գյուղացիներն այդ զուգադիտությունը վերագրեցին Մարիի մեջ տեղի ունեցած փոփոխությունը:

Նա դարձավ լուսկյաց, դանդաղաշարժ, վերացավ շարժում-

նում, անհամբերութիւնից ոտքերը դոփում էր գետնին ու շրջեց հատակին դրած ափսեով կաթը: Հետո մի սուր ճիչ արձակեց. կատուն, շունը ետ բերելով, ճանկերը խրեց նրա մարմնի մէջ: Մահաները վազեցին եկան:

Մարին ոչ մի տեղ չկար...

Երեկոյան նա կանգնած էր հոր առանձնասենյակում և խեթ-խեթ հետևում էր իր խոնավ սուր աչքերով, ասես սպասելով հարձակման, պատրաստ այդ հարձակմանն, ամբողջապես կծկված, փոքրիկ, ինչպես մի գազանիկ:

Հերը Ուրբախը սենյակի մի անկյունից մյուսն էր քայլում, գոգոցում էր իր կարճ կտրած մազերը, ձեռքերը ջղային շարժում, ասես գրպաններում մի բան փնտրելով ու հառաչում, մի կերպ իրենից դուրս կորզելով:

— Հը-ը՛մ:

Նա երրորդ անգամ կանգ առավ Մարիի դիմաց, ձեռքերն իրար զարկեց ու հարցրեց.

— Մարի, Մարի, քեզ ի՞նչ է պատահել:

Մարին վեր ցցեց սուր ուսիկներն ու այդպես, առանց իջեցնելու, խիստ զարմացած, բացականչեց.

— Ասում եմ, չէ՞, միևնույն է, ես նրան կաթ կտայի, այդ զզվելի կատվիկին:

— Բայց ինչո՞ւ այդպիսի գարշելի բան արեցիր:

— Ուզում էի տեսնել, թե նա ինչպես է մեռնելու...

— Տե՛ր աստված:

Հերը Ուրբախն ընկավ բազկաթոռին: Նրա ձեռքերը լաթի պես կախվեցին, շտեմնող հայացքը սևեռեց լուսամփոփին, նառեց այդպես երկար ժամանակ, անձայն, մատն իսկ, հոնքն իսկ շարժելով. մտածում էր:

Ֆրաու Ուրբախը պատմել էր նրան ոչ միայն Ադոլֆի կատվի մասին: Նրան հայտնի էր նաև նկուղում տեղի ունեցածը: Նա գիտեր այգում Մարիի արարքները՝ արյունարբու, զազրելի արարքները:

Ֆրաու Ուրբախը պնդում էր, պահանջում, հրամայում, որ Մարի՛ն ուղարկվի որևէ փակ դպրոց, վերջապես նույնիսկ մանկատուն. չէ որ գոյութիւն ունեն այդպիսի հաստատութիւններ վերահասակ հանցագործների համար: Հո չի՞ կարելի

Հայրիս Ադոլֆին դաստիարակել այս այլասերված աղջկա հետ:

— Լոնցե՛ք,— բղավեց այդ ժամանակ հերը Ուրբախը: Փակ, վարագուրված դռները, պատուհանները, ռետինե ծայրապանակի թխկոցը հատակին, ողբ, հանդիմանութիւններ, սպառնալիքներ, ստորացուցիչ, անիմաստ սրտխառնուր առաջացնող հիստերիա: Այո՛, այո՛, հիստերիա առաջինի, պատկառելի և խիստ ֆրաու Ուրբախի հետ:

Մարին մի անկյուն մտած լուռ հետևում էր հորը:

Նա ցնցվեց, հայացքով դտավ աղջկան և փոխված՝ կոպտացած, խեղդված ձայնով ասաց.

— Ի՞նչ անենք, Մարի, ի՞նչ անենք: Ես միշտ քո բարին էի կամենում, քո բարեկամն էի: Ի՞նչ անենք:

Նա վեր կացավ, բռունցքը խփեց սեղանին:

— Աշնանը պանսիոն կգնաս:

Դեմքը դարձրեց աղջկան:

— Ես հո երբեք քեզ չէի ճնշում: Հիմա... այդպես ավելի լավ կլինի... Գնա քո սենյակը:

Մարին դուրս եկավ իր դարանից, անհաստատ քայլեց դեպի դուռը: Արդեն դուռը բացել էր, երբ կանգ առավ ու նայեց հորը: Նա դարձյալ կանգնել էր մեջքով դեպի աղջիկը: Թեթև, կտրուկ շարժումով Մարին նետվեց դեպի հայրը, կանգ առավ բազկաթոռի մոտ: Զգուշութեամբ դիպավ հոր բաճկոնին ու շնչաց.

— Բարի գիշեր:

Հայրը, առանց շարժվելու, կրկնեց.

— Գնա սենյակդ:

Այն ժամանակ Մարին կտրուկ շրջվեց, վազելով դուռն թռավ, դուռը ետևից շխկացրեց և սլացավ միջանցքով:

Մինչ ուշ գիշեր պառկել էր անկողնում, առանց հանվելու, արմունկները բարձին հենած, նայելով սեղանի տակ, ուր մի կույտ էր գոյացել վաղուց մոռացված նեգրերից, իշուկներից, տիկնիկներից, արջերից ու շնակապիկներից, որոնք ընկած էին մեջքի, փորի վրա, գլխիվայր: Մարին շարունակ սպասում էր, թե բիբաբո-կապիկը մոռութեւ նրա կողմը կդարձնի ու կճա.

— Խե՛ղճ Մարի:

Սակայն բիբաբոն լուռ էր։
Ֆրաու Ուրբախը նստել էր ձեռագործը ձեռքին, երբ ամուսինը եկավ նրա մոտ։ Նա ձեռքը մեկնեց ու կամացուկ ասաց.
— Ներեցեք, ես խիստ էի ու կոպիտ։ Վճռեցի Մարիի հետ վարվել այնպես, ինչպես դուք խորհուրդ եք տալիս...

— Դա միանգամայն խելամիտ կլինի, — պատասխանեց Ֆրաու Ուրբախն ու իր մատների ծայրերը դրեց ամուսնու ձեռքի մեջ։

Հերր Ուրբախը համբուրեց կնոջ մատները, նստեց բազմոցին, նրա կողքը։ Տունը սուզվում էր լուսթյան մեջ։ Ֆրաու Ուրբախի հիվանդ ոտքը դրված էր ուլունքազարդ աթոռակին։ Ոսկրե ճաղերը փափուկ շարժվում էին գործվածքի խավոտ բրդի մեջ։ Հերր Ուրբախը սեեռուն նայեց ազոտ լույսով լուսավորված կնոջ հաստատակամ կիսադեմին։

— Որքան դաժան եք, — ասաց նա, — որքան դաժան եք։

— Հեռացն՛ք այստեղից, — պատասխանեց կինը մի պահ լռելուց հետո։

Հերր Ուրբախը վեր կացավ և մատները ճճճթացրեց։

— Առանց ձեր հրավերի էլ այդ պիտի անեի...

Բիբաբոն լուռ էր։ Կապիկի ստորին ծնոտը անկենդան կերպով վեր էր ցցել նոսր ճերմակ մորուքը, ու դեղնակարմիր սաթե աչքերը կրակոտ շուրջ էին դեպի լուսինը, որը նայում էր սեղանի տակ, խաղալիքներին։ Ոչ մի շարժում, ոչ մի ձայն այդ կենդանի, իհարկե կենդանի հոգիների ու գանձերի կույտից։

Խեղճ Մարի։

Նա տեղից վեր թռավ, սեղանի տակից դուրս քաշեց բիբաբոն ու խաղալիքի զուխը զարկելով լուսամուտագոգին, այն դուրս նետեց այգի։

— Գնա այնտեղից նայիր քո հիմար լուսնին։

Հետո վարագույրը քաշեց, և մթութունը տեսնում էր, ինչպես անկողնում վերմակի մեջ փաթաթված մի գունդ էր ցրնցվում։

Առավոտյան Մարիին հայրն արթնացրեց։

— Վեր կաց։ Կուզե՞ս ծով մեկնել։

Մարին մահճակալին վեր-վեր թռավ, վերմակը վրայից սահեց։ Քնից տաքացած, վարդագունած, զգզված մազերով,

նա իր ամուր ձեռքերի ամբողջ ուժով սեղմեց հորը և փշեց նրա դեմքին։

— Քեզ վրա չեմ բարկանում։ Գիտեմ, պանսիոնը քո հնարածը չէ։ Ծիշտ է, չէ՞, դու չես...

Քայլերը հաստատուն և դառնում

Լայնարձակություն, լայնարձակություն և լույս։

Քամին այրող, ծակող ավազը ըշում է հարավից արևմուտք, ափի հարթ դեղին տախտակից՝ ծով։ Ցածր ալիքների դանդաղկոտ կատարները հարթում են խաղաղ ջուրը, վազում ավազի վրա, զգզում, ճանկոտում այն, ներկում մի տեսակ կարմիր գույնով ու թափանցիկ փայլարե շղարշով ետ են գլորվում ծով։ Ավազի վրա կարմիր շերտը վարդագունում է, ներսից դեղնում, անհետանում։

Ամպերը կողքից կողք են շրջվում, ձգվում ու մնում անշարժ. նայում են ծովին։ Երկնքից թանձր կապույտություն է իջնում, ավելի ու ավելի արագ գահավիժում, անհաշիվ-անհամար կապույտ կոտորուքով վետիտում ջրի վրա և կոտորուքից առաջացած խայտանքը անձայն ետ է թռչում ջրից, բարձրանում վեր, դեպի ամպերը, նրանցից էլ վեր՝ կապույտ անհունը, դեպի երկինք։

Լողափի հարթ, դեղին տախտակը տարածվում է հեռու, մինչև հորիզոն, և այնտեղ վազիր, վազիր՝ ուժ չկա, վերջ չկա։ Փայլուն գծի ետևից, տարօրինակ կերպով հեռավոր, — և ինչպե՞ս է մարդու աչքը կտրում, — փայլուն գծի, որը գուցե ծովի, գուցե երկնքի գիծն է, քամուն հանդիման, քամու պոռթկումների միջև մի տեսակ խեղճամ ու աղաճամ կեղևի հոտ է փչում, ահա՛ ձկան հոտ է, ահա հիմա էլ՝ թարմ, նոր կթած կաթի։

Աչքերդ կկոցես ու պտտվես միևնույն տեղում, իսկ հետո գուշակես, թե ի՞նչ գույն կտեսնես։ Եթե դեմքդ դեպի ծովը դարձրած բացես աչքերդ. երբ հնարավոր չէ կռահել։ Թխադորշ, երկնագույն, պողպատագույն, կապույտ, մի տեղ էլ մոխրագույն կետեր, ահա փիրուզագույն, ահա կանաչ։

Սլանալ լողափով զուխը ետ գցած, ձեռքերը վեր նետած կամ տարածած, ինչպես գրկախառնություն համար, բոբիկ

ստքերը հաղիվ դիպցնելով շիկացած ավազին, ամբողջ մարմինը դեմ անելով նրա ծակող ասեղիկներին, որոնց թշուր է քամին, քամին այրում, վառում է մինչև ոսկորները: Ականջներում՝ ջրի պղնձե հառաչներ, ինչ-որ տեղ աչքերի ետևը, գլխում, իր խորքում՝ վրդովված, այրվող, անմար կայծեր, որոնք հրդեհում են լույսի շերտերն ու թելերը:

Կեսօրին Մարին քայլում էր ափով, լողափին զարկվող խաղաղ ալիքների եզրից: Ոտքերի տակ փափուկ մխրճվում էր տաք ջրով հագեցած ավազը, և ոտնաթաթերն իրենց տակ ոչ խոր փոսիկներ էին առաջացնում, որոնք իսկույն սպիտակին էին տալիս և ապա անմիջապես լցվում թանձր, մուգ թացու-թյամբ: Մաքրված, գույնզգույն խցիկներով զարդարված լողափը վաղուց արդեն մնացել էր ետևում: Շարունակ ավելի էին ջրին մոտենում գանգուր մուգ կանաչ թփերը: Երեք ուռենիների կողքին ընկած էր առազաստանավի փտած, կիսաշարդ կմախքը: Այնտեղ, ուր նրա կողերը խրվել էին ավազի մեջ, տարածվել աճում էր թավ, գետնահար խոտը, իսկ խոտի վրա կարմրին էր տալիս մի լայն բիծ:

Մարին մոտեցավ դրան, անձայն քայլելով ավազի վրայով:

Ուռենու տակ, կարմիր լողազգեստը հագին նստել էր մի շիկահեր սողա, կորացած մեջքը ծովի կողմն արած: Ավազի վրա գոյացած բացատում, երկարած ոտքերի արանքը նա մի բան էր սարքում խեցիներից, գլուխը կախ, գրեթե շարժվելով և շուրջը ոչինչ չնկատելով:

Մարին այնքան մոտեցավ նրան, որ տեսնում էր ինչպես էին նրա ձեռքերը՝ ավազի նման սպիտակ ու նիհար, դարսում խեցիները, ու սողաչի առաջ կանգնում էին տարօրինակ քարանձավներ, բերդեր, փոքրիկ ամրոցներ: Հետո գաղտագողի հեռացավ, առանց մի անզգույշ ձայնով կամ շարժումով իրեն մատնելու:

Մովափին Մարին խեցիներ հավաքեց. դրանք ալիքաձև շերտով ընկած էին ափի երկայնքով, ջրից մի քանի քայլի վրա, արևից շորացած, քամհարված, չոր: Սակայն դրանցից մի բան կառուցել, թեկուզ շատ հասարակ մի բան, նրան չհաջողվեց: Խեցիները թափվում էին նրա ձեռքից, իրար վրա ընկնում, գլորվում և ոչ մի հնարով նրան չհաջողվեց դրանք

միացնել և ստիպել, որ այդպես մնան: Մարին խեցիները տրորեց, ավազի մեջ խրեց:

Հետո ետ դարձավ ուռենիների մոտ և մոտեցավ սողաչին: Բերդերը շրջապատված էին ժայռերով, ամրոցից ամրոց էին ձգվում կարմիր մանրախճից սարքված արահետները, քարանձավներն ամբողջապես կանաչի մեջ էին: Դա մի ամբողջ աշխարհ էր:

Եվ ահա՝ մեկ-երկու, թուրք այդ աշխարհի հենց կենտրոնը, ոտքի արագ հարվածներ՝ քարանձավներին, բերդերին, ամրոցներին, հետո այս ու այն կողմ նետվող՝ ավազ, խոտ, խեցիներ, ճրճտոց, աղմուկ և՛ հուսակտուր ճիչ:

Տղան փախավ, ետ նայեց: Ըշաց նա վախից, ոչ թե նրա համար, որ ափսոսում էր խեցիներից վարպետորեն կառուցածը. և հիմա, քիչ հեռու կանգնած, զարմանում էր իր վախի վրա: Մարին, նայելով նրան, ձեռքերը դրել էր ետևն ու սպասում էր: Նա սպասում էր դիմադրության, արցունքների, սպասում էր, որ աղջկա նման խեցիներով այսպես հիմար խաղեր անող փոքրիկ տղան պաշտպանվի: Սակայն, տարօրինակ բան, նրա առջև կանգնած էր մի պատանի. Մարին հիմա միայն նկատեց, թե նա որքան մեծ է, ուժեղ ու հանգիստ, որ նրա մտքովն էլ չի անցնում ոչ լալ, ոչ պաշտպանվել: Նա Մարիին էր նայում լայն, բաց գույնի աչքերի անշարժ հայացքով, հագիվ բերանը բացած, ու լուրմ էր:

Մի պահ Մարիին թվաց, թե երբևէ տեսել է նրա դեմքը: Մարին ավելի ուշադիր նայեց սողաչին ու հանկարծ հիշեց, որ մերկ է, որ ծով վազեց առանց լողազգեստը հագնելու, որ նա՝ այդ պատանին, առաջին մարդն է, որին հանդիպեց խցիկից դուրս թռչելուց հետո և որ նրան այդ պատանուց բաժանում են միայն լույսն ու օդը: Նա ատամների արանքից ֆշշացրեց նախօրոք պատրաստած խոսքերը.

— Հապա մի փորձիր ձեռք տուր:

Սակայն պատանին չէր շարժվում, շարունակում էր առաջվա նման նրան նայել կանգ առած հայացքով, ու նրա հայացքը ոտքից գլուխ ընդգրկում էր աղջկան:

Այն ժամանակ Մարին վազեց դեպի ծով...

Բաց գույնի լայն աչքերը հետո նա տեսավ աղմկոտ քաղաքի կայարանի թունելում, երբ հոր հետ տուն էր վերադառ-

նում, և ինքն էլ չգիտեր ինչու ուրախացավ ու սարսափեցւեց Աշքերը նրան չհանդիպեցին, հանգիպումն անցողիկ էր, սակայն Մարին հասցրեց նկատել, որ աշքերի վրա ռազմական գլխարկի խոր հոովար էր կախված: Ամբողջ ճանապարհին շէր կարողանում ազատվել այն մտքից, թե որտեղ է առաջին անգամ տեսել քիչ կիսաբաց բերնով ու այդ կանգ առած բաց գույնի աշքերով դեմքը: Եվ ահա, երբ արդեն երևացին ծանոթ սոճիները, վերևից գնացքին նայեցին խոժոռադեմ Երեք Միանձնուհիները, ու փոքրիկ գնացքը զայրացած ճնճողիկ նման ծվվաց սևացած կայարանի մոտ, ահա այն ժամանակ քիչ կիսաբաց բերնով դեմքը հանկարծ հայտնվեց նրա առջև: Կոկիկ, շիկահեր յունկերը մոտեցավ Մարին, կրունկներն իրար զարկեց ու ասաց, գունատվելով ու շտապելով.

— Մենք կարծեմ ծանոթ ենք... լողափում...

Մարին կարմրեց, բռնեց հոր ձեռքը:

— Ես այստեղացի եմ, Շենաու... հարևաններ ենք...

Մարին նայեց հորը, արագ ձեռքը դուրս քաշեց նրա ձեռքից ու հարցրեց.

— Ամբողջ... այնտեղ, Լաուշեի ետևի՞:

— Այո, դեպի արևմուտք գտնվող...

Մարին վճռականորեն առաջ քայլեց:

— Ասացեք, մարկգրաֆուհին, քարե մարկգրաֆուհին...— նրա շունչը կտրվեց, չկարողացավ ավարտել:

— Այո, նոր ամբողջում է: Ուզո՞ւմ եք տեսնել: Եկե՛ք:

Հերը Ուրբախը մոտեցավ յունկերից քիչ հեռու կանգնած կլորիկ տարեց մարդուն, և գլխարկը բարձրացրեց...

Ինչպե՞ս անցան այն երկու օրը, որ հավիտենականության պես ձգվեցին սարերում ապաստանած մրտոված կայարանի և Լաուշեից դեպի արևմուտք ընկած անտառի արահետների միջև: Ինչպե՞ս շարժվեցին ու թռան օր ու գիշեր անշարժ կանգնած ժամերը: Ինչպես վերջ եղավ այն դանդաղ տառապանքին, երբ յուրաքանչյուր պահ թվում է ինչ-որ բան պիտի պատահի, ամեն րոպե կարող է լսվել մեկի կանչը, և ամեն վայրկյանն իր մեջ որևէ հարց է ամփոփում:

Սակայն վերջը հասավ և ահա վայրկյանները, րոպեները, ժամերը ոտք առած սկսեցին սլանալ արահետներով, շիկա-

վուն սոճիների կողքից, խեժի և փափուկ փշատերևի խշխշոցի միջով:

— Եկա՞ք,— հարցրեց բաց գույնի աշքերով յունկերը, և Մարին թվաց, թե նա վախից հազաց:

— Մի վախեցեք,— սիրտ տվեց Մարին,— գնանք ուղղակի նրա մոտ...

Ամբողջ խաղաղ էր, պարտեզում, այնտեղ, ուր յունկերը սպասում էր Մարին, հին պատերի երկայնքով ընկած էին թափված կրի կույտեր, որոնց վրա խոտ էր աճել, դռներն ու անցքերը ցածր էին, քայլերի ձայները տարածվում էին շուրջն ու ինչ-որ տեղ պատերի խորքում զղրղոցի վերածվում:

— Ա՛յ, սա իսկական ամբողջ է,— ասաց Մարին:

Սակայն բնակելի սենյակները գրեթե նույնպիսին էին, ինչպես Ուրբախ վիլլայում, միայն թե ամենուրեք կախված էին նկարներ՝ ծանր, մուգ գույնի շրջանակներով, մեկ էլ նեղ պատուհաններն էին լույսը գողանում ու աղոտացնում: Եվ Մարին շտապեց.

— Դեհ, շո՞ւտ, շո՞ւտ:

Ահա վերջապես Մարին լամպը ձեռքին գնում է կամարակապ միջանցքներով, ամուր, թեք սանդուղքներով, քարե, խոնավ, սառը պատերի միջով:

— Դեպի աջ,— լսում է իր ուղեկցի ձայնը, ու նրան թվում է, թե տղան իրենից շատ հեռու է, չնայած նրա շունչն այստեղ է՝ իր ետևը, շատ մոտ:

— Մի քիչ կուացեք, հիմա...

Երկաթե, վերջ կիսակլոր դուռ, ժանգոտած փականք՝ ոչ կողպեք, ոչ գաղտնիք, ճոճոացող օղակներ, ծանր, անհնազանդ փեղկեր և խոր թեքություն՝ առանց սանդուղքի:

— Թո՛ք: Տեսնո՞ւմ եք հատակը: Հիմա դեպի ձախ, ահա երրորդը...

— Ի՞նչ երրորդ:

— Այստեղից երրորդ շիրիմն է: Այս երկուսը, քարից սարքվածները, հենց այնպես, դատարկ են: Դրանց տակը, հողի մեջ են դազաղները: Իսկ սա՞՞ դազաղ է:

— Իսկակա՞ն:

— Այո: Հիմա կափարիչը կշարժեմ:

— Եվ այստեղ նա՞ է:

— Հիմա կտեսնեք...

Կափարիչը բարձրանում է հեշտությամբ, սահում, բացում զլիսավերևի մասը, հնչեղ թխկոցով ընկնում դազադի լայնքով:

— Դեհ, նայեցե՛ք:

Մարին մի քայլ է անում, երկրորդը, լամպը որքան կարելի է առաջ է մեկնում, ձգվում հսկայական կափարիչի վրայով:

Դազադի մեջ, մանր փոշով ծածկված, փոշու մեջ, ինչպես բարձի վրա պառկած էր մի անմազ գլուխ: Դեմքը բաց դեղին էր աղուտ լամպի լույսի ներքո, կոպերը խոր փոս էին ընկել, քիթը գրեթե թափանցիկ, ուղիղ, ռունգները թեթև կլորիկ եզրերով. բերանը կիսաբաց էր և ատամները՝ հավասար, երիտասարդ, չէին փայլում, այլ փայլատ դեղնին էին տալիս, ինչպես ճակատը, ինչպես կզակը, ինչպես լավ կորացրած, քիչ փոշեծածկ պարանոցը:

— Նա ընդամենը տասնյոթ տարեկան էր, — ասում է յունկերը, — ինչպես ես...

Մարին նայում է նրան՝ տղան կանգնած է նրա ետևը, դեմքը գունատ, նույնիսկ գունատ-դեղնավուն, ինչպես մարկզրաֆունու դեմքը, և բերանը՝ բերանը կիսաբաց է, իսկ ատամները ճիշտ նույնպիսին են, ինչպես...

Մարին դարձյալ նայում է կրակի դեղնության մեջ սառչող քարացած դեմքին:

— Գեղեցիկ է, — շնչում է նա:

— Նրան վաղուց է ցույց են տալիս, եթե որևէ մեկն ուզում է տեսնել: Ահա, նայեցե՛ք:

Ցունկերը ձեռքը մտցնում է դազադի մեջ, փոշու միջից դուրս է քաշում երկար, հղկված կոթով մուրճը և դրանով խփում մարկզրաֆունու գլխին: Գլուխը հարվածներին պատասխանում է հատու և խուլ, և մուրճը փափուկ ընկնում ու խրվում է փոշու մեջ:

— Ճիշտ ինչպես քարից լինի:

Մթության մեջ են սուզվում մի շարք ցածր տապանաքարերը, սև կամարը ձվաձև կախվել է հանգստարանի վրա, ասպետները, ազնվականները, մարկզրաֆները լուռ էին քարի և հողի դարավոր խոնավության մեջ:

— Հապա գանձե՞րը... հանե՞լ եք վրայից, — շնչում է Մարին:

— Ոչ մի գանձ չկար... վաղուց չկար...

Սա ի՞նչ բան է: Նա կարծես ժպտաց: Ոչ, վախն է նրա դեմքը ծոմել: Ինչի՞ց վախեցավ: Որքան գունատ է: Նա ավելի, իհարկե, մարկզրաֆունուց ավելի գունատ է: Նրա աչքերն անշարժացան, նա գրեթե չի շնչում: Ի՞նչ պատահեց: Նա ձեռքերը մեկնում է դեպի Մարին, գրկում է նրան, կիսաբաց բերանը շատ մոտ է Մարիի շրթունքներին, նա...

— Ա-ա՛-ա՛:

Մարին ամբողջ ուժով խփում է նրա կրծքին, լամպը ձեռքին դողում է ու առկայծում, Մարին գլուխը շրջում է, ետ վազում դեպի ելքը, բարձր դռան երկաթե փեղկերը, դուրս է պրծնում միջանցք, վազում, վազում: Ոլորանի վրա, որը ճյուղավորվում էր երկու կողմերը, Մարին կանգ է առնում. չէ՞ որ տղան մնաց մթության մեջ. այնտեղ սև է, ինչպես... այն ժամանակ, գետնի տակ. նա ելքը չի գտնի... ծիծաղելի տղա: Եվ Մարին քրքշում է ու բղավում:

— Հե՛յ-հե՛յ, հոպ-հոպ:

Հետո տղան լուռ քայլում էր Մարիի առջևից, խոնարհաբար տանում է լամպը, երկար ժամանակ լուսավորելով ամեն մի աստիճան, ոլորան և շեմիկ: Այգու ելքի մոտ Մարին ասում է.

— Ես մենակ կգնամ: Մնաք բարով:

Իսկ այգուց, երբ արդեն աչքից ծածկվեցին կիրը թափված, պլոկված պատերը, բղավում է.

— Հե՛յ-հե՛յ, հոպ-հոպ: Հե՛յ...

Եվ քրքշում է, քրքշում, ասես նախազգալով, որ այդ ծիծաղը երկար ժամանակվա համար է, որ երեկոյան, տանը, հայրը նրան կասի.

— Մարի, վաղը չէ մյուս օրը պիտի մեկնես վայմար, միսս Ռոնիի մոտ:

— Ահ, ուրեմն իսկապե՞ս, — բացականչում է Մարին:

— Ի՞նչ արած, Մարի, ի՞նչ արած, — կասի հերը Ուրբախն ու կփակվի իր սենյակում...

Պանսիոնը զբաղեցնում էր մի ընդարձակ շենք, շրջապատված թուշե ցանկապատով, որի սուր-սուր ծայրերը ոսկեզույն էին, դարբասին կային քարե գնդեր: Այգու մուտքից դեպի դռներն էին տանում բետոնե սալիկներից ամուր սարքված արահետները, որ փայլում էին տաք ջրից ու խոզանակից: Այգու ծառուղիները հավասարաչափ ծածկված էին մանրախիճով. մեջքնդմեջ խրած դեղին ու կապույտ երկաթե աղեղիկները ժանյակավոր գոտիների նման գրկում էին թմբերն ու սիլամարգերը. թմբերի մեջ տնկված տաշած փայտերի վրա բազմազույն արեգակների նման փայլփյուռ էին ջնարակված գնդիկները. թզուկը ձեռնասայլակը բռնած խորամանկորեն ծիծաղում էր գլուխը ետ գցած, կավե ոտնամանները հաստատապես խրած խուզած ճիմի մեջ:

Տունը կանգնած էր բարեձև, հարթ ու կոկիկ, արևի տակ փայլեցնելով, ինչպես շուցմանն իր կոճակները, պատուհանների պղնձյա բռնակները, փականքները, մաքրած-փայլեցրած զանգն ու դռանը կախված մեծ ցուցանակը:

Միսս Ռոնի. Պանսիոն
ազնվագամ օրիորդաց համար

Մուտքի դռանը մոտիկ պատուհանին, երկաթե զիզզագածե պահիչի վրա վառվռում էր մի հայելի, որ ուղղված էր դեպի մուտքը: Հայելիով պատուհանի ետևը թաքնված էր միսս Ռոնիի մտայնորեն վարագուրված ու միշտ լուռ առանձնասենյակը: Դրա կողքին նրա բնակարանի մյուս սենյակներն էին՝ հեռավոր անկյունում ուսուցչանոցը, միջանքն անցնելուց հետո՝ ծառայողների շենքը, խոհանոցը, մատաններն ու պատժախուցը: Վերևի հարկը զբաղեցնում էին դասարանները, մարմնամարզական սրահն ու ընդարձակ ննջարանը:

Պանսիոնում կյանքի ռեժիմը սահմանել էր միսս Ռոնիին՝ մեկընդմիշտ, և դա նույնքան ուղղագիծ, ամուր ու ճշգրիտ էր, ինչպես թուշե ցանկապատը, ինչպես պատուհանների վրայի փականքները, ինչպես արահետներն ու այգու ջնարակած գրնդիկները: Միսս Ռոնիի տիրույթի սահմաններից ներս մտնողը

արդեն պետք է շարժվեր դիրևկտոր տիկնոջ մշակած պարզ ու անփոփոխ ձևով, նստեր իրեն հատկացված աթոռներին, հասուշեր նախօրոք նշված տեղերում և ժպտար նախատեսված պահերին: Այստեղ ոչ մեկի համար կարգը չէր մեղմացվում: Անզլերենի դասատուն և խոհարարուհին, վերակացուհին ու այգեպանը, ինքը դիրևկտորը և պարի ուսուցչուհին տարբեր աշխատանքներ էին կատարում, սակայն ենթարկվում էին միևնույն անփոփոխ ռեժիմին: Հստ կանոնադրության, աչքըվազարմ օրիորդները հավասար չէին աղախիններին, որոնք հավաքում էին նրանց ննջարանը, սակայն կանոնադրության խախտման համար հավասարապես խիստ էին պատժվում և՛ պանսիոնի օրիորդները, և՛ աղախինները:

— Ֆրոյլայն,— ասում էր միսս Ռոնին մեղանշած սանուհուն,— դուք սխալվում եք, եթե կարծում եք, թե համբերութունից դուրս գալով ձեզ կուղարկեմ ձեր ծնողների մոտ: Գնացեք վերակացուհու մոտ և ասացեք, որ ձեզ երեք ժամ փակի պատժախցում:

Միսս Ռոնին գտնում էր, որ պանսիոնի գործերը բարեհաջող են այն դեպքում, եթե այնտեղի կարգուկանոնը լիակատար նույնությամբ արտացոլում է իր ապրելակերպը:

Միսս Ռոնին, վեր կենալով, ընդունում էր զով լողանք, մարմնամարզութուն էր անում, շփվում սրբիչով, հագնում էր աշխատազգեստը, աղոթում և սկսում իր աշխատանքը: Եվ նա պահանջում էր, որ իր հետ միևնույն հարկի տակ բոլոր ապրողները, անկողնուց վեր կենալով, անևին ջրաշփումներ,— վաննանների պակասության պատճառով,— ապա՝ մարմնամարզութուն, սրբիչով շփվեին և աղոթեին: Նույնիսկ այգեպանը, մի վաթսուն տարեկան ծերուկ, հավատացնում էր միսս Ռոնիին, որ առավոտները պարապում է Մյուլլերի սիստեմով և սպիտակեղենը փոխում է ճիշտ այն կարգով, ինչ նշանակված է նրա համար՝ շորեքշաբթի և շաբաթ օրերը: Կին ծառայողներին միսս Ռոնին կարող էր անձամբ ստուգել, ուստի այստեղ խաբեությունն անկարելի էր: Իսկ տղամարդիկ, այգեպանից և դաս տալու համար հաճախող ուսուցիչներից բացի, որոնք գալիս էին մարմնամարզութունից և շփումներից հետո, տանը չկային:

Քսան սանուհի՝ միշտ քսան, ոչ ավելի, ոչ պակաս, զլու-

ներվում էին դիրեկտորուհու անդադրում հսկողութեան ներքո. և ոչ մի բան չէր կարող նրանից զաղտնի մնալ, ինչպես մուտքի մոտ տեղի ունեցող ոչ մի բան չէր կարող շարտացույժել միսս Ռոնիի առանձնասենյակի պատուհանին ամրացված հայելու մեջ:

Ճաշի, պարերի և աղոթքի արարողություններով ուսուցիչները ստուգում էին ժամացույցները, և թվում էր, արևն ինքն էր հետևում միսս Ռոնիի պանսիոնի մերձքաղաքային էքսկուրսիաներին ու դրոսանքներին:

Չմտան ընթացքում սանուհիները երկու անգամ այցելում էին Գյոթեի տունը, որից առաջ միսս Ռոնին դասարանում հատվածներ էր կարդում նրա կենսագրությունից, համաձայնելով, որ այդ մարդու անունը կարելի է արտասանել Շեքսպիրի անվան կողմին:

Աշնանն ու զարնանը մեկնում էին քաղաքից դուրս, և այդ ժամանակ միսս Ռոնին կասկածով ականջ էր դնում, թե բնագիտության ուսուցիչն ինչ է ասում բույսերի փոշոտման մասին:

Ամիսը մեկ անգամ կատարվում էր զբոսանք քաղաքում: Եվ ամեն շաբաթ այցելում էին կիրկա, ուր քարոզ էին լսում և ձայնակցում երգեհոնին:

Ամենօրյա զբոսանքը կատարվում էր այգում, ծառուղիներում և արահետներում, ցանկապատից հեռու, ժպտուն թզուկի ու թմբերի վրա փայլիլող գնդիկների շուրջ, և տևում էր երեք քառորդ ժամ: Քայլում էին զույգ-զույգ, անշտապ, առանց ետ նայելու, տասնյակ անգամ պտտվելով և անցնելով միևնույն կետից, առչկից ընթանում էր վերակացուհին, պարանոցը ձգած, ձեռքերը դրած փորին, իսկ ետևից մանրախճին իր շծալվող ներքաններն էր դրոշմում միսս Ռոնին:

— Փրոյլայն,— ասում էր նա, տալով սանուհու անունը,— կանգ առեք: Ես նկատեցի ինչպես դուք բարդուց ճյուղ պոկեցիք ու նետեցիք խոտի մեջ: Այսպիսով դուք երկու վատ արարք կատարեցիք: Հապա ասացեք, թե դրանք որոնք են: Առաջինը...

— Առաջինը, ես բարդուց ճյուղ պոկեցի...

— Երկրորդը...

— Երկրորդը՝ նյուղը նետեցի խոտի մեջ...

— Ուրիշ ոչինչ չունեք ասելու:

— Ներեցեք, միսս Ռոնի:

— Ճյուղը վերցրեք և տարեք զցեցեք աղբի գամբյուղը:

Օ՛, միսս Ռոնիի կիրառած դաստիարակչական սիստեմը ընդունում էին ոչ միայն մանկավարժության հեղինակությունները, այլև հասարակությունն ու նույնիսկ բարձրաշխարհիկ հասարակությունը: Անբասիր էր այդ սիստեմը, և սանուհիներն այդ բանը շատ լավ էին հասկանում:

Այդ բանը շատ լավ հասկացավ Մարին, երբ թիկնոցը, թևնոցներն ու գոգնոցը հագնելով, հանկարծ կորցրեց իր դեմքը, իր ձայնը, նույնիսկ իր հայացքը, և նրա հիշողության մեջ հանկարծ լողացին անցան աղոտ, ցավից մթազնած, ասեռերեք գոյություն չունեցած վանքի ավերակները, լատելի կատարը, որի վրա մագլցում է արևը, սրածայր ժայռերը, որ կոտրած կահույքի նման կիտված են սարերի կատարներին, մարկգրաֆների մոայլ գերեզմանոցը, և այնտեղ՝ գունատ, վախեցած, աղերսող դեմքը քիչ կիսաբաց բերանով:

Այդ պահից սկսած Մարին ֆիզիկական անհարմարություն զգալու աստիճան նեղվում էր այն երկաթե սեղմիրանից, որի մեջ ամփոփված էր պանսիոնի կյանքը, և որի մեջ ամփոփում էին նաև հիմա իրեն: Եվ նա զգաց, որ իր մանկությունն անցավ: Ավելի ուշադիր հետևեց պանսիոնի առօրյան կազմող ձևերին, փորձեց աչ ու ձախ շեղվել, ետ ու առաջ ընկնել՝ ամեն անգամ իրեն ցավ պատճառեց ու առաջ բերեց իրենից անհամատ ավելի կայուն ուժերի ըմբոստացում: Նա ուշադիր մեմատ ավելի կայուն ուժերի ըմբոստացում: Նա ուշադիր գննեց այս մարդկանց ձգող սեղմիրանը, որոնց կամքին էր լինքը հանձնված, տնտղեց դրա կապերը, ոսկորներն ու կեռիկները և հասկացավ, որ այն անհնարին է պատռել, կոտրել, ներքև և հասկացավ, որ այն անհնարին է պատռել, կոտրել, ոչնչացնել կամ գոնե թեկուզ բացել, թուլացնել: Եվ այն ժամանակ Մարին համակերպվեց դրան, ու առանց փոքր իսկ դժվարության, ասես ծնվել էր հենց դրա համար, դիմադրության, կամայականության, կամակորության և ազատության սովոր ձեռքերով քաշեց այն իր վրա ու անմիջապես համոզեց բոլորին, որ իրեն հիանալի է զգում:

— Փրոյլայն Մարի,— ասաց մի անգամ միսս Ռոնին,— նկատում եմ, որ դուք շափաղանց մտախոհ եք ու քիչ եք շքիվում: Գուք ավելի աշխույժ պիտի լինեք:

Իսկ երբ Մարին ավելի աշխույժ դարձավ, միսս Ռոնին արդեն նրա մեջ ոչինչ չէր գտնում, որ հարկ լիներ ուղղելու, և ծննդյան տոներին նրա ստուգման գրքույկում գրեց.

Ունի գերազանց վաճ, հիանալի առաջադիմություն, ջանասիրություն և ուշիմություն:

Իսկ ամառային արձակուրդներին՝

Պանսիոնում աչի է ընկնում օրինակելի վաճագծով և հիանալի առաջադիմությամբ:

Սանուհիների մեջ այդպիսի բացառիկ տեղ գրավել Մարին հաջողվեց առանց փոքր իսկ լարումի, համենայն դեպս, անհամեմատ ավելի հեշտ, քան նրա հորը հաջողվեց հավատալ, որ իր աղջիկը՝ Մարին, այդպիսի տեղ է գրավել: Հայրը կասկածամիտ էր և զգուշավոր, իսկ միգուցե՝ վիրավորված, քանի որ գտնում էր, թե առիթ չէր տվել Մարիի այս մշտապես քաղաքավարի, շոր վերաբերմունքի համար: Չէ՞ր տեսնում արդյոք նա փոխհատուցում այն դաժանության դիմաց, որ արեցին Մարիի նկատմամբ: Ի՞նչ գիտենաս: Մինչդեռ Ֆրանու Ուրբախը բացահայտորեն ավելի բարեհաճ էր դարձել դստեր հանդեպ և վերջինիս հարգալից ծնկածալումով ողջույններին սիրալիր էր պատասխանում:

Այդպես անցավ երկու տարի:

Իսկ երրորդ տարին, վայմարում, պանսիոնատի զբոսանքի ժամանակ, երբ անցնում էին խաղաղ փողոցներով, պանսիոնի նման առանձնատների մոտով, որոնք նույնպես ունեին թուչե ցանկապատեր, թմբերի միջից ժպտացող թզուկներ, բարեպատշաճ տեսքով զույգ-զույգ քայլող սանուհիների առաջին զույգին, որ գնում էր վերակացուհու ետևից, սանուհի Մարի Ուրբախին, փողոցն արագ կտրելով, մոտեցավ մի երիտասարդ սպա:

— Մարի՛,— գրեթե բղավեց նա:

— Մա՛քս,— պատասխանեց աղջիկն, ու նրա ուղեկցուհիները տեսան, թե ինչպես վեր թռան նրա հոնքերը, ու արյունը տարածվեց այտերին:

— Պարոն լեյտենանտ,— հազաց վերակացուհին:

— Մի ըուպե,— ասաց սպան ու դիմեց դեպի միսս Ռո-

նին:— Հարգելի միսս, թույլ կտա՞ք զրուցել զարմուհուս, Ֆրոյլայն Ուրբախի հետ:

— Սակայն, պարոն լեյտենանտ, պանսիոնում սահմանված են ժամեր...

— Հարկավ, հարգելի միսս: Սակայն ես մեկնում եմ, ընդամենը մի ժամով եմ այստեղ և ինձ անհրաժեշտ է...

Եվ նա հանկարծ ձեռքը տարավ հովարին, ասաց «շնորհակալություն», ասես արդեն համաձայնությունն ստացել էր, և շտապեց Մարիի մոտ:

Շփոթմունքը տեևց մի ըուպե, երբ սանուհիների շարքերը կտրվեցին, խառնվեցին, երբ մեկը ձեռքը բարձրացրեց, մի ուրիշը ծիծաղեց, մեկը հեծկլտաց, երբ վերակացուհուն անասելի հազի նուպա սկսվեց, երբ ամբողջ երթը խանդարվեց, և միսս Ռոնին ինքը ավելորդ երկու քայլ առաջ զցեց, հետո ավելորդ մեկ քայլ ետ գնաց, քանի որ այդ պահին նրա մեջ մի արագ մենամարտ տեղի ունեցավ սաքսոնական բանակի ուսադիրի հանդեպ ունեցած հարգանքի ու պանսիոնում սահմանված կարգը պահպանելու անհրաժեշտություն միջև:

Սակայն հաջորդ ըուպեին արդեն սպան մի քանի կարճ խոսք փոխանակեց Մարիի հետ, թեև մեկնեց նրան, և նրանք, ծիծաղելով ու քայլերն արագացնելով, կտրեցին անցան ճանապարհը: Եվ այդ ժամանակ բոլորը տեսան, թե ինչպես Մարին սեղմվեց սպայի թևին և ուսին, ու բոլորը լսեցին, թե նա ինչպես ետ դառնալով բարձր, ուրախ ասաց.

— Տե՛ր աստված, միսս Ռոնի, որքան նման եք փայտփորիկի:

Եվ հետո, ավելի բարձրաձայն.

— Adieu, adieu, աղջկերք:

Ու այդ «աղջկերք» բառից հետո Մարիի ընկերուհիներին թվաց, թե սպայի հետ հեռանում է ոչ թե թիկնոց, թևնոցներ ու զոգնոց հագած մի աղջնակ, այլ երիտասարդ մի կին՝ ճկուն՝ պիրկ և զեղեցիկ...

Սպան հազիվ թե խաբեց միսս Ռոնին, ասելով, որ վայմարից մեկնում է, ընդամենը մի ժամով է այստեղ եկել. անկունից շրջվելով, նա ասես դետնի տակն անցավ, հետն էլ Մարին...

Թե նա որտեղ էր երեք օր և երկու գիշեր, միայն իրեն էր հայտնի:

Երրորդ օրը հերը Ուրբախը նստած էր Բիշոֆսբերգի հին տան իր առանձնասենյակում, երբ նրան մի այցեատու մտնեցին:

Լեյտենանտ ֆոն ցուր Մյուլեն-Շենաու
(մարկգրաֆ)

Այդ խոսքը, որ գրված էր փակագծերի մեջ ու տպված ավելի մանր տառերով, մեծ քառակուսի այցեատուսի անկյունում, վաղուց մտածված էր ֆոն ցուր Մյուլեն-Շենաուի կողմից ու բնավ չէր նշանակում, թե Գերմանիայում վերականգնել են Կառլոսի ժամանակների շքեղ տիտղոսը, այլ միայն մի նպատակ ուներ, որ չի կարելի մարկգրաֆների տոհմի շառավղին ու ժառանգին խառնել ինչ-որ մերձբալթյան բարոնների հետ, որոնք ևս պատահամամբ ճիշտ այդպիսի ազդանուն էին կրում:

Լեյտենանտը եկել էր Մարիի հետ, որը հագել էր նոր կոստյում ու դարձել ավելի սլացիկ, աչքի ընկնող, նա նոր սանրվածքով էր, նայում էր ինչ-որ նոր, մթազնած, հուզավառ հայացքով: Նա նստեց հյուրասենյակում, ասես այցելուի վայելք էր եկել մի գրեթե անծանոթ տուն, առանց գլխարկը հանելու, աչ ձեռքի ձեռնոցը կիսով շափ հանած: Բազկաթոռի ետևը դրված հայելին նրան հանդիստ չէր տալիս, ու շուտով նա դեմքը շրջեց հայելու կողմը:

Լեյտենանտը մի հինգ րոպե մնաց նրա հոր առանձնասենյակում, հետո նրանք անցան հյուրասենյակով, և հերը Ուրբախը, խեթ-խեթ նայելով աղջկան, առանց կանգ առնելու նետեց.

— Բարի գալուստ:

Այնուհետև լեյտենանտը մենակ վերադարձավ հյուրասենյակ, Մարիի ձեռքը համբուրեց և ասաց.

— Ամին ինչ կարգավորված է: Դուք կմնաք այստեղ, ես վերադառնում եմ Շենաու վաղը կեսօրին կգամ...

Փոն Շենաուի առաջարկությունը՝ անսպասելի և կատեգորիկ, Մարիի փախուստը պանսիոնից, որտեղ նա առնիք

օրինակելի վարքագիծ և գերազանց առաջադիմություն», սակայն գլխավորն, իհարկե, առաջարկությունը, որը մարկգրաֆը և ոչ թե որևէ բարոն էր անում, և ղլխավորը, իհարկե... մի խոսքով, ֆրաու Ուրբախը անշափ վհատված էր և շոյված: Այդ ամենն այնպես շուտ տվեց թուլատրելի և օրինավորության մասին ունեցած պատկերացումը, այնպես բթացրեց մշտապես հետեկու ունակությունը, որ մայրն ուշադրություն չդարձրեց Մարիի տարօրինակ կոստյումին և տարօրինակ շարժումներին, իսկ հայրն ընկճված էր և փակվեց իր առանձնասենյակում:

Այդ երեկո ֆրաու Ուրբախը հիշեց, որ Մարին արձակուրդներին տուն գալիս հաճախ էր գնում Շենաու և շատ էր խոսում ամբողջում մարկգրաֆի խնամակալի հավաքած նկարների մասին: Ինչպես երևում է, բանը միայն նկարները չէին: Փրաու Ուրբախը գոհ էր:

Չերը Ուրբախը առանձնասենյակում ետ ու առաջ քայլելիս մի բան էր միայն հիշում՝ այն նոր, օտար զգեստը, որի մեջ տեսավ Մարիին, երբ ասաց «բարի գալուստ»: Նա զանգը տվեց ու հրամայեց բուխարին վառել, թեև դրսում սկսվել էր վաղ ամառը:

Հաջորդ օրը, կեսօրին, լեյտենանտ ֆոն ցուր Մյուլեն-Շենաուն եկավ իր խնամակալի ուղեկցությամբ՝ կոկիլի սանրով, կլորիկ, անդուրաշարժ պաշտոնաթող մի զնդապետի, որը հաստատեց լեյտենանտի արած առաջարկությունը: Նշանադրությունը վճռվեց կատարել երկու տարի հետո, երբ լրանար Մարիի տասնութ տարին:

Դա ինը հարյուր տասնվեց թվականի գարնանն էր:

Գ Լ Ո Ւ Ռ Ս

Ի Ն Ը Հ Ա Ր Յ Ո Ւ Ր Տ Ա Ս Ն Վ Յ Յ Թ Վ Ա Կ Ա Ս Ն
Մ Ա Ս Ի Ն

Լ ա մ ո ղ շ տ ու ը մ

Եթե շշի բերանը կոտրենք, ձևով այն կնմանվի ոչ մեծ տրամաչափի հրետանային արկի՝ կտրտված կոնով: Շիշը կարելի է ներկել արծաթագույն և վրան կպցնել որևէ գնեն-

րալի դիմանկար: Այդպիսի բանը լավ է դնել դաշնամուրի կամ բուֆետի վրա՝ դա զարդարում է սենյակը, դարձնում հարմարավետ: Տնային տնտեսուհիները շուտ հասկացան ապակյա արկերի արտադրության գաղտնիքը, սկսեցին շշերը կոտրել, գնել արծաթագույն ներկ, բացիկներ՝ գեներալների պատկերներով և զարդարանքները պատրաստել խնայողական ձևով: Դրա հետևանքով արկերի պահանջը զգալի շափով պակասեց, և ֆաբրիկանտներն ստիպված էին հաստոցները փոխել: Դի մասն սկսեցին արծաթագույն ներկ պատրաստել, մյուսները՝ գեներալների նկարներով բացիկներ տպել: Ինչ վերաբերում է շշերին, այս խնդրում դեռևս զգացվում էր նախապատերազմյան գերարտադրությունը: Մինչդեռ արտադրության մյուս բնագավառները, որ տնային տնտեսուհիներից պաշտպանված էին արտադրության տեխնիկական պայմաններով, լայնորեն զարգացան և երկար ժամանակ բարգավաճում էին: Այսպես, օրինակ, սև-սպիտակ-կարմիր զարդերիզով պատած քառասուներկու սանտիմետրանոց արկի ձևի բրոշների և քորոցների արտադրությունը հասավ շտեմնված չափերի: Հախճապակու գործարանների զարգացումը խթանվեց շնորհիվ բարեհաջող թագավորող կայսերական ընտանիքի անդամների պատկերներով ամանեղենի արտադրությանը: Սովարաթղթի արտադրությունը «փոթորկի և գրոհի» դարաշրջան էր ապրում. տուփերն ու կարտոնատուփիկները փաթեթվում, ներկվում էին ազգային գույների: Պատերազմի երկրորդ տարում ամբողջ արտադրանքը սպառողին էր տրվում միանգամայն հայրենասիրական տեսքով, սկսած դեղատներում վաճառվող լուծողականներից, մինչև կաշնասարքի կրպակի խամուխները:

Դա երևակայության շտեմնված մի պոթկում էր, դա ճշգրտավորական ծառայություն էր, միահամուռության գազափնակետ:

Այդ տարի Անդրեյը տեղափոխվեց Բիշոֆսբերգ:

Նա ապրում էր ուժասպառ, բթացած, հոգնած: Նրան շրջապատող աշխարհը աներեր մի սովարաշերտ էր: Այն ողողում էր Անդրեյին, ինչպես ջուրը: Նա կարող էր շարժվել այդ սովարաշերտի մեջ, սակայն վերջինս ամեն տեղ միանման հոծ էր: Անդրեյին թույլ էին տվել շնչել: Սակայն նա չէր կա-

րող ուսերը շարժել, որպեսզի շտկվի և խոր շունչ քաշի: Նա օդ էր շնչում այդ սովարաշերտի միջից դուրս բերված եղեգնախողովակի միջով, ինչպես շնչում է լճի մեջ թաքնված վայրենի որսորդը:

Այն օրից, ինչ Կուրտից բաժանվեց Նյուրնբերգի տրամվայում, նրան ղեկավարում էր անխուսափելին: Նա հանկարծ զգաց, որ ինքը մի շյուղ է մեքենայանման շարժվող անխուսափելիությունների հսկայական զանգվածի մեջ: Հստ էության դա մի գիտակցություն էր, որ ճիշտ հակառակն էր այն բանի, ինչով նա ապրում էր առաջ: Մի՞թե առաջ նրան չէր թվում, թե արևը ջերմացնում է այն պատճառով, որ իր կամքն ազատ է: Հիմա նա բավարարվում էր ջերմությանը ու լույսով, ինչպես մուրացկանը...

Բիշոֆսբերգը աշխարհի ամենավատ տեղը չէ: Ինչպես ամեն մի քաղաք, այն բազկացած էր դերձակներից, ոստիկաններից, գրավաճառներից, քահանաներից, ատամնաբույժներից, պրոֆեսորներից և վագոնավարներից:

Բիշոֆսբերգը հին քաղաք էր, իսկ հին քաղաքում պետք է լինեն զանազան մասնագիտությունների, գերազանցապես ազնիվ դրազմունքի տեր մարդիկ: Համենայն դեպս, այդպես մտածում էին Բիշոֆսբերգի իշխանավորները, իրենց բարեհաճ վերաբերմունքը տարածելով նույնիսկ սոցիալ-դեմոկրատների վրա:

— Սակայն թույլ տվեք խնդրեմ,— ասում էր, օրինակ, ոստիկանության քարտուղարը,— մարդը հո միայն սոցիալ-դեմոկրատ չէ: Նա, զրանից բացի, նաև գարնջրադործ է կամ ապակեգործ, կամ էլ թղթատար: Դրանք բոլորն էլ միանգամայն բարեհույս դրազմունքներ են, որ կազմում են հասարակության որոշակի մասը: Ուստի ես բնավ համաձայն չեմ Շտուտգարտի ոստիկանության տեսակետին:

Այս ասելով, քարտուղարը բացում է «Շտուտգարտ քաղաքի ոստիկանության տեղեկագիրն» ու կարդում.

Երկուշաբթի, երեկոյան ժամը չոթն անց կեսին ռադիկալ սոցիալ-դեմոկրատական կուսակցության երկու սեռի ներկայացուցիչները փորձում էին քաղաքական ցույց կազմակերպել: Երբ Կաուպլացից ուղղվեց Դորոտենշտրասսեով դեպի Շտուտենպլաց, որտեղ այն անմիջապես ցրեցին: Ղեկավարներն ու ղեկավարուհիները

ձերբակալված են: Ետուտգարտի բնակչութունը՝ երթին չի մասնակցել...

— Հարց է ծագում, հապա այդ երթը ումի՞ց էր բաղկացած, եթե բնակչութունը մասնակցութուն չուներ, — բացականց քարտուղարը:

Ոստիկանութան քարտուղարի այդպիսի լիբերալութունը՝ շնորհիվ Բիշոֆսբերգ քաղաքի փոքրութեան և բարեբարոյութեան, հայտնի էր ոչ միայն աստիճանավորներին, այլև հենց սոցիալ-դեմոկրատներին, և, աստված է վկա, նրանք օրեցօր ավելի ու ավելի լկտի էին դառնում: Բանն այնտեղ հասավ, որ վարսավիր Պաուլ Գեննիգը, կուսակցութեան հին անդամ և խմբակային երգեցողութեան ընկերութեան զանձապահը, մի անգամ սոցիալ-դեմոկրատների շրջանում նստած բարձրաձայն գովում էր իր կենվորին՝ ռուս ուսանողին, որ Բիշոֆսբերգ էր արտաքսվել պատերազմի սկզբին:

— Հավատացնում եմ ձեզ, — մոնչում էր այդ անամոթ մարդը, — որ իմ ռուսը ամենահնազանդ անասունն է, ու եթե նրանք բոլորը սրանից վատը չլինեին, մենք շատ վաղուց դրանց կչարդեինք, ու դեռ դրանք մեզ կօգնեին ֆրանսիացիների հախից գալ...

Փոխանակ ավելի աշալուրջ հետևելու իր կենվորին և ջանալու հասկանալ նրա իսկական դիտավորութունները (չէ՞ որ նա, համենայն դեպս, դիտավորութուններ պետք է ունենար), Պաուլ Գեննիգը, օգտվելով իշխանութեան զիջողամտութունից, ինչպես տեսնում ենք, ժողովրդի մեջ խռովութուն և տարակուսանք էր սերմանում: Ոչ, հաստատապես պետք է զգուշ լինել ոչ միայն օտարերկրացիների, այլև հայրենակիցների դորոշ մասի հետ: Գուցե Ետուտգարտի ոստիկանութունը հիմք ուներ ջրի երես հանելու ողջ սոցիալ-դեմոկրատական կուսակցութեանը: Այ, թեկուզ հենց այս վարսավիրը՝ Պաուլ Գեննիգը...

Սակայն ժամանակը չէ՞ արդո՞ք՝ զրկենք Բիշոֆսբերգի բյուրգերներին խոսքից ու ամեն ինչ պատմենք մեզ հատուկ անխոտվութեամբ:

Մենք օր առավոտյան ժամը իննին Անդրեյը դուրս է գալիս բարձր, հին դոնից, որի քանդակազարդերը ճաքճքված էին, կողափայտի նախշի ոլորանները՝ պոկակված:

Երեք քայլ հեռու, ձեռքերը մեջքին դրած, սպիտակ խալաթով կանգնած է Պաուլ Գեննիգը: Վաղորդյան հյուսիսում լիցուն դեմքը վառվում է, ինչպես վարսավիրանցի մուտքի վրա կախված նոր փայլեցրած պղնձյա թասը: Գեննիգի դեմքին տարածվում է խրախուսիչ ժպիտը, և նա արտասանում է փուղոցով մեկ.

— Ամեն մարդ իր պարտավորութունն ունի, այնպես չէ՞, հերր Ստարցով:

— Այո, այո, — պատասխանում է Անդրեյը, — բարի լույս, հերր Գեննիգ:

Անկյունում, թատերական նրբափողոցի դարձումին, իր կրպակի մոտ կանգնած ոտքից ոտք է փոխվում զինվորի համազգեստ հագած ծխախոտավաճառը: Մի քիչ այն կողմ, հաջորդ դռան մոտ նստած է դերձակի սապատավոր աղջիկը: Հարևան պատուհանից դուրս է նայում վարդագույն հացավաճառուհին: Հետո սկսվում են սրճարանի նեղ, շղարշե վարագույններով ծածկված պատուհանները: Այնուհետև՝ ոսկերչի կրպակը, մրգի խանութը, գրադարանը:

Հրապարակը սակավամարդ է, իսկ ուսուցան, որ գտնվում է այնտեղ՝ մոայլ ու սառը: Զգուշորեն բլրի տակ է զլորվում տրամվայը: Վազոնավարը նայում է Անդրեյին. նա ճանաչում է հավանաբար Անդրեյին ճիշտ այնպես, ինչպես Անդրեյը նրան՝ վագոնավարին, պահակակետում կանգնած շուցմանին, ծխախոտավաճառին, դերձակի աղջկան, քայլելով ծխամորճը փստացնող ծեր փոստատարին կամ փողոցներում երկաթե երկար ունելիներով թղթեր հավաքող լաթահավաքին: Այս ճանապարհին ամեն մի քար, յուրաքանչյուր կենդանի արարած, ամեն հայացք վաղուց ուսումնասիրված է, ինչպես ձեռքի մատների եղունգները, ինչպես մաշած սապոնները կամ անկողնու գլխավերինն՝ առաստաղի վրայի նախշերն ու բծերը: Ահա այստեղ, ոստիկանատան մուտքի առջև, հասարակական զուգարանի կիսաբաց դռան մոտ մորաքույր Մայերը, մշտական գուլպան ձեռքին, Անդրեյի վրա քարացած մի հա-

յացք կնետի, բամբ ձայնով ինչ-որ խոսք կասի ու նորից գլուխը կկախի իր շյուղերի վրա:

Ճերմակահեր աստիճանավորը՝ կարկատած արմունկներով, փողկապին քորոց խրած, աչքի տակով, կկոցած մի հայացքով կծակի Անդրեյին, կհարցնի.

— Հը՞:

— Հիտուներկու:

— Լավ է:

Ու կծածկվի գրասեղանի ետևը:

Դրանից հետո կարելի է գնալ տուն:

Կես ճանապարհին Անդրեյին հանդիպում է կարճահասակ փութկոտ մի մարդ՝ կնճռոտած, շոր դեմքով: Նա գրպանից արագ հանում է ձեռքը, ճաղատ գլխի վրայից հագլիվհաղ բարձրացնում ցածր կոտելովը և ժպտում սպիտակ բարակ շուրթերի շուրջ եղած անթիվ-անհամար կնճիռներով:

— Bonjour, bonjour, bonjour!

Նա իր ողջույնն արտասանում էր շուտասելուկի պես, անպայման երեք անգամ իրար ետևից, և ժպիտը նրա դեմքից անհետանում է նույնքան արագ, ինչպես իրար են զալիս բարակ շրթունքները: Ձեռքերի դաստակների մոտ բրդյա լաթեր են փաթաթված. հարմոն նվագելու վարժություններից նա թուլացրել էր ջլերը, սակայն իր աշխատանքը թողնել չէր կարող, որովհետև ուրիշ անելիք չունեի և որովհետև ուրիշ ոչինչ անել չգիտեր:

Սա monsieur Պերսին էր, բելգիական քաղաքացի և երաժրշտական ծաղրածու:

Monsieur Պերսին Անդրեյի հետ միևնույն միջանցքում էր ապրում, և ահա արդեն տարիուկես էր՝ առավոտից մինչև գիշեր նրա սենյակից սանդուղքներով գլորվում և քառատրոփ արշավում էին ելևէջային գամմաները: Եթե այդ գամմաները չհաշվենք, monsieur Պերսին աղմկարար մարդ չէր, նույնիսկ ընդհակառակը՝ լուռուսունջ էր և աչքի չէր ընկնում: Առավոտները Անդրեյը նրան հանդիպում էր փողոցում կամ միջանցքում, և monsieur Պերսին շուտասելուկով ողջունում էր նրան, կոտելովը բարձրացնելով.

— Bonjour, bonjour, bonjour!

Մի անգամ միայն monsieur Պերսին Անդրեյին ձեռք տվեց ու սեղմեց նրա ձեռքը. մի անգամ՝ խոնավ ու քամոտ մի երեկո, հին, գազի ծակ եղջյուրով լուսավորվող միջանցքում:

— Թախծում եմ, monsieur Պերսի,— ասաց Անդրեյը:

— Ռուսները սիրում են թախծել,— պատասխանեց նա:— Ես եղել եմ Ռուսաստանում, գիտեմ: Լոճ, Ռիդա, Լիբավա, Գերպտ՝ լավ երկիր է: Եվ բոլորը խմում են...

Monsieur Պերսին ծիծաղեց:

— Այսօր իմ ծննդյան օրն է, դրա համար ես էլ եմ խմել: Զգվելի կոնյակ է: Ընդհանրապես չեմ խմում: Զբաղմունքս թույլ չի տալիս: Նույն այդ պատճառով էլ չեմ թախծում:

— Կատակո՞ւմ եք:

Monsieur Պերսին կոացավ Անդրեյի դեմքին մոտ և դիմակի պես սառած դեմքով, միայն շրթունքները շարժելով ասաց, առանց ընդմիջելու:

— Մաղրածուն միայն մանեծում է կատակում. ուսները դա հիանալի հասկանում են: Ես եղել եմ Մարոկկոյում, Ալժիրում, Անգլիայում, ավստրիացիների մոտ, շվեդների մոտ, ուսների, գերմանացիների մոտ. ես աշխարհ տեսել եմ: Հիմա գիշերները մտածում եմ, թե ինչ դժբախտ է աշխարհը, որքան դժբախտ են մարդիկ, և թե ծիծաղում են monsieur Պերսիի կատակներից: Գիշերները փակում եմ աչքերս ու նայում մարդկանց. նրանք ոչինչ չեն հասկանում, monsieur Պերսին տեսնում է նրանց Ալժիրում, Ստոկհոլմում, Վիեննայում, Բիշոֆսբերգում, տեսնում է միանգամից բոլորին. նրանք monsieur Պերսիին չեն տեսնում, նրանք կարծում են, թե իրենք՝ ամբողջ աշխարհն են, և ամբողջ աշխարհը մեծ է սրանից, ահա սրանից...

Նա ցուցամատով ակնածանքով շոշափեց իր կոտելովը:

— Սա՛ աշխարհից մեծ է, այստեղ է ամբողջ աշխարհը՝ հավատացեք ինձ, monsieur, ամբողջ աշխարհը...

— Գնանք իմ սենյակը:

— Օ՛, ոչ: Ռուսները սիրում են թախծել և խոսել այդ մասին: Ես բելգիացի եմ: Ցերեկն աշխատում եմ, գիշերն աչքերս փակում՝ օ՛, monsieur Պերսիի ծեր աչքեր, և նայում եմ մարդկանց: Տեսնում եմ նաև ձեզ, դուք ինձ համար հաճելի եք, շատ հաճելի:

Նա հանկարծ ետ ընկրկեց, բացեց իր ճաղատն ու սանդուղքով վեր վազեց, մի անգամ միայն բղավելով.

— Bonjour!

Դա նրա առաջին և վերջին խոսակցությունն էր Անդրեյի հետ:

Վերջինը, որովհետև այդ գիշեր բելգիական քաղաքացի և հրաժշտագետ ծաղրածու monsieur Պերսիին բռնեցին և ուղարկեցին հայտնի չէ թե ուր:

Իհշոֆսերգ քաղաքի շտաղտրատին, ի թիվս բելգիական քաղաքացի Պերսիի սենյակը խուզարկելիս հայտնաբերված մյուս փաստաթղթերի, ներկայացրին երկնագույն թղթե կազմով մի տետր, որի կազմի անկյունում, կոնակի մոտ պատկերված էր Բելգիայի ազգային դրոշը: Տետրի վրա մակագրություն կար.

Ի նիշտակ անպայմանագիր հրավերի:

Քննադատության կարծիքները առանց իմ մասնակցության կայացած գալա-ներկայացումների մասին:

Տեքստը բաղկացած էր թերթերից և ամսագրերից կտրված հատվածներից, որոնք խնամքով կպցված էին և լրացված ազբյուրը նշող մանրամասն ցուցումներով: Ոչ մի տեղ ոչ մի ծանոթագրություն չկար: Առանձին տեղեր ընդդժված էին թանաքով: Հավանաբար դրանք առաջնել ուշագրավ էին թվում monsieur Պերսիին: Համենայն դեպս, դրանցից մի քանիսը գրավեցին շտաղտրատի ուշագրությունը, և նա այդ տեղերը նշեց կարմիր մատիտով: Ահա դրանք.

Եթե Հիսուս նազովրեցին, որ քարոզում էր սեր հանդեպ թշնամիները, ցանկար կրկին երկիր իջնել, նա, իհարկե, կժամանավորվեր գերմանական հայրենիքում: Եվ ի՞նչ էք կարծում՝ որտե՞ղ կարելի կլիներ նրան հանգիպել: Մի՞թե մտածում եք, թե նա եկեղեցու ամբիոնից պիտի ազդարարեր՝ օ՛ր երիցս մեղանշած գերմանացիք, սիրեցեք ձեր թշնամիներին: Հավատացած եմ՝ որ ո՛չ, Ոչ, նա կլիներ անսասան ատելությամբ մարտնչող ռազմիկների ամենատաջին շարքերում: Նա կլիներ այնտեղ, նա կօրհներ արյունոտ ձեռքերն ու մահաբեր զենքը, նա, թերևս, ինքն էլ ձեռքն առնել պատժիչ սուր՝ Գերմանիայի թշնամիներին քշելով ավետյաց երկրի սահմաններից շատ ու շատ հեռու, ինչպես մի ժամանակ քշեց մանրավաճառներին ու շահագետներին Հրեական տաճարից:

(«Volkserzieher»)

Բունցլաուի «Կոնկորդիա» ջուլհակա-մանվածքային ֆարրիկայի հաշվեթերթի առաջին երեսը:

Ն Ն Ա Յ Ե Ց Ե Գ Է Ը Ա Ց Ը

Ամեն կտոր խնայած հացով դուք այս ծանր պատերազմում օգնում եք ձեր ամուսիններին, հայրերին և որդիներին:

Ամեն մի կտոր խնայված հացը՝ կրակոց է ուղղված Ա. Գ. Գ. Ի. Կ. Ի. Գ. մեր վաղեմի թշնամուն:

Հացի ամեն մի խնայված փշուրը կրճատում է պատերազմը:

Նույն թերթի հակառակ կողմը.

Բունցլաուի ջուլհակա-մանվածքային «Կոնկորդիա» ֆարրիկայում

№ . . . աշխատավարձը	57 1/2 ժամվա համար	• • • • •	Մ. 9.91
	Հանումները.		
	Հիվանդության դրամարկը	• • • • •	28
	Ապահովագրության դրամարկը	• • • • •	12—40
	Netto	• • • • •	Մ. 9. 51

Այլևս ոչ ոք չի կարող ի-ուսափել այն տրամաբանական եզրակացությունից, որ հաշտվողականությունը կլինեք աղետ, որ միակ հնարավորությունը պատերազմն էր: Մինչև հիմա՝ մարտահրավերի պատասխանը պատվի գործ էր, նպատակի հասնելու միջոց, այսուհետև պատերազմը դառնում է ինքնանպատակ: Ամբողջ ազգը մի մարդու նման կպահանջի հավերժ պատերազմ:

(«Münchener Medizinische Wochenschrift»)

Դատտիարակել ատելություն: Դատտիարակել հարգանք դեպի ատելությունը: Դատտիարակել սեր դեպի ատելությունը:— Կազմակերպել ատելություն: Կորչի՝ մանկական վախկոտությունը, կեղծ ամոթը զապանությունից և մոլեռանդությունից: Բոզ քաղաքականություն մեջ էլ լինի, ինչպես Մարինետին է ասել՝ ավելի շատ ապուտակ, ավելի քիչ համբույր: Մենք իրավունք չունենք տատանվելու և աստվածանարգրեն կհայտարարենք՝ մեր կարողությունն է՝ հասվատ, հույս և ատելություն: Դրանցից մեծագույնն է՝ ատելությունը:

(Թժկականության խորհրդական դոկտոր Վ. Յուքս, էմենդիկգենի Պետական Բաղնեյան հոգևուժարանի ավագ բժիշկ):

Շտաղտրատը երկնագույն տետրը ձեռքին նստեց միևնույն ուղ գիշեր, մի հատված մյուսի ետևից կարդալով: Դրանք շատ

էին, կապված անկանոն, և մարդիկ, կերպարները, գաղափարները, անեկղոտները թափվում էին շտաղտրատի զլխին, ինչպես խաղալիքները տոնածառի ձմեռ պապու զամբյուղից. այլանդակ, գունազարդված, աղավաղված, կրկեսային: Շտաղտրատը դանակով սրեց կարմիր մատիտն ու սուր տառերով դրոշմեց երկնագույն կաղմի վրա:

Սույն տետրում հավաքած հոդվածները ռազմական կամ պետական գաղտնիք չեն պարունակում, քանի որ սպազորված են մամուլում: Սակայն լրագրային հաղորդարությունների միտումնաւոր ընտրությունը վկայում է Գերմանիայի հանդեպ հավաքողի թշնամական զգացումների մասին և պատե՛հ հանգամանքներում կարող էր պիտանի լինել թշնամուն: Ուստի անհրաժեշտ են համարում բնագրական քաղաքացի Պերսիին հանձնել ռազմական իշխանությունը:

Խմբակային երգեցողության ընկերությունում վարսավիր Պատու Գեննիզը երգում էր բասը: Բասերը եվրոպայում հաղվագլուտ են, և Պատու Գեննիզը հիմք ունի իրեն արտակարգ մարդ համարելու: Այդ գիտակցությունը նրան դարձրել էր անհանգիստ, իսկ անհանգստությունը նրան մղել էր դեպի սոցիալ-դեմոկրատական կուսակցությունը: Այստեղ նա վերջնականապես հավատացել էր իր հաջողությանն ու դարձել Բիշոֆսբերգի ամենաազմկոտ մարդը: Երբ երկուները, վարսավիրանոցը փակելով, Գեննիզը մտնում էր Անդրեյի մոտ քաղաքականությունից զրուցելու, այդ սենյակում, որ նման էր մանե՛ժի, խղճուկ կահույքի յուրաքանչյուր առարկան վայրկենապես վերափոխվում էր մեխանիկական հաստոցի: Շուրջն ամեն ինչ գվվում էր, ճարձատում, զնգում, ցնցվում արձադանքելով վարսավիրի բասի շաչյունին, մոնչոցին, որոտին: Գեննիզն իրմով լցնում էր ողջ մանե՛ժը:

— Այդ ամենը դատարկ բան է, դատարկ բան: Պարոնայք յունկերները չեն հասկանում, որ մենք գնում ենք սոցիալիզմին ընդառաջ: Չեն հասկա-նում:

— Ինչպե՛ս թե, — հարցնում էր Անդրեյը:

— Օհո՛: Դուք էլ չե՞ք հասկանում, սիրելի Անդրեաս:

— Ես տեսնում եմ, որ ապրում ենք առաջուց կուսակա՛ծի հաշվին:

— Անդրեա՛ս, Անդրեա՛ս: Պատերազմ է: Հասկանո՞ւմ եք պատերազմ:

— Ի՞նչ կապ ունի...

— Սպասեցեք, սպասեցեք: Գեննիզն իր միտքը կպարզաբանի ձեզ համար: Դուք մտքի դիսցիպլին չունեք, դուք՝ ուսներդ: Լավ տղաները եք: Ասում եմ՝ լավ տղաները եք դուք՝ ուսներդ: Բիսմարկն իրաւացի էր, ծերուկը, իրավացի էր: Նա ասում էր. ուսակների հետ մի գժտվիր, ուսակները՝ բնական, հասկանո՞ւմ եք, գերմանացիների բնական դաշնակիցներն են: Գեննիզը զարգացնում է ծերուկի միտքն ու ասում՝ լավ տղաներ են: Բայց դուք մտքի դիսցիպլին չունեք: Խմբակային երգեցողություն ընկերությունում, որտեղ ես գանձապետ եմ, ուղղակի ասացի՛ գնում ենք դեպի սոցիալիզմ:

— Պատերազմո՞ւմ:

— Օ-օ՛: Պատերազմով: Անդրեաս, դուք սկսում եք դիսցիպլինով մտածել, դա իմ շնորհիվ է: Հա՛-հա՛-հա՛, մի զայրացեք, Անդրեաս: Հենց՝ պատերազմով: Ինչպե՛ս: Պատերազմը մեզ կսովորեցնի բաշխել՝ օ՛, բ-բաշխել մթերքները, օ՛չ անկախ կապիտալիստական ապարատից:

— Հացի գրքույկները:

— Օ՛-օ՛:

— Իսկ մյուս երկրնե՞րը:

— Մյուս երկրնե՞րը:

Պատու Գեննիզը աթոռից վեր թռավ ու ձայնը երկու տոն էլ բարձրացրեց: Անկյուններում կանգնած հաստոցներն սկսեցին դրդալ ու զնգալ ամբողջ ուժով:

— Մյուս երկրներին մենք կսովորեցնենք բաշխել մթերքներն անկախ կապիտալիստներից: Իսկ դրա համար նախ կչարրդենք, կչարրդենք դրանց, մենք՝ գերմանացիներս:

— Է՛հ, իսկ եթե...

— Ի-ի՞նչ:

Գեննիզը ձայնը երկու տոն էլ բարձրացրեց:

Սակայն այդ պահին դուռը բացվեց, ու երկար, ներկված ձողը սենյակ մուտք գործեց: Սկզբում այն տատանվեց՝ աջ թե ձախ գառնալ, փորձեց սեղմվել հատակին, հետո՝ առաստաղին և մի կոնագիծ գծելով, սկսեց հանդարտ սենյակ խուժել:

— «Իսկ եթե», ասում եք,— բարեհաջբար դղողաց Գեննիզը, ձայնն իսկույն շորս տոն իջեցնելով:

Այդ պահին ձողի ետևից, այն թևատակին ամուր սեղմած, ներս ընկավ վարսավորի ենթավարպետը՝ շիկավուն-վարդագույն, գզգզված և շոգեշարժի պես փնչացնող: Նրա ետևից սիրամարդի նման քարշ էր գալիս կիսով չափ բացված գրոշակը:

— Հը՞, էրիխ, ո՞ւմ գնդսեղիք:

— Ռուսներին, վարպետ:

— Ա՛խ, խեղճեր,— ասաց Գեննիզը, փայտը ձեռքն առնելով ու ծայրը մտեցնելով պատուհանին:— Ինչպես դրանց բախտը շի բանում... Ահա, Անդրեաս, մյուս երկրները: Բանն, իհարկե, Ռուսաստանը չէ, մեր սոցիալիստական գործն է: Սակայն ես Ռուսաստանի մասին չեմ էլ խոսում...

Ենթավարպետը շրջանակը բացեց, ուղղեց ու լուսամուտից դուրս փռեց դրոշակը, հետո սկսեց փայտը դրսում հարմարեցնել: Այն երկար էր ու ծանր և պատուհանի տակի երկաթյա օղակի մեջ մտցնելը դժվար էր: Ենթավարպետը դանդաղ իջեցնում էր փայտը, իսկ Պաուլ Գեննիզը, կարմրած, փքված, փորձում էր ճարպկորեն ձողի հաստ ծայրը մտցնել օղակի մեջ, հետո էլ մեկ-մեկ կտրուկ, զորավոր փաստարկներ էր դուրս նետում:

— Թվում է, թե մենք՝ սոցիալիստներս, օգնում ենք իմպերիալիզմին, մինչդեռ իրականում նա է մեզ օգնում... Սա սոցիալիզմի լ-լավ կտորն է՝ բ-բաշխումը... էրիխ, ավելի աջ, աջ... մի քիչ իջեցրու... Մենք ամենաբազմամյա կուսակցությունն ենք... պատերազմից հետո մեզ մոտ կլինի սոցիալիստական... էրիխ, թող, ահա, պատրաստ է... սոցիալիստական փորձ...

Պատուհանից ցուրտ փչեց, ու թերևս այդ պատճառով Անդրեյը սարսուղաց: Նա խցկվեց սենյակի հեռավոր անկյունը:

— Հասկանում եմ: Բայց չէ՞ որ ձեր բաշխումը չի դադարեցնի պատերազմը:

— Մենք պետք է ջ-ջարդենք թշնամուն, այն ժամանակ լյատերազմը կդադարի:

— Դեհ, իսկ եթե...

— Ոչ մի «եթե», Անդրեաս: Պետք է ջ-ջարդենք: Մնացածը՝ դ-դատարկ բան է:

Գեննիզը Անդրեյի ուսը թփթփացրեց, բերանից վատ բրանտվեյնի հոտ փչեց ու ասաց.

— Դու գիտե՞ք կարգապահությունն ինչ բան է: Անդրեաս, դուք՝ ռուսներդ, շղիտեք, թե դա ինչ բան է...

Անդրեյի ձեռքը սեղմեց ու դուրս եկավ ենթավարպետի ետևից:

Երբ հաղարավոր, հարյուր-հազարավոր, միլիոնավոր ազնիվ բյուրգերներ իրենց հյուրասենյակներում նստած գովերգում էին կարգապահությունը, նրանք չգիտեին, թե դա ինչ բան է: Այն ժամանակից, երբ նրանք դեռ պատանի լինելով ուրախությամբ ճաշակել էին կարգապահության համբ, անցել էր տասնհինգ-քսան տարի: Այդ ընթացքում նրանք հասցրել էին քնել երկտեղանի մահճակալներին, փետրաներքնակներին վրա, աճեցնել կիսամեռ կակտուսներ, կոնֆիրմացիայի ենթարկել իրենց աղջիկներին և ձեռք բերել ոսկեզօծ կոնսկով հրատարակված Գյոթեի ստեղծագործությունները:

Հազարավոր, հարյուր-հազարավոր, միլիոնավոր ազնիվ բյուրգերներ այդ տարի կազմեցին լանդտուրմ: Հորթի կաշվից ուսապայուսակները, որ լանդտուրմը կրում էր մեջքին, նրան չափազանց ծանր էր թվում, իսկ մսուռ ուսերի մեջ խրված փոկերը՝ չափազանց սուր: Լանդտուրմը ետևից քարշ էր աալիս երկտեղանի անկողինները, կակտուսները, աղջիկների կոնֆիրմացիայի բերված նվերները և Գյոթեի ոսկեզօծ երկերը: Դա չափազանց ծանրաբեռնվածություն էր պատերազմի համար:

— Պատերազմին պետք են ոսկորներ և մկաններ,— ասաց մի զորապետ:

Բիշոֆսբերգի լանդտուրմին վարժեցնող ֆելդֆեբելը լավ հասկացավ այս ասույթը: Նա լանդտուրմին սովորեցնում էր զորաշարք կանգնել: Քայլել, քայլել, քայլել: Վազել, ընկնել, սողալ, կրկին՝ վազել, ընկնել, սողալ: Հետո կարելի է փոխել՝ քայլել, քայլել, քայլել:

Պետք է հալեցնել լանդտուրմի ճարպը՝ հետևները, փորեղը, մեջքերը: Դա պիտանի չէ պատերազմին:

Ձիւնվորի շորեր հագած քրտնակոլու, լիկած հաստափոր-
ները քաղաքից հեռու կատարվող վարժութիւններից հետո
երեկոյան վերադառնում էին զորանոցները:

Ֆելդֆեբելը հիշում է, որ ազնիվ բյուրգերները հարմարա-
վետութեան մեծ հակում ունեն: Նա լսում է, ինչպես նրանց
ուսապալուսակների մեջ շիկշիկում են սովորույթները: Նա
նրանցից յուրաքանչյուրին տեսնում է փափուկ բազմոցին
մեկնված, հենված բարձիկին, որի վրա ասեղնագործած է.

Nur ein viertelstündchen!

Պատերին կախված են գիպսից սարքված պատկերներ,
պատշգամբի դուռը կիսաբաց է, և այնտեղից ներս են նա-
յում տանձենու կտրտված ճյուղերը: Մխախտտի ծուխը բա-
րակ շիթով ձգվում է դեպի ճյուղերը:

— Ջոո՛կ, — հրամայում է ֆելդֆեբելը:

Օ՛, այդ բոլոր պատկերները պետք է դուրս գցել ազնիվ
բյուրգերների հիշողութիւնից՝ նրանց գիրուկ հետույթների,
փորերի և մեջքերի ճարպի հետ միասին:

— Եր-գե՛լ:

Լուսթյուն:

— Ջոոկ, կա՛նգ առ:

Կանգշտուրմը կանգ է առնում:

— Ինչո՞ւ չեք երգում:

Լուսթյուն:

— Ջոո՛կ, զգա՛ստ: Աջ դա՛րձ, ետ դա՛րձ, քայլով մա՛րշ:
Եվ նորից քաղաքից դուրս, դաշտ: Կրկին վազել, պպզել,
ընկնել, սողալ: Հետո՛ քայլել, քայլել, քայլել: Հետո՛ տուն:
Կանգշտուրմն անխոս է:

Քաղաքում, նույն տեղում, հենց այն տեղ, ուր առաջին
անգամ հրամայված էր.

— Եր-գե՛լ:

Լուսթյուն:

— Ջոկ, կա՛նգ առ: Աջ դա՛րձ, ետ դա՛րձ, քայլով մա՛րշ:
Եվ նորից դաշտ:

Կանգշտուրմը հոգնածութիւնից վայր է ընկնում, սակայն
լանդշտուրմն անխոս է:

Եվ քաղաքում, արդեն գիշերվա մթութեան մեջ, նույն տե-
ղում.

— Եր-գե՛լ:

Եվ այնժամ խոպոտ մի ձայն կտրվելով ու պայթելով ծոր
է տալիս, ու նրան են միանում նույնպիսի կտրտվող ձայնի:

— I-ic hatte ein Kama-ra-aden...¹

— Ոչ մի «եթե», Անդրեաս: Դուք՝ ուսակներդ, չգիտեք
կարգապահութիւնն ինչ բան է:

Յոթ լճակների պուրակը

Արդեն երկրորդ ձմեռն էր անցնում այն օրից, երբ Մարին
իմացավ, թե ինչ է պատերազմը: Պատերազմ՝ նշանակում է
անդադար գործունեութիւն, որն արյունը լցնում է տենդային
ուժով, նշանակում է՝ երթ վիճի վրա կապված ճուպանի վրա-
յով, վիճ, որ լցված է ծածանվող դրոշներով, ջահերի երերուն
կրակներով, փողերի ձայներով և հաղթանակի ճիշերով: Պա-
տերազմ՝ նշանակում է հաղթանակ: Այդ է նրա իմաստը:
Ի դեպ, պատերազմի իմաստի մասին գրված են հսկայական
գրքեր, որոնք բաց վիճակում դրված են ֆրանսիացի հյու-
րասենյակի կլոր սեղաններին: Այդ գրքերում ամեն ոք կարող
էր միանգամայն ստույգ բացատրութիւն գտնել, թե ինչու ժա-
մանակ առ ժամանակ անհրաժեշտ է պատերազմ սկսել՝ պո-
զիտիվ փիլիսոփայութեան կամ քրիստոնեական ուսմունքի
կամ էլ Դարվինի թերիայի տեսանկյունից: (Mesdames:
կարդացե՛լ եք «Տեսակների ծագումը»: Ա՛հ, գոյութեան պայ-
քարը, բնութեան օրենքը՝ շատ պարզ է):

Մարին ոչ մի անգամ չնայեց մոր հյուրասենյակի սեղան-
ներին դարսված գրքերին: Սակայն եթե պատահումք հայտ-
նաբերեր, որ այդ գրքերի մեծ մասի թերթերը կտրված, ան-
չատված չեն, բնավ չէր զարմանա, քանի որ պատերազմը
նախ և առաջ անդադար գործունեութիւն է, և ամեն ինչ բա-

¹ Միայն բառորդ ժամ (ննչել) (Գերմ.):

¹ Ես մի ընկեր ունեի... (Գերմ.):

ցատրում ու արդարացնում է ինքեին, առանց զբքերի և մեկ-նաբանութիւնների: Այդպես է դերասանը, որը երբ յոթ դեր է կատարում երեք գործողութեան մեջ, չի մտածում, թե ինչ բան է թատրոնը, այլ միայն զգեստափոխվում է:

Պատերազմ՝ նշանակում է գործունեություն: Երբ տասը օրվա ընթացքում կհաստատնում տասներկու ամբողջ և քանու-ութ քաղաք գրավեցին, Բիշոֆսբերգի վրա շահերից և լապ-տերիկներէից գոյացած մրի ամպ էր լողում: Գիմնադիստներէից կազմված հանձնաժողովը, որ ղեկավարվում էր ուսուցչական միութեան կողմէից, հաշվում էր այդ օրերին հասաբակական շենքերն ու մասնավոր տները գարդարող զրոշները: Երբ հանձնաժողովն աշխատանքն ավարտեց ու պարզեց, որ մի-ջին հաշվով Բիշոֆսբերգի յուրաքանչյուր բնակելի շենքին ընկնում է 9¹/₃₇ դրոշակ, հասապառ ներս վազեց տարեց մի մարդ ու աղաղակեց. «Սխալ եք հաշվել, սխալ եք հաշվել»... Բանից պարզվեց, որ այդ մարդը հանձնաժողովին ստուգելու նպատակով ինքը մենակ հաշվել է քաղաքը գարդարող բոլոր դրոշները և ստացել է 9¹/₂₉ թիվը: Բիշոֆսբերգի սոցիալ-գե-մոկրտական կուսակցությունն այդ կապակցութեամբ, իհար-կե, չլլացավ խայթել, հայտաբարելով, որ հանձնաժողովը Բիշոֆսբերգի հայրենասիրական արժանապատւութիւնը պցել է 8¹/₁₀₇₃-ով:

Եթե շահվեք աշխատանքը, որ պատերազմի ժամանակ կատարվում է գործարաններում, դաշտերում և հանքահորե-րում այն մարդկանց կողմից, ովքեր այդ գործով զբաղվում են նաև խաղաղ ժամանակ, ապա ուրեմն պատերազմն ինչ-պիսի վարմանալի եռանդ է առաջացնում այնպիսի մարդկանց մեջ, որոնք սովորաբար փոքր մասնակցություն են ունենում արտադրական աշխատանքում: Էլ ինչ խոսենք բանակների մասին, որոնք ամեն վայրէջան դրաղված են մարդկային առա-վել ուժեղ անհատականութիւններին առածին-առանձին կամ խումբ-խումբ ոչնչացնելով: Գործունեության այս ձևը միշտ ուշադրութիւն է գրավել: Սվիլի ուսանելի է, օրինակ, հա-յացքներն ուղղել հյուրանոցներ պահողների բեռլինյան միու-թեանը, որը մի քանի գործնական ժողովներ է նվիրել այն հարցի քննարկմանը, թե ինչպես պետք է «հոթելները» վերան-վանել «իշխանատներ»: Կրակոտ վիճաբանութեաններից հետո

վերանվանումը մերժվեց, քանի որ, օգտվելով անսասան լեզ-վագեղանքի բացակայութեանից, հյուրանոցատերերն ընդու-նեցին, որ հոթելը գերմանական ծագում ունեցող բառ է:

Էմնեդինգենի բուժարանում գիտակ անձանց ցույց էին տալիս այն մարդուն, որ նախագիծ էր կազմել ռադեական գործունեութիւնից հարուցվող խորհրդակցութիւնների հաշ-վառման վիճակագրական բյուրոյի համար: Այդ մարդու ժո-ղոված նյութերի թվում էր գտնվում գերմանական հրուշա-կագործների միութեան ժողովի արձանագրութիւնը, որտեղ վիճարկվում էր այն հարցը, թե արդյոք հայրենասիրական արարք է պիրոմին ուտելը: Այդ հարցը լուծվեց դրականապես, քանզի հրուշակագործները որոշեցին, որ հրուշակեղներ պատ-րաստվում է գլխավորապես շաքարից, ձվից, քիշմիշից և նու-շից, առանց իշխանութեան կողմից բռնագրաված ցորենի ալյուրի: Հայտնի է, որ երբ այդ վիճուք հրապարակման են-թարկվեց, վեց հազար գերմանական հրուշակարանները լրց-վեցին ուրախ հայրենասերներով...

Յրաու Ռաբախի հյուրանոցայլի մուտքի դռան վրա կաղ-նեփայտե մի տախտակ էր կախված, վրան փորագրված երկ-տողանի բանաստեղծութիւնն.

Wir stehen in Ost und West
Wie Fels und Eiche fest. ¹

Բանաստեղծութիւնը համապատասխանում էր իրականու-թեանը: Նրա ուժը, սակայն, այդ չէր: Այն գործողութեանների ցուցական ծրագիր էր, պարզ, հասկանալի «սլեք» են: Նրա իշխանութիւնը մարդկանց վրա թաքնված էր անտեսանելի հրամանի մեջ, որ թափանցում էր կաղնեփայտե տախտակի միջով: Տախտակը հրամայում էր գործունեութիւն: Դա զգում և հասկանում էր ամեն ոք: Դա զգաց և հասկացավ Մարին պատերազմի առաջին խօս ժամից: Սվ նա ենթարկվեց հրա-մանին, որ ոչ թե վիրավորում է ինքնասիրութիւնը, այլ, ընդհակառակը՝ շոյում: Նա անձնատուր եղավ գործունեու-թեան:

¹ Արեւելում և արեւմուտքում մենք կանգնած ենք ամրակուտ, ինչպես ժայռն ու կաղնին: (Գերմ.):

Նա Բեռլինից դուրս գրեց տասնմեկ հատ առանձնահատուկ գրողակաձողեր, որ ամրացվում էին լուսամուտագոգերին, և գրանց համար երեք մետրանոց գրողակներ: Կամաց-կամաց պարզվեց, որ Գերմանիան պատերազմում ամենաքոտտ դաշնակիցներին էլ ավելի թանկ էր գնահատում, քան այդ կուզեին երազող շտանդարտ-յունկերները: Կայսերական քաթանների հավաքածուն հարկ եղավ լրացնել դաշնակիցների ազգային գույներով: Դա ժամանակ էր խլում, շխտելով արդեն այն մասին, որ գրեթե ամեն օր պիտք էր տասնյոթից տասնմեկ գրողակների զուգակցութուն ընտրել՝ դրանցով տների ճակատները զարդարելու համար:

Ֆրաու Ուրբախը Բիշոֆսբերգի կայսրանի սննդակայանի հովանավորուհին էր: Զինվորների էշերները ամեն երկուերեք օրը մեկ անցնում էին Բիշոֆսբերգով: Զինվորներին ծաղիկներ և բրիստոլյան թղթի վրա տպած հուշաթերթեր բաժանելը, հարյուր, երբեմն երկու-երեք հարյուր վատ դաստիարակված մարդկանց սուրճ հրամցնելը, սիգար բաժանելը ու հետն էլ ժպտալը, հայրենիքի մասին որևէ հաճելի բան ասել՝ այդպիսի գործը միայն դադափարին իսկապես նվիրված մարդը կարող էր անել:

Մարին օգնում էր Ֆրաու Ուրբախին: Այստեղ, կայսրանում, անբեղ, լայնաբերան տղաների հրհրոցի, մետաղահրնչուն ձայների աղմուկ-աղաղակի, ամրապինդ ճակատների և ծոծրակների մեջ Մարին այնպիսի զգացում էր ապրում, ասես մի լավ ձեռնամարտի մեջ ընկած լիներ: Արմունկների իրար դիպչելը, գրեթե շոշափելի կաշուն հայացքները, ժպիտների սորուն, անորսալի ժպտավենը, և այդ մշտական կրկներգը.

— էհ, ինչ սիրուն են Սաքսոնիայի աղջկերթը:

Այս հոսանքի մեջ ո՞վ կարող է մնալ անկարեկից և սառնարյուն: Ո՞վ չի ըմպի նրա ցայտող, խլթխլթացող փրփուրը:

Եվ հանկարծ Մարին տխրեց: Դա պատահեց վաղ գարնանը, հազիվ երեկոները շերմացան և ծառերը տաքացան: Մեկ և կես տարվա ընթացքում առաջին անգամ Մարին կայսրան չգնաց: Կայսրանում զինվորներին սուրճ լցնող ընկերուհիների ամբողջ խումբը քաղաքի բոլոր ծայրերից վազեցին եկան նրա մոտ՝ անհանգստացած, աչքները լայն բացած, կաշա-

ղակների պես կշկշան Մարին առողջ էր, նրա կյանքում ոչինչ չէր փոխվել, նա նախկին Մարին էր: Սակայն Մարին տխրում էր: Նա չգիտեր՝ ինչու Կաշաղակները կշկշում էին, ուղղում իրենց շրջազգեստները, թախանձում, հորդորում էին, ի վերջո ամաշեցրին ու ծաղրեցին Մարիին: Նա իրենն էր պնդում.

— Տխուր է:

Տարօրինակ բան, նա ինքն էլ չէր կոահում այդ տխրության պատճառը: Իր սենյակում նստած և մտքում վերջին օրերի իրադարձությունները փորփրիելով, Մարին վճռեց, որ ըստ էության ոչ մի իրադարձություններ էլ չկան, և որ բանը հենց այդ է: Նա հիշեց, որ էշերները, որոնց կայսրանում սուրճ և հուշաթերթեր էին բաժանում, անգունացել ու սակվել են: Բաժանողների կողքին ձգված գորշ հերթում ծիծաղ չէր լավում: Վերջերս մի կարճահասակ լանդշտուրմիստ դիմեց Մարիին այս խոսքերով:

— Աղջիկս, ինչքան կարելի է տաքը լցրու:

Մարիի ձեռքը դողաց, ավելի սեւեռուն նայեց նրան: Զինվորը ուռած դեմք ուներ, կարճ բեղերին ճերմակ մազեր էին փայլվում: Մարին մի հայացք նետեց գորշ շինելների հերթին: Մռայլ, կնճիռներով ակոսված դեմքերը անտարբեր երերում էին գազի լույսի տակ: Այն ժամանակ նա մտածեց, որ այդ մարդիկ մնացել են այնտեղ, որտեղից եկել են, այստեղ՝ կայսրանում, լոկ նրանց արտաքին թաղանթներն էին երերում:

Այս դեպքն այնքան շնչին էր, որ դարմանալի է, թե ինչպես հառնեց հիշողության մեջ այժմ, երբ Մարին ուզում էր պարզել, թե ինչու է տխուր:

Նույնքան անսպասելի հիշեց կանանց դեղին դեմքերը, որ լցվել էին ուսումնարանի միջանցքը՝ հացի քարտեր ստանալու: Մարին ամիսը երկու անգամ քարտեր էր բաժանում և ոչ մի անգամ մտքով չանցավ՝ ուշադիր նայել միջանցքներում խոնված մարդկանց: Եվ դարձյալ վերջերս, երբ նա ինչ-որ մեկին ասաց.

— Զի՞ կարելի արդյոք ավելի սիրալիր լինել,— հեռավոր անկյունից ճղճղացին.

— Դուք սիրալիր եք, որովհետև կուշտ եք:

Այն ժամանակ Մարին գլուխը բարձրացրեց ու հանդիպեց մի տասնյակ վախեցած, ծուռված աչքերի: Անդանը շրջապատած կանայք տարօրինակ կերպով դեղին էին, սասես մաշկները գունաւորված էր ոչ թե արյունով, այլ լեղիւով: Դրանց մեջ կային և երիտասարդ աղջիկներ, սակայն նրանց երիտասարդ լինելը կարելի էր հասկանալ միայն աչքերից:

— Է՛հ, ինչ սիրուն են Սաքսոնիայի աղջկերքը:

Սա նույնքան շնչին բան էր, ինչքան կայարանի դեպքը, և նույնպէս ոչինչ չէր բացատրում: Նիհարած կանանց և սեռած, մոռյլ դեմքերով տղամարդկանց երկար շարքը մերթ ընդհատվում, մերթ նորից հաննում էր հիշողութեան մեջ, սակայն պարզ էր, որ այդ ամենը հիշում էր միայն այժմ, երբ Մարին սկսել էր մտածել իր տխրութեան մասին:

Ուրիշ հիշողություն վաղուց արդեն նրանից ոչ մի քայլ չէր հեռանում, բայց մի՞թե հնարավոր է, որ այն տխրութեան բերի:

Սակայն չի՞ փորձի արդյոք Մարին ամեն ինչ մանրամասն հիշել:

Նախագարնանային ամսին ձյունոտ մի օր եղավ, սառնամանիքի ուժով պահված ձմռան վերջին օրը՝ ցածր կանգնած արևի կարմրավուն լույսով լուսավորված: Փողոցներով մի քաղցրավուն հոտ էր լողում, սասես թարմ զամբյուղի հոտ, և մարդիկ հնչեղ ձայն էին տալիս իրար, մանրաքայլ վազելով մայթերով:

— Օհ, ո՞նց է կծում:

— Ըհը, Ըհը:

Հրապարակում երևացին սահնակներ, որոնց դիմավորեցին հախուռն ճիչերով: Փոքրիկ տղաները խմբով վազեցին դրանց ետևից: Ռատուլայի վրայի հսկայական ջերմաշափը սովորականից ավելի բծախնդիր էր. առավոտյան վաղ այն մաքրել էին բենզինով: Այսպիսի արևի տակ, արագ քայլերով տրորելով թեթև, բուրավետ ձյունը, ուզում էս մտածել, որ աշխարհը խաղաղ է և անհիշաչար, որ մարդիկ հավաքվել են ուրախ քաղաքներն ու գյուղերը, որպեսզի նայեն միմյանց աչքերի մեջ, իրար ձեռք սեղմեն, իրար ուրախացնեն ձայն տալով:

— Ֆրոյլայն Մարի: Ձեր քիթը պոմիդորից կարմիր է:

— Ֆրոյլայն Մարի, Weberstrasse-ում զգույշ եղեք, որ վայր ընկնեք, այնտեղ իսկական սահադաշտ է:

Օ, ոչ, Մարին Weberstrasse-ում վայր չի ընկնի: Մարին ցրտից չի վախենում: Նա այնպիսի թափով էր սլանում, որ թվում էր, թե կհաղթահարեր ամենամատչելի սառցադաշտը: Ծակող սառնամանիքին ընդառաջ, կտրելով այն տաքացած դեմքով, ձեռքերը խոր գրպանների մեջ թաղած, նա վազեց մինչև կայարան: Նեղլիկ, ձյունով ծածկված կառամատուցին կանգնած տեղում ուստոստում էին երկու-երեք ուղեվոր: Խաղալիքային սառցակալած շոգեքարշիկը շփոթված փնչացնելով դուրս թռավ ուրյանից:

— Լա՛ուշե, Լա՛ուշե:

Աշխատանքային օր էր, վազոնները դատարկ էին: Շրջակայքը անծանոթ էր թվում, ու թերևս դրանից էր, որ հեռվից այնքան շուտ երևաց ձյունածածկ Լաուշեն: Երեք Միանձնուհիների կնգուղները միացել դարձել էին մի հսկայական գոպակ, որ կուրացուցիչ գնդի նման կախվել էր ժայռերի վրա:

Լաուշեի գազաթիթ տանող զառիթափ արահետին զրոշմված էին մի տղամարդու ոտնահետքեր: Մարին մագլցեց մինչև լեռան առաջին դառիվայրն ու կանգնեց շունչ առնելու: Տղամարդու ոտնահետքերը մի կողմ էին դառնում, իսկ արահետը բարձրանում էր վեր, մտնում անարատ ձյունածածկոցի տակ, և այն տրորելը նույնքան հաճելի էր, ինչպէս նոր ճանապարհ բանալը: Ձյունե ծածկոցից ծանրացած սոճիները ամուր, բարձր շարքերի մեջ զգացվում էր խեժի սառած բույրը, և Լաուշեին պատած խաղաղ լուսթյունը Մարիի հոգուն ուրախ, թեթև ուժ տվեց:

Ջարմանալի ճարպկութեամբ, որ մի ժամանակ այնքան տհաճութուններ էր պատճառել Փրաու Ուրբախին, Մարին ելուստից ելուստ էր մագլցում: Հանկարծ ոտքը ծալվեց, սահեց քարի վրայից, և նա մի տասներկու քայլի շափ ցած սահեց: Ընկնելիս մեջքով մի փափուկ ձյունակույտ առաջացրեց, որն անմիջապէս մեծանալով զլորվեց նրա վրա ու ծածկեց դեմքը, կուրծքը, ձեռքերը: Մարին ուրախացած բարձր ճշաց, ինչպէս լողալիս սառը, փաղաքշող ջրացայտերի հսու-

մից: Նույն պահին, կարծես սառած սոճուն հասցված մի հարված, նրա վրա հնչեց ա՛մուր մի ձայն.

— Զգո՛ւյշ:

Մարին վեր թռավ, ձյունը վրայից թափ ա՛վեց: Ծառի ետե-
վից նրան էին նայում երիտասարդ աչքեր, Մարիին թ՛վաց, թե
այդ աչքերի մեջ ավելի շուտ ուրախություն, քան անհանգրս-
տություն կար:

— Այդ ձե՞ր հետքերն էին այնտեղ, արահետի վրա,—
հարցրեց Մարին:

— Այո: Ուզում էի ավելի կարճ ճանապարհ գտնել, դրա
համար թեքվեցի:

— Գազա՞թն եք բարձրանում:

— Այո:

— Սա ամենակարճ ճանապարհն է:

— Սակայն և ամենադժվարը: Վնասվեցի՞ք:

— Դատարկ բան է:

Այլևս խոսելու բան չկար: Պետք էր հեռանալ: Ի դեպ, կա-
րելի էր նաև կողք-կողքի քայլել:

— Այսօր լավ եղանակ է,— ասաց երիտասարդը:

— Այո:

— Դուք նույնպե՞ս վերև եք գնում:

— Նույնպես:

Այսպիսով պարզվեց, որ նրանց ճանապարհը մեկ էր և
որ գնում էին ամենակարճ ճամփով:

— Մարից ցած սահնակո՞ւ վ եք իջնելու,— հարցրեց Մարին:

— Զգիտեմ:

— Վախենալի՞ է:

— Երբեք չեմ իջել:

Մարին դարձավ նրա կողմը: Երիտասարդի ոտքերին կիպ,
հաստ գուլպաներ էին և քայլում էր համաշափ ու ուժեղ՝ հան-
գիստ, բարձր շնչառությանը ներդաշնակ: Գլուխը բարձր էր
պահում, առանց ոտքերի տակ, գետնին նայելու: Նա Մարիին
գարձրեց բաց, շիտակ հայացքը:

— Այսօր լավ պահում ունեմ: Ես հազվադեպ եմ քաղա-
քից դուրս գալիս,— ասաց նա:

— Այստեղացի չե՞ք:

Երիտասարդը ծիծաղեց:

— Զե՛յս եք,— հարցրեց Մարին այնպիսի մի թեթև շեշ-
տով, որն այդ խոսքը վերավորական էր դարձնում:

— Ավելի վատը:

— Այդպես էլ գիտեի: Ձեզ նմանները պետք են պատե-
րազմում: Իսկ դուք ձեզ համար շրջում եք, կարծես ոչինչ չի
եղել: Ռո՞ւս եք:

Երիտասարդը կրկին ծիծաղեց:

— Այո:

Մարին քայլերն արագացրեց: Մի քանի բույս լուռ էին:
Հետո երիտասարդն ասաց.

— Դրու՞թյունը բավական անհարմար է դառնում: Այն կա-
րող էր կարգավորել միայն ոստիկանական աստիճանավորը,
այնպես չէ՞:

— Դա կոպտություն է:

— Զէի ուզում ձեզ վիրավորել:

— Մեր մեջ ավելի ասպետություն կա, քան կարծում
են օտարերկրացիները:

Մարին հանկարծ կանգ առավ:

— Ո՞վ է ձեզ իրավունք տվել մեզ բուլբուս մատնիչներ
համարելու: Դուք ձեզ վա՞տ եք զգում մեզ մոտ, դո՛ւք՝ մեր
թշնամին:

Նա նորից առաջ շարժվեց: Մարիի ուզեկիցն ասաց.

— Ցավալի է, որ ետ ենք սովորել պարզ, հասարակ ձևով
սպրեւուց: Իսկ գուցե երբեք էլ չե՞նք կարողացել այդպես սպ-
րել: Միջնորմների և լրացուցիչ կառուցվածքների ետևում ոչ-
ինչ չի երևում: Ձեր ինչի՞ն էր պետք հարցնել, թե ես ով եմ:
Մի՞թե առանց այդ հնարավոր չէր քայլել կողք-կողքի, ինչպես
քայլում ենք հիմա: Շուրջը ձյուն է, սոճիներ, լուռություն: Մենք
ուրիշ ոչնչով կապված չենք, բացի այս ձյունից, այս լուռ-
թյունից և մեկ էլ այն ճանապարհահատվածից, որ միասին
պիտի անցնենք: Կանցնենք և կմոռանանք: Պատահականու-
թյուն: Ինչո՞ւ դրա մեջ փնտրել այն, ինչ չկա: Եթե ես ավս-
տրիացի կամ ձեր հայրենակիցը լինեի, դուք ինձ այլ կերպ
կնայեիք: Իսկ դրանից արդյոք որևէ բան կփոխվե՞ր մեր
շուրջը: Ամեն ինչ նույնքան պարզ կլիներ:

Նրանք կանգ առան լեռան վերջին ելուստին: Այստեղից
արդեն մեծ բարձրություն չէր մնում մինչև գագաթը: Դեպի

արևմուտք, կարծես թելով, ձգվում էր լայն կածանը: Դրա միջով երևում էր ինչպես է եռանկյան կողմերից դեպի հիմքը գնում հովտի ձյունակապույտով ծածկված սոճուտներին փոխարինող թեք լեռների շղթան: Երկինքն ամբողջ տարածությունը ծածկում էր խաղաղ կապույտությամբ:

— Ես այստեղ եմ մեծացել,— ասաց Մարին:— Ահա այն բլրակին մի սոճի է կախվել սունկի նման: Դա առաջին ծառն է, որի վրա բարձրացել եմ: Այդ սունկի ետևն է գտնվում Շեհաու ամբոցը: Տեսնո՞ւմ եք սև կտուրները: Դեպի աջ խճուղին է, այնտեղ սահմանն է:

— Սահմանը,— հարցը կրկնեց նա:— Այդքան մոտ Մարին աչքերը կկոցեց նրա վրա:

— Մի հարազատ բա՛ն զղացիք:

— Այնտեղ չեխեր են:

— Օ, այո, համատարած չեխեր:

— Ուրիշ կերպ չի՞ կարելի:

Մարին նրա կողմը շարժվեց, սահայն խսկույն կանդ առավ, ասես ստիպեց իրեն շլակ նրա խոսքերը: Հետո հանկարծ հնչեղ բղավեց.

— Դեհ, դեպի վեր, շուտ,— և, բռնելով հանդիպակաց ծառերներից, թեթև ու կառչուն, այծյամի նման վեր ելավ:

Գաղաթի կարգավորված հարթակին կանոնավոր կերպով շարված էին ցածր երկար սահնակները: Մոռյլ, ժայռակտորի նման ահռելի պահակը դանդաղորեն դուրս եկավ նեղլիկ պահատնակից ու նայեց հյուրերին: Անպատեհ ժամ էր, պահակից բացի, լեռան վրա ոչ ոք չկար: Հարթեցրած, մաքրած ճանապարհը դեպի ոլորանն էր գնում մի կտրուկ դարձումով: Կողքերից այն պաշտպանված էր ձյունի պատնեշով:

Եվ դարձյալ հնչեղ ձայնով, ծակելով սառած օդը, Մարին բղավեց.

— Բավական է մտածեք: Գնա՛նք:

Նա սահնակ ընտրեց, ոտքով հրեց դեպի վայրէջքը, նստեց վրան ու բռնեց սահակողների օղբից:

Նրան շրջապատեց այն օդը, որ շնչել էր մանուկ ժամանակ: Մանրատված և անկանոն թափթփված ժայռեր, ինչպես ջարդած կահույք. կոճղանման, շոր արմատներով ծառեր, որոնց ամեն մի ճյուղը կարծես հին բարեկամ լիներ. ներքևում

ճանապարհների և կածանների աղավաղված տամայատախտակը: Այս լեռներում ամեն մի քար Մարինի ծամածոտությամբ էր առնում, և նա հիշում էր այդ քարի մականունը, գիտեր նրա դազանիքները: Ինչ ափսոս է, որ նրա կողքին չկային իր շալաճճի արարքների մասնակիցները՝ լայնաթիկունք, մեծաչքանի պտուղացի սղանները: Որքան լավ կլիներ նրանց հրամայել, բղավել վրաները, կարգադրություններ անել: Ո՛ւր են հիմա նրանք, այդ սիրելի դմբլոնները...

Մարին արագ նայեց իր ուղեկցին.

— Պահակին վճարեցեք և նստեք: Շո՛ւտ... Նստեցեք ինձ ափելի մոտ: Ոտքներդ առաջ մեկնեցեք: Ահա այսպես: Զեռքերով փաթաթվեցեք ինձ: Ինչպես պետքն է: Պի՛նդ, ափելի պի՛նդ, թե չէ դուրս կընկնեք: Վարում եմ ես: Գնացի՛նք:

Ահա մի հրոց, ևս մեկը, ահա արագացող սահումը, ահա արագ վազքը՝ և ահա հենց նրանց առջև, գլխավերև ոլորանի սառած ձյունի պատնեշը, որ մի ակնթարթ առաջ սարսափելի հեռու էր թվում: Զյունը թափվում է գլխներին, ծակող սպիտակ փոշին կուրացնում է աչքերը, ինչ-որ տեղ գետնի տակից խփում է անսանձ շատրվանի նման և հանկարծ կըտորվում. և սրած պողպատի նման հավասար քամին խփում է երեսներին ու ձգվում վեր, դեպի երկինք խոյացող լեռը: Ոլորանն արդեն վաղուց անցել են, սահնակն արդեն վաղուց պոկվել է գետնից, ուղիղ վայրէջքը, որ մի պահ թվում էր անվերջանալի, արդեն հասել է մի նոր ոլորանի, և ձյունի կուտակները թափվեցին գլխներին:

— Պինդ կացեք,— բղավում է Մարին ու լսում, թե ինչպես է իր մեջքին ձուլվել սառած լայն մի մարմին ու կրծքին՝ իրար միացրած ձեռքերի սառցի մի օղակ: Եվ մեկ էլ՝ ասես հեռավոր գագաթից, ձնափոշու ցրտի ու սուլոցի միջից, պողպատյա կտրող քամուն ընդդեմ և ընդառաջ, հենց իր ականջի մեջ է լցվում ջերմ մի շշուռ.

— Ինք-ներդ պինդ կա-ցեք:

Եվ այդ ժամանակ նա տեսնում է, ինչպես կողքից, տղամարդու ուժեղ ոտքից ակոսվող ճանապարհի վրա բարձրանում է սպիտակ պտուտահողմը, որ ափելի բարձր և կատաղի է, քան իր ոտքերի բարձրացրած կասկաղը... Ահ, միևնույն է:

թող կարծի, թե ինքն է վարում: Յած, ցած, լեռն ի վար, դեպի անդունդ...

Հետո կառուցեի թեք լանջին նրանք թափ են տալիս իրենց, մաքրում մազերը, օծիքները, ականջները՝ հալվող, կպշուն ձյունափոշուց, ծիծաղում են:

Հավանաբար այստեղ էլ նրանք խոսում էին ինչ-որ բանի մասին, ինչպես խոսում էին մի հյուրանոցի փոքրիկ սենյակում, որտեղ նրանց հյուրասիրեցին բուրավետ գրողով և բուխարու ուրախ կրակով: Սակայն Մարին այդ խոսակցություններից ոչ մի բառ չէր հիշում: Ասենք, մի բառ՝ ծիծաղելի, անսովոր մի բառ մնացել էր հիշողության մեջ: Կայարանից հեռու, իր ընկերակցից բաժանվելու պահին նա հարցրեց.

— Ձեր անունն ի՞նչ է:

— Անդրեյ Ստարցով:

— Ստար-ցով: Դա ինչպե՞ս է գրվում:

Քամին տաքացավ, և ծառերը ջերմացան: Այսպիսի եղանակին կիսաբաց պատուհանը շնչառությունը չի թեթևացնի: Ու եթե մշտապես շարժվես, շթուես պոկված քարի ուժով, մարտյան թանձր օրերը կոկորդո կսեղմեն, կխեղդեն:

Թախիծը եկավ տաք քամու հետ, անսպասելի, գործունեության եռուն պահին, և ժամեծամ դառնում էր վախի անտանիլի: Եվ քանի որ Մարին չէր հասկանում իր թախծի պատճառը, պարզապես ձանձրությանց գրեց Անդրեյին, որ ուզում է նրան տեսնել:

Անդրեյը նրան սպասում էր Յոթ լճակների պուրակում:

Ձնհալից պուրակը կեղտոտվել էր, տրամվայի վագոնները այնտեղ էին հասնում դատարկ, ամայի ծառուղիները միապաղաղ սևին էին տալիս: Սակայն ձյան հալոցից և ինչ-որ էակների անորոշ, վախվորած խշխշոցից գետնի երեսին կենդանության հուտեր էին թափառում, և գրանք ներշնչելը նույնքան տանջալից էր, որքան անդունդի երից ցած նայելը:

Անդրեյը կանգնել էր երկու ծառուղիների ուղղանկյուն կցատեղում: Դրանցից մեկով պետք է գար Մարին: Դա Բիսմարկի ծառուղին էր՝ չորս շարք լորենիներով, որոնք խուզված էին շրջած սրճագավաթների նման, Կեզելբանի նման ուղիղ ճանապարհով, այն քաղաքը միացնում էր պուրակին:

Մյուս ծառուղին պուրակը շրջապատում էր կորագծի ձևով, ու նրա ոլորանը երևում էր Անդրեյի կանգնած տեղից մի հիսուն քայլ հեռավորությունից:

Նա Մարիին տեսավ պայմանավորված ժամին: Մարին քայլում էր արագ, ծառարների ուղիղ գծին այնքան մոտ, կարծես ուզում էր թաքնվել նրանց ետևը: Երբ նրա դեմքն արդեն նշմարվում էր, Անդրեյին թվաց, թե նա ժայտում է: Անդրեյը քաշվեց պուրակը բոլորող ծառուղու ներսի կողմը: Մինչ այդ, հազիվ լսելի խշխշոցները հանկարծ միացան և վերածվեցին մի որոտալից թնդյունի: Այն մեծանում ու տարածվում էր գետնի տակ ինչ-որ տեղում, ասես սառույցից ազատված արմատներն էին կատաղորեն հողը փեռեկում: Անդրեյը տեսնում էր, ինչպես էին արագանում Մարիի քայլերը: Նա գրեթե վազում էր դեպի պուրակը: Մի՞թե նրան էլ էին հասել հողի այս դողն ու թնդյունը, որ Անդրեյի հոգին լցրել էին անհասկանալի տազնապով: Այն գնալով տարածվում էր, այդ ստորգետնյա թնդյունը, վերածվել էր պարզ, որոշակի լսելի աղմուկի, ընդգրկել ու երերել էր ոչ միայն հողը, այլև օդը, գլորվում, մեծանում էր անտեսանելի ձյունակույտի նման, այն ընդհանուր պետք է ջախջախեր Անդրեյին:

Հասկանալի չէ, թե ինչու Անդրեյը տեղից շարժվեց: Նա սպասում էր Մարիին անշարժ կանգնած, մի տեսակ փայտացած հետեկով նրա մոտենալուն:

Եվ ահա, երբ Մարին արդեն նրանից հեռու չէր, նա տեսավ այդ ձյան հյուսու: Այն դուրս սողաց ծառուղու ոլորանից, նրա կանգնած տեղից մի հիսուն քայլի վրա: Հողն ալեկոծած թնդյունն առաջացել էր հարյուրավոր ծանր ոտքերից:

Մարիին մնում էր միայն ճանապարհն անցնել, որպեսզի ձեռք մեկնի Անդրեյին: Այդ պահին ձյան հյուսու հասավ ծառուղիների կցատեղին: Անդրեյը հասցրեց նկատել, թե ինչպե՞ս Մարիի աչքերը կանգ առան մոտեցող թափորի վրա: Հետո թափորը նրանց բաժանեց:

Թափորը գլխավորում էին զինված լանդտուրմիստները, որոնք քայլում էին վհատ ու դանդաղ, խոժոռագեմ, մոայլե նրանց ետևից շարժվում էին զինվորների հոծ շարքերը: Առաջին շարքում չորսը բռնել էին լանդտուրմիստների շինիկները:

ախլակներէր: Ետեւից քայլողները ձեռքները դրել էին առջևին-
ների ոտներին:

Երկնագորշագուշն ճմրթված շինելները կարված էին միև-
նուշն դերձակի կողմից, մահուդ գլխարկները միևնուշն կա-
ղապարի վրա էին ձգվել: Սակաշն երբեքացող երկնագորշա-
գուշն դժնվորական զանգվածի քայլերը զինվորների քայլեր
չէին: Ոտքերը քարը էին տալիս պատտաված ծանր ոտնա-
մանները, և չմփում էին գետնին գրեթե առանց նրանից
պոկվելու: Մարդիկ այս ու այն կողմ էին օրորվում, խմբվում
էին, իրար վրա ընկնում: Նրանց ձեռքերը շարունակ ձգվում
էին, շոշափում տարածութունն ու հենվում առջևից քայլող-
ների մեջքերին, արմունկներին:

Անգրեշի աչքն ընկավ մի զինվորի: Վերջինիս գլուխը մի
կողքի էր կախվել ու ցնցվում էր երկար վզի վրա, ինչպես թե-
լից կախված: Նա ասես ուշադիր ահանջ էր դնում այն բա-
նին, ինչ ամեն քայլի հետ մոտենում էր: Գեմքը ծամածոված
էր, բնրանն այնպես պինդ էր սեղմել, որ ծնոտի մկանները
ցցվել էին այտուկների նման: Թերթերունքների սև շրջագծի
մեջ ապակիացել էին կանգ առած աչքերը: Դրանցում լողում
էին ծառուղիների վրա կախված ճյուղերի հանգարտ ստվեր-
ները:

Ձինվորը կույր էր:

Այն ժամանակ Անդրեյը մի անասելի կարճ հայացքով
ընդգրկեց իր առջևից օղացող այդ ամբոխին:

Տասնյակ, հարյուրավոր մարդկանց դեմքերը նրան քվա-
ցին միևնուշն դեմքը: Ու երբ նայեց այդ դեմքին, բղավեց:

Դա կառւ էբերսոկսի դեմքն էր, ինչպիսին նրան տեսել էր
Քալանգենի թանգարանում, իսկ հետո՝ երազում, երբ կապտա-
կարմիր գլուխը մտնում էր՝ արդյոք ընկնի՞, թե մնա սան-
գուղքի վրա: Սակայն, օ՛ սարսափ, սարսափ, այդ մարդա-
սպանի դեմքով, որը բաց աչքերով բարձրացել էր կառափ-
նարան, որպեսզի մահվանից հետո անամոթաբար նայի մարդ-
կանց՝ թանգարանային իր սպիտակ բանկայի միջից, այդ դեմ-
քով արցունքներ էին հոսում:

Անդրեյն արդեն չէր տեսնում ամբոխին: Նրա առջև, ինչ-
որ տեղ շատ մոտ, այնպիսի տաքածութան վրա, որ մարդու
շունը կհասնի, երերում էր էբերսոկսի դեմքը: Մահապատժի

ենթարկվածի կապույտ շրթունքները ցնցվեցին, բացվեցին, և
ինչպես երազում, էբերսոկսն ասաց:

— Իտալացիներ են: Գերվել են Տրիեստի մոտ:

Հետո աչքով արեց արցունքների միջից ու ավելացրեց:

— Գազը կոչվում է «Գեդին հաշ»: Հիանալի տեսակ է:
Չայնը Անդրեյին տխուր թվաց: Արդյոք պատճառն այն
չէ՞ր, որ խոսում էր կույրերի վախտ ուղեկցորդը:

Նա կանգ առավ Անդրեյի կողքին, որպիսով ծխամորճը
վառի և մի բանի խոսք ասաց կարեկցանքից ու զրուցասիրու-
թյունից դրդված: Հետո վազեց իր տեղը, ուսին սեղմելով
երկար՝ ուսակառ տիպի հրացանը:

Իսկ լուռ թափորը շարունակ ընթանում էր ծառուղիով ու
անհամար ձեռքեր շոշափում էին տարածութունը: Վհատ
լանդառումիստները, որ վերջափակում էին երթը, թեթևակի
բոթում էին ետ մնացողներին, և այն ժամանակ սրանք տրո-
բում էին առջևից քայլողների կրունկները և գլուխները ետ
զցում, ասես ահանջ դնելով, թե ամեն քայլի հետ ինչ է նրանց
մոտենում: Հավանաբար նրանք արդեն լսում էին կացնի
հարվածները, որ ավարտում էր ճամբարային բարաքների
կառուցումը:

Արցունքներով ողողված էբերսոկսի դեմքը ճապաղվեց
մարտյան մթնշաղային օդում: Մաշված ոտնամանների
քստքստոցը դադարեց, վերածվեց ստորգետնյա թնդյունի, հե-
տո տարածվեց դարձավ գարնանային վարթոնքի խշխշոց: Յոթ
լճակների պուրակն սպասում էր երեկոյին:

Այն ժամանակ Անդրեյը շուրջը նայեց:

Մառուղու մյուս կողմում, ծառին հենված, աչքերը փակ
կանգնել էր Մարին: Նա կարծես ծառաբնին կապված լիներ,
թևերը կախվել էին անօգնական: Անդրեյը նետվեց դեպի նա,
ուժով պոկվելով հողակտորից, որ նրան պահում էր փայտա-
ցած վլճակում: Մարին աչքերը բացեց: Անդրեյը բռնեց նրա
ձեռքերը: Դրանք սառն էին ու ցնցվում էին, ինչպես ուժեղ
դողից:

— Մեր հանդիպումը... — սկսեց Անդրեյը:

Մարին ուզում էր ժպտալ:

— Ես չեմ կարող, — պատասխանեց նա, — այսօր...

Հետո պոկվեց ծառից, ուները շտկեց:

— Այսօր չեմ ուզում խոսել... չեմ կարող:

Նա սեղմեց Անդրեյի ձեռքը:

— Գուցե նորից ձեռք գրեմ:

Մարին շրջվեց ու քայլեց դեպի այն կողմը, ուր կանգ էին առնում այդ ժամին դեռ դատարկ տրամվայի վագոնները: Անդրեյն ուղեկցեց նրան հայացքով:

Ծ ա ղ ի կ Ա ն ր, դ ե ո ն ս ծ ա ղ ի կ Ա ն ր

Այդ ամռանը ծովային երկու տերութուններն առաջին անգամ հանդիպեցին բաց ծովում: Նավերը, որ ստեղծվել էին կործանելու և կործանվելու համար, որ տառապում էին անգործութունից և գերզինվածութունից, միևնույն օրն ու միևնույն ժամին, ինչպես այլանուն մագնիսային սլաքներ, հեռացան իրենց բներից: Հանդիպման տեղը Սկազերրակ ծոցի ելքն էր դեպի Հյուսիսային ծովը: Հանդիպման ժամը՝ ճակատագրի այն ժամը, երբ քամիները դադարում են փչել և մոլորակները կանգ են առնում, երբ մարդիկ մաքուր շապիկներ են հագնում: Հաղթանակն ապահովված էր երկու էսկադրաների համար էլ, որովհետև երկու էսկադրաներն էլ համարվում էին աշխարհում ամենաուժեղը, և որովհետև երկու տերութուններն էլ, որոնց էսկադրաները պետք է հանդիպեին Սկազերրակի մոտ, համարում էին իրենց ամենաուժեղ տերութունները:

Բոլոր տերութուններն էլ միշտ իրենց համարում են ամենաուժեղը. այդ նրանց համար անհրաժեշտ է, որպեսզի ժանգոտած խոհանոցը դիվիդիվալով քարշ տվող վաշտի ամեն մի յարու իրեն Թամերլան դգա:

Սկազերրակի մոտ ծովային Անգլիան հաղթեց ծովային Գերմանիային և ծովային Գերմանիան հաղթեց ծովային Անգլիային: Այս պայքարում պարտված զուրս եկավ տրամաբանութունը՝ ամենանվազ գործը տերութունը: Նրա նկատմամբ տարած հաղթանակը տոնում էին հաղթանակած երկու կողմերն էլ՝ և՛ Անգլիան, և՛ Գերմանիան, բացառությամբ այն անգլիական և գերմանական ծովայիններից, որոնց ջուրը Սկազերրակից տարավ Նորվեգական ծով:

Գերմանական բնակչությանը դիագրամաներով բացատրվեց, որ Մեծ Բրիտանիայի ծովային հզորութունն անդառնալիտբեն խախտված է և որ այդ պատահեց արտակարգ հաջողությամբ, քանզի Գերմանիայի զոհերն աննշան են: Անգլիական թերթերն իրենց հերթին քարտազրամներով ապացուցեցին, որ կարելի է համարել, թե գերմանական նավատորմիդ զոյութուն չունի, և որ այդ բանին հասել են ըստ էութան Մեծ Բրիտանիայի կողմից շնչին կորստի գնով:

Այսպիսով, Սկազերրակի օրերին Բիշոֆսբերգը բոլոր հիմքերն ուներ տոնակատարութան համար: Բիշոֆսբերգն այդ հիմքն ուներ, մանավանդ որ սպասում էր նորին մեծութուն Սաքսոնիայի թագավորի ժամանմանը: Դա հաճախ չէր պատահում և պատմական երևույթ էր Բիշոֆսբերգի համար: Այդ բարձր այցը պետք էր կազմակերպել արժանապատվոքն և շքեղ: Եվ քանի որ ամեն մի բարձր այց հարմարեցվում է որևէ իրադարձութան, իսկ նորին մեծութուն Սաքսոնիայի թագավորը Բիշոֆսբերգ էր եկել պարզապես լեռներում այծյամ խփելու համար, ուստի բնական է, որ նրա զալուստը կապեցին ծովային Մեծ Բրիտանիայի դեմ տարած հաղթանակի հետ: Եվ նրան սկսեցին պատվել ու մեծարել որպես Յուտլանդական ճակատամարտի իսկական հանճարի...

Սակայն դա մի ամբողջ գլուխ է Բիշոֆսբերգ քաղաքի պատմութան մեջ, իսկ այն գլուխը, որ մենք գրում ենք, նվիրված է ծաղիկներին: Ծաղիկները քիչ են մեր վեպում, դրանք սիրում են աղջիկները, որոնք դժգոհում են այն գրողներից, ովքեր պատմում են լանդշտուրմի և պատերազմի, գործադուլների և թագավորների մասին, փոխանակ խոսելու դավաճանութունների և գրկախառնութունների, սիրո և ծաղիկների մասին: Տխուր է մտածել, որ ոչ մի աղջիկ մինչ վեպի այս տեղը չի կարդա, որպեսզի հանդիպի մեր կարեկից խոսքերին: Սակայն եթե զինվորական էլեռներին, հեղափոխականներից, սոցիալ-դեմոկրատներից վերջնականապես տանջահար քնքուշ հոգին հանկարծ բացի գրքի այս էջը, այստեղ կգտնի մեր երզումնավոր խոստումը՝ ամբողջ գլխում խոսել միայն ծաղիկների, միայն և միայն ծաղիկների մասին, բուրավետ, մաքուր շաղով թրջված, ողջախոհ, կենդանի ծաղիկների մասին...

Կայարանում թագավորին դիմավորեցին ուղղմական իշխանավորները: Այնտեղից նա պիտի գնար ուսուցչա և ընդունի քաղաքացիական աստիճանավորներին: Երկու ժամ հետո նորին մեծությանը պետք է ներկայացվեին բարեգործական ընկերությունները:

Պետք է խոստովանել, որ բիշոֆսբերդցիները այդ պատմական օրը որոշ հիասթափություն ունեցան: Անսահման շատ օսլա էին գործածել ներքնաշրջագետները, կրծկալները, բազկակալները և օձիքները հանդիսավոր տեսքի բերելու համար: Սպասում էին նորին մեծությանը տեսնելու շքանշաններով, ժապավեններով ու աստղերով զարդարված, իր շքախմբի և պալատական պահակախմբի ուղեկցությամբ: Սակայն թագավորը եկավ բաճկոնով, գլխին ցախաքլորի փետուրով մի տիրոջան թաղիքե գլխարկ: Կայարանում նրան հրամայեցին բավական ընդարձակ մի հնաձև կառք, որին երկու դմբո ձիեր էին լծված: Թագավորը նստեց օբեր-բյուրգերմայստերի կողքին և նավթով լվացված երկաթյա անվազոտիները դղրդացին գլխավոր փողոցում: Մայթերը գրաված օսլայված հպատակները նմանօրինակ մուտքը տեսնելով, մոռացան զբախարկները հանել: Դպրոցականները կառքը շրջապատած սլանում էին փողոցով գոռում-գոչյունով: Նորին մեծությունը բարեհոգաբար սիգարի մոխիրը թափ էր տալիս նրանց ջրի, խրախուսելով, որ բարձրանան կառքի ոտնակին, կախվեն զսպանակներից:

— Նայիր,— ասաց մի բյուրգեր կնոջը՝ տեսնելով չուր արքային,— նրա հագին այնպիսի բաճկոն է, ինչպես մեր փեսա Հանսինը...

Այսպես, հերոսը նսեմացավ իրեն խորապես նվիրված քաղաքացու աչքում:

Մովսիսին Մեծ Բրիտանիայի դեմ տարած հաղթանակի և թագավորի Բիշոֆսբերգ ժամանելու այդ օրը, այն պահին, երբ ավարտվում էր վերջին օձիքների արդուկումը, մաքրվում էին կոշիկները, Ֆրաու Ուրբախը վազելով անցնում էր հյուրատան-յակով ու բղավում.

— Մարի՛, Մարի՛, Մարի՛:

Նա այնքան հուզված էր, որ մոռացել էր վերցնել ունիոն

ծայրով իր փայտը և շատ նկատելի կաղում էր: Նա գրեթե շնչափառ էր լինում բղավելով.

— Մարի՛, Մարի՛:

Եվ երբ ներս ընկավ դստեր սենյակը, վրա տվեց առանց շունչ առնելու.

— Մարի, մեր դրոշակներն ո՞ւր են: Սա ի՞նչ է նշանակում: Ո՞ւր են դրոշակները:

Մարին ձեռքերը ետ տարած, զգեստի կոճակներն էր կոճկում, այդ դիրքը նրա համար անհարմար էր, ուստի ոչ անմիջապես արձագանքեց հարցին:

— Ի՞նչ է պատահել:

— Դրոշակները, դրոշակները: Մեր դրոշակները կախված չեն:

— Ինչո՞ւ եք այդ հարցով ինձ դիմում:

Ֆրաու Ուրբախը ձեռքը զցեց աթոռի թիկնադիրն:

— Ես սխա՞լ լսեցի, Մարի,— մոթմոթաց նա:

— Ես ասում եմ, որ չգիտեմ, թե մեր դրոշակներն ինչու կախված չեն:

— Գուցե դուք չգիտեք նաև, թե ինչո՞ւ պետք է կախվելին: Մարին մորը նայեց անտարբեր հայացքով.

— Ճիշտն ասած, չգիտեմ:

Այն ժամանակ Ֆրաու Ուրբախը փլվեց աթոռին: Անհավատալի է: Ընդամենը մի կես ժամ առաջ այս անմիտ մարդը նրա հետ միանգամայն ողջախոհ էր խոսում:

— Մենք հենց նոր պայմանավորվեցինք, Մարի... — սկսեց Ֆրաու Ուրբախը, թոքերում ավելի շատ օդ հավաքելով և ազելի հարմար տեղավորվելով: Հարկավոր էր վերականգնել խախտված հավասարակշռությունը:

Սակայն Մարին ընդհատեց.

— Հավատացնում եմ, որ ոչինչ չի պատահել: Պատրաստվում եմ կայարան գնալ, հետո կգամ ուսուցչա: Ձեր հանձնարարությունը ճշտվի կկատարվի: Գուք պետք է հագնվեք, այլ լապես կուշանաք:

— Սակայն դրոշակները, դրոշակները,— բացականչեց Ֆրաու Ուրբախը:

— Ինչ վերաբերում է դրոշակներին, խնդրում եմ, այդ գործը մի ուրիշին ևս հանձնարարեք:

Մարին հանկարծ քրքջաց.

— Դեհ, հանձնարարեցեք, օրինակ, հայրիկին: Ճիշտ եմ
ասում: Հայրիկը դրոշակները ուրախությամբ կկախի, նույ-
նիսկ ամեն առավոտ: Դա հոյակապ կլինի:

Ֆրաու Ուրբախը դանդաղ ելավ տեղից, գլուխը ետ էր
ընկել, աչքերը քարացել էին: Նրա կեցվածքը մոնոսենստալ
էր՝ ներքևում լայնացող ծանր զգեստ, աչքերը բարձրացրած
և քարացած: Պարզորոշ շշուկ զուրս հոսեց նրա գունատ, լա-
րումով սեղմված շուրթերից:

— Մեկընդմիջտ՝ հիշեցեք. ես թույլ չեմ տա ինձ վրա ծի-
ծաղել ոչ միայն ձեր հորը, այլև ձեզ:

Նա շրջվեց ու զուրս եկավ դռնից, ինչպես վիրավորված
հերոսուհին կհնոյի էկրանում՝ վեհապանծ և գրեթե նույնպես
անձայն:

Իր սենյակում ֆրաու Ուրբախը մի քիչ ժամանակ նստեց
բազկաթոռին, թաշկինակով իրեն հով անելով: Հետո զանգա-
հարեց սպասուհուն և հրամայեց դրոշակները կախել: Հետո
սկսեց հագնվել:

Այն, ինչ տեղի ունեցավ մի երեք ժամ հետո ուսուցչի
մեծ դահլիճում, որտեղ բարեգործական և մյուս ընկերություն-
ները ներկայացվում էին թագավորին, արժանի է ամենա-
մանրամասն նկարագրության: Այսպիսի նկարագրություն
տվեց «Բիշոֆսբերգի առավոտյան թերթը», որտեղ հետաքրք-
րությանը ընթերցողը կարող է գտնել ամբողջ արարողությունը
և ի միջի այլոց, մի հիանալի ճառ, որ ազդարարել էր ցեխերի
անունից Վարսավիրների Միության անդամ և խմբակային
երգեցողության բարեկամների ընկերության գանձապետ Պա-
ուլ Գեննիգը: Այստեղ կպատմվի միայն մի անշշան մանրա-
սասն, որ դիվանագիտորեն լուսվան էր մատնել «Առավոտյան
թերթի» խմբագիրը՝ իսկապես արժանի գտնվելով իր պա-
տասխանատու դիրքին:

Այն պահից քիչ առաջ, երբ նորին մեծությունը օբեր-
բյուրգերմայստերի, շտադտրատների և համհարզի ուղեկցու-
թյամբ, մի պատվիրակությունից անցնելով մյուսին, մոտե-
նում էր ֆրաու Ուրբախին, վերջինս նայեց շուրջն ու մեկ
անգամ ևս համոզվեց, որ Մարին կանգնած է իր ետևում:
Դրանից մի քանի րոպե առաջ նա տեսել էր, ինչպես դուստրն

իրեն էր մոտենում պնդված ֆրոյլայնների և ֆրաունների մեծ
խմբի հետ:

Ծվ ահա նորին մեծություն թագավորը կանգնած է ֆրաու
Ուրբախին դեմ-հանդիման:

Օբեր-բյուրգերմայստերը առանձնահատուկ հաճույքով ար-
տասանում է.

— Ֆրաու Ուրբախ, ծնյալ ֆոն Ֆրեյլեբեն, սննդակայանի
հովանավորուհին, նախագահ...

Ֆրաու Ուրբախը անշարժանում է խոր ունեանսով:

Նորին մեծությունը ձեռքը մեկնում է տիկնոջն ու ընդհա-
տում օբեր-բյուրգերմայստերին.

— Տիկին, ձեր մասին ինձ արդեն զեկուցել էին աթոռա-
նիստումս: Ֆրիդրիխ-Օգոստոսի մեղալը ձեզ է սպասում
Դրեզդենում:

— Majestät, — արտասանում է ֆրաու Ուրբախը և կրկին
անշարժանում ունեանսով: Ապա բարձրանալով ու տեսնելով,
որ նորին մեծությունը շարունակում է հաճույթյամբ ժպտալ,
ֆրաու Ուրբախը կամացուկ ասում է.

— Majestät, թույլ տվեք ներկայացնել ձեզ դատերս,
ֆրոյլայն Մարի Ուրբախին:

Նա գլուխը դարձնում է աչք ու հանդիպում մեկի զարմա-
ցած ու շփոթված հայացքին: Գլուխը ձախ է դարձնում՝ տես-
նում օտար վախեցած դեմք: Ու հանկարծ ետևից նրա դեկու-
տեն այրում են ինչ-որ խենթ խոսքեր.

— Ֆրոյլայն Մարին այստեղ չէ:

— Դուք ձեր աղչկան չե՞ք կարողանում գտնել, — լսում է
նա: «Տեր աստված, մի՞թե սա թագավորն է ասում»:

— Majestät, — շշուկում է ֆրաու Ուրբախը:

— Ոչինչ, ոչինչ, — ծիծաղում է նորին մեծությունը, — այս-
օր ինձ հետ ավելի վատ բան պատահեց. այստեղ իմ անունը
դրեցին ծովային գալլ, իսկ իմ սիրտը խառնում է նույնիսկ
էլբայի վրայի կամուրջով անցնելիս...

Ֆրաու Ուրբախը դեռևս իր մեջ ուժ է գտնում ժպտալու
թագավորական կատակի վրա, ուժ է գտնում ձեռք տալու
նորին մեծությանը: Հետո նա դառնում է պնդված ֆրոյլայն-
ների և ֆրաունների, մի կարճատև հայացք նետում նրանց
վրա, ու նրան գրեթե զուրս են տանում դահլիճից...

Եթէ ֆրաու Ուրբախի աչքն ընկներ այն ծաղիկներին, որոնց մասին պետք է խոսվի այս գլխում, ծաղիկները կարեկցանքից կթառամեն:

Այն ժամը, երբ պատերազմն սկսվեց, ծնվել էր կայարանների նշանի տակ: Լեռնանման, փորփրված ստորերկրյա անցքերով, կամուրջներով ու անցումներով պատված, ունեւորի երկաթյա կծիկներով ծածկված, մշտական ցնցումով, ողբ ու լացով լի կայարանները պատերազմ էին անում: Հսկա փռեթիւնների նման նրանք իրենց մրոտ երախն էին ներքաշում անթիվ-անհամար փոշեհատիկներ, հավաքում էին դրանք գեներատորների մեջ, խողովակներով անցկացնում և դուրս բերում, նետում պատերազմ: Մի անգամ կյանքի կոշիկ լինելով, նրանք ոչ մի վայրկյան չէին դադարում շնչել իրենց հառաչող պողպատյա կրծքով, և նրանց յուրաքանչյուր հառաչը ներծծում ու դուրս էր նետում մարդկային փոշի:

Կայարանների նշանի տակ ծնված ժամին մարդիկ հավաքվում էին քարածխի փողով ծածկված, նավթով ու քսալուղերով կեղտոտված ճանապարհներին, այն ճանապարհներին, որ տանում էին դեպի պատերազմ: Եվ մարդիկ այդ ճանապարհները ծածկում էին ծաղիկներով, կարմիր վարդի թերթերը թափում ունեւորի երկաթյա կծիկներին այնպես, որ չերևար ոչ քարածխի փոշին, ոչ քսալուղը, ոչ էլ նավթը: Երթալին համազգեստով դիմադրները վարդերը խրում էին հրացանների փողերի մեջ, փամփշտակալների վրա, ուսապայտակների կափարիչներին, և ծանր, հաստակաշի սապոզներով տրորում կառամատույցին ու ունեւորի վրա թափված վարդերը: Հնարավոր է արդյոք հավաքել այն բոլոր ծաղիկները, որ հայրենիքը թափում է երթալին համազգեստով բանակի ճամփին:

Երթալին համազգեստով բանակը լցվում էր գեներատորների մեջ ու օդի հետ խառնված գազի նման անցնում խողովակներով, որպեսզի այրվի պատերազմում: Եվ զինվորները կայարանների երկաթյա հառաչից շիկացած, ամբոխի խելահեղուկներից բորբոքված, հրձվալից, երիտասարդ՝ գրոհում էին վագոնները, դրանց պատերը նախշելով ծիծաղելի գրեթով:

— Ահա ֆրանսիացին՝ տիեզերքի նվաճողը:

— Ահա սերբերի Պետրոսը՝ Վիեննա կատարած արշավանքից հետո:

Եվ յուրաքանչյուր վագոնի վրա հաստ, սարդորոշ դրերով սպիտակին էին տալիս աչքի զարնոզ տառերը:

Ռ Ե Ա Յ Ւ Փ ա Ր Ի՛ Վ:

Ռ Ե Ա Յ Ւ Փ ա Ր Ի՛ Վ:

Ռ Ե Ա Յ Ւ Փ ա Ր Ի՛ Վ:

Դա այն ժամն էր, երբ վարդերի ցույրը խլացրեց նավթի գառնահամն ու քարածխի գարշահոտությունը...

Երբ Մարին ֆրաու Ուրբախի հանձնարարությունը եկավ կայարան, այն հենց նոր էր դիմավորել թագավորին և պատրաստվում էր սկսել իր սովորական կյանքը. ապրել պատերազմի համար: Լանդշտուրմի երթալին վաշաք մեկնում էր ռազմաճակատ, մեկ էլ մի խումբ նորակոչիկներ, ուղեգրի սպասելով, ցրվել կանգնել էին անցումների, թունելների, ունեւորի վրա: Ինչպես միշտ, զորախազեր էին անցկացվում, և կայարանը դղրդում էր պողպատյա ցնցումից:

Կանանցից ու երեխաներից բաժանվող լանդշտուրմը հրացանները զարդարել էր ծաղիկներով: Դրանք թառամած փողերիկ մեխակներ և բույրը կորցրած կանաչ ուղտներ էին, որովհետև երթալին համազգեստ հաղած բանակի ճանապարհը մի ժամանակ զարդարող վարդերն այլևս չկային և որովհետև վարդերը շափազանց թանկ էին կանանց համար, որոնցից հեռանում էր լանդշտուրմը:

Սպասումից ձանձրացած, հագնած նորակոչիկը, անբեղ, տափակ դեմքով տղան թափառում էր պահեստային գծերի վրա: Այստեղ ամաչի էր, կայարանն իր մեջ էր ներծծել կենդանի ամեն բան, կայարանը հենց նոր դիմավորել էր թագավորին: Պահեստային գծերին քստքստում էին անհանգիստ լուկոմոտիվների դետեբերը: Նորակոչիկը ձանձրույթից կանգ առավ ապրանքատար վագոնի մոտ, ձանձրույթից բարձրացրեց գետնին ընկած կավճի կտորը, ձանձրույթից սկսեց կավճով գրել վագոնի պատին:

Ռ Ե Ա Յ Ւ Փ ա Ր...:

Շչակի նման սուր մի ձայն մտրակեց նրա ձեռքը.

— Ի՞նչ ես այդտեղ խզմզում: Ո՞վ պիտի քո արածը մաքրի:

Տղան շրջվեց: Գծերի վրայով գալիս էր վագոնների հավաքարարուհին: Նրա դեմքը քսայուղից փայլվում էր, ձեռքերը սև էին: Տղան ուղեց մի բան պատասխանել: Վերջ ի վերջո նա զինվոր է, նրան կրչեն ռազմաճակատ, նա կկուլի, իսկ այս կեղտոտ կնիկը առաջվա պես պետք է կեղտոտվի կայարանում, ու վատ չէր լինի սրան լավ հայհոյել մի ֆելդֆեբելական խոսքով: Բայց նորակոչիկը ձանձրանում է, հոգնել է սպասումից, և նրա շուրջը օդն էլ տնքում է երկաթե հառաչներից, ու արևն ինքն էլ տառապում է, ինչպես նորակոչիկը: Ուժեղ հարվածից կավիճը կպչում է վագոնին, սպիտակ բիծ դառնում, ու նորակոչիկը կրունկներով ակոսում է ձանապարհի ավազը, ոտքերը քարշ տալով դեպի կայարան:

Հավաքարարուհին վագոնը սրբում է յուղալաթով, շուրթերն ինչ-որ բան են շնչում, սակայն բառերը հնարավոր չէ ջոկել լոկոմոտիվների քստքստոցի մեջ: Գուցե նա խղճա՞ց նորակոչիկին: Գուցե նրա ամուսինը մեկնել է աչքի զարնող՝

Գ Ե Կ Ւ Փ Ի Ի Գ.

մակագրությանը վագոնով և տուն չի՞ վերադարձել: Գուցե նա նույնիսկ ատո՞ւմ էր Փարիզը:

Կայարանն այդ չգիտի, կայարանը պատերազմ է անում: Մարդկային փոշեհատիկները լողում են թունելներում, անցումներում և սրահներում: Նրանց մեջ է Մարին: Նա կատարել է մոր հանձնարարությունը և պատրաստվում էր քաղաք վերադառնալ, որպեսզի ռատուշա գնա: Սակայն կառամատուցցում, որ դեռ լի էր թագավորական հանդիպման հանդիսավոր շնչով, նրան ուշացրին ռազմաճակատ մեկնող լանդշտուրմիստները: Ահա թե դա ինչպես պատահեց:

Վագոններ նստելու հրաման տվեցին: Օրհնանքներից և լացից առաջացած աղմուկը, սվինների շրնգոցն ու հանդերձանքի ճոճոցը բարձրացավ դեպի կայարանի ապակե ծածկն ու ընկավ ցած, ասես քամու պոռթկումից գլորված: Գորշ մարդիկ հեռացան դեպի վագոններն ու ջուռ շարք կանգնեցին դրանց երկայնքով, աչքները չկտրելով

այն մարդկանց աչքերից, որ մնացին կայարանի պատուհանների մոտ: Կառամատուցի վրայով, վագոններից դեպի կայարան ձգվեցին հարյուրավոր կանոց առած աչքերի հայացքներ: Գա հրաժեշտ էր: Ու եթե շլիններ մարդու բնածին հատկությունը, որի շնորհիվ նա նկատում է միատարր զանգվածի մեջ տեղի ունեցող չնչին իսկ խախտումը, այդ հրաժեշտը հիշողության մեջ կարող էր տպավորվել ինչպես որևէ այլ մասսայական գործողություն.

«Անցնում է ամբոխը»:

«Հասարակությունը ծափահարում է»:

«Ժողովուրդը աղոթում է»:

«Մոբիլիզացվածները հրաժեշտ են տալիս կանանց»:

Սակայն մասսայի միատարրությունը խախտված էր, և մարդիկ հանկարծ կատարվածը տեսան այնպիսի լույսով, որ առաջ չէին տեսել:

Թխադեմ, ծանրաշարժ մի լանդշտուրմիստ հրամանը չէր կատարել և մնացել էր ուղեկցողների բազմության մեջ, կայարանի շենքի մոտ:

Նա կանգնել էր երկար թևերը դրած գունատ դեմքով մի կնոջ ուսերին, շոր աչքերով շաղափելով կնոջ հոգնած հայացքը: Նա բացահայտորեն առավելություն ուներ իր ընկերների նկատմամբ, որովհետև նրա կնոջ աչքերը ուղիղ իր առջև էին, և որովհետև վերջին համբույրը դեռ սպասում էր նրան, մինչդեռ նրա բոլոր ընկերների համար դա արդեն անցած էր: Թերևս նախանձից, մեկը բղավեց.

— Գե՛հ, համբուրվիր էլի, քառասուներկուսանտիմետրանոց:

Եվ նա համբուրվեց:

Նա թևերը ծալեց, և կնոջ գունատ դեմքը անկիրք ու մեղմ մոտեցավ նրա կրծքին: Նա գլուխը թեքեց, շինելի օձիքը սապատի նման ցցվեց մեջքին, ուսապայուսակը ծանրորեն ցած սահեց դեպի գոտկատեղը, սև բեղերը դիպրոցեց կնոջ քրտնած ճակատին:

Եվ կինը հարցրեց.

— Ի՞նչ ասեմ մեր փոքրիկ աղջկան:

— Մեր աղջկան ասա... — սկսեց նա շտկվելով:

Ձեռքերը ցած սահեցին կնոջ ուսերից, կախ ընկան ու օրորվեցին օդում, հետո դժվարությամբ սկսեցին բարձրանալ գեղի պլուխը:

— Մեր փոքրիկին ասա...— ավելի բարձր ասաց նա: Եվ ծնկներն սկսեցին կամացուկ ծալվել:

— Մեր փոքրիկին ասա...

Հանձարձ նրա ձեռքերը բռնեցին գլուխը, սաղավարտը վեր թռավ, քնկավ մեջքին, ինչպես ուսապայուսակը, ապա գլորվեց ցած: Նա պլուխից, ձեռքերով ծնկները գրկած և աղաղակեց:

— Մեր փոքրիկին...—

Եվ դարձյալ ավելի բարձր և ավելի երկար:

— Մեր փոքրիկին...—

Ենթասպան շտապով մոտ վազեց ու բղավեց:

— Անցիր տե՛ղդ:

Կանգշտումիստը արագ տեղից բարձրացավ և, առանց կնոջը նայելու, առանց սաղավարտը վերցնելու, գլուխը բաց քայլեց դեպի վագոնը:

— Գլուխդ ծածկի՛ր,— բղավեց ենթասպան:

Սակայն արդեն ուշ էր:

Կայարանի շենքի մոտ խմբված բազմությունից հարյուրավոր ձեռքեր կառամատուցի վրայով մեկնվեցին դեպի վագոնների մոտ շարված գորշ մարդիկ, և հարյուրավոր աղաղակներ վեր նետեցին տղամարդկանց անուններ:

— Պառ՛ւ: Կա՛ռ:

— Ռոբե՛րտ: Պառ՛ւ:

Եվ նրանց պատասխանեցին տղամարդկանց կոպիտ, խըպոտ, խզված ձայները:

— Մարիա՛: Աննա՛:

— Լիզբե՛տ:

Եվ շենքի մոտ շարված բազմության մեկնած ձեռքերը հանդիպեցին վագոններից մեկնված ձեռքերին:

Այն ժամանակ հրամանատարները ձևացրին, թե դեռ վագոն նստելու հրաման չեն տվել:

Այն սենյակում, որն առաջ monsieur Պերսին էր զբաղեցնում, ապրում էր մի ենթասպա, հոժարակամ զինվոր: Նա

monsieur Պերսիից ավելի գրուցասեր և աղմկոտ էր, զարմանալի բարձր օձիք էր կրում, իսկ գոտու վրա, սվինի փոխարեն՝ փոքրիկ ֆիննական դանակ: Ֆիննական դանակը մողայիկ էր, իսկ ենթասպան հետևում էր մողային, շատ քաղաքավարի էր, շափավոր հայրենասեր, թարգմանությամբ կարդացել էր Ուայլդին և, ինչպես բոլորը, նրան անվանում էր Վիլգե: Իրեն՝ ենթասպային, Դիտրիխ էին կոչում:

Այդ օրը նա իր ֆելդֆեբելին մոտը թեյի էր հրավիրել: Մի գավաթ թեյի հրավիրելը օտարերկրյա ծագում ունեցող սովորություն է, դրա մեջ մի քիչ անգլիական, մի քիչ ռուսական բան կա. հենց «թեյ» բառի մեջ էլ Դիտրիխը ինչ-որ լիբերալ բան էր լսում, հատկապես այդ օրը, անգլիական նավատորմի ջախջախման օրը: Հրավեր մի գավաթ թեյի Անգլիայի դեմ տարած հաղթանակի առթիվ. այդպիսի ծեսեր կարող էր դուր գալ և Բեռլինում՝ Ֆրիդրիխշտրասսեում:

Դիտրիխի հյուրերն էին, ֆելդֆեբելից բացի, Պաուլ Գեննիզը, նրա կենվոր Անդրեյ Ստարցովը և ֆրոյլայն Լիսին:

Դիտրիխը երկտակ ծալվում էր, հերթով դիմելով հյուրերին և խմորեղեն առաջարկելով: Ֆելդֆեբելը կարճ մատներով պոկոտում էր ցիտրայի լարերը, գործիքը նվնվում էր, թընգ-թընգում, երաժշտի դեմքը՝ շեշտոտ, ինչպես մեղրարլիթը, տխուր ժպտում էր: Ֆրոյլայն Լիսին՝ կլորիկ, թմրիկ, թխահեր մի աղջիկ, կոտրատվում էր, ջանալով բոլորին միանգամից դուր գալ:

Պաուլ Գեննիզը, ըստ երևույթին, ցնցված էր և ինչպես հենց նոր արտակարգ մի բան ապրած մարդ, մի տեսակ ինքն իրեն նման չէր. սսկվել էր, ձայնն իջեցրել, կծկվել: Սակայն նրա թեթևակի քրտնած և պղնձե թասի նման փայլվող դեմքի վրա թափառում էին հպարտության շողերը:

— Ինտերնացիոնալի գաղափարն ինքնին,— արտասանեց նա երկար դադարից հետո,— իր մեջ պարունակում է տարբեր ազգությունների գոյությունը, այո՛:

— Շատ ճիշտ է, շատ ճիշտ է: Խմորեղեն վերցրե՛ք,— ասաց Դիտրիխը:

— Ես գիտեմ ինչ եմ ասում: Դա գրված է Բեբելի մոտ:

— Մի՞թե նա այդքան երկար խոսում էր ձեզ հետ, հերր Գեննիզ,— հազիվ լսելի հարցրեց ֆրոյլայն Լիսին, և նրա

Քմբրիկ արմունկներն ու ուսերը ծածկվեցին մանր, շեշանման փոսիկներով:

— Նա հարցրեց. դուք վարսավիրական ցեխի կողմի՞ց եք,— և ձեռքը մեկնեց: Ես պատասխանեցի՝ ճիշտ այդպես, ձերդ մեծություն, վարսավիրական ցեխի կողմից, ու սեղմեցի նրա ձեռքը: Դուք ուժեղ ձայն ունեք, ուղերձը լավ կարդացիք, ասաց նա: Ես պատասխանեցի, որ խմբային երգեցողության ընկերության անդամ եմ և ռատուշայում այսօր երգել եմ «Wacht am Rhein»: Այն ժամանակ նա հարցրեց. գուցե զո՞ւք ես որևէ ընկերության անդամ եք: Ես ուղղակի ասացի. ձերդ մեծություն, ես սոցիալ-դեմոկրատ եմ:

— Իսկ նա ոչինչ չասա՞ց,— բղավեց ֆրոյլայն կիսին:

— Նա ոչ մի նախապաշարում չունի, մեր թագավորը,— ներողամտորեն նկատեց հերր Գեննիգը:— Ուղղակի գլուխ տրվեց և հեռացավ: Ես էլ նրան գլուխ տվեցի: Հետո գնացի տղաների հետ խմելու, և նրանք հավանություն տվեցին, որ հենց այդպես, ուղղակի թագավորին ասել էի, թե ով եմ:

— Շատ լավ է,— ասաց Դիտրիխը:— Հերր ֆելդֆեբել, մի բան էլ նվագեցեք: Ֆրոյլայն կիսի...

— Ահ, նվագեցեք, նվագեցեք,— խնդրեց թխահեր աղջիկը:

— Իհարկե, լավ է,— ասաց հերր Գեննիգը բավաթոռին թիկն տալով:— Ես ասում եմ, որ մեր ազգային գիծը ազնվությունն է: Ես ազնվորեն հայտարարեցի՝ սոցիալ-դեմոկրատ եմ:

— Որքան հասկացա,— տխուր ասաց ֆելդֆեբելը, հայացքը կտրելով ցիտրայից և նայելով Անդրեյին,— հերր Ստարցովը խոսում էր այն մասին, որ սոցիալիստները բնավ չպետք է ներկայանան թագավորին: Այնպես չէ՞:

Գեննիգի ձայնը մի քիչ ամրացավ:

— Անդրեասը լավ տղա է, սակայն չի հասկանում, որ ազնվությունը մեր ազգային գիծն է: Անդրեասը նիհիլիստ է, այո, նիհիլիստ. նա չի ընդունում տակտիկան, տակտիկան, այո՞:

— Խնդրեմ խմորեղեն,— ասաց Դիտրիխը վարսավիրական բասի կատաղի ալիքից անհանգստացած:

Սակայն հերր Գիննիգը հանկարծ անցավ կարեկցական տոնի.

— Ռուսները շատ սիրառատ են: Վաղուց էի ուզում այդ ասել: Սակայն սիրուց ի՞նչ օգուտ: Տակտիկա, Անդրեաս, տակտիկա: Ինչո՞ւ ենք սիրում հայրենիքը: Որովհետև ատում ենք նրա թշնամիներին: Սերը գալիս է ատելությունից հետո: Ատելությունը ցեմենտում է սերը, այո՞: Երբ մարդիկ ատում են միևնույն բանը, այդ ժամանակ սկիզբ է առնում սերը: Անդրեասն ուզում է սիրել, բայց չի կարողանում, չի կարողանում, գրողը տանի: Դա ես վաղուց եմ նկատել: Ինչո՞ւ: Որովհետև նա սիրելու բան չունի, որովհետև ամեն ինչ միանման է սիրում: Նիհիլիստ է: Նա չի հասկանում, որ մարդկային արարքները պետք է ատել դրանք կատարողների հետ միասին...

Հերր Գեննիգը հառաչեց ու ձգվեց, ինչպես լավ խոզի կոտլետ ուտելուց հետո: Նա գոհ էր ճառի ոճից և աչքերը կկոցեց իր փիլիսոփայության թափանցիկ որոշակիությունից:

Անդրեյը կրծքում օդ հավաքեց ու աչքերով ընդգրկեց բոլորին: Դիտրիխի դեմքը ծամովեց աղերսական ժպտից. նա տառապում էր այն նախազգացումից, որ մի գավաթ թեյը կմթազնվի անախորժությունից: Ֆելդֆեբելը մոռացրեց գլուխը կախ գցեց ցիտրայի վրա: Թխահեր աղջիկը հոգնած շարժեց կոպերը, և նրա հայացքը խոսում էր ավելի պարզ ու գեղեցիկ բաների մասին, քան վեճերն էին:

Ախ, դրանք շատ լավ մարդիկ էին՝ ենթասպա Դիտրիխը, նրա ֆելդֆեբելը և ֆրոյլայն կիսին: Ի՞նչ կարելի էր ասել այդ մարդկանց, եթե իրենց յուրաքանչյուր շարժումով նրանք լուսություն էին աղերսում: Մի՞թե նրանք չէին հասկանում Անդրեյին: Լավ մարդիկ են, լավ մարդիկ...

Անդրեյը կրծքից դուրս մղեց ծանր օդը, որ հավաքել էր ճիլի համար, և տեղից վեր կացավ:

— Ներեցեք,— ասաց կամացուկ,— հիմա կվերադառնամ:

Մութ միջանցքներով նա գնում էր կծկված, գլուխը ուսերի մեջ քաշած: Եթե որևէ մեկը նրան այստեղ տեսներ, կկարծեր, թե բազում դարերի տառապանքի բեռը քարշ տվող ծերուկ է:

1) Հոկտոսի պահապար (Գեոմ.):

Նա շանդրադարձավ այդ բանին, որ իր սենյակի դուռը կրնկին բացված է: Դուռը ծածկեց ու քայլեց դեպի անկողինը, հրբ անկյունից, բազմոցի վրայից նրան հասան հազիվ լսելի խոսքերը.

— Ձեզ ի՞նչ է պատահել:

Անդրեյը շրջվեց ու երկար ժամանակ կանգնել էր, ուշադիր նայելով անկյունի մութ կետին, որ նման էր ինչ-որ մեկի գեմբին:

— Հիվանդ եք,— լսեց նա կրկին:

— Ոչ, ոչինչ,— պատասխանեց Անդրեյը:

— Ինչո՞ւ եք ձեր գլուխը բռնել:

— Մի՞թե բռնել եմ,— հարցրեց, ձեռքերը ցած պցելով:

Եվ հանկարծ բղավեց.

— Դո՞ւք եք:

Այդ ճիշտ կտրած լուծությունը անասելի ծանրությամբ ճրնջեց Անդրեյին: Նա ավելի կռացավ և անկախ իր կամքից կարճ, խզճուկ տնքաց: Եվ նույն պահին լուծությունը պատռեց մի հրնշեղ, գրեթե կատաղի ձայն.

— Այո՛, այո՛, այո՛:

Եվ Անդրեյը նետվեց դեպի բազմոցը, նետվեց ընդառաջ պիտակ զգեստին, նետվեց ընդառաջ իրեն մեկնված նուրբ թևերին, ընդառաջ հանկարծ ճանաչելի, որոշակի դարձած գեմբին:

— Մարի՛:

Անդրեյը նրա ձեռքերը բռնեց ու ամպես ամուր սեղմեց, որ Մարին ցավից աչքերը կկոցեց, ու շրթունքը կծեց, որպեսզի չբղավի:

— Այո՛, այո՛, ես եմ,— շշնջում էր Մարին, ջանալով նրան նստեցնել իր կողքին, իսկ Անդրեյը տրորում էր նրա ձեռքերը անշնորհք, դաժանորեն, և ուժգնացած շնչառության ազմուկից հնարավոր չէր հասկանալ, թե ինչ է ուզում ասել: Հետո նստեցին բազմոցին:

— Ես պետք է գալի:

— Պետք է գալիք, իհարկե, պետք է գալիք,— կրկնում էր Անդրեյը, ու նրա խոսքերը թռչող տաշեղիկների նման խառն էին, ցիրուցան:

— Ես գիտեի, ես սպասում էի... պետք է գալիք, իհարկե սպասում էի...

— Վաղուց էի ուզում: Ձէի կարող գալ...

— Ձէիք կարող, ես ձեզ սպասում էի... Լավ է, լավ է...

— Գիտե՞ք ինչու:

— Իհարկե, իհարկե:

— Բայց ինչո՞ւ:

— Ես սպասում էի ամեն օր:

— Ամիսներ շարունակ մտածում էի, որ կգամ: Դուք անբախտ եք, դուք ինձ դժբախտություն բերեցիք:

— Ե՛ս:

— Այն օրից, ինչ հանդիպեցինք, ինձ հետապնդում է գրծբախտությունը: Կրնկալիս: Բավական է տնից դուրս գամ, անպայման որևէ բան եմ տեսնում, որն ինձ հետո հանգիստ չի տալիս: Ինչպես այն ժամանակ, պուրակում: Այդ կույրերն ինձ քնից զրկեցին: Նրանք բոլորն անցնում էին կողքովս, հենց որ աչքերս փակում էի: Հիշո՞ւմ եք, ինչպես էին իրար բռնել: Ինչպես էին ձեռքներն առաջ մեկնել: Իսկ գլուխներն էլ վերս հիշո՞ւմ եք:

— Նրանք շարունակ ինչ-որ բանի էին ականջ դնում:

— Այո, այո: Ես էլ այն ժամանակից շարունակ ականջ եմ դնում, ասես կուրացել եմ, ասես աչքերս փոխել են, ու շե՛մ կարողանում տեսնել այդ ուրիշի աչքերով: Գիտե՞ք, ինչ եմ մտածում:

Մարին լռեց:

— Ուրիշի աչքե՞ր,— կրկնեց Անդրեյը:

— Ձեր աչքերը,— ասաց Մարին, սևեռուն նայելով նրան, ասես իր միտքը ստուգելու համար:

— Ի՞մը: Գուցե:

— Ես համոզված եմ: Դա անպայման այդպես է: Ես կարծես մի բան կորցրած լինեմ: Առաջ ամեն բան այնքան պարզ էր... և անհրաժեշտ... Լեռներում մեր հանդիպումից հետո... միայնություն... Եվ ոչ մի բույս հանգիստ: Ամեն քայլափոխում: Հիմա ես թափառում էի քաղաքում, փողոցներում, չգիտեմ որտեղ: Կայարանում տեսա, թե ինչպես են ռազմաճակատ մեկնում: Հարյուր անգամ ճանապարհ էի գրել զինվորների և հրեք գլխի շէի ընկել, որ դա նշանակում է ճանա-

պարհէլ դատապարտվածներին: Երբ զինվորները ոտքերը դրեցին վագոնների ոտնակներին, ինձ թվաց, թե նրանք կառափնարան են բարձրանում:

Անդրեյը կամացուկ ասաց.

— Ահա երրորդ տարին է, որ նայում եմ այդ մահապատիժներին: Ամեն վայրկյան մարդիկ են մահանում: Մենք բռնորս էլ հերթի ենք կանգնել կառափնարան ելնելու: Եվ ես գնալով ավելի շատ եմ մտածում դահճի մասին:

— Ճակատագիր՞ն է:

— Մարդիկ, ոչ թե ճակատագիրը:

— Ի՞նչ մարդիկ:

— Մենք, ես և դուք: Բոլորը:

Նա ավելի մոտ նստեց Մարիին, վերցրեց նրա ձեռքը, շոյեց, զգաց նրա ջերմությունն ու մաշկի հարթությունը և ավելի կամացուկ ասաց.

— Ինքներս ենք մեզ գատապարտել:

— Մե՞նք:

— Պետք էր մտածել այն մասին, թե ինչպես ենք աշխարհը կառուցել:

Մարին շարժվեց դեպի նա ու մանկականորեն պարզ, վըստահությամբ ու պոռթկուն հարցրեց.

— Ինչպես ենք աշխարհը կառուցել...:

Այստեղ ահա եկավ ժամանակը հանդիսավոր կերպով կատարելու մեր երգումնալից խոստումը և այս գլխում խոսելու ժողովների մասին: Դա պետք է անել, դա անհրաժեշտ է անել, շկորցնելով զուր ոչ մի խոսք, ոչ մի տող: Որովհետև այս ժամին Մարին ոտնակոխեց սիրող կնոջ ուղին: Եվ որովհետև մենք շատ էջերով անջատված ենք երիտասարդ, միշտ հանկարծահաս ու հուզող զգացմունքների կամ քնքուշ թախծի, կամ հրապույրով լի բառերի նկարագրությունից, որոնց իմաստը նույնքան հեռու է իրենց նշանակությունից, որքան պատերազմն է հեռու սիրուց:

Անդրեյն ու Մարին խոսում էին պատերազմի մասին: Նրանք խոսում էին պատերազմի մասին, և նրանց ձեռքերը միացել էին ջերմ սեղմումով, շոշափում և շոյում էին իրար մատները, ձեռնափերը, դաստակները, նրանք խոսում էին այն մասին, որ կյանքը ճմլում, տրորում է մարդկանց, որ

մարդիկ իրենք են մեղավոր դրանում, և նրանց դեմքերը վառվում էին ընդհատվող, անհավասար շնչառությունից: Նրանք ասում էին, որ աշխարհը ողողված է արյունով, որ արյունը երակներով հոսում է անվերջանալի գետի նման, որ միեւջ ծնկները արյան մեջ թաթախված մարդկանց միջև քայլում է մահը, և նրանց շուրթերն իրենք իրենց հանդիպում էին, խոնավ, աղահամ՝ դուրս տված արյունից: Նրանք խոսում էին ամեն ինչ կործանող, ոչնչացնող վերջի մասին, ու դնում այն սկիզբը, որից ծնվում է ամեն ինչ: Նրանք երիտասարդ էին, նրանք ուժեղ էին, և այն ամենից, ինչ խոսում էին, հիշեցին միայն մի բան՝ սիրում են միմյանց:

Անդրեյը վեր կացավ՝ արագ, ձգված, ցնցվող, ինչպես զարնանային մերկ գետնի վրա անցկացրած գիշերից հետո, և պտտեց դռան բանալին:

Գուցե Պաուլ Գեննիգն իրավացի՞ էր, ասելով, որ երբ մարդիկ ատում են միեւնույն բանը, այն ժամանակ սկսվում է սերը:

Նորին արքայական մեծությունը ողորմածարար թույլ էր ավել օբեր-լեյտենանտ ֆոն ցուր Մյուլեն-Շենաուին փափուկ գլխարկ կրել ամեն ժամանակ, նույնիսկ զորատեսներին և շքերթներին: Օբեր-լեյտենանտի գանգը վիրահատել էին և հանել գանգոսկրի մի մասը: Վիրահատությունը երեք անգամ էր կատարվել, օբեր-լեյտենանտը տառապանքը կրում էր խսկական զինվորի նման. գրեթե կես տարի նրա գիտակցությունը գտնվում էր լույսի և խավարի եղրագծին, սակայն բժիշկները հմուտ էին, երիտասարդությունն ուժեղ էր, և օբեր-լեյտենանտը առողջացավ: Մոծրակից միեւջ աջ ականջն էր ձգվում փայլիլուն-վարդագույն սպին, սակայն օբեր-լեյտենանտի դեմքին շողում էին արևածագի երանգները, ասես արտացոլելով համազգեստը զարդարող ժապավենների գույները: Նա Իիշոֆսբերգի ամենաերեւելի մարդն էր, ամենաերեւելին՝ Ադոլֆ Ուրբախից հետո, որը շքանշան էր ստացել pour le mérite: Սակայն վերջինիս բախտը բերում էր. Ադոլֆ Ուրբախն անցել էր ամբողջ Բելգիան, Մոբեժ մտնողներից առաջիններից մեկն էր եղել, եղել էր Սեդանում, կռվել վերդենի մոտ ու նույնիսկ մի ճանկովածք էլ չէր ստացել: Փոն Շենաուն բարեհաջող կերպով հասել էր միեւջ Հյուսիսային Շամպան, ֆրանսիացի-

ներին դուրս մղել ամրացրած տեղամասից և հենց այդտեղ առաջին իսկ գործում, առաջին խեղ փոքր-ինչ հերոսական մարտում շնչին մի բեկոր նրան շարքից դուրս էր հանել, և անմիջապես լազարեթներ, բուժարաններ, առողջարաններ, կոնսիլիումներ՝ փափուկ, սորուն, ձանձրալի մրուր: Սպայի համար վերավորական են վիրակապումները, անկողնու սպիտակեղենը, ջերմաթքոցները և հոգնանքը: Սույն հրամայում է, կոտորում, մտնում ամրոց, սրայթեցնում զինանոցները, զորատեսներ սարքում, շքանշաններ ստանում: Օրեր-լեյտենանան Ուրբախը Բիշոֆսբերգի ամենաերեկելի մարդն է, որովհետև ունի pour le mérite շքանշանը: Օրեր-լեյտենանան Ֆոն ցուր Մյուլեն-Շենաուն միայն երկու երկաթյա խաչ ունի՝ առաջին և երկրորդ կարգի: Սակայն Ուրբախը ոչ մի անգամ արձակուրդ չի եկել, իսկ ֆոն Շենաուն զբոսնում է Բիշոֆսբերգի երեկոյան փողոցներում, և նրան տեսնում են, նրան, որ վերավոր է, որ շքանշանակիր է առաջին և երկրորդ կարգի երկաթե խաչի և այլ շքանշանների, որոնց ժապավենիկները զարդարում են նրա համազգեստը արևածագի գույներով:

- Աղջիկներ, աղջիկներ: Նա թեքվեց դեպի անհյուսնը:
- Նա մտավ սրճարան:
- Առաջարկում եմ գնալ կուխեններ գնել:
- Իսկ եթե նա սո՞ւրճ խմի:
- Նստել հարևան սեղանին:
- Նա այնպիսի աչքեր ունի:
- Հապա բերա՞նք...
- Ինչ երջանի՞կն է...
- Ո՞վ:
- Մարին:
- Ես որ նրա տեղը լինեի՞...
- Նա նայում է: Նա ժպտում է: Գնա՛նք:

Երեկոյան քաղաքը թվում է անձանոթ, խորհրդավոր, մարդաշատ և անութների լույսերը ամեն քայլափոխում կարծես կերպարանափոխում են մարդուն: Ահա նա մտայլ է և անհասկանալի, ահա քնքուշ է ու անկեղծ, ահա ախտեր է, ահա՝ ուրախ: Եթե ուզում ես երջանկությունդ լցնել մկաններիդ և ոսկրերիդ մեջ, եթե ուզում ես այն զգալ, շրջափել ձեռքերը

փով, դուրս եկ փողոց այն ժամին, երբ լայտերներն ու կրպակները նոր են լուսավորվել, վազիր մայթերին վխտացող զբոսանքի դուրս եկած աղջիկների միջով, հանդիպիր կնամուկների, խրախճասերների, անբանների, հեռու մնա զբաղված, մտահոգ մարդուց, ու քեզ կթվա, որ ամբողջ կյանքը բո՞լոր մեջ է, ու քո կամքն է խմել այն միանգամից, մի շնչով, թե դուրս թափել...

Երբ Մարին գաղտագողի, պրոմենադներով տուն վերադարձավ Անգոլյի մոտից, օրեր-լեյտենանա Ֆոն ցուր Մյուլեն-Շենաուն զբոսնում էր ուսուցչային հրապարակում: Մովորական գարձած հաճույք էր իր շուրջը լսել շնչոց, զգալ ինչպես են անցորդներն իր կրծքին սեճում հայացքները, պատասխանել զիմնազիստների կոանդուն գլուխխոնարհումներին և զինվորների պատիվ տալուն, զիտենալ, որ դիմացիցդ եկողները շրջվում ու նայում են քո ետևից: Համազգեստն օգնում էր հեշտությամբ և ուղիղ պահելու տաքացած մարմինը, սվինը մեկ էլ անսար էտ էր թռչում ձիգ ազդրից, ու այն թեթևակի երկու մատով բռնելը հաճելի էր: Հանդիպական աչքերի լուրաքանչյուր տասը-տասնեկուներորդ հայացքը նրան թվում էր կանչող, քնքշալի, և քունքերում ինչ-որ տեղ, ինչպես գինուց, լողում էին շրջաններ, որ մերթ սև էին ներկած թերթերունքների պես, մերթ՝ ալ, ինչպես շուրթերը:

Նա մտավ խանութ, որի պատուհանին նկարներ էին ցուցադրված, քայլեց շարված կտավների և շրջանակների առջեով, աչքերն ուրախ կկոցեց սեֆելետորների լույսի և տնաբույծ նկարիչների աշխատանքների վրա, թերթեց և կարգադրեց առանձնացնել փորագրանկարները:

Խանութից նա ոչ թե գուրս եկավ, այլ դուրս թռավ՝ կարմրած, եռանդուն, օժանելիքով նոր թարմացրած համազգեստի հոտով պարուրված: Սվինը շրխկաց դռանը, կպավ խթանին, ոտքերը կարծես զսպանակով շարժվեցին ասֆալտի վրա, և ահա նա դարձյալ երեկոյան ժամի մեղմ թմբիրի մեջ է, ժպիտներով, շշուշով և հայացքներով շրջապատված:

Մորուքով, կորամեջք մի լանզտուրմիստ սպայական համազգեստի տեսքից շփոթված, որ հանկարծ փայլկոտաց ամբոխի միջից, առնչորհք թափ տվեց թևը:

— Մերուկ, դուք քիչ մնաց՞ քիթս պոկեիք, — ժպտալով

ասաց ֆոն Շենաուն զինվորին կանգնեցնելով:— Ձեզ պետք է զորանոցում պահել: Պատիվ տվեք ըստ կարգի:

Կանդառուրմիստը շրջվեց, մի քանի քայլ ետ գնաց: Անօրդնները կանգ առան: Մորուքավորը, ներբանները ասֆալտին գորշմելով մոտեցավ սպային, արմունկը վեր նետեց: Մեկը բարձր ծիծաղեց:

— Մտ,— բղավեց ֆոն Շենաուն:

Երկու կողմերից արագ մարդիկ խմբվեցին, կազմելով մի միջանցք, որտեղ ազատ կարող էր ետ ու առաջ քայլել զինվորը: Սա ակներևորեն վատ, գուցե ամենավատ շարայինն էր, նրա շարժումներն էլ խղճուկ էին, քայլում էր ինչպես թռչուն, ամեն քայլափոխին քիթը առաջ ցցելով: Այս ամենը նման էր օպերետի:

— Մտ,— հրամայեց ֆոն Շենաուն հանկարծ խոստովելով:

Գիմնագիստները հոհացին, ստորաբարձությամբ նայելով սպայի երեսին: Մի օրիորդ հիացմունքով ձեռքերն իրար զարկեց: Կանդառուրմիստը երրորդ անգամ սապոզները դրոպացրեց և ավելի այլանդակ ձևով ձեռքը վեր տարավ:

Ֆոն Շենաունի կոկորդը սեղմվում էր ինչ-որ բանից: Օձիքի տակ երակները ուռել էին, նա ամբողջովին պրկվել էր լաբումից:

Այդ պահին մեկը թնդածայն բղավեց ետևից.

— Ամո՞թ:

Ֆոն Շենաուն ցնցվեց ու հանկարծ տեսավ իրեն՝ Շամպանի հերոսին, երկաթի խաչի շքանշանակրին, սաքսոնական բանակի սպային՝ ամբոխի առջև կանգնած, որն սպասում էր նրա համազգեստին, տիտղոսին, շքանշաններին վայել լուծումի: Մի բոպե հետո ամբողջ քաղաքը կիմանա, թե ինչպես վարվեց սպան, երբ սկզբած ամբոխի գլխին ապտակի նման կախվեց «ամաթ» խոսքը, այո, ամբողջ քաղաքը կիմանա: Մի ժամից բոլոր թերթերը, մի օրից ամբողջ երկիրը կիմանա: Հիմա, առանց վայրկյան իսկ կորցնելու, լուսթյան մեջ, բոլորի աչքի առջև, հարյուրավոր աչքերի և ականջների համար պետք է վճռել, թե ինչ անի, պետք է ելք գտնել:

Ֆոն Շենաուն մոտեցավ լանդշտուրմիստին, որ կանգնել էր ձեռքը գլխին սեղմած, և պարզորոշ արտասանեց.

— Դուք լսեցի՞ք, թե ժողովուրդն ինչ անուն տվեց ծառայության նկատմամբ ձեր վերաբերմունքին: Լավ դաս էր: Գնացե՛ք:

Հետո շրջվեց և ամբոխը ճեղքելով, խրվելով նրա հավանության տվող աղմուկի մեջ, արագ, զսպանակաբայլ սահեց մայթով:

Նա գնում էր Մարիի մոտ:

Թվում էր, երեկոյան լույսերն աղոտացան, խամրեցին, պաղեցին, թե մարդիկ նայում էին նրան՝ Շամպանի հերոսին, դժգոհությամբ, և զինվորները պատիվ էին տալիս զուսպ, դժկամությամբ:

Նա ափսոսում էր, որ անմիտ տեսարան էր սարքել, ու զայրանում վիրավորանքի զգացումից: Նա չէր կարողանում ազատվել ականջների մեջ մնացած թնդածայն ճիշից՝ «Ամոթ», և չէր կարողանում մոռանալ այն պահը, երբ զգաց, որ այդ ճիշն իրեն էր վերաբերում: Իհարկե, դա այդպես չէր, այդպես չէր կարող լինել: Այն մարդը, որ բղավեց — ահ, միայն թե տեսներ նրա դեմքը, հետաքրքիր է ինչպիսի՞ն է,— ըստ էության նույն զգացումն էր ունեցել, ինչ-որ ինքը՝ օբերլեյտանանտը. այդպիսի զինվորը, այդպիսի լանդշտուրմիստը խայտառակում է բանակը: Ամո՞թ, ամո՞թ: Սակայն տե՛ր աստված, որքան տաղտկալի է այս փոքրիկ քաղաքի փողոցներում: Եվ որքա՛ն ձանձրալի, գորշ, տհաճ են այս բյուրգերները: Եթե Մարին չլիներ, նա ոչ մի ժամ այստեղ չէր մնա: Իսկ Մարիի հետ, Մարիի հետ լավ է:

Նա մտնում է Մարիի սենյակը, դուռը կամացուկ փակում ետևից և, նայելով խավարին, ասում է.

— Դուք զբաղված չե՞ք:

Մարին վեր է թռչում բազմոցից, շտապով ուղղում զգեստն ու լսում է: Խոտվահույզ խոսքեր են գալիս սեղմվում կոկորդում, սակայն դրանք արտասանելու ուժ չունի:

— Ինչպիսի հիմար պատմություն,— բացականչում է ֆոն Շենաուն և, զգուշորեն շոշափելով մթությունը, նստում է բազմոցի ծայրին: Նա պատմում է տխուր լանդշտուրմիստի մասին և այն մասին, որ բանակը բարոյալքվում է, կարգապահությունն ընկնում, որ ծուռթաթ և ծուռտան մորուքավորները նույնիսկ խոհարարության էլ պիտանի չեն:

— Սակայն չէ՞ որ հենց դա է Գերմանիան, — ընդհատեց նրան Մարին, և նրան թվաց, թե հանկարծ ամբողջ կահույքն ականջները սրեց, կանգնեց ոտքերի ծայրերին, զգուշացավ:

— Հը՛-մ... հը՛-մ... շատ հավանական է: Բ-բայց ես խոսում եմ բանակի մասին... Դա բոլորովին նույն բանը չէ: Երբ այդ անկյան իր շենք ու շնորհքը ցուցադրեց, ամբոխից մեկը բղավեց՝ «Ամո՛թ»:

— Դա զինվորի՞ն էր վերաբերում:

Մարկգրաֆը տեղից վեր թռավ, հայացքը զցեց գեպի դուռը. այն պինդ փակված էր: Այն ժամանակ նա ձեռքերը ծալեց կրծքին ու սկսեց քայլել սենյակում:

— Կարծեմ, քեզ հասկացա, ինչպես դու էիր ուզում: Սակայն մի՞թե կարծում ես, որ այդ դեպքում տեղնուտեղը չէի սպանի այն սրիկային, որ համարձակվեր ի դեմս ինձ վիրավորել...

— Օ՛-օ, իհարկե: Բնավ չեմ կասկածում: Չէ՞ որ սպան ուրիշ ելք չունի:

— Ուրիշ ելք... Ի դեպ, թողնենք: Դու այսօր վա՛տ տրամադրություն մեջ ես:

— Այո:

— Ափսոս...

Նա մոտեցավ բազմոցին, ձեռքերը մեկնեց գրկելու Մարին: Մարին կծկվեց անկյունում:

— Ափսոս: Ուզում էի քեզ հիշեցնել, որ պետք է շտապենք...

— Ինչո՞ւ «պետք է»:

— Մարի՛:

— Ներիր:

— Հանձնաժողովը գտավ, որ ես առողջ եմ: Նշանակում եմ ստացել արևելյան ռազմաճակատ:

— Այդ դեպքում ինչո՞ւ շտապել:

— Երկու տարի առաջ...

— Ահ, երկու տարի... Դեռևս երկու ժամ առաջ ես կարծում էի, թե դա անհրաժեշտ է:

Նա հանկարծ աղքատ գլուխը սեղմեց իր ձեռքերի մեջ:

— Մարի, ի՞նչ է պատահել երկու ժամ առաջ:

Հնարավոր էր արդյոք գիշերվա անկյուններում թանձրացած խավարի մեջ տեսնել, թե ինչպես Մարիի աչքերում տեղաշարժվեցին երկու վճիռների ցուրքերը: Խավարը դարձավ մթություն, տեսողությունը դրան հարմարվեց, սակայն հաղթահարել չկարողացավ, և հայացքը ձգվեց դեպի պատուհանը, որ սպիտակից էր տալիս խոր փողոցների միաձույլ լույսերից:

Մարին ենթարկվեց իր գլուխը սեղմած ձեռքերի շարժումներին, կամացուկ ծիծաղեց և այնպիսի ձայնով, որ հնազանդեցնում է տղամարդուն, ասաց.

— Հիմար: Ես ինքս էլ չգիտեմ, թե ինչու եմ այսքան գիժ:

— Ուրեմն ե՞րբ:

— Ոչ, ոչ: Ես միայն վերջին հարցիդ պատասխանեցի:

— Բայց ինձ ամեն օր կարող եմ բռնել:

— Մի՞թե միևնույն չէ, մատանին մատիդ կզնաս, թե առանց մատանու:

— Ինձ համար, հասկանո՞ւմ ես, Մարի, ինձ համար միևնույն չէ... Դե՞հ:

Մարին վեր կացավ: Յոն Շենաուն ձգվեց, ուզեց հասնել նրան, և հանկարծ հավասարակշռությունն ու ձիգ կեցվածքը կորցնելով, օբեր-լեյտենանտը մի կծիկի նման կախվեց բազմոցի ծայրից:

— Դե՞հ:

— Չեմ կարող:

— Մարի՛:

— Չեզ անհանգստացնում է անորոշությունը: Դուք անհարմար եք զգում ուրիշների մոտ:

— Ես քեզ սիրում եմ:

— Գիտեմ:

Լեյտենանտը վեր կացավ, նոր, ձիգ համազգեստը նրան շտկեց, նա գլուխը խոնարհեց.

— Տեսնում եմ, այսօր ձեզ հետ հնարավոր չէ խոսել: Ցտեսություն: — Դուք մոտ նա շրջվեց: — Գուցե դո՞ւք կգայիք Շենաու:

— Գուցե:

Եվ ահա Մարին կրկին մենակ է: Նրա ձեռքերը վեր են նետվում, ձգվում զխավերևում. նա կանգնում է ոտնաթաթե-

րի ծայրին՝ նուրբ, թեթև, անլսելի, և նրա շնչառութունը տա-
րածվում է խաղաղ, ներդաշնակ գիշերվա շրջուններին: Նա
պառկում է, նրան շրջապատում է մթության մեջ աննշմարի-
ւի, անխոս կահույքը, և սենյակը նրան տարօրինակ կերպով
նման է թվում Անդրեյի կացարանին...

Օրեր-լեյտենանտը գնում է կայարան: Շուրջն իրար են
հաջորդում հայացքներ, ժպիտներ և շնչոց, նրա կուրծքն
առաջվա պես կրում է առաջին և երկրորդ աստիճանի երկաթ-
յա խաչերը, սակայն նա մրսում է, սվինը խանգարում է, ընկ-
նում ոտքերի արանքը, շուրջը լույսերը աղոտ են և խղճուկ:
Նա տոմս է վերցնում մինչև կառույց և փնտրում դատարկ
կուպե:

Փ ա խ ու ս տ

Միջնաբերդը լուռ էր ու անառիկ: Նրա հին քարերը բոսո-
րագույն կապույտ էին, նեղլիկ շավիղով հիմքը բոլորող սալա-
քարերի արանքից դուրս էր գալիս բորբոսի և անկերի կանա-
չը. մարդկային ոտքն այդ սալաքարերը շէր կոխել:

Հնաոճ տնակները վախեցած իրենց պատուհանիկներն էին
չոռել միջնաբերդի վրա և ետ-ետ էին գնում, ընկրկում նրա
ճնշող մոայլութունից՝ առաջացնելով ընդարձակ օղածև մի
հրապարակ: Սակայն մարդիկ ընտելացել էին միջնաբերդին:
Մանուկ հասակում նրա մոտ արծիվ թե գիր էին խաղացել,
հիմքի աստիճանից իրար մեջքի էին բարձրանում, պատերի
հնագույն քարերը կեղտոտում կավճով և ներկերով: Այն ժա-
մանակ միջնաբերդում դրված էր քաղաքի կշեռքը, այնտեղ էին
խոտանոցները, և բոսորագույն-կապույտ ամրոցը նմանվում
էր արևի տակ տաքանալու համար կուշ եկած անատամ ծեր
արջի:

Պատերազմի ժամանակ միջնաբերդից կշեռքը վերցրին,
խոտը դուրս տարան, տանիքի տակի պատուհաններին վան-
դակներ դրեցին, մուտքի մոտ մի շերտավոր պահատնակ
սարքեցին, և նեղ շավղից մի տասը քայլ հեռավորությամբ,
ամրոցի շուրջ պարան քաշեցին: Սկզբնական շրջանում բի-
շոֆսներգիները խեթ-խեթ էին նայում իրենց ձեռնասուն
արջին, որ դարձել էր անմատչելի, մոայլ մի գաղան: Հետո

ընտելացան այն բանին, որ միջնաբերդի մոտերքը չի կարելի
քարշ գալ, որ ամեն վեց ժամը մեկ պահակատանը պահակ-
ները փոխվում են և որ վանդակապատ այդ տանիքի տակ
հանցագործներ են նստած: Ամրոցը դադարեցին նկատել:

Արևից խոնջացած մի օր, երբ կյանքը քարշ էր գալիս,
ինչպես դրոզը ավազոտ գետնի վրայով, հրապարակի գլխին
կախվեց երկարածիգ մի ոռնոց.

— Ա-ա-ա՛յ:

Անցորդները կանգ էին առնում, գլուխները շրջում, հոնքե-
րը վեր քաշում և դիմում իրենք իրենց.

— Այ քեզ բա՛ն: Սա ի՞նչ կարող է լինել:

Ոռնոցը կրկին ընկավ հրապարակի վրա, գլորվեց ահագոու
բամու նման:

— Ա-ա-ա՛յ:

Պարզ էր, որ ձայնը միջնաբերդից էր գալիս: Մի բյուրգեր
մայթից պոկվելով, ձեռքը բարձրացրեց ու բղափեց.

— Ահա՛, պատուհանում է:

Բոլոր գլուխները դարձան միջնաբերդի կողմը:

— Ո՛ւր է, ո՛ւր:

— Տանիքի տակ:

Մարդիկ անսպասելիորեն արագ հավաքվեցին: Դուրս էին
թռչում տներից, նետվում դեպի ամրոցը պատնեշող պարանը,
խմբվելով բազմութուն էին կազմում և մեկ-մեկ հեռանում՝
գլուխները ետ զցած, ձեռքերով արևից պաշտպանվելով,
առանց աչքները միջնաբերդի տանիքի տակ եղած պատուհա-
նից կտրելու:

— Ա-ա-ա՛յ: Ա-ա-ա՛յ:

Ջարդված ապակու միջով, վանդակից դուրս պրծավ մի
ձեռք: Մատները մեկ բացվում էին, մեկ կծկվում, բուռնցք
դառնում, և արևի տակ երևում էր ինչպես են քերծվածքներից
սպիտակ մաշկի վրայով հոսում արյան շիթերը. բուռնցքը
ճանկատված էր և կապույտ դինվորական մահուդից թևքը
պատռված կախվել էր արմունկի մոտ:

Վանդակի ետևից դուրս էր պրծնում շհանդարավող ոռ-
նոցը:

— Ա-ա-ա՛յ:

Բազմութեան մէջ մեկը ճանաչեց համազգեստի ծոպաւոր Սալապենն ու բղավեց.

— Գերմանական զինվոր է:

Եվ անմիջապէս գլխավերներին սկսեց ճախրել ու թեկըր Քարտացենը տագնապած խոսքը.

— Զինվոր է: Զինվոր: Գերմանական զինվոր:

Մեկի ականջ ծակող ճիշը, գրեթէ ծղրտոցը վեր թռավ մինչև միջնաբերդի տանիքը.

— Ի՞նչ է պատահել, ընկեր:

Սակայն ի պատասխան հրապարակում տարածվեց նորից Նույն հուսահատական ոտնոցը.

— Ա-ա-ա՛յ:

Անդրեյը կանգնել էր ամբոխից քիչ հեռու, առամները ակնմած, ամբողջ մարմնով վեր, դեպի միջնաբերդը ձգված, նրան թվում էր, թէ ոտնացող մարդուն մի ինչ-որ սարսափելի ուժ շարունակ ետ է քաշում պատուհանից, ձեռքը կառչում է օդից, լույսից, մերթ թաքնվելով վանդակապատի ետևում, մերթ դուրս սողոսկելով: Նա տեսավ մատներ, որ ամուր կառչել էին դուրս սողոսկած ձեռքի տակի վանդակից: Նա պարզորոշ տեսնում էր, կարծես նրա առաջ սլատը ետ քաշված լինէր, ինչպէս բանտարկված զինվորը աջ ձեռքով կախվել էր վանդակապատից և ձախ ձեռքով՝ ազատ ձեռքով որսում էր լույսն ու օդը պատի ետևում, ազատութեան մեջ: Հանկարծ նրան թվաց, թէ ինչ-որ մարդիկ կախվել են զինվորի ոտքերից, խփում են նրա մեջքին, ջանալով նրան վանդակապատից պոկել: Նա քիչ էր մնում բանտարկյալի հետ ոտնար հրապարակով մեկ:

Այդ պահին Անդրեյի հենց ականջի տակ լսվեցին կարճ, զնդուն հնչումներ.

— Bonjour, bonjour, bonjour!

Անդրեյը շրջվեց: Ցածրիկ կոտեւոկը մի փոքր բարձրացել էր կնճռոտ, զիմակի նման անշարժ դեմքի վրա:

— Monsieur Պե՛րսի:

— Այո, monsieur, ես եմ: Ինձ վճռեցին փակել այս պարկում:

Monsieur Պերսին մատը տնկեց միջնաբերդի կողմը:

— Ինչպէս երևում է, այնտեղ ուրախ է, — ավելացրեց նա ու աչքերը կկոցեց ամբողջ տանիքի տակ ոլորվող ձեռքի վրա:

Անդրեյը շուրջը նայեց: Monsieur Պերսիի կողքին բարացած կանգնած էին հրացանները բռնած երկու զինվոր: Բերանները բացած, նրանք նայում էին միջնաբերդին: Ամբոխի շփոթմունքը համակել էր նրանց, և ապշած, շփոթված, մոռացել էին իրենց պարտականութունը: Monsieur Պերսիի կողքին, ձեռքերը մեջքին դրած, երեքվում էր գործած բաճկոնակով մի մարդ: Բեղերի և մորուքի ճերմակավուն ստենները, որ վաղուց շէին սափրվել ու փայլփլում էին ճարսից, նրա ժպիտը դարձնում էին մեղմ ու քնքուշ: Ժպիտը ընդարձակվում էր, երանգ տալիս բաց գույնի աչքերին, բացում դեղին, մաշված առամները, ու հանկարծ մի կամացուկ ձայն Անդրեյի գեմքին քնքուշ ջերմութուն փչեց.

— Չե՞ք հիշում:

— Վարպետ Մայե՛ր: Դո՛ւք եք:

Վարպետ Մայերը Անդրեյի ձեռքը բռնեց ու կամացուկ թափահարեց՝ բարյացակամորեն, ինչպէս երեխայինը:

— Ոչ թե վարպետ Մայեր, — ասաց նա առաջվա սկսած կամացուկ, — այլ հայրենիքի թշնամի: Ի՞նչ արած: Ես միշտ էլ ասում էի, որ խոզութուն է տեղի ունենում: Ինձ մեղադրում են քաղաքականութեան մեջ: Գուցե քաղաքականութունը հենց այն է, որ ես դե՞մ եմ պատերազմին: Դուք ի՞նչ կասեք:

— Այդ ամենն ինչպե՞ս պատահեց, վարպետ: Դուք ինչպե՞ս այնտեղ հայտնվեցիք:

— Շատ պարզ: Բանն այն է, որ շուրջդ միայն խոզութուն է: Դուք ինչպե՞ս եք ապրում, սիրելի հերր Ստարցով:

— Ավելի լավ է ասեք Կուրտն ինչպե՞ս է:

Հրապարակի անհանգստութունը հանդարտվեց, սակայն բազմութունը չէր ցրվում: Բանտարկյալի ձեռքն անհայտացավ, վանդակապատի ետևի շարդված պատուհանը բացել էր սև դատարկ երախը, ողբն այլևս չէր լսվում: Ուղեկցող պահակները հանկարծ ուշքի եկան, և նրանցից մեկը, որ ավելի էրիտասարդ ու եռանդուն էր, բղավեց Անդրեյի վրա:

— Զխոսե՛լ:

— Ինչո՞ւ եք կանգ առել, — ասաց մյուսը monsieur Պերսիի արմունկը հրելով:

— Adieu, — ասաց սա, կոտեւոյնը բարձրացրեց, ու շարժվեց դեպի միջնաբերդը:

Վարպետ Մայերը հասցրեց Անդրեյին գլխով անել և ասաց.

— Հերր Վանը արդեն մի տարի է գերի է Ռուսաստանում: Հետո գինվորի նման քայլը շտկեց ու շարժվեց monsieur Պերսիի հետ ուս-ուսի: Ուղեկցող պահակները հրացաններն ավելի հարմար բռնեցին:

Անդրեյը տեսավ, թե նրանք ինչպես մոտեցան միջնաբերդի դարբասին, ինչպես կանգ առան պահակների մոտ: Դարբասի մեջ փորված ցածր, դանդաղ բացվող դռնակը կուլ տվեց monsieur Պերսիին, վարպետ Մայերին, գինվորներին: Դռնակը երկար ժամանակ չէր փակվում: Այնտեղից դուրս եկավ մի սպա, հատու քայլեց միջնաբերդը բոլորող շավղի սալաքարերի վրա, կանգ առավ բազմաթիւն առջև, մետաղյա մի քղափոցով մտրակեց նրան, ձեռքը բարձրացրած՝ ի նշան, որ ուզում է խոսել:

— Խնդրեմ ցրվիք: Առանձնապես ոչինչ չի պատահել: Բանտարկյալը հոգեկան հիվանդութուն է ստացել և ուղարկվեց հիվանդանոց:

Մարիի և Անդրեյի գլուխները խոնարհվել են ցած, կտր սեղանի վրա: Սեղանին փռված է Ուրբասի վիլլայի և հարևան կալվածների պլանը: Մարին մատիտը շարժում է պլանի վրա: Նրա մազերը խճճված փնջերով ընկել են պլանի վրա և գլխավերև կախված լամպի դեղին լույսը անցնում էր մազերի միջով ու տարածվում աղոտ բծերի ցանցի պես: Բծերը երբևէ չէին անդադրում և պլանի ներկված գծանկարի վրա, մատիտը մեկ անշարժանում է որևէ կետում, մեկ սողում կոտրտըված գծերով:

— Այստեղից մի քսան ռուպիի ճանապարհ է, — ասում է Մարին, — ու դուրս կգաս համար յոթ Անտառույին պահակակետը: Դրանից դեպի ձախ պետք է անցնել, դեպի արևմուտք, ճանապարհով:

— Սպասիր նշան:

Թղթի կտորի վրա Անդրեյը մի աղեղ է գծում ու հատում այն հաստ գծով:

— Դեպի արևմուտք: Հետո՞:

— Մի տասը ռուպից հետո աջ կողմից խանդակը կտեսնես: Դա հենց սահմանն է: Սակայն այդտեղ այն չի կարելի անցնել. միշտ մարդիկ կան: Դու գնում ես ուղիղ մինչև ճանապարհների խաչմերուկը, ահա տեսնում ես: Սա սահմանային պահակակետ է: Այստեղ մեր գինվորներն են: Եվ շարունակում ես՝ ուղիղ, ուղիղ: Այստեղ սահմանը ճանապարհից դեպի հյուսիս է շեղվում: Կարծում եմ, որ մի երեք քառորդ ժամից կարող ես շրջվել մտնել անտառը և սահմանն ահա այդտեղ անցնել: Ես գիտեմ, գյուղացիները միշտ այդտեղից են անցնում: Սա խուլ տեղ է, պետք է միայն որքան կարելի է զգույշ գնալ:

Անդրեյը վեր է կենում ու սկսում սենյակում քայլել: Երբ մոտենում է լամպին, երևում է, որ նրա դեմքը ճմլված է հոգսից:

— Մարի, ասա, ես ճի՞շտ եմ:

— Այո՞, դու իրավացի ես:

— Դու հասկանո՞ւմ ես, որ այստեղ ոչինչ չի կարելի անել:

— Հասկանում եմ:

— Այստեղ իմ ամեն մի քայլը կաշկանդված է: Ես ուղղակի ի վիճակի չեմ որևէ բան սկսել: Ես օտար եմ: Այլևս չեմ կարող առանց գործելու մնալ: Ես պետք է փախչեմ, պարտավոր եմ:

— Սակայն չե՞ որ դա արդեն վճռված է, Անդրեյ:

Նա նետվում է դեպի Մարին, նրան սեղմում կրծքին, նայում է աչքերին, ու նրա հայացքը ծանր է անվստահութունից ու ինչ-որ թախծալի վախից:

— Ինձ համար դժվար է բաժանվել: Այս աշխարհում առաջին անգամ հարազատ մարդ եմ գտել: Մարի, լսո՞ւմ ես՝ հարազատ, սիրելի: Վախենում եմ, որ եթե քեզ թողնեմ, դու կմտածես...

— Կոիր:

— Բայց չեմ կարող այլևս մնալ այս միջնաբերդում: Ինձ խեղդում են մարդիկ, մարդկանց ձայները, նույնիսկ մարդկանց բարին...

— Վճուժած է, Անգրեյ: Վճուժած է: Զէ՞ որ հետո մենք
կհանդիպենք:

— Այո՞, այո՞:

Նրանք կրկին խոնարհվում են սեզանին, գրկախառնված,
և մատները շարժում պլանի վրա: Հետո Անգրեյն ասում է.

— Հիմա Կո՞ւրտն ինչպես է: Նրեկ շատ բան է զգացել,
ապրել: Կարծում եմ, որ փոխված պիտի լինի:

— Հավանաբար, — պատասխանում է Մարին, — գառե-
լով քո պատմածներից, նա լավ տգա է...

— Ուրեմն վճուժած է, — կրկին հարցնում է Անգրեյը:

— Վճուժած է...

Որքան լավ է հիշողության մեջ վերակենդանացել ուսում-
նասիրած ճանապարհների և արահետների չորաքանայնոր
ալորանը, պատմել անտառի պահակների, ժայռերի, սոճիների
մասին, որոնք պետք է հանդիպեն Անգրեյին:

Մարտոսյանը սարսափ է պատում Մարինին, երբ թվար-
կում է Բոհեմիայի՝ սահմանից մինչև Ռեյխենբերգ ձգվող կի-
սակայարանները: Կարծես մի նոր շարություն է մտահոգացել
մանկության իր ուրախ քնկերների հետ: Կարծես պետի կա-
խարդված գանձի որոնումներն սկսեն: Կարծես հոր առանձ-
նասնյակից գողանում են Ուրբախ վիլլայի և հարևան կալ-
վածների պլանները: Կյանքում ինչո՞վ կարելի է փոխարինել
այն քաղցր հուզմունքը, որ գաղտնիքն է պատճառում...

Սակայն մութ սանդուղքին, մանածի նմանվող սենյակով
այդ անհեթեթ, հին տնից հեռանալուց առաջ, Մարին հենվում
է խոնավ, զով պատին: Պետք է թողնել սառչեն շրթունքները,
որոնց վրա դեռ պահպանվում է համբյուրների համը: Պետք է
թողնել, որ սիրտը խաղաղվի, հանգստանա: Պետք է իր հա-
մար մեկընդմիշտ որոշել, թե ինչո՞ւ, ինչո՞ւ հենց հիմա, երբ
նոր միայն սերը եկավ, երբ դեռ չի բթացել նրա առաջին ան-
տանելի ցավը, ինչո՞ւ է Անգրեյը հիմա փախչում:

Անտառային համար ? պահակակետի մոտ օրորվելով ման
են գալիս հաստախաղիպ բաղբրը: Անգրեյը նրանց զլղացող
կոկոնցը շատ ավելի վաղ լսեց, քան արահետի ծայրին երևաց
պահակակետի դարչնագույն պահատնակը: Որքան խորանում
էր լեռների մեջ, այնքան նրա լսողությունը սրվում էր: Նա

առաջ անտառի աղմուկը գիտեր որպես անընդհատ գլորվող
և միաձուլյ աղմուկ: Հիմա այն մասնատվում էր անհամար
թվով աղմուկների: Կեղևի ճաքոցը, ճյուղի ընկնելը՝ վրան
հասած թռչունի ծանրաթյունից, սոճու հասունացած կոճերի
չրթոցը, շորացած, հին ծառաբների ճոճոցն ու հառաչները,
չփռես էլ ինչ շատ նուրբ խշխշոցներ դարձել էին պարզորոշ և
հեշեղ, ասես նրանցից յուրաքանչյուրը հնչում էր խորին լուռ-
թյան մեջ: Հսողությունը ասես բացում էր ծառերի, քարերի և
թփերի ծածկոցները, և Անգրեյը տեսնում էր այն, ինչ փակ էր
նրա աչքերի համար: Նրա դեմքը հանգիստ էր: Քայլում էր
համաչափ, ծանրորեն, ինչպես քաղաքից աուծ վերադարձող
գյուղացի: Մեջքին զցած տանում էր միայն քաթանն պայու-
սակը և ձեռքին մի փայտ կար:

Փոքրիկ երեխային խեամբող աղջիկը կանգնած էր սրահա-
անակի դռան մոտ: Նա աչքերը կփոցեց, ետայնով անցորդին,
ոտքից գլուխ շարժեց նրան աչքափոխ մի հայացքով, ինչպես
նայում են մարդուն ամայի, խուլ վայրերում, և կնոջ նման
երեխային հարմար դիրքով գրկեց:

— Բարի օր, — ասաց աղջիկը:

— Բարի օր, — պատասխանեց Անգրեյը և դարձավ ձախ,
բայցև հարթեցրած ուղիղ ճանապարհով:

Քառորդ ժամից նրա ակամային հասավ երգհնչիկի հաղա-
ցող հառաչը: Անգրեյն իրեն սափազեց առաջվա պես համաչափ
և ծանր քայլել: Նա շփտեր, թե իրեն ինչ է սպասում խաչմե-
րակում, որին մոտենում էր, սակայն մի բանի գիշեր արդեն
բնում էր այն մտքով, որ փախուստի ժամանակ պետք է
միշտ հանգստությունը ընդունել ամեն մի անակնկալ:

— Պետք է պատրաստ լինել, պատրաստ լինել, — կրկնում
էր նա մտքում, համառորեն գետնի մեջ խրելով հաստ, շճալ-
վող կոշկատակերը:

Մտերի ետեր երևաց լանդշտրաֆիստի գորշագույն դեմ-
քը: Հետո կարմրավուն ծառաբների ֆունի վրա հայտնվեց ու
ամբողջ հասակով որոշակիորեն երևաց հսկայամարմին տա-
հակը՝ հրացանը ոտքերի մոտ: Մյուս գիծովորք նստել էր հարթ
սղոցված կոճղի վրա, դենքը կողքի ծառին հենած:

Անգրեյի առաջը կտրող ճանապարհին, սրածը խփած սև
մազերավոր, կոշտ գեղադրված թռչունի մոտ երգհնչիկի

կանթն էր պատում կույր ծերուկը: Երգեհոնիկը ուզողով էր Գերմանիայի կողմը, իսկ նրա փայտե ոտքը հենվել էր Ավստրիայի պետական հողին: Դա օրենքի շատ հուզիչ շրջանցում էր, որն արգելում էր Սաքսոնիայում ողորմություն մուրալը, անողոք կարգի դեմ աղքատների բողոքարկությունը: Մեր ողջախոհ և ազնիվ հայրենասերը չի ժպտա, լսելով երախտապարտ Վիեննայի կողմից թեթևամտորեն կատարվող Երգը: Թեթևամտությունից բացի, ի՞նչ կարելի է սպասել այդ անհոգ Վիեննայից: Քանի որ Վիեննան չի խախտում ուրիշների սովորություններն ու օրենքները, այն հաճելի է և սիրելի:

Անդրեյը կանգ առավ երգեհոնիկ նվագողի մոտ: Նայում էր անտարբերությունից բթացած նրա դեմքին, ճաղատ գանգին, որ փայլվում էր կլոր արևի նման, կիպ փակված ցնցրվող կոպերին: Սակայն սահմանապահ զինվորը, որ կանգնած էր տեսադաշտից դուրս, նրա հիշողության մեջ ավելի մոտր և մանրամասն տպավորվեց, քան երգեհոնիկ նվագողը, չնայած ուշադիր նայում էր վերջինիս: Նա չէր կարող ասել, թե այդ զինվորի դեմքն ինչպիսին էր, ձեռքերն ինչպիսին էին: Դա սահմանապահ զինվոր էր, որ բարձր կանգնել էր փախըստականից երկու քայլ հեռավորության վրա: Անդրեյը չէր տեսնում ոչ նրա հայացքը, ոչ շարժումները, սակայն նրան կճանաչեր հազարավոր ուրիշ, երբեք չտեսած զինվորների մեջ: Մի՞թե կարելի է մոռանալ այն մարդուն, որի ձեռքին է եղել ճակատագիրդ:

Անդրեյը գրպանից հանեց դրամապանակը, վերցրեց մի պղնձագրամ, դանդաղ մոտեցավ սյանը, դրամը գցեց զդակի մեջ, որ շրջած գրված էր երգեհոնիկի վրա, ու ետ դարձավ: Թոուցիկ մի հայացք նետեց կոճղին նստած մյուս զինվորին: Առաջ նրան չէր նայել, բայց գիտեր, որ զինվորը ոչ մի շարժում չարեց, մինչ ինքը դիտում էր երգեհոնիկ նվագողին: Նա այնպիսի զգացում ուներ, ասես մեջքով էլ էր տեսնում:

Առանց ոչ մեկին դիմելու նա ասաց.

— Բարի օր:

Եվ շարունակեց ճամփան:

Ետևից հասավ ծանր մի ձայն.

— Բարի օր:

Հասկացավ, որ կոճղին նստած զինվորն էր պատասխանել:

Եվ հանկարծ ուրախ, անզուսպ և ծիծաղելի մի քայլերգ ձգիաց նրա ետևից՝ դեմ առնելով ծառերին ու ետ թռչելով քարերից:

Նա քայլերը փոխեց, և երաժշտությանը համաքայլ արագ և ազատ առաջ շարժվեց:

Ճամփի եզրից ձգվող ոչ խոր փոսը, որ մամուռով ու հավամբու թփերով էր ծածկվել, կամաց-կամաց դեպի աջ էր թեքվում, շարունակ ավելի ու ավելի խորանալով անտառում: Ծամփան մտնում էր լեռան տակ, թեթև և ուղիղ: Շուրջը խաղաղ էր, օդը՝ թափանցիկ: Երեք քառորդ ժամ հետո Անդրեյը, առանց շուրջը նայելու, դեպի աջ շրջվեց, և խիտ սոճիներք նրան ծածկեցին:

Նա գիտեր, որ ավստրիական կողմից սահմանապահ պահակախումբը հանված է: Տեղը միշտ զգուշանում է ծառայից, իսկ ծառան ինչու պիտի տիրոջից զգուշանա: Ծառայի շահերն ինքնին ոտնահարված են այն իրավիճակով, որ ստեղծել է տերեր և ծառաներ:

Անդրեյի անցած սահմանից մինչև երկաթուղու մոտակա կայարանը վեց կիլոմետրից ավելի չէր լինի: Անդրեյի ծրագիրը շատ պարզ էր: Նա պատրաստվում էր անցնել Պրագա, այնտեղից՝ Զլաչբուրգ և Ինսբրուկ, հետո՝ ոտքով մինչև Ղվեյցարական սահմանը: Այդպիսի ճանապարհորդության համար մի բան էր պետք՝ վճռականություն: Այն Անդրեյի մեջ կուտակվել էր երկու տարվա ընթացքում, և վերջինս իրեն արդեն ազատ էր զգում կայարանի շինությունները մոտենալիս:

Նա տոմս վերցրեց մինչև Ռեյխենբուրգ: Վազոնում ազատ էր, դնացքը քարշ էր գալիս դժվարություններ, ինչպես բոլոր մերձքաղաքային գնացքները, որ գառամում են անընդհատ կարճ, ճանձրացրած տեղամասում թափառելուց: Պատուհաններից ներս էր փչում կայտառ, նախաիրիկնային քամին, Անդրեյի ականջին հասնող բառերը հնչում էին նոր ձևով, տարօրինակ կերպով միաձուլվելով ինչ-որ հարազատ, գրեթե միանգամայն հասկանալի մի բանի հետ:

Եվ մարդիկ թվում էին զարմանալի մոտ, այնքան պարզ ու հասկանալի, որ նրանց մտքերը թափանցում էին փրշոտ հոնքերի միջով: Եվ նրանց ամենափոքր շարժումներն իսկ տար-

օրինակ կերպով աչքի էին ընկնում կոպիտ, մի տեսակ անշնորհք պարզութիամբ:

Ահա հնաձև խուզված մազերով գյուղացին նստեց պատուհանի մոտ և թաշկինակով սրբեց թեք, սպիտակ ճակատի քրքրտինքը: Ահա պարզամիտ տեսքով հորանչեց աննշմարելի հիվանդ ծերուկը: Ահա կուպեի դուռը բացեց և ներս մտավ ամբակազմ, խստատես մի տղամարդ, որի խոր աչքերը շեշտակի և ծակող հայացք ունեին: Նրա մեջ մի շիտակ և պատվարժան բան կար: Նա մոտեցավ Անդրեյին: Ուզում է հավանաբար նստել Անդրեյի կողքի նստարանին, սակայն աչքը չի կտրում վերջինիս երեսից. դրանք, այդ աչքերը թերևս իրոք սարսափելի են, նրանք վանում են: Ինչպիսի գոռոզ և շարագուշակ հայացք: Այս մարդն ուրիշ տեսակի է, ուրիշ ոսկորներ ունի, նա անմատչելի է ու դաժան: Վտանգ, Անդրեյ, վտանգ: Անդրեյն ամեն վայրկյան պատրաստ է ամեն տեսակի անակնկալի, նա վաղօրոք գիտեր, թե ինչպես և ընդունելու անակնկալը, երբ այն դեմհանդիման կանգնի իր առաջ: Սակայն մի՞թե այսքան վաղ, այսքան անողորմ կերպով վաղ և հեշտութիամբ:

— Ձեր փաստաթղթե՞րը:

— Փաստաթղթե՞րը: Ես վերադառնում եմ տուն, Ռեյխենբերգ: Գնացել էի մինչև կայարան...

— Ձեզ հետ ոչ մի փաստաթուղթ չունե՞ք:

— Հետո չունեմ, մոռացել եմ: Ռեյխենբերգում ձեզ համար դժվար չի լինի պարզել...

— Ինձ համար ընդհանրապես ոչինչ դժվար չէ: Ես իմ պարտքն եմ կատարում:

Իրան մեջ երկու բարձրասակ զինվորներ են հայտնվում: Նրանք նիհար են, բարակոտն, նեղլիկ փոկերով ձգված: Երբ-թունքները սեղմված են փոկերի պես: Ամբակազմ մարդը աչքերը Անդրեյից դարձնում է զինվորներին և շարունակում առաջ գնալ վագոնում:

Վե՛րջ:

Մի՞թե այսքան շուտ, այսքան անողորբար շուտ և հեշտութիամբ:

Օ, ո՛չ: Անդրեյը սահմանը չի անցել: Երբքը այն նույն մարդիկ են, որոնց ձայներից ու ծիծաղից էր փախչում. պինդ, մարմնի յուրաքանչյուր մասնիկը ողողող թանձրություն: Նա

կարող է ձեռքերը մեկնել, գլուխը շրջել կամ պատին հենվել: Սակայն ուսերը շտկել, որպեսզի ամբողջ կրծքով շունչ քաշի, չի կարող: Այն փոքրիկ խողովակը, որի միջով նրան թույլ են տվել շնչել, ավելի է երկարել, օդը նրա միջով ավելի դանդաղ է առաջ մղվում, և կուրծքն ստիպված է ամբողջ ուժով աշխատել: Ո՛չ, սրանք այն նույն մարդիկ են, նույն երկիրը, որտեղ ամեն ինչ անփոփոխ է և հաստատուն, ինչպես հողի մեջ խրած և ցեմենտով պնդացրած երկաթաձողը՝ Գերմանիա:

Ի դեպ, պետք է ավելի ճշգրիտ մտածել և ընդհանրացումների գալթակողությունը շենթարկվել այնտեղ, ուր ընդհանրացումներն իրենք իրենց են մեջտեղ գալիս: Խելքի մոտ բա՛ն է արդյոք, որ Գերմանիայում տեղի ունենան այնպիսի բաներ, ինչպիսին էր այն, ինչ Անդրեյին սպասվում էր Ռեյխենբերգի կայարանում:

Անդրեյին գնացքից իջեցրին և տարան կայարան: Աղմուկի և իրարանցման մեջ երկար ժամանակ փնտրում էին ռազմական պարետին: Գտան միայն նրա օգնականին, որ պատրաստվում էր քաղաք գնալ: Վճռվեց, որ ուշ ժամի սլատճառով գնացքում բռնած մարդու հարցաքննությունը հետաձգեն մինչև առավոտ: Կայարանի բանտարկյալների սենյակը զբաղեցված էր գերիներով, և մի ժամ կորավ, մինչև տեղ գտան նոր բանտարկյալի համար: Տեղ գտան մաքսատան պակհաուզում, կայարանից ոչ հեռու:

Դա մի փոքր սենյակ էր, ցածլիկ տան մեջ, որի պատուհանը նայում էր նոսր, խղճուկ պարտեզին:

Բանտարկյալին փակեցին կախովի կողպեքով, և պահակը հրաման ստացավ հսկել պատուհանը այգու կողմից:

Մութ և մեղմ գիշեր էր, ինչպես լինում է միայն օգոստոսին, երբ հասունանում են ցորենը, ու խնձորենիները ճյուղակոտոր են լինում հասած պտուղների ծանրությունից: Լայն պատուհանի մեջ երևում էր պահակի անշարժ սապատը, սակայն նրա ետևում բոսորագույն էին դարձել նշանասյան լույսերով լուսավորված ծառերի կատարները. ծառերի գլխին, սև անդունդում դողում էին պղտոր աստղերը. նրանց փայլը աղտոտացել էր դեռևս գետնին շնստած ծխի և փոշու ամպից:

Պահակը երկար ժամանակ կանգնել էր անշարժ: Հետո սկսեց պատուհանի առջև ետ ու առաջ քայլել: Կայարանի աղ-

մուկը հանդարտվեց, և զինվորի քայլերը պարզ լսվում էին: Աստիճանաբար դրանք դարձան համաշափ, խլանալով և դադարելով, երբ զինվորը հասնում էր իր սահմանած երթուղու վերջին, և դառնալով հնչեղ, երբ անցնում էր պատուհանի մոտով:

Անդրեյը ձեռքով շոշափեց շրջանակը: Այն անձայն բացվեց: Հավանաբար պատուհանը վաղուց բաց էր մնացել: Նա գլուխը դուրս հանեց և նայեց զինվորին: Վերջինս հեռանում էր մինչև տան անկյունը, պատուհանից մի տասնհինգ քայլ, և, նայելով անկյունից, որտեղից լսվում էին կայարանի աղմուկները, ետ էր դառնում: Անդրեյը պատուհանը ծածկեց, թողեց որ պահակն անցնի և կրկին դուրս նայեց: Դեպի աջ, մինչև տան ծայրը, տասը քայլից ավելի չէր լինի, և դեպի պարտեզ թփուտածածկ մի թմբիկ էր ձգվում:

Անդրեյը մի անգամ էլ ականջ դրեց զինվորի քայլերին: Կարևորն այն էր, որ նա շարժումների մեթոդականությունը չխախտի: Այնուհետև պետք է օգտվեր այն կարճ պահից, երբ պահակը նայում էր կայարանին: Ուրիշ բան չկար նախատեսելու: Պատահականությունը կարող էր նույն հաջողություններ և՛ փրկել, և՛ կործանել:

Այն փրկեց:

Անդրեյը պատուհանը բացեց, երբ զինվորը մի հինգ քայլ հեռացավ դեպի երթուղու վերջը: Անդրեյը նստեց լուսամուտագոգին, կամացուկ ցած սահեց փորի վրա և ցած կախվեց ձեռքերով կառչած: Մնում էր միայն հաշվել թուխքի պահը, որ պետք է համընկներ պահակի վերջին քայլերից մեկին: Թուխքը դժվար չէր լինի, մինչև գետին կես մետրից ավելի չէր: Եվ հանկարծ շոգեբարձի ականջ ծակող մի սուլոց լավեց պատուհանին մոտ ինչ-որ տեղից, սուլոցը վեր խոյացավ ու տարածվեց գիշերվա մեջ:

Անդրեյը ձեռքերը թողեց, ընկավ գետնին ու նետվեց թփուտների մութ խորքը: Դրանց այրվածքները սոսկալի էին, հարվածների և ճանկավածքների ցավը՝ դաժան, սակայն երկաթը միայն կարող էր կանգնեցնել այդ վազը:

Սուլոցը դեռևս խլացնում էր այդ շրջանը՝ փոթորկի պես շամփրող և ընկճող սուլոց: Եվ երբ նրա արձագանքները տեղավորվեցին գիշերվա անտեսանելի գաղտնարաններում, Անդ-

րեյն արդեն երկաթուղային թմբին հարող հսկայական պարպուտում էր: Նա վազելով կտրեց այն ու քայլեց երկաթուղու պատտառի երկարությունը...

Իհարկե, դա, ուր Անդրեյն ընկել էր, ուրիշ երկիր էր՝ սրբտաբաց, անդուրաշարժ, մտերիմ, զրեթե հարազատ մարդկանց երկիրը...

Սակայն այդ երկրում փախչելը ավելի հեշտ և անվտանգ չէր, քան որևէ այլ երկրում: Եվ հետո, մի՞թե ընդհանրապես հեշտ ու անվտանգ բան է փախչելը: Փախուստներ հերոսներն են անում, իսկ հերոսներն այնքան քիչ են այս աշխարհում: Փախչելը հեշտ է ծանոթ ճանապարհներով: Անծանոթ ճանապարհները դժվար են ու դաժան:

Անդրեյն այս երկրում միայն մի ճանապարհ գիտեր՝ այն ճանապարհը, որ նրան այստեղ բերեց: Եվ նա այդ ճանապարհով ետ վազեց դեպի սահմանը:

Օբեր-լեյտենանտ Ֆոն ցուր Մյուլեն-Շենաուն դարձրեցում սովորել էր օրագիր վարել: Նա սովորել էր ամեն օր մի քանի խոսք գրել իր տետրերում, որ հետո իրար վրա շարում էր պահարանում, որտեղ պահվում էին գովասանագրերը, նվիրագրերը և կանաչ ֆոլիանտը՝ «Փոն ցուր Մյուլեն-Շենաուն տիրակալ մարկգրաֆների զինանիշագիտություն ու տոհմագրական ծառը»:

Օբեր-լեյտենանտը նոր տետրը բացեց այսպիսի դրանցումով.

«Դարձյալ հրաժեշտ եմ տալիս պենատներին: Անցյալի մեջ անհաղթահարելի մի ուժ կա: Ականջ եմ դնում իրերի լուռությանը: Այն ինձ համար ավելի հստականալի է, քան հրամանատարի հրամանը: Համոզված եմ, որ շուտ չեմ մահանա: Ինձ վիճակված է ինձնով փակել մեր տոհմը: Այն պետք է քայքայվի: Ես նրա քայքայման ենթակա վերջին հյուսվածքն եմ: Ինձ պետք է բազկաթոռի մեջ նստեցրած ման տան, կերակրեն, լվանան, մինչև որ լրիվ քայքայվեմ-վերջանամ: Ճակատագիրը դիտմամբ օգնեց իմ պապին հարստանալու: Տոհմը, որ այն ժամանակ դեռ բազմանդամ էր, դատապարտ-

ված է աստիճանական մահացման: Պապիս հարստութիւնն ինձ հնարավորութիւն կտա կենդանի-կենդանի փտել: Ես հարուստ եմ ճիշտ այնքան, որպեսզի ոչինչ չխանգարի իմ միայնակ մահվանը, որպեսզի ես մահանամ ավերակների, անցյալի լուսթյան մեջ, ինչպես խորհրդանշան: Այդ է նախասահմանված տոհմին: Մահացու վերքը, որ ստացա Շամպանում, մահացու ամեն մի ուրիշ մարդու համար, ինձ համար միայն ծանր եղավ: Սակայն այդ վերքը բավական է, որպեսզի կյանքիս վերջում ապուշ դառնամ: Ես կլինեմ ապուշ, անտոք, զազրելի, ինձ ման կտան բազկաթոռի մեջ: Իրերն են այդ կամենում: Գարավոր իրերը, որ սնուցել են իմ տոհմը, կտեսնեն և նրա վերջը:

Այս օրերս դարձյալ ռազմաճակատ եմ մեկնում: Այն միտքը, որ իմ մահվանը պետք է նայեն հարազատ պատերը, հոգիս անվախութեամբ է լցնում: Համոզված եմ, որ պատերազմն իմ կյանքին վտանգ չի սղառնում: Իսկ այդ համոզվածութիւնը տանջալիորեն տխուր է:

Այսօր, ուշ երեկոյան պուրակում զբոսնելիս հանդիպեցի մի մարդու, որ ճանապարհն էր փնտրում: Երբ ինձ նկատեց, փորձեց թաքնվել ծառերի ետևը, սակայն ես հասա նրան: Նա տանջված տեսք ունի, հալվանաբար մի քանի օր արդեն փախստական է: Պահանջեցի, որպեսզի հայտնի իր անունը: Նա ասաց, որ գերի է և այլևս ոչինչ չի ասի: Այդ մարդուն փակել եմ մեր գերեզմանոցում: Թող ուշքի գա: Առավոտյան կհարցաքննեմ: Հավանաբար խոշոր թռչուն է»:

Անդրեյն արթնացավ ցրտից, ասես նրան հանկարծ սառցածակն էին մտցրել: Նա դժվարութեամբ ձեռքերը դուրս քաշեց գլխի տակից: Ամբողջապես փայտացած էր, ինչպես ծառից պլոկված կեղևը: Այն պահից, որ նրան զցեցին նկուղը, քարն սալիկների վրա, նա քնեց գիտակցութիւնը կորցրածի նման: Արթնանալով, սկսեց շոշափել սալիկները: Դրանք հարթ մակերեսով խորանում էին մթութեան մեջ: Նա սողաց այս ու այն կողմ, մերթ ձեռքերն առաջ մեկնելով, մերթ բարձրացնելով գլխավերևը: Հետո տեղից վեր կացավ: Չեռքերը դիպան քարին: Ուղղանկյուն սալիկները, որոնցով պատած էր հատակը, վերևից կախված էին թեք կամարի նման:

Անդրեյը ձեռքերով մի քանի կտրուկ շարժումներ արեց, որպեսզի տաքանա:

Ետևում անհասկանալի աղմուկ լսվեց: Նա դադարեց շարժվել և ակնք դրեց: Թնդյունը մոտենում էր համաշափ, ասես հեռվում հսկայական քարեր էին գլորվում: Հանկարծ այն դադարեց, մթութեան մեջ խուլ արձագանքներ արձակելով: Ծանր, հատու քայլերը, որ փոխարինեցին թնդյունին, լեցին Անդրեյին շատ մոտ: Ապա որոտաց ժանգոտած երկաթը, հին ժամացույցի նման զնգզնգաց փականքը, և կայծակնաման լույսը ծակեց Անդրեյի աչքերը: Ցածր ձայնից առաջացած թնդյունի նոր ալիքի միջով Անդրեյը լսեց հետևյալ խոսքերը.

— Խնդրե՛մ, պարոն:

Նա փայտացած ոտքերը դժվարութեամբ ծալեց, ելավ բարձր աստիճանին: Երիտասարդ զինվորը, որ նման էր սպասյակի, մինչև արմունկները ծալած թեքերով և փափուկ տուֆլիները հագին, Անդրեյին երկար միջանցքներով ու սանդուղքներով բերեց խաղաղ ու կիսամութ սրահները, որտեղ կախված էին զենքեր, նկարներ, ասպետական հանդերձանք: Հետո բախեց մի ցածրիկ դուռ և բարձրաձայն հարցրեց.

— Կհրամայե՞ք ներս բերել:

Անդրեյը կանգ առավ մի ընդարձակ սենյակում, գրասեղանի առջև, որի վրա լցված էին շրջանակներ և ապակե մանր-մունր զարդարանքների ամբողջ մի կույտ: Շուրջը լորը նկարներ էին կախված, ինչպես թանգարաններում, երեքը չորս շարք, սպիտակ պատերի երկայնութեամբ ձգվող երկաթե ձողերի վրա:

Օբեր-լեյտենանտը համազգեստի մեջ ձգված նստել էր սեղանի առջև, դեմքը դեպի դուռը դարձրած:

— Դու կարող ես գնալ,— ասաց նա սպասյակին:

Հետո բաց գույնի լայն բացված աչքերով տնտղեց Անդրեյին:

— Հիմա դուք հանգստացել եք,— ասաց նա ժպտալով,— ու թերևս ձեր մասին ավելի մանրամասն պատմեք:

Անդրեյը ուսերը թոթվեց:

— Կարծում եմ,— շարունակեց օբեր-լեյտենանտը,— որ

այս տանը ձեր հանդեպ ցուցաբերված հյուրընկալութիւնը պարտավորեցնում է ձեզ որոշ շափով սիրալիր լինել:

— Այս տան հյուրընկալութիւնը, — բացականչեց Անդրեյը: — Դուք հավանաբար ուզում էիք ասել նկուղի՞ հյուրընկալութիւնը:

— Պետք է ինձ ներքե այդ փոքրիկ խորամանկութիւնը: Այն առաջացավ ձեր ներկայութիւնն այստեղ, այսպես ասած, ավելի երկարաձգելու և հաստատուն դարձնելու ցանկութիւնեից:

— Ես չէի կամենա ձեզ նեղութիւն տալ իմ ներկայութեամբ, — ասաց Անդրեյը սկեռուն նայելով օբեր-լեյտենանտին: Պետք էր ստիպել նրան, որ խոսելու եղանակը փոխի: Այլապես հնարավոր չէր լինի նրա մտադրութիւնները հասկանալ:

— Ասենք, ես անհանգստանալու բան չունեմ, — ասաց Անդրեյը, գլուխը դեպի պատը թեքելով, — հյուրընկալութիւնը հատուկ է միայն վայրենիներին: Ես եթե ցանկանայի էլ, ձեզնից ժամանակ չէի կարող խլել:

Օբեր-լեյտենանտը հոնքերը շարժեց և սեղմեց միշտ քիչ կիսաբաց շրթունքները: Սակայն իսկույն էլ նախկին ժպիտը հարթեց նրա դեմքը: Նա իրեն թարմացած և առողջ էր զգում: Օրն անամպ էր: Արևն արդեն բարձրացել էր ծառերի գլխին և մեղմիկ տաքացնում էր բաց պատուհանից: Սպիրտայրոցով արճամանը կլթկլթում էր օբեր-լեյտենանտից քիչ հեռու դրած կլոր սեղանին:

— Հը՛մ, ես երեկոյան արդեն նկատեցի, որ դուք ներծրծված եք վիճելու թույնով: Հավանաբար ձեռնարկութեան ծախողվելու՞ կապակցութեամբ: Սակայն պետք է ձեր մասին ավելի մանրամասն տեղեկութիւններ տաք ձեր իսկ շահերից ելնելով:

— Դուք հարցուփորձ եք անում հետաքրքրասիրութիւնից, — ասաց Անդրեյը, — միևնույն է, ոչինչ չի փոխվելու. իմ բախտը կորոշի ուրիշ որևէ մեկը:

— Ահա բանն էլ հենց այդ է, — բացականչեց օբեր-լեյտենանտը, ասես ուրախանալով, որ խոսակցութիւնը դարձավ ամենազլխավոր նյութի շուրջ: — Ո՞վ պետք է որոշի ձեր բախտը, բանն էլ հենց այդ է: Ուրեմն, ես ձեզ հարցուփորձ

եմ անում ըստ էութեան, ոչ թե հետաքրքրասիրութիւնից... Այդ ի՞նչ եք նայում:

— Նկար, — ասաց Անդրեյը:

— Ինձնից է կախված, թե ձեր բախտն ինչպես կորոշվի, — ստանորեն ասաց օբեր-լեյտենանտը:

— Ինչպե՞ս թե:

— Ինչպե՞ս, — սպառնալից կրկնեց օբեր-լեյտենանտը և սկսեց ազդեցիկ կերպով խոսքերը երկարաձգել: — Ես կարող եմ ձեզ հանձնել իշխանութեանը որպես փախստական ռազմագերու կամ լրտեսի: Դուք ինձ միամիտ մարդ չեք թվում: Փախստականն ու լրտեսը ելակետային նրբերանգներ են, այնպես չէ՞: Դա՛ առաջինը: Երկրորդ՝ ես կարող եմ ձեզ հանձնել ռազմական կամ քաղաքացիական իշխանութիւններին: Դուք տարբերութիւն զգո՞ւմ եք: Ի՞նչ եք այդպես նայում:

— Ես այս նկարը գիտեմ:

— Դուք չեք կարող այդ նկարը տեսած լինել, — բղավեց օբեր-լեյտենանտը: — Խնդրեմ նայեցեք ինձ, երբ ձեզ հետ խոսում եմ:

Անդրեյը հայացքը նրան ուղղեց:

— Ես ճանաչում եմ այդ նկարչին:

— Դուք չեք կարող ճանաչել ոչ այդ նկարչին, ոչ էլ այդ նկարը, — բղավեց օբեր-լեյտենանտը և ձեռքը խփեց սեղանին: — Ես ձեզ շատ լավ եմ հասկանում: Ինձ չեք կարող խաբել: Հաջող բան չընտրեցիք. այդ նկարչին միայն ես եմ ճանաչում:

— Նրա անունը Կուրտ Վան է, — կամացուկ ասաց Անդրեյը:

Օբեր-լեյտենանտը տեղից վեր թռավ և սեղանի վրայով կախվեց դեպի Անդրեյը:

— Կուրտն այս նկարի վրա էր աշխատում պատերազմն սկսվելուց ամիջապես առաջ: Կարծում եմ, որ նա այն չի ավարտել:

— Դուք ծանոթ եք Կուրտ Վանին, — հարցրեց օբեր-լեյտենանտը, և նրա շրթունքները բացվեցին մի տեսակ երեխայանման:

— Ես շաբաթներով նրա ձեզնահարկում էի լինում: Մենք բարեկամներ էինք:

Օբեր-լեյտենանտը ուշքի եկավ զարմանքից:

— Նստեցեք խնդրեմ,— ասաց նա, ցույց տալով կաշվե բարձր աթոռը և ինքը նստելով իր տեղը:

— Կուրտը պատրաստվում էր այս նկարը նվիրել Նյուրընբերգի մագիստրատին: Այն ինչպե՞ս ձեր ձեռքն ընկավ:

Օբեր-լեյտենանտը լռեց և նայեց նկարին:

— Տարօրինակ է,— ասաց Անդրեյը,— երկրորդ դեպքն է հիշեցնում ինձ Կուրտին այն բանից հետո, երբ երկու տարի ոչինչ չեմ լսել նրա մասին:

— Դուք գիտե՞ք նրան ինչ է պատահել:

— Նա գերի է ընկել, Ռուսաստանում է:

Օբեր-լեյտենանտը վեր կացավ և երկու մեծ քայլ արեց դեպի պատուհանը: Հետո, շրջվելով, կամացուկ հարցրեց:

— Իսկ դուք ոտ՞ու եք:

— Այո:

— Դուք բարեկամներ էիք,— ասաց օբեր-լեյտենանտը, ինչ-որ բան մտածելով,— և ճակատագիրը ձեզ բաժանեց: Դա տխուր բան է: Մենք հարգում ենք բարեկամությունը: Այդ զգացումը մեզ մոտ զարգացած է: Եվ թախծի զգացումը:

Նա շրջվեց, նայեց Անդրեյին, նայեց Կուրտի նկարին, մոտեցավ սեղանին և անսպասելիորեն սիրալիք առաջարկեց.

— Մի գավաթ սուրճ կուղե՞ք: Ես շատ անսիրալիք էի, մոռացա հարցնել քաղցած չե՞ք արդյոք: Դուք շատ հոգնատանջ տեսք ունեք: Դուք, հավանաբար... վաղո՞ւց եք փախել:

— Ես կուշտ եմ,— ասաց Ստարցովն ու նստեց աթոռին,— բայց վաղուց չեմ խմել, և սուրճն ինձ կտաքացնի: Մինչև հիմա չեմ կարողանում տաքանալ:

Օբեր-լեյտենանտը սուրճ լցրեց գավաթը, որին դեռ ձեռք չէր տվել, և առաջարկեց.

— Պանիր վերցրեք:

«Խմորեղեն, խնդրեմ, խմորեղեն անուշ արեք»,— հիշեց Անդրեյը երկտակ ծալվող, ժպտուն Դիտրիխին: Նա մի մեծ կում սուրճ կուլ տվեց և շունչը պահեց, զգալով, ինչպես տաք հեղուկը տարածվում է մարմնի մեջ, ցավեցնելու աստիճան այրելով իր ճամփան:

Օբեր-լեյտենանտը քայլում էր պատուհանից մինչև պատը և խոսում.

— Ես վանին մեծ տաղանդի տեր եմ համարում: Նա հաստատակամ է, համառ, անողոք իր նկատմամբ: Նրա յուրաքանչյուր նոր նկարը մի քայլ առաջ է: Եվ վճռել եմ դրանք հավաքել ու հետո միանգամից Գերմանիային ցույց տալ գերմանական նոր նկարչին: Ծիշտ է, նրա վրա չափազանց ուժեղ են ազդել ֆրանսիացիները:

— Կավ ազդեցություն է,— միջամտեց Անդրեյը:

— Գերմանացիներին դա քայքայում է,— ասաց օբեր-լեյտենանտը:— Մեղ հատուկ է միայն թեման: Այդ երևում է մեր գրականությունից, ինչպես նաև մեր արդյունաբերությունից: Մենք մշակում ենք միայն միտքը: Ֆրանսիացիները հրապուրվում են ձևերով: Դա գալիացիների էությունն է: Նրանք կարողանում են մանևրել, սակայն հարձակում կազմակերպել կամ նույնիսկ նահանջել չգիտեն: Նրանց հեղափոխությունները դարձել են դասական: Իսկ ի՞նչ դարձավ Ֆրանսիան այդ դասական հեղափոխությունների հետևանքով: Իրավազուրկ օլիգարխիա: Ֆրանսիացիների հեղափոխությունը մանևր է, ձև: Ֆրանսիացիները կարող են ունենալ Սեզան, սակայն երբեք չեն ունենա Բյուկլին:

— Բյուկլին,— բացականչեց Անդրեյը, կոկորդը բռնելով:— Բյուկլին: Սակայն չէ՞ որ դա խայտառակություն է:

— Համաձայն եմ, որ նա վատ նկարիչ է: Ես նրա մասին խոսում եմ որպես թեմայի լավագույն արտահայտչի: Ոչ մեկը չի կարողանում նրա նման դիտողի առաջ մեկնել միտքը:

— Այդ բանն ավելի լավ անում է Կլինգերը,— ասաց Անդրեյը,— և սակայն դա նրան չի խանգարում Բյուկլինից ավելի ապաշնորհ լինել:

— Մինչդեռ այդ նույն ունակությունը Լենրախին հանձարեղ է դարձնում,— բղավեց օբեր-լեյտենանտը:

Նա խոսում էր և մի ձեռքով կտրուկ շարժումով բացել էր համազգեստի բարձր օձիքը, որպեսզի գլուխն ավելի հարմար կարողանա շրջել նկարից դեպի Անդրեյը:

— Ես խորապես համոզված եմ ազգային բնավորությունների այս հիմնական տարբերության մեջ: Ուստի ասում եմ, որ ֆրանսիացիները կարող են վնասել Կուրտ Վանին, ոչ թե օգնել: Իր թեմայի համար նա պետք է գտնի սեփական ձևեր, և ոչ թե դրանք ընդօրինակի ֆրանսիացիներից: Նա իր ճա-

նապարհն ունի: Նայեցեք ահա, այս պատին ամբողջ նրա սուխատանքներն են:

Օրեր-լեյտենանտը նետվեց դեպի նկարները, վերցրեց հղկված ցուցափայտը և ինչպես դպրոցում սկսեց բացատրել Կուրտ Վանի նկարելու եղանակը՝ մի կտավից մյուսն անցնելով: Նա Անդրեյին ստիպեց մոտենալ նկարներին և ձեռքից բռնած ման էր տալիս սենյակում, որպեսզի իր որևէ միտքը ակնառու ցուցադրի գեղանկարչական պատկերում:

Հետո նստել էր մի քիչ հոգնած և մտախոհ, ձեռքերը սեղանին մեկնած և նայելով դրանց դանդաղասահ հայացքով:

— Կուրտ Վանն ինձ չէր հասկանում,— ասաց նա տխրորեն:— Նրան թվում էր, թե խանգարում եմ իր փառքին: Նա համոզված էր, որ իր նկարները զուր կորչում են մեր գյուղակում: Ես նրան գրում էի, որ հասարակությանը չի կարելի գրգռել հաճախակի հայտնվելով: Նկարչի յուրաքանչյուր հայտնությունը պետք է անակնկալ լինի: Նա չէր հավատում իմ անկեղծությանը: Սա ճակատագրական բան է:

Օրեր-լեյտենանտը դարձյալ մտասուզվեց:

— Ճակատագրական է,— արտասանեց նա կամացուկ,— քանի որ իմ նկատմամբ նրա անվստահությունը բնազդային էր: Մենք տարբեր էություն մարդիկ ենք:

Նա փորձող հայացքով նայեց Անդրեյին:

— Դուք նրա բարեկամն եք: Ուստի դուք էլ ինձ չեք վրստահում:

Անդրեյն ուզում էր մի բան ասել, սակայն օրեր-լեյտենանտը գլուխը շարժեց և աչքերը փակեց:

— Դա մեր կարողությունից վեր է: Երբեմն ես նախանձում եմ այնպիսի մարդկանց, ինչպես Վանն է կամ գուցեև դուք: Նրանք իրենց հորից այն կողմ ոչ մեկին չեն ճանաչում: Միայնակ մարդիկ են: Երևի նրանց համար շատ հեշտ է: Նրանք միշտ վճռում են իրենց փոխարեն, միայն իրենց փոխարեն: Իսկ այնպիսիների փոխարեն, ինչպես մենք ենք, ամեն ինչ վաղուց արդեն վճռված է պապերի, պապի պապերի, պատմության կողմից:

Օրեր-լեյտենանտը ձեռքերը շփեց, ասես լվանալիս լիներ:

— Պետք է վերջացնել,— ասաց նա:— Ես կարող եմ թեթևացնել ձեզ վիճակը: Զեզ հետ փաստաթղթեր չունե՞ք:

Անդրեյը կողքի գրպանից հանեց չորս տակ ծավլած մի գեղին թերթիկ: Դա միակ թուղթն էր, որ վերցրել էր հետք: Օրեր-լեյտենանտը այն բացեց:

Շտապուստ
Բիշոֆսբերգ

ՎԱՍՅԱԿԱՆ

Ռուսական հպատակ պարոն Անդրեյ Ստարցովին, ծնված 17/IX—
1890 թ., թույլատրված է 1916 թ. օգոստոսի 23-ին գրոսնել Լաուշում:

Շտապուստ

Ոստիկանապետ-Նախագահ:

— Դուք չեք կարող գանգատվել, թե ձեր նկատմամբ անմարդկային վերաբերմունք է եղել,— ժպտալով ասաց օրեր-լեյտենանտը:— Ուրեմն ինչո՞ւ ձեր զբոսանքն այդպես ձգձգվեց: Ո՞ւր էիք ամբողջ երեք օր: Փորձում էիք փախչել:

Օրեր-լեյտենանտը ծիծաղեց:

— Ավստրիայով դեպի հայրենի՞ք: Հա՛-հա՛: Ես ձեզնից շուտ կընկնեմ Ռուսաստան. շուտով ինձ ուղղամաճակատ են ուղարկում:

Նա կրկին լռեց, հենվելով բազկաթոռի թիկնակին և նայելով Անդրեյին:

— Ուզո՞ւմ եք ձեզ փրկեմ,— հարցրեց աչքերը կկոցելով:

Անդրեյը հանկարծ հիշեց Մարիի հետ անցկացրած վերջին ժամը, մեղմ, լուռ մթության մեջ թաքնված սենյակում: Այդպիսի ժամի, երբ չկա ոչինչ, բացի զգացողությունից, երբ ամբողջ աշխարհն ամփոփված է մարդկային շերմության մեջ, այդպիսի ժամի նա սպասում էր ամբողջ կյանքում: Եվ հիմա, կրկին հայտնվելով Մարիին շատ մոտ, ինչպե՞ս նրան շտեմնել, չհպվել նրա դեմքին:

— Օգնեցեք ինձ,— ասաց նա դողացող ձայնով,— եթե հնարավոր է: Ես ամաչում եմ այս տղայական պատմությունից:

— Է՛հ, ինչո՞ւ,— ծիծաղեց օրեր-լեյտենանտը,— դա հերոսական պոթկում է:

Նա վերցրեց գրիչն ու սրածայր տառերով մի քանի խոսք գծեց թղթին:

Հավաստում եմ, որ աստական հոգատակ Բաղաճախի Անդրեյ Ստարցովը գտնվել է անգիտակից վիճակում ցուր Մյուլեն-Շենաու ամբոցի մոտ և առողջության բուլուրջան պատճառով ինձ մաս պահվել է երեք օր, որի հետևանքով և չի կարողացել ներկայանալ հարկ եղած իշխանությանը:

Օրեր-լեյտենանտ
Հոն ցուր Մյուլեն-Շենաու:

Նա թուղթը տվեց Անդրեյին, և հրաժեշտ տալիս ձեռքը սպահեց:

— Հստ էություն ես պարտավոր էի ձեզ հանձնել իշխանությանը: Ես իմ պարտքը խախտեցի: Դուք գիտե՞ք, թե ինչ կնշանակի, երբ գերմանացին իր պարտքը չի կատարում: Ցտեսություն:

Նա դանգը տվեց և հրամայեց սպասյակին:

— Պարոն Ստարցովին ուղեկցիր մինչև կայարանի ճակատը:

Մեկնելու օրը օրեր-լեյտենանտը գրանցեց:

«Երեկ անսպասելի կերպով եկավ Մարին: Ես զարմացել էի, տեսնելով նրա կենսուրախությունը, և ասացի այդ նրան: Նա շարունակ ինչ-որ բանի համար ինձ շնորհակալություն էր հայտում, նույնիսկ այն բանից հետո, երբ նրան հայտնեցի, որ մեկնում եմ: Այդպես էլ շհասկացա, թե բանն ինչ է: Զբոսնեցինք պուրակում, և նա դարձյալ, ինչպես մի ժամանակ, ցատ էր խոսում մեր ապագայի մասին: Ես ավստում էի նրան բաց թողնել: Սակայն նա շտապում էր և վերադարձավ ետ գնացող գնացքով: Այսօր հրաժեշտ էի տալիս նկարներիս և օգնում էի դրանք ծածկոցների մեջ դնել»:

Եվ զճ օրեր-լեյտենանտ: Նա ծածկոցների մեջ էր դնում իր նկարներն ու շգիտեր, թե դրանք երկա՞ր են արդյոք մնալու ծածկված: Նա նայում էր Մարիի ուրախությունից ճառագայթող աչքերին ու շէր հասկանում, թե նա ինչու է իրեն շնորհակալ:

Իսկ եթե հանկարծ նրան ասեինք, թե Մարին ինչպես արձագանքեց Անդրեյի պատմությանը այն սպայի մասին, որն այդպես արագացրեց նրանց հանդիպումը:

— Ցուր Մյուլեն-Շենաու՛, — կրկնեց Մարին Անդրեյի

ասածը: — Այո, լսել եմ: Նա մեր հարևանն է: Բայց ես նրան չեմ ճանաչում...:

Ի՞նչ կլինեք, եթե այդ խոսքերը հաղորդեինք:

Մի՞թե այդ դեպքում էլ մեր վեպը ստիպված պիտի լինեք հաղթահարել նահանջների խոր փոսերն ու պատերազմի շուրջ ասված երկարաբանությունների մոռյլ անապատները:

Գ Լ Ո Ւ Ն

Ի Ն Ը Լ Ա Ր Յ Ո Ւ Ր Տ Ա Ս Ն Յ Ո Պ Թ Վ Ա Վ Ա Ն Ի
Մ Ա Ս Ի Ն

Ում Գ Կ ատի ու Գ Ե Գ Ե ր ա լ - ֆ Ե լ ղ մ ար շ ա լ
ֆ Ո Գ Լ Ի Գ Ե Գ Ե ր ու ր Գ Ս

Այս տունը բարեբախտ էր:

Այն շէր կարող բարեբախտ չլինել: Նրա պատուհանները արևի տակ այնպես էին վառվում, ասես ոչ թե ապակիներից, այլ բազմանիստ բյուրեղապակիներից լինեին: Այն շափավոր գորշ էր, որովհետև ցեմենտապատ էր, շափավոր վարդագույն, որովհետև ցեմենտին սուսը էր խառնված, շափավոր սպիտակ, որովհետև ճակատամասի ցցուն մասերը և ծեփանկարները մաքուր սվաղված էին:

Այդ տունը՝ հարյուրավոր վառվող պատուհաններով, տաճարի մոտքի նման ծանր դռնով, որ ծածկված էր աղյուսեկարմրագույն կղմինդրի հարթ թեփուկներով, այդ տունը շափավոր հաճելի էր:

Ամեն մի շափավոր հաճելի տուն, հարկավ, բարեբախտ է Ինչպես մարդը, երբ կանգնած է իր տեղում, փողկապը կապած, բազկակալներով, հարթուկած շալվարով, կանոնավոր սանրված մազերով, նոր կոշիկներով և պատեհհաժամ ժպիտք դնալին:

Այսպես էր այս տունը:

Տունը կանգնած էր այն տեղում, որտեղից սկսվում էր Բիսմարկի ծառուղին, հենց այն տեղում, որ նրան դրել էր շտադուրատը և որտեղ կամեցել էր տեսնել նրա ճակատամասը Գերմանիայի միակ քաղաքային իրավասու հրեա հերթ Օտտո-Մոզես-Միլլեր: Այն տեղում, որի մոտով ամեն կիրառ

կի, կեսօրից հետո՝ շորս անց կեսին, Բիշոֆսբերգ քաղաքի ամենապատվարժան բյուրգերներն էին անցնում, դիմելով դեպի Յոթ լճակների հիանալի պուրակը՝ ռազմական կապել-լայի երեկոյան համերգը լսելու:

Ամենապատվարժան բյուրգերներն անցնում էին շափավոր հաճելի տան մոտով, և ամեն կիրակի, կեսօրից հետո՝ շորս անց կեսին, աչքները հառում էին աղյուսե կարմրագույն կղմինդրի թեփուկին, որտեղից նայում էին շափավոր խոշոր տառերը՝

Քաղաքային իրավասու
Օտտո-Մոգես-Միլխի
ա ն վ ա ն
Քաղաքային վիրաբուժական
Ռիվանդանոց

Եվ այն ժամանակ բյուրգերները՝ այցազգեստ, բաց գույնի ժիլետ, կոտեղով հագած, կիպ փակված հովանոցները ձեռքերին, սկսում էին խոսել, որ համաշխարհային պատերազմում հաղթողը կլինի նա, ում նյարդերը ավելի ամուր են, ինչպես իրավամբ ասել է գեներալ-ֆելդմարշալ ֆոն Հինդենբուրգը:

— Սակայն սպասեցեք, հերր ասիստենտ, մենք խոսակցությամբ տարվեցինք և քայլում ենք այն ճանապարհով, որտեղ միայն հեծանիվով կարելի է անցնել:

— Ախ, այո, հերր հոֆրատ, դուք միանգամայն իրավացի եք:

Եվ նրանք ետ էին դառնում ու թեքվում ոտքով գնացողների ճանապարհը: Բիսմարկի ծառուղին բաժանվում էր երեք թևի, իսկ ամեն թևի սկզբում ամուր սյունների վրա կախված էին ցուցանակներ.

- Միայն Ռեծանիվների Ռամար
- Միայն Ռեաիոտների Ռամար
- Միայն Ռեծյալների Ռամար

Այդ ընկնում էր հենց ծառուղու սկզբին, մանր քարերով ծածկված արահետի դիմացը, որ նետի նման ձգվում էր դեպի վիրաբուժական հիվանդանոցը: Եվ երեք ամուր սյունների ընկերակցում էին ոչ պակաս ամուր երկաթե ձողերը, որոնց վրա փակցված էին տախտակներ հետևյալ մակագրություներով.

- Արգելվում է թուղթ և սրգերի կճեպներ թափօփել
- Ծներին ման տալ միայն պարանով կապած
- Երեխաների հետ զբոսնող դայակներին արգելվում է ցտեղ ցատարաններին
- Ծյուղչորը չկոտրտել Տերևները չսոկել
- Ծավիղները հովանոցներով և փայտերով չփոփրել
- Հեծանվորդներ, արագությունը 12 կիլոմետրից ոչ ավելի
- Հեծյալներ, Ընթանալ միայն քայլով և մանր վարգով:

Եվ ապա ևս մի քանի շատ մանր գրված հայտարարություններ՝ պարագրաֆներով, կետերով, հաստ տպատառերով, շեղատառերով: Դրանց տակ շտաղտրատների, ոստիկանապետ-նախազահի, բույսերի պաշտպանության միության ստորագրությունները:

Բյուրգերները այցնող գետներով, կիպ փակված հովանոցները ձեռքերին, քայլում էին հետիոտների ճամփով և խոսում այն մասին, թե համաշխարհային պատերազմում հաղթանակողը կլինի նա, ում նյարդերն ավելի ամուր են:

Հավասար, կլոր, շրջած սուրճի գավաթների նման լորենիները, միանման շորս շարք կազմելով, լցվում էին Յոթ կճակների կապտավուն պուրակը: Չափավոր հաճելի, իր պատուհանների բազմանիստ բյուրեղապակիներով շողում էր ցեմենտապատ տունը: Բյուրգերները քայլում էին հետիոտների շավղով, գնդի համհարզը մանր վարզով անցավ հեծյալների ճանապարհով, հեծյալների խճուղով ժամում տասներկու կիլոմետր արագությամբ անցավ Օտտո-Մոզես-Միլխի անվան վիրաբուժական հիվանդանոցի ավագ օրդինատորը:

Թաղմական կապելլայի երեկոյան համերգը լսելու գնացող բյուրգերների առջևից քայլում են նրանց կանայք՝ փաթեթներն ու պայուսակները ձեռքներին: Փաթեթների և պայուսակների մեջ դրված են կուխեններ և թխվածք, որ կուտվեն սուրճի հետ՝ Շումանի և Մոցարտի երաժշտության տակ:

Այդպես էր մի տարի առաջ, այդպես էր երեք տարի առաջ, այդպես էր տասը տարի առաջ և հավանաբար այդպես էր նաև քառասուն տարի առաջ, երբ ի պատիվ իշխան Բիսմարկի՝ շորս շարք լորենիներ տնկեցին:

Աշխարհը հաստատուն է, աշխարհն ամուր է, և ծերուկ Արքիմեդը մեծ կատակասեր էր իր լծակով հանդերձ, որով կարելի է շուռ տալ ամբողջ երկիրը:

Ում նկատի ուներ գեներալ-ֆելդմարշալ ֆոն Հինդենբուրգը, երբ խոսում էր նյարդերի մասին:

Բյուրգերները այցազգեստներով, կիպ ուլորված հովանոցները ձեռքերին, քայլելով Բիսմարկի ծառուղով, հիշում էին միանգամից տասը կանոն, որոնցից կամովին և դիտակցարար պայմանավորել էին այս ծառուղում իրենց գտնվելը: Այն եթե մեկը մոռանում է որևէ կանոն.

Հովանոցներով և փայտերով շավիղները
մի փոփոք

մյուսը հիշեցնում է այդ:

— Հերր քարտուղար, ես հասկանում եմ, որ Ռուսաստանում հեղափոխություն է, սակայն ինչպե՞ս կարելի է թույլ տալ, որ միևիստրներին բանտ նստեցնեն:

Ի՞նչ նկատի ունեք գեներալ-ֆելդմարշալ ֆոն Հինդենբուրգը:

Աշխարհը հաստատուն է, աշխարհն ամուր է, աշխարհը բարեհաջող է:

Սակայն բյուրգերների առջևից քայլում են նրանց կանայք: Փաթեթների, պայուսակների մեջ նրանք դեռ երեք տարի առաջ տանում էին վեստֆալյան ապուխտով բուտերբրոդներ, հարած սերուցքով նուշի պիրոժնիներ և ամենանուրբ սալյամին, որ ապուշի մեկն անվանել էր խտալական: Դեռևս երկու տարի առաջ կարելի էր լսել Մոցարտին, երաժշտությունը ըմպելով քաղցր սուրճով, ուտելով փխրուն շտրիչկել-կուխեն: Եվ մի տարի, ընդամենը մի տարի առաջ ջո առատ հացաբաժնին կարող էիր ուզածիդ պես իսկական մրգեղենի մարմելազ քսել:

Սակայն այդ մասին կաշելի է խոսել միայն հին բարեկամների հետ: Եվ խոսել կամացուկ, շատ կամաց, որպեսզի չլսեն նույնիսկ ամուսինները, որպեսզի ոչ ոք, ոչ ոք չլսի: Ահա այսպես, շշուկով.

- Ֆրաու էյզենբոկ, դուք լսե՞լ եք:
- Ի՞նչ, ֆրաու Բուշ:
- Այն ծաղկել է...
- Ծաղկե՞լ է:
- Այո:
- Ե՞րբ:
- Ես երեկ իմացա:
- Դա հաստատ է:
- Այո, ֆրաու Բուշ:
- Ասում են այն շեր ծաղկել քառասունհինգ տարի:
- Այդ մասին է խոսում ամբողջ քաղաքը: Դուք գիտե՞ք նրա պատմությունը: Նա շորս հարյուր տարեկանից ավելի է: Այն ժամանակ Աննաբերգում ապրում էր մի ծերունի իր որդու հետ: Որդին անառակի մեկն էր: Նա հասել էր այն աստիճանին, որ ասում էր, թե աստված չկա: Հայրը վճռեց ապացուցել, որ աստված կա: Վիճում էին երկու տարի շարունակ:

նակ: վերջապես հայրն ասաց. ես մի մատուցալ լորենի կվերց-
նեմ ու կտնկեմ արմատները դեպի վեր, եթե կալի՝ աստված
կա: Այդպես էլ արեց: Եվ լորենին կալավ ու սկսեց աճել ար-
մատները դեպի վեր՝ վեր ու վեր, և դարձավ այնպիսին, որ
իրմով ծածկեց Աննաբերդի ամբողջ հին գերեզմանատունը:
Վերջին անգամ այն ծաղկել էր յոթնասուունմեկ թվականին:

— Ուրեմն շուտով:

— Սո՛ւս-սու...

— Ֆրաու էյզենբուկ, դուք ի՞նչ սանրվածք եք անում:

— Իհարկե, բոլորովին հարթ:

— Ուրեմն ա՛յդ էլ ճիշտ է:

— Սո՛ւս-սու: Վերջերս թատրոնում էի և ցած նայեցի:

գրեթե բոլոր կանայք այդպես էին սանրված:

— Ես էլ նույնը տեսա եկեղեցում:

— Սակայն երբ բոլորը, բոլորը մինչև վերջինը, ամբողջ
Գերմանիայում:

— Միայն ա՛յն ժամանակ, ֆրաու էյզենբուկ:

— Միայն այդ ժամանակ, ֆրաու Բուշ: Եվ չմոռանա՞ք՝
բոլորովին հարթ և մեջտեղը մազաբաժանով:

— Այո՛, այո՛, մեջտեղը մազաբաժանով:

Այդպես բյուրգերների առջևից քայլում են նրանց կանայք,
կիրակի օրերը, կեսօրից հետո՝ շորսն անց կեսին, Բիսմարկի
ծառուղիով դիմելով դեպի Յոթ լճակների պուրակը:

Գուցե բյուրգերները չգիտե՞ն այն ամենը, ինչ նրանց կա-
նայք գիտեն:

Սակայն ո՛չ, աշխարհն ամուր է, աշխարհը հաստատուն է,
և ծերուկ Արքիմեդը՝ պարզասլես կատակասեր:

Նայեցե՛ք, նայեցե՛ք, բյուրգերներ՝ այցաղգեստ հագած,
կիպ ոլորած հովանոցներով բյուրգերներ, նայեցե՛ք, թե որ-
քան չափավոր հաճելի է ցեմենտապատ տունը:

Այդ տունը բարեբախտ է, այն չի կարող բարեբախտ չլի-
նել, չի կարող, իրավունք չունի, չի համարձակվի խանգարել
այն կանոնները, որ նրա համար մեկընդմիշտ հաստատել են
ժողովրդական առողջության միևնույնը, շտադտրատը, ավագ
բժիշկն ու մյուս պատշաճ օրինական իշխանավորները:

Ձի համարձակվի:

Ի դեպ, հանգստացեք: Ում նկատի ունե՞ր գեներալ-ֆելդ-

մարշալ ֆոն Հինդենբուրգը, երբ ասաց, որ համաշխարհային
պատերազմում հաղթող կլինի նա, ում նյարդերն ավելի
ամուր են:

Բյուրգերների առջևից քայլում են նրանց կանայք:

— Սո՛ւս-սու:

Նամակը գրում էր երիասարդ հիվանդապահուհին: Նրա
ձեռքերը դողում էին, նա իրեն հաշիվ չէր տալիս, թե ինչ է
անում, չէր տեսնում, թե ինչ է գրում, միայն ցնցվում էր
այն ճիշից, որ կախված էր հիվանդասենյակում և ձախ ձեռ-
քով անդադար զգուշորեն, երկյուղածությամբ թեթևակի խը-
փում էր վիրավորի շիկացած այտին, վախենալով աչքերը
նրան դարձնել:

Եվ հիվանդապահուհին գրում էր, որ վիրավորի կինը գա
նրան տեսնելու, և նշում քաղաքը, որտեղ վիրավորը պառ-
կած էր, հիվանդանոցի անունն ու հիվանդանոցակի համա-
րը: Այդ ամենն արեց հիվանդապահուհին, որպեսզի չլի ճի-
շը, արեց ճիշից խելակորուս, մոռանալով հրահանգների,
կանոնների, բացատրությունների և հրամանների պարագրաֆ-
ները, կետերը, հաստ տպատառերը և շեղատառերը:

Եվ կինը եկավ:

Եկավ երեկոյան, ներս մտավ դռնից, որի վրա փակցված
էր պարզորոշ մակագրությամբ տախտակը.

Կողմնակի մարդկանց մուտքն
արգելվում է

անցավ ինչ-որ սանդուղքներ՝ մութ, լուսավոր և կիսամութ,
ու հայտնվեց հերթապահ քրոջ սենյակում: Եվ քանի որ բույրը
կատարում էր այն պարագրաֆը, համաձայն որի պետք է
բացակայեր սենյակից, կինը միջանցք դուրս եկավ:

Այստեղ նրան կուրացրեց մաքուր բետոնե հատակը, սպի-
տակեցրած պատերի և բազմանիստ բյուրեղապակու նման
շողացող անթիվ ալպակինների լույսը: Նրա համար ավելի
հեշտ էր ամբողջ միջանցքի միջով նայել պատուհանից դուրս,
որտեղ երևում էին երկինքն ու լորենիների կլոր կատարները:
Եվ նա նայում էր այնտեղ ու շտեմավ, թե ով իրեն ցույց տվեց

այն հիվանդասենյակը, ուր ամուսինն էր պառկած: Նա լսեց միայն, որ մարդու ձեռքը երբ բարձրացավ, որպեսզի ճանապարհը ցույց տա, զնգաց ու շիկաց, ինչպես ավտոմատը՝ մեջը մետաղադրամ գցելիս: Եվ նա միջանցքով նետվեց այն կողմը, ուր ցույց տվեց ձեռքը:

Կնոջը հանդիպեցին պատգարակ տանող սանիտարներ: Նրանց հետևից արագ քայլում էին սպիտակ հագած մարդիկ, ձուլվելով բետոնի, պատերի և առաստաղի լույսին:

Կինը լսեց, ինչպես նախ բարձրաձայն ասացին, ապա բղավեցին.

— Դուք ո՞ւր եք գնում:

— Ո՞ւր եք գնում:

Եվ հետո կարծես նակ՝

— Է՛յ, ետ դարձե՛ք:

Սակայն նա արդեն անհետացավ դռան հետևում, որ փնտրում էր, իսկ սպիտակ հագած, բետոնի, պատերի և առաստաղի լույսի մեջ ձուլված մարդիկ առաջ էին սլանում պատգարակի հետևից:

Դա առաջին կինն էր, որ պատերազմի ընթացքում տեսակցություն ունեցավ ամուսնու հետ շափավոր-հաճելի տանը, որը չէր կարող բարեբախտ չլինել:

Նա կանգ առավ դռան մոտ:

Հիվանդասենյակը մեծ շերտ Երկու մասնակալ դրված էին պատերի տակ՝ աջից և ձախից: Պատուհանը նրանց միջև փայլում էր խստաբարո և նոր, իսկ պատուհանից դուրս, շատ հեռվում երևում էր երկինքը՝ պատուհանից ավելի պղտոր և թախծալի, և ամպերը՝ սպիտակեցրած պատերից գորշ:

Ձախ մասնակալին վերմակի տակից դուրս էր նայում ալլանդակ պեպենոտ, կանաչադեղնավուն, սեխի նման մի դեմք: Աչքերը փակ էին և հոնքի բարակ անգույն անկյունը վեր ու վար էր թռչում ճակատին:

Աջ մասնակալի բարձին սևին էր տալիս լայն, կլոր ծոծրակը: Այն անշարժ էր:

Կինը բղավեց.

— Ալբե՛րտ:

Այն ժամանակ սեխի նման դեմքը ջղաձգվեց, աչքերը բացեց և հոնքերը շարժեց արագ ու դժվարությամբ, ասես անե-

րես ճանճից պատվելով, Հետո շարժեց թրթուրանման ճաք՝ ճրքած շուրթերը:

— Չի լսում: Նա խուլ է:

Եվ հապաղելով, ափսոսանքով լի մի հառաչ.

— Ինչպե՞ս է... հը, ձեռք կարծիքով... մարդու բերանը...

Սակայն կինը, աչքերը չկտրելով կլոր ծոծրակից, կրկին բղավեց.

— Ալբե՛րտ:

Կնոջ մարմինը օրորվեց դեպի առաջ, իսկ ոտքերը, ասես բետոնին պտուտակված, մնացին տեղում, և մի պահ նա կանգնած մնաց առաջ հակված, ինչպես պինդ կապված մարդը, որին բռնում են: Սակայն ոտքերն իսկույն պոկվեցին ու սահեցին բետոնի վրայով՝ առաջ, մարմնի հետևից, որ նետվում էր դեպի մասճակալը:

— Ալբե՛րտ:

Կլոր, լայն, սև ծոծրակը դանդաղ սահեց բարձի մեջ, և նրա տեղը, ինչպես պտտվող շրջապատների մեջ՝ հրկայ դեմքը:

— Ալբե՛րտ, Ալբե՛րտ, Ալբե՛րտ, Ալբե՛րտ, Ալբե՛րտ:

Կնոջ առջև թափառում էին աչքերը՝ առանց բիբերի, սև-կապտավուն, բարակ կապտավուն երակներով, ինչպես հնությունից ճաքճքած արծնապատ պնակը: Բացված, կլոր, աչքերը թափառում էին, նման երեխայի աչքերի, որը դեռ չի սովորել տեսնել, պատրաստ է ահա ուր որ է բռնելու հարկավոր կետն ու կանգ առնելու, որպեսզի տեսնի:

Կինը ձեռքերով բռնեց ամուսնու գլուխն ու ճշաց.

— Ալբե՛րտ: Դու ինձ տեսնո՞ւմ ես, տեսնո՞ւմ ես ինձ: Այն ժամանակ վիրավորը բացեց բերանը, ատամները շիկացրեց, կարծես օղը կծելով, և կրակված խոպոտ ձայնով ոռնաց.

— Գրեցե՛ք կնոջս, գրեցե՛ք կնոջս: Մարթա Բիրմանին, Թեյֆելսմյուլեի կառուցում, կնոջս: Գրե՛ք, որպեսզի կինս գա: Մա՛րթա, Մա՛րթա:

— Ալբե՛րտ: Ալբե՛րտ: Ես այստեղ եմ, Ալբե՛րտ:

— Կնոջս: Մարթա Բիրմանին, Թեյֆելսմյուլեի, կառուցում:

— Ալբե՛րտ: Դու ինձ լսո՞ւմ ես, տեսնո՞ւմ ես ինձ: Ալբե՛րտ:

— Կնոջս գրեք, լսո՞ւմ եք, Մարթա Բիրմանին, Թեյֆելը-
մյուլե...
Կինը առաջ նետվեց, ծնկի եկավ, շոյում էր նրա գլուխը,
կուլ տալիս արտասուքները, որ բերանն էին լցվում, խեղդվե-
լով, հազալով, զկոտալով բղավում էր.

— Ալբերտ: Ես այստեղ եմ, ես բո Մարթան եմ: Քո
Մերխենն եմ, քոնը, ես այստեղ եմ, այստեղ...
Վիրավորը ոռնում էր ճիշից կտրատված ձայնով, պտտեց-
նելով լայն բացած սև-կապույտ, հին էմալի նման աչքերը,
որ բիբեր շունեին:

— Կնոջս, կնոջս գրեցեք:
Այն ժամանակ կինը թաց շրթունքները հպեց նրա դեմքին
ու լոնց:

Եվ վիրավորը, բոլորովին ուժասպառ, շշնջում էր նրան.
— Մուժ է, բոլորովին մուժ: Չեմ տեսնում: Գրեցեք կնոջս,
խնդրում եմ, կնոջս՝ Մարթա Բիրմանին, ես կասեմ նրա հաս-
ցեն: Գրեցեք, որ գա: Մահվանից առաջ: Եթե համաձայն եք
ինձ երկու անգամ կսմթեք, որպեսզի գիտնամ, երկու ան-
գամ: Ես ոտքեր շունեմ, ձեռքեր շունեմ: Մահվանիցս առաջ,
խնդրում եմ ձեզ, կնոջս... Կսմթեցեք ինձ երկու անգամ...
Կինը ոտքի ցատկեց, ամուսնու վրայից արագ քաշեց վեր-
մակը: Նա պռկած էր բինտերով կիպ փաթաթված, կարճլիկ,
կլոր, ինչպես տակառիկ:

Կինը մի կողմ նետվեց, դեպի մյուս մահճակալը, դեմքը
ծածկելով սեղմված բռունցքներով:
Կանաչա-դեղնավուն մարդը, որի դեմքը սեխի էր նման,
ասաց.

— Որքան մեղք է, հը՞... Ինչպես է սա ձեր կարծիքով...
Եվ այդ պահին իրար ետևից արագ հիվանդասենյակ լրջ-
վեցին սպիտակ, առաստաղի նման սպիտակ, մարդիկ:

— Այստեղ է:
Ու երբ կնոջը թևատակերից բռնեցին, նա ինչ-որ խուս-
բղավեց:

Եվ արդեն շէր լսում ողբը.
— Կնոջս, Մարթա Բիրմանին, Թեյֆելսմյուլե, լաուզի-
ցում...

Եվ ոչ ոք չլսեց, ինչպես ճաքճաք, թրթուրանման շուրթե-
րով մարդը, որի դեմքը սեխի էր նման, շշնջաց.

— Ճիշտ է...

Այդ երեկո քաղաքային իրավասու Օտտո-Մոդես-Միլխի
անվան վիրաբուժական հիվանդանոցի ավագ օրդինատորը,
ինչպես միշտ, մտավ ծխախոտի խանութ և երկու սիգար
գնեց: Հետո, ինչպես միշտ, նստեց Բիսմարկի ծառուղում և
մի սիգարը ծխեց: Հետո, տուն գալով, ինչպես միշտ, հանեց
բաճկոնը, օձիքը, հագավ վարդագույն խալաթը, լցրեց ճենա-
պակյա ծխամորճն ու նստեց սեղանի առջև: Բացելով հաստը
կազմած տետրը, նա մանրատառ գրեց.

- Փորձել հաղորդակցության սխտեմ գտնել պատերազմի հաշ-
մանդամների հետ, որոնք կորցրել են:
1) բոլոր ծայրանդամները,
2) տեսողությունը,
3) լսողությունը:

Ապա հենվեց բազկաթոռ: Թիկնակին կախված բարձին,
ծուխ արձակեց, փակեց աչքերը:

Մարդու ինչիս ես պետք այս
խղճուկ օրերն ու ժամերը

Սալարկն այսպես են լվանում:
Կարճոտն մարդիկ բրեզնտե անդրավարտիքներ, բրեզնե-
տե բաճկոններ հագած, ջրի լայն շիթով, որ կայծկլտուն
Տովհարի նման դուրս է ժայթքում բրանդսպոյտի սփռիչից,
առատորեն ողողում են հարթ բառակուսի քարերը: Հետո պող-
պատյա մետաղալարից սարքված խողանակով երկար ու
պինդ տրորում են յուրաքանչյուր բառակուսին: Խողանակով
քերած կեղտը լվանում են Տովհարածև նոր ուրախ անձրևով
Փայտերին ամրացված երկաթյա կեռերով փորփորում քերում
են քարերը արանքում մնացած կեղտը: Զրի ուժգին և բարակ
չիթով, առանց սփռիչի, լվանում են ճեղքերը: Հետո սալար-
կով մայթից մայթ են քաշում խիտ և ուժեղ ցնցուղը, ինչպես
ցաքանելիս՝ մի շերտը մյուսի դիմաց, և այսպես շարունակ,
շարունակ, բրեզնտե անդրավարտիք ու բաճկոններ հագած

մարդկանց ետևից, որոնք քարշ էին տալիս կոշտ վիշապօձի նման տոզած հաստ աղիքը: Եվ հետո, երբ վաքված, փայլատ ճեղքերի և անցքերի մոտ մի փոքր խոնավ սալարկը ձգվում է մի երկու-երեք թաղամաս, հաստահետույք, փրշոտ սմբակներ ունեցող ձիերով սալարկի վրայից զլորում են ծանր խողանավոր գլանը և այն տրորում, կոկում է քառակուսի քարերը, ինչպես վարսավիրի կլոր խոզանակը՝ կարճ խուզված ծոճրակը:

Օ, ճանապարհներն այդպես են վանում նաև փոքրիկ, ոչ հարուստ Բիշոֆսբերգում: Եվ այդ փոքրիկ, ոչ հարուստ Բիշոֆսբերգն ունի խիտ ցնցուղով ցիստեոն, շատ կոշտ գլան-խողանակ, և՛ երկաթե կեռիկներով փայտեր, և՛ հաստ աղիք՝ ամբողջապես փայտե օղերով պատած, որոնք այն պահպանում էին վնասվելուց:

Բետոնապատ արահետները, որոնք բակերով տանում էին դարբասից դեպի տուն և որոնց վրա հախճապակերով տարեթվերն են.

ANNO 1898

վանում են փեշերը վեր քաշած հաստ ոտքերով կանայք, հագներին առանց կրնկամասի փայտե բոտեր: Լվանում են օձառաչրով և ձիլուպով ու լավ շորացնում քաթանե շվարրով:

Փեշերը վեր քաշած, հաստ ոտքերով կանայք տաք ջրով ողողում են տների պատերը՝ հիմքից մինչև մի մարդահասակ բարձրությամբ: Եվ այդ նույն կանայք էլ արտոնագրված քսուքով մաքրում են դռների բռնակներն ու օղակները, դարբասներին կպցրած ցուցանակները՝ բնակիչների անուններով, և ցանկապատերի ու վանդակապատերի ձողերի պղնձե ելունդները:

Օ՛, այդպես վանում ու մաքրում են արահետները, տները, վանդակապատերի ելունդները՝ փոքրիկ, ոչ հարուստ Բիշոֆսբերգում:

Եվ ահա առավոտյան, երբ կառույցի մշուշապատ բարձունքից վեր է ձգվում ծերուկ, բարի, արևը, Բիշոֆսբերգը վարդագունում է, ինչպես քնից նոր արթնացած ու սառը գետակի ջլով թարմացած աղջիկը: Գուցե օրվա մեջ միայն մի ժամ,

միայն առավոտյան այդ մի ժամն է ձգվում-մեկնվում, գրրպանք վայելում Բիշոֆսբերգը՝ ծուլլ, դանդաղկոտ, սակայն արդեն արթնացած, ձգվում-մեկնվում է ու աչքերը կկոցում կառույցի վրա: Այդ ժամին վարդագունում են վաքված սալարկները, վարդագունում են արահետների հախճապակերը, դռների բռնակները, վանդակապատերի և ցանկապատերի ելունդները, տների պատերը, տանիքների սայթաքուն կղմինդրը: Այդ ժամին երկնքում երերվում է Հովհաննես Ավետարանիչի ամբողջապես վարդագունած կիրկան, և հանկարծ բացվում է մոռյլ ուսուցչայի ատամնավոր աշտարակը: Նրա հին ժամացույցի թվատախտակի սև թավշի վրայով բարձրանում է ոսկեփայլ սլաքը՝ վեր, շարունակ վեր, իր փայլուն սուր ծայրով ավելի ու ավելի մոտենալով վերևի ոսկե կետին: Ահա գոթեթե վեր մագլցեց, արդեն շտկվեց, կանգ առավ: Եվ քաղաքի վարդագույն, լողացած մարմնի մեջ, ասես երկնքից, լցվում են քնատ-անշտապ ղողանջներ:

Ձ-գոն-նէ,

Ձ-գոն-նէ,

Ձ-գոն-նէ,

Ձ-գոն-նէ:

Արև:

Եվ ահա, եթե այդ ժամին, օրվա այդ միակ ժամին, երբ Բիշոֆսբերգը գգվում ու ձգվում-մեկնվում է, աչքերը կկոցելով կառույցին, եթե այդ ժամին Հովհաննես Ավետարանիչի լով կառույցին, եթե այդ ժամին Հովհաննես Ավետարանիչի մեծ զանգը ղողանջի՝ ո՞վ չի բացականչի, թե Գերկիրկայի մեծ զանգը ղողանջի է, ո՞վ չի շշնջա, թե նա գեղեցիկ է, ո՞վ չի մտածի, որ՝

Գերմանիան չի կարող այլ լինել:

Եվ հանկարծ...

— Լսեցե՛ք, լսեցե՛ք, թանկագին հերր խմբագիր: Մեր վեճակն ի՞նչ կլինի, ինչպե՞ս կլինի, Գերմանիան ի՞նչ կլինի: Եթե այսպես շարունակվի:

— Հանգստացե՛ք, հերր դոկտոր: Հանգստացե՛ք: Մենք անում ենք ամեն բան, ինչ ներում են մեր ուժերը: Մենք պետք է դիմանանք և կդիմանանք, մենք գերմանացի ենք:

— Սակայն հերր խմբագիր...

— Հերր դոկտոր, արդեն տասներկուսից քառորդ է պակաս: Գնանք ուստուշա:

Հրապարակի վրա է իջել գազանդջուրիկների աղոտ լուսապոտին: Նրանք գետնի վրա էին սփռում լույսի սպիտակ սփռոցներ: Ահա այնտեղ, անկյունից դուրս լողաց լանդշտուր-միստի գորշ շինելը ու ձուլվեց մթության մեջ: Գույնզգույն ապակիներով զուգված պատուհանիկով նկուղից դուրս թռան օպերետային նվագի պատասիկները: Ինչ-որ տեղ դուռ շքիկաց: Լուսություն է:

Եվ ահա ծանոթ հինավուրց կերկերահնչուն արպեջիտները գիշերվա մեջ թաքնված ուստուշայի աշտարակից: Քառորդը, մյուսը, երրորդը, չորրորդը: Ահա դադար, մեռյալ, ինչպես հրապարակը: Ահա զսպանակի խզխզոցը:

Եվ ահա քնատ-անշտապ զոզանջները.

Ձ-զոն-նէ,

Ձ-զոն-նէ.

Կեսգիշեր:

Եվ հանկարծ կրկին քառորդը, մյուսը, երրորդը, չոր-րորդը:

Դադար: Զսպանակի խզոց:

Եվ անշտապ, տանջալից, միայնակ.

Ձզ-զզոն-նէ:

Բժիշկն ասաց.

— Մութ է:

Եվ մի քիչ անց.

— Ոչ ոք չկա:

— Ժամը երկուսն է,— պատասխանեց խմբագիրը,— ուշ է: Սլաքի տեղափոխումն արդեն բազմութուն չի հավաքում:

— Մենք... մենք կարծես շտապում ենք, կարծես շտապում ենք... Պատերազմից ժամանակ ենք խլում...

— Այսինքն՝ ինչպե՞ս:

— Այս մեկ ժամվա ընթացքում ոչ ոք չի սպանվել: Այս մի ժամով մոտենում ենք... խաղաղությունը:

— Ես հաշվում էի, հերր դոկտոր, հաշվում էի, որ ժամացույցի սլաքի հետ կապված այս միջոցառումով պետութունը խնայում է տարնկան վեցից մինչև վեց և կես տոկոս վառելիք: Դուք գիտե՞ք, թե բացարձակ թվով դա ինչ է կազմում:

— Ձեզ չի՞ թվում արդյոք, որ մենք... հուզված ենք, մենք՝ գերմանացիներս:

— Արդեն ուշ է, հերր դոկտոր: Ցտեսություն:

Լուսություն: Լապտերավառը քայլում է երկար փայտը ձեռքին, գետնից հավաքելով մի լապտերից ընկած լույսի կլոր սփռոցները: Երկու սև, կծկված կերպարանքներ հալվում են հրապարակի հակադիր ծայրերում: Ռատուշայի աշտարակը չի երևում: Սակայն այն այստեղ է: Այն այստեղ է...

— Սլաքի տեղափոխումն արդեն բազմութուն չի հավաքում,— ասաց խմբագիրը գիշերը, ուստուշայի մոտ: Սակայն նա շատ, թե ինչ պատահեց կիրակի օրը պատարագից հետո, հրապարակում, Հովհաննես Ավետարանիչի կիրակալի մոտ: Նա այդ մասին հողված գրեց և տեղավորեց լրատուի սկզբում. և այն կարդացին բոլորը, և ովքեր եղել էին կիրակալի մոտ, և ովքեր չէին եղել: Սակայն լավ է, միշտ ավելի լավ է տեսնել, քան կարդալ:

Ձանգակատան կողմից կիրական ցանկապատված է բաց գույնի խեժոտ տախտակներով: Կարճ թիկնոցներով շուրջ մանները, ցանկապատից տասը քայլ ետ քաշվելով, լուռ գծերով նշում են արգելված դաշտը: Նրանց անձայն, թեք մեջքների ետևը երևելում են կոտեղոկներ, սև կրեպով կանացի գլխարկներ, զինվորների խունացած անհովար գլխարկներ, սպայական սաղավարտների պաշտպանական ծածկոցներ: Ամենից շատ են կանացի գլխարկները: Ամենից շատ սև կրեպն է: Սև կրեպը ծածանվում է քամուց, ծածկույթի պես իջնում գետնին, մոռյալ թևերով թռչում կոտեղոկների, անհովար գլխարկների և սաղավարտների վրայով, ծածկում ուսերը, գլուխները և մեջքերը, ծածկում դեմքերը, կառուն ձեռնակապանքի նման գրկում է թևքերը. ծածանվում է, երկրում, լողում է օդում սև կրեպը: Ահա այն լայն հոսանքով դուրս թափվեց կիրակալի դռնից, ահա այդ խաղաղ կույտը զլորվում է գլխավոր մուտքով, տարածվում հրապարակում, ողողում

այն հավասարաշափ, մոռյլ, սառն, ինչպես դամբարանը: Դեմքեր՝ շրթունքները բաց, դեմքեր՝ կնճռոտ, մագաղաթյա և հողագուլյն, ծալքերով, խլերով, սպիններով. դեմքեր՝ ճերմակ մագափնջերով երիզված. դեմքեր՝ փափուկ, կլոր, ինչպես արևածաղիկը— սև կրեպի սլարարտ դաշտի վրա դեմքերի մի ամբողջ արոտատեղի նետվեց դեպի Հովհաննես Ավետարանիչի զանգակատունը:

Այնտեղ, պատուհանից դուրս հանված կարճ ծպեղների վրա դրված է կանաչագորշավուն մեծ զանգակը՝ պարաններով փաթաթված, որոնցից կառչում են փոքրիկ զանդաղկոտ մարդուկները:

Գլխավոր մուտքից դուրս գլորվեց սև կրեպի կույտը, դուռն մեջ երևաց քահանան և նրա կողքին՝ շտաղտրատն ու քաղաքի մյուս աստիճանավորները, քաղաքի պարետն ու ռազմագեթինների ճամբարի պարետը, սպաները, միությունների սյրեղիդնատները՝ այն անձինք, որոնց միշտ հարգել է Բիշոֆսբերգը և որոնց չի կարելի չհարգել:

Եվ այն ժամանակ Հովհաննես Ավետարանիչի կիրկայի զանգակատանը, ինչ-որ տեղ հեռվում աննկատելի թպրտաց փոքր զանգակի բարակ, անհանգիստ կանչը, փոքր զանգի, որ երբեք չէին խփում կիրակի օրերը, իսկ մեծ զանգի կանաչագորշավուն իրանը հանգիստ մեկնվել էր ծպեղների վրա՝ լայն երախը բացած դատարկ երկնքին հանդիման:

Հետո այդ երախը մոտեցավ ծպեղների եզրին, փոքրիկ մարդուկները թաքնվեցին զանգակատան խորքում, անձինք, որոնց միշտ հարգում էր Բիշոֆսբերգը, գլխավոր մուտքից իջան և կանգնեցին շուցմանների լուռ թիկունքների ետև: Շտաղտրատը թաշկինակը զանդաղ բացեց ու թափահարեց իր գլխավերևում: Մեծ զանգի լայն երախը թեքվեց մինչև ծպեղների ամենածայրը ու մի պահ կախ ընկավ անդունդի վրա:

Իսկ փոքրիկ զանգը քամուն էր խառնում իր անհանգիստ, ականջ ծակող կանչը, խեղդվելով, խառնելով, կտրատելով իր հարվածները, ասես մահամերձի սարսափով գթություն էր աղերսում: Եվ այնժամ մի սև սուվեր վերևից վար սահեց զանգակատնով ու ցած նետվեց դեպի ցանկապատը:

Եվ եղավ այնպես, կարծես գետինը բացվեց ու աշխարհը փլվեց:

Եվ տիրեց լուռություն. լավում էր, թե ինչպես էին սուլում.

չրածիծառները Հովհաննես Ավետարանիչի կիրկայի վրա, քանի որ փոքրիկ զանգի կանչը լռեց, և բոլորը լուռ էին...

Այդ օրը Բիշոֆսբերգում տղամարդիկ հանում էին դոնե-րի բռնակներն ու փականքները, հանում էին վանդակապատների և ցանկապատների վրայի պղնձե ելունդները և կզմինդոն տանիքների զարդածիերին ամբացված շանթարգելները, իսկ կանայք խոհանոցում ու նկուղներում մի անկյունում կուտակում էին արույրե գավաթներն ու կաթսաները, սղնձյա թաներն ու սրճամանները:

Օրն անցավ: Եվ անցավ գիշերը: Լաուշեի միգամած կատարից գլուխը բարձրացրեց ծերուկ բարի արևը, և Բիշոֆսբերգը վարդագունեց, ինչպես քնից նոր արթնացած ու գետակի պաղ ջրում լողացած աղջնակը:

Սապայն ո՞վ տեսավ, ո՞վ տեսավ, որ այդ ժամին, այդ միակ ժամին, երբ Բիշոֆսբերգը գգվանք է ապրում, ձգվում մեկնվում, աչքերը կկոցում Լաուշեի վրա, ինչպես այդ ժամին Հովհաննես Ավետարանիչի կիրկայի զանգակատունը ցնցվեց, ու դողաց ծերուկի կնճռոտ, սափրված դեմքը. նա կանգնել էր այն ցցագերանների տակ, որոնք դեռ երեկ պահում էին մեծ զանգը:

— Չեզ չի՞ թվում արդյոք, որ մենք... հուզված ենք, մենք՝ գերմանացիներս:

Համերգից հետո կցուցադրվեն պրոտեզների նորադույն կատարելագործությունները՝ հետևյալ ծրագրով.

1) Հեծանիվ վարելը, սանդղաքներով իջնել և բարձրանալ («Ցենիթս» արտոնագրով պրոտեզներ՝ ծնկից վեր անդամահատված սուքերի համար): Կատարում է՝ Էֆրեյտոր Մաքս Ֆիշերը:

2) Գրամեքենայով աշխատել («Տորվերոս» արտոնագիր՝ անդամահատված դաստակներով ձեռքերի համար): Կատարում է՝ Էնթասոպա Ֆրանց Գ:

3) Աշխատել՝ բահով, կացնով, փոցիտով, մուրճով, քանդակով և սղոցով («Deutsche Würde» արտոնագիր՝ արմունկից վեր անդամահատված ձեռքերի համար): Կատարում են՝ շարքայիններ Լանսկեները, Լանս Ֆորստը, Էրիս Յուկին:

4) Սիգար փաթաթել («Deutsche Würde» արտոնագիր՝ մինչև ուսը անդամահատված մեկ ձեռքի համար): Կատարում է՝ շարքային Օտտո Բախը:

Վերջում առողջացողների խումբը կկատարի հայրենասիրական

երգեր և կնիքկայացնի «Օրհնյալ լինես, Գերմանիա» կենդանի պատ-
կերը:

Տ եր ի մ,
պ ա տ ժ ի ր
Ա ն գ լ ի ա յ ի ն

Մրագրի ամենածայրը՝ սև-սպիտակ-կարմիր զարդերիզով
շրջանակված ուղղանկյունիով, բացվել ու ցցվել էր սեղանին,
թերթերի խայտաճամուկ սյունակների միջև: Ուղղանկյունին
ճշգրիտ էր, ինչպես երկրաչափության դասագրքերում, և զար-
դերիզի ներկերն էլ ճիշտ էին, ինչպես ականաբուսության աղ-
յուսակի վրա՝ բուրդովին սև, բուրդովին սպիտակ, բուրդովին
կարմիր: Եվ ուղղանկյան մեջ հավասար շարվում էին ստույգ,
ինչպես մաթեմատիկայում, բառերը:

Տ եր ի մ,
պ ա տ ժ ի ր
Ա ն գ լ ի ա յ ի ն

Շղարշե վարագույրների միջով սեղանատուն էր հորդում
արևը, խառնվում սեղանին բացված ու թափթփված լրագրի
թերթերին, խայտաճամուկ խաղ անում աթոռների հյուսկեն
մասում, ընկնում ամանեղենի, սեղանի ոտքերի վրա, և սև-
սպիտակ-կարմիր զարդերիզը վառվում էր նրա փայլի տակ,
ինչպես շքանշանի մետաքսե ժապավենը:

Տրաու Ուրբախը պուստպերնիկի բարակ կլորիկ շերտին
էր բռնում Շվեյցարիայից ուղարկված կամամբերը, լցնում էր
սուրճն ու կկոցած աչքերը սահեցնում լրագրերի վրայով: Նա
արդեն պատմել էր այն մասին, թե ինչպես հիվանդանոցում,
հասարակական բարեգործների համար կազմակերպված հա-
մերգում, անոտ ու անձեռն մարդիկ հայրենական տեխնիկնե-
րի և օրթուպեդների օգնությամբ փայլուն կերպով հերքեցին
տարածում գտած այն մոլորությունը, թե իբր ծայրանդամ-
ները կորցրած մարդը աշխատանքի համար ոչ պիտանի
հաշմանդամ է: Պատմել էր և այն մասին, թե ինչպես առող-
ջացողները օգնություն են ստանում և անթառամ

հիմնը՝ «Հոնեստի պահապանը», որն անտարակույս ապացու-
ցում է հասարակ ժողովրդի ինչպես հայրենասիրական զգաց-
մունքները, այնպես էլ երաժշտական ընդունակություն-
ները:

— Ինչ-որ մեկը շատ ճիշտ ասել է, որ այդպես երգող
ժողովուրդը չի կարող բարբարոս ժողովուրդ լինել: Նրանք
հիանալի երգեցին:

Հերր Ուրբախը փոթկաց ու ասաց.
— Ես կարդացել եմ տաժանակիրների մասին: Նրանց
երգերն առանց արտասուքի լսել չի լինում:

— Դա մի որևէ ոտ՞ու է գրել:
— Չեմ հիշում, — պատասխանեց հերր Ուրբախն ու նա-
յեց աղջկան:

Խոսակցությունը դրանով ավարտվեց, և ֆրաու Ուրբախն
զբաղվեց իր պուստպերնիկիով, կամամբերով և լրա-
գրերով:

Հանկարծ նա սևեռուն նայեց մի փոքրիկ հայտարարու-
թյան: Հետո վերցրեց լրագիրն ու սեղանի վրայով մեկնեց
այն.

— Տրոյլայն Մարի, ընդգծեցեք, խնդրեմ, մատիտով ահա
այս:

Մարին կարդաց.

Հ Ե Ր Ի Ն Գ Ս Դ Ո Ր Ճ :

Մոզայից և արևի լուսանքներ: Հիանալի թավ անտառով ճա-
րուտ գերմանական ծովափի առողջարանը բաց է, ինչպես խա-
ղաղ ծամանակ:

Հ ի վ Ա ճ Պ Ա Ն Ո Յ Ա եր ա յ ս տ ե ղ չ կ ա ճ :
Մանրամասն պլաններն ուղարկում է առողջարանի
վարչությունը, անվճար:
Սեզոնը հունիսի 1-ից մինչև սեպտեմբերի 30-ը

Հերր Ուրբախը Մարիին նետեց մատիտը: Մարին ժպտաց,
խաշիկով նշեց հայտարարությունը, տեղից ելավ.

— Մայրիկ, եթե դուք կուրյուզներ եք հավաքում, կարող
եմ ձեզ օգնել:

— Կուրյուզներ՞: Լավ չեմ հասկանում, Մարի:
Հերր Ուրբախը գլուխը բարձրացրեց լրագրերից:

— Որևէ հետաքրքիր բան է:

— Առանձնապես ուշինչ: Մայրիկն ուզում է մի քիչ հանգրստանալ հերոսներից:

— Ա՛,— արտասանեց հերր Ուրբախը,— հասկանալի է, հասկանալի:

— Ֆրոյլայն Մարի, իմ կարծիքով վերջերս ձեզ վատ է հաջողվում հարկ եղած բաները գտնել:

— Ես այդ չեմ զգում, մայրիկ: Ծնորհակալություն:

Եվ դարձյալ կնիկսները, որից հետո ուզում ես դուռը շրխկացնել, նետվել անկողին ու բարձր կրծոտել, ինչպես մի ժամանակ միսս Ռոնիի պանսիոնում:

Միջանցքում կամացուկ զանգ է լսվում: Արդեն երկու տարի է, ինչ Մարին հետևում է այդ զանգերին: Նա ուսումնասիրել է դրանք ու հատկապես լավ է ճանաչում առավոտները, կեսօրին և երեկոները արվող զանգերը: Վատ չի լինի մյուսներից շուտ նայել փոստը: Մարդ հո մի՛շտ չէ այնպիսի նամակներ ստանում, որոնք չի շտապում բացել: Միշտ չեն այնպիսիները, որոնց մասին երկար մտածում ես: Կամ էլ ահա ինչպես սա՛ լայն, առանց նամականիշի, դրոշմակները, կնիքները, մակագրություններն ամբողջապես ծածկել են ասեղների նման սուր տառերը:

Ձերդ գերազնվություն Ֆրոյլայն...

Փողոցն ինչո՞ւ լռեց, և պատի ժամացույցը դադարեց վայրկյաններ խփել: Անիծյալ՝ կնիկսները Այդ կապիկավորի ծնկածալումից արյունը խփում է քունքերն ու այրում, ինչպես շիկացած պողպատը: Եվ ինչո՞ւ միայն մոր առջև Ուրիշ ոչ մեկի, երբեք, միայն մոր առջև: Զղվելի է, հիմար, գարշելի: Պետք է դուռը փակել, պատուհանը լայն բանալ, լուռ ու հանգիստ ծխախոտ ծխել: Որքան հիմար բան է: Սակայն վերջ ի վերջո մի՞թե միևնույն չէ: Դեհ, կենդանի է, հետո ի՞նչ:

Այստեղ միսս Ռոնին ի՞նչ գործ ունի, մայրն ի՞նչ գործ ունի: Հիմարություն է:

Մեծարգո Ֆրոյլայն Մարի, դուք, իհարկե, հասկանում եք, որ ես ի վիճակի չեմ հայտնելու ձեզ այն բոլոր հանգամանքները, որոնք ինձ բերին այստեղ, որտեղից վերջապես գրում եմ ձեզ, և այն բոլոր զգացումները, որ կուտակվել են մեջս այստեղ գալուց հետո: Ես ջանում եմ ներկա վիճակում էլ արժանավոր զբաղմունք գտնել ինձ համար, թեև դա միշտ չի հաջողվում: Սեփական անձիս վրա աշխատելու ցանկությունը և ձեր մասին մշտական հիշողությունը, Ֆրոյլայն Մարի, երբեք ինձ չեն լքում, իսկ այդ, դուք գիտեք, միշտ կենարար աղբյուր է եղել ինձ համար: Սկսել եմ ուսումնասիրել ուսեքներ և կարծում եմ, որ դա ինձ կօգնի ավելի լավ ճանաչելու այն ժողովրդին, որ շրջապատում է ինձ, և որի ուսումնասիրությունը, համոզված եմ, շատ արժեքավոր կարող է լինել քաղաքանք կրթված մարդու համար: Առայժմ ուշադրությունս գրավել է ուսների մի գիծը, որ հենց իրենք բնորոշում են մեր «բարու-թյուն» կամ դրան շատ մոտ հասկացողությամբ: Դժբախտաբար տեղի տեսակետից կաշկանդված եմ ձեզ ավելի մանրամասն գրելու: Ուսումնասիրում եմ նաև մի փոքրիկ ժողովրդագի, դրանք կոչվում են մորդվացիներ, ֆիննական ծագում ունեն: Ճամբարը, որի հասցեն կգտնեք ծրարի վրա, գտնվում է խուլ տեղում և շրջապատված է մորդվացիներով բնակեցված գյուղերով: Ես չեմ հիշում, թե մեր գիտնականները մանրամասն կանգ առած լինեն այդ կիսահեթանոսական ցեղի ուսումնասիրության վրա:

Այստեղ ձյունը տեղ-տեղ դեռ չի հալվել: Իմ մի բարեկամիս օգնում եմ հերբարիում կազմել, որին նա ձեռնամուխ եղավ ձնադիկների դուրս գալուն պես: Տոն օրերին նկարչու-թյամբ եմ զբաղվում և կարող էի ձեզ գծանկարների մի ամբողջ հավաքածու ցույց տալ, դրանք շատ նման են այն նկարներին, որ միասին էինք անում Շենաուում: Չէի՞ք կամենա արդյոք մեկնել Շենաու և գրել ինձ ձեր տպավորությունները: Դատկապես նկարների մասին: Շատ եմ խնդրում, Ֆրոյլայն Մարի: Սրտագին ողջուն հաղորդեցեք ձեր ծնողներին: Թույլ տվեք համբուրել ձեր ձեռքը:

Խորապես ձեզ նվիրված, ձեր Մախս ֆոն Շենաու:

Եվ ստորագրութիւնը՝ թեք ու հաստ, պինդ նեցուկ սրածայր տողերի շարքին:

Երբեմն այլ նամակներ են գալիս, բոլորովին այլ...

— Մարի, ինչո՞ւ եք փակվել: Դուռը բացե՛ք:

— Մայրիկ, գլուխս ցավում է:

— Այդպե՞ս: Ես տեղեկանք եմ ստացել Կարմիր խաչից: Մարկգրաֆը գտնվում է սպայական ճամբարում... Նայեցե՛ք, այս հիմար խոսքը չեմ կարողանում կարդալ... Հավանաբար ինչ-որ տեղ, Սիբիրում: Սակայն... դուք մի՞թե այդքան դաժան եք...

— Սոսկալի գլխացավ ունեմ:

— Իրոք, այս դարակին մի ամբողջ կույտ նոր գրքեր եմ տեսնում: Մտիպված եմ նույն բանը ձեզ մի քանի անգամ ասել... գուցե դուք, համենայն դեպս, գրեի՞ք մարկգրաֆին: Ահա տեղեկանքը:

Անձայն, ինչպես կինոյի էկրանի վրա, շարժվեց ֆրաու Ուրբախի զգեստը և, ինչպես էկրանի վրա, նա իր ետևից փակեց դուռը:

Այո, մի ամբողջ կույտ նոր գրքեր: Հենց դրանք են, դրանք՝ անդամվածան, խորհրդավոր, դրանք են կողոպտում կյանքը, և դեռ բոլորն ասում են, իբր գրքերը հարստացնում են կյանքը: Սակայն ինչ երջանկութուն է, երբ քեզ ամայացած ես զգում նրանց շտեպնող ու անշարժ հայացքից: Որքան ուրախալի է, երբ ժամեժամ, օր-օրին տրվում ես նրանց, քանի որ մարդու ինչի՞ն են պետք այդ ողորմելի օրերն ու ժամերը:

Չէ որ այն ժամը, որի համար ապրում է Մարին, այնքան հազվադեպ է գալիս, և դրանից հետո եկող օրերը խավար են, տափակ ու դատարկ: Այդ ժամը գալիս է մինչև գազահղչութիւնների վառվելը, երբ Բիշոֆսբերգի քարե նեղ անցուղիներում դժվար է տղամարդուն կնոջից տարբերել:

Այն ժամանակ Մարին սահելով անցնում է հին տների խավար-գորշ ճակատամասերի առջևով, մութ փողոցներով, որոնք ուսուցչային սև հնգամատի նման ձգվում են դեպի լուս պրոմենադները: Ծանապարհները կտրելով, նա շրջանցում է կրպակների և ռեստորանների նարնջագույն և կաթնաերկնագույն պատուհանները, կանգ է առնում, նայում մթության մեջ, հանկարծ ետ է դառնում, թաքնվում ծառի ետևը: Հետո

բայում է կամացուկ, հետո գրեթե վազում է, նորից սահում է հարթ պատով:

Հերկուլեսի հրապարակում, շատրվանի դիմաց, ծանր դուռ է՝ բարոկկոյի պանակով և տարիներից փորփրված:

Գոնից ներս: Հետո սանդուղքով՝ վաթսունյոթ աստիճան, եթե զույգ-զույգ բարձրանաս՝ երեսունչորս քայլ: Եթե գաս ճիշտ ժամին՝ ուղիղ ութին՝ ուսուցչայի ժամացույցով, բաց արա շորրորդ հարթակի մուտքը: Ներս մտի՛ր: Միջանցքով, ուղիղ: Այնտեղ է:

Միայն երեկոյան ճի՛շտ ութին, ուսուցչայի ժամացույցով: Մարի՛:

Միայն ճի՛շտ ժամին, Մարի՛:

Ֆ Յ Ո Ղ Ո Ր Լ Ե Ա Ե Ա Ղ Ե Ա

Երբ կնոջը թեկնցուկ արեցին, նա սուր ճշաց ինչ-որ խոսք: Նրանցից, ովքեր կարող էին այդ խոսքերը հասկանալ, ոչ մեկը չլսեց, չհասկացավ:

Եվ միայն սեխանման գլխով, թրթուրի նմանվող խորդուբորդ շրթունքներով մարդը շշուշաց:

— Ճիշտ է...

Նա գլուխը թեքեց և երկար նայում էր հարևանի կլոբ ծոծրակին:

Աչքերն սկսեցին թարթել, անդույն հոնքերը անհանգիստ շարժվեցին, ակոսելով ճակատն ու շարժելով ականջի ծայրը: Նա հառաչեց: Հետո վերմակի տակից ձեռքերը հանեց, դրեց գլխատակը և սկսեց շշմած հայացքը պտտեցնել ըարձր առաստաղի քիվերով: Հետո ննչեց:

Եղե՞լ էր արդյոք այդ: Եվ եթե եղել էր, ապա ե՞րբ:

Նստել էր նա թախտին, բորիկ ոտքերը տակը ծալած:

Խրճիթը լավ տաքացրած էր՝ հաց էին թխում առաջին աղացվածքից. սպիտակ դոնակի և ձողի վրա տաքանում էին աշնանային շշմած ճանձերը. դարակի վրա հացերը ծածկող պախանե գորշ սրբիչների վրայով սողում էին ուտիճները: Տաքախանե գորշ սրբիչների վրայով սողում էին ուտիճները: Տապակին դրված թիթեղյա լամպի վրա ճթճթում էր ֆատանաֆտեղ:

Հայրը քաղաք էր տարել հինգ փթանոց շորս պարկ նոթ .

կալած հացահատիկ, վերադարձավ ուշ, երկար նստեց սեղանի մոտ՝ ոչխարի մսով ապուրն էր խմում, ոսկորները ծըծում, հաց կտրում: Երբ կշտացավ, նստարանից ելավ նստեց անկողնուն, ծածկոցի տակ, և մայրն օգնում էր նրան սապոգները հանել: Հետո հայրը ազատ փովեց մահճակալին, բորվեց ու կոնչաց: Կանչեց մորը.

— Հայդա, հը...

Քիթը վեր քաշեց:

— Կա՛վ է...

Մայրը կանգնած էր մեջքով դեպի անկողինը, սեղանին կոթնած, մատները թքոտելով թերթում էր երգարանը: Երգեց:

— Կաց, հիմի...

Սոճու մահճակալից, առաստաղից կախված օրորոցից և պատերից թունդ բուրում էր, ինչպես ազնվամորու թփերից: Առաստաղը ցածր էր, սև, և նրա տակ նստելը հուսալի էր, այն պինդ փակել էր խրճիթի հոտերը. դրանք դուրս գալու, շարժվելու տեղ չունեին, մնացել էին թանձր, կիպ, ճխտված՝ փայտոջիլի, հացի, ուտիճների, վառարանի, ֆատանաֆտելի հոտերը:

Հայրն ասաց թավ ձայնով.

— էյ, լսո՞ւմ ես, մի կես մանեթ վար դրի էնտեղ...

— Փա՛ռք աստծու, — արձագանքեց մայրը, լամպը հանգցրեց ու սկսեց հանվել:

Եղե՛լ էր դա արդյոք: Իսկ եթե եղել էր, ապա ե՛րբ, Յյո՛րոր Լեպենդինը տարածեց ուռած ձեռքերը:

Նրա հարևանին՝ կլոր սև գլխով, դրեցին պատգարակը, սավանով ծածկեցին ու — հանգուցյալին — հիվանդասենյակից դուրս տարան իր անկողնու սպիտակեղենի հետ:

Լեպենդինը խաշակնքեց:

Եվ ահա հանկարծ նրա ձեռքերը վեր նետվեցին: Մի քիչ պառկեց, ասես ինքն իրեն չհավատալով: Հետո մատներով բռնեց մահճակալի գլխավերևի երկաթյա ձողերն ու ձղվեց: Ձեռքերը արմունկների մասում ճրթճրթացին, շապիկը ուսերին ծալքերով խրվեց մարմնի մեջ: Լեպենդինը կոնչաց...

Այսպես պատահեց:

Երբ թույլ գրոհը ետ մղեցին ու սկսեց լուսանալ, պրապորշիկը հրամայեց շոկապետ Ֆեոդոր Լեպենդինին ուղղել շրջադիտակը: Հարկավոր էր գործիքը բարձրացնել, նեցուկ տալ տաշած փայտերով, ուղղել գերմանացու կողմը:

Եվ ահա երբ Լեպենդինը, գլուխը դետնին հավասարեցրած, բահով փորում էր խրամատի հողաթումբը, իր առջև, մի հարյուր քայլի վրա տեսավ հողակոշտի վրա ցցված ոտքեր: Գրանք մկրատի նման էին, ծայրերը դեպի երկինք տնկած, իսկ մարմինը, որին պատկանում էին շեր երևում հողաթմբի ետևում:

Խրամատում լուսթյուն էր, դինվորները գորշ, կաշուն կույտերով սեղմվել էին ծղոտե փոռոցներին, քնած էին:

Լեպենդինը հրացանը հենեց շրջադիտակին, վեր մազլցեց, հողաթմբից այն կողմ անցավ և սողաց:

Բացատում, Խաճամատի առջև, այս ու այնտեղ դարնանային թիթե գլորոշիներ էին բարձրանում, ինչպես հանգած խարույկներից: Լեպենդինը շուտով սրգոց մինչև հողաթումբը: Ուղիղ նրա առջև ցցվել էին ոտքերը: Մապոդները զինվորի էին, կարճ, դեղնավուն կաշվից՝ կրունկներին պայտեր, կոշկատակին մի մատի հաստության ժանգոտած մեխեր:

Առանց գետնից բարձրանալու, հողաթմբով պաշտպանված, Լեպենդինը երկու ձեռքով բռնեց մի ոտքը ու ցած քաշեց: Ոտքն սկսեց դժվարությամբ ենթարկվել, ինչպես շոգ-տազործվող, լքված ջրհորի բարձրացնելու սարքը: Զինվորի նոտնաթաթը վեր էր ծոված, և սապոգը դուրս շեր գալիս: Լեպենդինը ծունկը հենեց կրունկին և սեղմեց ոտքի քթամասը: Սապոգի մեջ մի բան ճրթաց:

— Վահ, շինի՞ սպանված պրծած չես:

Լեպենդինը սողալով շրջանցեց հողաթումբը, նայեց դրա ետևը: Նրան ժպտաց մի սպիտակ, անբեղ-անմորուր գեմք՝ դուրս պրծած երկնագույն աչքերով: Քունքի մոտ, սուր ծայրով հողի մեջ խրված, շրջված ընկել էր սաղավարտը:

Լեպենդինը սողաց հողաթմբի ետևը, թքեց ձեռքերի մեջ ու սկսեց սպանվածի սապոգները հանել: Երկար շարշարվեց, քրտնեց, կրունկի պայտից մատը քերծվեց, արյունոտվեց:

չույթների անդամահատման նոր մեթոդներ մշակելու ուղղու-
թյամբ:

— Թաղամագերիների ճամբարից ուղարկվեցին շորս զինվոր,
որոնք կարիք ունեին անդամահատության:

Լեպենդինի ստբերի մնացորդներն էլ կտրեցին:

Ավագ բժիշկը միանգամայն դո՛հ էր տեղային անդագայաց-
ման նոր եղանակից, և վիրահատության օրը ծխեց ոչ թե
երկու, ինչպես միշտ, այլ՝ երեք սիգար:

Եթե ջսկասպետ Ֆյոդոր Լեպենդինը ավելի երկար հիվանդ
մնար, թերևս ուրիշ մի ծառայություն էլ մատուցեր գիտու-
թյանը: Սակայն նա առողջացավ, և այլևս պետք չէր:

Եթե Լեպենդինը սաքսոնական, բավարական կամ պրուսա-
կան բանակի ջոկի հրամանատար լիներ, նրան հավանաբար
կհասցնեին «Տենիքս» արտոնագրի մետաղյա պրոտեզներ, և
հայրենական օրթոպեդներն ու տեխնիկները կսովորեցնեին
հեծանիվ վարել ու սանդուղքներով բարձրանալ: Սակայն նա
ռուսական բանակի ջոկասպետ էր, ուստի առաջարկեցին սեփա-
կան միջոցներով յուր գնալ:

Եվ նա յուր գնաց:

Նա իր համար մի կողով հյուսեց, մոտալորապես այն-
պիսին, ինչպիսին դնում են թխսի տակ, հատակին լաթեր
զցեց ու նստեց դրանց վրա, իսկ կողովը փոկերով կապեց
գոտկատեղից: Հետո կեչուց թիակալներ սարքեց, որ նման
էին կիրգիզական ասպանդակների՝ կտրացրած ծայրերով:
Ձեռքերը մտցրեց թիակալների աղեղիկների մեջ, դրանցով
հենվեց գետնին, ձեռքերով բարձրացրեց մարմինը և մի ամ-
բողջ քայլ առաջ գլորվեց: Ճխլտված, ջարդված, նա ճակատի
քրտինքը սրբեց ու ասաց զինվորին, որը նայում էր, թե այդ
մարդն ինչ ճիգ ու ջանք է թափում:

— Բա, տղաս, հիմի թեկուզ մինչև կիև կգլորվեմ...

Միծաղեց ու սկսեց ապրել ճամբարային կյանքով:

1

Բիշոֆսբերգ քաղաքի ռազմագերիների ճամբարի
պարոն պարեսին

Բժշկական ֆակուլտետին տեղեկություն է հասել, որ ձեզ
վստահված ճամբարում ներկաված է ռուսական դիվիզիոնա-

յին բժիշկ՝ Սիդորկինը, որն իր գերության ընթացքում հավա-
քել է դանազան վարակներ տարածողների (pediculus et
pulex irritans) առանձնահատուկ հիանալի հավաքածու: Ներ-
կա նամակով, պարոն պարես, խնդրում ենք ձեզ թույլ տալ
վերոհիշյալ ռուս գերուն նամակային փոխհարաբերություն-
ներ ունենալ բժշկական ֆակուլտետի հետ՝ վերջինիս կողմից
նշված հավաքածուն ձեռք բերելու ուղղությամբ:

Բժշկական ֆակուլտետի դեկան—
Համալսարանի գործերի կառավարիչ—

2

Նորին բարձր բարեօննդություն
Ճամբարի պարոն պարես
մայր Բիդաուին

Ռուս թարգման, ջոկի հրամանատար
ռազմագերի, ենթասպա Սերգեյ Գորկայից

Ձեկույց

Պարտք եմ համարում զեկուցելու ձեր բարձր բարեօննդ-
ությունը, որ 7-րդ և 8-րդ բարաքների, ինչպես նաև լվաց-
քատան ռազմագերիների, որոնց մասին ինձ հայանել էին,
հուզմունքը սաստկանում է: Համարձակվում եմ Ձեր հատուկ
ուշադրությունը հրավիրել բժիշկ Սիդորկինի վրա, որը օգտը-
վում է բարաքները և լվացքատունը շրջելու բարեհաճ թույլ-
տվությունից և գիտական նպատակներով մարմնի միջատներ
հավաքելու պատրվակով ժամանակը փաստորեն օգտագոր-
ծում է ագիտացիայի համար, ասելով, որ Ռուսաստանը պետք
է պատերազմի մինչև Գերմանիայի հանդեպ լիակատար
հաղթանակը և որ ռուս ժողովուրդը զահրնկեց է արել ցա-
րին, որը կողմնակից էր հաշտության: Ու թեև ագիտացիան
հաջողություն չունի, քանի որ ռուս զինվորները հաշտություն
են ուզում Գերմանիայի ու նրա հավատարիմ դաշնակիցների
հետ, սակայն լավում են ուրիշ, անհեթեթ ձայներ, որոնք կա-
մենում են, որպեսզի Գերմանիայում հեղափոխություն սկսվի,
ու իբր այն ժամանակ հաշտություն կլինի բոլոր ազգերի հետ:
Սակայն դոկտոր Սիդորկինը հետևորդներ ունի: Հիշյալ ձայ-

ների մասին զեկույց կներկայացնեն, եթե լինի ձերդ բարձր բարեծննդության կարգադրությունը:

Պատրաստ Ձեզ ժառայելու՝ Սեբգեյ Գորկա:

3

Նորին գերազանցություն

բժշկական ֆակուլտետի պարոն ղեկանին

Բժշկական ֆակուլտետին հետաքրքրող ռազմագերի ռուս բժիշկ Սիդորկինի հավաքածուի մասին Բիշոֆսբերգ քաղաքի ռազմաղեկների ճամբարի պարետատունը ոչինչ չի կարող հայտնել, քանի որ հիշյալ ռազմագերին տեղափոխված է Այադհեյմ ամրոցը (Սաքսոնիա): Ռազմագերու հետ փոխհարաբերության մեջ մտնելու թույլտվության համար պետք է դիմել համապատասխան օկրուզի զորքերի հրամանատարին:

Ճամբարի պարետ—

Համհարզ—

4

Բիշոֆսբերգ քաղաքի համակենտրոնացման ճամբարի պարետ
Նորին բարձր բարեծննդություն
մայրը Բիդաուին:

Կարգադրում եմ բոլոր միջոցները ձեռք առնել ձեր ճամբարում եղած ռազմագերիների 70 տոկոսին շտապ կերպով կալվածքներում և գյուղական տնտեսություններում տեղավորելու ուղղությամբ: Միաժամանակ հանձնարարում եմ գերապատվությունը տալ մանր տնտեսություններին և խուսափել մի տնտեսությունում տասից ավելի ռազմագերի էլուտակելուց:

Սպասում եմ ձեր զեկույցին:

Ի/տ գորհերի հրամանատարի—

Համհարզ—

Եվ այդ ժամանակ, այդ տարիներին լինում էին օրեր, երբ երկնքում լողում էին փետրավոր ամպեր, երբ քամին խառնշոտում էր խոտն ու գրկում լորենու ծաղիկը: Լինում էին գիշեր-

ներ, երբ վճիտ, սառցե ցող էր նստում, լինում էին երեկոներ, երբ ամեն ինչ մարում էր, ու միայն լուսատուիկներն էին թափառում մթության մեջ:

Փշալար, սվին ու կոթ, մաուզեր, նազան, սմիտ-վեստոն, հրասանդներ, նոնակներ, ռումբեր, կտրված ձեռքեր, սղոցած ոտքեր, այրված աչքեր, ճեղքված ճակատներ, ծակված կրծքեր—և նորից փշալար, նորից սմիտ-վեստոններ, նորից նոնակներ, ռումբեր, ֆուգասային ռումբեր:

Խրամատներ, գետնափոր տներ, բլինդաժներ, բարաքներ, ճամբարներ, զորանոցներ, հոսպիտալներ, լաղարեթներ, հիվանդանոցներ, գծանոցներ, խելագարների ավաններ, խելագարների քաղաքներ—և նորից խրամատներ, նորից ճամբարներ, նորից զորանոցներ:

Թարախապալարներ վղներին, էկզեմայի վերքեր թևատակերին, կաշվեթեփ ծնկներին, մկնատամ, վերքեր, լորձոցան որովայններին, հերաթափ գլուխներ ծածկված թարախաբշտիկներով, որոնցից թարախը հոսում է, ինչպես նեխած պանրից:

Մ Ա Ր Գ Ի Կ, Մ Ա Ր Գ Ի Կ —

այդ ժամանակ, այդ տարիներին լինում էին օրեր, երբ զգացվում էր ինչպես է բարձրանում գարնանացանը, ինչ չէ՞ որ ամեն առավոտ, ամեն առավոտ լուսաբաց էր լինում...

Կողովք, որի մեջ նստել էր Լեպենդինը, ճռճում էր, փոկերը խշխշում, գոտին ճրթճրթում էր լարումից: Սակայն ձեռքերն ու փորն ամրացան, և թիակալներով գետնին հենվելն ու մարմինն առաջ ու ետ նետելը հեշտացավ:

Չգիտես այն բանից, որ հողը դեմքին շատ մոտ էր, թե նրանից, որ շարունակ ձեռքերով շոշափում էր այն՝ տաք, ինչպես մարմինը, Լեպենդինը զվարթանում էր, ուժ առնում:

Գուր եկավ Լեպենդինը բանջարանոցապանին՝ չգիտես իր զվարթությանը թե խեղանդամությամբ, բանջարանոցապանը հաշմանդամին վերցրեց իր մոտ որպես մարդ մշակող: Գործի դրեց, որ խնամի բանջարեղենը, վերաշինի ջերմոցի տաշտակներն ու պատուհանիկները:

Լեպենդինը բաղճանում էր, բուկլից անում, իր կողովով պատվում էր մարգրի միջև առավոտից գիշեր՝ կանաչի, տաքացած հողի բաղցր բուրմունքով պարուրված ու երգում էր.

Նեմշիկները եզերներին բունեցին,
Եզերներին ճամբարները դրեցին:
Եզեր-մեզերիկ,
Ռուս կարմրակուրծիկ,
Ընկար ճամբարիկ:
Նեմշիկները բազուկ տնկեցին,
Բազուկով ուսներին կշտացրին:
Այ թե կուռչեն
Ռուսները
բազուկից:
Այ, շունչները պիտի փչեն
կանաչից
Իմ երկրացիք:

Մի անգամ Լեպենդինը ճաշից հետո դուրս սողաց իր շերմոցից, գլորվեց բանջարանոցով ու նստեց դռան մոտ: Նրա քոչև վառվռում էր. բարձր, թեք ու հարթ տանիքի աղյուսե, կարմրագույն կղմինդրը: Նա աչքերը կկոցեց այդ փայլից, գլուխը բարձրացրեց: Երկինքը մաքուր էր, կապույտ: Մեջքը շրջեց դեպի տանիքը:

Նրա առջև փովել էր դաշտը ցանքի բաղմագույն շերտերով կտրատված, Հեռվում ցցված էին անցյալ տարվա ծղոտի երկու դեպ, արդեն զզգված, գորշագունած: Նա երկար նայում էր դեզերին:

Մի տեղ արաղաղը կանչեց: Քիչ հետո նրան պատասխանեց մի ուրիշը:

Լեպենդինն աչքերը կկոցեց:

Արևն ուժեղ այրում էր, դաշտից հացահատիկի շրջյուն էր գալիս՝ այնտեղ ցցված էին ցածր, զզգված, գրեթե սևացած դեզեր: Դռան ետևը ծորակից հնչեղ կաթիլներով տակառի մեջ էր լցվում շուրթ:

Այո, եթե աչքերդ փակես, ինչպես Ստարիյե Ռուչիում՝ նավդաններից կաթկթում է, ինչպես Սանիշինում, կեսօրին՝ աքաղաղներն են կանչում, հացահատիկն է շրշում, անպետք դեզեր են ցցված...

Սակայն եթե աչքերդ բանաս, մի՞թե կտեսնես դարուփո-

սերի-մեջ խրվող հաստափոր ձիուն՝ երկար բաշի վրայի շքջափոկով ու լծաղեղով: Կամ աղջկան, որ ազգրերին հասնաբած փեշերը շարժելով, ճկուն ոտքերով անվահատքերի փնջին է տրորում:

Դաշտը հատող ճանապարհով շտապ բանջարանոցի դռնակին էր մոտենում մի փոքրիկ մարդկային կերպարանք: Նա դեռ աղոտ էր երևում, թեթև, ասես ճանապարհին չէր էլ դիպչում, և երկնքի, արևի ու կանաչի լույսից հնարավոր չէր որոշել՝ փոքրիկ աղջիկ է, օրի՞՞րդ, թե՞ կին: Այնտեղ, ուր ճանապարհը բաժանվում էր ճյուղերի, և մի ճյուղը գալիս էր դեպի բանջարանոցի դռնակը, նա կանգ առավ: Փխրուն, արեզվով ողողված, նա կանգնել էր փոքրիկ բլրակին, դեմքը Լեպենդինին դարձրած: Հանկարծ տեղից շարժվեց նրան ընդառաջ, մոտեցավ, գրեթե վաղեց, շրջադեպստի գրպանից հանեց մի տուփ ծխախոտ, մեկնեց հաշմանդամին ու դժվարությամբ արտասանեց.

— Պապիոսա:

Ու ծպտաց այնպես, կարծես ներողություն էր խնդրում:

Լեպենդինն ատամները բաց արեց, հոնքերը շարժեց: Այն ժամանակ աղջիկը կրկին ձեռքը գրպանը սահեցրեց, ու նրա նուրբ մատների մեջ փայլեց կլորավուն ծխախոտատուփը, նա այն բացեց:

Սակայն—

Նույն պահին ճանապարհով անձայն գլորվեց մի հեծանիվ, փայլեցրեց օդում տնկված առաջին անիվի անվաճաղերը, և ժանդարմի սև մոնումենտը ծանրորեն խրվեց հողի մեջ:

Նա ուղղեց մեջքին պցած կարճփող բերդանկառն ձեռքը սահեցրեց համազգեստի կոճակների ուղիղ շարքով և ոչ բարձր, ասես վերջակետ դնելով հաշող ավարտված մանեքի առաջին մասին, արտասանեց.

— Այդպե՛ս:

Հետո նայեց Լեպենդինի ծոցից ցցված ծխախոտի տուփին, աղջկան, որ դեռ կանգնած էր նրա կողքին բաց ծխախոտատուփը ձեռքին, և հարցրեց զուսպ-սպանալի ձայնով.

— Ձեր անձնական վկայակա՞նը, ֆրոյլայն:

— Ինձ մոտ չէ:

— Ինչպես է ձեր անունը:

— Մարի Ուրբախ:

Ժանդարմի բեղերը կախ ընկան:

— Տրաու Ուրբախի ազգականուհի՞ն ենք:

— Գուտըր:

Ժանդարմը գլխարկը բարձրացրեց, ճաղատը փայլեցրեց, ձեռքի ափով սրբեց քրտինքը, հետո գլխարկն ավելի խոր քաշեց գլխին:

— Միևնույն է: Գնա՛նք:

Մարին քայլեց նրա կողքով: Հետո հանկարծ հիշելով ծխախոտատուփը, այն՝ բացած, ծխախոտով լի, մեկնեց ժանդարմին: Վերջինիս ձեռքն արդեն դողաց, բեղը վեր ցրցվեց, երբ Մարին, ոչ այն է երևալի նման, ոչ այն է խորամանկորեն պարծեցավ:

— Իսկական ուսական են:

Ժանդարմի կոկորդին կարծես մի բան դեմ առավ, հալաց, ձեռքը ձգվեց դեպի հեծանիվի պտտվող ղեկը, հովարն իջավ քթին:

Այն ժամանակ Մարին շրջվեց:

Լեպենդինը դեռևս նստած էր նախկին տեղում: Տեսնելով որ աղջիկը շրջվեց, նա անհանգստացավ, դեպի առաջ երեքայ, հետո ձեռքը բարձրացրեց գլխավերևն ու օդում թափահարեց իր թիակալը:

Լեպենդինին թվաց աղջիկը, — օրի՞՞րդ էր թե կին, — ժուլտաց նրան:

— Ա՛յ դու... ա՛յ աղջիկ...

ԱՆՔԱՊԱՔԱՎԱՐԻ ՖԵԼԻՍՏՈՆ

Մարին մտավ շտապարատի առանձնասենյակը:

Լայն պատուհանի բազմագույն ապակիների ուրախ շողքերը փլվեցին նրա գլխին: Ապակիներից թափանցող լույսն ուրախ էր, հարբած, հնչեղ, ինչպես դիմակահանդեսի լապտերների նախշուն պաստառները: Այնտեղ, ցինկե միջադիրների խառը ցանցի մեջ ծեփվում էին սուտակե, զմրուխտե, փիրուզե թասակներ, բերետներ, գլխարկներ, բաճկոնակներ, կեղծամներ, գուլպաներ, վարտիքներ, գոտիներ, պայուսակներ, կոշիկներ և ժիլետներ: Գույնզգույն, խայտաբղետ, հար-

բած զգեստներով էին զուգվում մարդիկ: Գույնզգույն, խայտաբղետ, հարբած խմբերով կուտակվում էին մարդիկ հիանալի տակառագործի ձեռքով սարքված դարեջրի պինդ տակառի շուրջ: Քաշում են՝ հարբած, ճղճղան, գարեջուր կոնծած, ծիծաղից պայթող, հաստափոր, հաստիկ այտերով, այս ու այն կողմ են քաշքշում գարեջրի տակառը: Կրունկները խրել են հողի մեջ, ձեռքերով կառչել իրարու, ձեռքերն ընկել են փորերին, իսկ փորերը ուր որ է ծիծաղից կպայթեն: Գիրուկ մարդկանց մի խայտաբղետ կույտ ընկած է տակառի աջ կողմում, մի այլ խայտաբղետ խումբ՝ ձախ կողմում: Հապա՞: Ո՞վ ում: Հա՛-հա՛-հա՛: Հապա՞: Եվ ձախ կողմի գուլպաների գույնից և աջ կողմի վարտիքների ձևվածքից ամեն մեկի համար էլ պարզ է, որ այնտեղ նիդերբախցիներն են, իսկ այստեղ՝ բիշոֆսբերգցիները: Եվ հարցը դատարկ բանի չի վերաբերվում, հարցը պատվավոր առաջնությունն է, առաջին տեղինը, թերևս, ամբողջ հայրենիքում: Հիանալի հայրենիքիդ առաջին հարբեցողի պատվավոր կոշմանն արժանանալուն: Հապա՞, ո՞վ կբաշի: Նիդերբա՞խը թե՛ Բիշոֆսբերգը: Ո՞վ ում: Հա՛-հա՛-հա՛: Քաշիր, քաշիր: Դրանցից շատ ավելի լավ քաղաքներին էլ հաճելի կլինի հայրենիքի առաջին հարբեցողը կոշվել: Արբեցուցիչ, խայտաբղետ, բազմագույն է շտապարատի առանձնասենյակում:

Սակայն պատուհանի երկայնությամբ ձգվել է աշխատասեղանի մուգ կարմիր անապատը: Անապատի մեջտեղում կապույտ բաժակի մեջ հուսահատական մերկություն բացված էին գրիչներն ու մատիտները, ինչպես շորացած օազիսում մեռնող արմավենիների բներ: Քիչ հեռվում հողի մեջ խրվել էր մի ջրհոր՝ տրտում այդ լայնարձակությունների միակ անսպառ աղբյուրը՝ թանաքամանը: Անապատի եզրերին գործերի շարժում էր տեղի ունենում: Կապույտ, սպիտակ, կանաչ թղթասպանակներով, համարներով, լիտերներով և ամսաթվերով, դրանք, անապատի արևմուտքից, ուր դնում էր զեկուցողը, շարժվում էին դեպի արևելք, որտեղից արդեն վերցնում էր քարտուղաբը: Անապատի խորքն էին թափանցում միայն շատ սակավաթիվ գործեր, և այդ դեպքում դրանք երկար դադար էին առնում մեռնող արմավենիների ժլատ ստվերի տակ՝ մատիտներով բաժակից դեպի արևմուտք:

Շտադտրատը նստել էր բազմոցին, գարեջրի համար վիճողների ուրախ բազմության և իր սեղանի մուգ կարմիր անապատի միջև: Սակայն բիշոֆսբերգցիներն ու նիդերբախցիները հոհում և ճիգ էին թափում նրա ետևում, իսկ առջևում ձգվում էր անապատը, ու շտադտրատը պատկանում էր նրան, ոչ թե ուրախ հարեցողներին: Չոր էր, անուրախ, անտրամադիր:

— Ֆրոյլայն Ուրբախն եք,— հարցրեց նա փոքրիկ դանակով կտրելով սիգարի ծայրը:— Չեմ գարմանում, որ դուք ինձ մոտ եք ընկել այն առիթով, որի մասին զեկուցեց ոստիկանության քարտուղարը: Նստեցե՛ք:

Շտադտրատը սիգար ծխեց:

— Ես ճանաչում եմ ձեր հարգարժան ծնողներին, և ձեզ էլ եմ ճանաչում: Այնուամենայնիվ, համարձակվում եմ ասել, որ չէի դարմանա, եթե ստիպված լինեի ձեզ հետ զրուցել ձեզ պետական դավաճանության մեջ մեղադրող գործի առիթով: Հասկանո՞ւմ եք, թե ինչ եմ ասում:

Շտադտրատը լռեց:

— Հավանաբար գիտակցում եք ձեր արարքի ծանրությունը: Ես խոսում եմ ոչ այն մասին, ինչ այսօր է տեղի ունեցել: Դա ձեր նախկին ողջ վարքագծի բնական հետևանքն է: Ես խոսում եմ... Դուք հասկանո՞ւմ եք, թե ինչի մասին եմ խոսում, ֆրոյլայն:

Շտադտրատը դեղին ծուխն աղմուկով բաց թողեց քթից ու ձեռքը մեկնեց անապատի խորքում ընկած գործին:

— Ոստիկանության տրամադրության տակ վաղուց տեղեկություններ կան ուստի հետ ձեր ունեցած հարաբերության մասին:

Նա վեր բարձրացրեց շոր, անգույն աչքերն ու հառեց Մարիին:

— Լսո՞ւմ եք: Ռուսի հետ ունեցած ձեր հարաբերությունների մասին:

Շտադտրատը ամուռ ներս քաշեց սիգարի ծուխը:

— Ձեր լուսնային, ֆրոյլայն, նախ և առաջ անքաղաքավարություն է: Այդ բանում էլ ես տեսնում եմ այդ, ինչպես է կոչվում... այդ մարդու հետ շփվելու պտուղները:

Շտադտրատը գործը թերթեց:

— Նրա ազգանունը... Դուք մտադի՞ր եք ինձ պատասխանել... Ես այսպես եմ խոսում միայն այն պատճառով, որ հարգում եմ ձեր ծնողներին և ամենից առաջ՝ ձեր մորը՝ ֆրաու Ուրբախին: Այլապես միջոցներ կգտնեի ստիպելու ձեզ, որ պաշտոնական անձի հետ ձեզ պահեք այնպես, ինչպես հարկն է...

Շտադտրատը ձայնն իջեցրեց և մեղմացրեց:

— Մի՞թե չեք հասկանում, որ ձեր վարքագիծն անտանելի է: Մտածեցեք, ֆրոյլայն, թե ինչ դրություն մեջ եք դնում ձեր ծնողներին: Ձեր մայրը՝ ֆրաու Ուրբախը, բոլորի կողմից հարգված անձնավորություն է, ընդունելություն է գտել նորին մեծության արքունիքում, շքանշանների ասպետ է, միությունների պատվավոր անդամ: Ձեր եղբայրը... Դեհ, ձեր եղբոր մասին լրագրերում գրում են, ինչպես աղգային հերոսի: Նա միակ սպան է Բիշոֆսբերգում, որ ստացել է pour le mérite շքանշանը: Միակն է Բիշոֆսբերգում: Նա աչքի է ընկել Վերդենի մոտ: Առաջիններից մեկն է մտել Մորեծ: Մի մտածեցե՛ք: Եվ հանկարծ... Ոչ, դա անվայել է, դա զզվելի է: Ըստ ծառայական պարտականության ես պարտավոր եմ... Սակայն սպասեցեք, մի՞թե ձեր խիղճը չի տանջում: Մի՞թե դուք չեք զղջում:

Շտադտրատը ետ քաշվեց սեղանից, բացականչեց:

— Օ, սա հրեշավոր բան է, հրե-շավոր:

Հետո վեր կացավ, քայլեց առանձնասենյակում, նստեց և խոսեց միալար:

— Պահանջում եմ, որպեսզի ինձ պատասխանեք: Դուք ընդունո՞ւմ եք, որ գերմանացի կնոջ պատիվը, ձեր տան պատիվն արատավորող քայլ եք արել, և ինձ, իբրև իշխանության ներկայացուցիչ, խոստանո՞ւմ եք, որ այսուհետև նման բան այլևս չեք անի: Պատասխանեցեք, ի՞նչ է նշանակում այդ լուսնայինը: Լսեցեք, դուք...

Շտադտրատը բռունցքը խփեց սեղանին ու բղավեց:

— Լսեցեք, աղչիկ: Ինչպե՞ս եք համարձակվում լռել, երբ ես պատասխան եմ պահանջում: Ինչպե՞ս եք համարձակվում: Ես ձեզ կպատժեմ, կբանտարկեմ, ձեր անունը կհրապարակեմ, կխայտառակեմ ձեզ: Ձեզ տնից կվտարեն, քաղա-

քից կվտարեն, ձեզ մատով ցույց կտան, լսո՛ւմ եք, մատով, է՛յ: Մատո՛վ, մատո՛վ:

Շտադտրատը վազվզեց գուլնզգուլն պատուհանի առջև նրա դեմքին, բռունցքի պես կծկված, ջղուտ ու հարթ այդ դեմքին թրթռացին առակիները խայտաբղետ շողերը: Նա ունում էր.

— Կարծո՞ւմ եք ձեզ կխնայե՞մ: Կարծում եք կհանդուրժե՞մ, որ իր ընտանիքը խայտառակող անպետք աղջիկը անպատիժ կերպով խայտառակի նաև գերմանացի կնոջ պատիվը: Գրողը տանի, ես ձեզ ետ կսովորեցնեմ անիծյալ ռուսի մոտ քարշ գալուց: Դուք, դուք... Գիտե՞ք դուք ով եք: Դուք պոռնիկ եք, դուք ավելի վատն եք, պոռնիկը ձեզնից հայրենասեր է և իրեն թույլ չի տա...

Նվ հանկարծ, ասես ջարդված ապակու մի ամբողջ կույտ խլացուցիչ զնգոցով փլվեց շտադտրատի գլխին.

— Լռեցե՛ք: Լսո՞ւմ ե՞ք, լռեցե՛ք:

Նա գրեթե ընկավ բազկաթոռին ու քարացավ:

Իսկ Մարին ուղիղ, ձիգ կանգնած, ասես պողպատե կաղապարի մեջ էր առնված, հատու քայլերով դիմեց դեպի դուռը, բացեց այն, անցավ միջանցքներով, սրահով, ուր գրասեղանների միջև սյուտովում էր ոստիկանություն քարտուղարը, անցավ ընդունարանով և դուրս եկավ փողոց: Նվ այնտեղ, առանց մեջքը ծռելու, նույնքան հատու քայլվածքով, գլուխը բարձր պահած, անցավ մարդկանց մոտով, ասես նրանց գլխավերևով, առանց թաքնվելու—

առաջին անգամ այս տարիների ընթացքում, առանց թաքնվելու, ուղիղ կտրեց հրապարակն ու դիմեց դեպի բարոկկոչի ոճի փորագրազարդված ցածրիկ դռնակը և ապա սանդուղքով վերև, վերև, ոչ մի անգամ—

— ոչ մի անգամ ետ չնայելով,

դեպի դռնակը, որի մոտ այնպես բաբախում էր սիրտը:

Շտադտրատի առանձնասենյակում, ուր անտեսանելի քաղաքավարի ոգի էր խուժել, երևաց ոստիկանության քարտուղարը:

— Հերր շտադտրա՞տ:

Շտադտրատը սթափվեց, վերցրեց ձեռքի տակ եղած գոր-

ծը, դրեց սեղանի մեջտեղը՝ մատիտներով բաժակից արևմուտք, ասաց.

— Նրան առայժմ բաց թողեցի, հերր քարտուղար: Հիմա աչքի կանցկացնեմ լրագրերը:

Նվ քարտուղարը անձայն հալվեց, ինչպես գոլորշու փոքրիկ քուլան սառնամանիքին: Իսկ շտադտրատը կարդաց.

Գ Յ Ի Ր 10 Պ Ֆ Ն Ե Ի Գ
Կ Տ Ե Ս Ն Ե Ս Պ Ա Տ Ե Բ Ա Ջ Մ Ը :

Բեռլինում, «Մետրոպոլ» թատրոնի պատմում կա ավտոմատ պանորամա: Կապույտ սերթուկ և կարմիր վարտիք հագած ֆրանսիացիները պաշտպանում են ամրոցը: Նրանց դիմաց խրամատների և խրամադիների միջև ցրվել են գորշ հաստիկ գաճաճները: Հիանալի է, աստված վկա: Մանավանդ երբ մտածում ես, որ ամեն մի անցորդ հեշտությամբ կարող է համոզվել, թե ինչ հաճելի բան է համաշխարհային պատերազմը: Ի դեպ, էլ ի՞նչ ավտոմատ, եթե այն շատ ավելի մեծ հաճույքներ չպատճառի: Վերևում ավտոմատը անցք ունի, օ, դա որթան կարոտ է նիկելի: Անցքի վերևում մակագրուժյուն կա.

Գ Յ Ի Ր 10 Պ Ֆ Ն Ե Ի Գ
Կ Տ Ե Ս Ն Ե Ս Պ Ա Տ Ե Բ Ա Ջ Մ Ը :

Բեռլինում հոգ կտանեն բոլորի մասին: Տասը պֆենիգով ամեն մեկը կարող է ունենալ իր սեփական փոքրիկ պատերազմը: Անցքի մեջ գցիր նիկելե փոքրիկ դրամը (հակառակ դեպքում դրամը կարող է և երկաթից լինել) և նույն պահին, ինչպես բեռլինցիներն են ասում, կրպակը կաշխատի. գնդացիները կթխկացնեն իրենց խցանները, զինվորները կսկսեն ծեծել, ջարդել, կրակել. ուղղակի հիասթա՛նչ է: Դեռ չես հասցնի շուրջը նայել, ֆրանսիացիներն արդեն սպանված, գերի վերցված կլինեն, իսկ գերմանացիները կոմսեն ամրոց: Իսկ հետո՞ դե՛հ, թե չէ էլ ի՞նչ ավտոմատ, նորից ամեն ինչ իր տեղը կգա: Հաճելի է, որ այդ պատմությունը կարող է միշտ նորից սկսվել: Մեկ էլ փող գցիր՝ անմիջապես հրանոթները կղղրագան, զինվորները կսկսեն ծեծել, ջարդել... Իսկ վերջ ի վերջո՞՝ նորից ամեն բան, ինչպես առաջ էր: Նվ այսպես շարունակ, մինչև ամբողջ նիկելը վերջանա: Այդպես էր, այդպես կարող էր շատ երկար ժամանակ լինել: Փարիզում էլ, հավանաբար, այդպիսի ավտոմատ կա, որովհետև պատերազմի ժամանակ լավ ճաշակը ինտերնացիոնալ է: Միայն թե այնտեղ, իհարկե, ամեն ինչ հակառակն է. այնտեղ զնգակահարում ու գերի են վերցնում գերմանացիներին, իսկ հետո նորից ամեն բան իր տեղն է ընկնում:

Նորերս ռազմաճակատից եկած մի զինվոր անցնում էր Բեռլինի պատածով: Նա նայեց ավտոմատը, և քանի որ ռազմաճակատում

սովորել էր թունդ խոտքերի, հայհոյեց: Սակայն քանի որ, բացի դրանից, նա ծուռնալիտ էր, ուրեմն ըստ մասնագիտության՝ հե. տարրերասեր մարդ, ու զիտ խելթին էլ փշել էր թերթին մի բան գրել այդ մասին, ուստի ավտոմատի մեջ նիկելի դրամ գցեց:

Ու պատահեց հրաշք: Մարտը... չսկսվեց: Թնդանոթները լուռ էին, զինվորները մտադիր չէին ոչ ծեծել, ոչ շարդել, ոչ կրակել ծնցում, հարվածներ: Ոչինչ չշարժվեց: Ավտոմատը շարժված էր:

Մի անցորդ, որ ուրախացել էր ձրի ներկայացման համար և խորապես խարվել էր սպասումներում, կամենում էր ինչ գնով էլ լինի կանչել զոնսպանին: Նա պնդում էր, համառում տեսնելու իր փոքրիկ, ուրիշի կողմից վճարված պատերազմը, ուղում էր անսպասան արյուն տեսնել: Սակայն փող գցողը հրածարվեց:

Քանզի թեև նա ծուռնալիտ էր, այսինքն ըստ մասնագիտության հրաշքի չհավատացող մարդ, այնուամենայնիվ ուշադիր նայելիս նրան թվացել էր, թե ֆրանսիացիներն ու գերմանացիները շատ բարեկամաբար էին իրար նայել:

— Թողե՛ք, — լրջորեն արտասանել էր նա, — չէ որ երբեք այդ պետք է լինի:

Ասել էր «մնաք բարով» ու հեռացել:

Շտադտրատը թերթը ծալեց, ղանգը տվեց:

Ներս մտավ ծառայողը:

— Ահա թե ինչ, — ասաց շտադտրատը, — այս թերթը, տեսնո՞ւմ եք, ա՛յ այս թերթին այլևս ինձ չբերեք:

Գ Լ Ո Ւ Ն

Ի Ն Ը Հ Ա Ր Յ Ո Ւ Ի Ր Տ Ա Ս Ն Ո Ւ Թ Թ Վ Ա Ա Կ Ա Ն Ի

Մ Ա Ս Ի Ն

Ծ Ա Ա Ն Ա Պ Ա Ր Ք

Սեր, կատաղած շունը, որ մոլուցքի մեջ ինքն իրեն էր կրծոտում, վերջին շունչը փշելով, գետին տապալվեց: Չոր լեզվով սկսեց լիզել իր ազդրերի վերքերը և արյունոտված մուկով փորի մեջ լցնել դուրս թափված աղիքները:

Եվ շան կողքին խունկ էին ծխում, և՛ բուրվածների զանգակները ղողանջում էին նրա ականջների վերքը, և՛ գորովա-գուլթ պատերները, կարդինայները, կսյունները քայլում էին հանդիսավոր համերաշխությունը, և՛ ուրբիները փսփսոսում

էին փրենց հազարամյա նզովքները, և՛ հրեշտակների ձայնե-
րը լցնում էին սառած օդը.

և խաղաղություն երկրին...

բարեհաճություն մարդկանց...

Իսկ շունը ոռնում էր հոգեվարքի ցավից, ու նրա կույր աչ-
քերը մշուշվել էին պղտոր արցունքով:

Այդպես դիմավորեցին մարդիկ հաշտությունը:

Այն վրա հասավ հանկարծակի, թեև նրան սպասում էին ամեն բուպե՝ ցերեկ թե գիշեր, քնած թե արթուն: Հաշտու-
թյունն իր հետ բերեց այն ամենը, ինչ կարող էր բերել Անտ-
վերպենից, Մարնայից, Շամպանից հետո, Տրիեստից, Կար-
պատներից և Մազուրյան ճահճուտներից հետո: Այն նույնքան
բարեսիրտ էր, որքան Վերդենը, և նույնքան մեծահոգի, որ-
քան Բրեստ-Լիտովսկը:

Սակայն այն իրենով եզրափակում էր որոշ ժամկետներ և սկիզբ դնում այլ ժամկետների: Թափվում էին Սարաևոյում արձակած կրակոցից գոյացած օրացույցի թերթերը, և սկսվել էր հրաժեշտների ու անջատումների ժամը:

Անդրեյի համար այդ ժամը վրա հասավ հաշտությունից քիչ առաջ, երբ նրան հայտարարեցին, որ կարող է հայրենիք վերադառնալ: Դառն էր, դառն այդ ժամը, ամբողջովին ներ-
ծծված թախիծով, ինչպես տափաստանի քամին՝ օշինդրի բույրով: Սակայն այն իր մեջ թաքցնում էր մի անորսալի
թարմություն, ինչպես տափաստանի հեղձուցիչ քամին իր մեջ
ծովի գրգռիչ զովություն է թաքցնում:

Ինչո՞ւ չի կարելի խոսել մանկան թոթովանքի նման հու-
զիչ ու պարզամիտ զգացմունքների մասին: Ո՞վ է արգելք դրել քնքշանվազ հառաչների, անմոռուկների, մաքուր, ջերմ համբույրի վրա: Ով է համարձակվել ասել, թե զգայականու-
թյունը դաժանությունից գոհ՛հիկ բան է, և դա այն ժամանակ, երբ սիրահարված շունը սակավ ենք լսում, քան սպանվածի հառաչ...

Մարին հրաժեշտ էր տալիս Անդրեյին:

Նրանք գրկախառնված նստել էին այն սենյակում, որը նրանց համար բանտից դարձել էր ազատություն, և որն ընդ-

միշտ թողնելը նրանց համար նույնքան սարսափելի էր, որքան անզատման մասին մտածելը:

Նրանք կանգ առած աչքերով նայում էին տեսած, ուսումնասիրված առարկաներին, և ամեն ինչ ճապաղվում էր հայացքների առջև, դառնում դատարկություն, ինչպես նրանց սպասվող ապագան:

Եվ որպեսզի իրենցից քշեն ամենասարսափելին, նրանք կրկնում, ասում էին միմյանց անհասկանալի, անհասկանալի խոսքեր.

— Իհարկե կհանդիպենք:

— Իհարկե, Մարի: Չէ՞ որ ամեն ինչ շատ լավ է դասավորվում:

— Ես ոչ մի բոլոր չեմ կասկածում, Անդրեյ:

— Մարի, ես վստահ եմ, միանգամայն վստահ:

Հետո նրանց տաք այտերն իրար էին քսվում, մատները շոյում էին խառնիխուռն մազերը, և սակված սենյակը երկրորդում էր նրանց զուսպ, համերաշխ շնչառությունը:

— Դու ճանապարհից գրիր:

— Անպայման, անպայման:

— Հենց որ տեղ հասնես:

— Հենց որ տեղ հասնեմ:

Բաց պատուհանի տակ հեռվում ճողփում էր շատրվանի մեն-միակ ջրաշիթը, հին, կանաչած, ջրից մաշված, ժամանակից ճաքճքված շատրվանի: Ջրի զնգոցը արձագանքում էր հրապարակի հեռավոր անկյուններում և տանջալիորեն համաշափ էր ու թախծոտ:

— Ես անմիջապես կգամ, հենց որ դու տեղավորվես:

— Ես շուտ կտեղավորվեմ, շատ շուտ, Մարի:

— Ի՞նչ ես կարծում, մի կես տարուց, թե...

— Ի՞նչ ես ասում, Մարի: Երկու ամիս, ամենաշատը...

— Ուրեմն երկու ամսից կարելի է պատրաստվե՞լ:

— Մարի, դու պետք է պատրաստ լինես ամեն օր: Չէ՞ որ դա շուտ կկարգավորվի, և ես քեզ հեռագրով կհայտնեմ:

— Հեռագրո՞վ:

— Իհարկե:

— Ես միշտ պատրաստ կլինեմ...

Եվ կրկին նրանք լուռ նայում էին իրենց առջև, և վաղուց

ժանոթ իրերը կորչում էին դատարկության մեջ, և ձեռքերը շոշափում, քաշքշում էին բազմոցին, ոտքերի միջև ընկած ծաղիկները:

Հանկարծ Մարին պոկվեց բազմոցից, դեմքը դարձրեց Անդրեյին, ձեռքերի մեջ առավ, սեղմեց նրա զլուխն ու կարճ ասաց.

— Ժամանակն է:

Անդրեյը ձգվեց դեպի աղջիկը, գրկեց նրան, ուզում էր վեր կենալ, սակայն չկարողացավ հավասարակշռությունը պահել և աղջկան գցեց իր վրա: Ու այսպես նրանք շարժվում էին մի քանի բոլոր. Մարին՝ ձեռքի ափերով սեղմած նրա դեմքը, իսկ Անդրեյը՝ քարացած մեծ ձեռքերով նրա մարմինը գրկած: Հետո Անդրեյը ձեռքերը թողեց, դեմքն ազատեց ու նայեց Մարիի աչքերին: Աղջիկը կարծես նրան չէր տեսնում: Անդրեյը խեղդված ձայնով ասաց.

— Մարի, գուցե... գուցե ավելի լավ է չմեկնե՞մ... մնամ քեզ հետ:

Նա Անդրեյից ետ քաշվեց այնպիսի ուժով, ասես ուզում էր վերջինիս սթափեցնել, և հայացքում վայրկենաբար իրար հաջորդեցին երկյուղ և ուրախություն:

— Անդրեյ,— գրեթե բղավեց նա,— դու այնքան երկար ես սպասել այս ժամին:

— Օ, այո... Անսահման երկար: Սակայն Մարի: Քեզնից հեռանալ...

— Ինչպե՞ս թե հեռանալ,— ընդհատեց Մարին:— Չէ՞ որ մենք շատ շուտով կհանդիպենք...

— Իհարկե, հիմարություն եմ գուրս տալիս,— արագ ասաց Անդրեյն ու մի տեսակ անմիջապես սկսեց շարժվել, շտապել, կարծես միանգամից վրա հասավ ինչ-որ տեղ շտապելու ժամանակը:

— Իհարկե հիմարություն է: Փոքրոգություն: Հասկանո՞ւմ ես, մի պահ ինձ թվաց, թե մենք... որ ես երբեք...

Նա նայեց Մարիին:

Մարիի կոպերը կիպ սեղմված էին և փայլուն մի թելիկ ասես կապարի նման զոդել էր նրա արտևանունքները:

Անդրեյը նետվեց նրա մոտ:

— Մարի-ի՛:

Գրկեց նրան, տարավ դրեց բազմոցին, սյուսկեց կողքը և ուղում էր համբուրել, սակայն գլուխն ընկավ Մարիի դեմքին, ու նրանց արցունքները՝ հորդ, արագ, միախառնվեցին: Տրորված ծաղիկները թափվում էին բազմոցից, և նրանց հոտից դանդաղ հատակին էին թռչում սրկոտված ծաղկաթերթիկները:

Պաուլ Գեննիգը ներս մտավ սովորականից ավելի աղմուկոտ, և ձայնն էլ սովորականից բարձր էր:

— Անդրեաս, պետք է ասեմ, որ ձեր հավատարմությունն ինձ ապշեցնում է: Սակայն ոչ մի բան հավերժական չէ աշխարհներից ամենալավ այս աշխարհում, թեկուզ դա հարյուր անգամ լինի... Andere Städtchen — andere Mädchen¹ ինչպես ասում են... Ուրիշին կգտնեք:

— Վերջ տվեք, հերր Գեննիգ...

— Եթե մենք քաղաքական տարբեր հայացքներ ունենք, ուրեմն, բնական է, որ կանանց հարցում էլ տարբեր ենք մտածում, հա՛-հա՛... Սակայն, Անդրեաս, ասեմ ձեզ, մի քիչ տխրում եմ, որ մեկնում եք: Ո՞ւմ պետք է տանջեմ: Եվ բացի այդ, աշխարհը քանի զնում ավելի ու ավելի անհանդիստ է դառնում:

— Դուք գտնում էիք, որ ամեն ինչ բարեհաջող է զարգանում:

— Անդրեաս, Անդրեաս: Առաջինը, դուք մեկնում եք, և ես պատճառ չունեմ ձեզնից թաքցնելու, որ... դեհ, այո, որ ես որոշ իմաստով բաժանում եմ ձեր հայացքները: Երկրորդ, ես տեսնում եմ, որ...

Գեննիգը կռնչաց և խփեց իր ազդերին:

— Եկեք պարզ խոսենք: Ձեր հայրենասիրությունը սարքովի բան է: Գրողը տանի, դա, իհարկե, սպավորություն է գործում: Սակայն...

— Ինձ համար դա զզվելի է:

— Ժողովրդի սերը...

— Ոչ թե ժողովրդի սերը: Ես հարյուր անգամ ասել եմ

ևնչ նյութ: Ոչ թե իմ ժողովրդի հանդեպ ունեցած սերը, այլ աստիճյունն օտարների նկատմամբ:

— Գա ես երբեք չեմ հասկանա: Սակայն հարգում եմ ձեր տեսակետը: Թեև այն գործնական չէ: Դուք կհամոզվեք, որ որևէ մեկին ատելը մարդկային գոյություն պահանջն է: Սակայն ես հարգում եմ... Հարգում եմ ձեզ, Անդրեաս: Արդեն ձեր իրերը դասավորե՞լ եք: Ամբողջ հարստությունը: Հա-հա՛, եկեղեցու մկնիկ Անդրեաս, հը՛:

— Այո, պատրաստ եմ:

Պաուլ Գեննիգը հռուշեց:

— Ուղեկցելն ընդհանրապես վատ է: Դիմավորելն ավելի լավ է:

Նա շրջվեց, ու հանկարծ այնպիսի մի մոնչոց արձակեց, որ սեղանի վրայի ջրամանը զնգզնգաց:

— Երբ այս սենյակը դատարկ մնա, ես ո՞ր գրողի ծոցը պիտի զնամ քաղաքականության մասին խոսելու: Ուղղակի մարմինս սարսուռում է:

Մի պահ լռեց, ոտքերով թմբկահարեց հատակին ու զբոսանից թերթը հանեց:

— Այն էլ հենց հիմա, երբ այսպես անհանդիստ ժամանակներ են: Առաջ այսպես չէր: Առաջ այլ կերպ էր: Մենք պետք է դիմանանք, և մենք կդիմանանք, մենք՝ գերմանացիներս: Այո՛, Ահա թե առաջ ինչպես էր: Հիմա սկսել ենք նվնվալ:

— Ես այդ բանն արդեն երկու տարի է ասում եմ ձեզ:

— Հիմարություն է, Անդրեաս: Դուք էլ ինձ նման կույր եք: Դուք պնդում եք... Ավելի լավ է կարգաված ձեզ համար... Հետո Գեննիգը թերթը բացեց և մոտեցավ լամպին:

— Կկարգամ մի հայտարարություն, ամենահասարակ մի բան, ինչպես լրագրողներն են գրում, նոսպարելի տողը երևույն պիտի լինի: Լսեցեք:

Լավ ընտանիքից սերված մի գերմանական զինվոր, որ սպասբազմում կորցրել է ոտը և դրա հետևանքով լքվել հարսնացուի կողմից, կյանքի ընկեր է փնտրում իր նման մի գծախառն: Մեծապես խնդրում ենք այն տիկնանց, ում ստորին վերջույթները վնաս-

¹ Նոր քաղաք, նոր աղջիկներ (գերմ.):

ված են կամ անդամահատված, և ովքեր բարի սիրտ ու լավ բնավորություն ունեն, կարեկցել խեղանդամված մարմնի մեջ ամփոփված այդ փշրված, ազնիվ հոգուն և լիակատար վստահությանը՝ նշելով սեփական ընտանեկան դրուձյունն ու առողջական վիճակը, դիմել «Բիշոֆսբերգի առավոտյան թերթի»-ի հայտարարություններին E—8155 ծածկագրով:

Շերր Գեննիգը մի հանդիսավոր դադար տվեց ու տեղից նկավ ձևերի թերթն առաջ մեկնած, թափահարելով այն վսեմ գայլուցթով:

— Համաշխարհային այս վիթխարի իրադարձությունները որ բազմապիսի է կյանքի նոր ձևերով: Խեղանդամված զինվոր, դավաճան հարսնացու, անհայտ կազ կին, որը լուրջ է թեթևացնի դժբախտ արարածի տառապանքները և մեղմացնի դավաճանությունը դաժանությունը. որպի՛սի անսպառ նյութ շնորհալի դրամատուրգի համար:

Նա անշարժացավ բաց թերթը գլխավերևը բռնած:

— Դա դատարկ բան է, հերր Գեննիգ,— ասաց Անդրեյը:

— Բայց ինձ հուզեց: Ես սիրտ ունեցող մարդ եմ, Անդրեաս, հասկանում եմ նուրբ զգացմունքները: Ես դեռ ոչ մի անգամ ձեզ չեմ ասել, որ չեմ կարողանում մոռանալ Monsieur Պերսիին: Նա անլնաս մարդ էր և հարմոն էր նվագում, իսկ նրան բռնեցին ու բանտարկեցին բերդում: Դա հուզիչ է: Քաղաքականություն է՝ շատ լավ հասկանում եմ: Սակայն քաղաքականությունից զատ գոյություն ունի մարդկային՝ կարելի է, և մարդկային՝ չի կարելի: Մենք սկսել ենք նվնվալ, ուրեմն հասել ենք մարդկային՝ չի կարելիին...

Անդրեյը մոտեցավ Գեննիգին ու բռնեց նրա ձեռքը:

— Իմ գնալու ժամանակն է: Ցտեսություն, հերր Գեննիգ: Շնորհակալ եմ ամեն ինչի համար, շնորհակալ եմ: Ես էլ եմ ախրում ձեզնից բաժանվելուս համար:

Նա Գեննիգին քաշեց պատուհանի մոտ: Լուռ կանգնել նայում էին հրապարակին:

— Չորս տարի այստեղ, երկուսն՝ այնտեղ, երեք տարի՝ որևէ ուրիշ տեղ. այսպես գոյանում է մարդու կյանքը: Մեզ միշտ թվում է, թե ահա ուր որ է կսկսենք իսկապես լավ ապրել, այ միայն թե այս մի բանին էլ սպասենք, այստեղ էլ հասնենք: Իսկ հետո հետագարձ մի հայացք՝ պարզվում է,

վաղուց արդեն ամեն ինչ ետևում է, ամեն ինչ անցել ենք: Բանից պարզվում է այստեղ, խոսքերիս վրա չդայրանաք, հերր Գեննիգ, այստեղ, այս բանտում ես ապրել եմ ինչպես պետքն է: Եվ հիմա այստեղ թողնում եմ հարադատ մարդու — Գիտեմ, Անդրեաս: Ցանկանում եմ, որ նորից հանդիպեք նրան: Ցտեսություն:

Շերր Գեննիգի ձայնը կտրվեց, կարծես կոկորդը բան ընկավ, դեմքը դարձրեց պատին ու հազաց:

— Գ-գրողը տանի... այս հազը և... խոպոտությունը... քհա՛, քհա՛... Երեկ իմ պարտիան կատարելիս պետք է վերևի E-ն վերցնեի, ձայնս կտրվեց, քհա՛, քհա՛...

Անդրեյը մոտեցավ սեղանին, գլխարկը դրեց, պայուսակը գցեց մեջքին, վերցրեց ճամպուրակն ու նայեց շուրջը: Հատակին, բազմոցի մոտ ընկած էին թառամած, տրորված ծաղիկները: Նա արագ կոացավ, վերցրեց մի ծաղիկ ու դրեց զրուպանը:

— Նա՞ էր բերել,— հարցրեց հերր Գեննիգը:

— Այո,— պատասխանեց Անդրեյը,— նա է բերել: Հաշո-ղություն ձեզ, հերր Գեննիգ:

Լեհական փոքրիկ մի վայրում, պատերազմից ջնջված ուսական սահմանին, էջելոն էր կաղմվում հիվանդ և վիրավոր գերիներից: Ճամբարներից և հիվանդանոցներից ընտրում ու այստեղ էին քշում աշխատանքի համար ոչ պիտանի մարդկանց, քշում էին առանց շտապելու, ինչպես հողնած անասունների նախիրը:

Օրերը ձգվում էին երկար, մռայլ, և մարդիկ հոգեմաշ էին լինում շշակների ձայնից, ճանապարհներին այդ ալարկոտ երկաթազնգոցից, սպասումից: Կարո՞ղ է արդյոք լինել ավելի ձանձրալի մի բան, քան գնացքից անջատված և պահեստային գծով փակուղի նետված ապրանքատար վագոնը: Եստ հին կառուցվածքի, մրոտ շոգեքարշերը ամբողջ օրերով գծերի վրա քարշ էին տալիս վագոնները, մի տեղից մյուսը տեղափոխում, միացնում ու անջատում, և հարյուրավոր աշքեր անտարբերությամբ սահում էին վագոնների ետևից, ինչպես հողմացույցը՝ քամուց:

Թախիծը ժամանակ առ ժամանակ մի քիչ ընդհատվում,

Քարմանում է, գերինների նոր խումբ ժամանակիս: Այն ժամանակ սիրտում էին երկար-բարակ հարցուփորձը, հետո ծաղրը:

— Տեսա՞ր, ո՞նց եկան: Միանգամից Ռասստան պիտի գնան: Ձէ, ախպերս, հլա մի լեհական ոչիլին ապրեցրու, հետո կտեսնենք: Միգուցե մինչև Ռասստան հասնելը մենե՞մ էս:

— Գու ես, որ հեշտ ու հանդիստ էստեղ ես ընկիլ: Մի հատ շէիր էլ փոշտացել, արդեն գերմանացու Ֆերմայումն էիր: Հիմի էլ ետ գնալը շե՞ս ուզում...

— Իսկ դու ո՞նց էստեղ ընկար, շինի թե հրետասայլակով, հը՞:

— Ախպերս, իմ ու քո ուխտը միասին են շարդել:

— Ռասստանը հեռու է, վազելով շես հասնի: Հիմի չորս կողմը գերմանական կալվածքներ են, լեհն էլ հիմի գերմանացու ձեռքի տակ է:

— Զվվելի տեղ է սա: Գրողի ծոց է, մի խոսքով: Նստել ենք, երեք շաբաթ է ոչ մի շարժում:

Կամաց-կամաց համակերպվում էին, ընտելանում միմյանց, սպասում նոր խմբի:

Շաբաթական երկու անգամ արևելքից քշում էին լեհերի և հրեաների բազմություն՝ քրքրված շորերով, կեղտոտ, քշում էին՝ շրջապատած պահակախմբի սվիններով, ինչպես վանդակապատով: Այդ վանդակապատի միջով երևում էին հալածված, տանջված աչքեր, ծնոտներ, որ շարունակ շարժվում էին, կարծես ծամոն էին ծամում:

— Խեղճ ժողովուրդը ուղղակի սևացել է, փտել:

— Ախպերս, հիմի սրանց վերջը կտան: Քշում են հենց Հռենոսի ափը, ածուխ հանելու, հանքահոր են քշում: Էնտեղի հանքահորերը քսան վերստ խորություն ունեն, ամբողջ օրը պիտի գնաս: Շոգ է, շատ շոգ է Հռենոսում, էնպես, որ ձուն կեփվի: Պարզ բան է, դրա համար էլ ածուխը միշտ վառվում է:

— Մերոնցից ում որ էնտեղ քշեցին, իսկի շեն երևում:

— Վերջ: Որովհետև ուրիշ տեսակ չի լինի, կրակ է:

— Սուտ ես ասում, այ տղա: Հենց ինքս եմ հանքահորում եղել, ոչ մի էդպես բան չկա:

— Դու որտե՞ղ ես եղել, ո՞րտեղ: Գուցե մեր Գոնե՞մ ես եղել, իսկ ես Հռենոսի մասին եմ ասում: Ֆրանսիացին գերմանացուց հանքահորը խլել է, իսկ առանց ածուխի գերմանացու վերջը կգա: Դե նա էլ մտել է գետնի խորքը, Հռենոսի տակը: Էդ տեսակ գործի մեջ իր մարդուն խղճում է զնի ու քշում է էնտեղ ամեն տեսակ պրուլետարներին, մեր ժողովրդին էլ, եթե հաշմանդամ չեն: Ախպերս, հիշտ եմ ասում:

Նրանք, ում քշում էին արևելքից, դողում էին, ասես ցրտից, խղճալի նայում, թե ինչպես են գերինները ծամում եփած ճակնդեղը, և նրանց հետ շարժում իրենց ծնոտները, լիզում շորացած շրթունքները: Սակայն նրանց երկար շէին պահում, քշում տանում էին արևմուտք:

Էշելոնի մեկնելու օրը ծամանած խմբի մեջ էին Անդրեյը և Լեպենդինը:

Անդրեյին և նրա հետ եկած քաղաքացիական երեք գերիններին դիմավորեցին լուսթյամբ:

Լեպենդինն անմիջապես ծանոթացավ, հարմարվեց, զորովելով շարժվեց հաշմանդամների միջև, համերկրացի մեկին գտավ:

— Մե՞զ, մե՞զ,— բղավում էր նա իր կողովը ճոճացնելով և թիակալները թխկացնելով,— մեզ իսկույն տեղից կշարժեն, խոսքս հիշիր:

— Գուցե քեզ պես ճղճղանին շարժեն: Իսկ մենք հաշվի որ մի ամիս է տրորվում ենք տեղներում:

— Խոսքս հիշիր: Իսկույն կշարժվենք: Ախպերս, վերջ մեր տանջավայրին, վե՞րջ: Կար՝ ու չկա: Հիմի կգնանք տուն, մեր հողը բոլ, որն ուզում ես, վերցրու: Ով ուզում է՝ թող մարգագետին վերցնի, ով կուզի՝ անտառ, ով կուզի՝ հող փորի ինչքան որ պետքն է, արդարություն: Աշխատիր, ապրիր, անտեսությունը պահիր, հերդ անիծած:

— Ախր քեզ պես անտառի ինչին է պետք հողը:

— Ա՛յ քեզ հիմար: Ոնց թե հողն իմ ինչին է պետք, էդ Ի՞նչ ես ասում: Գու գյուղացի՞ ես, թե արհեստավոր, հը՞:

— Մենք Պենզայից ենք:

— Հաստակրունկ: Իսկույն երևաց: Ախր գյուղացին հիմի ո՞նց կմնա առանց հողի:

— Իսկ դու ո՞նց պիտի առանց ոտների, քամակովդ վար
անես:

— Ա՛յ քեզ հիմար: Ես ինչո՞ւ պիտի վար անեմ:
Լեպենդինը թափ տվեց իր համերկրացուն.

— Այդ հաստակրունկին մի ասա, թե ինչպես է մեզ մոտ
Սանշինոյում, Ռուչիում, ասա:

— Մենք սեմիդուցի ենք,— ասաց համերկրացին,— մեզ
մոտ ավելի շատ հատապտուղներ են, այգիներ, բանջարանոց
էլ, դե՛հ վար ու ցանք էլ կա, քիչ ու միչ...

— Է՛հ,— գլուխը բռնեց Լեպենդինը:— Է՛հ, ախպերս: Ինչ
զիչ հատապտուղներ կան մեզ մոտ: Բալը՝ ինչքան ասես:
Սալորը թափած, խոզերն էլ չեն ուտում: Իսկ մարգերի վրա,
մարգերի վրա, ախպերս, մարգերը կարմրած են իծամորուց,
իծամորին էլ, ը՛հ, ամեն մեկը մի բռունցքիս շափ: Վիկտորի
ա է, ինչ է, էդպես մի վաղահասը կա՝ ըմ-մ-մ: Իսկ էդ
խնձորներն էլ ամբողջ ձմեռն ուտում ենք. և՛ թթու ենք դնում,
և՛ շորացնում, ոչ մի կերպ չի վերջանում, էնքան որ շատ է:
Մեր Սեմիդուլի շուկային նայում ես, հենց սարսափում ես,
մարդն էդքան խնձորը ինչ կարող է անի:

— Իսկ ինչպիսի՞ խնձոր է,— հուզվեց, աշխուժացավ հա-
մերկրացին:— Ամեն խնձոր հո մեկ չի: Մեր խնձորն էնպի-
սին է, որ հենց մի թեթև խփես, իսկույն տեղը կմնա, բայց
զե էդպես, էդ ջարդված տեղն էլ վրան թե դնես պահարանը,
ամբողջ ձմեռը կդիմանա:

— Զի՞ նեխի,— հարցրեց դուրս պրծած աչքերով տղան:

— Ի՛նչ ես ասում, տեր աստված, երբեք չի նեխի,— շտա-
պով պատասխանեց Լեպենդինն ու ոգևորվեց:— Խնձորն ուղ-
ղակի երկաթից է, հեշ պետքը չէ: Այ թե տեսակներ են մեզ
մոտ: Է՛լ ցարսկի շիպ, է՛լ սպիտակ սունկ, է՛լ ապորտ:

— Բարգամոտ ունե՞ք,— հարցրեց տղան:

— Բարգամոտ գիրիլը մեզ մոտ չեն ուտում: Դա բաղուկի
նման է, ավելի շատ շիլաշփոթի մեջ են գցում:

— Այ թե մեզ համար այստեղ մի քիչ բարդամոտ խառ-
նեին,— ծիծաղեց մեկը:

— Այստեղ կխառնեն:

Տղան տխուր հառաչեց:

— Իսկ մեր տեղերը շոգ են, տափաստանային, ամեն ինչ
այրվում է:

— Շոգը Լթե շատ չի, նույնպես օգտակար է,— արծա-
զանքեց սեմիդուցին:

— Ոչինչ, ախպերս, մի տխրիր, արի մեզ մոտ, մեր մար-
գերը,— ասաց Լեպենդինը:— Հիմա հող ինչքան ասես կա,
ինքը ընտրիր ինչքան կուղես: Գուրդ չի գա՝ գնա: Գուրդ կգա՝
օգտագործիր, ինչ ուզում ես ցանիր: Ես, ասենք, անոտ մնա-
ցի պատերազմից: Բայց դե բանջարանոցին հարմարված եմ:
Մանր գործ է, կնիկը որ կնիկ է, էլի չի դիմանում: Իսկ ինձ
ի՛նչ, Ձեռքս կես արշին հողի մեջ է մտնում, իսկ մեջքս չեմ
կոացնում: Հեշտ ու հանգիստ:

— Տեսա՞ր ինչ ուրախն է:

— Բա ի՞նչ, լա՞ց լինեմ: Է՛հ, սիրելիս, տուն ենք գնում,
ազատութուն, ազատութունը մեր գյուղական:

— Էս ովքե՞ր են ձեր խմբի հետ:

— Կուլտուրականներից են:

— Պարոնների՞ց:

«Ո՞նց ասեմ,— մտածեց Լեպենդինը:— Ճիշտ է, կրթված
մարդիկ են: Բայց ոչինչ...»:

— Ասում են հիմի մեզ մոտ դրանցից չկան:

— Դե, ոչ թե չկան, բայց գյուղացիների հետ գործ չու-
նեն:

— Հը-ը՛մ:

Լեպենդինն իր հետ հաջողութուն էր բերել. երեկոյան
էշելոն կազմեցին և սկսեցին մեկնելու պատրաստութուն
տեսնել:

Անդրեյի կողքին տեղավորվել էր մի հաստամարմին մո-
րուքավոր, ոչխարենու կիսամուշտակով ու գդակով: Նա իր
արտակարգ հագուստով շատ աններդաշնակ տեսք ուներ զին-
վորական մաշված վերնաշապիկների և գլխարկների միջև:
Նրա մաղերն ու զորեղ խարտյաշ մորուքը պարույրաձև գա-
լարվում էին սոճու տաշեղիկների նման, դեմքը տարօրինակ
կերպով փոքր էր այդ առատ մաղերի մեջ, թափանցիկ կո-
պերը կիսով շափ ծածկում էին վառվռուն, սև աչքերը: Գյու-
ղացին շատ բարձրահասակ էր, ուսերն էլ լայն էին, թեք,
սակայն նա դժվար էր ոտքի վրա մնում և վագոն մտնելուն

պես: անմիջապես ձգվեց նստարանին, կիսամուշտակը դնելով գլխատակը ու գդակն էլ թաքցնելով կիսամուշտակի մեջ:

— Հիվանդ ե՞ս, ինչ է,— հարցրեց Լեպենդինը, երբ տեղավորվեցին, և նա սկսեց պատվել վագոնում, հարևաններին ուսումնասիրել, գրույցի բռնվել:

Գյուղացին, հառաչելով, բարձրացրեց տափակ կուրծքը, այն ճռճաց պատված փուքսի նման, և նա մատով ցույց տվեց կուրծքը:

— Հը՛մ,— ասաց Լեպենդինը,— կուրծքդ է հիվանդ, հասկացա...

— Արյուն եմ խխում,— ասաց գյուղացին բարալիկ ձայնով, որպիսին շէր կարելի սպասել նրա հասակի, թիկունքի, այգբան փարթամ դյուցազնական մորուքի տեր մարդուց:

— Ուշինչ,— անհոգ ծոր տվեց Լեպենդինը:— Դա գերությունից է առաջացել: Հենց որ տուն հասնես, իսկույն կանցնի: Դու ո՞նց այստեղ ընկար:

— Բերեցին աշխատացնելու լաստանավերի վրա:

— Որտեղի՞ց բերեցին:

— Հայրենիքից, Մինսկի մոտերքից, էստեղ տնտեսություն ունեմ:

— Ճիվաղներ, տե՛ր աստված: Տնտեսությունի՞ց:

Գյուղացին զգուշորեն հազաց, առանց բերանը բանալու, հետո փակեց հավի կոպերի նման նեղլիկ կոպերը:

— Նրան հանգիստ է պետք,— ասաց Անդրեյը:

— Հանգիստ նա սիրում է,— լավեց ծաղրալի մի ձայն:

Գյուղացին անհանգստացած ուղղեց ոշխարենու կիսամուշտակը և նորից զգուշորեն հազաց:

Լեպենդինի շուրջը հավաքված ղինվորների ետեր Անդրեյը տեսավ այտոսկրոտ, ասես քարերից ծեփված մի դեմք: Սուր ուղիղ մի գիծ հատում էր նրա ճակատը:

— Նա հենց հանգստի համար գերմանացիների մոտ աշխատանքի վարձվեց: Իսկ գերմանացին նրա փողը շտվեց, ու հիմա դրա համար է տանջվում:

Գյուղացին, առանց աչքերը բանալու, ասաց.

— Տնտեսությունս ավերեցին, ինչպե՞ս ոտքի կանգնելու:

— Դու քո տնտեսության համար հողիդ սատանին կծախես:

Լեպենդինը բռթբռթեց ղինվորներին:

— Հապա մի թողեք, տղերք, տեսնեմ էդ ո՞վ է, որ տնտեսության մասին այդպես է խոսում... Հա՛, այ թե դու ով ես Երևում է արհեստավորներից ես: Ախր դու ո՞նց կարող ես տնտեսության մասին խոսել, հը՞, մի ասա, հասկանանք:

Այտոսկրոտը աչքերը կկոցեց Լեպենդինի վրա և ձեռքերն իրար շփեց:

— Իսկ ինչո՞ւ չեմ կարող խոսել:

— Ախր մարդ ոնց տնտեսության համար շտանջվի, հը՞, Բա գյուղացին առանց տնտեսության կարո՞ղ է ապրել:

— Սպասիր, սպասիր, մի թարսվիր, լավ է լսիր, տես, թե ինչ եմ ասում: Տնտեսությունը տարբեր կերպ կարելի է նաչել: Ռուսաստանում գյուղացին իր տնտեսությունը միանգամից կարգավորեց. դարերով աշխատեց տերերի համար, իսկ հետո ղլխի ընկավ, որ եթե աշխատանքն իրենն է, ուրեմն տնտեսությունն էլ իրեն է պատկանում, ուրիշ ոչ մեկին: Վերջից ու տերունական հողերը միացրեց իրենցին, ուրեմն և ամբողջ տնտեսությունը դարձավ գյուղացունը: Այ այսպիսի տնտեսություն արժե ունենալ:

— Ճիշտ է,— լավեց ետեից:

Շուրջը բոլորը լռել էին: Զինվորները կասկածանքով նայում էին այտոսկրոտին,— նա, երևում է, օտար էր դրանց մեջ,— ամրակազմ, քարից ծեփված, բաճկոնով, նեղլիկ կարտուզը ծոծրակին: Ոչ ոք չէր նկատել, թե նա որ խմբի հետ էր եկել և երբ էր խառնվել էշելունին: Իսկ այտոսկրոտը կկոցած աչքերը սահեցնում էր ղինվորների ղլխների վրայով և, չափանիշի նման, կարճանում ու երկարում էր նրա ճակատի սուր լայնակի գիծը:

— Արժեք ունի այն տնտեսությունը, որն օգտակար է ամբողջ գյուղացիությանը: Իսկ այն, որից գյուղացիությանը միայն վնաս է հասնում, այդպիսին պահել էլ չարժե: Ահա այս գյուղացին մարդկայնորեն մեղք է, հիվանդ է, թոքախտավոր, մի խոսքով: Սակայն ջղայնությունը գալիս է նրա վրա: Իր կամքով վարձվել է գերմանացուն, որպեսզի փող կուտակի, վարտիքին կարկատան գցի: Իսկ մեղ մոտ Ռու-

աստանում վարտիքները ձրի են բաժանում, բոլորին էլ կհասնի: Նա միայն թե այնտեղ գնար, որտեղ մարդիկ նոր կերպ են սկսել ապրել, իսկ գնացել է ստրկութան, կոպեկ կուտակի: Չի հավատում, որ հիմա մեզ մոտ գյուղացիներին ունեցվածքը ձրի են բաժանում:

— Ձրի՞,— կասկածեց մեկը:— Մի քիչ շատ շատի՞ր:

— Դու ինչ է, շե՞ս լսել:

— Լսելը՝ լսել ենք, բայց դու ինչ է, էնտեղ եղե՞լ ես: Ինչ-որ շատ շե՞ս ամեն ինչ բաժանում:

Այտուկրոտը աչքով արեց ու ձեռքերը շփեց:

— Եղև էմ, թե շեմ եղել, ո՞ւմ ինչ գործն է, բայց դե որոշ բաներ գիտեմ...

Նրան սեղմեցին ուսերի, կրծքերի և թևերի հոծ շրջանի մեջ, ու տասնյակ աչքեր վազվզում էին նրա շարժուն հայացքի ետևից: Նա հանկարծ ծիծաղեց:

— Այդ գյուղացու անունը Կիսել է, քեռի Կիսել: Դրան մի քիչ շոշափեցի, իսկապես էլ ջրջրիկ է:

Հիվանդը տեղում շարժվեց ու գլխատակին ուղղեց կիսամուշտակը:

Գինվորներից մի քանիսը ծիծաղեցին:

— Տղերք, նրան իղուր եք խղճում: Խղճալով գործին շես օգնի, հիմա այդպիսի ժամանակ չէ: Ձեզ էլ պետք է խղճալ. մեկը հիվանդ է, մյուսը անձեռք, մեկը ոտք չունի: Մենք ինքներս էլ էղբան խելք ունենք: Դու մի քիչ ասա, տեսնենք, թե ի՞նչ գիտես Ռուսաստանի մասին:

— Ռուսաստանի մասի՞ն: Մենք... կարելի է:

Այտուկրոտը գլխով արեց և կամացուկ ասաց.

— Գնանք ահա այստեղ, ավելի ընդարձակ է տեղը:

Նա դուրս պրծավ իր շուրջը սեղմված մարմինների միջից, ճարպիկ, ճկուն շարժումով նետվեց վագոնի դատարկ անկյունը: Սուր-սուր ուսերով, հազիվ ոտքի վրա մնացող, խեղ-անդամված գինվորները նետվեցին նրա ետևից, դիպչելով նստարաններին և պատերին:

Լեպենդինն անշարժ նստած էր իր կողովի մեջ:

Քեռի Կիսելը կոպիլը մի քիչ բացեց, վառվռուն աչքերը փայլեցրեց Անդրեյի, Լեպենդինի վրա և հաղաց:

— Ինչ է, ճի՞շտ են ասում,— հարցրեց նա կամացուկ,— թե հիմի մեր հայրենիքում բոլորը շատ փող ունեն:

— Փողի գինն ընկել է, դա ճիշտ է,— ասաց Անդրեյը: Քեռի Կիսելը բարակ մատները սահեցրեց ոչխարենու կիսամուշտակի վրայով և նորից աչքերը փակեց:

Լեպենդինը հանկարծ թիակալները խփեց հատակին, ձեռքերի վրա ձգվեց ու շարությամբ ասաց.

— Երևի էդ կիսամուշտակիդ համար միանգամից մի հազար մանեթ տան:

Մարմինը ճոճեց, տեղը փոխեց, նորից թիակալները թափով զարկեց հատակին ու շարժվեց դեպի անկյունում սսկված գինվորները:

Քանի աչքդ կտրեր, դաշտը ծածկված էր մարդկանցով և կապոցներով: Ծանր աղմուկ էր բարձրանում կիսակայարանի վրա: Գնացքները շարժվում էին կարծես խարխափելով և ուղեալքների մոտ երկար հապաղում էին, փորձելով ուղիները, ինչպես մարդիկ՝ խրուտ ճանապարհը: Խարույկներից գլխավերևներում նոսր, կծու ծուխ էր տալածվում:

Մոճու փոքրիկ անտառակում ճամբար էր: Արգելափակոցներից պոկված և ծառաբներին փաթաթված մետաղալարի ետևը թրև էին գալիս գինվորները փայտե կոշիկներով, և այդ կոշիկները զղրդում էին գետնին տակադիկների նման:

Ավանում, հրեական խցիկներում և կրպակներում սնդիկի գնդիկների պես վազվզում էին կարճիկ մարդիկ, մերթ ցրովելով, մերթ կուտակվելով, գլուխ-գլխի, ուս-ուսի:

— Դուք հարա՞վ եք մեկնում: Երբեք խորհուրդ չէի տա:

— Բայց ինչո՞ւ, ինչո՞ւ: Ես ձեզ ասում եմ՝ իսկական ոսկու հանք է, ոսկու հանք:

— Ի՞նչն է գնում:

— Ֆալբերգի սախարինը:

— Երբեք չեմ հավատա: Ֆալբերգը Մոսկվայում է գնում:

— Ահա խնդրեմ, խնդրեմ կենդանի մարդ է Կիևից...

— Մոսկվայում կարող եք երկու օրում գործը գլուխ բերել, ազնիվ խոսք: Ինձ հավատո՞ւմ եք: Հավատո՞ւմ եք:

— Հարկավոր է ճանապարհը նկատի առնել:

— Ծանապարհը, ճանապարհը, ճանապարհը, գլուխներդ

եք զցեղ այդ ճանապարհը: Հիմա ամեն տեղ նույնն է, հավատացեք ինձ: Են քառասուն հազար վերստ եմ հրաբխ:

— Պետք է ոխակով լինել:

— Մոսկվայում բոլորն էլ ոխակով են:

— Դուք որսև՞ղ եք մեկնում:

— Վարշավա:

— Այնտեղ Օստ-մարկան ինչպե՞ս է:

Հին խրամատներում, որոնց վրա խոտ էր աճել, ապաստանել էին մարդիկ, որ նման էին գնչուներին, ապաստանել էին երեխաներով, պառավներով, իրենց կլայնկած քասաներով, հոտորտված ամանեղենով:

Գետնափոր տնակում բղավում էր ծննդկանը, եռանիվ սայլի տակ զառանցում տիֆով հիվանդը, նրա վերևը, ծղոտի մեջ, խաղում էին երկու տարեկան պատլիկ կեղտոտ աղբիկները:

Կիսամերկ մի կին, կրծքերը դատարկ պարկերի պես կախված, իր լաթերի վրայից միջատներ էր հավաքում: Անոտ զինվորը մոխրի մեջ կարտոֆիլ էր եփում և մի ոստոտ ճիպտով թշում էր երեխաներին:

Մարդիկ խղճուկ ճտերի նման խմբվել էին խարույկների շուրջը. և խրամատներով կտրտված, պայթած արկերից փորփրված գետնի վրա, — աղտոտված, պղծված հողի վրա, — ծնվում էին, մահանում, սիրում, թախիծով ու զայրույթով որոնում նոր, մաքուր հող:

Արևելքից, լուսաբացների և մթնշաղաների մեզից խարխափելով գալիս էին գնացքները՝ դերիններով լեփ-լեցուն, որոնց աչքերը հույսով ու թախիծով սևեղում էին դեպի արևմուտք, դեպի տուն, դեպի հայրենիք: Ռուսական լավ կարված զինվորական վերնաշապիկներով, կլորերես, ասես վրաներից սիբիրյան հացի հոտ էր բուրում, գերի գերմանացիները խումբ-խումբ մտնում էին կարանտինային բարաքները:

Արևմուտքից, մյուս գերությունից, քարշ էր գալիս հյուծված ուս գերինների բազմությունը աչքները հառած արևելք, իրենց հայրենիքին, իրենց տանը: Նրանց էլ էին բարաքներ տանում, կիսակայարանի մյուս կողմում, բարձր պատնեշի ետևը:

Սակայն կտրելով մետաղալարերը, ցանկապատերը և

պատվարները, մարդիկ հանդիպում, կանգնում էին դեմ-դեմաց, և լուրերն արևելքի մասին, լուրերն արևմուտքի մասին, լուրերը վշտի, կարիքի ու հույսերի մասին տարածվում էին խարույկի անկշիռ ծխի նման:

Երբ վազոնի պատուհանում Անդրեյի առջև բացվեց մարդկային այդ արոտավայրը, նրան մեկը բռնեց: Անդրեյը շրջվեց: Ետևում կանգնած էր նեղլիկ հովարով գլխարկը ծոծրակին դրած այտոսկրոտ տղան: Նրա ճակատը հարթ էր, գիծն անհետացել էր, աչքերն աշխույժ վառվում էին և բերանը ջղաձգվում էր գոհ ծիծաղից:

— Այս խառնաշփոթը մենք ենք եփել, — ասաց նա, գրկով անելով դեպի մրջնանոցը և ձեռքերը շփելով:

Նրանից քունն առած մարդու թարմություն էր բուրում, և ինքն էլ լավ պինդ ճմլկոտում էր, ճրթճրթացնելով ծուռուժուռ ձեռքերի հողերը:

— Լավ թթխմոր ստացվեց: Տեսնո՞ւմ ես, ոնց է պղպղում: Ես կարծում եմ, — ասաց նա հոնքերը շարժելով, — լավ կլինե՞ր շատ էսպիսի կաթսաներ լինեին:

Եվ կրկին, ձեռքերը շփելով, բացատրեց.

— Ժողովուրդը եղբայրանում է:

Հետո Անդրեյը տեսավ, թե ինչպես դաշտում նա խցկվեց մարդկանց խմբի մեջ, այս ու այն կողմ ընկավ, դուրս սահեց, վազեց մտավ մյուս խմբի, երրորդի մեջ: Նրա ետևից շրջվում էին մերթ ծիծաղելով, մերթ լուռ: Նա ամբոխի մեջ ինչ-որ հնարովի մտքեր էր տարածում և կարծես աղբիկ լինե՞ր, որ զցեղ էին ջրով լի շշի մեջ և շիշը թափահարել. ահա արագ դեսուդեն է վազվում, ահա կանգ կառնի, ահա դարձյալ տեղից կպոկվի, ինչպես հրոցից:

Երբ ճամբար տեղափոխվեցին, քեռի Կիսելը գնաց մարդկանց մեջ թափառելու: Այստեղ նրա գլխին հակասական լուրեր տեղացին՝ սարալանջից թափվող քարերի նման, և նա սկսեց դաշտում այս ու այն կողմ վազվել, ինչպես մի վախեցած գաղանիկ:

— Քեռի, էստեղ հանգիստ կյանք չկա: Գալիս է էդ գվարդիան՝ դեհ, ձիդ տուր: Գյուղացին էլ, հո ինքդ էլ հասկանում ես, անպաշտպան մարդ է, ուրեմն տալիս է:

— Հիմի մեղ մոտ գյուղացիք ոնց որ ավազակներ լինեն,

ամեն տանը ումբեր են պահում, խրճանոցում՝ գնդացիները, մոտենին էլ միշտ դանակ ունեն։ Ուրիշ կերպ չեն ապրի։

— Բավական է այս վայրահաշուձյունը լսես։ Ի՞՞՞՞ սոսունը սատկել է, հենց դրա համար էլ հեռացա։ Իսկ կյանքը լավ է, ամեն ինչ էլ բոլ է։

— Թե որ կյանքը էղբան վատ շլիններ, մենք ինչի պիտի էս տեսակ տանջանքներ քաշեինք։ էլ ուժ չկա։

— Ամեն մարդ իր գլխի տերն է։ Ինչ կուզի, էն էլ կզերջնի։ Ասում եմ քեզ, իսկի մի կասկածիք, դնա, շես փոշմանի։ Ռուսական զինվորական վերնաշապիկներով գերմանացիները անհասկանալի ժպտում էին ու կոտորված ուսերենով ասում։

— Ռուսաստան լավ, Գերմանիա լավ, ամեն ինչ լավ, թե գլուխ կա։

Կարճիկ մարդուկը ճղճղում էր ու ձեռքերը զայրալից թափահարում։

— Ինչպե՞ս կարողացաք մեկնել։ Ասում եք ծանր է, իսկ ես ձեզ ասում եմ, որ Ռուսաստանը վերջացել է, ամբողջապես վերջացել, այլևս չկա։ Ռուսաստանում շուտով միայն շենքեր կմնան, որ ոսկոր կրծեն։ Այնտեղ ոչ մի գործ չի կարելի անել։

Մարտիկների միջից բարետես մի զինվոր ամաչեցնում էր։

— Հողը աստծու պարգևն է մարդուն։ Աստված քեզ դրել է ուսական հողում, ուրեմն, այն քո մայրն է։ Ընդունիր նրա բոլոր վիրավորանքները, թե պատժի էլ, պատիժդ կրիր։ Ավելի մեծ մեղք չկա, քան մորդ լքես տանջավայրում...

Մթնշաղին քեռի Կիսելը ճամբար վերադարձավ օրորվելով, ինչպես քամուց։ Ամբողջ գիշերը շուտումուտ էր գալիս ծղոտի վրա, տրորվում ինչպես զառանցանքի մեջ։ Առավոտյան, հենց որ զինվորներն սկսեցին շարժվել իրենց տախտամածների վրա, նա կանգնեց բարաքի մեջտեղում ու ասաց երկար ու ձիգ։

— Եղբայրներ, ա՛յ եղբայրներ։ Մի ինձ լսեք, եղբայրներ։ Ես հիվանդ մարդ եմ, չորս կողմն էլ ամեն մեկն իր մատին է մտածում։ Ձեզնից խորհուրդ եմ խնդրում, ասեք ինձ, եղբայրներ, հիմի ես ո՞ւր գնամ։

Ոչ ոք նրան չպատասխանեց։

Նա դանդաղ կոացավ, հատակին հենեց մի ծունկը, հետո մյուսը։

— Քրիստոսի սիրույն, եղբայրներ, խնդրում եմ, մի խորհուրդ տվեք, հիմի ես ո՞ւր գնամ։

Լեպենդինը հաղաց, հայացքը պտտեցրեց տախտամածներով և ասաց։

— Ես հետևում էի քեզ, ախպերս, ճամփին, քանի դեռ գալիս էինք։ Քեզ շատ չի մնացել ապրելու, մեկ է, թե որտեղ կմեռնես։ Իսկ գնացքի մեջ տեղ ես գրավում, պառկում ես։ Էդ ժամանակ նրա համար, ում պետք է տուն հասնել, կարող է քո պատճառով տեղ չլինի գնացքում...

Առանց ծնկները հատակից կտրելու, քեռի Կիսելը հարցրեց։

— Հայրենի հողի վրա մեռնելը ավելի հեշտ է, հը՞, եղբայրներ։ Մեռնելը, հը՞։

Լեպենդինը նորից նայեց տախտամածներին։ Ոչ ոք չպատասխանեց, ասես բոլորը դեռ քնած էին։

— Մենք քեզ էսպես խորհուրդ կտանք,— ասաց Լեպենդինը։— Էստեղ մնա, որովհետև հիմի մարդու համար ոչ մի տեղ էլ լավ մահ չկա։

Նա իր տակ ուղղեց կողովը, գոտին ձգեց, երեսը շրջեց։

Քեռի Կիսելը դեռ մնաց ծնկաչոք, աչքերը փակ, երբալով։ Հետո վեր կացավ, մոտեցավ իր տախտամածին, գլխատակից հանեց կիսամուշտակը, ծալեց ու սկսեց խնամքով կապել պարանով։ Այդ գործը վերջացնելուց հետո մտասուղվեց։

Տախտամածներից սևեռուն հայացքներով հետևում էին նրան, ինչպես օտարի։ Նա կանգնել էր անշարժ, գլուխը թեքած, փարթամ մորուքը խրվել էր կրծքի մեջ, ձեռքերը շարժվել էին, ասես մի գործ էր ձեռքից գցել։

Լեպենդինի հազը հանկարծ բռնեց։

Այն ժամանակ քեռի Կիսելը գլխարկը դրեց գլխին, կիսամուշտակը գցեց շալակը, վերցրեց պարկն ու երեբալով, ոտքերը գյուղացիավարի լայն-լայն դցելով քայլեց դեպի ելքը։

Նրա ետևից դուռը փակվելուց հետո մի երկու բոլակ լուսթյուն էր տիրում։ Հետո գերիները մեկը մյուսի ետևից իջան տախտամածներից ու խմբով, առանց իրար նայելու, դուրս

եկան բարաքից, շրջանցեցին ճամբարի դարբասն ու դաշտ դուրս եկան:

Քեռի Կիսելը երերում էր կապոցների, զանազան իրերի կույտերի, խարույկի նոսր ծխով պարուրված մարդկանց վրա: Դեղին ոչխարենին սապատի նման ցցվել էր նրա մեջքին, և նա կքվել էր դրա տակ, ինչպես ուժից վեր բեռան տակ:

Նա գնում էր ետ, գերության:

Այտոսկրոտ տղան շգիտես որտեղից մոտ վազեց զինվորների խմբին, որոնք աչքերով ուղեկցում էին քեռի Կիսելին, և լսությունը ճեղքեց սկսյի պես ամուր խոսքերով:

— Այ թե բանն ինչ է: Ես ասում եմ, որ ով ուղում է մենակ լինել, էնպես, ինքն իրեն համար, էդպիսի մարդը մեր ժամանակ ապրելու բան չի: Ժողովուրդը հիմի ապրում է հաշտ, համերաշխ, հավասար իրավունքով: Էդպիսի մարդիկ մեզ պետք չեն:

Եվ տղան ձեռքը մեկնեց այն կողմը, ուր արդեն աչքից հեռացել էր քեռի Կիսելը:

Լեպեղինը հլու ձայնակցեց:

— Եւ նրա՞ այդպես էլ հայտարարեցի. ասացի՝ քեզ նմանները մեզ պետք չեն, գնա, տեր ընդ քեզ...

Ճանապարհ, ճանապարհ:

Կրով ծածկված դիակափոսերի վրայով, գետնի վրա ցամաքաջրային արարածների նման սողացող խեղանդամված մարմինների վրայով, լաց ու կոծի, հառաչների միջով, մահ սերմանած հողի վրայով՝ ճանապարհ դեպի կյանք:

Գնացքի պոչին կցված վագոն-հոսպիտալում, ոտքերի ու ձեռքերի հյուսված մնացորդների մեջ բարակասեղ սրակիչներով դիզալեն և մորֆի էին սրսկում, և հանգուցավոր ուռած երակների մեջ աղաջրի լուծույթներ ներարկում: Սահմանված զարկերը խփող պարկերակները նորից լցվում էին մածուցիկ արյունով, շրթունքները մի անգամ էլ սկսում էին շարժվել և դարձյալ շշուկ էին արձակում:

— Քույր, հա-սա-սա՞նք...

— Շուտով կհասնենք:

— Մենք ո-ո՞ր... նա-նա-հան-գում ենք:

— Մմուռնակի:

— Մինչև Տամ-բո-բովը հեռո՞ւ է:

— Շուտով, շուտով:

Առջևի վագոնները վերից վար լցված մարդկանց թմրադեղ չէին սրսկում: Սակայն նրանք էլ երերում էին հարբածների պես, ասես ծիծաղեցնող գաղ կուլ տված լինեին, պատուհաններից դուրս էին կախվել և հացահատիկի բուրմուռը բերող քամուն ընդառաջ անկապ երգեր էին գոռոգում: Հանկարծ արթնացել էր խոր քուն մտած բարությունը, և մարդիկ միմյանց առջև բացվել էին զարնանային պատուհանների սլես, իրար օգնում էին պարկերը կապել, կիսում էին մոտներն ունեցած բաղուկը, տախտամածները դիջում էին հիվանդներին ու նվազներին, այդ ամենն անում ծիծաղով և անտաշ պարզությամբ:

Գնացքը զգուշորեն շարժվում էր իրար խառնված ուսերի վրայով, օձի նման գալարելով իր կանաչ հոգերը և ներս սողացնելով ջարդված վագոնների միջև եղած ճեղքերը: Գնացքի ընթացքը շարունակ ավելի էր դանդաղում, շուրջը գնալով ավելի շատ էին կուտակվում մեռած գնացքներ, և ահա այն կանգնեց:

Այտոսկրոտ տղան հասավ ընկավ Անդրեյի վրա ու պարզորոշ շշնջաց:

— Հապա նայիր:

Հարեան գծին կանգնած դատարկ վագոնում, գերմանական զինվորը, շորսբուրը նայելով, գրպանից արագ հանեց ծալովի դանակը, կտրեց պատուհանի փոկերը, կոլուկեց, դանակի հետ խոթեց գրպանը և ծլկեց վագոնից:

— Հը-ը՛մ,— ծոր տվեց այտոսկրոտը,— ըս-կըս-վում է:

Նա անմիջապես ցնցվեց սոսոռն, անձայն ծիծաղից, ու աչքերը շրջապատվեցին սարդոստայնի նման բարալիկ կընձիռներով: Սակայն հանկարծ շտկվեց:

Ինչ-որ տեղ հեռվում ջարդված ապակու ձայնով ճայթեց մի կարճ կրակոց:

Այտոսկրոտը դարձավ զինվորներին, հովարով գլխարկը հանեց և բարձր, պարզ ու հստակ արտասանեց.

— Թանկագին ընկերներ, շնորհավորում եմ ձեզ բարեհաջող կերպով հայրենիք վերադառնալու առթիվ:

Այս սահուն խոսքերից գնացքն ասես տեղից պոկվեց, և վագոնում ամեն բան ուրախ-ուրախ ետ ընկավ:

Անդրեյը բռնեց այտոսկրոտի արմունկը և ցած ընկնելիս նայեց նրա դեմքին: Այն լուսավորվել էր մանկական ուրախությամբ, և այդ դեմքին կնճիռների հետք էլ չկար:

— Վեր կաց, վեր կաց, ընկեր,— ասաց նա Անդրեյի ձեռքերից վեր քաշելով:

Եվ այդ պահին Անդրեյի դեմքին մի տապ փշեց, նա այն ներքաշեց իր մեջ, ինչպես խեղդվողն է օդը ներքաշում, ու անմիջապես արտաշնչեց վայրի մի ճիչով:

Եվ ամբողջ վազոնը հարյուրապատկված միացավ այդ ճիչին, և տասնյակ վազոններում, հարյուրավոր կրծքերից դուրս թռավ այն գլուխով երկաթի նման, դուրս թռավ պատուհաններից ու դռներից, տրորեց, կտորեց, խեղդեց գնացքի դղրդոցը, և պողպատի ու քարե կույտերի վրայով սլացավ դեպի դաշտ, դեպի լայնարձակություն:

Եվ վազոն-հոսպիտալում, գնացքի պոչին, դիզալենի սրբակումով վերստին էլանքի կռվածքը հարցրեց շշուկով.

— Քույր, մինչև Տամ-բով շա՞տ կա:

— Շուտո՞վ, շուտո՞վ:

Այստեղից Տամբովը շատ մոտ էր: Յարույալվն էլ մոտ էր, Օմսկն էլ հեռու չէր: Այստեղից ամեն ինչ հասանելի էր, պարզ, հեշտ: Այստեղ հայրենիքն էր:

Զինվորները հոտոտում էին քամու անորսալի շարժումները և, չգիտես ինչ կոահողությամբ, զգում էին այգիների, դաշտերի, ձորակների հարազատ հոտերը:

Աստիճանաբար, ժամեծամ կայարանը դատարկվում էր:

Մարդիկ հետևում էին պատահական գնացքների, բարձրանում վազոնները, մտնում տախտամածների տակ, բարձրանում պարկերի վրա, տեղավորվում վազոնների ոտնակներին և շղթայակցումներին ու փախչում էին, փախչում դեպի լայնարձակությունները, դեպի դաշտերը, Ռուսաստան:

Ու երբ Ֆեոդոր Լեպեդինը զգաց, թե որտեղից է փչում իրենց այգիների հոտերը՝ սպիտակ սունկի, անխոնի հոտերը, ու հասկացավ, որ հիմա ինքն է իր համար պատասխանատու, ավելի պինդ ձգեց կողովի փոկերը, և իր ամուր կաղնիփայտե ձեռքերին հենված, թռավ դեպի այն վազոնը, որ գրոհում էին զինվորները:

— Ախպեր աղերք, օգնեցեք հաշմանդամին,— բղավեց նա

ուսերով խփելով զինվորների ծնկներին և խցկվելով դեպի վազոն:— Տեղ տվեք հաշմանդամին, գիտեցեք անոտ դժբախտին, ախպեր-ընկերներ...:

Մեկը նրան բարձրացրեց սանդուղքին, և նա հացահատիկի պարկի նման ընկավ վազոնի հարթակը: Նրա վրայով սկսեցին կոշտ ոտքեր անցնել:

Անդրեյը նայում էր կառամատույցում և գծերի վրա այս ու այն կողմ նետվող գերիններին: Նա աշխատում էր որսալ որևէ մեկի հայացքը: Սակայն բոլորի աչքերն էլ փախչում էին այս ու այն կողմ, ինչպես մարդիկ ճանապարհին՝ հոնքերով սեղմված, ճնշված, անհասկանալի աչքեր: Ուրախության առաջին ճիչի հետ իրար դիմ բացված գարնանային սլատուհանները հանկարծ փակվեցին խուլ փակոցափեղիկերով:

Ամեն ինչ մնաց ետևում: Կրով ծածկված դիափոսերը, սովը, բղավոցները, հրամանները, բարաքների խեղդուկ օդը, ժանդոտած փշալարը և պատուհանի վանդակապատը՝ այն ամենը, ինչ մարդկանց վերածում էր խոնարհ հոտի:

Մարդիկ անցան ճանապարհը, մարդիկ դուրս եկան լայնարձակություն: Եվ ամեն մեկն սկսեց ապրել իր համար նոր ճակատագրի հույսով՝ ազատության մեջ, հայրենիքում, Ռուսաստանում:

Անդրեյն իր թիկունքում լսեց մի տխուր երգ, որ համեմված էր հոգնաբեկ ձայների խռպոցներով:

Ախ, տեր աստված, երկնային մեր հայր,

Հան ուղմիկի երկաթե-փշե պսակը,

Հանգցրու, քչիբ պատերազմ ու հոգս:

Տուր խեղճ գեղչուկին հաց ու աշխատանք:

Երեք կույր, թևերը միմյանց ուսերի դրած, դանդաղ շարժվում էին կառամատույցով: Նրանց տանում էր պատիկ մի աղջիկ, նիհարիկ թևով մի կողմ հրելով դիմացից եկող զինվորներին:

Կույրերի գլուխները վեր էին բարձրացված, և ամեն քայլի հետ ցնցվում էին բարակ պարանոցների վրա, կղակներն առաջ տնկելով: Աչքերը բաց էին և, կաթնա-սպիտակ, անընդհատ պտտվում էին կեղտոտ, շթարթվող կոպերի մեջ: Այդ

մարդկանց հայացքը կարելի էր տեսնել: Աչքերի վրա հոնքեր չէին կախված: Սակայն այն դատարկ էր:

Անդրելը հիշեց Յոթ լճակների զբոսայգին և կույր իտալացիներին՝ նրանց աչքերը, որոնց մեջ արտացոլվում էին ծառերի ճյուղերը, հիշեց Մարիին, որն իրենից անջատվել էր կույրների հոսանքով:

Եվ հանկարծ պարզորոշ տեսավ Մարիին ծառին հենված, ասես կապված, տեսավ նրա անդոր կախ ընկած թևերը, նրա պինդ փակված աչքերը: Նա մոտեցավ պատին, հենվեց, և նրա թևերն անդոր կախ ընկան, ինչպես այն ժամանակ Մարիինը:

Եվ հիմա, և՛ այն ժամանակ Անդրեյին Մարիից բաժանում էր միայն ճանապարհը:

Առաջ և ու սպիտակի

Իհարկե, այստեղ ամեն ինչ օտար էր:

Մի ժամանակ հեռավոր, հեռավոր Բավարիայում աշխարհագրության ուսուցիչն այս քաղաքի մասին պատմում էր, սահուն ճոճանակի նման ճոճվելով դասարանում:

— Այն զարմացնում է իր վայրիությունը, որը շատ ճանապարհորդներ հակված են գեղեցկություն համարելու: Ռուսական կյանքի բոլոր հակասությունները, ռուս ժողովրդի հայացքների ողջ քառսը դրսևորվել է մոռյլ ու պարզամիտ կրեմլի ճարտարապետության մեջ: Իտալական միջնադարն այնտեղ խառնվել է ուշ շրջանի Բյուզանդիայի հետ և այդ խառնուրդը հեշտ չէ զանազանել մոնղոլական փարթամ գարդարանքների և վերաշինվածքների ծածկույթի տակ: Ներկայումս բարբարոսական կենցաղի այդ հուշարձանը շրջապատված է ասիական շուկայով և եվրոպական տներով, որ կառուցել են գերմանական տների օրինակով, գերմանական ինժեներները: Մոսկվան՝ ռուսականի հարապատ տարբեր է, սակայն քաղաքակրթված օտարերկրացին տառապում է այդ քաղաքում նրա տարբեր մասերի աններդաշնակությունից և կառույցների ջղայնացնող շքեղությունից: Կուրտ վան, դուք է՞նչ կարող եք ասել Մոսկվա քաղաքի մասին:

Կուրտ վանը տեղից վեր է թռչում ու ասում.

— Մոսկվան զարմացնում է քաղաքակրթված ճանապարհորդին իր վայրի գեղեցկությամբ:

— Ես ասացի իր վայրիությունը, որը շատերը հակված են համարելու գեղեցկություն:

Իհարկե, այս քաղաքում ամեն ինչ օտար էր՝ եկեղեցու գմբեթներից, որ նման էին ճակնդեղների, մինչև կառապանների թեթև երկտեղանի կառքերը:

Սակայն երեկոները, մայրամուտի ժամին, հնարավոր էր մինչև հոգնելու աստիճանի շթափառել ամայացած փողոցներում:

Տների պլոկված սյուները, բարեհոգի կիսառյուծ-կիսաշնե-րը փոշեծածկ տների վրա, վաղուց դատարկված նկուղների ութաձև ոլորված վանդակները անշար կերպով նայում էին ամբարների ձևով վեր խոչացող տուփերին, որոնց վրա անթիվ պատուհաններ կային:

Ամեն երեկո Կուրտը քայլում էր ամայի նրբանցքներով, և ամեն անգամ դրանք նրան տանում էին իրենց թաքուն ոլորտները, ինչպես գաղտնի ստորգետնյա ճանապարհն է խճճում իր պտույտներում: Եվ կրկին ու կրկին նա կանգ էր առնում, տեսնելով ոչ մեկի կողմից և ոչ մի տեղ չկրկնված գծերի անակնկալ զուգակցում:

Այդ ժամին նրբանցքները ողողում էր զանգակի ղողանջը և տների խաղաղությունն այդպիսով խորանում էր մինչև ստորջրյա խոր հեղեղատի լուծյան: Եվ ինչպես հեղեղատում, ամեն ինչ սկսվում էր թվալ մահաբեր, անշարժ, մեծ լոբոչի հայացքի նման, և արևամուտից բոսորագույն դարձած եկեղեցիները թվում էին ջրասույզ եղած թագավորություն:

Այն ժամանակ Կուրտը դուրս էր գալիս նրբանցքներից ու գնում այնտեղ, որտեղից երևում էին կրեմլի աշտարակները: Նրանք դուրս էին լողում Կուրտի առջև մոռյլ, սրպես գետնի տակ անհետացած քաղաքի պսակը, և նրանց շբացահայտված վեհակեցություն տակ Կուրտի աչքին երևում էր կիսամոռացված բուրգը, որը սրպես դարերի կոթող բարձրանում էր Նյուրնբերգի վրա:

Սակայն Կուրտը ճանաչում էր մի այլ Մոսկվա, հեղեղատում ջրասույզ եղած թագավորությանը միայն արևամուտի ժամին էր նվիրում:

Գոտնվի՞ արդյոք աշխարհում այնպիսի մի քաղաք, որը հարյուր-հազարավոր փութ մթերքները պահեր պալատներում, ձիու վարսակը՝ ունիվերսալ խանութներում, ցեմենտի տակառները՝ ֆաբրիկաների բնակարաններում ու երկաթի հումքը՝ գլխավոր փողոցում:

Այն ամենը, ինչ հաջողվում էր հավաքել ամբողջ Ռուսաստանում Մոսկվայի համար և գալիս էր նրա կայարանները, տեղափոխվում էր քաղաքի կենտրոնը և մեծագույն պժվարություններով տեղավորվում ռեստորաններում, պարասներում և վաճառականների առանձնատներում: Քաղաքի կենտրոնում բեռները նորից կշռվում էին, ստուգվում, քրքրվում, և մանրագույն բաժինների վերածված՝ կաթիլներով, հատիկներով, դրանք տեղափոխում էին ծայրամասերի պահեստներն ու էլեկտրոնները, որտեղ ավելի շատ մկներ կային, քան ապրանք ու հացահատիկ:

Խճճված փողոցների սալարկներով, փոսերի վրայով առավոտից փղերի նման անցնում էին բեռնատար ավտոմեքենաները, և նրանց քայլերից ցնցվում էին քարի տներն ու կոտորվում պատահանների ապակիները: Լուբյանկա հրապարակի շրջանում, Մյասնիցկայա դարբասից ու Պոկրովկայից, Տեատրալնի պրոյեզդի վայրէջքով և Տրետյակովսկի անցքում փղերն իրար վրա էին ընկնում մռնչալով և ցնցելով իրենց մեջքների բեռները, և դրանց նայելիս թվում էր, թե Մոսկվա էր տեղափոխվում մի անհայտ, վառված մոլորակ:

Եվ Տեատրալնի հրապարակով, Մոխովայայով ու այնուհետև Վոլխոնկայով, Օստոժենկայով շտապում էին փղերից վախեցած, անհայտ մոլորակի հրդեհի ճարակ դարձած մարդիկ, շտապում պարկերն ուսերին գցած, անվերջանալի շարանով, փողոցների այն մասով, որն առաջ քաղաքը զիջել էր տրամվային:

Օստոժենկայի վրա, Կրիմսկի մոտի մոտ, շարանը լցվում էր սպիտակ տունը, և այդ տան շուրջը հրդեհից տուժածների միայնակ կերպարանքները քարշ էին գալիս պլակատների, տախտակների և ցուցափեղկերի առջև:

Զբոսայգում, այն կրպակի մոտ, որտեղ կեղծած օճառ և քացախի էսենցիա էին վաճառում, դրված էր մի ապակյա արկղ՝ մեջը մարդու ներքին օրգանների նմուշօրինակներ, և

մանր տառերը բացատրում էին մարդկությանը երիկամների ու փայծաղի դերը:

Թուրք վանդակապատի էտեից, մի սաժեն դուրս թռած, երեսով դեպի ռազմական պահեստն էր դարձել այն պլակատը, որի վրա թվերի սյուներ էին, և տասնյակ մարդիկ հաշվում էին, թե որքան հանրաժառանգի ու հզոր է նոր Ռուսաստանի գիտությունը:

Նոր Ռուսաստան:

Այդ նա էր երկար շարանով եկել սպիտակ տունը, որտեղ դեռ նորերս հանդիսավոր կերպով բազմած էին լիցեյի համալսարանները, և անդադրում լցվել սրահները, միջանցքները, սանդուղքների վրա, ձեղնահարկերում, խցիկներում: Եվ այդ իրարանցման մեջ սպիտակ տանը օրեր շարունակ գրվում էր դաշնակցային պայմանագիր երկու գորեղ կողմերի՝ գիտության և Ռուսաստանի միջև: Այդ կետը անվերջանալի երկար էր, այնպես որ գրասենյակում առանց շունչ առնելու աշխատում էր մեքենագրուհիների մի ամբողջ զորաբանակ, և ամբողջ տանը շկար մի անկյուն, որտեղ չսովեր ունդերվուդների պղղոցը, կարծես թիթեղյա տանիք էին նորոգում:

Նկուղային հարկում անդադար պատվում էին ռոտատորները, և տպագրիչների արտելը քափ ու քրտինք էր կտրել հազարավոր, այդ հարյուր-հազարավոր թերթիկների վրա, որոնք ազդարարում էին չսոված դաշնակցային պայմանագրի մասին:

Միջանցքներում և նախասրահներում ունդերվուդների պղղոցից և ռոտատորի ներկի հոտից կայտառություն էր բռնկվում, և մարդիկ վազվզում էին խելքները կորցրած այն թվերից, որոնցով չափվում էր գիտությունը, երջանկությունը, մարդկությունը, Ռուսաստանը:

Այն սրահում, որտեղ պատերի տակ ոսկեզօծ կահույք էր դրված, պարկետին ձգված կտավների վրա թռչկոտում էին կանայք և տղամարդիկ: Կտավի վրա փովել էր կապտամաշկ մի մարդ երկու հարկի բարձրության հասակով, իսկ նրա ետևը մի մարդ էին գրանիտե շենքերի ավերակները: Այդ յուզանդկարը նայելու համար նկարիչները բարձրանում էին ծալովի սանդուղքով մինչև առաստաղ և այնտեղ երերում էին, ինչպես էլեկտրամոնտյորները:

Կուրտ վանը մինչև արմունկը մերկացրած թևով օդն էր սողում.

— Սա ասում էի: Կապույտ խորանարդը պետք է վերացնել: Կանաչը՝ երկու անգամ փոքրացնել: Ուսը կախ է ընկել: Հաշմանդամ է դարձել: Ինչո՞ւ:

Փոքրիկ կիներ դահլիճով մեկ թարգմանում էր.

— Ինչո՞ւ է հաշմանդամ ստացվել... Այսինքն պետք չէ, որ հաշմանդամ ստացվի, պետք է վերացնել կապույտ խորանարդը և կանաչը փոքրացնել: Այն ժամանակ ուսը էլի... ուսը կկանգնի... Հասկանո՞ւմ եք:

Կանայք և տղամարդիկ ատամների արանքում սեղմում էին գլանակները և, կեղտոտ խալաթների փեշերը հավաքելով, սանդուղքից իջնում էին հատակին:

Կուրտը վրձինը ձեռքին վազվզում էր կտավների վրայով և բղավում.

— Ընկեր, ուսերեն ինչպե՞ս ասեմ. խորացրեք ճակատոսկրի տափակությունը:

Փոքրիկ կիներ թարգմանում էր.

— Ընկեր վանն ասում է, որ պետք է աշխույժ ճակատ սարքել:

Այն ժամանակ որևէ մեկի վրձինը մոտենում էր կապտամաշկ մարդուն և ճակատին կոբալտի մի վրձնախազ դնում:

Արդեն մթնով, ձևոքները թերթերով սրբում և իջնում էին սանդուղքից ու սելյուկայի ափսեների առջև նստած ժամանակ թարգմանչուհին ծիծաղելով պատմում էր Կուրտին, թե ինչպես են կարողանում խորամանկորեն ճաշի մի կտրոնով երկու բաժին սուպ ստանալ:

Կուրտն էլ ծիծաղում էր, ծամելով կպշուն հացը, ու ասում ծիծաղելով.

— Արտակարգ ժողովուրդ է: Զարմանալի: Սուպն, իհարկե, ծիծաղելի է: Իսկ ընդհանրապես: Ինչպես խիզախաց այս ամենն անել:

Նա հայացքը սահեցնում էր ափսեների մեջ խրված դեմքերի վրայով և կրկին ծիծաղում:

— Այստեղ սուպից էլ մոմաթղթի և ռոտատորի հոտ է փչում: Ինչքա՞ն են գրում: Զարմանալի ժողովուրդ է:

Նա թեքվում էր դեպի հարևանուհին և, ձայնն իջեցնելով, խորհրդավորությամբ ասում.

— Այս ամենի մեջ ես մեծ իմաստ եմ տեսնում: Շատ մեծ, առողջ միտք:

Մի ժամանակ Կաղաշիի արվարձանում ապաստանել էին ցարական ջուլհակները՝ նույնքան համբերատար մարդիկ, ինչպես և վարպետները: Արվարձանից հեռանում էին միայն հրդեհի դեպքում, իրենց ունեցած-չունեցածն ու քաթանը տանելով մոտակա ամայի տարածությունները: Հրդեհներից հետո կառուցում, նորոգում էին դադագահները և սկսում գործել: Հրդեհի տեղերում մնում էին լեշերը, դրանք ոչ ոք չէր հավաքում, իսկ նրանց գլխին պատվում էին ագոավները, հանվաքում, իսկ նրանց գլխին պատվում էին ագոավները, հանվաքում սյունների, նոր, շծածկված կտուրների վրա: Զուլհակները գտնում էին, որ հրդեհները, լեշերն ու ագոավներն իրենց ճակատագիրն է, օրեցօր, արևածագից արևածագ նրանք մեջք էին կորացնում ցարական ծառայանու համար սփռոցներ գործելով, վառվում էին, կառուցում, իրենց երկխաներին ու թոռներին ջուլհակություն էին սովորեցնում:

Այդ ժամանակներից հետո Կաղաշիի արվարձանը շենացավ քարով, նրանից դեպի հարավ աճեց քաղաքը, իսկ ջուլհակների հիշատակը մոռացվեց: Սակայն գուցե նրանց թոռների թոռները դեռ գնում էին երեկոյան ժամասացություն Կաղաշիում գտնվող Հարություն եկեղեցին: Ինչպես հեղաբարո Ալեքսեյ ցարի օրոք, նրանք շարժվում էին նեղիկ փողոցներով և խաչակնքում, երբ անկյունից ագոավների երամ էր երևում: Եվ, ինչպես անցած-մոռացված ժամանակներում, հրդեհներից հետո, տեղ-տեղ խաշմերուկներում երևում էին վառարանի մերկ խողովակները:

Կաղաշիում, Կանավայի մոտ, ուխտավորների, թերևս ցարական ջուլհակների հետնորդների հետ կողք-կողքի ապաստանել էին բեռնասայլորդները՝ կովարար, դժվար բնավորության տեր մարդիկ: Կեսգիշերին նրանք Օրդինկայով դուրս էին տանում սատկած ձիերին ու լեշը գցում նրբանցքում, որևէ մի նախկին վաճառականական տան շքամուտքի մոտ: Լույսը բացվելուն պես տան տանիքին, մուտքի թիթեղ-

յա հովանոցի վրա էին նստում ազոավները, կոկոսում էին, իջնում լեշերի վրա, ձիերի գանգերը ծակոտում իրենց պինդ կտուցներով:

Առավոտյան բեռնասայրոդները, ոտները սայլերի մեջ շոած կանգնած՝ սլանում էին դեպի կայարանները: Անիվների և պայտերի դղրոցի միջից նրանք կատաղորեն բղավում էին տրամվայի գծերով շարժվող մարդկանց վրա:

— Զգո՛ւյշ:

— Արա՛գ անցեք, ծա-ռա-յող-ներ, ա-րա՛գ:

— Նո-օ՛ օ՛:

— Մա-ռա-յող-նե՛ր...

Անդրեյը Մոսկվան այդպիսին տեսավ հենց առաջին օրը Կադաշիում տեղավորվելուց հետո, և այդպիսին էլ այն շարունակում էր տեսնել ամեն առաջում:

Նա գիտեր, որ այդ քաղաքում, նրա սրտից ոչ հեռու ինչ-որ տեղ, ոչ բարձր մի տան վրա, թռչունների երամին դարանակալած գիշակերի թևերի նման ծածանվում է եռագույն —

Schwarz — weiss — rot —

Աս — սպիտակ — կարմիր —

դրոշմ:

Այն անդադար հետապնդում էր Անդրեյին, կախվում նրա գլխին Ռոզենաուի խաղաղ զովության մեջ, ներս էր խուժում նրա բիշոֆսբերգյան ձեղնահարկը և հիմա կրկին հետապնդելով հասել էր նրան՝ անողոք, գիշատիչ —

Schwarz — weiss — rot.

Եվ ահա մի անգամ, զով կեսօրին Անդրեյը հայտնվեց նրբանցքում, որտեղ ծածանվում էր այդ դրոշմը, ու հայացքը գցեց ոչ բարձր տան տանիքին:

Գերմանական դեսպանատան դրոշածողի տակ մի մարդ էր կանգնել ու դրոշի քուղն էր արձակում:

Անդրեյը կանգ առավ:

Մարդը դրոշակն իջեցրեց, նստեց տանիքի եզրին, նրա ձեռքին մի բան փայլեց: Նրբանցքի լուծյան մեջ մի կտրտըված երկարածիգ ճրթոց լսվեց, ասես թիթեղյա տանիքին մի բուռ սխեռ լցրիցին և այն թեքությամբ սահեց լցվեց ջրհոր-

դաները: Չայնը կրկնվեց մեկ, երկու անգամ: Մարդը վեր կացավ ու սկսեց արագ քանդել քուղն:

Այն ժամանակ տանիքին ընկած եռագույն քաթանից անշատվեց նեղ կարմիր շերտիկը և վեր ձգվեց դրոշածողի վերայով:

Գերմանական դեսպանատան կայծի վրա կարմիր դրոշ էր բարձրացված:

Մարդը հավաքեց դրոշի սև-սպիտակ մնացորդը, ճմռթեց, մտցրեց թևատակը և պզզած ծածկվեց տանիքի վարդածիռու ետևը:

Բակում, ասես շղթայից պոկված, դողալից շարժիչը, և նույն պահին մոտակա անկյունից նրան պատասխանեց մեկ ուրիշը: Երկու ավտոմեքենա գրեթե ընդհարվեցին դարբասի մոտ: Փայլիլուն, մաքրած լիմուզինը դուրս էր գալիս դեսպանատան բակից, իսկ փոշոտ, հալից ընկած տորպեդոն հանքավորի վագոնիկի նման նրբանցքից գլորվեց դեսպանատան մոտ:

Անդրեյը հասցրեց մոտենալ դարբասին:

Փոշոտ ավտոմեքենայի դռնակները շէին բացվում, և մեջը նստած մարդիկ մեքենայից դուրս թռան թափքի կողերից: Գերմանացիների գորշ բաճկոններն ու ռուսների խունացած շինիները հանկարծ միախառնվեցին մի հոծ կույտի, և պարզապես անհասկանալի էր, թե այս բոլորն ինչպես էին տեղավորվել մի ավտոմեքենայում: Փայլուն մեքենայի դուռը դանդաղ բացվեց, ոտնակին կանգնեց նիհար, կոկիկ մի մարդ:

— Ի՞նչ է պատահել, — հարցրեց նա ու մի հոնքը վեր բարձրացրեց:

Կարճիկ գինվորը խունացած անհովար գլխարկը ետ տարավ ծոծրակին, և պարզորոշ հայտարարեց գերմաներեն.

— Մոսկվայում գերմանական գերիներից կազմվել է Գերմանական գինվորների դեպուտատների խորհուրդ:

Կոկիկ մարդը հոնքը ցած բերեց:

— Ե՛յ ի՞նչ գործն է, թե Մոսկվայում ինչ է կազմվել: Ննդրում եմ ճանապարհ տաք մեքենայիս:

— Մոսկվայի գերմանական գինվորների դեպուտատների

խորհուրդը որոշել է ստանձնել նախկին ղեկավարական կազմի
բաժնի գեղարվեստական բոլոր գործերը:

— Կրկնում եմ, ձեր ասած խորհուրդի որոշումներն ինչ
չեն վերաբերում:

Կոկիկ մարդը թեթևորեն ձեռքը բարձրացրեց ու կարգա-
դրեց հրացանը ձեռքին կանգնած դեպքում աստիճանի վրին:

— Ինձ համար ճանապարհ մաքրեցեք և դարբասը փա-
կեք:

Կարգադրությունը կատարելու փոխարեն ղինվորը հրա-
ցանով ցույց տվեց տանիքը:

Կոկիկ մարդը ղլուխը դանդաղ բարձրացրեց.

Այն ժամանակ նոր եկածներից մեկը բղավեց.

— Ե՛տ:

Կոկիկ մարդուն ետ հրեցին լիմուզինի մեջ, դուռը շրջի-
կացրին, կարծես հրամանով ուսերը դեմ տվեցին մեքենայի
ոտիկատորին և թևերին ու այն ետ գլորեցին բակ: Վարորդը
գնկով օգնում էր մեքենան ետ քշելուն և նրա հողմահար դեմ-
քով հազիվ նկատելի խեթ մի ժպիտ էր սահում:

Անդրեյը թեքվեց դեպի հրացանը ձեռքին կանգնած ղին-
վորը:

— Ի՞նչ է պատահել:

Քարացած սառը հայացքը մխրձվեց Անդրեյի դեմքին ու
բարակ շրթունքները ջանադրաբար արտասանեցին աղավաղ-
ված բառերը.

— Ընթեր չի գիտի: Գերմանիա քաղմաքերպի սովյետ:
Ֆերմանիա Ռուսաստան միասին:

Անդրեյը մինչև վերջ չլսեց ղինվորին: Նա նայում էր դե-
պի բակ, որտեղ ավտոմեքենայից դուրս եկած կոկիկ, նիհա-
րավուն մարդու առջև խմբվել էին գերմանական բաճկոններն
ու սուսական շինելները:

Ինչ-որ մի ղինվոր ամբոխին այս ու այն կողմ հրեց, մո-
տեցավ կոկիկ մարդուն, նրա ոտքերի տակ գցեց դրոշակի
սև-սպիտակ շերտիկը: Կոկիկ մարդը ոչ մի շարժում չարեց, և
կտորն ընկավ նրա ոտքերի մոտ՝ սգաժապավենի նման:

Անդրեյը նայում էր այն ղինվորին, որը բերեց ու շարտեց
գրոշակի կտորը:

— Կո՛ւրտ, — բղավեց նա ու նետվեց դեպի դարբասը:

Ձինվորը ուշադիր նայեց նրան, մինչ սա վազում էր բա-
կով, հետո մի քայլ ետ գնաց ու կամացուկ հարցրեց.

— Անդրե՛յ:

— Կո՛ւրտ, Կո՛ւրտ:

Այն ժամանակ ղինվորը նետվեց դեպի Անդրեյը, նրա ղլու-
խը սեղմեց իր համաշափ, ուղիղ ձեռքերի մեջ ու ավելի կա-
մաց ասաց.

— Անդրեյ, սիրելի բարեկամս...

— Եթե ես այս ամբողջ ժամանակ նստած լինեի որևէ տեղ
արհեստանոցում, թերևս աշխարհն ինձ առաջվա նման ամ-
բողջական մի բան թվար, ինչպես ասում ու հասկանում էինք
մի ժամանակ՝ մարդկություն, աշխարհ, այդ ամենին նայե-
լով վերևից: Իսկ ես նստեցի նեքում, հատակի տակ, տե-
սա, թե ինչպես է այդ ամենը կառուցված: Մի խոսքով՝ թա-
րոն: Ոչ մի ամբողջական բան: Մարդկությունը կեղծիք է:

Կուրտը ծխեց բարալիկ այրված ծխամորձիկը, ոտքերը
մեկնեց, հետո սահուն, համաշափ շարունակեց.

— Առաջ ամեն ինչ կազմավորված էր, ինչպես երթալի
վաշտը: Մարդը հարմարեցված է մարդուն, ինչպես դաս
փայտը փայտին: Հիմա ամեն ինչ ցրիվ է եկել: Տախտակ-
ների միջև ճեղքեր են: Կույրն էլ տեսնում է, որ ամեն ինչ
անջատվել է:

Նա ծիծաղեց:

— Գու երբեք չե՞ս փորձել գրել:

— Ոչ, չեմ փորձել, — ասաց Անդրեյը:

— Ես էլ չեմ փորձել: Սակայն մի անգամ մտածում էի,
որ վեպերը գրում են այնպես, ինչպես արկղ են շինում: Ան-
հրաժեշտ է, որ ամեն մի տախտակ իր բոլոր կողմերով
հարմարվի մյուս տախտակներին: Մինչև պատերազ-
մը, համենայն դեպս, վեպերն այդպես էին գրվում: Հի-
մա հավանաբար վեպերում էլ հնարավոր չէ մի տեղում մի-
անգամից երկու մարդուց ավելի իրար միացնել: Սոսինձք
բանի պեսը չէ, չի պահում:

— Հի՞ն սոսինձ է, — հարցրեց Անդրեյը:

— Իհարկե հին է: Խրամատների փշալարերի ետևից, ինչ-
պես խոշորացույցով, պարզ երևում է: Այդ ամբողջ երաժշտ-

տության մասին սոսկումով ետ մտածում. ումբերը, երեք-
գծանի հրացանները, հատկապես հաուբիցները: Սակայն
կարծում եմ, որ եթե այդ որոտը չլիներ, մենք դեռ երկար ժա-
մանակ խելքի չէինք գա: Իսկ հիմա մեր գլուխը պայծառ է
ու սրտներս օդափոխված:

Կուրտը լուցկին սեղմեց, զգուշորեն մոտեցրեց ծխամոր-
ճին, նորից ծխեց:

— Ահա իմ սլատմությունը և իմ եզրակացությունները:
Այն տախտակները, որ դեռ կպած են իրար, պետք է բաժա-
նել, գուցեև ջարդել, որովհետև դրանք արհեստականորեն են
միակցված և այդպիսի սասինձով չի կարելի մարդկանց միակ-
ցել որպես մարդկություն: Իսկ ի վերջո դա է մեր նպատակը
Համաձայն ես:

— Համաձայն եմ, — պատասխանեց Անդրեյը:

Կուրտը մոտեցավ և նրա ձեռքը բռնեց:

— Ահա: Լավ է: Իսկ հիմա խնդրում եմ ինձ ասես, ուղ-
ղակի շասես, որ ես անասուն էի. Նյուրնբերգում, տրամվա-
յում:

Անդրեյը գրկեց նրան ու ծիծաղեց:

— Ո՛չ, ո՛չ, — բղավեց Կուրտը ետ քաշվելով: — Դու ինձ
պետք է ասես, թե այն ժամանակ ինչ էիր մտածում:

— Ես սարսափում էի: Ես գրեթե լաց էի լինում քեզ հի-
շելիս... Թե ինչպիսին էիր դու այն ժամանակ...

Կուրտը բռունցքով խփեց իր գլխին:

— Օ՛-օ՛-օ՛, Օ՛-օ՛-օ՛, Իսկական ապուշ: Ա-պո՛ւշ:

— Բանն այդ չէ, — ընդհատեց նրան Անդրեյը: — Գու այն
ժամանակ կարող էիր այլ կերպ մտածել:

— Ես անասունի պես էի մտածում:

— Հիմա դու ուրիշ կերպ ես մտածում: Մակայն ոչ այն
ժամանակ, ոչ էլ հիմա քեզ պատերազմը չի վախեցնում:
Մի՞թե քո մեջ մի բան փոխվել է: Ես նույնն եմ մնացել. պա-
տերազմ խոսքն իսկ զգվելի է ինձ համար:

— Սպասիր, — ասաց Կուրտը, սպասիր: Ես քեզ հասկա-
նում եմ... Բայց մի՞թե կարծում ես, թե ես չեմ մտածել այդ
մասին: Տարբեր պատերազմներ կան: Եվ դու ինչո՞վ կարող
ես պատերազմը ոչնչացնել, եթե ոչ հենց պատերազմով: Հո

պատերազմին դիմադրելով չե՞ս կարող: Չէ՞ որ ուրիշ ճանա-
պարհ չկա, չկա՛, չկա՛, չկա՛:

Նա ոտքը դոփեց ու բղավեց.

— Արյո՛ւնը, արյո՛ւնը, ահա թե ինչն է քեզ վախեցնում:
Եվ այդ մշտական վախը, թե շարիքը շարիք է ծնում: Իսկ ի՞նչ
կարող ես դու ինձ առաջարկել շարիքի փոխարեն: Ինձնից
դուրս են քաշում ջերս, թեև առ թեև, առանց դադար տալու,
ամբողջ կյանքումս: Եվ հենց ինձ էլ առաջարկում են այդ
կյանքս կառուցել բարու հիմքերով, քանի որ շարիքը շարիք է
ծնում: Ես բարին որտեղի՞ց գտնեմ, եթե շուրջս շարիք է:
Ապացուցիր ինձ, որ շարիքով չի կարելի բարու հասնել:

— Ես այդ չեմ կարող ապացուցել:

— Ուրեմն ճամփան մե՞կն է:

— Ուրեմն՝ այո:

— Այն դեպքում ի՞նչ ես ասում:

— Ասում եմ, որ սարսափելի է և... ստորացուցիչ, —
արտասանեց Անդրեյն այնպիսի ջանքով, կարծես արտասուք-
ները խեղդում էին նրան:

Կուրտը նրա ձեռքերը սեղմեց:

— Սիրելիս, սիրելի բարեկամս: Դու իրոք չես փոխվել.
Նաճախ էի քեզ հիշում ահա հենց այսպիսին, այս բարի,
շվարած ժպիտով: Ես նույնիսկ կափսոսեի, եթե դու այն
կորցնեիր: Եվ լսիր, ես քո իսկական բարեկամն եմ, հավետ:
Հիշո՞ւմ ես Նյուրնբերգը, բլրից: Ես այն ժամանակ երջանկու-
թյուն զգացի: Գիտե՞ս, ես երբեք չեմ ապրել կնոջ հետ, այ-
սինքն՝ երկար ժամանակ և լավ: Մա ի՞նչ զգացում է: Եթե
քնի այնպիսի զգացում, ինչպես այն ժամանակ, բլրի վրա,
և այդ լինի մշտապես, հավանաբար մարդ պետք է ի ծնե
հատուկ օժտված լինի, որպեսզի դիմանա: Ես խոսում եմ այն
հիացմունքի մասին, հիշո՞ւմ ես: Դա պետք է որ հյուժի...
Դու ինձ լրացնում ես: Ես լավ եմ զգում, երբ գիտեմ, որ դու
ահա այսպիսին ես, սիրելի բարեկամս, քո այդ շվարած
ժպիտով: Հիմա այստեղ, Մոսկվայում, այն ամենից հետո, ինչ
տեղի ունեցավ, ուզում եմ, որ կրկինք մեր երդումը: Եվ որ-
պեսզի դու մոռանաս այն, ինչ պետք է մոռանալ:

Անդրեյը Կուրտին սեղմեց իրեն, գրկեց նրա լայն մեջքը: — Ես միայն մի բան եմ հիշում, Կուրտ. ինչպես մենք միմյանց սասցիկնք՝ հավես:

— Մինչև մահ,— ասաց Կուրտը, մի տեսակ խիստ սևեռուն նայելով Անդրեյին:

Հետո ժպտաց, և խոսքերն անշնորհ դասավորելով, ինչպես գիրք կարդացողը, որի ձեռքից գիրքն ընկել է, ավելացրեց.

— Չգիտեմ իսկապես երեխայական թե ինչ զգացում ունեմ քո նկատմամբ: Բարեկամություն, միստիկական ինչ-որ բան: Սակայն չեմ ուզում քո նկատմամբ ունեցած քնքշությանս դեմ պայքարել: Թեև ենթագիտակցականը՝ ծիծաղելի է: Նա լռեց: Հետո շտկվեց և կրկին խոսեց, ինչպես գրքում կարդար:

— Իմ կարծիքով, անըմբռնելի զգացումներ չպետք է լինեն: Եվ, իհարկե, բոլոր զգացումները պետք է մեկընդմիջում ենթարկել գիտակցությանը: Միայն այդ դեպքում ես անիմաստ բանի մեջ տեսնում իմաստ, տառապանքի մեջ՝ ուրախություն:

— Սակայն ահա թե ինչ,— ընդհատեց Կուրտն ինքն իրեն: — Ես պատմեցի այն ամենը, ինչ զգացել եմ, իսկ քո մասին ոչինչ չգիտեմ: Պատմիր: Լուռ կմնամ: Այլևս ոչ մի խոսք: Ինչո՞ւ ես տխուր:

Անդրեյը գլխով պատուհանը ցույց տվեց:

Դեղնավուն մթնշաղի մեջ մթին էր տալիս տերևաթափ նեակուշնի պուրակը, երերվում էին Ղրիմյան կամուրջի ասես թղթե ձողակառույցները, կամրջի տակով հոսում էր սև Մոսկվա գետը: Եվ պուրակի, կամրջի, գետի վրա, աչքի համար անտեսանելի մի ծածկույթով պատվում էր ազուպներին երամբ:

— Սարսափելի է: Այս ուրվականը ծածկում է ամեն ինչ: Սով: Դրա վրայից անցնելու համար պետք է շատ համարձակ լինել: Իսկ ի՞նչ կլինի դրանից հետո:

— Է՛յ դու հեղափոխական: Ամոթ է, Անդրեյ:

— Ես՝ հեղափոխական: Ես մինչև հիմա էլ ամաշում եմ անցնել աղքատի կողքից ու ողորմություն չտալ:

— Այնուամենայնիվ, այսօր ձեռքերդ դողում էին, երբ գինվորները դեսպանատանն ասում էին, որ dem oberen Zehntausend՝ ճաշը կեփեն Գերմանիայում:

— Ահ, Կուրտ, Գերմանիան... Որքան կուզեի հիմա այնտեղ լինել...

Կուրտը լարված նայեց Անդրեյին ու շոր ասաց.

— Այնտեղ դու անելիք չունես: Դա հոգնածությունից է կամ նրանից, որ չես հասկանում, թե քո տեղն այստեղ է, Ռուսաստանում: Գլխովս մի միտք անցավ... Լսիր: Ինձ նշանակում են տալիս խուլ մի տեղ, գերիներին տեղափոխելու, նրանցից խորհուրդ կազմելու գործի: Դա Սեմիդոլում է, ամայի, խուլ վայր է: Եվ ինձ հետ: Այնտեղ բոլորի համար էլ աշխատանք կճարվի: Կգա՞ս:

— Քեզ հետ՝ այո,— պատասխանեց Անդրեյը, առանց աչքը կտրելու պատուհանից դուրս, տարածության մեջ ինչ-որ կետից:

— Հիանալի է, բարի հոգի: Մենք հիանալի կյանք կունենանք, լեռներ տեղից կշարժենք: Բավական է ազուպներին նայես: Միծաղելի մարդ: Մնա ինձ մոտ գիշերելու, որպեսզի ավելորդ անգամ զլխավերեղ չլսես այդ շարագուշակ կնկոտցը: Հիմա՞ր: Եվ խոսիր, պատմիր ամեն ինչ, ամենասկզբից, շուտ աբա:

Նա բռնեց Անդրեյի ուսերից, պատուհանից ետ քաշեց և նետվեց մրոտված նավթավառը վառելու, այս ու այն կողմ շարտելով ոտքի տակ ընկած անպետք իրերը: Կուրտի սենյակն այստեղ, Մոսկվայում՝ նախկին լիցեյի ձեղնահարկում, հիշեցնում էր նրա նյուրնբերգյան անհարմար ձեղնահարկը:

Եվ գիշերը, երբ Կուրտն ու Անդրեյը շինելներով ծածկված պառկեցին նեղլիկ, կալենկորե թախտին, որ նման էր հիվանդների ընդունարաններում դրվող թախտերին, մոսկովյան այդ լուռ գիշերին Անդրեյն իր բարեկամին պատմեց Մարիի մասին, պատմեց այն խոսքերով, որ այնպես հեշտությամբ էին տրվում նյուրնբերգում:

Նա պատմեց ձմռանը լաուշեում իրենց հանդիպումը, Յոթ

¹ Վերին տասը հազարի, այսինքն՝ հասարակության ավերակալիս (գերմ.):

լճակների պուրակում ունեցած հանդիպումները, այն, թե ինչպես էր պայմանավորված ժամին բացում իր սենյակի դուռը, և ինչպես Մարին շոգ գիշերներին, թաքնվելով, նրա մոտ էր գալիս պրոմենադներով:

Նա հասավ վերջին հանդիպմանը, իր խոստմանը, որ արվել էր Մարին վերջին պահին:

Այն ժամանակ Կուրտը ձեռքը դիպցրեց նրա կրծքին, և նույնքան կամացուկ, ինչպես Անդրեյն էր խոսում, գրեթե շշուկով ասաց.

— Հասկանում եմ, թե ինչու ես ուզում այնտեղ գնալ: Եվ քանի որ Անդրեյը լուկ էր, մի քանի բույս անց հարցրեց.

— Ուրեմն այս տարիներին քո կյանքում ամենամեծ բանը սե՞րն էր:

Անդրեյն ասաց.

— Այո՛:

Եվ վարձյալ մի քանի բույս լռելուց հետո, Կուրտը այդ քարացած գիշերով, մթության մեջ ասաց.

— Իսկ իմ կյանքում՝ ատելությունը:

Հատապտուղներ

Միտք չունի ընթերցողին շփոթության մեջ գցել այս գլխի վերնագրի վերաբերյալ: Մաղիկներին նվիրված գլուխներն առանձին կապ չունեն հետագայում նկարագրվածի հետ: Բոլորին հայտնի է, իհարկե, որ ծաղիկներից հետո սկսվում է հատապտուղների շրջանը, այս խոսքերի համադրությունն արդեն կարող է միտք հղացնել վեպի տենդենցիոզության մասին:

Սակայն մենք հեռու ենք որևէ միտումնավորությունից, և այդ առթիվ ամեն մի կասկած վերացնելու համար անմիջապես մեջբերում ենք մի փաստաթուղթ, որը մեզ դրդեց այդքան երկիմաստ վերնագրելու այս գլուխը և որը միանգամայն անհրաժեշտ է մակերեսային հայացքից թաքնված նրա պատակների համար:

Ամռան կեսերին, բոլորի կողմից հարգված «Բիշոֆսբերգի առավոտյան լրագրում» հայտնվեց հետևյալ կողը.

ԲՈՂՈՐՍ ԳԵՊԻ ԱՆՏԱՌ՝ ՀԱՍԱՊՏՈՒՂ ՀԱՎԱՔԵԾՈՒՑ: ՄԻ ԹՈՂԵՔ, ՈՐ ԲԱՐԻՔԸ ԿՈՐՉԻ:

Գերմանացի կանա՛յր: Թող այս խոսքը լսի ամեն մի խելամիտ հայրենասեր կին: Բոլորը պետք է օգնեն մեծ գործին:

Մեր կողը վերաբերում է հատկապես փոքրիկ քաղաքների տնային տնտեսուհիներին և կանանց միութուններին ու միավորումներին: Մշտական կապ հաստատեցե՛ք գյուղերի ու գյուղական համայնքների հետ, տեղի աղքատ բնակիչներին ստիպեցե՛ք անտառի հատապտուղներ հավաքել:

Գյուղական համայնքները սկսե՛ք է հոգ տանեն, որ հատապտուղներ հավաքելու գործը, անտառապետության համաձայնությամբ, միանգամայն սխտեմատիկ բնույթ կրի: Այդ մեծ գործը ոչ մի դեպքում մի հանձնարարեք երեխաներին: Հետեցե՛ք, որպեսզի հատապտուղները թփերից ոչ թե պլոկեն, այլ մեկ-մեկ հավաքեն ձեռքերով: Պլոկելը վնասում է հաջորդ տարիների բերքին, և, օրինակ, հապալասը դրանից հետո մի քանի տարի անց է միայն բերք տալիս: Այս խորհրդին խստիվ հետեւե՛լը նաև շատ աշխատանք կհնարի հատապտուղները եփելուց առաջ տերևներից մաքրելու ժամանակ:

Հատապտուղներ հավաքելու այն սխտեմը, որ կիրառվել է Ֆոգտլանդում, մեզ ամենանպատակահարմարն է թվում: Մեծահասակ, փորձված և տեղանքը լավ իմացող կանայք այնտեղ դիկավարում են երեխաների խմբերին: Հատապտուղ հավաքելու համար, տնտեսապետությունից թույլտվություն ստանալուց հետո, այս խմբերը ցրված շարքերով սկսում են աշխատել, զտած հատապտուղները նախօրոք պատրաստված զամբյուղների մեջ տեղավորելով: Հավաքելու գործն սկսում են վաղ առավոտյան և ավարտում կեսօրին մոտ, մինչև շոգն ընկնելը: Այնուհետև հատապտուղները վաճառվում են քաշով: Աշխատանքը վարձատրվում է ըստ բիրբի: Միանգամից մեծաքանակ վաճառքը խնայում է ժամանակը, որ սովորաբար ծախսվում է մանր բաժիններ կշռելու վրա: Դեկավարող կանանց փող է տրվում, որպեսզի հարկ եղած դեպքում երեխաների հետ մեկնեն երկաթուղով: Դա շատ մեծ նշանակություն ունի՝ հոգնեցուցիչ ճանապարհի գոնե կեսը գնացրով գնալ:

Կարգավորեցե՛ք պահանջն ու առաջարկը: Սակայն ինչպե՞ք ավելորդ աշխատանքը: Եթե անհատական տնտեսությունների, լազարեթների և այլն պահանջն արդեն բավարարված է, հատապտուղներն ամենակարճ և շահավետ ճանապարհով ուղարկեցե՛ք հարևան մեծ քաղաքները: Ամենալավն այն է, որ հատապտուղները միանգամից վաճառեք որևէ մեծածախ վաճառականի կամ պանծոյի ֆարրիկայի, քանի որ միայն համապատասխան հատուկ փաթեթավորման դեպքում կարելի է դրանք անթերի տեղափոխել:

Հիշեցե՛ք, որ մեր հայրենական անտառներում ոչ մի հատապտուղ չպետք է փլանա: Հատապտուղներից պատրաստված ուտելիքները էժան են և սննդարար:

Գերմանացի հայրենասեր կանայք, այդ գործը ձե՛զ է սպասում:

Լաուշեից սառը և ծակող քամի էր փչում, քարերի և ասֆալտների վրա տերևներն աղմկոտ շուրջպար էին բռնել: Նույնմբեր ամիսն էր:

Այս ամսի իններորդ օրն անցավ մոռյլ ու հասարակ, ինչպես և նրանից առաջ բոլոր օրերը՝ սուղության, աղքատության մեջ: Փողոցները վազում էին իրենց անվերջանալի վազքով, ոչինչ չէր խանգարում աշխատածամերի կարգը:

Եվ մի պահ միայն, մի տեղում՝ ուսուցչայից ոչ հեռու, նեղլիկ, զտիկող նրբանցքում, կյանքը թրթռաց ու կանգ առավ:

Այդ նրբանցքում էր գտնվում գումարտակի խոհանոցը, և զինվորները, ստանալով իրենց կերակրաբաժինն ու հացը, կաթսայիկները ձեռքներին վազում էին ամեն մեկն իր ջուրը, որ տեղավորված էին հարևան տներում: Մի դանդաղաշարժ զինվոր, ծանրորեն քայլելով և երերալով, մոռյլ նայում էր իր կաթսայիկին, որ ծածկված էր գոլորշու գորշավուն քուլայով: Նրանից առաջ էին անցնում արագաշարժ, ժիր երիտասարդները, բղավելով խոստում միմյանց հետ, սուլում: Զինվորը քայլում էր անշտապ: Հանկարծ նա կանգ առավ, կաթսայիկը մոտեցրեց դեմքին, մտածեց, հետո ձեռքը բարձրացրեց ու ամանը շարտեց ցած, ընդհատ և զիլ բղավելով: — Ա՛:

Եվ անմիջապես ամբողջ նրբանցքը պապանձվեց՝ երիտասարդ զինվորները, երեսներին գրկած կանայք: Բոլորը նայեցին կաթսայիկին, որ օրորվում էր կլոր կողի վրա, նայեցին դեղին ջրիկ խյուսին, որ ծորում էր քարերի միջև, գորշավուն գոլորշուն, որը բռնեց ու ցրեց քամին: Հետո հայացքները դարձան զինվորին ու ստուգեցին նրա վրա:

Զինվորը քայլեց դեպի դատարկ կաթսայիկը, դանդաղ կոացավ, վերցրեց այժ, ու նույնպես անշտապ ու ծանրորեն, ինչպես առաջ, գնաց իր ճամփով:

Այդ ընթացքում ոչ մեկը ոչ մի ձայն չհանեց, յուրաքանչյուրը քայլեց իր ճամփով լուռ, ասես ոչինչ չէր պատահել, ու

ներանցքն սկսեց ապրել նախկին ձևով, թերևս միայն մի քիչ ավելի դանդաղ:

Այդպես անցավ նոյեմբերի իննը Բիշոֆսբերգում:

Սակայն հաջորդ օրը քամին կտրուկ փոխեց իր ուղղությունը:

Հաջորդ օրը երկաթե խաչի ասպետի այրի Մարթա Բիրմանը Թեյֆելսմյուլեից եկավ իր ամուսնու գերեզմանին: Նա հավաքեց գերեզմանաթումբը ծածկած շոր տերևները, գերեզմանին հավամբողջ հյուսած պսակ դրեց ու ծունկի իջավ: Սկզբում աղոթում էր, հետո սկսեց նայել շուրջն ու կարդալ սև խաչերին կպցրած անվանատախտակները, որ ուղղման կարգով, ուղիղ շարվել էին զինվորների գերեզմաններին: Միայն մի քար էր բարձրանում այդ խաչերի շարքի վրա՝ մահացած ուղղակիների եղբայրական հուշարձանը: Քարի վրա փորագրված էր.

ՆԱԶԵԳԵՔ խաղաղությանը, հերոսներ:
Մենք երախտագիտությանը հիշում ենք ձեզ:

Մարթա Բիրմանը կարդաց այդ մակադրությունը, բարձրաձայն կրկնեց, և բառերն այդ խուլ հարվածների նման արձագանքում էին նրա ներսում:

— Մենք երախտագիտությանը հիշում ենք ձեզ:

— Մենք հիշում ենք ձեզ:

— Մենք հիշում ենք:

Նա դուրս եկավ գերեզմանատնից ու դարբասի մոտ քայլերը դանդաղեցրեց, որպեսզի մտածի, թե ուր է գնալու:

Քաղաքից լայն, ուղիղ փողոցով մի խումբ կանայք էին գալիս՝ սգազգեստներ հագած: Նրանք քայլում էին իրար սեղմված, ճամփի մեջտեղով, քայլում արագ, ու քամին քշում էր նրանց, ուռցնում փեշերը, քաշքշում երկար, սև բոզերը:

Կանանց խոստածայն խոսակցությունը շուտով հասավ Մարթա Բիրմանին, սակայն քամու միջոցով իրեն հասած ձայներից նա ոչ մի որոշակի խոսք չհասկացավ, ու սկսեց սպասել, մինչև որ կանայք մոտենան:

Քամին բռնում էր նրանց խոսքերը, վեր նետում, և ասես դարձյալ քամուց, կանանց զխավերեն էին բարձրանում:

նրանց ձեռքերը, սպառնում էին չգիտես ում ու ցցված մատ-
ներով ցույց տալիս դեպի առաջ:

Խոսքի պատասխաներ, կիսատ-պոատ բառեր պատվեցին
Մարթա Բիրմանի գլխավերևը:

— Նրանց բոլոր գործերն էլ բարեհաջող են...

— Դրանք մի պատասխան գիտեն, ամեն ինչին մի պա-
տասխան են տալիս:

— ... վերջը չի երևում:

— Միևնույն է:

— Թող լինի՛, թող լինի՛:

— ... բարեհաջող թաքցրեցին...

— ... հանգստություն: Իսկ մենք ի՞նչ է, մեռելներ ե՞նք:

— Սպանդի անասուն:

— Թաքցնե՞նք:

— ... այն ժամանակ կտեսնենք...

Մարթա Բիրմանն սպասում էր, որ այդ ազմկոտ թափորը
կմոտենա գերեզմանատան դարբասին: Նա կանգնել էր ձրգ-
ված, ասես կապված լիներ, ջանում էր այդ կիսատ-պոատ
խոսքերի իմաստը հասկանալ: Սակայն կանայք, քայլերն ա-
վելի ու ավելի արագացնելով, գերեզմանատան կողքով ան-
ցան դեպի Բիսմարկի ծառուղին: Հանկարծ ձայների քառոսի
միջից լսվեցին պարզորոշ բառեր.

— Ե՛յ, աստծո այրի: Երևում է, ամուսնյակդ ապահո՞վ
տեղում է պառկած:

Մեկի ձեռքը ցույց տվեց գերեզմանատան դարբասը, և
կրկին նույն պարզ ձայնը կանչեց.

— Եկ մեզ հետ գնանք մեռյալներին հարություն տալու:

Եվ, ասես կտրեցին Մարթա Բիրմանին կապված պահող
պարանը, ու նա տեղից պոկվեց, վազեց փխաջավ այդ բազ-
մությունը:

Մեկը քայլելով նրան հարցրեց.

— Ռազմիկի՞ այրի ես:

— Այո, — պատասխանեց նա, վազքից ու անսպասելի
հուզմունքից հեռապառ, — երկաթե խաչի ասպետի այրի եմ:

— Դժբախտ կին, — լսվեց մի ձայն:

— Իրենց խաչերը թող շների վզից կախեն, — լսեց Մար-
թան:

— Մենք գնում ենք հիվանդանոց, հաշմանդամների ետե-
վից, — բղավեցին նրանք:

— Միդուցե մեր ամուսինները կենդանի՞ են:

— Նրանք հաշմանդամներին փակի տակ են պահում, որ-
պեսզի ոչ ոք չտեսնի:

— Գուցե նրանք մեր ամուսինների՞ն են այնտեղ պահում:

— Որպեսզի մեր նյարդերը չփշանան:

— Այն ժամանակից, ինչ մեր ամուսիններին խլեցին...

— Ժամանակն է, պետք է վերջ տալ պատերազմին:

Մարթա Բիրմանն առաջ նետվեց, սեղմ բազմության առա-
ջը կտրեց, կանգնեց դեմքով դեպի կանայք ու լարված, բարձր
բղավեց.

— Կանգնեցե՛ք, կա՛նգ առեք: Ես գիտեմ, թե ինչ կա այդ
հիվանդանոցում: Կանա՛յք, դժբախտ կանայք: Իմ ամուսինն
էլ զինվոր էր: Նրա ձեռքերն ու ոտքերը կտրվել էին, նա կու-
բացել էր և խլացել, նա ինձ չճանաչեց, հրե զնացի մոտը,
հիվանդանոց, նրա մահվանից առաջ: Հիմա նա պառկած է
ահա այնտեղ: Ամբողջ հիվանդանոցը լցված է անոտ, անձեռք
մարդկանցով: Թող նրանց թողնեն, թող մեզ ցույց տան:

Նրան ընդհատեցին սուր ճիչեր.

— Վիրավորներին տանենք տնե՛րը:

— Հաշմանդամներին փողոս՞ց հանեցեք: Թող բոլորը տես-
նեն:

— Մենք նրանց ման կտանք զբոսայգիներում, թատրոն-
ներում:

— Թո՛ղ տեսնեն:

Մարթա Բիրմանը ցույց տվեց գերեզմանատունը.

— Ահա այնտեղ մի քաղաք լիքը տղամարդիկ են: Այն-
տեղ է իմ ամուսինը՝ Ալբերտը: Իմ ամուսինը: Եվ այնտեղ
գրված է. «Մենք հիշում ենք ձեզ, հիշում ենք»:

Հանկարծ նրա բերանը ծովեց, ու ճիչը խլացրեց մյուս
բոլոր ճիչերը.

— Ես քեզ հիշում եմ, Ալբերտ: Կանա՛յք, կանա՛յք:

Քամին պոկեց ու վեր նետեց այդ վայնասունը, ողբը, պո-
կեց կրեպի երկար քողերը, ու սգազգեստով կանայք սկսեցին
վազել:

Քամուց գալարապտուլտ նրանց սգավոր բազմութիւն
ետեից մեկ-մեկ, խումբ-խումբ սլանում էին կանայք, որ
չգիտես որտեղից էին հայտնուել, քշվում էին, ինչպես տերև-
ները տերևաթափին:

Քամին փշում էր դեպի Բիսմարկի ծառուղին:

Եվ երբ սուրճի զավաթի նման խուզված լորենիների մեր-
կացած շարքերի ետեից բազմանիստ բյուրեղապակու նման
փայլփլեցին հիվանդների պատուհանները, մեկ-մեկ ու
խմբերով քայլող կանայք միացան ու դարձան գլուխների
միաձուլ մի լիճ, ու լճի վրա սև կատարներով վեր էին խո-
յանում կրկն քողերը:

— Կանայք, կա-նայք:

Բարեբախտ տունը նայում էր կանանց հուզումին, լսում
նրանց ճղճղոցն ու աներեր հաճութեամբ ցույց տալիս աղյու-
սե-կարմրավուն կղմինդրե տանիքի տակ կանգնած իր սվա-
ղած պատերը:

Կանայք խմբվեցին մուտքի առջև, և տաճարի դռան նման
ծանր դուռը սահուն ու լայն բացվեց:

Մի մարդ ճեփ-ճեթմակ խալաթը հագին դուրս վազեց
բազմութիւնն ընդառաջ, հուսակտուր բղավեց.

— Խնայեցեք վիրավորներին, վիրա-վոր-ներին՝ն, խելա-
գարնե՛ր:

Եվ ի պատասխան հարյուրավոր ձայներ բղավեցին մոր-
մորով.

— Մենք կխնայե՛նք:

— Մենք գիտե՛նք:

— Մե՛զ խնայեցեք:

— Կխնայե՛նք:

— Կխնայե՛նք:

Ո՞ւր անհետացան արգելիչ մակագրութունները, պարա-
գրաֆները, բաժիններն ու կետերը: Ո՞վ թաքցրեց այդ ցու-
ցանակները, որոնց վրա փակցված էին որոշումները, հրա-
մանները, կանոններից վերջրած քաղվածքները: Ո՞ւր կորան
ճեթմակ հագած մարդիկ, որոնց պարտքն էր պահպանել պա-
րագրաֆները, որոշումները և կարգուկանոնը:

Մաքրած բետոնի, սպիտակ առաստաղների և պատերի
փայլով ողողված միջանցքները ներխուժեցին սևազգեստ կա-

նայք: Նրանց հետ հիվանդասենյակներն ու սրահները լցվեց
փողոցի մուկեղնութիւնը, իսկ կանանց առջևից, նրանց գլխա-
վերևով, միջանցքների ընդարձակութեամբ տասնապատկված
սավառնում էին Մարթա Բիրմանի աղեկտուր ճիշերը.

— Ես հիշում եմ, Ալբե՛րտ: Հիշում եմ:

Եվ ապա.

— Ահա այստեղ պառկած էր իմ ամուսինը, իմ ամուսի-
նը, կանայք:

Ու կրկին.

— Ես հիշում եմ, Ալբե՛րտ, հիշո՞ւմ եմ:

Այն ժամանակ տղամարդկային խոր ձայները խառնվե-
ցին կանանց լաց ու կոծին.

— Մեզ փողոց դուրս տարեք:

— Մեզ ցույց տվեք մարդկանց:

— Ինձ բազկաթոռով տարեք, թող տեսնեն պատերազմն
ինչ է: Նայեցե՛ք, ահա նայեցեք, թե պատերազմն ինչ բան է:

— Վերցրեք բոլորին, ում կարելի է անկողնուց հանել:

Եվ ամբողջապես բինտերով փաթաթված մի խրտվիլակ
թնդաձայն բղավում էր մառլյայի մեջ երևացող սև ծակից,
որտեղ կարող էր բերանը լինել:

— Ինձ ցույց տվեք, ես կարող եմ քայլել: Ինձ ցույց
տվեք, ես քայլում եմ:

Արձակված խալաթներով, բինտերով կապկպված, կա-
լանդներով, դիպսե վիրակապերով, անթացուպերին և փայտե-
րին հենված վիրավորները կաղալով ու մի ոտքի վրա թրոշ-
կոտելով հիվանդասենյակից հիվանդասենյակ էին անցնում
ու կանչում:

— Ով կարող է՝ դեպի հրապարակ, քաղաք:

— Ով կարող է՝ ոտքի ելեք:

Իսկ հիվանդասենյակներից այդ կանչին պատասխանում
էին անլուելի հառաչանքներ ու անեծքներ:

Եվ ահա կանայք ճիշ ու ողբով գլխավերևները բարձրաց-
րին բազկաթոռն ու քայլեցին դեպի դուռը: Բազկաթոռի մեջ
բարձիկի վրա կիսապառկած էր ամբողջապես բինտապատ-
ված հետույքով մի մարդ: Բազկաթոռի ոտնակը բաց էր ու
դատարկ: Հաշմանդամի ձախ ձեռքը վիրակապի մեջ կախված
էր պարանոցից: Աջ ձեռքը նա թույլ թափահարում էր, մերթ

ցույց տալով վիրակապից հաստացած մարմինը, մերթ շփտես ում սպառնում:

Հիվանդանոցի ճակատամասի առջև թափորը երկար ժամանակ տատանվում էր, շարունակ ավելի շատ բազմություն էր հավաքում: Կանայք փողոց էին գլորում բազկաթոռներ, սայլակներ, աթոռներ, վիրավորներին նստեցնում էին դրանց մեջ, և վիրավորները թափահարում էին հենակներն ու ինչ-որ բղավում անլսելի խոխոցներով: Երիտասարդ զինվորը, համազգեստը մի ուսից ցած զցած, բարձրացրեց նիկելից ու լաքից փայլվող թևը, ու նրա հտակից, այն բոլոր վիրավորները, որ ոտքի վրա էին առանց կանանց օգնության, բացեցին իրենց պողպատյա, ստվարաթղթե, կաշվե ձեռքերն, ու արտոնագրերը զարկվեցին, ճոճացին, նվնվացին իրենց զսպանակներով և լծակներով:

Այնժամ բազմությունը կատաղի, բազմաձայն մի ունոց արձակեց ու հաշմանդամներին իրենց բազկաթոռներով, աթոռներով, պատգարակներով, ձեռքերի պրոթեզներով առավ ուսերին, շարժվեց Բիսմարկի ծառուղով, ապա անցավ առաջ՝ փողոցով, գերեզմանատան առջևով, և այնուհետև՝ ուստուշայի հրապարակը:

Իսկ ամբոխի առջևից, քամուց վեր խոյացող կրեպե բողով, ասես զրոշակ բռնած, քայլում էր երկաթե խաչի ասպետի այրին՝ թեյֆելսմյուլեցի Մարթա Բիրմանը:

Դա տարօրինակ օր էր:

«Բիշոֆսբերգի առավոտյան լրագիրը» անսպասելիորեն կորցրեց իրեն հատուկ պերճախոսությունն ու մեծ դժվարությամբ, ինչպես խիստ կակազող մարդը, մի բան մոթմոթաց կայսերական մայրաքաղաքում տեղի ունեցող հուզումների մասին: Խմբագիրը՝ Գաբ-տաբ սպացուցում էր փոստային տարիֆը բարձրացնելու անհրաժեշտությունը, և ֆելիետոնիստը նկար... գաղութային զորքերի կողմից Կամբոջի հերոսական պաշտպանությունը: Համարի մնացած ամբողջ մասը լցված էր աստվածային անհեթեթություններով:

Ֆրաու Ուրբախը առավոտյան բարերարությունից հոգնած (առավոտները նա սիրգարների փաթեթիկներ էր կապում հիվանդների և վիրավորների համար), նստեց հրապարակին

նայող պատուհանի առջև: Ժամը երկուսի մոտերըը ուստուշայի շուրջն սկսեցին մարդիկ հավաքվել, և փոքրիկ տղաները բարձրացան շենքերի ելուստների, լապտերների ու տրամվայի սյուների վրա: Ֆրաու Ուրբախը սպասուհուց հարցրեց, թե արդյոք ի՞նչ կարող էր նշանակել այսպիսի աշխուժությունը: Ու քանի որ սպասուհին ոչինչ չգիտեր, նա վհոցեց.

— Հավանաբար որևէ նոր հաղթանակ է:

Ապա նշեց դժգոհությամբ.

— Սովորական բան է. իրադարձությունների մասին իշխանությունը միշտ բոլորից ուշ է իմանում: Ամբողջ պատերազմի ընթացքում ուստուշան երբեք ժամանակին զրոշները չկախեց...

Հրապարակը համաշափորեն լցվում էր մարդկանցով, որոնք թափվում էին բոլոր փողոցներից, դռներից, դարբասներից: Բազմությունը գնալով ստվարանում էր, ու մարդիկ դեմքները դարձնում էին դեպի այն փողոցը, որը Ֆրաու Ուրբախին տեսանելի չէր:

Այն ամենը, ինչ հետո տեղի ունեցավ, կատարվեց զարմաճալի, գրեթե աներևակայելի արագությամբ:

Ինչ-որ տեղից թռավ հասավ լրագրավաճառների երամը, ցրվեց հրապարակով մեկ, և ժրաջան, զրնգուն ձայնով վաճառողները վաղվեցին ամբոխի մեջ: Ժողովուրդը ալիք տրվեց: Փոքրիկ, սպիտակ թերթիկներ ծփացին մարդկանց գլխավերևներում ու արագ ձեռքից ձեռք անցան: Խուլ զվվոցի որոտմունքը զլորվեց հրապարակի մի ծայրից մյուսը:

Ֆրաու Ուրբախը կանչեց սպասուհուն.

— Շուտով վաղեցեք ցած ու հեռագիր գնեցեք: Մի բացառիկ բան է տեղի ունեցել:

Ու երբ դուռը փակվեց, նա ասաց ինքն իրեն, մի բան, որ նրա հետ շատ հազվադեպ էր լինում.

— Գուցե խաղաղություն է:

Այդ ժամանակ ամբոխը շարժվեց դեպի փողոցը, որ տեսանելի չէր Ֆրաու Ուրբախին, և այնտեղ կուտակվելով, ետ նետվեց մարդկային մարմիններից հլուսված հոծ պատի ճնշման տակ: Այդ պատի վերևը երերում էին բազկաթոռներ, որոնց վրա գունդ ու կծիկ անհասկանալի բաներ էին, և այդ անհասկանալի բաները շարժում էին զլուխների, ձեռքերի,

նման ինչ-որ մասեր: Հանկարծ այդ ամենը խճճվեց թղթե թերթիկների, գլխարկների, փայտերի, հովանոցների հողմապտույտի մեջ:

Մենյակ ներս ընկավ սպասուհին և վախեցած Ֆրաու Ուրբախին մեկնեց ճմրթված մի թերթիկ:

Սպիտակի վրա սևով, նույնիսկ ոչ թե հասարակ սևով, այլ կապտավուն-սևով, գրված էր.

Ռեզյումե:

Ու ոչ թե որևէ տեղ Ռուսաստանում կամ Չինաստանում, որը ոչ մի արտակարգ բան չէր լինի, այլ՝

Գերմանիայում,

որն արդեն ոչ միայն արտակարգ էր, այլ նույնիսկ

գերբնական:

Թերթիկը արտակարգ կերպով բաց էր թողել սոցիալ դեմոկրատական լրագիրը:

Այ կողմի սյունակում հաղորդվում էր կայսեր հրաժարականի և փախուստի մասին: Ներքևում, երկու սյունակի երկայնությամբ ձգվում էր մի մակագրություն, որի իմաստը դատարկ բան էր կայսեր փախուստի և հանրապետության հռչակման համեմատ:

Սակայն բառերը թռչկոտում էին Ֆրաու Ուրբախի աչքերի առջև, ու դրանց իմաստը խճողվում էր: Նա մի հաղորդագրության պատճենները միացնում էր մյուսի կտորների և երրորդի բացականչությունների հետ: Ստացվում էր հենց այն խառնաշփոթը, որը պետք է բացատրեր տեղի ունեցողը, սակայն չէր բացատրում. հրաժարում... ընտրություններ... հանրապետություն... ժողով... վերջ... հաստատություն... փախուստ... խաղաղություն...

Նրա աչքերը պատահամբ կանգ առան լանդտագի կամ որևէ նոր ռախտատագի, կամ էլ սահմանադրային ժողովի, — միևնույն չէ՞, արդյոք, մի՞թե դա կարևոր է, — ընտրության կարգը նկարագրող տողերի վրա: Բառերի այդ ցրիվ շարվածքի, այդ դատարկաբանության մեջ նա կարդաց՝ Ուրբախ: Եվ քանի որ այդ ամբողջ ժամանակ, մինչ թերթիկը ղողում էր

ձեռքերում, նա մտածում էր միայն իր, իր անվան, իր ապագայի մասին, հանկարծ սկսեց ոչ միայն տեսնել, այլև հասկանալ: Նա արդեն իմաստավորված կերպով սկսեց կարդալ:

...Մեր կոմիտեն, ի թիվս մյուսների կառաչարի կուսակցության անդամ Ուրբախի (Լաուշից) թեկնածությունը, որը բան տարի շարունակ օգնել է սոցիալ-դեմոկրատական շարժմանը ոչ թե խոսքով, այլ գործով: Մենք չպետք է մոռանանք, որ կուսակցության անդամ Ուրբախը, որը երբեք հրապարակայնորեն իրեն չի պրտերել, արել է...

Ֆրաու Ուրբախը ետ ընկավ բաղկաթոռի թիկնակին և աչքերը ձեռքերով փակեց: Ծմրթված թերթիկը սահեց ընկավ հատակին:

Ահա, հատուցումը... Այն չի կարելի կանխել, նրանից չի կարելի խուսափել, հատուցումն իր ժամը գիտե:

Հիմա, հիմա միայն, իր կյանքի վերջին հասկանալի է դառնում այդ մարդը, պահարաններում թաքցրած նրա նախագծերը, նրա փակ գրադարանը, տնից նրա անհասկանալի բացակայությունները: Այդ ամենն շարվում էր Ֆրաու Ուրբախից թաքուն, նրա տանը, նրա փողերով:

Հիմա, հիմա միայն հասկանալի է դառնում և իր դուստրը, նրա դուստրը, Ուրբախի դուստրը՝ Մարին, Մարիի գոհհիկ արարքները, համառությունն ու սլեքեյի ինքնակամությունները: Հիմա արդեն կարելի է հավատալ և Մարիի շուրջը տարածված վատ լուրերին: Այդ աղջկանից ամեն ինչ կարելի է սպասել: Չէ՞ որ նա Ուրբախի դուստրն է: Նրա մեջ ֆոն Ֆրեյլեբենի մի կաթիլ արյուն էլ չկա:

Հիմա ամեն ինչ հասկանալի է: Հատուցում...

Օ՛, այս անարգված անունը՝ ֆոն Ֆրեյլեբեն: Ինչպես կարող էր ինքը իր առաջնեկի, իր միակի, իր արյան վերջին ժառանգորդի, իր հայրատության՝ Հայնրիխ-Ադոլֆի պատիվն ու արժանապատվությունը կեղտոտել Ուրբախ անվամբ:

Փախել, փախել, ինչպես կայսրը... հրաժարվել տնից՝ Ուրբախից: Վերջ... հատուցումն է...

Ֆրաու Ուրբախը տեղից վեր կացավ, որպեսզի հրամայի իրերը զստավորել, որպեսզի պատրաստվի մեկնելու: Պետք էր շտապել: Նա շտկվեց, ուղղվեց պողպատյա ձողի նման,

հազուստը կարգի բերեց, ձեռքն առավ ուստինն ժայռապանա-
կով ձեռնափայտը:

Այդ պահին ներս մտավ սպասուհին, Ֆրաու Ուրբախին մի
հեռադիր մեկնեց և շրջվեց, որպեսզի դուրս գա:

— Սպասեցեք, դուք հիմա ինձ պետք կլինեք, — ասաց
Ֆրաու Ուրբախը, և գործնական մարդու նման սովոր շարժու-
մով բացեց հեռագիրը: Տեքստը կարճ էր:

Օբեր-լեյտենանտ Հայնրիխ-Ադոլֆ Ուրբախը նոյեմբերի 1-ին զոհվեց
հերոսի մահով Անկոշի մոտ տեղի ունեցած ճակատամարտում:

Գնդի շտաբի համնարգ:

Ֆրաու Ուրբախը հեռագիրը եղունգներով պատռեց, դան-
դաղ կծկվեց ու նստեց՝ բազկաթոռին: Հետո ամբողջ մարմնով
ցնցվեց, ասես մի բան տակից հարվածեց նրան, և նա առաջ
նետեց շաղրենի կաշվի կոշիկի մեջ ամփոփված հիվանդ
ոտքը:

Նրա աչքերի մեջ, որ ուղղված էին դեպի պատուհանը, մի
պահ արտացոլվեց հրապարակի իրարանցումը, ու նա անշար-
ժացավ:

Դա ամբոխ էր:

Ցույցերը, որ սարքում էին Բիշոֆսբերգի միությունները,
լապտերիկներով ու նվազախմբերով այդ ցույցերը հավասար-
վում դառնում էին շարքեր, վաշտեր, գումարտականեր, և երե-
խաները քայլում էին խազալիքային գնդերով, կանայք՝ հոծ
շարքերով, ինչպես տուրնդալում: Սակայն դա ամբոխ էր:

Երեխաներն ու կանայք, զինվորներն ու բյուրգերները,
հաշմանդամները, աղքատները, աղքատավաճիկները, բանվոր-
ները, դերձակուհիները, որ դուրս էին վազել արհեստանոց-
ներից, և ֆերմաներից եկած բատրակները, բոլորը վազվզում
էին տների միջև, ինչպես բամուց ցաք ու ցրիվ եղած խազա-
թղթերի կապերը:

Դրանց գլխավերևը ոչ մի դրոշ չէր ծածանվում, ոչ մի փող
նրանց չէր կոշում երթի, սակայն մի անտեսանելի, խնդալից
ու սարսափելի դրոշ ձգում, տանում էր նրանց հրապարակնե-
րով, պրոմենադներով, փողոցներով:

Նազաղարարո մարդիկ, որոնցից հազարավորները ճանա-
չում էին միմյանց դեմքով և որոնցից հարյուրավորները միև-

նույն սեղանի շուրջ խմում էին իրենց առավոտյան մի գա-
վաթ գարեջուրը, հանկարծ դարձան պարիսպներ, ու նրանց
առջև շիկացնում էին դոները, փակում էին խանութները,
թաքցնում շուկայի վաճառարկղերը, զամբյուղներն ու սայ-
լակները:

Մի բյուրգեր, դեռևս հավատարիվ սահմանված իրակարգի
ուժին, ինչպես հայրն է դեռ հավատում սեփական իշխանու-
թյանը, մինչ որդին առաջին անգամ առանց վախենալու ցույց
կտա իր անհնազանդութունը. այդ բյուրգերը իր ծխախոտի
կրպակը փակել ու դռանը մի ստվարաթղթի կտոր էր կպցրել՝
հետևյալ հայտարարությամբ.

ԱՅՍՏԵՂ ԱՐԳԵԼՎՈՒՄ Է ՀԵՂԱՓՈՆՈՒԹՅՈՒՆ ԱՆԵԼ:

Եվ իրավ, հո չէի՞ն կարող մարդիկ հանկարծ նոյեմբերի
10-ին արթնանալով խելագարվել: Ու եթե նրանք վազվզում
էին ճանապարհներին, մայթերին, առանց ակնհայտ մի իմաս-
տի, ապա, իհարկե, միայն այն պատճառով, որ ոչ ճանա-
պարհին, ոչ էլ մայթերին չէր գրված:

ԱՐԳԵԼՎՈՒՄ Է ԽԱՆՏԵԼ ԿՅԱՆՔԻ ՆՈՐՄԱԼ ԸՆԹԱՅՔԸ:

Մունիցիպալիտետի այդ անշրջահայացության պատճա-
ռով քաղաքային շարժումն այնքան խախտվեց, որ ոտքով
քայլող բոլոր մարդիկ, ուր էլ գնալու լինեին, շրջվում էին մի
կողմ և, թափված տերևների նման, ասես բամուց, քշվում
դեպի միջնաբերդը:

Եվ ահա ծեր գններալի նման մոայլ, լիկած միջնաբերդը
բացվեց ամբոխի աչքին: Նրա ճերմակած տանիքը խոժոռված
էր, իսկ դարբասը կողպված բոլոր փականքներով:

Ամբոխը վազքը դանդաղեցրեց, ամբոխը գրեթե կանգ
ուռավ:

Սակայն բազմությունը հավաքել էին կանայք, և նրանց
ձայնը ազդանշանային եղջերաշեփորից էլ սուր էին:

— Կանա՛յք: Այստեղ թաքցնում են գերմանական զին-
վորներին, որոնք չեն ուզում մտադարձի մեջ մտնել:
Ազդանշանը դիպավ միջնաբերդի տանիքին և, ետ թռչելով,
ընկավ ամբոխի մեջ:

Այն կուլ տվեց զղրդաձայն մի բաս.

— Զինվորներ: Այստեղ ձեր բարեկամներն են նստած: Պատու Գննիչը, գլուխներից վեր բարձրացնելով հովանոցը, նրանով զայրացած ցույց տվեց վանդակապատ պատուհանները, դուրս պրծավ ամբոխից և, առանց հովանոցն իջեցնելու, վազելով կտրեց հրապարակը: Այն ժամանակ մի երիտասարդ զինվորիկ, դառնալով դեպի ամբոխը, ուրախ հրամայեց.

— Վա՛շտ: Առա՛ջ կապիտանի ետևից: Հովանոցներով առնենք միջնաբերդը:

Այդ հրամանով բազմութունից դուրս վազեցին զինվորները, դեռևս ուսուցում չանցած զորահավաքի խակ երիտասարդները, ծիծաղից ճապաղված դեմքերով: Նրանք դժժացող երամով շրջապատեցին հրամանատարին ու նետվեցին դեպի միջնաբերդի դարբասը՝ վսեմ, հանդիսավոր Պատու Գննիչի ետևից:

Վազելը նրանց ուրախություն էր պատճառում, ինչպես ոչ հեռավոր մանկության օրերին, երբ միջնաբերդում կեր էր կշռաբաժանվում, և այն բարեհայաց նայում էր իր պատերի շուրջ կատարվող մանկական շարություններին:

Մուտքին մոտ վազելով, զինվորներն սկսեցին դարբասը բռունցքներով ծեծել, բղավել, սուլել, ծաղրել: Պատու Գննիչի աչքերը կայծեր էին արձակում, կուրծքը հաճախ ու բարձր վեր էր ելնում. զինվորներից մի գլուխ բարձր, նա նայում էր նրանց գրեթե ոգեշնչված և հովանոցով համաչափ խփում դարբասին: Նա նման էր շարաճճի դպրոցականներով շրջապատված ուսուցչի՝ սև հագուստով, փրշոտ ու զայրալից, այդ անբեղ-անմորուք, ուրախ զինվորների գորշ բաճկոնակների մեջ:

Թերևս միջնաբերդի առջև տեղի ունեցող իրադարձությունները հենց այդ դպրոցական խելահեղություններով էլ ավարտվեին, եթե մի բուսի անց դարբասի դռնակը շրջվեր:

Գա այնքան անսպասելի էր, որ զինվորները, ասես պայթյունից ետ ցատկեցին:

Դռնակը ծածկեց մի հսկայամարմին սպայական մոռու-մենտ:

Նա ասես ոտքով խրվել էր հողի մեջ, ասես վերևից ինչ-որ բան սեղմում էր նրա ուսերը, ու նա պարզ հայացքը սևե-

ռել էր տարածության մեջ, զինվորների անհովար գլխարկնե-րից վեր: Հանկարծ այդ մոռումենտի ստորին քառակուսի ծնո-տը ցած ընկավ, պրկված փորը ցնցվեց, շլականման մի ոռ-նոց կախվեց հրապարակի վրա.

— Ըզ-գա՛ստ:

Սակայն այդ պահին դեպի միջնաբերդը վազող բազմու-թյան առջևի ալիքը սեղմեց զինվորներին, նրանց գետնից կտրեց ու նետեց սպայի վրա: Պարզվեց, որ մոռումենտը բնավ այդպես պինդ խրված չէր հողի մեջ. մարդկանց ճնշման տակ նա անճոռնի կերպով շրջվեց իր առանցքի շուրջ ու մի կողմ նա անճոռնի կերպով շրջվեց նա փորձեց ատրճանակի պատյա-րնկավ: Այդ հրմշտոցի մեջ նա փորձեց ատրճանակի պատյա-նը բացել, սակայն մի սուր բանով հարվածեցին ձեռքին, մո-ռումենտը ծանրացավ, թուլացավ, ու ամբոխը նրան պարկի նման իր ոտքերի տակ առավ:

Պատու Գննիչն իջեցրեց, որպեսզի դռնակից ներս մտնի, երբ նրա կողքից մի ճարպիկ աղջիկ ներս սողաց: Զին-վորների ճնշման տակ Գննիչն էլ աղջկա ետևից ներս ընկավ դռնակից և իսկույն դգաց, ինչպես բարալիկ մի թև գրկեց իր պարանոցն ու ցած քաշեց: Գարբասի ետևում ամբոխի բարձ-րացրած աղմուկի մեջ նա լսեց ընդհանուր մի ձայն.

— Լսեցեք, Գննիչ: Մենք պետք է ազատենք monsieur Պերսիին:

Աղոտ լույսով, որ մարդիկ մեկ ծածկում էին իրենցով, մեկ բաց թողնում դռնակից, նա նկատեց ծանոթ դիմագծերը:

— Ֆրոյլայն Մարի: Դուք այստե՞ղ եք:

— Հարկավոր է դարբասը բացել,— բղավեց Մարին:

Մեկը շիկչիկացրեց փականքը, մի ուրիշը բղավեց. «Եցիկ-ների բանալիները: Ուր են խցիկների բանալիները»: Մեկը հեռվում դուրսից քարե սալիկներով, փախչելով դեպի մթությունը, իսկ դռնակից անընդհատ մարդիկ էին ներս լց-վում, ինչպես նավաստիները նավակ են լցվում հրացանա-ձգության տակ՝ արագ, միանման:

Եվ ահա դարբասը ծանրորեն բացեց իր փեղկերը, ու լույսի հետ միատեղ միջնաբերդ ներխուժեց, թնդաձայն, խիտ մարդկային հոսանքը:

Զինվորները, որ առաջինն էին միջնաբերդ ներխուժել, կա-մա թե ակամա առաջ էին շարժվում քարե կաթսայի խճճված

մութ անցումներով: Այդ կաթսայի խորքում, ինչ-որ տեղ, որ փոխորկվում էր խուլ ձայներից, մերթ վեր էր նետվում, մերթ ցած ընկնում երկաթե մի զնգոց, ասես կտոր-կտոր էին ա- նում բանալիների հսկայական մի կապուկ: Հետո բացված դռնից պայծառ լույս ընկավ մարդկանց վրա, և անմիջապես մեկը մյուսի ետևից փականքները զնգզնգացին: Խցիկները փորձված ձեռք էր բացում:

Նրբ առաջին բացված խցիկից անհաստատ քայլերով դուրս եկավ մի մարդ, երիտասարդ, կերկերուն մի ձայն բղավեց.

— Ու-ոա՛:

Ամբոխն անմիջապես միացավ այդ ճիշին: Եվ այդ պա- հից, մինչ բացվում էին խցիկները, ամբողջի միջանցքներով անընդմեջ գլորվում էր բազմաձայն մի աղմուկ.

— Ուու-ոա՛:

Բազմությունն ավելի ու ավելի էր բարձրանում, նրան ավե- լի խորքն էին տանում միջնաբերդի խճճված անցումները, սակայն մարդկանց առջևից զնացող խումբը, որ դռներն էր բացում, միջանցքի յուրաքանչյուր ոլորանից հետո նոսրա- նում էր. ազատված գերիների հետ մարդիկ շտապում էին դե- պի հրապարակ:

Մարին, Պաուլ Գեննիզը ու երեք-չորս զինվոր հասել էին մինչև շենքի տանիքի տակի նեղ փակուղին:

Բանտապանը սովոր ճարպիկ շարժումով բացեց դուռը. փականքներն ամեն տեղ միևնույն տեսակի էին, նոր, ինչպես և ամեն ինչ միջնաբերդում, պատերի և հատակի քարերից բացի:

— Վերջինն է,— արտասանեց բանտապանը:

— Հիմա դուք կարող եք պետական թռչակ խնդրել,— ասաց Պաուլ Գեննիզը:

— Գուցե դուք կմիջնորդեք ինձ համար,— արձագանքեց բանտապանը:

Մարին ուշադիր նայեց խցիկի մեջտեղում կանգնած մար- դուն:

— Դուրս եկեք, դուք ազատ եք,— բղավեց զինվորներից մեկը:

— Ուո-ոա՛,— միացավ նրան մյուսը:

Փակուղու կիսախավարը ինչպես դանակով կտրեց այդ բա- ցականչությունը: Այստեղ խաղաղ էր, ու թվում էր, թե առաս- տաղը դանդաղ իջնում է զլիսներին: Ամեն ինչ լռեց:

— Սա նա չէ,— ասաց Մարին:

— Ասում եմ ձեզ,— ասաց բանտապանը,— որ Պերսի ա- նունով բանտարկյալ մեզ մոտ չի եղել:

Զինվորները թեև անցուկ դուրս բերին խցիկից այն մարդուն:

— Պերսի՞,— հանկարծ կամացուկ հարցրեց նա:

— Այո, մենք փնտրում ենք բելգիացի Պերսիին, որին այստեղ բանտարկեցին նախանցյալ տարի,— ասաց Պաուլ Գեննիզը:

— Իսկ ես ձեզ ասում եմ, որ մեզ մոտ այդպիսին չի եղել: Էլ ո՞վ կարող է այստեղ այդ բանն իմանալ,— վիրավորվեց բանտապանը:

— Դա այնքան էլ ստույգ չէ,— նույնքան կամացուկ ասաց խցիկի մարդը:— Monsieur Պերսին բելգիական քաղաքացի էր, ես նրան ճանաչում էի: Նրան մի երկու շաբաթ պահեցին այստեղ, հետո անհետացավ: Նա դեմ էր պատերազմին:

— Նրան ւուրանի են, Գեննիզ,— բացականչեց Մարին:

— Շատ հավանական է,— ասաց խցիկի մարդը:— Նա դեմ էր պատերազմին և, բացի այդ էլ, օտարերկրացի էր:

— Ա՛խ, գրողը տանի,— մոռնաց Պաուլ Գեննիզը:

— Որևէ բա՞ն է պատահել, թե պատերա՞զմն է վերջացել: Մարին նետվեց դեպի խցիկից դուրս բերված մարդը.

— Դուք նյուրնբերգցի վարպետ Մայե՞րն եք:

Քիչ հապաղելով, խցիկի մարդը մի կողմ քաշվեց: Բարձր, փոքրիկ պատուհանից թափանցող լույսը, որ տողվել էր վան- դակապատից, ընկավ Մարիի դեմքին, և մարդը խեթ-խեթ նա- յեց աղջկան:

— Միանգամայն ճիշտ է: Ես նյուրնբերգցի վարպետ Մա- յերն եմ, ժողովրդի թշնամին: Ես դեմ եմ պատերազմին:

— Վարպետ Մայե՛ր...

Մարիի ձայնը խզվեց, նա ավարտեց հաղիվ լսելի.

— Գնանք,— ու մեղմորեն թեև անցուկ արեց Մայերին: Մթության մեջ, սսկված քարե լաբիրինթոսներում, Մայե- րը հարցրեց.

— Սա ի՞նչ կնշանակի: Ես ձեզ չեմ ճանաչում, ֆրոյլայն:

— Ձեր մասին ինձ պատմել է Անդրեյ Ստարցովը:

— Ի՞նչ է, շատ լավ տղա,— թնդաց Մայերի ծոծրակին Պաուլ Գեննիզը:

Փողոցի լույսը կուրացրեց վարպետ Մայերին, ու թերև լույսից կամ գուցե մարդկանց խայտաճամուկ իրարանցումից, նա գլուխը բռնեց, աչքերը փակեց ու կանգ առավ:

Պաուլ Գեննիզը զգուշությամբ բացեց Մայերի թևերը:

Այն ժամանակ նա պատասխանեց.

— Անդրեյ Ստարցով, հիշում եմ: Նա՞ էլ էր պատերազմին դեմ:

— Այն նա, նա... այնպիսին էր... նա այնպիսին... — սկսեց Մարին, շնչառապա լինելով ու Մայերի արմունկը սեղմելով,— նա այնպես էր ձեզ սիրում, վարպետ Մայեր:

Պաուլ Գեննիզի աչքերը լցվեցին: Նա հազաց, խլացնելով ինչ-որ երգիչների, որոնք անծանոթ մի երգ էին սկսում:

— Անդրեյ Ստարցով լավ տղա էր, խելոք, ես նրան միշտ էլ հասկանում էի,— հուզված ասաց նա:

Մարին դավադիրի նման ժպտաց նրան.

— Անդրեյը հիմա մեզ հետ կլինե՞ր, Գեննիզ:

Այս ու այն կողմ վազվզող, անդադրում մարդկանց միջև նա կանգնել էր պայծառ, երջանիկ և մատղաշ ծառի նման թևի:

Պաուլ Գեննիզը նայեց նրան հպարտ, քաջալերող հայացքով, քիթը մաքրեց ու ավելի պինդ հազաց:

— Դուք ո՞ւր կուղե՞իք զնալ, վարպետ Մայեր,— հարցրեց Մարին:

Վարպետ Մայերը ուշադիր նայեց հրապարակը: Երերացող զուլանների լճի վրա նա իր ծեր աչքերով տեսավ մաշված տաներով ցուցանակը.

Bauernschenke¹

Նա շրթունքները կրծոտեց, ասես ավելի հարմար ծամելով շիրուխը, մորուքի ճերմակավուն ստեղծերը շարժվեցին, վեր սողացին այտերով, նա ջերմ ժպիտով նայեց Մարին, Պաուլ Գեննիզին, և նրա խոսքերը նույնքան ջերմ էին ու մեղմ.

¹ Գեղջիկական գարեջրատուն (զիւմ.):

— Եթե իմ ցանկութունն էք հարցնում, ապա ես կիմեի մի-գավաթ մուգ... Հիմա, կարծում եմ, շատ տեղին կլինի: Եվ նա շոշափեց իր գործած բաճկոնակի գրպանը, որտեղից առաջ փորի վրայով շղթայիկ էր ձգվում:

Ժամանակն է Բիշոֆսբերգ քաղաքին վերջին հրածեղար տալու: Այն դեռ շատ անգամ կհիշատակվի, սակայն մենք այլևս հոգնած ոտքերով չենք դիպչի նրա լվացած սալարկնե-րին, չենք տեսնի նրա նեղ, սակավամարդ փողոցները, չենք լսի ուսուցչայի ժամացույցի քնատ զողանջը.

Son-ne,

Son-ne,

Son-ne!..

Մենք խոր թախիծով կրածանվենք նրանից՝ վաղ առավոտ դետակի մեջ ցողված վարդագույն աղջկա այդ միակ տեսիլ-քից:

Մենք հիշում ենք փողոցային լապտերների շուրջ գազի լույսի տարածած սփռոցիկները, և Յոթ լճակների պուրակի գարնանային շրշունները, և՛ ձյունածածկ, սառած խեժի բուրմունքով պարուրված կաուշի գագաթը: Մենք հիշում ենք նույնիսկ անշար մորաքույր Մայերին, որ հսկում էր ոստիկանատան մոտի հասարակական զուգարանը: Արդյոք դեռ երկա՞ր պետք է հյուսի նա իր մշտական գուլպան:

Բիշոֆսբերգում մենք սիրով թողնում ենք վարպետ Մայերին, որը դեմ էր պատերազմին: Նա վերջին մարդն էր, որին իր կարճ ողջունն էր հղել monsieur Պերսին՝ bonjour, bonjour, bonjour! Բիշոֆսբերգում, իհարկե, շարունակում է թնդալ ու զգրդալ հմբակային երգեցողության բարեկամների միութան գանձապետ Պաուլ Գեննիզի բասը: Մենք չգիտենք, արդյոք նա դո՞ւրս է եկել սոցիալ-դեմոկրատական կոստի-զությունից, ուստի նրա մասին շատ զուսպ ենք խոսում, թեև համակրում ենք նրան վեպի հերոսների նկատմամբ ունեցած ուշադրության համար:

Սակայն ազնիվ լինենք:

Մեզ բնավ չի հետաքրքրում ոստիկանության քարտուղարի ճակատագիրը, նույնիսկ ոստիկանատան շենքի վիճակը, մենք

միանդամայն անտարբեր ենք «Բիշոֆսբերգի առավոտյան լրագրի» խմբագրի, վարսավրի ենթավարպետ էրիխի, ավագ բույր Նայմանի կամ մայր Բիդաուի, կամ նույնիսկ նորին մեծութուն Սաքսոնիայի թագավորի նկատմամբ: Սրանք բոլորը մանրուքներ են, որ լցվում են ամեն մի վեպի մեջ, ինչպես ճանճերը՝ քաղցր թիչի:

Մենք թեթևություն ենք զգում այն մտքից, որ գաղտնի սոցիալիստ Ուրբախի մասին միայն մեկ անգամ պետք է խոսենք: Մենք նրան չենք կարեկցում, որովհետև ամուսնացել է ապօրինի որդի ծնած կաղ արիստոկրատուհու հետ, որպեսզի օգնի անպետք քաղաքական կուսակցությանը:

Վերջապես, սոսկ եսասիրական նկատառումներից, որ վնասաբերում է վեպի կառուցվածքին, մենք դառնում ենք Ֆրաու Ուրխաբին՝ ծնյալ ֆոն Ֆրեյլբերն: Նա չէր մահացել, նրան կաթված էր խփել, և նա պառկել էր ննջարանում, երբ Ուրբախի տանը տեղի ունեցավ այն դեպքը, որ պահված է սույն գլխի վերջաբանի համար:

Անցնենք այս մարդկանց կողքով, առաջ, առաջ:

Սակայն քաղաքը:

Ներիր, եթե տհաճ մի խոսք տառապանք է պատճառել քո ինքնասիրությանը: Ներիր:

Դու արժանի ես դովերգի, ինչպես մարդու ձեռքով կառուցված և մարդկային սրտով սիրված ամեն մի քաղաք:

Դու հաստատուն ես:

Քո մեջ մարդիկ են ապրում: Դու նրանց հավատարիմ ես:

Դու նրանց հետ նետվեցիր նոր ուղիներ որոնելու:

Եվ դու ավելի սխալներ չես արել, քան արել են Ղոմը, Աթենքը կամ Փարիզը:

Դու՛ համեստ, անհայտ Բիշոֆսբերգ: Ներիր...

Նոյեմբերի տասի երեկոյան պանդոկապանը, որ հաջողացրել էր ամբողջ օրն առանց ընդմիջման առևտուր անել, հանգիստ շոյում էր իր փայլուն, տափակ գանգի վրայի տասնչորս մազը: Այն ծխախոտավաճառի նման, որն արգելել էր իր խանութի առջև հեղափոխություն անել, նա հավատում էր պոլություն ունեցող իրակարգի հաստատունությունը: Նրա ճաշարանում առաջվա պես կախված էր իշխան Օտտո ֆոն Բիսմարկի ինքնագիրը, որով երկաթյա կանցլերը շնորհակալու-

թյուն էր հայտնում Münchnerbräuerei՝ իրեն ուղարկված մի տակառ մուգ գարեջրի համար: Նրա ճաշարանում առաջվա պես փշացնում էին գարեջրի ծորակները և անդադար աղմուկ էր: Նա քիչ էր ականջ դնում այդ աղմուկին, դա սովորական բան էր նրա համար, և զրուցում էր պանդոկի մշտական այցելուի հետ:

— Ես նրան ասացի. ի՞նչ է փոխվել, աղավնյակս: Ահա դուրս եկար մի ոտքովդ հոսպիտալից, ձեռնափայտոց թափահարեցիր ռատուշայի դեմ, խայտառակություն սարքեցիր միջնաբերդում: Իսկ վերջիվերջո վերադարձար հոսպիտալ գիշերելու: Նա իրենն է ոռնում. սպասեցեք, կփոխվի: Ասում եմ, այդ ի՞նչը պիտի փոխվի: Ըն ոտքդ չի՞ բուսնելու...

Պանդոկի մեջտեղում դրված կլոր սեղանի շուրջ խցկված նստած էին զինվորները: Քրտնած, կարմրատակած, նրանք արձակել էին օձիքներն ու բաճկոնները: Չայները խոպոտ էին, սակայն զինվորները չէին դադարում վիճելուց:

— Ինչպե՞ս, — սպառնալից բղավում էր պեպենոտ նորակոչիկը. — Ձինվորներն այդպես միանգամից գործ չունեն՞ն: Կուսակցությունն ամբողջը իր ձե՛ռքն է առել:

— Ո՞մանք հրամանի են սպասում նստավայրից...

— Նստավայր այլևս չկա:

— Ուտ-ո՞ւտ:

— ... հրամանի, մայրաքաղաքից, մյուսներն ամբողջ օրը խորհրդակցում են, ուրիշներն էլ...

— Գրողի ծոցը կուսակցությունները:

— Սպասեցեք, սպասեցե՛ք, — թիկացնում էր սեղանին ակնոցավոր լանդշուուրմիստը:

— Զարկավոր է հասկանալ հեղաշրջման բնույթը: Սա ի՞նչ է: Ժողովրդական ապստամբություն: Դասային հեղափոխություն: Դասակարգային պայքա՞ր:

— Արբահամ ծնավ վրասահակ, Իսահակ ծնավ զՅակովբ...

— Ձինվորների խռովություն:

— Ձինվորները խաղաղություն են ուզում:

Մեկը մեջ ընկավ անկյունից.

Մյունխենի գարեջրի գործարանին (գերմ.):

— Հենց որ զինվորը խաղաղություն ուզեց, նա այլևս զինվոր չէ: Զինվորը պետք է պատերազմ ուզի:

— Կոր-չի՞ պատերազմը:

— Կո-որ-չի՞:

— Գործի կեսն արված է: Ռատուշան մեր ձեռքին է, միջնաբերդը՝ նույնպես, ամենուրեք մեր պահակակետերն են դրված: Ուրեմն էլ ի՞նչ է մնում:

Պանդոկը հանկարծ սակվեց:

Եվ այդ վայրկենական լռության մեջ լավեց անսպասելիորեն բարձր մի ձայն.

— Մնում է իշխանութունը, որ պետք է կառավարի ձեր պահակակետերը, ռատուշան, քաղաքը: Մնում է զինվորների իշխանութուն ունենալ:

Գլուխները ձգվեցին դեպի ելքի դուռը, որտեղից լսվում էր այդ ձայնը:

— Ես կարծեմ ճանաչում եմ այդ աղջնակին, — ճաղատեց ջոյելով ասաց «Bauernschenke»-ի տերը:

Մարին կանգնել էր աթոռին՝ նրբիրան, աղեղալարի պես ձգված: Նրա դեմքը վեր էր տնկված, մազերը թափթփվել էին, քիչ բարձրացրած ձեռքը զոզում էր:

Անզլիական ամսագրում, որ արգելվում էր կարդալ միսս Ռոնիի պանսիոնում, մի ժամանակ զետեղվել էր Հայդ պարկում տեղի ունեցող միտինգում ճառ արտասանող սուֆրաժիստուհու լուսանկարը: Սուֆրաժիստուհու դեմքը վեր էր տնկված, մազերը թափթփվել էին, և նա ամբողջապես նուրբ էր ու ձգված աղեղալարի նման:

Սակայն, Մարի, Հայդ-պարկի այդ հռետորուհու քիչ բարձրացրած ձեռքը երևի չէր զոզում, և, Մարի, մի՞թե հիմա, այս պահին կարելի էր մտածել պատկերազարդ ամսագրերի մասին:

— Ճիշտ է, — դուրս թռավ պեպենոտ նորակոշիկի բերանից:

— Մենք հասկանում ենք, որ մնում է իշխանութունը... — սկսեց ակնոցավոր լանդշտուրմիստը, սակայն իսկույն էլ լռեց անզուսպ հառաչների տարափից.

— Զինվորների իշխանութուն:

— Զինվորների խորհուրդ:

— Խորհուրդ: Խորհուրդ:

Եվ այդ տարափի վերջում, հուսահատորեն դուրս մազբլեցելով աղմուկից, խոխոաց մեկի ձայնը.

— Բայց ինչպե՞ս, ինչպե՞ս, ինչպե՞ս:

Այն ժամանակ Մարին, ասես բռնելով շարունակ փախչող խոսքը, ձեռքը բարձրացրեց ուսի հավասարությամբ ուրզվեց.

— Ըն-կեր-ներ: Երրորդ անգամն է գալիս եմ այստեղ ու լսում, թե դուք ինչպես եք դոփում նույն տեղում: Ամեն բոպեն թանկ է: Պետք է պայմանավորվել: Ես առաջարկում եմ դրա համար գնալ ուրիշ շենք: Ով ուզում է իր ձեռքն առնել Բիշոֆսբերգի զինվորական խորհուրդ հիմնելու պատիվը, թող հետևի ինձ:

Նա գրեթե դուրս թռավ փողոց՝ կրծքերի, ուսերի և ձեռքերի ճնշումից: Եվ հառաչների նոր տարափի տակ, որից պատուհանը զղրդաց, լսեց միայն մի կրկներգ, վաղուց մոռացված, հուզիչ և անհոգ կրկներգը՝

— Է՛րս ինչ լավն են Սաքսոնիայի աղջկերքը:

Մի քանի զինվոր նրա հետ մինչև տուն հասան:

Նա զինվորներին առաջնորդեց ֆրաու Ուրբախի հյուրասենյակը, սենյակի մեջտեղը բաշեց լայն սեղանը, բերեց թուղթ, թանաք և գրիչներ: Հանեց պատին կախված կաղնեփայտե տախտակը՝ վրան փոռոցրված երկտող բանաստեղծությամբ.

Wir stehen in Ost und West
Wie Fels und Eiche fest.

Տախտակի ետևը գրեց՝ մի ուրրած թղթիկով, որը թաթախեց թանաքամանի մեջ.

Բիշոֆսբերգ քաղաքի
Զինվորների դեպուտատների
ճախնակաճ խորհուրդ:

Ապա իջավ ցած և տախտակը կախեց փողոցում, շքամուտքին:

Ու երբ սեղանի շուրջը տեղավորված հինգ զինվորը հաշվում էին, թե քանի դեպուտատ պետք է ուղարկեն Բիշոֆս-

բերդում բնակավորված ստորաբաժանումները, Մարին կանգ-
նել էր պատուհանի մոտ, հյուրասենյակի մի անկյունում ան-
ձայն, ինչպես սովեր:

Եվ ապա յուրաքանչյուր բուսն, որ այնուհետև մտնում էր
Քիշոֆսերբրգի նոր պատմության մեջ, ավելի ու ավելի հաս-
տատուն էր պարձնում զինվորների ձայները, բառերն՝ ավելի
հատու, դրանց իմաստն՝ ավելի պարզ:

Այդ ժամանակ դուռը դանդաղ բացվեց, և սև վերարկու
հագած, կիպ ոլորած հովանոցը ձեռքին՝ հյուրասենյակ մտավ
մի բյուրգեր: Նա հանեց կոտելուկը, կանգ առավ, ուշադիր
նայեց պատերին, քիվերին, պատուհաններին: Հետո, առանց
կռանալու, մոտեցավ սեղանին, սակայն կանգնեց ոչ թե կիպ
սեղանի մոտ, այլ մի քիչ հեռու, այնպիսի հեռավորության
վրա, որ չէր կարող նսեմացնել նրա ակնհայտ արժանապատ-
վությունը: Թե ո՞ր էր նայում, հնարավոր չէր հասկանալ:

— Դո՞ւք եք խորհուրդը, — արտասանեցին նրա փայտա-
ցած շուրթերը:

— Այո՞, — պատասխանեցին նրան:

— Ռատուռայի մոտ չգիտեմ ում կողմից զինվորական
պահակակետեր են դրված: Ներս: մտնել կամեցողներից նրանք
խորհրդի տված անցաթղթեր են պահանջում: Քաղաքում ոչ
ոք չգիտե, թե այդ խորհուրդը որտեղ է գտնվում: Ես մի ամ-
բողջ ժամ փնտրեցի: Այստեղից եղբակաջնում եմ, որ խոր-
հուրդը վարչական հմտություն չունի:

— Խորհուրդը հենց նոր է կազմակերպվել:

— Ուրեմն այն ժամանակ, երբ ուսուցչի մոտ խոր-
հրդի տված անցաթղթեր էին պահանջում, քաղաքում դեռևս
ոչ մի խորհուրդ գոյություն չունե՞ր:

— Զինվորները հեղափոխական նախաձեռնություն են
ցուցաբերում:

— Իսկ դուք՝ խորհուրդն եք:

— Այո՞:

— Ինձ ուսուցչա մտնելու անցաթուղթ տվեք:

Զինվորներն իրար նայեցին:

Բյուրգերն անշարժ էր, նրա աչքերը չգիտես ուր էին նա-
յում:

Այն ժամանակ պատուհանից, հյուրասենյակի անկյունից
պոկվեց անձայն ստվերը:

— Ես գիտեմ ու ով է, — ասաց Մարին: — Սա հերթ շտադ-
տրատն է: Ինձ թվում է, նրան կարելի է անցաթուղթ տալ,
եթե ասի, թե ինչ գործ ունի ուսուցչայում:

Փայտացած շուրթերն արտասանեցին.

— Մինչև սահմանադրության փոխվելը քաղաքում իշխա-
նությունը պահպանում է մունիցիպալիտետը: Եթե իշխանու-
թյունը ուժով խլել են, մունիցիպալիտետի պատասխանա-
տվության տակ, այնուամենայնիվ, մնում է քաղաքային
տնտեսությունը: Ես պետք է լինեմ ուսուցչայում. երեկոյան
ես նայում եմ տնտեսական բաժնի թղթերը:

— Ես կգրեմ, — ասաց զինվորներից մեկը:

Նա մի թերթիկ թուղթ պոկեց և մի քանի խոսք գրեց,
ամրացնելով դրանք հաստ ստորագրությանը: Անցաթուղթը
սեղանի վրա ձեռքից ձեռք անցավ, ծանրացավ ստորագրու-
թյուններով: Երբ դրվեց վերջին ստորագրությունը, ստորա-
գրողը հայտարարեց.

— Լավ կլինեք... որևէ կնիք դնել:

— Կնի՞ք, — բացականչեց Մարին ու դուրս վազեց հյուրա-
սենյակից:

Վերադառնալով, նա վերցրեց անցաթուղթը և ստորագրու-
թյուններից դեպի աջ ուժեղ թխկացրեց փայտե կնիքը: Ան-
ցաթղթի վրա դրոշմվեցին մանուշակագույն շորս բառ.

EX LIBRIS
MARIURBACH¹

Հերթ շտադրատը Մարիի ձեռքից ընդունեց անցաթուղթ
իր առանձնասենյակը մտնելու համար, առանց մեջքը կոաց-
նելու հասավ մինչև դուռը և կոտելուկը հագավ:

Մարին վազեց նրա ետևից, աղջնակի նման շուտ-շուտ
ուտքերը ծալելով: Նա ուզում էր տեսնել, թե շտադրատն ինչ-
պես է իջնելու սանդուղքից:

Սակայն միջանցքում, դռան ետևը տեսավ հորը: Մարին
կանգ առավ:

¹ Մարի Ուրբախի գրքերից (լատ.):

Հերր Ուրբախը նրան էր նայում, ասես շճանաչելով:

— Ի՞նչ է պատահել,— հարցրեց Մարին:

— Մարի, դու գիտե՞ս, թո՞ մայրը ծանր հիվանդացել է: Նրան կաթված է խփել:

Մարին լռում էր:

— Եվ եղբայրդ էլ սպանվել է, մարտի...

— Այո՛,— պատասխանեց Մարին,— սպասուհին ինձ ասել է այդ մասին:

Նա մի պահ անշարժ կանգնեց, հետո շրջվեց, մտավ հյուրասենյակ և դուռը ետևից ծածկեց:

Յ Ի Ա Ճ Ա Կ Ա Ա Գ Ե Ղ Ի Ժ Ո Ղ Ո Վ Ո Ր Դ

Ահա հատվածներ սաքսոնական բանակի օբեր-լեյտենանտ Ֆոն ցուր Մյուլեն-Շենաուի գրառումներից, որ նա կատարել է ռուսական գերության մեջ: Այս գրառումները պարունակող պոկոտոված տետրը գտնվել է Սեմիդոլում տեղի ունեցած դեպքերից շատ ժամանակ անց: Վատ, հավանաբար ինքնաշեն թանաքը ծծվելով տարածվել է, թուղթը թրջվել է: Պահպանված էջերը հաջողվել է վերականգնել և գրեթե ամբողջությամբ թարգմանել:

19 փետրվարի:

Արհեստական փոշոտումից ստացված թելախոտի սերմերը առաջին ծիլերը տվեցին: Ֆրանսիացիները է հպարտ ու երջանիկ:

27 փետրվարի:

Այսօր մի տարի է:

Այս ընթացքում ոչ մի նամակ հայրենիքից: Ես գրել եմ բոլորին, ում կարող էի հիշել:

Հիմա, երբ Մարին այգբան անհուսալիորեն հեռու է, նրա մասին մտածելիս խեղդվում եմ թախծից: Ռազմաճակատում այդպես չէր: Այնտեղ ամեն ինչ շատ պարզ էր թվում. պատերազմը վերջանում է, վերադառնում եմ Շենաու, ամուսնանում եմ:

Ես մտածում եմ տոհմիս, տոհմիս և իմ ճակատագրի մասին և Մարիի հետ ամուսնանալն ինձ համար պահանջ է դառ-

նում: Այդ զարմանալի էակն ինձ զգալ տվեց, որ իր մեջ է տոհմիս փրկությունը: Մենք հինգ ճյուղ ենք ունեցել, բոլորը տղամարդկային: Դրանցից շորսը վերացել են իմ օրոք, ես ինքս հիշում եմ: Ես՝ վերջինն եմ: Ամուսնությունը պետք է տեղի ունենա ինչ-որ առանձնահատուկ հիմունքներով, որպեսզի տոհմիս մեջ դարձյալ ապրելու ցանկություն արթնանա: Ես հիմա միայն կյանքս ապրելու-ավարտելու ցանկություն ունեմ: Չեմ տեսնում, թե ինչի համար պետք է ապրեմ: Նկարեն՞ք: Իսկ հետո՞: Ամենը իմ մեջ է, կյանքի այն մասնահատվածում, որ ինձ սահմանված է: Դրանով ամեն ինչ վերջանում է: Ես չեմ կրկնվում, չեմ ապրում, ես լրացնում եմ, չափում ինձ սահմանված ժամանակահատվածը: Ես պետք է ուզեի, որ ապագայում իմ առջև դարերը փովեին, ճիշտ այնպես, ինչպես նրանք ընկած են իմ ետևում, անցյալում: Ես պետք է ուզեի կրկնվել:

Ֆրանսիացի անդադար ֆիզիոլոգիայի մասին է խոսում: Ինձ համար տահա է մտածել Մարիի մասին, երբ գլխումդ այդպիսի տերմիններ են պտտվում: Իմ նախահայրերը սիրում էին նախ ամուսնական գիշերվա իրավունքով, հետո՝ փողով: Հազիվ թե նրանցից որևէ մեկը սիրեր իր կնոջը: Կանայք մի կողմ էին մնում, նրանց սլարտականությունն էր տոհմը շարունակել: Տոհմը ծագում էր նախահայրերի հիմնական կյանքից մեկուսացված: Եթե նրանք սիրեին տոհմի գծով, այն ամուր կլինե՞ր, ու ես հիմա մի հարյուր տարով առաջ կնայեի, և ոչ թե կմտածեի իմ ժամանակահատվածն ապրել, ավարտել:

Դրանում համոզված եմ:

Ֆրանսիացի մասին այսպիսի խոսքերով է խոսում. պետք է սիրել, ամուսնանալ, երեխաներ աշխարհ բերել, և այն ժամանակ ամեն ինչ ինքնին հասկանալի կլինի:

Մարին իր մեջ կրկնվելու, շարունակվելու կամք ունի: Ես փակում եմ աչքերս ու տեսնում նրան, ինչպիսին էր նա վերջին անգամ Շենաուում: Ես պատրաստ եմ բղավել, այնքան այդ ինձ զայրացնում է:

Ճամբարում հայտարարվել է, որ մենք կարող ենք անարգել տեղավորվել գյուղերում և ըստ համաձայնության վարձվել գյուղացիներին:

... քաղաքից մի գինվոր էր եկել, ժողով կազմակերպեցին: Զինվորը խոսում էր խաղաղության մասին և այն մասին, որ իբր Ռուսաստանը...

16 հունիսի:

Մեզ այստեղ պահում է, իհարկե, ոչ իշխանությունը: Իշխանություն վաղուց արդեն չկա: Ճանապարհներն անանցանելի վիճակում են: Ֆրեյը մռայլ է: Երբ Պիշեուրից տեղափոխվում էինք, հերքարիումի արկղը ցած գլորվեց, ընկավ անիվի տակ: Հերքարիումի հարյուր թերթից ավելին տրորվել և կտորվել են: Ֆրեյը ծեծեց սայլապան մորդացուն, ես ոչնչով չէի կարող...

... Երեսուցյոթ վերստ (40 կիլոմետր) է մինչև Սեմիդուլ Ճամբարի համեմատությամբ մոտ է 23 վերստով. սակայն դրանում շատ ուրախալի բան չկա: Քաղաքից մեկնել չի կարելի, գնացքներ չեն գնում: Փոխանակության մասին ոչ ոք ոչինչ չի լսել և չգիտեն, թե գերիներին ուր ուղարկեն: Ասում են այնտեղ հաղարից ավելի մարդ է հավաքվել և ողորմությամբ են ապրում: Ֆրեյը գտնում է, որ անհրաժեշտ է մորդավացիներին ավելի ուշադիր հետևել: Դրանց մեջ է մեր փրկությունը: Փրկությունը:

... Ոչ մի տպագրված տող չեն տեսել: Ֆրեյն իր կաղամբանությունը վերջ է տվել, շարունակ լուռ է:

Երեկ Պիշեուր եկավ պարենային ջոկատը: Վաղը ժողով է կանչված, պետք է հաց հավաքեն քաղաքների համար: Մորդավացիները սոսկալի վախեցել են, թաքնվում են խրճիթներում:

28 հունիսի:

Մորդավացիներն անհասկանալի կերպով ինձ հարգանքով են վերաբերվում: Երեկ եկավ հեթիմ-մորդվիխուհին, կաթ բերեց, հրավիրեց ինձ աղոթածեսի: Հեռանալիս մինչև ոտքերս խոնարհվելով գլուխ տվեց: Ֆրեյը խնդրեց դրանցնել:

Կարին-Պազ — անտառի աստված, լուսնու և տրեխի համար մատղաշ կեղևի պահպանիչը:

Կալմա-ալիր-ավա — գյուղական գերեզմանատան պահապան, որ պահպանում է գերեզմանատան դարբասը:

Յուրտավա — օջախի աստվածը, փոփոխական է՝ մեկ կատու է, մեկ նալաստակ:

«Գուցե պետք գա», — ասաց Ֆրեյը:

29 հունիսի:

Արևածագի հետ մորդավացիներն իրենց ընտանիքները գյուղից դուրս էին տանում: Մեզ մոտ մտավ հեթիմ կինը: Ճանապարհ ընկանք: Երկու ժամ տասը ռուպե ճանապարհ էինք գնում: Սկզբում քայլում էինք դաշտով, հետո՝ անտառով, ձորակներով: Ձորակներն այստեղ սարսափելի են, եթե տեղանքը չիմանաս, հեշտությամբ կմոլորվես: Մարդիկ հավաքվել էին խուլ վայրում մի կես մետր վեր ցայտող աղբյուրի մոտ: Աղբյուրի շուրջ արտակարգ մի բան էր՝ սառցասառն, երկաթի պարունակությունից դեղնած: Քարերը, որոնց վրայով ջուրը հոսում էր, ծածկվել էին դարչնագույն, բարակ շերտով, ինչպես ժանգից: Աղբյուրն ամբողջ ձմեռը խփում էր: Մարդիկ նստել էին ընտանիքներով, ամեն ծուխ մի շրջան կազմած: Ծտնախորշի խորքում, աղբյուրի ետևը շորս խառույկ էին վառում: Մարդկանց ամեն մի շրջանակի մեջտեղում դրած էին Պիշեուրից բերված շիլայի պուտուկները: Երբ մեզ նկատեցին, անհանգստացան, սկսեցին շուրջները նայել: Հեթիմը վաղեց անցավ շրջանիկով և շշուկով մի բան հաղորդեց: Դրանից հետո հանգստացան, հավանություն տալով նայեցին մեզ և գլուխները տմբացրին: Ֆրեյը մոտեցավ նստեց մի շրջանիկի մոտ, որտեղ գրեթե միայն ծերունիներ էին: Ես նստեցի նրա կողքին: Շուտով լուռություն տիրեց: Տոհմավազը աղբյուրի առջև աղոթք ասաց: Այն կրկնեցին ավագները՝ ամեն մեկն իր շրջանիկում: Դրանից հետո ետնախորշի խորքից շորս ոչխար դուրս բերեցին: Ավագները մոտեցան խարույկներին, սկսեցին ինչ-որ հմայախոսքեր երգել: Հնտո ոչխարներին մորթեցին, կաշիները բերթեցին, նստեցին խարույկների շուրջ ու սկսեցին միս խորովել: Տոհմավազը շարունակում էր աղոթքը: Այդ ժամանակ եկավ ռուս տերտե-

բը: Նրան հարգանքով ընդունեցին: Նա հավանաբար գոհ էր, անմիջապես իր կապոցը բացեց, հագավ շքեղ ոսկեկար զգեստը և սկսեց ուսուսական մաղթանքը, հենց որ տոհմավագ մորդվացին ասաց, որ մորդվական աղոթածեսը վերջացավ: Ռուսական մաղթանքի և մորդվացիների աղոթքի ծիսակատարման տարբերությունները չնչին են: Սա քարոզչի հետաքրքիր տիպ էր՝ ուս տերտեր, որ հաշտ ու խաղաղ հարմարվել էր հեթանոսության հետ:

Ֆրեյն ինձ պատմեց, որ տերտերն էլ, ինչպես տոհմավագ մորդվացին, աղոթում էր, որ անձրև գա և բարեհաջողություն լինի: Ֆրեյր մորդվացիներից լավ չի խոսում ուսերեն, շատ ծիծաղելի է բացատրվում, սակայն նրան հիանալի հասկանում են: Մեսը վերջանալուց հետո միսը բաժանեցին ընտանիքների միջև: Կավե ամանների մեջ լցրեցին պուրե՝ արբեցնող խմիչք, որ մեղրից են եփում: Առաջինը խմեց տոհմավագը: Նրանից հետո, չգիտեմ ինչու, ինձ տվեցին, հետո՝ տերտերին: Տերտերը, խմելով, նայեց ինձ և ամանը բարձրացրեց: Պուրեն շատ թունդ է, զգացի, որ հենց առաջին կուձերից հարբում եմ, գուցեև պատճառն այն էր, որ մեկուկես տարի ոչինչ չէի խմել: Պուրեն մատուցվում էր միայն տղամարդկանց: Մսի մի մասը և շիլսոյով պուտուկները կանայք հետները տարան անասնանոցները, որտեղ և կերան իրենց ուտելիքը: Վերադարձանք ամենաշոգ ժամին: Ֆրեյր քայլում էր ծերունիների հետ: Ես՝ մենակ, առջևից:

Աղոթածեսը կոչվում էր «Բաբան հաշա»:
... արդեն սովորել եմ ապրել կարծես յոթերորդ դարում: Առավոտները կավե ամանով մեզ համար բերում են մածուն և հաց: Մեզինք ոչինչ չեն վերցնում: Հագիս քաթանն վերնաշապիկ է՝ դեղին խաշերով ասեղնակարված: Ասում են, այն ասեղնակարել է Պիչեուրի գեղեցկուհին: Ես նրան չեմ տեսել: Ընդհանրապես այստեղ գեղեցիկների չեմ տեսել: Երբ մտածում ես նրանց մասին՝ շունչդ կտրվում է, բայց բավական է շուրջդ նայես, ամեն ինչ անցնում է:

Ֆրեյր պատմեց, որ մի տասներկու տարեկան աղջկա նստեցրել են ճախարակի առաջ, որ գյուղի շրջագծի երկարությամբ խամ թել գործի: Այդ թելով նա կեսգիշերին կըրջափակի Պիչեուրը, որպեսզի այն պահպանի վարակից: Մանողը

պետք է անպայման կույս լինի: Մինչև նա մանում է, մոտք միայն պառավ կանայք կարող են մտնել: Այլապես թեև զորություն չի ունենա:

Քաղաքից մեղ մոտ տիֆի վարակ բերեցին:
Ֆրեյրի պատմածից հետո ամբողջ գիշերը չէի կարողանում քնել:

7 սեպտեմբերի:

Ամեն ինչ շարժվում է: Ոչ: Ամեն ինչ կանգնած է: Դուրս արձնել անիծյալ...
... Տեղ չես հասնի նույնիսկ լող տալով: Ամբողջ շարաթվա ընթացքում մեր բնից մի անգամ դուրս եկանք: Գնում էինք կաղնիներից թանաքի կաղնիներ հավաքելու: Ֆրեյր դեռևս ինչ-որ բանի հույս ունի, ասում է, որ եթե մորդվացիները մեզ կերակրեն...

10 օգոստոսի:

Ռուսաստանը ես տեսա հեղափոխությամբ բռնկված: Ուրիշ վիճակում այն չեմ տեսել: Սակայն իմ կարծիքով, այն ուրիշ չի էլ եղել: Մտածում եմ այն միլիտանավոր կիրմետրերի մասին, որ փռված են այսպես անօգտագործելի, ինչպես Պիչեուրը: Յոթերորդ դար: Նոյնմբերից ձյուն է գալիս: Մարդիկ թաքնվում են որջերում, քուն մտնում կես տարով: Եթե սա հեղափոխությունն է, հապա ուրեմն ի՞նչ է եղել մինչ այն: Ֆրեյն ասում է, որ Ռուսաստանը չենք տեսել: Իմ կարծիքով՝ ընդհակառակը: Ռուսաստանը հենց այն է, ինչ տեսնում ենք. ձյուն, անանցանելի ճանապարհներ, քուն: Այստեղ՝ ձորակներ, քիչ հեռու՝ տափաստաններ, ավելի հեռու՝ անապատ, մյուս ծայրում՝ անտառներ, ճահիճներ, մամուլ: Այդ նախնադարյան հոյատեսություն մեջ՝ բնակավայրեր, որոնք կոչվում են քաղաքներ, և տեղ-տեղ դաշտեր: Այս հողատարածությունները պիտանի են գաղութայնացման համար: Գաղութը դեռևս պետք է անցնի լուսավորյալ բռնապետության ուղին: Այն ժամանակ թերևս նա ասլագա ունենա: Այստեղ պետք են ֆեոդալներ, ոչ թե սոցիալիստներ: (Եվ պետք են արդյոք որևէ տեղ սոցիալիստներ): Տեղադրվող կհարկադրեն վարժվել խելամիտ աշխատանքի: Ուրիշ միջոց,

որով կարողանա ստիպել եզիպտացորեն ցանեն այնտեղ, որ տարեկանն այրվում է տապից, չկա: Քաղաքներում արգեն սկսվել է քաղաքացիական պատերազմը... ինչ հեղափոխություն...:

... ձյուն, միայն ձյուն: Տե՛ր աստված:

Գիշերն արթնացա ուժաթափ վիճակում: Դարձյալ Մարին, աշխույժ, տաքուկ: Հանուն այն բանի, որ տեսնեմ նրան...

20 դեկտեմբերի:

Սահնակի տեղ հասնելու առաջին իսկ հարմար առիթով քաղաքից լուր եկավ, թե իբր Գերմանիան հաշտության պայմանագիր է ստորագրել, և նորին մեծություն կայսրը փախել է:

Որպիսի՞ անհեթեթությունն է մի ինչպիսի ողորմելի սրիկաներ սլետք է լինեն այդ զրպարտության տաբաժողները Մտածելն իսկ զգվելի է:

Ֆրեյը դարձել է մռայլ ու ծայրահեղ լուսկյաց: Ես հաշվեցի. այսօր նա յոթ բառ ասաց. բարի լույս, դարձյալ ձյուն է, այո, բարի գիշեր: Նա միշտ ամուր է քնում, երազ չի տեսնում: Արդեն մի շաբաթ կլինի դարձյալ խորասուզվել է իր կազմաբանության մեջ, նստած է խոշորացույցը ձեռքին: Ես նրան օգնում եմ ճահճային բույսերը ամանների մեջ աճեցնելու գործում: Փորձեցի ածխով նկարել: Մորդվացիները հիանալի այրված ածուխ են ստանում: Սակայն թուղթ չկա:

Երկու օր բակում աշխատեցի, ձյունն էի մաքրում:

... չգիտես որտեղից են: Մեկը բավարացի է, մյուսը՝ չեխ: Ֆրեյը բավարացուն համոզեց գնալ քաղաք և ամեն ինչ մանրամասն իմանալ: Խոստացավ փոխարենը ամբողջ ձմեռ նրան կերակրել: Բավարացին գնաց: Ֆրեյը ուղեկցեց նրան մինչև գյուղից դուրս: Երեկոյան հանկարծ զրուցասեր դարձավ և վերջապես պատմեց իր պլանը, որն ինձ ֆանտաստիկ է թրվում: Մեկնակետերը, սակայն, ճիշտ են: Մորդվացիներն ուզում են այդ ամբողջ այսպես կոչված հեղափոխությունը, իրենց համար մեկնաբանել որպես ազգային ազատագրություն: Որն է ազատագրություն սպասել, իհարկե, չի կարելի: Սակայն մորդվացիների համակրանքը ոչ ուս ազգությունների կողմն է: Մենք՝ ռուսների դեմ պատերազմողներս, ավել-

լի հեշտ ընդհանուր լեզու կգտնենք մորդվացիների հետ, չնայած նույնիսկ Ֆրեյի ռուսերեն խոսելուն: Մեր թշնամին նույնն է: Ֆրեյը շատ բան է հասցրել անել: Մեղ իրոք որ դուր չեն կերակրում, ու հիմա եմ հասկանում, թե ինչու են մորդվացիներն ինձ ակնածանքով նայում: Պիշուրը նախապատրաստված է: Եթե Մարիին պատմեի, չէր հավատա: Սա կարծես «Հաղար ու մեկ գիշերից» լինի: Կեցցե Ֆրեյը:

Սիլվեստրի երեկո

Անցյալ տարի ճամբարում Ֆրեյը գուշակում էր, թե որտեղ և ինչպես կդիմավորենք նոր, 1919 թվականը: Որտեղ՝ մենք գրեթե գուշակել էինք. ճամբարից հեռացել ենք մի քսանչորս կիլոմետր և առաջվա պես աշխարհից կտրված ենք ձյունն անապատով: Սակայն ինչպես կարող էինք մտածել, թե մեր երկրին այդպիսի անարգանք է սպասում: Գերմանիա՛, հայրենի՛ք: Ի՛նչ ուժեր էին, որ քեզ ընկճեցին:

Առավոտյան բավարացին վերադարձավ Սեմիգոլից: Ճըրմարիտ է, որ նորին մեծություն կայգերը փախել է հայրենիքից: Գերմանիան հանրապետություն է:

Իշխանության գլուխ են անցել մի խումբ անհայտ պառլամենտականներ: Հաշտությունը խայտառակ է: Բանակը, նավատորմիղը, սպայական անձնակազմը հանձնվել է հակառակորդի ողորմածությանը: Նորին մեծություն Սաքսոնիայի թագավորը... Ոչ, չեմ կարող: Ֆրեյը, երկաթյա, աներեր Ֆրեյը հեկեկում էր:

... Մահ, ահա մեր միակ խոսքը: Մենք՝ ես, Ֆրեյը, բավարացին և չեխը նոր տարուն մեր զենքերով երդվեցինք, որ, չենք ների մեր հայրենիքի խայտառակությունը: Թող այդպես լինի:

Բավարացին քաղաքից վեց ատրճանակ էր բերել: Ֆրեյը հանդիսավոր կերպով դրանցից ամենալավը ինձ տվեց: Բավարացին քաջ, խելացի զինվոր է, երեք անգամ վիրավորվել է, երկաթե խաչի ասպետ է: Չեխն ինձ այնքան էլ դուր չի գալիս, սակայն Ֆրեյը երաշխավորում է նրա համար: Բացի զենքից ու թերթերից, բավարացին բերել էր նաև հետևյալ տեղեկությունները. Սեմիգոլում գտնվում է գերմանական

բուլղարացիներին խորհուրդ, որոնք ագիտացիա են անում
այն գերիների շրջանում, ում պետք է տեղափոխեն հայրե-
նիք: Գերիների ճամբարը լեփ-լեցուն է: Տիֆլիսում է:
Գերիները շարունակում են գալ, իսկ հայրենիք ուղարկելը
գեոևս գրեթե անհնարին է, քանի որ ճանապարհները շեն գոր-
ծում և փոթորկում է քաղաքացիական պատերազմը: Այդ
ամենը բարենպաստ է մեզ համար: Չեխերն անցնում են Սի-
բիր, որպեսզի շրջանցիկ ճանապարհով, ամերիկյան և ճա-
պոնական նավերով իրենց հայրենիք ընկնեն: Դավաճան էին,
գավաճան էլ կմնան:

Յերեկը մորդվացիները երկու սպանված գայլ բերեցին ու
դրեցին ոտքերիս մոտ: Հիանալի գաղաններ են: Ծա նվերն ըն-
դունեցի, հրամայեցի տանել և մորթիները հանել: Երբ մորդ-
վացիները գնացին, Ֆրեյը ձեռքս սեղմեց:

— Այսպես լավ է, — ասաց նա: — Դու պետք է հիշես, թե
ով ես այդ մարդկանց համար:

Օ՛, այս մարդիկ մինչև հիմա չեն կորցրել ուղմատենը
բարբարոսների բնազդը: Միզուցե նրանց առատպելներում
գեոևս ապրում է ոուս իշխաններին չախչախող տիրակա-
լի ուրվականը: Այդ բնազդը կարելի է արթնացնել: Վերջ ի
վերջո ֆոն ցուր Մյուլեն-Շենասու մարկգրաֆների մի տոհմը
միայն մորդվացիների ողջ իշխանական պատմությունից ա-
վելին արժև:

Ֆրեյն իրավացի է: Ամբողջը միայն ժամանակի և ժամ-
կետների հարց է:

Գ Լ Ո Ւ Ս Ե Ր Կ Ր Ո Ր Վ

Ի Ն Ը Հ Ա Ր Յ Ո Ւ Ր Տ Ա Ս Ն Ի Ն Ը Թ Վ Ա Կ Ա Ս Ի Մ Ա Ս Ի Ն,
Ո Ր Ն Ա Ս Ո Ր Վ Ո Ւ Մ Է Ա Ռ Ա Ջ Ի Ն Գ Լ Ս Ի Ն

Ծ ա ր ք ա թ օ ր Ս ե մ ի դ ու լ ու մ

Գատցուկի «Մկրտություն օրացույցում» «Սեմիդոլ» բառի
առաջ ցցված էր բարակիրան մի գավաթ, իսկ դրա վերևը
կախված էր փոստային եղջյուրիկ:

Նվ իրոք, Սեմիդոլի կայաբանի բուֆետում նույնիսկ սըն-

ձենու թրմոլի կար, իսկ փոստա-հեռագրային գրասենյակը
հաստիքով պահում էր ինը պաշտոնյա և յոթ նամակատար:
Ռուսական լայնարձակության մեջ բազում քանակությամբ
այդպիսի Սեմիդոլներ էին փոխած: Դրանք բոլորն էլ նման
էին իրար, ինչպես հավերթ, և կյանքն էլ նրանցում հավային
էր՝ լուսաբացից լուսաբաց, թառից թառ:

Սեմիդոլցիները թափառում էին փողոտ, փետրաներքնակ-
ների նման փափուկ փողոցներով, որոնց մայթերը փտել էին,
սնվում էին, կոթկոթացնում, ճտեր հանում և վախով նայում
վեր, որտեղից տեղում են ամեն տեսակի աղետները, ու վա-
զում առանց ետ նայելու, հենց որ լսվում էր քաղաղի թևի
մարտական թլարտոցը: Աքաղաղները, ինչպես կարգն է, տրո-
րում էին սեմիդոլցիներին, պահպանում նրանց բարոյակա-
նությունը, կենաց-մահու կոիվ մղում իրենց ծխի համար:

Սեմիդոլում նոր ժամանակը վաղուց անցած ժամանակ-
ներից զունազաններ համար պետք էր ամենաքիչը մարդկա-
յին մի կյանք ապրել այնտեղ: Այդ դեպքում միայն դիտող
աչքը կարող էր նկատել, որ վանքի փողոցում նոր լապտերա-
սյուն է դրված, մեկ էլ որ դեմատվոյի դիմացի ցանկապա-
տը փվել է, կամ թե հրշեջ խմբի վերնակը նոր է ներկվել:

Սակայն եթե Սեմիդոլի խաղաղ գոյություն մեջ որևէ իրա-
դարձություն էր ներխուժում, ապա այն սարսափելի արագ էր
տարածվում: Ինչպես թռչնանոցի բարօրությունն է վերած-
վում իսկական դժոխքի, երբ նրա սահմաններն է ներխուժում
կապից փախած շունը:

Մեզ համար դժվար է դիմանալ գայթակղությանն ու հե-
տադարձ մի հայացքով շնկարագրել մի ժամանակ թռչնանոցի
նմանվող այս քաղաքը: Ի՞նչը կարող է թխսի կոթկոթոցից
ալելի գորովական լինել, ի՞նչը կարող է լինել ավելի հուղիչ,
քան դեղնափետրիկ ճտերի ծվծվոցը կամ քաղաղի ոգեշնչ-
ված կանչը: Սակայն մենք հաստատապես հիշում ենք,
որ այդ հովվերգական հավանոցը բազում ոուս վիպասանե-
րի է կործանել:

Ահա թե ինչու մեր պատմությունն սկսում ենք հենց այն
օրից, երբ թռչնանոցի գլխով անցան հյուսիսափայլի առաջին
ճայթյունները և ղեպի վեր, որտեղից տեղում էին բոլոր ա-
ղետները, ղեպի վեր խոյացավ պոռից պոկված մի փետուր:

Շուտով այդպիսի փետուրներ Սեմիդոլի գլխին պատվեցին անթափանցելի խուռներամներով, իսկ հինգ օր հետո, ընդամենը հինգ օր հետո, օդը նորից թափանցիկ դարձավ:

Ընկեր Գոլոսովը երիտասարդ մարդ է, և արժե՞ արդյոք ասել, որ նրա տարիքում ամոթ բան չէ աղչկան թեանցով արած երևալ փողոցում:

Սակայն ընկեր Գոլոսովը գործկոմի նախագահ է, և Սեմիդոլում նրան անվանում են քաղաքագլուխ: Հարմա՞ր բան է միթե, որ գլուխը փեշերի ետևից քարշ գա: Եվ հետո ինչպե՞ս բացատրես գործկոմի նախագահի փողոցում հայտնվելը տերտերի աղչիկ Ռիտոչկայի հետ: Ծիշտ է, Ռիտոչկան գործկոմի գործավարն է, և այդպիսով ներգրավված է աշխատանքի մեջ: Ծիշտ է, Ռիտոչկային կոչում են ընկեր Տվերեցկայա: Սակայն սեմիդոլցիները մանրախնդիր մարդիկ են, բամբասանք էլ շատ ու շատ են սիրում, դեհ, ուրեմն, գնա ու զրանց գլուխը մտցրու, որ Սեմյոն Իվանովիչ Գոլոսովը՝ այդ հոետորն ու մասնավոր սեփականության թշնամին, որոշ իմաստով ոչնչով չի տարբերվում քսաներկու տարին լրացրած ուզածդ սեմիդոլցուց:

է՛հ, սատանան դրանց հետ:

Քաղաքում պետք է քայլես արագ, ներբաններդ դրոշմելով տրորված մայթերին, ցնցելով ու շարժելով վերին շերթունքը, ճակատդ կնճոտած և նայելով ամենաքիչը մի կես վերստ առաջ: Իսկ երբ քեզ հանդիպող մարդիկ բարևում են, պատասխանել արագ և կարճ:

— Բա-րև, ընկե՛ր:

Իմ սլանաս առաջ, նայելով առջևդ, ամենաքիչը մի կես վերստ:

Իսկ եթե գնում ես սայլակառքով, ուրեմն միայն և միայն ատամներդ պինդ սեղմած, ձեռքերդ գրպաններումդ և աչքերդ հառած կառուպանի մեջքին: Այն ժամանակ բոլորի համար էլ պարզ է, որ ընկեր Գոլոսովը շտապում է պետական կարևորություն ունեցող գործով, այլ ոչ թե առանց անհրաժեշտության գրոսնում է սովետական ձիերով:

Սակայն ի՞նչ մարդ պիտի լինես, որ շաբաթ օրը աշխատանքից հետո ընկեր Գոլոսովին տեսնես գործկոմի սայլա-

կառքում տերտերի աղչիկ Տվերեցկայայի հետ կողք-կողքի նստած, ու մտածես պետական նշանակություն ունեցող գործերի մասին:

Իհարկե, բանն այստեղ պարզապես սեմիդոլցի քաղքենիների հետամնացությունն է, որոնք հեղափոխության երկրորդ տարում էլ դեռևս խորապես համոզված են, թե գարունը հակասում է կոմունիստական մանիֆեստին, իսկ սերը՝ ամենախակկան, ամենաբուրավետ, նավակներով գրոսանքի ելնող, թփուտների մեջ կարճ գրկախառնություններով, այգու դրո՞նակների մոտ աղահամ համբույրներով այդ իսկական սերը արգելվել է ինչ-որ համագումարում:

Ասենք, եթե քաղքենիներն այլ կերպ մտածեին...

է՛հ, սատանան դրանց հետ:

Ընկեր Գոլոսովը հենց այդպես էլ ասաց, ժպիտը կլոր ձեռնափով ծածկած:

— է՛հ, սատանան դրանց հետ: Կգնամ Պոկիսենի հետ...

Անդրեյը խոժոռվեց:

— Դու կարծես դիտմամբ աշխատում ես այնպես անիլ, որ ես մենակ մնամ...

— Ընկեր Տվերեցկայայի՞ հետ, — նրա խոսքը շարունակեց Գոլոսովը: — Դատարկ բան է: Ինքդ էլ տեսնում ես, որ այլ կերպ չի ստացվում: Եվ հետո... — Գոլոսովը քաշքշեց վերին շրթունքը: — մի քիչ ավելի մարդկային պետք է լինել, Ստարցով: Մի՞թե չես նկատում:

— Քո գործը չէ:

— Իմ շահերը պահանջում են պահպանել գործավարի աշխատունակությունը: Ընկեր Տվերեցկայան սկսել է թղթերը խառնել: Ես նրան կանչեցի, հարցուփորձ արեցի, նրա աչքերը այս ու այն կողմ դարձան, բայց աչքերի մեջ՝ Անդրեյ Ստարցովն էր:

— Հասկանում եմ, — ասաց Անդրեյը ժպտալով, — քո տարիքում մարդիկ իրենց անհարմար են զգում սիրահարվելիս:

— Դատարկ բան է:

— Բնավ: Զուր մեղքդ ուրիշի վրա ես գցում: Շաբաթ օրեր քեզ կարծես փոխեն: Դա տեսակցության նախազգացումից է: Զէ՞ որ այսօր էլ գնում ես Ստարիչե Ռուչի, որպեսզի...

— Վերջ տուր: Ինձ ո՞ւմ տեղն ես դրել: Գնում եմ շենք որոնեմ մանկատան համար:

— Ի՞նչ ես ասում: Մանկատան համար: Այս ձմեռ ժամառեա՞լ:

— Այո՛, այո՛, ձմեռային մանկատան համար,— բղավեց Գոլոսովը,— և հետո պետք է փորձեմ նոր մաուզերս:

— Ու դրա համար տասը վերստ ճամփա ես կտրո՞ւմ:

Ընկեր Գոլոսովի դեմքը դաժանացավ, նա պատրաստվեց ինչ-որ շոր մի բան ասել, սակայն հանկարծ ձեռքը ձգվեց դեպի բերանը և մի կայտառ ծիծաղ, չհասցնելով թաքնվել ափի մեջ, սահեց դեպի Անդրեյը:

— Դրա համար մարդ հարյուր վերստ էլ կգնա...

Նա կտրուկ դարձավ ու քայլեց բակով, ձգելով վերնաշապիկն ու բղավելով դեպի երկհարկանի տան բաց պատուհանը.

— Դայա՛կ: Ծաշելու:

Եվ ինչպես միշտ, Անդրեյը մի պահ սառեց այդ հատու՛ դայակ բղավոցից:

Դռան մեջ Գոլոսովը շրջվեց.

— Ուրեմն, կգա՛ս:

— Կգամ:

— Դեհ, լավ է:

Մա էր Անդրեյի և Գոլոսովի ամբողջ խոսակցությունը Անդրեյի «Իզվեստիայի» խմբագրության բակում:

Երեկոն խաղաղ էր, և երկինքը, վարդագունած, գլորվում էր վանքի ետևը: Զվի կճեպի նման սայլը ճոճալով անցնում էր երկաթուղու գծանցով: Ընկեր Պոկիսենը նստել էր ծղոտին, փայտե թափրիկի մեջտեղը, ոտքերը մեկնած, և կախված վիճակում բռնել էր մանկական կինեմատոգրաֆը: Գոլոսովը մի ոտքը պցել էր առաջամասի վրայով, մյուսը ծալել էր տակը ինչպես իսկական, օ՛, այո, իսկական, փորձված կառապան:

Մինչ այդ, նրանք ճոճառան կճեպի մեջ նստած անցնում էին խորհուրդորդ փողոցներով, տրորելով շոր ցեխագնդերը և ետևներից քարշ տալով ալարկոտ դեղնաթափանցիկ փոշին:

Պոկիսենը ոսկե ափնոցի միջով խստիվ նայում էր տաշած տախտակե տնակներին և հաստ բարավորների կիսափտած,

աարօրինակ գմբեթիկներին: Ամեն մի ցնցման ժամանակ նա զգուշորեն, վախենալով գլխավերևն էր բարձրացնում կինեմատոգրաֆը, ասես մասնատուփ էր տանում: Գոլոսովը պայթեց ճապացնում էր լեզուն ու օդում պտտում պարանոսանների ծայրերը:

Եվ թվում էր կողմնակի մարդկանց, նրանց, ովքեր դեմքով շինե ճանաչում նախագահներին (իսկ Սեմիդոլում այդ պիսիներ էլ կային), ահա հողաշափերը գնում են Սանշինոյի մարզը՝ հողը բաժանելու: Իսկ նրանք, ովքեր ճանաչում էին, նրանք էլ մտածում էին, որ գործկոմականներն անպայման նոր ագիտացիա են մոգոնել հանուն Բավարիայի, կամ էլ թե՛ լե՛ ո՞վ գիտի, վճռել են շուկան հողին հավասարեցնել որևէ մանկական հրապարակ կառուցելու համար:

Այսպես հանգիստ ու վայելուչ սահում էին երկու նախագահները ներկած ու բաց լուսամուտափեղկերի առջևով, ջրաժաման ծորակների, պինդ փակված պարենային կրպակների առջևով, անկայուն տախտակե կամուրջներով և փետրաներքենակի պես փափուկ փողոցներով:

Հանգիստ ու վայելուչ՝ մինչև երկաթուղու գծանցը:

Իսկ դրանից հետո ընկեր Գոլոսովը ոտքը քաշեց սայլի մեջ ու նայեց շուրջը:

Քեք հողսթմրի ետևից երևում էին ճանապարհային արհեստանոցների կրկեսանման կլոր տանիքները: Դրանց ետևվում ամուր կանաչ կարկատանի պես երկնքին էր կպել տառնարի գմբեթը: Հենց գծանցի մոտ բարձր ցցված էր մրոտված պահատնակը, իսկ նրանից դեպի աջ, թմբի ավազե լանջի երկայնքով ճամբարային վրանների նման ձգվել էին վանդակավոր գորշ վահանների դարսակները:

Ճանապարհի այս ու այն կողմերում մեկընդմեջ ընկած էին լրիվ խուզված դաշտերի ուղղանկյունները: Դեռևս չքաղված երկայն արևածաղիկներն այս ու այնտեղ ցցվել էին մերկ շերտերի մեջ, ինչպես տեղ-տեղ սևին տվող պեպեններ:

Առջևում երևում էր սանշինյան անտառի սև շերտը:

— Կեացի՞նք, Պոկիսեն:

Գոլոսովը ոտքի կազնեց, գլխարկը ցած նետեց, ժողտը ետ հրեց, մի ոտքը դրեց թափրին, մյուսը հենեց առաջամա-

սին: Պոկիսենը իր տակ մի խուրձ ծղոտ արորեց, ակնոցը հառեց Գոլոսովին և ասաց, ասես նրան փորձելով:

— Կնացի՛նք, Սյոմա:

Այն ժամանակ Գոլոսովը ձգեց սանձերը:

Ծրկաթուղու գծանցից մինչև Սանչինոյի պտղատու այգիների խորքը կտրուկ ոլորաններով ձգվում է Ռուչիի սայուղին: Ոլորանում՝ փոքրիկ պտույտ, այդ պտույտի մեջ էլ՝ եղակ է, և օղակը ձգվում է անհավասար, ծովում է բարալիկ օձի նման, պետք է շրջանցել ամեն մի փոսը, ամեն ելուստը, զբուշանալ քարերից:

Սակայն Սեմյոն Գոլոսովի համար չէր սսված շրջանցել, պտույտ գործել, զգուշանալ, Սեմյոն Գոլոսովին իրեն վարժեցրել էր քայլել ուղիղ և քայլելու կամ անցման վրա շատ ժամանակ չվատնել, քանի որ ամեն մի ճանապարհ, նույնիսկ ամենակատարյալը, նույնիսկ օղային ճանապարհը՝ ամեն ճանապարհ ժամանակի ավելորդ կորուստ էր:

Եվ մի՞թե մարդու շունչը չի հրգեհի, չի հարբեցնի, չի այրի հանդիպակաց քամին, որ սուլում է ականջների մեջ, գրգռվում ու պոկում է մազերը, մտրակի նման հարվածում կրծքին:

Զիուկը պինդ մտել էր խամութի թաց թաղիքի մեջ, նրա փրփրակուլով մեջքին ուրախ թռչկոտում էր պղնձադրամներով զարդարված շրջափուկը, մեկ էլ տեսար սմբակը դեմ էր առնում, և Սյոման խփում էր փոքրիկ ձիու ազդրերին իրար ետևից, ավելի ու ավելի հաճախ, ավելի ամուր: Սյոմայի ոտքերն ասես խրված լինեն սայլի մեջ, և ցնցումների ժամանակ նրա ծնկները մեղմորեն զսպանակում էին: Սյոմայի բլուրը գոտու տակից դուրս էր եկել, կարմիր գնդակների պես ուռչում էր մեջքին, իսկ մազերն էլ քամին տափակացրել, իջեցրել էր դեպի ծոծրակը, կարծես մանր սանրով հարթ սանրած լիներ:

Խանդակներով, անվահետքերով, փոսերով և հողակոշտերով, մերթ մինչև թափքը հասնող արևածաղիկների միջով, մերթ փոշու շեկ ամպի միջով, փոսերի, թմբերի վրայով՝ ուղիղ, շարունակ ուղիղ, քամուն հանդիման, սուլոցով, գրգռոցով, հայհույով:

— Սյոմա: Սյոմ-կա, Սյոմ-կա, ո՛ւ: Պահիր, սատանա, պահիր:

Սակայն սանձերը զարնվում էին նիհարիկ ձիու կողերին, զավակին, և հաս նա մոտի՞թը վեր տնկեց, մեջքն աղեղ սարքեց ու թափով սլացավ:

— Սյոմա՛, Սյոմկա՛: Սա-տանա՛:

Զուր չէր այդ ձին բշել հրգեհի ազդարարը: Զուր չէր մարդ վախենում նրան նայելուց, երբ գիշերով, սարսափից փոխված ձայնով, նավթի լապտերը բռնած նա աղաղակելով սլանում էր քաղաքով:

— Սյոմա՛, ս-սա-տանա՛:

Հնարավոր չէ կանգնեցնել:

Այն ժամանակ ընկեր Պոկիսենը հասակով մեկ փովեց սայլի երկայնքով, զլխից վեր բռնեց կինեմատոգրաֆը և հանկարձ բարձր, երկաթաթերթի զնգոցի նման սուր ձայնով մի երգ երգեց: Երգի բառերը պարզ էին, բայց Պոկիսենից բացի ոչ ոք դրանք չգիտեր: Եվ նույնքան պարզ էր երգի եղանակը, սակայն եղանակն էլ, Պոկիսենից բացի, ոչ ոք չգիտեր:

Չե՛յ-լե-լեկ,

Չե՛յ-լե-լեկ,

Չե՛յ-լե,

Չե՛յ-լե,

Չե՛յ-լե-լե:

Գոլոսովը սանձերը թողեց, պսլվեց: Կլոր, փրշոտ դեմքը դարձնելով Պոկիսենին, նա նայում էր երկնքին: Այդպես նրանք մոտ մի վերստ սլացան: Քառարշավից փրփրակալած ձիուկը զսպանակի նման սեղմվում ու թուլանում էր: Սայլը դեսուղեն էր ընկնում ու դրոգում երկաթի կտորտանքով լցված պարկի նման:

Երկաթե հեծկտոցով լցրեց Պոկիսենը շրջապատը: Եվ հնարավոր չէր հասկանալ՝ արդյոք Գոլոսովը լսո՞ւմ էր երգը, թե՞ պսլված, երեքալով մտածում էր որևէ գործի մասին:

Չե՛յ-լե-լեկ,

Չե՛յ-լե-լեկ,

Չե՛յ-լե,

Չե՛յ-լե,

Չե՛յ-լե-լե-լե:

Ու երբ կանգ առան Ռուշիի այգիների մուտքի մոտ և սկսեցին կարգի բերել թուլացած թաց լծասարքը, Գոլոսովը հարցրեց.

— Դու ֆիններե՞ն էիր երգում:

Պոկիսենը ժպտաց երեսայի նման:

Այդ ժամանակ Գոլոսովն էլ ժպտաց:

— Իսկ դուք, ինչ է, օպերանե՞ր ունեք:

Պոկիսենը մտածեց, հետո պարզապես ասաց.

— Հիմա՛ր:

Ռուշիի այգիները ձգվում էին հարյուրավոր դեսյատիններ: Դրանք կիպ սեղմվել էին միմյանց ամուր, կավածեփ ցանկապատերով և այդ ցանկապատերի միջով իրար ձեռք էին սեղմում թավառատ բալենիներն ու սալորենիները: Յուրաքանչյուր խրճիթի մոտ այգի կար և դեպի այգին էր տանում մի կածան, որով սայլը կարող էր անցնել սոնիները շխկշխկոցով քսելով ցանկապատերից դուրս ցցված շիվերին: Երբ այդ ճանապարհին սայլեր էին հանդիպում, գյուղացիները մտածում էին, թե ո՞վ է ավելի մոտ այգու դարբասին, ձին ետ-ետ էին քաշում, սայլը դարբասից ներս տանում ու այդպես իրար ճանապարհ տալիս: Միայն մեկ լայն ճանապարհ էր կտրում այգիները, և այն էլ դաշտերի կողմից անցնում էր Ստարիյե Ռուշիի միջով դեպի Սանշինո:

Մարդիկ այստեղ ապրում էին վաղուց, հայրերի հայրերն ու պապերի հայրերն այստեղ տնկում էին և՛ սև ծառ, և՛ ցարսկի շիպ, և՛ բարդամոտ, իսկ դառը տորոնը իր խճճված թփերով ցից-ցից տնկվել էր անհիշելի ժամանակներից:

Խնձորենիների, բալենիների և ուրիշ զանազան մեծ ու մանր պտուղների հարյուր դեսյատինանոց խիտ այգիները ջրով հագեցնել կարելի էր միայն համերաշխության դեպքում: Եվ այգիներն ապրում էին եղբայրավարի: Ցանկապատերի մեջ եղած նեղ կածանները սկսած դարնանային օրերից մինչև գետնի սառչելը ճահճուտի էին նմանվում, և լորտուներն ու գորտերը ոչ մի տեղ այնպես լավ չէին ապրում, ինչպես այս ճանապարհներին: Օղի միջով այգուց այգի էին ձգվում ջրհորդաններ, գետնի վրայով սողում էին փոքրիկ առվակներ, և երեկոները, երբ լուսն էր աշխատանքի աղմուկը, արագ ընկ-

նազ կաթիլները տրախ երգեր էին ղնգզնգացնում՝ ջրհորդաններից կաթկթելով ծառերի վրա: Եվ հարյուրավոր դեսյատիններ՝ զանգրահեր, խիտ, գույնզգույն, հարյուրավոր դեսյատիններ՝ զարդարված մարդու ձեռքով, այն ժամանակ ականջ էին դնում ջրին:

Գոլոսովն ու Պոկիսենը Ռուշի մտան լայն ճանապարհով: Սակայն առջևից անցնում էր ոչխարների հոտը, և փոշու անթափանցելի ամպ էր բարձրացել, հարկավոր էր շրջանցել, մտնել այգիների արանքը, որպեսզի շխեղղվեին:

Այստեղ արդեն անիվները մինչև գոտեկապը խրվում էին անվահեռքերի մեջ: Պայտերը շլմփում էին ջարդված, ջրիկ ցեխի մեջ: Լծաղեղն իրարից հեռացնում էր հեշտ անջատվող միխառնված բալենիները, կռատուկներն իրենց լայն ափերով խփում էին սոնիներին: Տասը սաժեն երկարությամբ մի ջրհորդան էր ձգվում ճանապարհի երկայնությամբ, և մինչ այդքան տեղն անցան, ձիու մեջքին ու սայլի մեջ խոշորապաթիլ սառն անձրև էր թափվում: Ձին մոտեցրեց վեր տնկեց, աղմուկով կողերն ուռցրեց, փնջացրեց ու դանդաղ գնաց: Գոլոսովը սրբեց դեմքից ջրի կաթիլները, նայեց Պոկիսենին և, կարծես անհարմար զգալով, ասաց.

— Լավ...

— Գործկոմի նախագահին հովեկի իրավունք՞ով, — հսրցրեց Պոկիսենը:

Հետո լռեցին, ականջ էին դնում ջրաշիթերի և կաթիլների բլբլոցին, կաթկթոցին, ղողանջին:

Ամառանոցում Պոկիսենի ավագ որդին՝ նեղուս, նիհար մի տղա, պտտվում էր կինեմատոգրաֆի շուրջը, շոշափում էր պտտալիները, անվակները, պտտում բռնակը:

Խոհանոցում, ռուսական վառարանի առջև, Պոկիսենի կինը ցախ էր կոտրում ու մի երգ մոմոացնում այժմ լեզվով, որը Ստարիյե Ռուշիում ոչ ոք չէր հասկանում և երբեք չէր լսել: Եվ նույն անհասկանալի լեզվով ընկեր Պոկիսենը կիսաձայն երգում էր իր երեք ամսական տղայի համար այն մասին, ինչ Ստարիյե Ռուշիում ոչ ոք չգիտեր:

Այն մասին, որ շուտով, շատ շուտով, երբ սոցիալիստական հեղափոխությունը հաղթի և կուսակցությունն ասի.

— Ընկեր Պոկիսեն, դուք ծառայեցիք հեղափոխութեանը, ազատ տնօրինեցեք ձեր կյանքը:

Ահա այն ժամանակ նա իր փոքրիկ Օտտիին կտանի Խեպո-Յարվի լիճը:

— Օ՛, Խեպո-Յարվի: Օտտի, փոքրիկ Օտտի, դու դեռ չես շնչել նրա դառնահամ հոտը, դեռ աչքերդ չես կկոցել նրա սուր քամուց: Օտտի, փոքրիկ Օտտի, դու դեռ չես տեսել, թե ինչպես է Խեպո-Յարվիի քամին դեպի հյուսիս թեքել հսկայական սոճիները, և թո փոքրիկ ականջներին դեռ չի հասել ալազաբլուրներից բշտած ավազի սուլոցը:

— Օ՛, Խեպո-Յարվի: Զին ոչ մի տեղ այնպես արագ չի վազում, ինչպես Խեպո-Յարվիի սառուցի վրա, և ոչ մի տեղ գահուկներն այնպես շեն սահում, ինչպես նրա առափնյա սարերի լանջով:

— Եվ Խեպո-Յարվին ինչպե՛ս գիտե լռել: Եվ ինչպե՛ս է բղավում, ոռնում ու սուլում Խեպո-Յարվին, երբ փոթորիկ է գալիս ժայռակղզիներից:

— Իսկ ինչպիսի՞ ճոճանակներ, Օտտի, ինչպիսի՞ ճոճանակներ են քաջ մտրդիկ դրել Խեպո-Յարվիի ափին. այնքան բարձր ճոճանակ, որ մարդու սիրտ քիչ է մնում դուրս թռչի կրծքից, երբ ճոճանակը վեր է խոյանում ջրի վրա: Հասարակ երգե՛րը, ի՛նչ երգեր են երգում մարդիկ այդ ճոճանակների վրա, գիշերները, երբ լուսինը նայում է Խեպո-Յարվիի հասակը: Օտտի, փոքրիկ Օտտի, լսիր.

Չե՛յ-լե-լեկ,

Չե՛յ-լե-լեկ,

Չե՛յ-լե,

Չե՛յ-լե,

Չե՛յ-լե-լե:

Բարձր, սուր ճիշերը վազեցին խնձորենիների վրայով, խրվեցին այգու խորքում, անհետացան: Պոկիսենը սեղմեց կրծքին ժանյակներով փաթաթված Օտտիին ու լռեց:

Կնոջը, որ եկավ երեխային կերակրելու, շնչաց.

— Ես նրան պատմեցի Խեպո-Յարվիի մասին:

Եվ կինը հազիվ լսելի շնորհակալություն հայտնեց:

— Օ՛, դու:

Օդում սառնութեան շունչ զգացվեց, ինչպես լինում է հոկտեմբերին, խաղաղ, արևից տաքացած օրվանից հետո: Այդ սառնությունից և այն բանից, որ մարդ ուզում էր արգեն նստել ձմեռավարի՝ բուրավետ նեղվածքի մեջ, կրակի շուրջը, ամառանոցի պատուհանները կիսով ծածկեցին:

Ռազմական օդաչու Շչեպովը՝ նիհար, կիս ֆուֆայկայով, նեղ, մինչև ծնկները քուղակապված սապոգներով, քայլում էր սեղանի կողքին: Սեմիդոլի թատրոնի հերոսուհին անկյունից հետևում էր նրան իր մեծ, մատիտով կեղտոտված աչքերով: Նրան բոլորը կոչում էին անուն-հայրանունով՝ Կլավդիա Վասիլենա, և Շչեպովը ծիծաղում էր նրա վրա. որպիսի՛ հանրաճանաչություն:

Ռիտան տեղավորվել էր բազմոցին ու չէր շարժվում:

— Գուք բորբոքված հրեակայություն ունեք,— ասում էր Շչեպովն, իր խոսքերն ընդհատելով կարճիկ քայլերով:— Եվ ձեր ջղային գրգռվածությունը վախից է, վախից, թե սխալվում եք: Գրողը տանի, ախր Սեմիդոլում ի՛նչ հեղափոխություն է: Չորս ձիթագործաբան և մի ջրաղաց: Պրոլետարիա՛տ:

— Դու ոչինչ չես հասկանում,— բղավում էր Գուրսովը աթոռին վեր-վեր թռչելով:— Մեր խնդիրն է...

— Թող վերջացնեմ: Ահա դուք, ամենապատասխանատու բուլշևիկներդ, շաբաթ օրը հեռացել եք քաղաքից: Գիտե՞ք այնտեղ ինչ է մնացել: Եթե շահավենք ուղմական կոմիսարին, մնացել է նոյի տարվա Սեմիդոլը՝ իր անաղարտ կուսութեամբ: Ամբողջ քաղաքը սողացել է հրեկոյան ժամասացութեան սուրբ աստվածածնա տոնին: Գործկոմում հերթապահ պահակ կնիկը ձեռնոց է գործում, հատուկ բաժնի առջև քնել է կարմիրբանակայինը, իսկ ժողովրդական կրթության բաժնի վարիչը ամանի մեջ կաղամբ է կոտորում կարկանդակի համար: Դեռ լավ է, որ դուք «Իզվեստիան» տպում եք այնպիսի թղթի վրա, որը, ճիշտ է, վատն է, բայց ծխել լինում է: Ահա և ձեզ հեղափոխություն:

— Մեր գործը շարունակ նոր կազրեր է ներգրավում...

— Գրողի ծոցը զնա այդ խոսքերիդ հետ: Ես քեզ ասում եմ, թե այստեղ ինչ կազրեր են:

— Սպասեցեք,— միջամտեց Պոկիսենը,— եթե ես ձեզ

ճիշտ եմ հասկանում, դուք ասում եք, թե Սեմիդուրը հակահեղափոխական է: Դեհ, իսկ հակահեղափոխության դեմ պայքարը նույնը չէ՞, ինչ...

— Վահ, գրողը տանի, այստեղ ի՞նչ հակահեղափոխություն կա: Ճահիճ է, գորտերով լեցուն ճահիճ, ուրիշ ոչինչ: Կոկոսում էին առաջ, կոկոսում են նաև հիմա:

Շչեպովը կանգ առավ, ձեռքերը խաչեց: Նրա հայացքը կայծկլտում էր ոգևորությունից, ձայնը սրված էր, լարված:

— Մարդ ձեզ կողմնակի աչքով որ նայի, իսկական ութսունականներ եք: Սյունյան ավելի նմանվելու համար նույնիսկ մազերն է երկարացրել: Հավաքվել ենք երեկոյան մեր բարեկամի մոտ, խմում ենք կանոնադրությամբ թուլլատրվող խմիչքները, տանտիրուհին պարծենում է իր սունկերով ու թթուներով...

— Օ՞, օ, օ՞,— բացականչեց Պոկիսենի կինը և զայրույթից նրա դեմքը սովորականից ավելի քարացավ:

— Իսկ ութսունականները քրտնում են սկզբունքային բանավեճից:

Գոլոսովը վեր թռավ խայթվածի նման: Ձեռքերը թռչկոտեցին գոտու շուրջ: Նա վերնաշապկի փեշերը ետ էր տանում, ծալքերով հավաքում մեջքի ետևը, ձգելով փորն ու կողքերը, և ետևում ստացվեց պոչիկանման մի բան, որ վեր-վեր էր թռչում շնչին իսկ շարժումից, ինչպես խաղատուտի պոչիկը:

— Դատարկ բան է,— բղավեց նա ոտքը գետնին զարկելով:— Ահա այնպիսիները, ինչպես դու ես կամ էլ Ստարցովը, հենց դուք եք շատախոսություն անում, որովհետև դուք անկյալ, փալաս մարդիկ եք: Մեզ համար ամեն ինչ պարզ է, մենք գիտենք ինչ ենք կամենում, և ուզածդ ճահճում էլ գիտենք, թե ինչ պետք է անենք: Տվեք մեզ թեկուզ ամենաշքշմած գորտերին, միևնույն է, մենք նրանց կդարձնենք այն, ինչ պետք է լինեն: Իսկ եթե նրանց ոչինչ հնարավոր չէ դարձնել, ուրեմն կոշնչացնենք, այո, կոշնչացնենք: Ճահիճը մեզ պետք չէ: Այդ դուք՝ Շչեպովներդ, Ստարցովներդ եք շարունակ այս ու այն կողմ ընկնում ձեր այդ սուտ սկզբունքայնությամբ, շարունակ ուզում եք իդեալականը մոտեցնել իրականությանը: Մենք գիտենք, որ դրանք չի կա-

րելի իրար մոտեցնել, կարելի է միայն մեկը ենթարկել մյուսին: Եվ մենք մեր մեջ ենթարկելու ուժ գտնում ենք: Մենք ետ չենք նայում, չենք վախենում, թե դուք ինչ կասեք մեր մասին, և մեզ համար բոլորովին միևնույն է, թե ինչպես ենք ներկայանում Շչեպովների երևակայությանը: Ութսունականներ: Թբա՛ժ: Մենք չենք վախենում թթուներ ուտել և ամառանոց մեկնել: Իսկ դուք մի քիչ մուրաբա լիզեցիք թե չէ, իսկույն սկսում եք մտածել, իսկ հեղափոխականն իրավունք ունի՞ մուրաբա լիզել այն ժամանակ, երբ... ու սկսվում է: Ահա թե որն է ձեր գերազանցության զգացումը: Միծաղո՞ւմ ես: Ես արդեն քթիցդ տեսնում եմ, թե ինչ ես մտածում. իբր մեզ համար ակնհայտ են այն հակասությունները, որոնց մեջ խրվել են բոլշևիկները, և մեր մոռված մաքուր է: Թքել ենք մենք ձեր մոռվածին: Ինչ ուզում եք մտածել: Յուր կզնանք և առանց մտավորականության ու նրա անարատ մտածողության արտոնագրի: Դա էլ հո սպեցները չեն, որոնք գիտելիքներ ունեն, և որոնք...

Գոլոսովը կանգ առավ, նայեց բոլորին խոժոռ հայացքով, բղավեց.

— Դատարկ բան է,— ու նստեց:

— Ամբողջ մի դեկլարացիա,— ասաց Շչեպովը:

Պոկիսենն ակնոցն ուղղեց:

— Շչեպով, դուք ձեր հումորը դեռ չե՞ք կորցրել: Արդյոք պատճառն այն չէ՞, որ Գոլոսովը ձեզ համար սողանցք թողեց: Ձեր դեմքին մտավորականի գերազանցությունը փոխվեց սպեցի գերազանցության:

— Էհ, իսկ դո՛ւք, դո՛ւք,— հանկարծ բղավեց Անդրեյը, որ այս ամբողջ ժամանակ լուռ էր.— մի՞թե դուք այդ նույն մտավորականները չեք:

— Այն նույն թերուս ուսանողները չե՞ք,— լրացրեց Շչեպովը:

— Սկսեցին: Նույնն են, նույնը միս ու արյունով: Վե՛րջ տուր,— բղավեց Գոլոսովը:

Նա կրկին վեր թռավ, աչքերը կկոցեց Շչեպովի վրա և կամացուկ հարցրեց.

— Իսկ ճի՞շտ են ասում, թե իբր օղաշուն կարող է ինք-

նաթիռն այնպես ցած գցել, որ ապարատը շարդուփշուր լինի, իսկ ինքը ողջ-առողջ մնա:

— Դա ինչո՞ւ ես ասում:

— Ոչ, դու ուղղակի հարցին պատասխանիր:

Շչեպովը ձեռքերը տարածեց:

— Տեսականորեն...

— Ո՛չ, ո՛չ, ոչ տեսականորեն,— պնդում էր Գոլոսովը:

— Որոշ սխտեմների հետ նման դեպքեր պատահել են Թեի վրա ընկնելու դեպքում, օդաչուն դուրս է նետվում, երբեմն մինչև մի քսան քայլ հեռու, մեքենան շրջվում է պրուպելլերի վրա, շարդում է այն, երբեմն կտտրվում է և մյուս թևերը Ընդհանրապես... Սակայն դա ծիծաղելի բան է: Ապարատը դիտմամբ ցած գցե՛լ:

Շչեպովը ձգվեց՝ բարձրահասակ, նիհար, ոսկրոտ մատները դեմ տալով բարակ տաշած տախտակից առաստաղին:

— Վտանգավո՞ր է,— հարցրեց Գոլոսովը, ափի մեկ թաքցնելով աննկատելի ծիծաղը:

— Ես քեզ հասկանում եմ,— խուլ ձայնով ասաց Շչեպովը:— Վտանգը սակայն ոչ այնքան դիտավորյալ ընկնելն է, որքան բացատրությունը, որ հետո կպահանջվեր տալ: Վթարը պետք է պարզ ու որոշակի լինի:

Նա ունկնդրեց իր վերջին բառերը,— ինչպես դրանք հատեցին օդը իր գլխի բարձրությունը,— ու կրկնեց:

— Վթարը պետք է պարզ ու որոշակի լինի:

— Սակայն չե՞ որ այստեղ հարյուրավոր վերստի վրա, քեզնից բացի, ոչ ոք բան չի հասկանում անբուպլանից, և ինչ վթար էլ լինի, դու ուզածիդ պես կարող ես բացատրել,— ասաց Գոլոսովը ափի մեջ:

Շչեպովը ծանր հայացքը սևեռեց նրան ու լռեց: Բոլորը հանկարծ սկզվեցին, շունչները պահած նայում էին չգիտես ուր՝ օդաչուի ու Գոլոսովի արանքում:

— Օ՛հ, տխուր է,— վախեցած հառաչեց Կլավդիա Վասիլենան:

Այն ժամանակ Շչեպովի դեմքն իսկույն հարթվեց ու զվարթացավ:

— Հետաքրքիր մարդ ես, Սյոմա...

Գոլոսովը վեր կացավ, վերնաշաուկի ծալավոր պոչիկը փութկոտ վեր ցցվեց ու դողաց, նա թափահարեց մազերը:

— Ձեզ հետ իրոք որ տխուր է: Գնամ մաուզերս փորձեմ: Ո՛վ կգա հետս: Ռիտա, գնա՛նք:

Ընկեր Տվիրեցկայան հայացքը մեղմորեն դարձրեց Անդրեյին: Նա նստել էր կծկված, հոնքերի միջև մերթ կնճիռներ կուտակելով, մերթ հարթելով, կարծես ուզում էր շարունակ մտքից փախչող ու անորոշ մի բան հիշել:

Գոլոսովը նետվեց դեպի դուռը, զղվանքով ու ցավով մի կերպ իրենից դուրս մղելով:

— Ահ, դե՛հ ձեր Ստարցովին էլ քարշ տվեք:

Ռիտան հարցրեց:

— Ստարցով, ուզո՞ւմ եք:

Նա լուռ վեր կացավ:

Հավանաբար նրա համար բոլորովին միևնույն էր՝ որևէ տեղ գնար, թե մնար տեղում:

Նրա հետ այդ հաճախ է պատահում: Հանկարծ կարծես խլանում է և այդ պահերին լսում է միայն այն, ինչ կատարվում է իր ներսում: Այն ջանքերը, որ ստիպված է թափել նման բուպեներին վախից շճալու համար, նրան փոխում են գրեթե անճանաչելիության աստիճանի: Նրա դեմքը ծովում է, ինչպես մագաղաթը ջրից, նա կրկնում է ինչ-որ վաղուց սովորած շարժումներ, չնկատելով դրանք, ինչպես կոնտուզիայի ենթարկվածը: Նա ենթարկվում է այն ամենին, ինչի նրան դրդում են դրսից, ոչ ընդվզելով, ոչ համաձայնելով, թեև գիտակցությունն առաջվա պես սթափ է: Նա չի կարողանում կտրվել միակ, անհաղորդելի, այն չգիտես ինչ վիթխարի մտքից, որ մի անգամ շճեցրել է ուղեղը:

Նա քայլում է փոքրիկ, իրեն սեղմվող Ռիտայի կողքից: Ռիտան նրան թևանցուկ է արել, և նա արմունկով զգում է աղչյա կրծքի փափուկ ջերմությունը և այդ կրծքի ետևում անհանգիստ բաբախող սրտի զարկերը:

Գոլոսովը քայլում է առչկից, ձեռքերով հեռացնելով ճամփան փակող ճյուղերը: Ականակույր գիշեր է, տորոնի և բալենու թփուտները խիտ են ու փշոտ, սակայն Գոլոսովը

Նամատորեն անցնում է այդ խիտ թիւումների միջով՝ առաջ և առաջ, դեպի սառը մթութիւնը:

— Գոլոսով, զգո՛ւշ,— ասում է Ռիտան:— Ճյուղերն այդպէս մի շարտեք, երևաւ ամբողջովին ճիւղտահարեցիր:

— Իսկ ձեռքերդ ինչի՞ համար են: Ստարցովից պոկվեցեք և ետ մի մնացեք, արագ քայլեք:

— Մենք երկուսով ենք, մեզ համար քայլելն ավելի դժվար է:

— Դե՛հ, ուրեմն, գրողը ձեզ տանի,— բղավում է Գոլոսովն ու ճկուն, կոացած մի կողմ է նետւում, պոկում և տրորում է անանցանելի մացառուտը, հետո թոնում է թփերի մարգերի վրայից, ոչինչ շտեմնելով, զայրացած ու տաք տաք, վառանցանքի նման մի բան մոթմոթալով:

Ռիտան Անդրեյին դուրս է բերում տորոնի խիտ մացառուտից դեպի խնձորենիների նոսր շարքերը, և նրանք ոտքերի տակ զգում են ծառաբների մոտի փխրունացրած հողը: Անդրեյը դանդաղկոտ և առաջվա պէս հնազանդ է Ռիտայի փաղաքուշ շարժումներին: Աղջիկը նրան է սեղմվում գրեթե ամբողջ մարմնով, նա զգում է, ինչպէս է դողում Ռիտայի ազդրը, ինչպէս է ծալվում ամուր ծունկը:

— Դուք մրսո՞ւմ եք:

— Այո:

Աղջիկը ուսը սեղմում է նրա թիակին, հաճախակի ցրնցվում է և քայլերը դանդաղեցնում:

Անդրեյն ուշադիր լսում է Ռիտայի ցաքուցրիվ խոսքերն ու երկար ժամանակ չի հասկանում: Այդ խոսքերը թռչում են կարծես հեռվից, ինչպէս այգիները ջրելու ջրհորդանների կաթիլներն ու ձողփյունը, և ճիշտ ինչպէս կաթիլները, պարուրում նրան փաղաքուշ, մեղմ:

— Դուք այդ զգացե՞լ եք,— հանկարծ լսում է նա:

— Ե՛ս:

— Այո, դուք զգացե՞լ եք:

— Ի՞նչ:

— Երբ երկուսն էլ նույն բանն են զգում, բոլորովին միանման, այնպէս, երբ չկա ոչ մի մտորում, ոչինչ, այլ միայն մի բան... Դուք այդ զգացե՞լ եք:

— Այո:

— Այո:

— Ի՜նչ կյանքում մե՞կ անգամ է պատահում:

— Ի՞նչ:

— Դուք ինչի՞ մասին եք շարունակ մտածում,— լսում է նա կրկին:— Ինչո՞ւ է բախտն ինձ մղում այնտեղ, ուր ես ոչինչ չեմ փնտրում: Գոլոսովն ինձ հանգիստ չի տալիս: Դա մի՞շտ այդպէս է լինում, այո՞: Ոչինչ չեմ հասկանում: Գիտեմ միայն, որ կյանքը մի փոքրիկ պատառ է: Շատ փոքրիկ: Եվ ափսոս է, եթե հենց այնպէս անցնի...

Ռիտան գայթում է, ընկնում, Անդրեյին իր հետ ցած է բաշում: Նա ուզում է աղջկան բարձրացնել, Ռիտան դիմադրում է: Անդրեյը նստում է նրա կողքը:

Այստեղ կրկին սկսվում է տորոնի մացառուտը, և նրա տտիպ բուրմունքը տարածված է շատ թանձր: Գետնի վրա ցուրտն ավելի ուժեղ է ծակում, գետնի վրա այն ավելի ուժգին է և այրող, գետնի վրա մարդկային ջերմութիւնն ավելի ուժգին և ավելի քաղցր է:

— Կյանքում մի անգամ: Ես միայն այդ եմ ուզում, Անդրեյ... Կուրծքս ամբողջապէս այրվում է դրանով, ահա այստեղ:

Նա վերցնում է Անդրեյի ձեռքն ու նրա ծալած մատներն ուժով խրում իր կրծքի մեջ:

— Ցուրտ է, ցուրտ,— շշուշում է Ռիտան:

Անդրեյը լսում է, ինչպէս են նրա ատամները շխլշխկում, ինչպէս է նա ամբողջովին ցնցվում դողից, ինչպէս ատամների շխլշխկոցի միջից լսվում է տաք մի շշուշ:

— Չէ՞ որ ես չեմ մտածում... Դու ինչ ես... ինչ ես, Անդրեյ...

Հետո տորոնի բուրմունքի նման տտիպ մազերը պատում են նրա ականջները, պարանոցը, այտերը, նրա շարժումները կաշկանդվում են դողից, ցուրտն անտանելի է դառնում, և ատամները նույնպիսի անորոշ շշուշ են բաց թողնում, ինչպէս Ռիտայի շշուշը:

— Ո՞վ է մտածում: Մի՞թե կարելի է, երբ... Այսպիսի ցուրտ է... գետինը... Ռիտա...

Նա կտրվեց իր միակ, անհաղորդելի մտքից, վառեց այն իրենից, նա կրկին տեսնում է այն, ինչ իր առջևն է, իր մոտ,

իր հետ: Եվ մի՞թե նա որևէ միտք է ունեցել: Մի՞թե նրա շուրթերի առաջ չէր լողում տաք, խոնավ, փափուկ օղակը, որ նրանից փախել էր ահա արդեն մեկ ամբողջ տարի—տարուց ավելի—հենց այն պահին, երբ ինքը պատրաստ էր հպվել դրան իր շոր, այրվող բերանով: Քնած թե հարթման այդ փափուկ, խոնավ օղակը երերում էր տարածության մեջ կարմիր փոքրիկ նշանակետի նման, և հիմա, նույնիսկ հիմա, այդ ականակույր գիշերին, Անդրեյը տեսնում է նրա տաք կարմրությունը:

— Ցուրտ է... Մարի... մի ամբողջ տարի... Ռիտա:

Օղակը մոտենում է, ավելի ու ավելի է մոտենում այրվող բերանին, ծորում է շուրթերին, կոկորդը խեղդում տոթից, և այդ տոթի միջով հաղիվ լսելի դուրս են մազլցում անիմաստ, բայց այնքան մարդկային խոսքեր:

— Դեհ... օ՛հ: Ա՛խ դու... դո՛ւ, դո՛ւ:

Եվ այդ պահին այդու մյուս ծայրին, թերևս ուրիշ այգում, տտիպ տորոնի մացառուտի մեջ, որ ծածկված էր երկնքի անթափանցելի խավարով, կանգնած էր ընկեր Գոլոսովը, երեսը դեպի վեր, դեպի աստղերը: Աստղերը երկիր էին թափում սառն արծաթ՝ կլոր և մեծ: Գոլոսովը նայում էր աստղերին, կարծես նրանք արտացոլում էին այն իրադարձությունները, որ պետք էր տեսնել:

Հանկարծ նա ցցվեց, մաուզերը գրպանից դուրս քաշեց, երկայն փողն ուղղեց ամենապայծառ և ամենամեծ աստղին, ատամների արանքից ֆշշացրեց:

— Ախ դու... դու, դո՛ւ:

Եվ վերջին «դու»-ի հետ ձգանք քաշեց:

Կրակոցը պատռեց լուսությունը և գլորվեց այգիների վրայով:

— Դում-դում-ո՛ւմ:

Գոլոսովն անշտապ բոլոր փամփուշտներն արձակեց դեպի աստղերը:

Մաուզերը լավ էր գործում:

Գյուղացիները մթություն մեջ քայլում էին խիտ-խիտ և շատ վատահ: Տեղանքը նրանց լավ ծանոթ էր, ամեն մի թուփը շոշափելով գիտեին:

Բոլորից առաջ, ձեռքերը թեթև և արագ շարժելով, իր կողովիկով սլանում էր կեպենդինը: Երբ ծառերը դարձան շիկավուն՝ ամառանոցի պատուհաններից լուսավորված, նա գլուխը շրջեց գյուղացիների կողմն ու հարցրեց:

— Պատուհանը ծեծենք, թե դուռը:

— Այնտեղ կորոշենք:

Տանը մոտեցան կամացուկ, կանգնեցին մորու թփերի մոտ, պատուհանների առջև:

— Հապա մի, ով ավելի երկայնահասակ է, նայեցեք,— ասաց կեպենդինը:

Նարնջագույն պատուհանին մոտեցավ սև, կլոր մի գլուխ: Գյուղացիներն սպասում էին լուռ, առանց շարժվելու:

— Մի նիհարը ման է գալիս: Ակնոցավորը նստած է տիրուհու հետ,— ասաց գլուխը:

— Իսկ նախագահն այնտե՞ղ է,— հարցրեց բարալիկ մի ձայն թփերի ետևից:

— Ընկերներից այստեղ երկուսն են: Մեկ էլ երկու կնիկ:

— Նախագահը կարծիք է, երկար մազերով, նա այնտե՞ղ է:

— Նախագահն այնտեղ պետք է լինի: Բախի՛ր,— ասաց կեպենդինը:

Ապակու վրա երևաց կեռացրած մի ձեռք, պատուհանը երեք անգամ կամացուկ ղնդաց: Մպասեցին:

— Չեն լսում,— ասաց գլուխն ու շրջվեց դեպի թփերը:

— Գուցե առավոտյա՞ն դանք:

— Ինչ առավոտյան, կնպիսի գործ չէ, ծեծի՛ր,— բղավեց կեպենդինը:

Ձեռքը կրկին բարձրացավ դեպի ապակին, պատուհանն ավելի տազնապալի զնգաց, և իսկույն ձեռքն ու գլուխը ետ քաշվեցին մթության մեջ:

Սենյակում պատուհանին մոտեցավ մի մարդ, ոսկե ակնոցը փայլեցրեց, փեղկը բացեց ու նայեց մթության մեջ:

— Սյոմկա, դո՛ւ ես,— հարցրեց նա:

Գյուղացիները լսում էին:

— Ստարոցով,— կրկին հարցրեց մարդն ու, մի քիչ սպասելով, մեջքը դարձրեց մթությանը:

— Երևի Սյոման է կատակում:

Այն ժամանակ թփերի մեջ անհամարձակ հազացին:
Ակնոցավոր մարդը նետվեց դեպի լուսամուտագոգը և
բզավեց:

— Ո՞վ կա այստեղ:

— Ը՛հր, Ը՛հր... մենք, ընկեր, այնպես որ...

— «Գուր» ո՞վ եք:

— Ընկեր գյուղացիները, ուրեմն, այսպես ասած, Ռուչիի
քաղաքացիները, ընդհանրապես:

— Ի՞նչ է պատահել, ընկերներ:

Լեպեհդինը գլորվեց դեպի լույսն ու, սիհնդ հազալով, հայ-
տարարեց:

— Մենք եկել ենք ընկեր նախագահի մոտ, ուզում ենք
ընկեր նախագահին հայտնել ժողովի արդյունքը:

— Ընկերներ, ձեզ հետ խոսում է Պոկիսենը՝ նախա-
գահը...

Նրան ընդհատեցին մթության միջից:

— Էդ մեկը մենք գիտենք: Բայց թե ուզում ենք խոսել
նախագահ Գոլոսովի հետ:

— Գոլոսովը հիմա այստեղ չի, գնացել է:

Թփերի վրայով մի խուլ ծիծաղ անցավ:

— Ընկեր, այդ մեկը դուք սխալ ասացիք: Նա ձեզ հետ
է, միասին: Մենք լավ տեսանք, թե նա ինչպես եկավ:

— Ա՛յ քեզ տարօրինակ մարդիկ, — բացականչեց Պոկի-
սենը: — Ի՞նչ է, ես ձեզ հո սուտ չե՞մ ասում: Գոլոսովը
գնաց այգիները: Ես նրան որտեղի՞ց գտնեմ:

— Զեր կամքն է, իհարկե, բայց...

— Ժողովը վերջնական որոշում է ընդունել, որպեսզի...

— Ի՞նչ, — ասաց Պոկիսենը, պատուհանից դուրս կախվե-
լով: — Ոչինչ չի երևում: Դուք այստեղ շա՛տ եք:

— Եղածը հերիք է, — գոհունակությամբ ծոր տվեց մեկը:
Պատուհանին մոտեցավ Շչեպովն ու խիստ նետեց մթու-
թյան մեջ:

— Ասացեք, ի՞նչ կա:

Թփերի մեջ իրարանցում առաջացավ:

— Թող Ֆյոդորն ասի...

— Ֆյոդոր:

— Հայտարարի, միանգամից...

— Հուպ աուր, ինչպես էն օրը...

— Ընկերներ, — բղավեց Պոկիսենը պարզ ու հատու, ինչ-
պես միտինգում, և ձգվեց մատները հենելով լուսամուտագո-
գին: — Ընկերներ, եթե ուզում եք խոսել գործկամի նախագա-
հի հետ, եկեք վաղն առավոտյան: Հիմա նա դուրս է եկել:
Մենք մինչև վաղը երեկո այստեղ ենք լինելու: Սակայն դուք
կարող եք ինձ հայտնել ժողովի վճիռը, ինչի մասին որ ասում
եք, և ես կհայտնեմ ընկեր Գոլոսովին: Միայն հիմա գիշեր
է, մութ ու ես չեմ էլ տեսնում, թե ով է ինձ հետ խոսում:
Ավելի լավ է վաղը եկեք:

— Մութ գործ է, այդ ճիշտ է, — դարձյալ ծոր տվեց մեկը
կողքից:

Թփերի մեջ կրկին խլիլիլոց առաջացավ:

— Ֆյոդոր, սրան բացատրի, որպեսզի գործը չխառնի...
Ներքևից, կարծես գետնի տակից, թափով մի ձայն թըն-
դաց:

— Ինչպես, ընկեր, դուք մեզ ճառով դիմեցիք, մենք էլ
ուզում ենք ձեզ տեղյակ դարձնել: Թե ինչ դրության մեջ է
մեր կողմերի գյուղացիութունը: Շատ հայտնի բան է, որ
նոր օրենքը հիմնովին փոխել է բանվորական-գյուղացիական
դասակարգի քաղաքացիներից տուրքեր վերցնելու և նրանց
հաց բաշխելու կարգը: Հենց այդ օրենքը, որ ընկերները շփո-
տեն, թաքցնում և պահում են, չեն հայտարարում: Այնպես
որ Սանշինոյի վոլոստի ժողովը, շքավորներն ու մյուս գյու-
ղացիները որոշեցին, որպեսզի ընկեր Գոլոսովից պահանջեն
հայտարարել այդ օրենքը, և որպեսզի հացի բաշխումը հիմ-
նովին փոխեն, ինչպես նաև հրամանով վերացնեն պարենա-
ջողատները: Ի միջի այլոց...

— Սպասիր, ընկեր կամ շղիտեմ թե ով ես, — բղավեց
Պոկիսենը: — Տեսնում եմ, որ ձեր գործը լուրջ է, միանգա-
մից չի լինի հասկանալու: Ես ձեզ մի բան կասեմ: Հացի բաշխ-
ման օրենքը ոչ ոք չի փոխել և ներկայումս չի կարող փոխ-
վել: Սովետական բանվորա-գյուղացիական իշխանու-
թյունը...

Մթությունից պատուհանի վրա թափվեց բազմաձայն մի
տրտուն, որի մեջ էին խրվում սուր ճշոցներ:

— Լը-սել ենք:

— Տեսանք, որ եկավ:

— Հերիք է նախագահին թարքներ:

Պոկիսենն ամբողջ ուժով բղավեց:

— Դուք հո չե՞ք գժվել: Ձեզ ձեր լեզվով ասում են, որ Գոլոսովը գնացել է: Ինչու պիտի մենք մթության մեջ խոսեինք, եթե...

— Սպասիր, սպասիր, ընկեր,— բղավեց Լեպենդինը.— Այստեղ բոլորի խելքն էլ տեղն է: Պետք է հաշտ ու խաղաղ խոսել, լուրջ կերպով, սա քեզ համար գործկոմը չի: Դու լսիր, բանն ինչ է: Մեր տեղերում հաց չի լինում, ավելի շատ բոստան, մեկ էլ այգի: Փորձանք մեր տնտեսության մեջ ինչքան ասես կա. աղբատուօրյուն է՝ գազար, մեկ էլ կարտոֆիլ: Հացի երես չենք էլ տեսնում: Իսկ մեղրից պահանջում են, որ հաց հանձնենք: Հիմա ի՞նչ անենք: Հողը, բանից պարզվում է, ազատ է, գյուղացիներին, իսկ գյուղացին ի միջի այլոց... Շչեպովը Պոկիսենին մի կողմ քաշեց, բռնեց պատուհանի շրջանակից և բղավեց.

— Բարեկամներս, եկեք խոսակցությունը վաղվան հետաձգենք:

Նրան ընդառաջ նետվեց թնդաձայն մի աղմուկ: Շչեպովն ուզում էր պատուհանը փակել, սակայն երկու կողմից շրջանակներին կառչեցին հաստ, ամուր մատներ:

— Այս ի՞նչ բան է,— բղավեց Շչեպովը իր սուր ձայնով:— Բռնություն:

Պոկիսենը կնոջը մի անհասկանալի խոսք ասաց: Կինը պատասխանեց ուռերեն:

— Փակել եմ:

— Իսկ դա արդեն ձեր կամքն է,— բղավեց մեկը մթության միջից:

Եվ անմիջապես գիշերվա մեջ լուծված սև թփերը շարժվեցին դեպի պատուհանները, և պատուհաններից դեպի մթությունն ընկած աղոտ լույսի տակ փայլեցին մի քանի տասնյակ անշարժ աչքեր:

— Ժողովը հրամայել է՝ պահանջել նոր օրենքը, որ պեսսի մեզինից չթարքեն, և ուրեմն պարենջոկատները վերացնել:

Ետևի սենյակում Օտտին տգտզաց, Պոկիսենի կինը նետ-

վեց երեխայի մոտ: Կլավդիա վասիլենան Շչեպովի արմունկը բռնեց և շնչաց.

— Ալեքսեյ, գյուղացիներն են... նրանք մեզ...

— Վերջ տուր,— նրան դարձավ Շչեպովն ու գլխի շարժումով բազմոցը ցույց տվեց:

Պոկիսենը լսեց երեխայի տղտղոցը, նրա դեմքը բարացավ, բթացած հայացքով նայեց դեպի պատուհանը, հետո վճռականորեն առաջ շարժվեց.

— Քաղաքացի գյուղացիներ: Դիմում եմ ձեզ վերջին անգամ: Առաջարկում եմ անմիջապես ցրվել ձեր տները, իսկ վաղն առավոտյան գալ այստեղ՝ ընկեր Գոլոսովի հետ ձեր խնդիրները քննարկելու համար:

Նոր ուժով պատուհանից ներխուժած աղմուկի միջից մի սուր ձայն առանձնացավ.

— Մինչև օրենքը չտաս, չենք գնա:

— Չե՞նք գնա:

Շչեպովը ետ քաշվեց դեպի սենյակի մութ անկյունը, բռնեց պատին հենած կինեմատոգրաֆը, մոտեցրեց պատուհանին և սկսեց ապարատը կարգավորել՝ օբյեկտիվն ուղղելով դուրս, դեպի այգի:

— Լոիր,— շնչաց նա Պոկիսենին:

Աղմուկն սկսեց նվազել: Մթության մեջ կարծես ավելի շատ աչքեր փայլվեցին, և բոլորը սառել մեխվել էին Շչեպովի ձեռքերի վրա, որ ճարպկորեն կարգավորում էին ապարատը: Պարզորոշ լսվեց ժապավենի անվակի մետաղյա ձառնոցը: Շչեպովի շարժումները կենտրոնացած էին և հմուտ:

Այգուց երկշոտ հարցրեցին.

— Այս ի՞նչ ես կարգավորում, ընկեր:

Շչեպովը հապաղեց պատասխանել:

— Սա, բարեկամներս, անթել հեռագիր է: Լսե՞լ եք: Այս այսպես: Համենայն դեպս, ուզում ենք քաղաքի հետ կապվել:

— Ընկեր, դա քո ինչի՞ն է պետք:

— Ինչպես ասեմ...— ծամծամեց Շչեպովը:— Գուցե պետք գա... Մի որևէ շոկատ պահանջներ... կամ էլ...

Հանկարծ լուրջան մեջ ծիծաղ պայթեց՝ լիաթոք, հնչեղ ծիծաղ, և տասնյակ աչքեր գետին խոնարհվեցին: Միծաղում

էր Լեպենգինը՝ փայտե թիակալները դոփելով և դրանք խփելով գյուղացիների ազդերին.

— Ա՛յ թե ծիծաղեցրեց, ա՛յ թե ծիծաղեցրեց ընկերք: Ախր, սա ի՞նչ հեռագիր է: Մեղ մոտ ուղղամաճկատում էս տեսակ մեքենաներով կենդանի մարդկանց սլատկերն էին հանում:

— Ուրեմն, նկարները, հա՞:

— Դե իհարկե նկարները: Ա՛յ քեզ հիմար: Մեկը ծիծաղեց, մի ուրիշը թնդաց.

— Ուզում են վախեցնել...

— Կարծում են կխաբեն...

Հետո ձայները մոռայլվեցին, խլացան և համառ սպառնալիք հասավ պատուհանին.

— Միկնույն է, բաց չենք թողնի:

Փոքրիկ Օտտին, ասես այդ սոլառնալիքը լսելով, բղավեց և սկսեց լալ: Պոկիսները նետվեց դեպի պատուհանը, ձեռքը տարավ գրպանը:

— Ցրը-վե-ցեք, — ասում եմ, — լը-սո՞ւմ եք:

Կլավդիա Վասիլևնան ճշաց ու դեմքը փակեց ձեռքերով:

— Ալեքսե՛յ:

— Լո՛ւր:

— Ա-ա՛խ, այդ-պե՛ե՛ս: Դուք այդ-պե՛ե՛ս, — բղավեց Պոկիսները, կախվելով մթության մեջ:

Եվ հանկարծ հեռվից լսվեց ընդհատուն մի հարված, և առանությամբ պարուրված գիշերվա մեջ խլվեց թնդածայն մի հառաչ.

— Դում-դում-դո՞ւմ:

Ու մի վայրկյան անց՝ կրկին.

— Դում-դում-դո՞ւմ:

Եվ կրկին՝ երեք, շորս... ևս, ևս... կարծես ինչ-որ տեղից, թիկունքից, քաղաքից հրացանածիգներ էին գալիս:

Հազիվ լուսավորված թփերը շարժվեցին, մի սև բան պատուհանից ետ թռավ, հետո ամեն ինչ կանգ առավ:

— Դում-դում-ո՞ւմ:

Պոկիսները ականջ դրեց. փոքրիկ Օտտին դադարել էր լալի ևսկատը սրբեց և ասաց.

— Կեցցե՛ս, Սյոմա, ճիշտ ժամանակին էր:

Նա անկոնցն ուղղեց, նույնց Շչևալովին և ժպտաց:
— Հը՛մ... Հեղափոխություն մեղ մոտ, թերևս, դեռ չկա: Բայց ահա հակահեղափոխություն, ինչպես ասում են, քիչ ու միշ կա:

Լ Ե Ա Ե Գ Պ Ի Գ Ի Վ Ա Ք Ա Ծ Ա Ն

Քաղաք մտան ուշ գիշերով, ինչպես գաղթականներ, ունեցած-չունեցածը սայլերին բարձած, լացող երեխան ձեռքներին, սայլի մեջ ցնցվելուց և մթությունից հոգնած: Ամառանոցը բաց թողեցին:

Գոլոսովն ուղեկցեց Պոկիսների ընտանիքին, մտավ հրշեջների բակը, ձին հանձնեց և գնաց տուն: Նախասենյակում, երբ դայակը դուռը բացեց, ինչպես միշտ, հարցրեց.

— Ոչինչ չկա՞:

— Մի հեռագիր է, ինչ է, — սվավացրեց պառավը:

Մեծ սենյակում, որ կահավորված էր վաճառականական կահույքով, միշտ վառվում էր լամպը, և նրա լույսը երկշտ կերպով լուծվում էր անկյուններում, ինչպես կանթեղի լույսը:

Հեռագիրը բացելիս Գոլոսովը հայացքը սահեցրեց հասցեի վրայով.

Արտաներք Սեմիդոլ գործկոմի նախագահին
Պատեներ հատուկ բաժնի պետին պատեներ զինկոմին:

Նա մատիտով գրոտված թերթը մոտեցրեց լույսին:

Չստուգված տեղեկությունների համաձայն Սեմիդոլի գավառի Պիչեու գյուղի շրջանից դեպի Սեմիդոլ է շարժվում գերմանացիները և շխեթի նախկին գերիներից կազմված բանդա, որին միացել են մորզվացիների կուլակային մասը, ինչպես նաև զինված դասալիքներ կետ բանդան ղեկավարում է գերմանական սպա, որը մորզվացիներին ազիտացիա է անում դուրս գալ տվետական ֆեղեռացիայից կետ ազիտացիան կարող է հող գտնել ոչ գիտակից տարերի մոտ հացի հանձնումից կուլակների դժգոհության պատճառով կետ առաջարկվում է սույնը ստանալով առաջինը կազմակերպել հեղեղյակ երկրորդ անմիջապես պարզել դուրսդուր տեղում երրորդ ռազմա-հեղափոխական միջոցներ ձեռք առնել բանդան վերացնելու համար շորոքայ սյուսնետև մինչև հոր կարգադրությունը ամեն երկու ժամը մեկ հեռագրով հայտնել հեղեղյակի գործողությունների մասին կետ հեռագրով ապստամբությունը պետ է գլխա-

վին չախախտի Սեմիդոյի ուժերով հեղեռնակի անդամների անհա-
նական պատասխանատվությամբ կես գավգործկոմի նախագամ:

Գոլոսովը կանգնել էր անշարժ:

Սենյակը, որ իր հին ձեռով մաքրել-կարգավորել էր կես
կյանքն այստեղ անցկացրած դայակը, շունչը պահել էր,
սսկվել: Այստեղ ամեն բան շատ կանոնավոր տեսք ուներ, և
այն համառությունը, որով իրենց պահպանում էին ծաղկա-
մանները, կահույքի ծածկոցները, պատերի ծեփածո զար-
դարանքները, արտասովոր էր նույնիսկ Սեմիդոյի համար:

— Այսպե՛ս,— ասաց Գոլոսովն ու քաշեց վերնաշապիկը:
Նա հեռագիրը նետեց սեղանին, ծանրացած քայլերով
գնաց մուժ միջանցքով, շոշափեց գտավ խցիկի նեղլիկ դու-
ռը և հարցրեց.

— Դայակ, քնած էր:

— Ի՞նչ էք ուզում:

— Գնացեք մետրանպածին կանչեցեք:

— Դա ի՞նչ բան է:

— Դեհ, գնացեք տպարան, այն, ոնց են ասում...

— Հա, գիտեմ: Էս գիշերով ի՞նչ էք իրար անցել:

— Հենց հիմա գնացեք:

— Դադար շունք, տե՛ր աստված, քո կամքը լինի:

Գոլոսովը մի անհասկանալի և զայրացած բան մլուտաց
սպառնալից, սակայն այդ սպառնալիքի մեջ դայակը լսեց
ծանոթ, քիչ ամաչկոտ ծիծաղը և հարցրեց.

— Իսկ դուռը ետեփցս ո՞վ կփակի:

— Դեհ, լա՛վ, լա՛վ:

Գոլոսովը վառեց սեղանի լամպը, մոտ քաշեց շերտ-շերտ
կտրված թուղթը, կողքով նստեց սեղանի մոտ, կարծես մի
րոպեով միայն, ծխախոտը վառեց և սկսեց գրել: Իրար կպած
խիտ մազափնջերը աչքերին էին կախվել թխկու տերևի նման:
Ձեռքը թղթի վրայով սահում էր արագ, տողերի վերջում վեր
թռչելով, ասես ջանալով բոլոր տողերը շարել թղթի վերին
անկյունում: Նա կրծում էր ծխախոտի ծայրը, սեղանին թքում
թաց թղթակտորտանքը, հետո մի շարժումով դրանք սեղա-
նից հատակին էր շարժում:

Քառորդ ժամից նրա սենյակ մտան Պոկիսենն ու զին-
կոմը:

Գոլոսովը թոուցիկ հաչացր նետեց նրանց վրա, և նրա
ձեռքն ավելի արագ վազեց դեպի թղթի վերին անկյունը:

— Ստացե՛լ ես,— հարցրեց Պոկիսենը:

— Այո: Հիմա կվերջացնեմ:

— Դա ի՞նչ է:

— Դիմում գյուղացիներին:

— Ճիշտ է,— ասաց զինկոմը փնջացնելով: Նա ծանրա-
մարմին էր, լայնաթիկունք, կարմիր դեմքը պեպենոտ էր,
ինչպես քիշմիշով ծածկված կուլիշ:

Գոլոսովը մատիտը նետեց, մի կողմ հրեց գրոտած թղթե-
րը, ասաց.

— Պատրաստ է: Ամեն ինչ հասկանալի՞ է, ընկերներ:

— Անհասկանալի է, թե ինչպե՛ս է գավգործկոմը այդ
պատմությունը մեզնից շուտ իմացել: Խայտառակություն է,—
ասաց զինկոմը:

— Այն բանից հետո, ինչ այսօր ամառանոցում տեղի ու-
նեցավ...— սկսեց Պոկիսենը:

— Հեղեռնակի նիստը հայտարարում եմ բացված,— ընդ-
հատեց Գոլոսովը օտար ձայնով և շոշափեց վերին շրթուն-
քը:— Ընկեր Պոկիսեն, խնդրում եմ քարտուղարություն անել:
Առաջարկում եմ այսպիսի օրակարգ. պատասխանել գավ-
գործկոմին, կազմակերպել հետախուզություն և պարզել կա-
յազորի մարտունակության հարցը, քննել ճամբարում պահ-
վող ռազմագետների ուժն օգտագործելու հարցը, այնուհետև
կուսակցական մոբիլիզացիայի, կոշերի և այն բոլոր հար-
ցերը, որ կծագեն սույն խնդիրները քննարկելիս: Ընդու-
նում եք:

— Գերիների մասին լավ ես մտածել, միայն թե դա հե-
տո, նախ կուսակցականների մասին,— հայտարարեց զին-
կոմը:

— Համաձայն եմ: Ընդունվա՞ծ է: Հարց առաջին: Առա-
ջարկում եմ այսպիսի տեքստ. հեղեռնակը կազմված է, ձեռք
առնված միջոցառումների մասին կհեռագրենք մի ժամից:
Համաձայն եք:

— Ես լրատար եմ բերել, նախասենյակում է:

— Ինչո՞ւ,— հարցրեց Գոլոսովը:

— Նրա համար, որ հեռագիրը հո օդի միջոցով չի՞ թունի:

փոստ, և ընդհանրապես կապ է,— պատասխանեց զինկոմն ու այնպես փնջացրեց, որ սեղանի վրայի թղթերն այս ու այն կողմ թռան:

Նա դուրս եկավ և վերադարձավ լրատարի հետ:

— Այնուհետև,— սուսաց Գոլոսովը հեռագիրը տալով կարմիրբանակայինին,— առաջարկում եմ կաղմել առաջիկա օրերի ռազմական գործողությունների պլանն ու խոսել ընդհանրապես Սեմիդոլում եղած ռազմական ռեսուրսների մասին:

Զինկոմը ձգվեց, մուգ կարմրությունը նրա պեպենները միացրեց-դարձրեց մի մութ կետ, նա հեռոցից խեղդվեց, ասես մի շնչով իննհարկանի սանդուղք էր բարձրացել:

— Ռեսուրսները հայտնի են, իհարկե, ընկերներ... Համահավաք գունդը... մի յոթ հարյուր մարդ... կայազորի վաշտը... Գնդում կարող է մի հարյուր հիսուն սվին լինել... Սակայն... հանդերձանք... և սպառնալիք... դա չկա... Այո-ո... Եվ հետո, ուսուցումն էլ... ուսուցումը նոր է սկսվել...

— Կա՞րձ, ընկեր, դուք ի՞նչ կարող եք դուրս բերել այսօր առավոտյան ժամը յոթին:

— Այդ ի՞նչ ես ասում:

— Իհարկե, քեզ:

— Էլ դուքդ ի՞նչ էր: Առավոտյան յոթին... առավոտյան յոթին մի կես վաշտ կայազորից... պատրաստ կլինի երթի... կեսօրին մի ջոկ համահավաք գնդից... Մյուս կես վաշտը քաղաքին է ծառայում... Ընդհանրապես առաջարկում եմ հայտարարել ռազմական դրություն...

— Զինկոմի առաջարկն ընդունված է: Հետո...

Մի ժամից սենյակը փակ էր, միջանցքում լսվում էին խեղդված ձայներ, պատուհանի տակ ձիու սմբակները փողոցի փափուկ փողին էին դոփում, իսկ բակում ինչ-որ տեղ ձոճոճում ու թխկում էր թուլացած դոնակը:

Գայակը ներս բերեց փայլեցրած ինքնահող և նախշած հաստ դավաթները:

Հեղեռյակի անդամները նստած էին սեղանի առջև իրենց նախկին տեղում, գլուխ-գլխի տված:

Զինկոմը անքում էր հեռոցից:

— Պար-ղեցեք... բնկերներ... Շարժակազմը... ենթակա չէ զինկոմին: Շարժակազմը... ենթակա է...

— Գատարկ բա՛ն է,— ձեռքը թափ տվեց Գոլոսովը:

— Պատասխանատվություն կենտրոնի առջև,— խեղդվում էր զինկոմը:

— Չպետք է մոռանալ մյուս պատասխանատվությունը: Գատարկ բան է: Եթե նպատակահարմար է, ուրեմն կարելի է: Ես պնդում եմ:

— Այն դեպքում երաշխիք տվեք:

— Ի՞նչ երաշխիք: Նա ոչինչ չունի:

— Այն դեպքում պատանդներ:

— Նո՛րից նույն բանը: Ասում եմ քեզ, որ Շչեպովը ոչ ոք և ոչինչ չունի: Նրանից ի՞նչ պիտի վերցնենք: Մենք պետք է սխալ անենք:

— Ռիսկ անենք Շչեպովի հետ... համաձայն եմ... բայց... հը... ապարատը... ինչպես կարող ենք վտանգել, հը... ապարատը:

Պոկիսները կտրուկ հայտարարեց.

— Ես Շչեպովին վստահում եմ:

— Գատարկ բա՛ն է,— բղավեց Գոլոսովը:— Ես սպեցնե-րից ոչ մեկին չեմ վստահում: Սակայն մենք իշխանություն ունենք, և նա հիմար չէ:

Այն ժամանակ զինկոմը գլխի ընկավ և ամբողջապես ցնցվելով օդը բռնելու փորձերից, շնչեց.

— Ներեցեք... իսկ-իսկ այն... իսկ... դերասանուհին... ինչպես է անունը... նա, որ Շչեպովի հետ...

— Հը՞:

— Պատանդ վերցնենք...

Պոկիսները փոթկաց.

— Այն դեպքում... այն դեպքում, եթե Սեմյոնից երաշխիք պահանջվեր, պետք է պատանդ վերցնեինք Ռիտային — հա-հա: Ռիտա Տվերեցկայային:

Գոլոսովը տեղից վեր թռավ, աթոռը նրա տակից դղրդոցով մի կողմ թռավ, նա բորբոքված աչքերը հառեց Պոկիսներին:

— Կատակներիդ վերջ տուր: Նրան կարելի էր վերցնել, եթե Անդրեյ Ստարցովից երաշխիք պահանջվեր:

Նա աթոռը բարձրացրեց, նստեց և համառ, սառը ձայնով արտասանեց.

— Ես ընդունում եմ զինկոմի առաջարկությունը: Եշեպու-
վը սպեց է: Նրա նկատմամբ դա ճիշտ միջոց է: Ընկեր Պո-
կիսեն, օրդեր գրեցեք Կլավդիա Վասիլենային անմիջապես
բանտարկելու համար: Զինկոմին առաջարկվում է որոշել
Շչեպուվի մեկնելու ժամը և օդային հետախուզության առա-
ջադրանքը...

Ու ևս մեկ ժամ հետո արդեն բախում անդադար ճոռում էր
գոնակն ու միջանցքում անզուսպ խոսակցություն էր լսվում.
գերմանական զինվորների դեպուտատների Սեմիդոլի խոր-
հրդի նախագահ Կուրտ Վանը, որպես շորրորդ անձնավոր-
ություն, նստել էր նախկին վաճառականի տան սենյակում:

Կուրտին լսում էին համբերությամբ, երկար սպասելով,
մինչև որ ընտրի և արտասանի ուսերեն բառը: Աչքերը կկո-
ցած, նա մինչ մտքում գերմաներենից կթարգմաներ ասելիքը,
ճակատին մի երակ էր ուռչում:

— Ես չեմ պահում... չեմ հաշվի... ուցիոնալ... հետա-
խուզություն անել... գերմանացի գերի... գերիի համար եմ
չեմ կարող... երաշխավոր լինել... ես մտածեմ հնարավոր...
կամավորների խումբ հավաքել... կամավորներ վաշտ, եթե
գործկոմ ղենք տա... հետո այսօր միտինգ կազմակերպի...
միտինգ ճամբարում... բայց միտինգ ես խոսել չի կարող...
Միտինգ խոսի Անդրեյ Ստարցով... դա... ուցիոնալ...

— Դատարկ բան է,— բացականչեց Գոլոսովը:— Ստար-
ցովը փախսի մեկն է:

— Ի՞նչ կնշանակի փախս:

— Դե փախս էլի, թույլ մարդ... Ընդհանրապես, ինտելի-
գենտ:

Կուրտը գլուխն օրորեց:

— Ձեզ հայտնի չէ, թե ճամբար... ճամբարի տրամադրու-
թյուն... ես կարծում, պետք է խոսի ուս, ոչ գերմանացի...
Անդրեյ Ստարցովը:

— Դուք վստահ եք, որ նրա ելույթը մեղ օգուտ կտա:

— Ես Անդրեյ Ստարցովի բարեկամ: Ես կարող... երաշ-
խավոր լինել նրա համար...

Գոլոսովը ձեռքը մեկնեց Կուրտին:

— Այսպիսով, դուք խոսք տալի՞ս եք օգնել:

— Ես բոլշևիկ,— պատասխանեց Կուրտն ու վեր կացավ:

Կայադորի կես վաշտը Սեմիդոլից դուրս եկավ առա-
վոտյան ժամը յոթն անց կեսին: Նրան ուղեկցում էր զանգի
զիլ զողանջը, որովհետև կիրակի էր, և Սեմիդոլը, ինչպես
անհիշելի ժամանակներից, տոնն սկսում էր աղոթքով:

Առավոտյան ժամը յոթն անց կեսին Ռուչիի բակերից,
կոտուկներով ծածկված կածաններով, ցանկապատերի, շա-
փարների միջով դեպի լայն ճանապարհ էին դուրս գալիս
զուգված կնիկները: Ոմանք պատարագի էին գնում ձիերով,
սալերի մեջ լցրած երեխեքին ու ծծկեր երեխաներով ջա-
հել կանանց: Ծանապարհին փոշու քուլաներ բարձրացան,
երևացին խայտաբղետ սարաֆաններն ու բլուզները: Սակայն
Մանշինը չհասած, կես ճանապարհին, երբ մերկ բլրի ետևից
երևաց զանգակատան փիրուզագույն գմբեթը, Ռուչիի աստ-
վածապաշտները շփոթվեցին: Ծանապարհով նրանց ընդառաջ
էր գալիս զինված հեծյալների մի ջուկ: Երևում էր, ինչպես
ձիավորների մեջքների վեր-վեր էին լռում հրացանները:
Ռուչիցիների առջևից գնացող սալը կանգ առավ, զգուշորեն
ճանապարհից ցած սողաց դեպի դուշտ, հետո վճռականորեն
ետ դարձավ: Երկու-երեք բույս հետո բոլոր սալերը ետ էին
զլորվում դեպի Ռուչի, իրենց թափքերը զորդացնելով և փո-
շու սյուններ բարձրացնելով: Գյուղացիներն ինչքան ուժ
ունեին մտրակում էին ձիերին: Միայն անպատասխանատու
և անվախ կնիկները փոքրիկ խայտաճամուկ խմբերով շարու-
նակեցին իրենց ճանապարհը դեպի զանգակատան փիրուզա-
գույն գմբեթը: Վախեցած գյուղացիներից մեկը, հավանա-
բար, նա, որ ջուկին հանդիպած հենց առաջին սալում էր,
ասաց ցարական ժամանակներից ի վեր չհիշված մի խոսք:

— Պատժիչն՛ր են:

Եվ այն պտտվեց փոշու քուլաների մեջ, մեծանալով տուգ-
նապից, շփոթմունքից, վախից:

Ռուչիում մեկի մտքով անցավ հարցնել.

— Սանշինոյում որտեղի՞ց պատժիչներ:

Սակայն վախը չէր նահանջում.

— Ի՞նչ է, նրանք հո հիմար չեն, որ Սեմիդոլով գան, շոր-
ջանցել են:

— Շրջանցել են:

Եվ տարածվեց ցանկապատերի և շափարների վրայով.

— Երջանցել են:

— Երջանցել են:

— Պատժիչն՝ ըր:

Ստարիչե Ռուչիին սակվեց: Երեխաներին բշեցին խրճիթ-ները, դարբասներն ու փեղկերը փակեցին:

Հեծյալ ջոկատը քայլատրոփ մտավ Ռուչի և կանգ առավ ճանապարհին, գյուղի մեջտեղում: Հեծյալները տարբեր ձևով էին հագնված՝ ու ինչ ուներ, նմանվում էին միաժամանակ և՛ գյուղացիների, և՛ զինվորների, ճիշտ ինչպես համահավաք զնդի զինվորները, որոնց ռուչիցիները տեսել էին Սեմիդոլում: Զիերից իջնելով, նրանք հավաքվեցին հրամանատարի շուրջը, որ նման էր մի արտասովոր հավաքական համազգեստ հագած սպայի: Նա երկար ինչ-որ բան էր նրանց բացատրում, ցույց տալով ճանապարհից դեպի այգիները տանող կածանները, հետո կրկին թռան ձիերին, զույգեր կազմեցին, և այգիները նրանց կլանեցին իրենց փարթամ ճյուղերով:

Հրամանատարը մի բանի զինվորների ուղեկցությամբ քայլատրոփ շարժվեց ճանապարհով դեպի Սեմիդոլ:

Եվ հանկարծ մի տեղ, այգիների խորքում կրակոց պայթեց:

Վայրկենապես դրան արձագանքեց մի ուրիշ կրակոց, և ամբողջ շրջանում, մացառուտների մեջ խրվելով տարածվեց ընդհատուն, շտապ-շտապ հրացանաձգություն: Վախեցած, կրակոցին շնտեղացած ձիերը հեծյալներին տանում էին որտեղով ասես, իրենց տակ տրորելով ցանկապատերը, թռնելով առունների վրայից: Հնարավոր չէր ջոկել, թե կրակոցը որտեղից է գալիս, հեծյալները պատասխանում էին դրան անիմաստ կերպով, կրակելով օդի մեջ, տորոնի և բալենու խիտ թփուտներին:

Ճանապարհի վրա խմբվելով, նրանք մի բանի անգամ կրակեցին այգիների վրա ու խառնաշփոթ մի խումբ կազմած ետ սլացան Սանշինո:

Սեմիդոլի կայազորի կես վաշտը շարտասխանեց համազարկերին, Ստարիչե Ռուչիից ետ թշվեց դեպի քաղաք և դիրքավորվեց թեք բուրներ զրա, երեսները դեպի Ռուչիի այգիները դարձրած:

Ստարիչե Ռուչիին սակվել ու նույնիսկ շունչ չէր քաշում, մինչև որ արևը բարձրացավ, կեսօր դարձավ: Երկինքն այդ պահին արդեն դարձել էր վճիտ, աշնանային օրը պարզվում էր ուժեղ այգացրտից հետո: Եվ այնժամ կեսօրվա լուռության ու վճիտության մեջ մխրճվեց ամբակների կատաղի դոփյունը, և գյուղում խրճիթից-խրճիթ, խառնիխուռն արահետներով և կածաններով մահացու տագնապ սլացավ:

Վախեցած գյուղացիները մոտ վաղեցին սակված խրճիթներին, բռունցքներով ծեծեցին դարբասներն ու փեղկերը, բղավում էին ինչ-որ տազնապալի խոսքեր և վազում առաջ: Խրճիթներում կանանց անտանելի ճղճոց էր բարձրանում, երեխաները ձայնակցում էին նրանց, բակերում մեկ երևում, մեկ անհետանում էին անհանգիստ, ժիր աղջիկները: Մեկ-մեկ, կռացած, ցանկապատերից ու թփերից բռնած՝ գյուղից դուրս էին գալիս տղամարդիկ:

Ժողովը հավաքվեց Ռուչիից դուրս, լերկացած տեղում և ուր լքված այգիներում ցցվել էին սոսկ միայնակ վայրի ծառեր, և շորացած, երկաթյա փշերով հաղարջն էր ցածր, ծակոթ թփերով սողում գետնի վրայով:

Սանշինոյի կողմնուղուց քիչ հեռու, գաղտնկարով ծածկված բարձունքի վրա ձիերից իջան մորդվական մուգ գույնի շապաններ հագած մի խումբ մարդիկ: Խմբի մեջտեղում վայր գլորված խնձորենու վրա նստել էր մորդվական տոնական զգեստ հագած մի մարդ, որ դեմքով նման չէր մորդվացու, աչքերը բաց գույնի էին, երեսը սափրված: Նրա կողքին երևում էր զինվորի խունացած գորշ բաճկոնակը: Թամբած ձիերին սանձերից բռնած պահում էին քիչ հեռու:

Ռուչիցի գյուղացիների հավաքը շրջապատեցին հեծյալ զինվորները, այն բարձունքից քիչ հեռու, որի վրա տեղավորվել էր մորդվացու շորեր հագած մարդը: Հեծյալների հրամանատարն էր արտասովոր համազգեստով սպան:

— Ո՞վ պիտի խոսի ժողովի անունից, — բղավեց բեղավոր զինվորը, ձեռքերը կանթելով և ծուռ սուրը շարժելով:

— Դուրս եկ, շո՛ւտ:

Իրար կիպ սեղմված գյուղացիների խմբից անվստահաբուն դուրս եկավ ցածրահասակ, փոքրիկ աչքերը հոնքերի,

միջ թաղված մորուքավոր մի մարդ: Զինվորը շարժվեց դեպի նա:

— Դիմադրո՞ւմ եք, հա՛մ:

Մորուքավորը մի ոտքից մյուսին հենվեց և աչքերը թարթեց:

— Դի-մա-դրո՞ւմ եք, հա՛մ:

Մորուքավորը երեքաց դեպի զինվորը և բարալիկ ձայնով ուրախացած վրա տվեց.

— Մենք միշտ, ընկեր, բուլճիկների հետ ենք, անպայման, դա մեզ մոտ...

— Հըմ, անպայմա՞ն:

— Անպայման, ընկեր, մի մարդու նման, ամբողջ գյուղը, հիմի, բուլճիկների հետ...

Այն ժամանակ զինվորը սուրը բարձրացրեց և, մորուքավորի գլխավերևը թափահարելով, բղավեց.

— Դե՛հ, ասա, ո՞վ է խառնակիչը: Ո՞վ է խառնակիչը: Դո՞ւ ես: Ասա, դո՞ւ ես:

— Ընկեր, թող որ մի խոսք ասենք, ոնց էդ գործը մեզ մոտ...

— Հըմ, ընկե՞ր:

Միջգյուղյա ճանապարհից արագաշարժ, ամուր ձեռքերի վրա մարմինը ճարպկորեն առաջ նետելով, դեպի հավաքատեղին էր գլորվում Լեպենդինը: Նա սողաց-անցավ գյուղացիներին շրջապատած ձիերի ոտքերի միջից և մոտեցավ մորուքավորին:

Բեղավոր զինվորը կարմրատակած, վիզը երկարացրած բղավում էր մարդկանց վրա.

— Թաքցնո՞ւմ եք խառնակիչին: Դիմադրո՞ւմ եք:

Հանկարծ գյուղացիները հուզվեցին, սկսեցին հաղալ, մի քանի ձեռք երկարեցին դեպի զինվորը, ոմանք գդակները հանեցին ու կրկին դրեցին գլուխներին:

— Խ՛նչ եք երկարացնում: Պապանձվել և՛ք,— բղավեց զինվորը:

Այն ժամանակ մի տասնյակ կոկորդներից միաժամանակ զինվորի վրա թափվեց մի կերպ.

— Լեպենդին...

— Լեպենդինն ամեն ինչ...

— Ֆյոդորը, նա կբացատրի, ուրեմն ոնց...

— Լեպենդինը...

Զինվորը սսկվեց ու հարցրեց.

— Ո՞րն է:

Գլուխներն ու ձեռքերը ցույց տվեցին Լեպենդինին: Նրա չոված աչքերը երկչուղով զինվորից թռան բազմության վրա: Գյուղացիները նրան չէին նայում, ու այդ մարդկանց դեմքերը Լեպենդինին թվացին իրար նման, տաշած տախտակների պես միանման:

Զինվորի ստորին ծնոտը պոկվեց ու կախ ընկավ, նա ապշած նայում էր գետնից դուրս ցցված այդ մարդկային կոճղին:

Լեպենդինի այտերին կանաչադեղնավուն բծեր գուրս տվեցին, դեմքը կնճռոտվեց և գլուխը սովորականից ավելի նմանվեց սեխի:

— Է՛հ,— կոնչաց նա, մի անգամ էլ շփոթված նայելով գյուղացիներին:

Հետո գլուխը թափահարեց և դարձավ զինվորին.

— Այ, ընկեր, թե ինչ բան է: Ինչպես դուք ինքներդ հաճեցիք տեսնել...

Սակայն զինվորը նրա առաջին իսկ խոսքից սթափվեց:

Նա ոտքով բոթեց Լեպենդինի կուրծքն, ու վերջինս կլորահատակ բաղայի նման շրջվեց գետնին:

— Սպասիր,— ասաց մինչ այդ լուռ կանգնած արտասովոր համազգեստով սպան: Նա ձիու գլուխը շրջեց ու սլացավ դեպի բարձունքը, ուր ցած ընկած խնձորենու վրա նստել էր մորդվացու շորեր հագած մարդը: Մարդը վեր կացավ նրան ընդառաջ, մոտեցավ ձիուն, կանգնեց սանձի մոտ և վերադարձավ դեպի ցած ընկած ծառը: Սպան ետ սլացավ դեպի ժողովը:

— Տա՛ր,— ասաց նա բեղավոր զինվորին:

Լեպենդինը դեռևս պառկած էր շրջված բաղայի նման: Զինվորը մոտեցավ նրան և սվինով հարվածեց: Նա մեջքից շրջվեց փորին, արմունկները ծալեց, թիակալները ամրացրեց գետնի վրա և վեր կացավ, նստեց:

— Սողա, գարշելի,— բղավեց զինվորը:

Լեպենդինը կռացավ և ձեռքերը շարժեց: Սակայն նախ-

քան մի քայլ առաջ նետվելը, ևս մի անգամ դարձավ գյուղացիներին, և կրկին նրանց դեմքերը թվացին միանման տաշած տախտակներ:

— Գնա՛:

Բարձունքում կեպենդինը նստել էր բաց գուլնի աշքերով, սափրված մարդու դիմաց, որ մորդվացու շորեր էր հագել: Նա տեսնում էր, ինչպես անհանգիստ շարժվում էր այդ մարդու կիսաբաց բերանը, լսում նրա ձայնը, սակայն ոչ նրա խոսքերը, ոչ էլ մուգ գուլնի շապաններ հագած այդ մյուս մարդկանց խոսքերը, որոնք բղավում էին իր վրա և պատասխաններ պահանջում, նա չէր ջոկում: Կեպենդինը միայն մեղավոր ժպտում էր ու գետնի վրա թիակալից թիակալի վրա հենվում, ջանալով ավելի հանգիստ նստել:

Գորշ, խունացած բաճկոնով զինվորն ու այն բեղավորը, որ քշում էր կեպենդինին, մինչ վերջինս ելավ բարձունքը, արագ մի կողմ քաշվեցին: Կեպենդինի վրա դեռևս բղավում էին և խոսքերի աղմուկն առաջվա նման անհասկանալի էր ու խառնաշփոթ, իսկ կեպենդինը շարունակում էր պատրաստակամ և մեղավոր ժպտալ, երբ զինվորները վերադարձան: Չապաններ հագած մարդիկ նրանց ճանապարհ տվեցին, և կեպենդինը մարդկանց ետևում տեսավ միայնակ ծուռուժուռ խնձորենու ճյուղից կախված մի պարան: Մորդվացու շորեր հագած մարդը թափով վեր կացավ ցած ընկած ծառից, ձեռքը բարձրացրեց ուսին հավասար, առաջ տնկած մատով ցույց տվեց խնձորենին ու մի սուր խոսք ասաց.

Այն ժամանակ կեպենդինը երերաց և բղավեց.

— Եղբայրներ՛, Ախր սրանք գերմանացիներ են: Եղբայր-ներ՛:

Նա ընկավ կողքի և գլորվեց բլրակի տակ, գյուղացիներին մոտ:

Սակայն նրան ոտքերով պահեցին, և ձեռքերից բռնած քարը տվեցին խնձորենու տակ:

Եվ ահա նա սկսեց իր թիակալներով խփել իրեն քարը տրվող մարդկանց ձեռքերին ու ծնկներին: Թիակալները թևերի տակից դուրս քաշեցին: Նա սկսեց կծոտել և հուսահատությունից ճչալ: Սակայն մարդիկ նրան քարը էին տալիս առանց կանգ առնելու, մի կերպ պոկելով հաղարջից, երբ

սրա երկաթյա փշերը խրվում էին նրա հազուստի և մարմնի մեջ:

— Եղբայր-ներ՛:

Կողովիկը, որ կեպենդինի համար ամուր, հարմար կոշիկ էր, պոկվել էր նրա կճատ ոտքերից և փոկից կապված քարը էր գալիս մարմնի ետևից, թփերի մեջ թողնելով լաթերից սարքված իր փորոսիքը:

— Եղբայր-ներ՛:

Կեպենդինին քարը տվեցին խնձորենու մոտ, պարանը մոտեցրին ծառաբնին, որպեսզի ճյուղը ծանրությունից չկոտրվի, և մոտ մի բույս շէր երևում, թե ինչ են անում ճյուղի տակ կոացած մարդիկ:

— Եղբայր...:

Շատ նրանց զլխավերևում ճոճվեց մի անհեթեթ կճատ մարմին, և դրան կպցրած երկար ձեռքերը մեկ-երկու անգամ այս ու այն կողմ ձգվեցին, հանկարծ շտկվեցին ընկան մարմնի երկայնքով, և բուռնցքները սեղմվեցին, կարծես կեպենդինն ուզում էր մի վերջին անգամ ձեռքերով հենվել գետնին:

Մորդվացու շորեր հագած մարդը մատով դանդաղ սպասնաց նախ կախվածին, հետո ժողովականներին, որ լուռ կանգնել էին բլրակի տակ, հեծյալ ջոկով շրջապատված:

Այն ժամանակ գյուղացիների բաղմուժյան մեջ հազիվ լսելի հառաչեցին.

— Անցած լինի, աստված... Դե, Ֆյոդորը, մեկ է, հաշմանդամ էր:

— էհ, տղաս: Ինչ պտուղներ կան մեզ մոտ: Բալ՝ ինչքան ասես: Սալոր կա, էնքան, որ իսկի խոզերն էլ չեն ուտում: Իսկ մարգերը, մարգերը, տղաս, կարմիր են մորուց, մորին էջ գիտե՞ս, ըհը՛, բուռնցքիս շափ: էլ վիխտորիա կա, էլ վաղահաս խնձոր, ինչ ասես. էհ: Իսկ էդ խնձորենիները, ամբողջ ձմեռն ուժում ենք, թթու ենք դնում, շորացնում, ոչ մի կերպ չի պրծնում, էնքան շատ է: Մեր շուկան...:

Այո՛, այո՛, կեպենդին: Այդ ամենից մինչև հիմա էլ ինչքան ասես կա Ստարիյե Ռուչիում...:

Ամենասարսափելի բանն է կանգ առնել որևէ դեմքի վրա, տեսնել օտար աչքեր: Ամենասարսափելի բանն է հանկարծ դգալ, որ ամբողջ կազմված է իրար շնամանվող բազմաթիվ մարդկանցից և որ այդ մարդկանցից յուրաքանչյուրը ուրիշի մտքի անհաշտ թշնամին է, ուրիշի խոսքն ատող Այդպես՝ կնշանակի խայտառակվել:

Պետք է նայել միայն ուրիշի գլուխներից վեր, լսել միայն սեփական խոսքերը, և ոչ թե հիանալ այդ խոսքերով, այլ դրանք նետել կատաղությամբ, որպեսզի մտքին չխանդարեն: Այդպես՝ կնշանակի հաղթանակ:

Ահա ինչպես հիմա, միայնակ, փակ սենյակում — հաղթանակ է: Անդրելը գտավ այն բոլոր բառերը, որ պետք էին տանջահար զինվորներին կրկին ի դեն կոշելու: Անդրելը կազմեց իր ճառը: Ուսումնասիրեց այն: Նա կշռեց յուրաքանչյուր դադարի ուժը: Նա գիտե որտեղ և ինչպես պետք է ձեռք բարձրացնի, որտեղ կանգ առնի և որտեղ ազատություն տա անզուսպ խոսքերին: Անդրելը պատրաստ է:

Սակայն ճամբարի նեղլիկ բարաքում ոչ թե ամբողջ է, այլ բազմաթիվ մարդիկ: Ամեն մեկն իր աչքերն ունի, և այդ աչքերի վրա մոռյլ կախված են խունացած, գնդակներից ծակծկված անհովար պիսարկները: Աչքերը կասկածոտ են, աչքերը հոգնած են և դատարկ: Ի՞նչ է թաքնված այդ դատարկության ետևը: Բլինդաժների ցուրտ խավարը և հոսպիտալների խեղդուկ քաղցրահոտը, քրքրված մտից դուրս ցցված սպիտակ ոսկորները, փշալարից կաթկթող արյունը և խրամատների մզված խոնավությունը: Ինչո՞վ կղարմացնես այդպիսի աչքերը: Նրանք տեսել են ամեն ինչ, գիտեն ամեն ինչ, նրանց ոչինչ պետք չէ, նրանց համար անսահման դատարկ է այս աշխարհը: Բլինդաժների, խրամատների և հոսպիտալների աշխարհը դեռևս այնպիսի բառեր չի հորինել, որոնք լցնեին այս աչքերի դատարկությունը, և այս աշխարհում ոչ մի բան չի վերացնի արյունոտ քամիներից հողմահատված այս դեմքերի անշարժությունը:

Ահա նրանք խմբվել են ցածր, նեղլիկ բարաքում՝ ամբացած, պատերազմի հաստոցի վրա տաշված դեմքեր: Հարյուրավոր տարբեր տրամաչափի ծխամորճներ են խրված նրանց բերաններում, և դեղնավուն, գորշ, կապտավուն քու-

լաները, պոկվելով դեմքերից, թանձրացնում են անհովար գլխարկների վրա կախված ծխածածկույթը: Այդ ծածկույթը կարծես գոյացած լիներ այրվող բալենու տերևից, և թվում էր, թե մոտերքում այգիներ են այրվում:

Գերիները թափ են տալիս իրենց ծխամորճները և ծուլորեն ճանապարհ բացում Անդրելի համար: Նա շտապում է հասնել նստարանին, որտեղից Կուրտը հայտարարեց, թե պետք է ուս մարդ խոսի:

Պետք է ո՞ւր խոսի: Միևնույն չէ՞ արդյոք: Թող խոսի: Երևի պիտի շաղակրատի հեղափոխության և ժողովուրդների եղբայրության մասին: Գրողը տանի, եղբայրություն: Տիֆի ոչիլներից չեն կարողանում ազատվել, իսկ արդեն կես տարի է ամեն օր խոստանում են հայրենիք ուղարկել: Ի դեպ, թող խոսի: Կարելի է լսել: Երբեմն ուսաներն այնպիսի հիմարություն են դուրս տալիս, որ ծիծաղելի է: Իսկ ծիծաղելու առիթ հազվադեպ է լինում, պետք է գնահատել: Թող խոսի:

Այդ խոսքերն են այն ծուռ զինվորի մտքին, որ կանգնած է ուղիղ Անդրելի դիմաց: Նրա դեմքը բրոնզագույն է, և առողջ աչքի ծանր կոպը մեկ դանդաղ իջնում է, մեկ էլ շտապով վեր թռչում, կարծես ուզում է աչքով անել և ամեն անգամ վարանում է:

Միայն թե ճառիդ սկիզբը չմոռանաս, Անդրել, միայն թե շտենես ուրիշի աչքը, որն ահա աչքով կանի և կհիշեցնի, որ իր դատարկության ետևն են բլինդաժներն ու հոսպիտալները, խրամատներն ու փշալարերը: Իսկ ի՞նչ է Անդրելի վախով լցված աչքերի ետևը: Նա պետք է կոշ անի պատերազմել: Իսկ ինքը տեսե՞լ է գոնե մի բլինդաժ: Պատուված ծնկով պանկե՞լ է հոսպիտալի մահճակալին: Գոնե մի գիշեր քնե՞լ է խրամատում: Գուցե նա մկրատով արգելափակոցներ էր կտրում, մինչ իրենց գլխին արճիճ էին թափում: Նա՞ պետք է կոշ անի պատերազմի:

Նվ ահա սսկված բարաքում, ծխածածկույթի տակ, որից այրված տերևի հոտ էր փչում, լսվում է խրախուսիչ մի ձայն.

— Լուցեք, սատանեք: Չի լսվում, թե ուսն ինչ է ասում...

Կարծես զինվորները ծիծաղո՞ւմ են: Սա ի՞նչ է: Մեկը Անդրելի ոտքն է քաշում: Մի՞թե նա վաղուց է բարձրացնել նստարանին: Ինչպես է սկսվում լավ սովորած ճառը: Բրոն-

զազույն դեմքով զինվորը կարծես աչքով արեց իր դատարբ աչքով: Նա ի՞նչ է ծամում: Թխվածք է, ինչ է: Ավստրիական թխվածք:

— Ավստրիական թխվածք,— կամացուկ ասում է Անդրեյը:

— Համեզ բան է,— արձագանքում է մի զինվոր:

Եվ կրկին ծիծաղ: Ծիծաղելու առիթ հազվադեպ է լինում, պետք է գնահատել:

— Ավստրիական թխվածք,— ավելի բարձր ասում է Անդրեյը:

Կուրտն արագ և խեղդված ձայնով մի բան է ասում: Անդրեյը կրծքով մեկ ծուխ է ներքաշում. ծածկույթը տարածվել է նրա գլխին հավասար. նստարանին կանգնած՝ նա այն պահում է, ինչպես սարի կատարը՝ ամպը:

— Ընկերներ, նորերս մեզ բաժանեցին խորհրդում կուտակված ծանրոցները, քանի որ հնարավոր չէր եղել գտնել այն գերիներին, որոնց համար ուղարկված էին: Այդպիսի ծանրոցներ ամենից շատ Ավստրիայից էին ստացվել: Հիմա հիշեցի այդ, որովհետև մի ընկեր Ավստրիական թխվածք էր ծամում: Ավստրիացիները թխվածքի իսկական վարպետներ են:

— Ճիշտն ասած, մեզ մոտ՝ Սաքսոնիայում էլ...— սկսեց մի զինվոր:

— Չայնդ կտրիր, սուրճի մրուր,— խորհուրդ տվեց նրան մի ուրիշը:

— Ես հիշեցի Ավստրիական մի թխվածքի պատմություն և ուզում եմ ձեզ պատմել: Այստեղի խորհրդում մի քանի գերիներ էին աշխատում: Հանգստի ժամին նրանք իրենց համար սուրճ էին եփել: Պահեստից նրանց տվել էին մի ծանրոց, որ հասցեագրված էր ոմն Շմիդտի: Զինվորներն այն կիսել էին իրար մեջ: Եվ ահա գերիներից մեկին այնպիսի շոր թխվածք էր բաժին հասել, որ նա քիչ մնաց ատամները կտրեր: Թխվածքը փշրվեց, բայց զինվորը չկարողացավ կրծել: Այն ժամանակ նա թխվածքը թրջեց սուրճի մեջ և խմորի մեջ հայտնաբերվեց երկու թիթեղիկներից սարքված մեղալիոնի նման մի կլոր բան: Զինվորը դանակով բացեց մեղալիոնը և մի նամակ գտավ: Ես այդ նամակը պահեմ եմ:

Ահա այն, ինչպես որ եղել էր, թիթեղյա մեղալիոնի մեջ, որը մի փոքր ժանգոտել է: Ես ձեզ կկարդամ այդ նամակը: Ահա:

Սիրելի Գուստավ.

Վեց ամիս է արդեն քեզնից ոչ մի լուր չկա, և Լիզբեթն ասում է, որ կարող է պատահել դու արդեն կենդանի չես: Բայց ես չեմ ուզում դրան հավատալ: Գուստավ, չէ՞ որ առանց քեզ ես չեմ կարող ապրել: Անցյալ շաբաթ Հայնրիխ Մեներտը վերադարձավ գերությունից, նրա թևը մինչև ուսը կտրել էին, և նա պատմում էր, որ Սիբիրում իսկի էլ այնքան սարսափելի չէ, որ ամռանը նույնիսկ շոգ է և որ Ռուսաստանում գեռ շատ հաց կա: Նա ասում է, թե լավ է, որ դու Ռուսաստան ես ընկել, որովհետև գերությունը քեզ կպահի մեզ համար, իսկ ռազմաճակատում բանն ավելի վատ կվերջանար: Ես աղոթում եմ միայն աստծուն, որ պատերազմը շուտ վերջանա, որովհետև շատ ծանր է: Սիրելի Գուստավ: Ես շարունակ մտածում եմ, թե մեր գյուղակն ինչպես կերևա աչքիդ, երբ վերադառնաս: Զրադացյան Թոմասի ավագ որդին սպանված է, իսկ կրտսերը՝ Պատուշ, ռազմաճակատից կուրացած է վերադարձել, և Թոմասն այլևս չի աշխատում, այնպես որ, մենք Լյուկենդորֆ ենք տանում աղալու: Փառք աստծո, դա հիմա շատ հազվադեպ ենք անում, թե չէ մեր Գորշուկը գատկից առաջ սատկեց, և հիմա ամեն բանի համար ստիպված ենք ձի վարձել: Այս գարնանը Գորշուկի պատճառով մենք չցանեցինք, մեկ էլ՝ որովհետև հայրիկը անկողնուց վեր չէր կենում: Այսօր հոգիների օրն է, իսկ երեկ՝ հոգեգալստյան տոնին, պատարագի ժամանակ մորաքույր Աննան խելագարվեց: Իրանից առաջ նրա նկարը տրպել էին մեր թերթում, այն առիթով, որ նրա վեցերորդ որդուն՝ Հանսին, նույնպես սպանել էին ռազմաճակատում, ինչպես մյուս հինգին, իսկ նա էլ հենց վեց տղա ոճներ, որի մասին ես քեզ մի երկու անգամ գրել եմ, չգիտեմ ստացել ես թե ոչ: Նա խելագարվեց հենց այն պահին, երբ պատերն ասում էր, որ Աննան հայրենիքի զոհասեղանին է գրել այն ամենը, ինչ աստված պարգևել էր նրան, ու ամբողջ գյուղը լալիս էր: Ներքի ինձ, սիրելի Գուստավ, ես էլ էի լալիս քո

և քո շատ սիրելի եղբոր՝ Ավգուստի համար, որի մասին քեզ գրել էի, թե կրծքից վիրավոր է, և հայրիկի համար, որն այնպես էլ չապրեց մինչև քո վերադարձը: Կիզրեթն ասում է...

Սակայն ընթերցանության այս տեղում բարաքի լուսթյան մեջ Անդրեյին հասավ դողող մի ձայն.

— Ուրեմն հորս թաղե՞լ են:

Անդրեյը լռեց:

— Գուցե Ավգո՞ւստն էլ է մեռել, — ավելի խիստ և ավելի բարձր դողաց ձայնը:

Զգված երկար մատներով մի ձեռք գերիների գլուխների վրայից երկարեց դեպի Անդրեյը:

— Նամակն ինձ տվեք: Չէ՞ որ դա էլզան է գրում:

— Այո, էլզան է գրում, — ասաց Անդրեյը: — Ահա այստեղ ստորագրված է՝ էլզա:

Մխամորձների ծուխը ավելի թանձր ու արագ սկսեց բարձրանալ անհովար գլխարկներից դեպի ծխածածկույթը, տանիքի տակ: Գերիները համախմբվեցին նստարանի շուրջ՝ հանկարծ միանալով և դառնալով անդեմ, սպասողական ամբոխ:

Եվ այն ժամանակ մի սառը բան կարծես բռնկվեց Անդրեյի մեջքին՝ ծոծրակից մինչև կրունկները, և նա հիշեց իր սերտած ճառը, հիշեց նոր ձևով, այնպես, ինչպես երբեք չէր մտածել: Եվ շտեմնելով ոչ դեմքերը, ոչ դժբախտ աչքերի ետևի դատարկությունը, ոչ ծխածածկույթը և ոչ էլ բարաքը, միայն ողողվելով չգիտես որտեղից բռնկված անհասկանալի ցրտով, Անդրեյը՝ դաժան կատաղությամբ լցված դեպի իր խոսքերը, որոնք խանգարում էին մտքին, բղավում էր գլուխների և գնդակներից ծակծկված անհովար գլխարկների վրայով, բղավում այն մասին, թե ինչ պետք է անել, որպեսզի կորած նամակները զուր չփնտրեն աշխարհում կորսված Շմիդտներին...

Հետո Անդրեյն ու Կուրտը խաղաղ մթնշաղիկ կանգնել էին բարաքի բակում, սպասելով գերիներին: Ու երբ բոլորովին մթնեց, բարաքի դուռը բացվեց: Անդրեյին մոտեցավ գինվորը և նրա երեսին փչեց բալնու տերևի հոտը: Մխամորձը

լուսավորեց նրա բրոնզագույն միաշքանի գլուխը: Զինվորը կարճ ասաց.

— Կարող եք հայտնել ձեր խորհրդին. գերիները վճռեցին պաշտպանել բուլշևիկներին:

Կ Մ Ա Յ Ր Ո Մ ա ո ա ջ Ի Ա ա Ա գ ա մ

Ինքնանոր սեղանից չէր իջնում: Խողովակը մի երկար արմունկով մտցրել էին բուխարու մեջ, ածխի զամբյուղը դրված էր կաշուն, կեղտոտ մատնահետքերով ծածկված ամանեղենի կողքին: Թեյը հերթով եփում էին պանդոկից վերցված երկու թեյամանների մեջ ու խմում թունդ, սև, ինչպես յոդը: Վերջանում էր երկրորդ գիշերը՝ անքուն և առանց հանգստի:

Գոլոսովի կոպերն ուռել էին, բիբերը կատվի բիբերի նըման լայնացել, սակայն խամրել էին, հայացքն անհնազանդ էր ու թռչնած: Նա գլուխը բռնել էր ձեռքերով, արմունկները հենած ցեղանին, և պղտոր հայացքը սևեռել Պոկիսենին:

— Ես կգնամ, — խոսքոտ ասաց նա:

Պոկիսենը գունատ էր, քունքերի կապույտ երակները տաքնապալի խփում էին, նա դժվարությամբ էր հանգիստ խոսում.

— Քաղաքն ու գավառը քո վզին են: Զինկոմն այդ գործերից բան չի հասկանում: Թերթը քեզ վրա է, ամեն ինչ քեզ վրա է: Ե՛ս կգնամ:

— Ո՛չ, ե՛ս կգնամ:

— Գիտեմ, որ ավանակ ես: Սովորական ժամանակ դավ հատկություն է: Հիմա պետք է հաշվով շարժվել: Կգնամ ես:

— Դա դեռ կտեսնենք:

— Կտեսնենք:

— Ե՛ս եմ գնում:

— Ո՛չ, ե՛ս եմ գնում:

Պղտոր հայացքը մոտենում է ոսկե շրջանակով հաստ ապակիներով ակնոցին: Հաստ ապակիների միջից սառը փայլում են սպիտակ աչքերը: Դեմքերը մոտենում են դանդաղ և

անսասան, դեմքերը համառ են և մռայլ, դեմքերը ամուր են քարի նման:

— Ե՛ս:

— Ո՛չ, ե՛ս:

— Ինչ եք... ոչխարների նման,— ֆսֆսացրեց զինկոմը՝ սենյակ ընկնելով:

Նա առաջվա պես փնջացնում էր, հետև և քրտինքից փայլփլում, խոսում էր շնչահեղձ լինելով, երկար ժամանակ բերանով որսում օդը: Նա մեկընդմիջտ հոգնել էր կյանքում և այլևս ոչ մի նոր հոգնածութուն, ոչ մի աշխատանք և ոչ էլ անբուն գիշերները նրա տեսքը չէին կարող փոխել:

— Մի ժամից ջոկը պատրաստ կլինի երթի,— ասաց նա՝ թեյ լցնելով:— Համահավաքի վաշտը նրան սպասում է Ստարիյե Ռուշիի մոտ: Առաջադրանքն է՝ առավոտյան ժամը տասին գրավել Սանշինոն:

Նա թեյից մի կում արեց և շրջվեց:

Գոլոսովն ու Պոկիսենը չէին շարժվում: Արյունով լցված նրանց ճակատները գրեթե իրար էին կպչում, շրթունքներն անձայն ցնցվում էին, լուրձ աչքերի մեջ էր ընկել լամպի դեղին լույսը:

— Փո՛ւհ, փո՛ւհ, ս-սատանա: Ձեզ ի՞նչ է պատահել,— փնջացրեց զինկոմը:

Այն ժամանակ Գոլոսովն ու Պոկիսենը նետվեցին նրա կողմն ու, իրար հերթ շտալով, բզավեցին:

— Սրա գլուխը մտցրու, խնդրեմ, որ քաղաքում իմ ներկայութունը բոլորովին էլ անհրաժեշտ չէ:

— Հիմարութուն է, դատարկ բան: Այապիսի ժամանակ թողնել հատուկ բաժինը...

— Սպասիր:

— Եթե խոսքը վերաբերեր...

— Սպասիր, ես ասում եմ, որ...

Զինկոմը ձեռքերը թափահարեց:

— Բավական է: Հասկացա, հասկացա:

Նա մի կողմ քաշվեց, նստեց բազկաթոռին և գրպանից հանեց ծխախոտատուփը:

— Ձեր վեճով զբաղվելուց առաջ,— ասաց նա ֆսֆսացնելով և ծխախոտը ծխելով,— ընկերներ, ես ձեզ պետք է

հաղորդեմ մի որոշում: Ըստ իմ զեկույցի, կոմիտեն ջոկի կոմիսար է նշանակել ընկեր Պոկիսենին...

Գոլոսովը ետ թռավ դեպի պատուհանը և մեջքը դարձրեց զինկոմին: Պոկիսենն ուղղեց ականոցը:

— Ասում ես՝ ջոկը մի ժամի՞ց է դուրս գալու:

— Գրողը տանի,— բղավեց Գոլոսովն ու նետվեց դեպի գուր:— Ես տպարանում կլինեմ:

Կրունկները շփակացնելով ղնդուն հատակին, նա թափով քաշեց դռան բռնակն ու դուռը բացեց: Հետո մի պահ կանգ առավ, կտրուկ շրջվեց և մոտեցավ Պոկիսենին:

— Հաջողութուն, Պոկիսեն,— ասաց նա:

— Ցտեսութուն, Սյոմա:

Նրանք երկու անգամ ամուր սեղմեցին միմյանց ձեռք, և Գոլոսովը դուրս թռավ սենյակից:

Նախասենյակում դիպավ դայակին: Սա գնում էր մոմը բռնած, և թրթռուն լույսը դողդողում էր նրա կնճռոտ այտերին: Դայակը բռնեց Գոլոսովի թևքից և ծերունական շշուշով հարցրեց.

— Ինքնատեղ եփո՞ւմ է:

— Ի՞նչ է որ:

— Ուզում եմ ասել՝ դու շո՞ւտ կվերադառնաս, տաքացնեմ, թե ոչ:

— Է՛հ,— ձեռքը թափ տվեց Գոլոսովը:

Դայակը շտապով ձգվեց դեպի նա և հին դավադիրի նրման, որ տեղյակ է բոլոր գաղտնիքներին, խստությամբ հարցրեց.

— Գլուխ կհանե՞ք, հը՞:

Այն ժամանակ Գոլոսովի դեմքին ջերմ ժպիտ երերաց, և նա այն ծածկեց ձեռքի ափով՝ իր սովորական ամաշկոտ շարժումով:

— Գլուխ կհանենք, դայակ,— ասաց նա և բակ վազեց: Լուսաբացին, լամպերից ծխով լցված տպարանում ընկեր Գոլոսովը ավարտում էր «Բանվորներին, գյուղացիներին և Սեմիդոլի բոլոր ազնիվ քաղաքացիներին» ուղղված հեղեփայլի կոչի շարվածքի ընթերցումը:

Ճակատից կախ ընկած մազերն ավելի ու ավելի էին թափվում թղթի վրա: Մատիտը դողում էր նավթի հոտ ար-

Ճակեղ հասաւ, ծուռ տառերի շարվածքի վրա: Կոշի վերջին բառերն այսպէս էին շարված.

**Կեցցեք բանվորների և գյուղացիների հաղթանակը
ամբողջ աշխարհում:**

Գոլոսովը մատիտի բթացած ծայրը ուղղեց «ձ» տառին, սակայն երկար ուղիղ մագերը ծածկեցին հանկարծ իրար խառնված տողերը, և գլուխն ընկավ ձեռքին: Գոլոսովը մի բան մոթմոթաց և գլուխը գցեց սեղանին:

Մետրանպածը զգուշութեամբ շարվածքը դուրս քաշեց գործկոմի նախագահի փրշոտ, անշարժ գլխի տակից:

Իրարանցման երրորդ օրը, երկուշաբթի, անձրևոտ մթնշաղիւն Սեմիդոլից վերադարձան ռազմական օդաչու Շչեպովն ու դիտորդը: Նրանք եկան ռաբոլ, թրջված, պատուոված շոքերով:

— «Նյուպորն» ո՞ւր է,— մի կերպ արտաբերեց զինկոմը, հենց որ սրանք երևացին խմբագրութունում:

Շչեպովը փլվեց աթոռին, սկսեց սապոգներն արձակել:

— Նստում էի, որ հետախուզութուն չի կարելի սկսել, առանց երկրորդ փորձնական թռիչքի: Այդ հին կրկնակողշիկը...

— «Նյուպորը», «Նյուպորը»,— շնչահեղձ էր լինում զինկոմը:— Դուք այն այրեցի՞ք:

— Մտրովս էլ շանցավ:

— Խելագարվե՞լ եք, ինչ է, գրե՛լը տանի...

— Ընդունեցեք զեկույցը:

— Խոսեցեք, գրողը...

Այն ժամանակ դիտորդը ուղղելով աչք ձեռքի կեղտոտ վիթակապը, ձախով ծոցից հանեց տեղանքի գծագիրն ու գրեց տեղանին: Զինկոմը փնջացնելով կոացավ ճարթված թղթի վրա:

Հետախուզութունը պարզել էր, որ հակառակորդը կուտակվել է Սանշինո գյուղի շրջանում, ոչ անտառոտ տեղանքում: Հակառակորդի ուժը բաղկացած էր ոչ մեծ հետիոտն ջոկերից, որոնց թիվը երեք-չորս վաշտից ավելի չէր: Պահակակետերը հրաձիգների ընդմիջվող շղթայի ձևով ձգվում էին ճանապարհի երկայնքով մինչև Ռուչիի այգիները: Ստա-

րից Ռուչիի շրջանում զորամասերի դիրքերը հետախուզութունը չէր կարողացել որոշել: Ըստ դիտորդի ենթադրութեան այգիներում թշնամիներ չկային, քանի որ Սանշինոն ընկած էր տեղանքի վրա իշխող բարձունքի վրա: Պարզել էին, որ անմիջապես դրա ետևը գտնվում է թշնամու գումակը: Հեռավոր թիկունքի հետ թշնամին կապ չունեք, և Սանշինոյից հետո՝ տասնհինգ-քսան վերստ հեռավորութեամբ, ոչ ճանապարհին, ոչ էլ նրան հարող արահետների վրա ոչ մի շարժում չէր նկատվում: Հակառակորդը հրետանի չունեք, և ամբողջ գումակը կազմված էր պարենային սայլերից: Հակառակորդի թևերը պաշտպանված չեն: Թռիչքի ժամանակ հետախուզութեան համար նպաստավոր լուսավորութուն էր հետախուզութունը կատարվել է չորս հարյուր մետր բարձրութունից, կիրակի օրը, ցերեկվա ժամը երկուսի մոտերքը:

— Այսինքն, հիմա մեզ համար ոչ մի արժեք չունի,— ասաց Գոլոսովը:

Զինկոմը փնջացրեց.

— Ընկեր, դուք այստեղ հազար ու մի ենթադրութուններ եք անում Ռուչիի կապակցութեամբ: Դա մեր գործը չէ: Մնացածում զեկույցը չի հակասում այլ ճանապարհներով ստացված տվյալներին: Դե՛հ, հետո՞:

— Կզեկուցի օդաչուն:

— Ա՞յդ է բոլորը,— բացականչեց Գոլոսովը:

— Ոչ բոլորը,— ասաց Շչեպովը, արձակելով կաշվե գոտին և բաճկոնը:

Նա շապիկի տակից հանեց չորս տակ ծալած թղթեր, նետեց սեղանին, սակայն իսկույն էլ ծածկեց ափով:

— Սպասեցեք, ընկերներ, մի ըրոպե համբերեք: Ուսումնասիրելով հակառակորդի դիրքավորումը, դիտորդն ինձ նշան արեց վերցնել ութ հարյուր մետր բարձրութուն և ընթանալ ճանապարհի ուղղութեամբ: Մոտավորապես քսան կիլոմետր անցնելուց հետո շարժի՛ր պայթեց: Նստեցի՛ր փակեցի և սկսեցի սահասավառնել: Մի ըրոպեից փորձեցի բենզինը բացել, և շարժի՛ր միացրի: Զորս պայթյուն, մեկը մյուսի ետևից: Բենզինը փակեցի և սկսեցի իջնել, ուղղութունը բռնելով ճանապարհից դեպի աջ: Սավառնելով իջա՛մի բացատում, որ ճանապարհից ծածկված է մատղաշ կազ-

նուտով: Շարժիչը դարձրի հակառակ կողմը, րպեսզի ստուգեն սեղմումը: Երկու գլանի մեջ բաց թողնող փականները բանի պետք չէին: Բանն այն է, որ փորձնական թռիչքը հենց պարզել էր, որ...

Գոլոսովը դեմքը ձեռքերով ծածկած հռհուում էր: Նա ցնցվում էր ծիծաղից, ինչպես անտանելի ցավի նոպաներից, և նրա լսալշայի նման իրար կպած մազերը ցնցվում էին խփվում ձեռքերին:

Շչեպովը շտկվեց և բղավեց.

— Ի՞նչ է պատահել, Սյոմկա: Ես գործի մասին եմ խոսում...

— Գործի մասին... հա-հա... գործի մասին, որից շուրջ հարյուր վերստի վրա քեզնից բացի ոչ ոք բան չի հասկանում: Վթարի մեջ պետք է պարզություն լինի, հը՞: Հա-հա...

— Իսկ «Նյուպորը», «Նյուպորն» ի՞նչ եղավ, — կրկին անհագստացավ զինկոմը:

— Այսպիսի վերաբերմունքի դեպքում ես չեմ կարող ընկեր...

— Ոչինչ, մի գայրացեք, Շչեպով, — ասես ուժասպառվելով, հառաչեց զինկոմը:

Շչեպովը մոթմոթաց.

— Մաղրոժանակ է: Զգիտես ինչ մոգոնեց կլավդիա վախլենայի գլխին, հիմա էլ...

— Հա-հա: Հիմա՞ր: Պարզ խոսիր:

— Մի խոսքով... Դեհ, մի խոսքով հո ես չեի կարող պահեստային փականներ ստեղծել: Շարժիչից հանեցի այնպիսի մի մաս, էհ, գրողը տանի, այնպիսի մաս, առանց որի շարժիչն ընդհանրապես, — մի խոսքով մենք ապարատը թողեցինք վայրէջքի տեղում:

— Որպեսզի թշնամին այն այրի՞:

— Թշնամին կարող է և շայրել, որովհետև այնտեղ ոչ մի թշնամի չկա: Իսկ եթե մենք այրեինք, ապա մեզ մոտ...

— Հետո, հետո՞:

— Մենք շրջանցեցինք, անտառով գնացինք Լեբեժայա: Բանդան շարաթ գիշերն այնտեղ էր անցկացրել, բռնագրավել էր ձիերն ու շարժվել դեպի Սանչինո: Գյուղացիները թաքնվել էին խրճիթներում: Մարզային գործկոմը փակ էր

և դռանը մի թուղթ էր փակցված, ստորագրված... Ահա, նայեցեք:

Շչեպովը բացեց թուղթը:

Կոչը գրված էր ձեռքով, վատ, հավանաբար ինքնաշեն թանաքով, տպագիր տառերով:

Ռուս գյուղացիների.

Մորզվական ժողովուրդը, որ դարեր շարունակ տառասել է ցարական սատրապների լծի տակ, ապստամբել է հանուն իր անկախության և ազատության: Ռուսական հեղափոխությունը, որ ազդարարեց ճնշված ժողովուրդների ինքնորոշման իրավունքը, փաստորեն որոգայթ էր դյուրահավատ հասարակ մարդկանց համար: Հեղափոխությունից հետո էլ, ինչպես մինչև այն, պետական պաշտոնյաները զինվորների օգնությամբ ստրկական ենթակայության վիճակում են պահում այլազգի ցեղերին:

Մորզվացիների հացը խլում են, ուժով գորահավաք են անում, բռնադրավում են անասունները, հաշվի չառնելով ոչ ժողովրդի կամքը, ոչ էլ այն աղետալի վիճակը, որ գոյություն ունի մորզվական գյուղերում:

Ռուս գյուղացիներ: Բոլորը գիտեք, թե որքան խաղաղ ու աշխատասեր հարևան է մորզվական ժողովուրդը: Այն անմոռնը դիմացել է ցարական դրածոների բոլոր ծաղր ու անարգանքին, գիտակցելով, որ ռուս մեծ գյուղացիությունը նույնպես իր հետ միասին դիմանում է ցարական լծին: Սակայն մորզվական ժողովրդի համբերությունը սպառվել է: Նա հասկացել է, որ եթե ազատությունն ուժով չխլի կեղեքիչներից, ապա իր վիճակը սոսկալի կլինի: Եվ ժողովուրդն ապստամբել է:

Մորզվական ժողովուրդը տեսնում է, որ ռուս մեծ գյուղացիությունն էլ խաբված է հեղափոխականների կողմից այնպես, ինչպես ռուսական արյունարբու ցարի տիրապետության տակ գտնվող մյուս բոլոր ժողովուրդները: Մորզվական ժողովուրդն ուրախությամբ կօգնեք իր եղբայրներին՝ ռուս մեծ գյուղացիությանը, սակայն նա թույլ է, և ինքը կարիք ունի օգնության: Նա կոչ է անում ռուս գյուղացիներին՝ եղբայրաբար միասին ապստամբել ճնշման դեմ և հավատում

է, որ համատեղ ուժերով դժվար չի լինի հողագործի և աշխատավորի ուսերից դեն նետել բուշեիկյան լուծը:

Մորդավական ժողովուրդը պայքարում է իր բախտն ազատ սնօրինելու իրավունքի համար: Նա չի խառնվում ոուս մեծ ժողովրդի գործերին, սակայն զենքի ուժով պահանջում է, որպեսզի բուշեիկյան իշխանութունն ընդունի նրա իրավունքը հողի, հավատի, անկախութեան և մյուս ազատ ժողովուրդների հետ իրավահավասարութեան հարցում: Մորդավական ժողովրդի ազատագրութեանն օգնում են անշահախընդիր բարեկամները, որոնք կազմել են մորդավական աշխարհազոր՝ բուշեիկյան դեմ պայքարի համար:

Ռուս գյուղացիներ, Օգնելով մորդավական աշխարհազորին, դուք օգնում եք ինքներդ ձեզ, քանի որ նա պայքարում է ձեզ ճշողների դեմ:

Մորդավական ժողովուրդը ձեզ կոչ է անում՝ համախըմբվել իր դրոշի ներքո, որը խաղաղութուն է բերում բարեկամներին և մահ՝ նրա թշնամիներին:

Մորդավական ժողովրդի ազատութեան բարեկամ, աշխարհազորի հրամանատար

մարկգրաֆ ֆոն ցուր Մյուլեն-Շենաու:

— Սրիկա՛,— ֆշացրեց զինկոմը, կարծես շոգից իրեն հով անելով թերթով:

Գոլոսովը մազերը խառնշտորեց, հետո աչքերը կկոցեց, կծկվեց, ասես պատրաստվելով թոխչքի:

— Այս թղթերը ամեն մի հետախուզութունից թանկ են: Հիմա մենք նշանակետ ունենք:

— Լեբեժայկայից մենք զնացինք... — ուզեց շարունակել Շչեպովը, սակայն Գոլոսովը նրան թույլ չտվեց խոսել:

— Դատարկ բան է: Ամեն ինչ պարզ է: Մնացածը՝ ուղղձական օղաչուի արկածները քաղաքացիական պատերազմում: Դու մեզ այդ մասին մի օր կպատմես, երբ նստենք սունկ և թթու անուշ անելու...

Նա ափով ծածկեց ժպիտը, հայացքը հառեց Շչեպովին և անսպասելիորեն հոգատար լրջութեամբ հարցրեց.

— Առո՞ղջ ես: Ինչո՞ւ ես դողում:

— Սառել եմ,— ասաց նա:— Ուզում էի հետդ խոսել այն...

— Գիտեմ,— Գոլոսովը նրա խոսքը կտրեց:

Սեղանից մի թղթի կտոր վերցրեց ու մատիտով մի քանի խոսք գրեց:

— Սրա՞ մասին,— հարցրեց նա, թուղթը տալով Շչեպովին:

Շչեպովը նայեց, խնամքով այն ծալեց ու դրեց գրպանը:

— Այո: Համաձայնիր, որ դա հիմարութուն էր:

— Դատարկ բան է: Գնանք, քեզ բան տամ տաքանաս,— ասաց Գոլոսովը:

Նրա շուրթերին արդեն ժպիտը պիտի ցնցվեր, սակայն ինքն այն աղավաղեց համառ ծամածռութեամբ, բռնեց Շչեպովի և դիտորդի թևքերից ու քարշ տվեց դուռն մոտ:

Հազիվ էին մոտեցել դուռնը, երբ այն բացվեց: Յեխտաված լրաբերը նրանց ընդառաջ եկավ:

— Ի՞նչ է պատահել, ընկեր,— հարցրեց Գոլոսովը, մի տեսակ վրա տալով:

— Համահավաք վաշտի կոմիտար ընկեր Պոկիսենը գրոհի ծամանակ... Սանչինոյի վրա գրոհելիս...

— Հը՞:

— Ընկեր Պոկիսենը սպանվեց:

Շչեպովն զգաց, ինչպես իր թևքից, որից բռնած նրան քարշ էր տալիս Գոլոսովը, մի բուրժ ծանրութուն կախ ընկավ:

Այդ ժամին ընկեր Պոկիսենի կինը նստել էր սայլակի մոտ, որի մեջ պառկած էր փաթաթված փոքրիկ Օտտին:

Օտտին երկար ժամանակ չէր քնում և նայում էր մորը իր հսկայական կաթնագույն աչքերով:

Գուցե նա հասկանո՞ւմ էր, թե մայրն ինչ է երգում:

Մոր դեմքը քարացած էր, սառած, ծնոտներն ու այտոսկրերը տափակ, և միայն երկար բերանն էր շարժվում, ցույց տալով ամուր, դեղին ատամները:

— Փոքրիկ Օտտի, դու դեռ չգիտես, թե ինչ պարեր են թռչկոտում աղջիկները Խեպո-Յարվիի ափին: Դու դեռ չես քնել նրանց երգերի տակ, և նրանք դեռ քեզ համար սոճու կոներ չեն բերել, դու դեռ շատ, շատ պատլիկ ես, Օտտի:

— Պատլիկ Օտտի: Դու այդպես էլ չես տեսնի Խեպո-Յարվի լճի աղջիկներին: Եվ նրանք քեզ համար երգեր չեն երգի ու

ստճու կոնիք շեն բերի, ու դու չես օրորվի նրանց հետ ճոճա-
նակում, երբ մեծանաս, դառնաս մեծ Օտտո:

— Պատլիկ Օտտո: Դու դեռ չգիտես, որ հայրդ բուշեկի է,
և որ բուշեկիներն ավելի լավ է կին ու երեխաներ շունենան,
որովհետև նրանց տեպո-Յարվին հեռու է, և ով գիտե՞ կտես-
նե՞ն դա արդյոք նրանց կանայք, կհասնե՞ն դրան նրանց երե-
խաները:

— Պատլիկ Օտտո, դու դեռ չգիտես, որ մայրդ դժբախտ է,
որովհետև քո հայրը պատերազմում է, և որովհետև պատե-
րազմի վերջը չի երևում, ու ոչ ոք չգիտի՝ հայրդ ետ կգա՞ թե ոչ:

— Սակայն, պատլիկ Օտտո, եթե հայրդ պատերազմից
ետ չգա, ու եթե մայրդ էլ մեռնի վշտից ու կարիքից ու ոչ ոք
այլևս քեզ համար չերգի տեպո-Յարվի մասին, խոստացիր
ինձ՝ հենց օրորոցիցդ, խոստացիր պատլիկ Օտտո, վրեժխնդիր
լինել հորդ և մորդ համար:

— Որովհետև նրանք սիրում էին քեզ, պատլիկ Օտտո,
որովհետև նրանք սիրում էին իրենց տեպո-Յարվին:

— Խոստացիր վրեժխնդիր լինել:

Նա դադարեց երգել ու քարացած դեմքը կախեց սայլակի
վրա, սպասելով պատասխանի:

Փոքրիկ Օտտին աչքերը փակեց:

Փոքրիկ Օտտին քնած էր:

Նկուղից, որտեղ նստած էր Սեմիդուլի թատրոնի հերոսու-
հին, երկու ճանապարհ կար: Մեկը տանում է դեպի Սեմի-
դուլի փողոցները, Սեմիդուլի կցաշենքերը, ինքնաեռները,
պատկերախորշերն ու ծալովի սրբապատկերները, և Սեմիդուլը
նկուղից թվում էր անսահման մի լայնարձակություն, իսկ նրա
խրճիթներն իրենց սրբապատկերների դարակով՝ ավետյաց
ապաստարան:

Մյուս ճանապարհն անցնում էր բանջարանոցով, այնու-
հետև ճահճի վրայի ուռնու թփուտներով, ձիթագործարանի
մոտով և հետո՝ ցաք ու ցրիվ քուսպերի վրայով, ամայի տե-
ղով դեպի հեղեղատը, իսկ դեպի հեղեղատ ավելի շատ մարդ-
կային ոտքեր էին քայլում, քան ետ էին գալիս այնտեղից:

Այդ պահին Կլավդիա Վասիլենային հանձնեցին մի տոպ-
րակ, մեջը՝ հաց, յուղ, խնձոր, մի կտոր եփած խոզի միս, մի

տասը հատ սալոր: Այդ նվերը դերասանուհիներն էին հավա-
քել և շէին մոռացել տոպրակի մեջ դնել մի տուփ ծխախոտ
և մի տուփ էլ լուցկի:

Երկու աչք՝ փայլիլուն, աշխույժ, վառվեցին նկուղի մթու-
թյան մեջ, և տոպրակը ճոռաց տախտակամածին, Կլավդիա
Վասիլենայի ծնկների մոտ:

— Ծնորհավորում եմ ձեր ստացածը, քաղաքացուհի
Սիախոտ չէի՞ք հյուրասիրի:

Կլավդիա Վասիլենան լուցկին շոշափեց, չրթացրեց: Տու-
փի վրա լուսավորվեց կանաչավուն հետքը, կապտադույն բո-
ցը ֆշշաց ու ոստոստաց լուցկու վրա:

— Ահա, ծխախոտը վերևում է, — ցույց տվեց ժիրաչյան
կրակը դեղնեց, մեծացավ և լուսավորեց դարչնադույն
նեղիկ դեմքը, հետո արագ հանգավ:

— Ծնորհակալություն:

Ստեփան դուռը փակելով, ժիրաչյան մխիթարելով ծոր տվեց.

— Ոչինչ, քաղաքացուհի դերասանուհի, քիչ մնաց...

Քի՛չ:

Իսկ հետո՞:

Մի՞թե ծնկները կսկսեն դողալ, ինչպես բեմում, երբ եր-
կու փորձից հետո նոր դեր ես կատարում, և մի՞թե ուժ չի
ունենա ժպտալու մթության մեջ, ինչպես բեմից, որպեսզի
նայեն դեմքին, ոչ թե ծնկներին: Ի դեպ, Կլավդիա Վասիլե-
նան բեմեղրից լուսավորված չի լինի, և ոչ ոք չի նկատի, թե
որքան անհաստատ են նրա քայլերը: Գիշերը մութ կլինի, և
նա կգնա բանջարանոցով, հետո ուռնուտներով կանցնի
ճահճը, կանցնի ձիթագործարանի մոտով, և հետո՝ ցաք ու
ցրիվ քուսպի վրայով և ամայի տեղերով: Հեղեղատից ոտքերի
տակ կսողոսկա ցուրտը, և Կլավդիա Վասիլենան կողզա հեղե-
ղատի եզրին, ինչպես հիմա նկուղում, ավելի ուժեղ, քան հիմա:

Ո՛չ, ո՛չ:

Մի՞թե քիչ է մնացել:

Քիչ է մնացել մինչ այն պահը, երբ դուռը կբանան, և
մի դուռ, ևս, ու հետո հրացանը ձեռքին պահակի մոտից դուրս
կթողնեն դեպի Սեմիդուլի փողոցները, տների և խրճիթների
ձուռտիկ շարքերը: Կլավդիա Վասիլենան կնետվի այն կողմ,
ուր քամին կտանի, գուցե իր փոքրիկ սենյակը՝ պատկերա-

խորշով, գուցե թատրոն, դերասանների մոտ, որոնք չէին մուսացել ծխախոտ և լուցկի ուղարկել, գուցե Շչեպովի մոտ:

Շչեպովը նրան կղիմավորի իր հոգնած ժպիտով, ու նրա աչքերում թախիժ կերևա: Նա կծիծաղի, լսելով, թե ինչպես է Կլավդիա Վասիլենան դողացել նկուղի խոնավության մեջ, դողացել այն մտքից, որ նշանակետ է լինելու հեղեղատի եզրին: Նա տասներորդ անգամ կխոսի այն մասին, որ հեղափոխությունից հետո մարդիկ դադարել են սովորական կյանքով ապրելուց, որ նրանք ամեն րոպե պատրաստվում են մահվան և որ հեղափոխության միակ պահանջը հենց այդ մշտապես պատրաստ լինել մեռնելու հանուն հաղթանակի: Որ հարկ չկա մտածել հեղափոխության ու ճակատագրի մասին, պետք է միայն պատրաստ լինել մեռնելու, քանի որ մահացածների տեղը կգան կենդանի մարդիկ, հանուն որոնց հաղթում է հեղափոխությունը: Նա կխոսի այդ մասին, հոգնած կծպտա, և նրա աչքերում կլինի թախիժ, և երբ Կլավդիա Վասիլենան աղերսող ձայնով կանչի.

— Շչեպով —

Նա Կլավդիա Վասիլենայի ուսին կթփթփացնի, ինչպես մի շնիկի, ու կմնա առաջվա պես սառը, ժլատ և տխուր: Իսկ Կլավդիա Վասիլենան կսկսի մտածել, որ ինքը՝ Սեմիդովի թատրոնի հերոսուհին, միայնակ է, ոչ մեկին պետք չէ, և որ Շչեպովը ձանձրացել է նրա աղերսող ձայնից ու մատիտով կեղտոտված աչքերից, որ այդ ամենը խղճուկ է, ստորացուցիչ, շնչին և որ ավելի լավ էր նշանակետ լինել հեղեղատի եզրին:

Որովհետև Կլավդիա Վասիլենայի ամբողջ կյանքը տոգորված է շտիրված, իրեն ավելորդ զգացող կնոջ վշտով: Ահա նա երկու օր է սառչում է այս նեխած մթության մեջ, և այն մարդը, որ նրա համար նույնն է, ինչ շան համար տերը, մտքով էլ չի անցկացնում նրան ուրախացնել մի տուփ ծխախոտով ու լուցկիով: Այդ մարդու համար զզվելի է խղճալ Կլավդիա Վասիլենային՝ ծիծաղելի, ավելորդ կնոջը, և նա երբեք այդ մարդուց չի զգա նույնիսկ այն տտիպ քաղցրությունը, որպիսին է ծծմբային լուցկու քաղցրությունը:

Կրծել այդ լուցկիների փխրուն գլխիկները, կուլ տալ իրար ետևից, ավելի ու ավելի շտապ, որպեսզի հասցնի կուլ տալ

ամբողջ տուփը, քանի դեռ ցավերը չեն սկսվել, քանի դեռ լեզվի տակից դուրս է գալիս և կոկորդը լցվում քաղցրավուն թուրք, քանի դեռ բերանը չի ջղաձգվել և չի անցել այս ողորմելի խղճահարությունը իր նկատմամբ, Շչեպովի նկատմամբ, թատրոնի, Սեմիդովի նկատմամբ, հանգուցյալ մոր, Ռուսաստանի, ամբողջ աշխարհի նկատմամբ:

Թող այդպես լինի: Ե՛րևո, շո՛ւտ:

Եվ երբ ձեռքից ընկավ լուցկու դատարկ տուփը, ու հատակին թափթփվեցին կրծոտված լուցկիները, մի սուր ցավ զգաց այնտեղ, որտեղ Կլավդիա Վասիլենան չէր սպասում, թե կցավի. ցավն սկսվեց կրծքի տակ, ուսերում, թիակներում, կարծես թույնը տարածվել էր ամբողջ թոքերում:

Եվ իր նկատմամբ զգացած անտանելի խղճահարությունից ու ամբողջ աշխարհի դեմ ինչ-որ ցնծագին ցասումով լցված, Կլավդիա Վասիլենան նետվեց դեպի բացվող դուռն աղաղակելով.

— Շչեպով, ես թունա-վոր-վեցի՛:

Շչեպովը նրան գիրկն առավ, բարձրացրեց և վազեց նկուղի կամարների տակով, լապտերի դողող դեղին լույսով լուսավորված:

Նեղ դեմքով, դարչնագույն մարդը, լապտերը բռնած, ժիր-ժիր շարժում էր աչքերը թղթի կտորի վրայով, որը, ստորագրված էր.

Հեղեղայակի նախագահ Գ ո լ ո ս ո Վ :

Կուրտն իր փոքրիկ սենյակի մի անկյունից մյուսն էր վաղ-վրդում և մերթ խառնշտորում էր կարճ խուզված մազերը, մերթ ձգում վերնաշապկի օձիքը: Նրա ձեռքերը ոչ մի վայրկյան չէին հանգստանում, շարժվում էին Անդրեյի առջև, ինչպես փոթորկից երերվող ճյուղեր:

— Շը՛մ: Նրան հուզել է մեր բարեկամությունը: Նա զգալուն է եղբայրական փոխհարաբերությունների նկատմամբ: Ի՞նչ: Ի՞նչ ասաց, երբ քեզ ազատեց:

— Նա հարցրեց. արդյոք ես հասկանո՞ւմ եմ, որ նա իր պարտքը չկատարեց:

— Ուզում էր ասել, որ հանուն ի՞նձ այդպիսի զոհողություն արեց:

— Ինձ թվաց, թե նա իրոք քեզ գնահատում է:

— Հը՛մ: Գնահատում է: Գնահատում է: Քեզ չի՞ թվում, որ շահագրգռեց ներողամտաբար ես նրա մասին խոսում: Այն մի ժամվա մեջ, որ նրա հետ ես անցկացրի, շեռահասը հասկանալ, որ նա կեղծ մարդ է: Քեզ շլացրել է այդ վիժվածքի սենյակներում քաջը:

— Ես թերևս նրան եմ սիրտական իմ կյանքով:

— Հետո ի՞նչ: Կարող ես կյանքդ պարտական լինել ծառի մի ճյուղի, որից կառչել ես անդունդ գահավիժելիս: Մի՞թե այնուհետև ամբողջ կյանքումդ պետք է երկրպագես այդ ճյուղը:

— Կուրտ, ես նրան շեմ երկրպագում: Ասում եմ, որ նա ինձ օգնեց, որովհետև քո բարեկամն էի: Հավանաբար դու մի բանով թանկ ես նրա համար:

— Ա՛յ: Չես հասկանում, Անդրեյ: Նա անպայման պետք է իրեն բարեբար զգա: Բարեբարությամբ նա թաքցնում է իր դաժանութունը: Նա ինքն իր առջև սեփական գոյութունն արդարացնում է բարեբարության այդ շնչին ողորմութուններով: Քեզ համար զգվելի պետք է լինի այդպիսի ձեռքից ստացված ամեն մի ողորմություն: Դու պետք է...

— Լսիր, Կուրտ,— ընդհատեց նրան Անդրեյը:— Դու, կարծեմ, կասկածում ես, թե ես համակրո՞ւմ եմ այդ մարդուն: Ես նրան շեմ կարող ատել այնպես ուժգին, ինչպես դու: Անձամբ ինձ համար իբրև մարդ նա պարզապես գոյություն չունի: Դատարկ տեղ է: Իսկ հիմա, երբ այսպես անսպասելիորեն դարձավ իմ թշնամին...

— Դե՛հ, հիմա ի՞նչ:

— Հասկանո՞ւմ ես, նա հիմա ինձ համար ավելի ես անդեմ դարձավ: Նա թշնամի է, հարյուրավոր, հազարավոր, գուցե միլիոնավոր ուրիշ թշնամիների նման: Մի մարդ, որին պատահամբ ճանաչել եմ, և որք մտավ թշնամիներիս շարքը: Ուրիշ ոչինչ:

Կուրտը դադարեց քայլել և ձեռքերը դրեց մեջքին:

— Անդրեյ, դա բարդ է:

— Ոչ, շատ պարզ է:

Կուրտի գեմբը սառեց, հայացքը սրվեց, նա ասեց զալտաբարձի մոտեցավ Անդրեյին և ձայնը ցածրացրեց.

— Ոչ, Անդրեյ, դա շատ բարդ է: Եթե մորդվական ժողովրդի այդ անկող թալանավոր, հոյակապ մարկգրաֆական ցեղի այդ արժանավոր ժառանգը հանկարծ քո ձեռքն ընկներ...

— Հետո՞:

— Դու նրան կսպանե՞իր:

Անդրեյը կռացավ, ձեռքը սահեցրեց ճակատով, հանդիպեց Կուրտի հայացքին և աչքերը կախ գցեց:

— Ես հավանաբար ոչ մեկին չէի կարող սպանել: Այսինքն՝ այնպես մի որևէ մարդու: Որպեսզի հետո գիտենայի, թե ես եմ նրան սպանել: Հենց ես: Հենց այնինչ մարդուն:

Կուրտը կրկին ձեռքերը թափահարեց ու սկսեց վազվզել սենյակում:

— Անդրեյ, դու սարսափում ես վախից, սարսափում ես վախից: Դա սոսկալի է: Անհրաժեշտ է հաղթահարել վախը, ապրել և հաղթահարել:

— Կուրտ, ես քեզ հետ գալիս եմ ռազմաճակատ:

— Դա ուրիշ բան է:

— Ես կարող եմ այնտեղ մտադրեմ բանեցնել Գոլոսովից ոչ պակաս:

— Դա այն չէ, այն չէ, բարեկամս:

— Գուցե հենց ես սպանեմ մարկգրաֆին: Սակայն... միայն թե դա հաստատ չիմանամ: Չտեսնեմ:

— Դա այն չէ, այն չէ, սիրելիս: Ինչպե՞ս եմ ասում այդ վիժվածքին: Լսիր, Անդրեյ: Ես ինձ զգում էի, է՛հ, չէ, ինչ եմ ասում, ես մի իր էի դարձել այդ բարեբարի ձեռքին: Քնում ու արթնանում էի այն մտքով, որ նա ինձ գնել է, որ ես ինձ չեմ պատկանում: Նրան հայտնի էր իմ ամեն մի քայլը, նա լրտեսում էր իմ մտազդացումները, թույլ չէր տալիս, որ իմ սենյակից կտավի պատառիկ էլ դուրս գա: Նրա գործակալը կաշառում էր վարպետ Մայերին, որպեսզի գիտենա այն ամենը, ինչ անում էին ահա այս ձեռքերը: Շուրջս ամեն ինչ ինձ հիշեցնում էր իմ ստորացումը, ինչպես թոքախտավորին ամեն ինչ թոքախտն է հիշեցնում: Գրողը տանի: Հանուն ինչի՞ էք այդ արվում: Ինքնասիրահար տղայի խելքին փչել էր նոր փա՛յլ տալ մոռացություն մեջ խամրած մարկգրաֆների անվանը: Նա ուզում էր, որ այդ տոհմի սասին խոսեն, որպեսզի այն հիշեն: Ողորմելի լեյտենանտիկը, որին իր ծառայած

պնդից դուրս ոչ ոք չէր ճանաչում, հանկարծ նոր նկարիչ է հայտնագործում: Ա՛խ այդ մարկգրաֆն է: Մարկգրաֆը, հա՛հա՛: Բանը նկարիչը չէ, այլ մեկենասը: Առանց մեկենասի նկարիչ էլ չէր լինի: Սատանա: Նա իր պլանն իրագործում էր սարդի զգուշությամբ: Ա՛խ: Այդպիսի վիժվածքին պետք է փակի տակ պահել: Իսկ դու հավատացիր, թե նա նկարնե՛ր էր սիրում: Հավատացիր, հա՛-հա՛: Նկարներ է սիրում, հա՛-հա՛-հա՛: Հիմա նրբագեղ արվեստագետի այդ հովանավորը դեմ չէ իր վերանորոգված տիտղոսը զարդարել նոր դափնիներով: Նրա աչքերը երևի մթագնել են. մարկգրաֆը գրավում է Սեմիդոլը, մարկգրաֆը հաղթականորեն արշավում է Մոսկվա, մարկգրաֆը վերականգնում է միապետությունը, մարկգրաֆ ֆոն ցուր Մյուլեն-Շենաուն մորդվական ժողովրդի բարեկամն է: Միայն թե ձեռքս ընկնեի՛ր, մորդվական աղատության բարեկամ, հա՛-հա՛:

Կուրտը նետվեց դեպի պատուհանը, բացեց այն, հենվեց լուսամուտագոգին: Բակում խուլ ձայներ էին լսվում, մեկը վաղում էր անձրևից փափկած գետնի վրայով, ձիերի սմբակները շմփում էին ցեխի մեջ, անիվները դիսկդիսկացին կառանոցի ջարդված հատակին:

— Ֆրանց, պատրա՛ստ է,— բղավեց մեկը պատուհանի տակ:

— Գնա կանչիր:

Կուրտը շտկվեց և կոճկեց վերնաշապկի օձիքը: Նրա շընչառությունը հանդարտվեց, շարժումները դարձան ավելի որոշակի ու համաշափ:

— Անդրեյ, մեր գնալու ժամանակն է:

Այն ժամանակ Անդրեյը ցնցվեց, արագ ելավ և քայլեց դեպի սեղանը: Տոզած դաշտային պայուսակի կողքին դրված էր երկփողանի կապտասև մատուցորը: Անդրեյն այն վերցրեց ու մեկնեց Կուրտին:

— Կուրտ, ցույց տուր, թե ինչպես պետք է լցնել,— կամացուկ խնդրեց նա:

Քաղաքում հատուկենտ կարճ խոսքեր էին փոխանակում, ոմանք ետ էին մնում, որպեսզի ուսապայուսակներն ուղղեն կամ ոտքերի փաթաթանները ձգեն: Սակայն երբ երկաթուղու

դռանցը վերջացավ, լուռություն տիրեց, և շարքը չէր խախտվում: Երթը դժվար էր: Կեսօրից ի վեր մանրամաղ անձրևը ծծվել էր հողի մեջ: Սապոգների շուրջ կարծես ցեխի կոշիկներ էին գոյանում, և քայլերը դժվարանում ու սահում էին, ինչպես սառույցի վրա: Սակայն ոտքերը քայլում էին համառորեն, և մարմինները օրորվում ծանր ու համաշափ, զանգի լեզունների նման:

Ռուսաստանում կորսված խուլ մի ճանապարհով, աշնանային գիշերվա ծածկույթի տակ, անվերջանալի և անծայրածիր խղճուկ դաշտերով քայլում էին չգիտես ուր՝ հեսսենցիները, զարմշտադոցիները, նյուրնբերգցիները: Երթի սովոր լինելով, նրանք հեշտությամբ լսեցին երթային խստաշունչ երածըշտությունը և օտար երկրում, օտարի կույր երկնքի տակ երգեցին շմոռացված երգը.

I-ich hatte ein kamara-aden...¹

Այս երկրում այդ քաղցր-մեղցր երգը դարձավ սպառնալի, և Անդրեյն իր ձայնը չէր լսում դարմշտադոցիների, հեսսենցիների և նյուրնբերգցիների ձայների մեջ:

Սակայն նա երգում էր, և նրա խոսքերը համընկնում էին երգի խոսքերին, թեև իմաստն իրեն այլ էր թվում: Ու թեև ամեն ռուպե երթի համաշափ քայլքը գետնի վրա ավելի ծանր էր հնչում, քայլելը հեշտացել էր: Անցյալն անցնում էր մի դատարկության մեջ, և ամբողջ ապագան այն երկրորդ քայլի մեջ էր, որ արվում էր առաջինից հետո: Այդպես աննկատելիորեն չքացան թանձրության մեջ մարկգրաֆի, Կուրտի, Ռիտայի, Մոսկվայի, Պաուլ Գեննիգի հսկայական սենյակի աղոտ տեսիլքները, և ինքը Պաուլ Գեննինգը, որ դղրդում էր հավասարականության մասին սոցիալիզմի մեջ: Չհուզող բառերի պատառիկները բռնկվում ու մարում էին հիշողության մեջ, ինչպես հեռվում մնացած կիսակայարանի աղղանշանային լույսերը:

Զինվորներից ոչնչով չտարբերվելով, նրանց հետ ոտք ոտքի, ուս-ուսի քայլում էր Անդրեյը խավարին ընդառաջ, և օտար երգը դուրս էր հորդում նրա բերանից հեշտ ու ակամա.

¹ Ես մի ընկեր ունեի... (գերմ.):

In der Heimat, in der Heimat
Da gibl's ein Wiedersehen...

Նա հանգիստ ու ամուր էր զգում իրեն, նա երգում էր Մարիի հայրենիքի մասին, նրա հետ տեսակցութեան մասին: Նա հավատում էր, որ Մարին՝ ապագան է, որ նա այն երկրորդ քայլն է, որը պետք է անել առաջինից հետո:

Նա քնեց գետնին, երբ շոկը տեղավորվեց Ռուշիում գիշերելու...

Լուսաբացն ուշացավ, անձրևը չէր դադարում, այգիները մերկացել էին այդ քամոտ գիշերից: Առավոտյան խոնավ մշուշի մեջ Անդրեյն առաջին անգամ տեսավ զինվորներին: Նրանց դիմազոծերը տարօրինակ կերպով միանման էին, կարծես բոլորը մի հաստոցի վրա տաշված և միևնույն ներկով ներկված լինեին: Նրանց շարժումները դանդաղկոտ էին ու ժլատ, ու բերաններն էլ բացվում էին սոսկ հաց կծելու կամ ծխամորճը ատամներով ավելի հարմար բռնելու համար:

Երբ հաղորդեցին Սանշինո մտնելու հրամանը, զինվորները սկսեցին ծխամորճներով զբաղվել: Ինչպես էր տալիս, մյուսը կրկին լցնում էր, անշտապ ու ջանացողաբար, կարծես հրամանը կատարելու համար դա էր ամենակարևորը: Հետո հրացանները վերցրին, շարք կանգնեցին և գնացին: Այդպիսի վերջում մի հրաման տվեցին, որն Անդրեյը չհասկացավ: Շարասյունը վերակազմվեց, դարձավ երկար մի շարք, իսկ շարքը կտրտված շղթայով շարժվեց լքված այգիների նոսր, թախծալի մնացորդներով ծածկված բլուրներով:

— Խշնամու հոտ է փչում, — փնթփնթաց Անդրեյի հարևանը:

Անդրեյը նայեց նրան, Ձինվորը ծուխ էր փստացնում կարճլիկ ծխամորճից ու նայում ոտքերի տակ: Նրա կարճ խուզած բեղերը մի կողմից սկսել էին ճերմակել:

— Ես մարտակարգ չեմ անցել, — ասաց Անդրեյը, — չգիտեմ ինչ պետք է անել:

— Պետք է գնալ, — պատասխանեց զինվորը:

— Ես ձեր կողքից կբայլեմ:

— Միևնույն է:

Եվ նրանք գնացին լուռ, թռչում էին հաղարջի գետնատարած ճյուղերի վրայով և շրջանցում վայրիացած խնձորենիների վտիտ ծառաբները:

Սայլուղու ոլորանի ետևը, թեք բարձունքի վրա Անդրեյը տեսավ միայնակ ցածր մի ծառ, որի ճյուղից ինչ-որ շիկավուն գունդ էր կախված: Ավելի ուշադիր նայեց այդ գնդին: Մտից պարանով կախված էր անշարժ, հաստ մի մարմին, որ հեռվից նմանվում էր վզից կախված մորթած սագի: Անդրեյը շնկատեց, թե ինչպես փոխեց ուղղութիւնն ու խառնեց, արագացրեց քայլերը: Նա գնում էր ուղիղ դեպի ծառը:

— Այս ի՞նչ է, — ասաց նա ձեռքը ետ տանելով, որպեսզի բռնի իր հարևանին, — Մա՞րդ, — հարցրեց ավելի կամաց:

Արմոնակը խրվեց մեկի կրծքի մեջ, Անդրեյը ետ նայեց: Նրան շրջապատում էին մի խումբ զինվորներ, որոնք իր նման շտապել էին մոտենալ ծառին: Շարքը խախտվել էր: Մեկի ձայնը հարցական խոխոաց.

— Նրա ոտքերը սղոցե՞լ են:

Անդրեյը պոկվեց ու նետվեց դեպի բլրի գագաթը: Ձինվորները վազեցին նրա ետևից:

Կախվածի գլուխը ծանրորեն ու անզոր կողքի էր թեքվել, ստոկած թռչունի գլխի նման: Դեմքը կապտել էր, և մի աչքը՝ դեղին, հսկայական, չուվել էր ակնախոռոչից, ասես դուրս պրծած լիներ: Զգված երկար վզից տպրօրինակ կերպով կախվել էր մի մարդահասակ երկարութուն ունեցող լայնաթիկունք, հսկայական մարմինը: Թվում էր, եթե դրա տակ ոտքեր դնեին, կբայլեր: Սակայն ոտքերի փոխարեն, պատրուկված լաթերի տակից, երևում էր վարդագույն, ասես կենդանի կտրած ոտքերի կծկված մաշկը: Հինգ մատները պարզած ձեռքերը կառչել էին օդից, թվում էր, մարմինը պահվում էր ձեռքերով, գլխից անջատ, որը կապված էր պարանով: Ձինվորները շրջապատեցին կախվածին:

Անդրեյը նայում էր այդ դուրս պրծած աչքերով կապույտ դեմքին: Նա մի տեղ տեսել էր այդ գլուխը՝ սեխանման, խոշոր պեպկեններից շեշտու: Լայնաթիկունք այդ կոճղը ճոճվում էր, հասնում մինչև խմբված զինվորների գոտակատեղը և ու-

¹ Հայրենիքում, հայրենիքում
Սպասում է մեզ տեսակցություն... (գերմ.):

րախացած, ատամները բացած ձայնակցում անմիտ աղմուկին:

— Բարի գալուստ, եղբայր-ընկերներ: Կարելի է ասել, հասանք այն օրվանը, որ խաղաղություն տեսանք, հայրենիք...

Սակայն Անդրեյը չէր կարողանում հիշել, թե երբ է հանդիպել այդ գլխին, ու այն նրա հիշողության մեջ աղոտ կերպով միաձուլվում էր մի ուրիշ, նույնպիսի կապույտ գլխի հետ, որ հանկարծ շարժել էր մեռյալ շուրթերը: Adieu, Frau Mama, adieu...

— Նրան պետք է հանել ծառից, — խուլ հնչեց Անդրեյի հետևում:

Անդրեյը շրջվեց: Խոտում էր շարքի նրա հարևանը: Ծերմակած բեղով նրա դեմքի կեսը մի արագ ցնցվող պար էր թռչկոտում: Մարդը գունատ էր: Անդրեյը հայացքը պտտեցրեց մյուս զինվորների վրա: Բոլորն էր տարօրինակ կերպով նման չէին իրարու, մինչդեռ ընդամենը մի բուսական առաջ Անդրեյին թվում էր, թե միևնույն դեմքերն ունեն:

Մի քանիսը շարժվեցին դեպի ծառից կախված այդ մարդկային կոճղը ու բարձրացրին այն: Անճարպիկ, դողող ձեռքեր քաշքշեցին կախվածի վզին ձգված պարանը:

Սակայն այդ պահին շփոթեց որսեղից զխններին պայթեց կարճատև, չոր մի ճայթյուն, կարծես ծեր ճյուղը կոտրվեց: Անդրեյը աչքերը հանեց խնձորենուն: Զինվորները շտապով այս ու այն կողմ նետվեցին, ցրվեցին բլուրով մեկ, և գետնին էին փոխվում, ինչպես ստվարաթղթե խաղալիքները բամբակ: Չոր ճայթյունը կրկնվեց: Եվ հանկարծ իրար հաջորդող կարճ պայթյունների անհավասար հարվածները գլորվեցին բլրի վրայով, կարծես մի տեղ կտոր-կտոր պատռում էին հաստ կտավը: Եվ սայլուղուց հեռու ընկած բլրի վրա, ինչպես կտավից՝ վեր-վեր թռան թեթև, փափուկ ծվենները:

Մի բան դիպավ Անդրեյի կողքին: Նա ծառից հեռու թռավ և բռնկվեց: Այն արմունկին պառկած, նա ձախ ձեռքով գոտուց արձակեց մատուցների փայտե պատյանը: Հետո ատրճանակի կրթը դանդաղ հարմարեցրեց պատյանից սարքած թեթև կոթին, պահպանիչը բացեց, պառկեց կրծքի վրա և կզակը հենեց բռունցքին:

Անգույն, բաց երկինքը ծածկվել էր մոխրագույն ծխի քուլաներով: Դրանք նոսրանում էին, տարրալուծվում, և նրանց տեղը առաջանում էին նորերը, որպեսզի նույնպես ներծծվեն ու տեղ տան ուրիշներին: Անդրեյը երկար նայում էր դրանց: Հետո գլուխը բարձրացրեց: Իրենից մի քառասուն քայլի վրա պառկած էր նրա հարևանը՝ կարճ խուլած բեղերով զինվորը: Հրացանն ընկած էր նրա կողքին: Զինվորը խնամքով, անշտապ ծղոտով մաքրում էր ծխամորճը: Դեպի ցած, բլրի թեթև լանջին նոսր օղակներով տարածվել էր հրձիգների շղթան: Նրանք բոլորը անշարժ էին ու լուռ: Անդրեյը նայեց ծառին: Կախվածը, որ տեղաշարժվել էր զինվորների ձեռք տալուց, դեռ համաչափ օրորվում էր ճյուղի վրա: Անդրեյն անտարբերությամբ երեսը թեքեց:

Տարօրինակ հանգստություն տարածվեց նրա մարմնում: Առաջին անգամ այս տարիների ընթացքում, գուցե ամբողջ կյանքի ընթացքում, նա ինչ-որ անհույսության զարմանալի թեթևություն զգաց: Այնպիսի մի զգացում ուներ, կարծես ոչընչով կապված չէր աշխարհին, որն անսպասելիորեն և զարմանալի կերպով պարզ բացվեց նրա առջև ու ընդունեց նրան: Նա աշխարհում զգում էր միայն իրեն, և ժամանակը հանկարծ դադարեցրել էր իր ընթացքն, այնպես որ չկային այլևս ոչ ապագան՝ Մարիի մասին մշտական մտածմունքով, ոչ էլ ներկան՝ խեղանդամված, մահապատժի ենթարկված մարդու իր թախիծով և վախով:

Անդրեյը հետևում էր հսկայական շեկ մրջյունին, որ գետնի վրայով քարը էր տալիս շորացած թրթուրը: Մրջյունը հերոսաբար հաղթահարում էր թառամած շյուղերից և ցեխազրնդերից գոյացած արգելքները: Մի սև, պստիկ մրջյուն, որս փնտրելով, վազեց շեկի կիսադաշտը, և սա մեջքն աղեղնաձև բարձրացնելով, հարձակվեց այդ քաջի վրա և նրան փախուստի մատնեց: Հետո վերագարձավ դեպի թրթուրն ու սողաց իր ճամփով:

Գուցե այն պատճառով, որ հողը մոտ էր նրա դեմքին, այդ ընդհանուր հողակտորը, որ ակոսված էր որդերի և բզեզների հետքերով, մեծանում, դառնում էր ամբողջ մի աշխարհ, և այդ

աշխարհը լցնում էր Անդրեյի հոգին ավելի ու ավելի խորացող, աներեր լուսթյամբ:

Նրա ականջին հասավ հեռավոր, անհասկանալի մի հրաման: Երկնակամարում մոխրագույն ծխերն անհետացան, կրակոցները դադարեցին: Անդրեյը նայեց բլրի լանջին: Զինվորները ծալովի սածենաշափի նման թեք գծով, հրացանները ձեռքներն առած՝ վազեցին դեպի հովիտը:

Անդրեյը հեշտությամբ վեր կացավ, վերցրեց մաուզերը և վազեց սարի տակ: Գետնին զարկվող ամեն մի քայլի հետ նրա մեջ մեծանում էր երբեք չզգացած տարօրինակ թեթևության զգացողությունը, կարծես հագուստն աստիճանաբար ընկնում էր վրայից, և նա վազում էր մերկ: Իսկ երբ բլրալանջը միացավ հովտին, և հարկավոր էր վազքը շափավորել, որպեսզի ուրիշ բլուր բարձրանա, Անդրեյն այլևս չէր զգում իր շնչառությունը, և թեթևությունը փոխվեց կարծես մարմին շունենալու զգացումով, որը նրան աննկատելիորեն վեր էր սլացնում:

Նա ուշքի եկավ, երբ բարձունքը, որի վրա դեռ քիչ առաջ մոխրագույն ծուխ էր բարձրանում, մնաց ետևում: Անդրեյը քամու զալարապտույտից պոկված թղթի կտորի նման ընկավ այդ բարձունքի ետևում գտնվող նոսր, մատղաշ կաղնուտը:

Նրա գլխին կրակոց պայթեց: Կարճ, կտրտված հրացանային համազարկեր լսվեցին ամեն կողմից:

Այն ժամանակ Անդրեյը ուսին հենեց մաուզերի դատարկ կոթը և սկսեց սեղմել շնիկը անհաշիվ-անհամար անգամ, առանց ընդմիջման, մինչև որ փամփշտակալը դատարկվեց: Հետո, առանց շարժվելու ականջ դրեց, թե ինչպես է կրակոցից առաջացած աղմուկը զրորվում շրջապատում: Կաղնու նոսր ճյուղերի արանքից նա իր աջ և ձախ կողմերում տեսավ ժպտացող զինվորներին ու նոր միայն հասկացավ, որ մաուզերն ուղղել էր վերև, դեպի երկինք:

— Հը՞, ինչպես է, — հարցրեց մեկը հնչուն ծիծաղելով:

Անդրեյը կոթը ուսից պոկեց և նայեց ատրճանակին: Այն ծածկված էր վառողի կապտավուն այրուքով:

— Կավ է աշխատում, — պատասխանեց Անդրեյը և ինքն էլ ծիծաղեց:

Առավոտյան ժամը տասին նշանակված էր հավաք ճամբարում, ուր մինչ այդ ամբողջ օրը բերում էին գերի վերցված մորդվացի աշխարհագորականներին: Հատուկ բարաքում բանտարկված էին գերի ավստրիացիներն ու գերմանացիները, որոնց մեջ պետք էր ճանաչել «մորդվական աղատության բաղկամին»:

Սեմիդոլը հանդարտվում էր այդ իրարանցումից հետո, և կանաչք անկոտիններից կախ տված դուլներով արդեն խոսք ու դրույցի էին բռնվել աղբյուրների մոտ: Սակայն Անդրեյը որքան մոտենում էր ծայրամասին, այնքան շուրջն ամայի էր դառնում, և տներն իրենց կիսակույր պատուհանիկները թաքցրնում էին պոկպկված փեղկերի տակ:

Հանկարծ խղճուկ նրբանցքի ծայրին Անդրեյը տեսավ մի աղլկա, որ նրան թվաց օտար, ոչ տեղացի՝ անձրևներից սեպացած այս տաշած խրճիթների, ցանկապատերի և դարբասների միջև: Նա քայլերը դանդաղեցրեց, աչքի սևեռուն նայեց և, ասես դիպչելով ճանապարհին լայնակի քաշված պարանի, կանգ առավ:

Աղջիկը կանգնել էր փողոցի մյուս կողմում, մեջքով դեպի նա, և նայում էր դարբասի սյունին ամրացված ժանգոտ երկաթե ցուցանակին: Հետո դանդաղ քայլեց դեպի հարևան տունը, և սկսեց փնտրել վաղուց անհետացած համարի հետքերը: Մի քիչ կանգնելով, աղջիկն առաջ անցավ անհաստատ և կամացուկ քայլերով, մի մարդու նման, որը կասկածում է, արդյոք ճի՞շտ է սկսել իր որոնումները: Կարգալով գունաթափված կամ պոկոտված ցուցանակները, նա աջ ձեռքի ափը սեղմում էր բունքին, ինչպես Մարին, երբ ուզում էր ուշադիր նայել որևէ անձանոթ, անորոշ բանի: Հետո աղջիկը ձեռքը հեռացնում էր դեմքից, սակայն իսկույն ցած շէր գցում, այլ մի երկու-երեք վայրկյան շարունակում էր այդպես պահել, կարծես պատվի բռնած: Այդ փոքրիկ շարժումը, շարժման այդ անշափ փոքրիկ մասնիկը պատկանում էր միայն նրան՝ Մարին: Նրանից՝ Մարիից բացի, չէր կարող և չպետք է այս աշխարհում այլևս որևէ մեկին պատկաներ:

Օ՞, իհարկե, դա Մարին էր:

Յուրաքանչյուր շարժումը՝ և թե նա ինչպես էր առաջ գնում իր բարակ, թերևս չափազանց բարակ ոտքը, որպեսզի քայլի, և թե ինչպես էր ոտքերը պոկում, գրեթե առանց մարմինը շարժելու, ծնկները առաջ տալով, կարծես շարունակ սար էր բարձրանում, շարժումների այդ բոլոր մանր առանձնահատկությունները, որ հայտնի էին միայն իրեն՝ Անդրեյին, հենց կազմում էին նրա քայլվածքը՝ Մարիի քայլվածքը:

Իրոք, դա Մարին էր:

Նրա հագին մի զգեստ էր, որ Անդրեյը շատ լավ հիշում էր. դարչնագույն ծանր աշնանային զգեստ, գոտու շուրջը լայն ծալքերով և դաստակներին կիպ կոճկվող թեքերով:

Ահա նա գլուխը բարձրացրեց, որ ինչ-որ տուն նայի: Մազերը դուրս թափվեցին ճամփորդական գլխարկի տակից, այդ մազերի արանքից թափանցում է սպիտակավուն երկինքը, և Անդրեյը պարզ տեսնում է մազերի գույնը՝ Մարիի մազերի գույնը:

Կասկած չկա, նա է:

Սակայն ինչպե՞ս է նա հայտնվել այստեղ, այս խուլ վայրում, ծայրամասում, այսպիսի ժամի:

Տե՛ր աստված, նա նոր է գնացքից իջել, առավոտյան գնացքից: Նրա ձախ ձեռքին փոքրիկ ճամպրուկ կա: Գուցե Անդրեյը հիշի՞ այդ ճամպրուկը: Բաց կանաչավուն, պիստակի գույնի կաշվից, գրեթե քառակուսի, մեջտեղից մի փոկով կապվող: Մի՞թե Բիշոֆսբերգում նա քիչ այդպիսի ճամպրուկներ է տեսել: Մի՞թե Մարին այդպիսի ճամպրուկ չունի:

Մարի՛:

Գերմարդկային ջանքերով աղջիկը հասել է Ռուսաստան, նա հետաքրքրվել է, թե Անդրեյը որտեղ է ապրում, գետնի տակից հայտնաբերել է այդ անհայտ Սեմիդոլը, նա եկել է և ահա հիմա թափառում է այս խուլ տեղում, փնտրում նրան՝ Անդրեյին:

Մարի...

Օ՛, լինում են պահեր, երբ երևակայությունը մեր գլխով անհամեմատ ավելի շատ հիշողություններ, ենթադրություններ, փաստարկներ և պատկերներ է անցկացնում, քան մտքերի այն շնչին պատահականները, որ կուրացրին Անդրեյին, մինչ նա ճանապարհի մյուս կողմից նայում էր աղջկան: Հա-

վանաբար նրա մեջ այլևս ոչ մի կաթիլ կասկած չէր մնացել, երբ կտրեց հանկարծ իր ճամփան փակած անտեսանելի պարանն ու վազկելով անցավ ցեխոտ փողոցը:

Սակայն նա ընդամենը երկու քայլ արեց: Աղջիկը, որ մի քան էր փնտրում դարբասին, շրջվեց Անդրեյի կողմը: Վերջինս տեսավ ուրիշի և, ինչպես նրան թվաց, տհաճ, զլվելի դեմք:

Անդրեյը կուրծքը բռնեց ու ետ դարձավ:

Նա քիչ մնաց ցած գլուխը ինչ-որ մեկին և կանգ առավ: Շատ կամացուկ արտասանված գերմաներեն բառերը նրան սթափեցրին:

— Տարօրինակ է... տարօրինակ...

Նրա առջև կանգնած էր գերի գերմանացի գինվոր, և առանց Անդրեյին ուշադրություն դարձնելու, նայում էր փողոցի մյուս կողմը, աղջկան:

— Ի՞նչն է տարօրինակ,— հարցրեց Անդրեյը:

Գերին շրջվեց և շտապ շուրջը նայեց: Նրա ուռած, կեղտոտ դեմքը դանդաղ փոխվեց անհասկանալի մի ժպիտից:

— Դատարկ բան է,— ասաց նա,— ահա այն լավ ֆրոյլայ-նը ինձ հիշեցրեց իմ մի ծանոթ աղջկա...

— Իսկպե՞ս: Տարօրինակ է... Ասենք, պատահում է...

— Պատահում է,— համաձայնեց գերմանացին:— Գուք ճամբար եք գնում,— հարցրեց իսկույն:

— Այո:

Գերին ձեռքերն ավելի խոր մտքերից շինելի գրպանները: Շինելը քրքրված էր արշավներից ու վատ եղանակից, ոտքերին ցցվել էին կրակի վրա շորացրած ավստրիական երկնագույն փաթաթանները, և աչքերին էր ընկել բարձր, ոչ իր գլխի չափի անհովար գլխարկը: Գերին ցնցվում և կծկվում էր ցրտից:

— Պատահմամբ չգիտե՞ք, մեզ դեռ շա՛տ պետք է պահեն այս կեղտաշրի հորում,— և նա գլխով արեց ճամբարի կողմը:

— Գուք Գերմանիայի՞ց եք:

— Այո:

— Քիչ-քիչ ուղարկում են:

— Այն աշխարհ, — քմծիծաղեց գերին, և Անդրեյը տեսավ նրա բերանը:

Նրանք վայրկեանս ճանաչեցին միմյանց՝ գերի-գերի-
մանացին և Անդրեյ Ստարցովը: Նրանց բերաններից մի-
մամանակ դուրս թռավ խեղդված.

— Դուք...

Նրանք աչքները գամեցին իրարու և վախից փայտացան
Սակայն դա մի կարճ պահ միայն տևեց: Վախը նրանց սթա-
փեցրեց, ինչպես սառը ցնցուղը, և նրանք կանգնել էին՝ պատ-
րաստ կովի: Ու թեևս այն պատճառով, որ Անդրեյը չգիտես
ուր հառեց շտապ, փնտրող հայացքը, գերին առաջինը հար-
ձակվեց նրա վրա, հարձակվեց արագ և դիպուկ:

— Ո՛չ, ո՛չ,— ասաց նա քիչ մոտենալով Անդրեյին և ձեռքը
գրպանից հանելով,— դուք այդ չեք անի, դուք չեք կարող այդ
բանն անել:

— Խեղազարվե՞լ եք, ինչ է,— բացականչեց Անդրեյը:

— Դուք այդ չեք անի, որովհետև ձեր անմտածված մի
քայլից է կախված հարյուրավոր անմեղ մարդկանց կյանքը:
Անմեղ մարդկանց:

— Լսեցե՞ք...

— Ո՛չ, ո՛չ: Մի շտապեք, որպեսզի հետո ամբողջ կյան-
քում չղղջաք: Մի շտապեք, աղաչում եմ ձեզ: Ես իմ մասին
չեմ ասում: Իմ մասին... ինձ համար միևնույն է...

— Հապա ո՞ւմ մասին: Ի՞նչ մարդիկ:

— Աղաչում եմ: Խնդրում եմ ձեզ: Լսեցե՞ք: Եթե դուք ինձ
մատանեք, եթե ինձ բռնեն...

— Ես գիտեմ, թե ինչ պետք է անեմ,— բղավեց Անդրեյն
ու շուրջը նայեց:

Վատ եղանակներից խարխլված խրճիթները առաջվա
նման խումբ-խումբ վայրիացած սեղմվել էին խորդուբորդ
փողոցում: Ամայի ճանապարհները տաղտկալի կերպով ձրգ-
վում էին դեպի դաշտ: Ոչ մի մարդ չկար:

— Ես գիտեմ,— կրկին բղավեց Անդրեյը, և նրա ձայնը
կտրվեց ու խլացավ:

Այն ժամանակ գերին մի քայլ գցեց դեպի նա, վստահորեն
երկու ձեռքով բռնեց նրա արմունկները և խոսեց.

— Լավ: Ես հիմա կարող եմ վազել, դուք կնետվեք իմ
ետևից, կբղավեք, մարդիկ փողոց կվազեն, ինձ կբռնեն: Ահա
արդեն այն կողմից երկու զինվոր են գալիս: Դուք մենակ չեք:

Դուք կարող եք ինձ բռնել: Սակայն ես ձեզ ասում եմ. դրա
փոխարեն իրենց կյանքը կտան քսան, երեսուն, հիսուն մարդ,
որոնց ամբողջ մնդրն այն է, որ ուղել են շուտով հայրենիք
ընկնել: Ինձ բռնեցին իմ զինվորների հետ: Իրանք բոլորը
գերիներ են և միայն ես եմ մեղավոր, որ նրանք կովի դուրս
եկան: Սակայն նրանք ազնիվ, հասարակ մարդիկ են և ինձ
փրկեցին: Նրանք ինձ ուրիշ շորեր հագցրեցին դեռ այնտեղ,
Սանշինոյի մոտերքը, անձնատուր լինելուց առաջ: Ես նրանց
հետ բանտարկված էի այնտեղ, այն բարաքում, ինչպես
շարքային: Լուսաբացին նրանք օգնեցին ինձ, որ փախչեմ:
Նրանց բախտը ձեր ձեռքին է: Վճռեցե՞ք: Ես պատրաստ եմ:
Ես մահից չեմ վախենում: Հինգ տարի է մահվան հետ նույն
հարկի տակ եմ ապրում: Եթե դուք...

— Այդ ամենը հիմարություն է,— ձեռքը թափ տվեց Անդ-
րեյն ու հոնքերը կիտեց:

Ուշ է, Անդրեյ: Այդ հիմարությունը չպետք է լսեիր, չպետք
է թույլ տալիր, որ նա մի բառ անգամ ասի, ոչ մի վայրկյան
չպետք է կորցնեիր: Այն ժամանակ երկու զինվորը շփն տես-
նի, ինչպես ընկեր Ստարցովը, որին ճանաչում է ամբողջ Սե-
միոլը, վաղ առավոտյան, ճամբարի ճամփին կանգնել էր
բրբրված շինելով և ավստրիական փաթաթաններով մի գե-
րու հետ, և ինչպես գերին ջերմորեն ինչ-որ բան էր խնդրում
ընկեր Ստարցովից, նրա արմունկները բռնած: Այն ժամանակ
բունը գլխին գլուղացին, դուրս գալով խրճիթից, որի մոտ
Անդրեյը խոսում էր գերու հետ, չէր նկատի, թե ինչպես
շփոված ցնցվեց ընկեր Ստարցովը, կարծես ուզում էր օգ-
նություն կանչել, և անմիջապես զսպեց իրեն ու սկսեց լսել
գերու շտապ շնչոցը:

— Ես ձեզ խնդրում եմ ոչ ինձ համար, հավատացե՞ք, ինձ
համար միևնույն է: Ես նույնիսկ հույս չեմ էլ կապում, թե
դուք կհիշեք, ինչպես մի ժամանակ պարտքս չկատարեցի ձեզ
փրկելու համար, գուցե և մահվանից: Տեսնում եմ, որ դուք
հիշում եք այդ, դուք չէիք կարող այդ մոռանալ, այնպես չէ՞:
Ձեր գրությունն այն ժամանակ իմից շատ լավ չէր: Այնպես
չէ՞: Հիշո՞ւմ եք:

Եվ ահա գերու ցնցվող, թեք ուսի վրայով Անդրեյը կրկին
տեսնում է Մարիին: Մի՞թե աշխարհում հնարավոր է այսպի-

Մի նմանութուն: Անկարելի է: Մարի՛: Նա դուրս եկավ դար-
բասից, կանգ առավ, ձեռքը դրեց քունքին՝ նայելով հեռուն,
հետո վճռաբար և թեթև քայլեց սարի տակ, քաղաք: Եվ որ-
քան հեռանում էր նա, այնքան սարսափելի էր դառնում այն
միտքը, թե նա կարող է ընդմիշտ հեռանալ, որ նրան՝ Անդրե-
յին վիճակված չէ թերևս երեք նրան վերագարծնել և որ
հանկարծ այդ աղջկա դեմքը ամենևին էլ զգվելի չէ, որովհետև
գա Մարիի դեմքն է, Մարիինը:

Մի պահ, ևս մի պահ, ու աղջիկը ծածկվեց թեք անկյու-
նային տան ետևում:

Եվ իսկույն էլ պարզորոշ, տարօրինակ կերպով սրտին մոտ
մի խոսք, որ արտասանվեց օտար, ընդհատուն ձայնով,
ավարտեց Անդրեյի միտքը.

— Բիշոֆսբերգ...

— Բիշոֆսբերգ՞րգ, — հարցնում է նա զարմացած:

Եվ գերին շտապում է ավարտել մի շատ կարևոր բան՝
ավսվացող, շոր լեզվով.

— Երդվում եմ, ես այլևս ոչ մի բանի մասին չեմ մտա-
ծում, ուզում եմ միայն վերագառնալ Բիշոֆսբերգ: Պատրաստ
եմ ձեզ հատուցելու ինչով կամենաք: Վերագառնալ Բիշոֆս-
բերգ, լատուշե: Մի՞թե դուք հանուն այն բանի, որ ես մի ժա-
մանակ արեցի ձեզ համար...

— Դուք ուզում եք Բիշոֆսբերգ՞րգ վերագառնալ, — ընդհա-
տում է նրան Անդրեյը:

— Այո՛, այո՛:

Շուրջը դարձյալ ոչ մի մարդ չկա, ամայի, խուլ վայրը
ծածկված է մարդկանց աչքերից:

— Այդ մասին խոսելը խելագարութուն է, — բացականչեց
Անդրեյը, և հանկարծ լռելով ու թեքվելով դեպի գերին, արագ
չշնչում է. — Եկեք ինձ մոտ այսօր հենց որ մթնի, ես ապրում
եմ անկյունում...

Նա իր հասցեն ասում է ստույգ և կարճ, սեղմում է գերու
մեկնած ձեռքը և լսում հուզված, խեղդված, մի քիչ ծաղրալի
բացականչություն:

— Օ՛, որքան ազնիվ եք:

Հետո առանց ետ նայելու նետվում է ամայի փողոցներից

դեպի գաշտ և լքված աղյուսե մառանների, ջրափոսների, կա-
ծանների կողքից գրեթե վազում դեպի ճամբար:

Նա, իհարկե, կասի, թե ում է այսօր տեսել փողոցում, ում
է կանչել իր մոտ մութն ընկնելուց հետո: Նա իր սենյակում
դարան կսարքի, նա կհանձնի, կմատնի փախստականին:
Կմատնի՞: Ոչ, նա իր պարտքը կկատարի: Պա՛րտքը: Սակայն
մի՞թե արդեն չի խախտել: Չէ՞ որ եթե փախստականը...

Անդրեյը կանգ է առնում հանկարծ, ասես դաժան լույսից
կուրացած, և կրկին առաջ է նետվում...

Հետո նա կանգնում է բարաքում, Կուրտի և Գոլոսովի մի-
ջև, և նրա առջևով անցնում են Սանչինոյի մոտերքը գերված
գերմանացիներն ու ավստրիացիները: Գերիներին կանգնեց-
նում են, ստիպում գլխարկները հանել, ձեռքերը ցույց տալու
Կուրտը կարճ հարցեր է տալիս և գլխարկը տարուբերում:

— Հաջորդը:

Անդրեյի վրայից անդադար քրտինք է հոսում, նա հաճա-
խակի սրբում է ճակատը թացացած թաշկինակով և գլուխը
տարուբերում, ինչպես Կուրտը:

— Հաջորդը:

Գոլոսովը կամացուկ ասում է.

— Ստարցով, վաղը ճամբարում միտինգ է: Գու պետք է
շնորհակալութուն հայտնես գերիներին, որոնք կովեցին մեր
կողմից: Նրանց հայրենիք կուղարկեն առաջին էջիլոնով: Մենք
միայն այդ կարող ենք անել նրանց համար: Մենք նրանց շատ
պարտական ենք:

Գոլոսովը անխռով ծածկում է ժպիտը:

— Եվ քեզ, իհարկե...

— Լավ, — պատասխանում է Անդրեյը, — հաջորդը:

Նրա առջևից անցնող մարդկանց շարքում մնացել են հինգ,
երեք, երկու հոգի: Ահա վերջինը:

— Ախ, գրողը տանի, — խոխոացնում է Կուրտը:

— Տեր աստված, տեր աստված, — արձագանքում է Անդ-
րեյը:

— Այդպես էլ գիտեի. փախել է սատանան...

Եվ Անդրեյը.

— Փախել է: Այո, այո, փախել է: Տե՛ր աստված...

Նա աշքերը փակցնում է, և նրան թվում է, թե շուրջն
ամեն ինչ շղարշված է ծանր, սև ծխով:

Եր ա գ

— Եթե պաշարված ամրոցում մեկ ամիս մնալը հաշվում
են մեկ տարի, ապա գերոսթյան մեկ ամիսը պետք է երկու
տարի հաշվել: Իմ կյանքն ըստ էության անցել է: Գերոսթյունը՝
գազաղ է: Նրա հատակն ու պատերը ձյուն են, կափարիչը՝
ձյունն ամպերով փակված երկինք: Ողջ-ողջ դազաղ դրված:
Երբեմն հուսահատությունից ընկել եմ հատակին ու գլուխս
խփել գետնին: Ես խելագարվում էի ձյունից, խելագարվում
այն մտքից, որ շուտով նորից ձյուն կգա: Չեմ կարող տես-
նել, թե ինչպես է այն թափվում, շարունակ թափվում, թափ-
վում... Մազերս բիզ-բիզ են կանգնում: Ուրում եք գիտենալ,
թե ինչով եմ ղեկավարվել այս խղճուկ խարդախությունը ձեռ-
նարկելիս: Թե՛՞ ձեզ համար դա միևնույն է, ինչպես ինձ հա-
մար: Սակայն ես ձեր առջև արդարանալու պահանջ եմ դրում:
Չէ՞ որ իմ ճակատագիրը ձեր ձեռքին է, իսկ դուք ներողամիտ
եք նրա հանդեպ, թերևս՝ ոչ ըստ արժանվույն:

— Դուք դարձյալ բարձր եք խոսում: Կամաց, — շնչում է
Անդրեյը:

— Ներեցեք: Ես դժվարությամբ եմ ինձ զսպում, որպեսզի
չհեծկլտամ: Չեմ կարողանում առանց արցունքի ձեզ նայել:
Չեմ կարողանում իմ մեջ միատեղել այս բանը: Որքան վիթ-
խարի ու անհեթեթ է մեր կյանքը: Դեռևս նորերս թշնամիներ
էինք, մենք...

— Կամաց խոսեցեք և շուտ: Շուտ ասացեք:

— Ըս այնքան հուզված եմ, չգիտեմ ինչի մասին պետք է
խոսեմ: Մեն մի բարեկամ ունեի, որի հետ այդ դազաղի մեջ
սպանեցին երեկ չէ անցյալ օրը, վերջին մարտի ժամանակ,
որը և ամեն ինչ վճռեց: Նա գերմանական սպա էր, և նրան
սրախողխող արեց գերմանացի զինվորը: Նրա մահվամբ ես
հասկացա, որ հիմար գործ եմ ձեռնարկել: Մորդավացիներին
ապստամբեցնելը նրա գաղափարն էր: Նա ինձ կոչեց մորդ-
վական ժողովրդի ազատության բարեկամ, իմ մասին մի

առասպել տարածեց, կարգին չգիտեմ, թե նույնիսկ ինչպիսի
նա առում էր բուլշեիկներին և արհամարհում ուսաներին: Ինձ
համար հետաքրքիր են և մեկը, և մյուսը: Սակայն ես ձանձ-
րանում եմ: Վերջի վերջո քաղաքականությունը միայն ձանձ-
րույթ է: Սկեսուրը միշտ հարսին համարում է շոպյուղ, հորը
թվում է, թե որդիները ձրիակերներ են, իսկ զավակները տըն-
քում են ծնողների լծի տակ: Սակայն այդ ամենը քո ընտա-
նիքն է: Ձանձրալի է: Ես ոչ մի քաղաքականության մասին
չեմ մտածել: Ես պարզապես հիանում էի Յրեյով, այն բանով,
թե նա ինչպիսի խանդավառությամբ էր հյուսում իր նախըը,
որը մեզ հայրենիք պետք է հասցնեք ու վերջ դնեք գերու-
թյանը: Դուք հո ձեր փորձով գիտե՞ք, թե գերությունն ինչ
բան է: Դուք գիտեք, թե ինչ խելահողությունների կարող է
մարդուս մղել գերությունը: Դուք հիշո՞ւմ եք:

— Դե՛հ, շո՛ւտ ասացեք:

Անդրեյը փաթաթվում է լայն, կոշտ շինելի մեջ, ասես կիպ
վարագուրված պատուհանից, որին նա հենվել էր, ցրտի ծա-
կող հոսանք է թափանցում: Սենյակում լուսվուն էր: Սեղա-
նին դրված մոմի երկչոտ լեզվակը չէր երերում, թեև մի մեկ-
նած ձեռքի հեռավորության վրա ջղաձգորեն ցնցվում էին
օբեր-լեյտենանտի շնչացող շրթունքները:

— Ես հույս ունեմ, ես գրեթե հավատացած եմ... Ամեն
ինչ ձեզնից է կախված, բարի բարեկամ: Կարո՞ղ եմ ձեզ այդ-
պես-կոչել:

— Ինչպե՞ս սիրտ արեցիք ինձ մոտ գալ:

— Օ, ես ոչ մի բոպե չէի տատանվում: Դուք ինձ կհաս-
կանաք: Ես այնքան դժբախտ եմ, այնպես եմ զղջում, այն-
պես դաժանորեն զղջում եմ...

— Ի՞նչ հույս ունեք: Ասացեք վերջապես:

Օբեր-լեյտենանտը արմունկներով հենվում է սեղանին և
դեմքը մոտեցնում մոմին: Այն անշարժ է, տանջահար, և մի-
այն բերանն է լցված լարված կյանքով:

— Սպասում եմ, որ դուք ինձ կօգնեք, ինչպես մի ժամա-
նակ ես ձեզ օգնեցի: Սպասեցիք, սպասեցեք: Հասկանում եմ,
որ դա ձեր խղճին դեմ է: Սակայն մի՞թե ես ձեզ Շենաուից
բաց թողեցի ոչ հակառակ իմ խղճի: Տեսնում եմ, թե ինչ եք
ուզում ասել. դուք անվտանգ էիք Գերմանիայի համար:

Սակայն նայեցէք ինձ: Ես եկել եմ ձեզնից ողորմութիւն
խնդրելու, ներողամտութիւն հայցելու, և դուք կարող եք ինձ
հետ վարվել ինչպես որ կամենաք: Մի՞թե ես իրոք գեթ որևէ
չափով վտանգավոր եմ ձեր երկրի համար:

Անդրեյը շինելը հանում է վրայից ու վեր կենում: Հսկա-
յական ստվերը շտկում է առաստաղին ձեռքերն ու անկյունից
անկյուն նետվում: Անդրեյը ծիծաղում է:

— Ի՞մ երկրի համար: Երկրի՞ համար:

Օբեր-լեյտենանտը արձագանքում է նրան կամացուկ
մտախոհ ծիծաղով և մոթմոթում.

— Իհարկե ծիծաղելի է: Մեծ երկրի համար, մեծ Ռուսաս-
տանի համար... մորդվական ազատութիւն բարեկամը: Սա-
կայն նույնիսկ Սեմիդոլի համար, ձեզ համար, այն գործի հա-
մար, որին ծառայում եք: Մի՞թե վտանգավոր եմ: Ես շրջա-
պատված եմ դատարկութեամբ, ես միայնակ եմ: Իմ բարե-
կամն սպանված է: Ես երբեք չեմ մոռանա, ինչպես երկու տա-
րի շարունակ նրա հետ հերբարիում էինք հավաքում: Խեղճ
Ֆրեյ: Ի՞նչ պետք է անեմ առանց նրա: Պատկերացրեք, որ ես
ազատութեան մեջ եմ և համակված շարութեամբ: Տեսա՞ք, թե
գերիններն ում կողմն էին: Ես հատուկեմտ, պատահական մար-
դիկ ունեի: Ես անվտանգ եմ, անօգնական, ես ոչնչություն
եմ: Եթե օգնեք ինձ այստեղից դուրս պրծնելու, ոչ մեկին վնաս
չեք տա, ինչպես և ոչ մեկին օգնած չեք լինի, եթե ինձ նրանց
ձեռքը տաք: Ո՛չ, ո՛չ: Ես այդ մտքովս էլ չեմ անցկացնում:
Ուզում եմ ասել, որ դուք կարող է և շունենաք այն բարեկա-
մական զգացմունքները, որոնք ինձ դրդեցին ձեզ փրկել այն
ժամանակ Շենաուում: Սակայն ես հավատում եմ ձեր մարդ-
կայնութեանը:

— Դուք այն ժամանակ ինձ ազատեցիք որպես Կուրտ
Վանի բարեկամի,— շնչում է Անդրեյը սեղանի վրա կռա-
ցած:— Իսկ գիտե՞ք, որ ես, իբրև Կուրտ Վանի բարեկամ,
պարտավոր էի... ձեզ հանձնել:

Օբեր-լեյտենանտը թիկն է տալիս աթոռի մեջքին, աչքերը
չոզում են, նա ուժով է զսպում շնչառութիւնը և ափերի մեջ
տրորում է ձեռքերի շոր, բարակ մասնիկը:

— Ինչի՞ համար է Կուրտ Վանն ինձ այդպես ատում,—
փնթփնթում է նա հագիվ լսելի:

— Դուք գիտե՞ք,— շարունակում է շնչալ Անդրեյը:—
Կուրտ Վանն այստեղ է, Սեմիդոլում: Գերինների էվակուացիան
նա է անցկացնում. նա գերմանական ղինվորների խորհրդի
նախագահն է:

Օբեր-լեյտենանտը աչքերը փակում է և բռնում քունքերը:
Անշարժ, դեղնած, նա լուում է դուրսը բռնած, և նրա կիսաբաց
բերանը ցնցվում է շղաձգորեն:

— Ճակատագիր է,— վերջապես արտասանում է նա և կո-
պերը բացում: Նրա հայացքը սղտոր է, անկենդան:

— Ճակատագիր... Ինչո՞ւ է նա ինձ ատում,— կրկնում է
նա:— Իմ հույսը, թե կարող էի խորհրդում մի բան անել...
միակ հույսը...

Նա հանկարծ վեր է թռչում, սեղանը շրջանցում, մոտ է
վազում Անդրեյին ու հռաչում.

— Ես մարդկայնություն եմ խնդրում, միայն մարդ-կայ-
նութիւն:

Այն ժամանակ Անդրեյը բռնում է նրա փափուկ, դողող
դաստակը, ցած բաշում, ասես ձեռնասեղմումով, և խալտրած
ասում նրա երեսին.

— Կա-մաց: Մարդկայնություն: Մարդկայնություն: Հապա
ինձորենուց կախված հաշմանդամը՝ մարդկայնություն էր:
Հապա այն դժբախտ ապուշների արյունը, որոնք հավատացել
էին ձեր ծիծաղելի նախաձեռնութեանը՝ մարդկայնություն է:

— Օ՛, դաժան մի լինեք: Օ՛...

— Դաժ.ա՛ն:

— Աղերսում եմ ձեզ: Ֆրեյը մեր մեղքը քավեց իր մահ-
վամբ: Երդվում եմ, որ ամբողջ կյանքում...

Անդրեյը նրա ձեռքը բաց է թողնում և հեռանում:

— Ուրիշ ոչնչով չեմ կարող ձեզ օգտակար լինել: Ձեզ
հաղողվեց փախչել: Ուրեմն փախեք: Թաքնվեցեք: Ես ձեզ չեմ
խանգարում: Մենք քվիտ ենք: Մենք քվիտ ենք, ժբեր լեյտե-
նանտ,— հանկարծ խիստ բղավում է Անդրեյը:

— Ես ձեզ հասկանում եմ: Դուք անցնում եք ցանկապա-
տի տակ մեռնող մարդու կողքով...

— Սակայն ի՞նչ եք ուզում ինձնից: Ի՞նչ կարող եմ անել
ձեզ համար:

Օրերը-լեյտենանտը կծկվում է, անսպասելիորեն ամոք շփում ձեռքերն ու արագ շշնջում:

— Ինձ որևէ անուն է պետք: Ուրիշ ոչինչ: Որևէ անուն...

Անդրեյը նրան էր նայում ապակու նման պղտոր հայացքով, և նրա թևերը դժվարությամբ էին բարձրանում, ասես ինչ-որ բան կաշկանդում էր կամփից անկախ:

— Որևէ անուն, նույնիսկ ամենաանբարեհնչուն անունն ինձ կհասցնի Բիշոֆսբերգ: Ես ուրիշ ոչինչ չեմ ուզում. Բիշոֆսբերգ, Լաուշե, Շենաու— սա է իմ վերջին ցանկությունն այս աշխարհում:

Անդրեյն ուժասպառ նստում է մահճակալին:

— Բիշոֆսբերգ՝ վերջին ցանկությունն աշխարհում:

Լուսնունը կաշկանդում է սենյակի կիսախավարը, մոմն առաջվա պես վառվում է երկշոտ և դանդաղ, թանձրանում է հալված մոմի թունդ մեղրահամ բուրմունքը:

Անդրեյը լուռ վեր է կենում ու մոտենում օրեր-լեյտենանտին: Կանգնում է կողքին, կուրծքը դիպցնելով նրա ուսին, ձեռքով գրկում է մեջքն ու դեմքը մոտեցնում նրա ականջին: Անդրեյն ամբողջ մարմնով դողում է: Ծանր, հաճախացած շնչառությամբ նա օրորում է կրծքին սեղմած օրեր-լեյտենանտին, ու նրա շշնջոցը աղմկոտ է ու ծանր:

— Եթե հասնեք Բիշոֆսբերգ, իմ մի հանձնարարությունը կկատարե՞ք:

— Դա իմ կյանքի նպատակը կլինի:

— Լսեցեք, ես այնտեղ... ես այնտեղ հարսնացու ունեմ, միակ կինը, որին... իմ հարսնացուն...

— Այո՛, այո՛, հասկանում եմ, իհարկե,— շշնջում է օրեր-լեյտենանտը, և մի մանկական բան է երևում նրա կիսաբաց շուրթերին:

Այն ժամանակ, այդ երեկոյի ընթացքում առաջին անգամ, Անդրեյի դեմքով ջերմորեն տարածվում է մուգ կարմրությունը, և մոմի դեղին բոցը մեծանում ու լայնանում է նրա աչքին:

— Դուք նրան կգտնեք, կպատմեք, թե ես... որ դուք տեսել եք ինձ, որ ես խոսում էի նրա մասին... ես ձեզ հետո կասեմ... նրան նամակ կհանձնեք... առաջին նամակը... ես նրանից մի տարի առաջ եմ բաժանվել, և նա սպասում է... Ինձ

համար սարսափելի է մտածել. ամբողջ մի տարի: Եվ առջևում... Սակայն ես ամեն ինչ կգրեմ նամակում... Դուք կհանձնե՞ք: Նրան դժվար չէ գտնել: Նրա անունն է Մարի Ուրբախ, Ֆրոյլայն Մարի Ուրբախ: Նա ապրում է...

Անդրեյը երեբաց: Նրա թևերի մեջ ծալվեց ու պարկի նման կախ ընկավ օրեր-լեյտենանտի ծանրացած մարմինը: Գլուխը ետ ընկավ, և ձգված պարանոցով սահեց մաքրօր պես դուրս ցցված սուր աղամախնձորը:

Անդրեյը օրեր-լեյտենանտին հենեց պատին:

— Ի՞նչ պատահեց: Ձեզ վա՞տ եք դգում:

Օրեր-լեյտենանտը ցնցվեց ու իրեն շտկեց:

— Ես... տեսնում եք,— խուլ շշնջաց նա, ցույց տալով գլուխը:

Աչ ականջից դեպի ծոծրակն էր ձգվում լայն, փոքրիկ սպիներով պատած մեծ մի սպի:

— Շամպանում եղավ, տասնհինգ թվականին, դրանից հետո այսպես պատահում է: Ուշադրություն մի դարձրե՞ք... ասում եք Ֆրոյլայն Մարի Ուրբախ՝ Մա-րի Ուրբախ:

Օրեր-լեյտենանտը աչքերը կկոցեց Անդրեյի վրա:

Սակայն Անդրեյը նրան չէր նայում: Նա պարանոցը երկարացրել ականջ էր դնում պատուհանի տակ լավող խշխշոցին: Ապակուն խփված երեք հատու հարված կամացուկ զընգացին ու կտրվեցին սենյակի լուսնյամբ:

— Ինձ մոտ է,— շշնջաց Անդրեյը:

Նա զգուշորեն դուրս եկավ սենյակից, փոքրիկ խցիկից անաղմուկ սահեց նախասենյակ և կպավ դրսի դռանը:

Օրեր-լեյտենանտը մի անկյուն թռավ, մեջքը սեղմեց պատին և գրպանից հանեց սպայական նագանը: Ձախ ձեռքով նա բռնեց աչ դաստակը և ատրճանակն ուղղեց դռանը: Այդպես նա կանգնել էր անձայն, անտեսանելի լարված սենյակի տաք կիսախավարում:

Անդրեյն ականջ դրեց բակում լավող փափուկ, անհաստատ քայլերին: Դրանք կանգ առան առմուտքին, և կիսափտած սանդուղքը խղճուկ ճոճուաց, կարծես քիչ էր մնում ջարդվել: Մեկը բռնեց երկաթե օղը:

Անդրեյը շունչը պահեց: Հետո աղմուկով, ազատ շունչ բաշեց, կեռիկը հանեց և դուռը բացեց: Մուկ գիշերին իր

առջև շողացող սև աչքերի փայլից նա հասկացավ, որ չի սխալվել և արագ ասաց.

— Ռիտա, սիրելիս, հիմա չեմ կարող քեզ ընդունել, գործ ունեմ... Ինձ մոտ մի ընկեր կա... Մի քառորդ ժամից կազատվեմ: Ես կգամ քեզ մոտ, անպայման կգամ:

Ռիտան թևերը բարձրացրեց, լայն, սև գլխաշորը ուսերից ցած սահեց, և նա լուռ ձգվեց դեպի Անդրեյը: Անդրեյը քրքրաշորեն գրկեց նրան, ասես ուրախացած այդ լուռությամբ և ամուր համբուրեց նրա փափուկ, թաց, սառնավուն շուրթերը:

— Անդրեյ:

— Այո՞, այո՞: Մի քառորդ ժամից:

— Դու արդեն գիտե՞ս:

— Ի՞նչ:

Նա անկապ շշջաց:

— Ռազմաճակատ... քեզ վճռել են ռազմաճակատ ուղարկել... Դա Գոլոսովն է արել, Գոլոսովը, ես գիտեմ... Նա ինձ ներել չի կարող, որ քեզ հետ եմ... Դա վճռված է... ես գիտեմ... այս օրերին, գուցե վաղը... մոբիլիզացնում են: Անդրեյ... բաժանվել հիմա...

Անդրեյը կրկին քնքշորեն գրկեց նրան:

— Մոբիլիզացիա՞ են անում: Է՛հ, ինչ անենք: Այդ լավ է: Դա շատ լավ է: Ես մի քառորդ ժամից քեզ մոտ կլինեմ: Գնա:

Նա հատակից բարձրացրեց գլխաշորն ու փաթաթեց Ռիտային, նրա մեջքը շրջեց իր կողմն ու թեթևակի բռնեց աղջկա ուսերից, մինչ վերջինս իջնում էր ճոճան սանդուղքով:

Հետո կեռիկն ամրացրեց և սենյակ վերադարձավ: Նա անմիջապես շտեմավ իր հյուրին: Օբեր-լեյտենանտը կանգնել էր պատին հենված, դեմքը դեպի դուռը դարձրած: Նրա ձեռքերը գրպաններում էին: Նա լուռ էր: Անդրեյը մոտեցավ օբեր-լեյտենանտին ու բռնեց նրա շինելի դարձածալից:

Օբեր-լեյտենանտը կամացուկ հարցրեց.

— Ինչպե՞ս եք ասում: Ֆրոյլայն Մարի Ուրբա՞խ:

— Սպասեցեք, — ասաց Անդրեյը: — Դուք կարող էիք ճանաչել նրան, Մարիին: Շենաուի կողքին է Ուրբախ վիլան, հիշո՞ւմ եք:

— Չեմ հիշում, — ժամծմեց օբեր-լեյտենանտը և մտախոհ ցույց տվեց գլուխը:

— Ես... տեսնո՞ւմ եք...

Այն ժամանակ Անդրեյը շտապեց.

— Դուք պետք է գնաք: Կաշխատեմ ձեզ համար մի բան անել: Սպասեցեք: Վաղը ժամը տասնմեկին: այն նույն տեղում, որտեղ հանդիպեցինք: Ես կգամ: Նամակ կպատրաստեմ: Դուք կհանձնե՞ք: Սակայն հիշեցեք անունն ու հասցեն, եթե, բան է, շհաջողվի նամակը պահպանել. Am Markt, 18/II, Մարի Ուրբախ... Հիմա...

Նա նետվեց դեպի դարակը, մի կտոր հաց վերցրեց ու տվեց օբեր-լեյտենանտին, շարունակ շշջալով:

— Am Markt, 18/II... Am Markt...

Օբեր-լեյտենանտը փորձեց հացը ծոցում թաքցնել, մեծ և անկյունավոր կտոր էր, նա այն երկու մասի բաժանեց ու մի մասը մտցրեց շինելի ձախ գրպանը: Հետո Անդրեյը նրան թեթևակի բռնելով դուրս բերեց խցիկից, նախասենյակից. նա դրսի դռանը մոտեցավ անձայն և երերաքայլ, ինչպես սովեր: Սակայն այստեղ հանկարծ վճռական դարձավ, բռնեց Անդրեյի ձեռքը, սեղմեց և պարզորոշ արտասանեց.

— Ես կհիշեմ. Am Markt, 18/II, ֆրոյլայն Մարի Ուրբախ: Ես անսահման երախտապարտ եմ ձեզ: Մինչև վաղը:

Նա սուզվեց մթուձյան մեջ, վստահ վազեց անցավ բակը, կիսաբացեց դռնակն ու անցքից դուրս եկավ:

Սև, դաժան գիշերը պարուրել էր օտար մահացած Սեմիդուր: Սարայանջերը, իրենց վրա ծվարած խրճիթներով, հագիվ նկատելի սապատների նման բարձրանում էին դեպի կույր երկինքը: Քաղաքի ամայի խորքում կազկանձում էր թախծող մի շուն:

Օբեր-լեյտենանտը նազանը հանեց և պահեց ափում, ասես նրա կշիռն էր ուզում որոշել: Հետո այն կրկին մտցրեց գրպանը և հաստատաքայլ շարժվեց գիշերվա մթուձյան մեջ, ձախ ձեռքի երկու մատով պահելով ազդրի վրա թռչկոտող հացի կտորը, ինչպես մի ժամանակ սուրն էր պահում...

Այդ պահին Անդրեյը սեղանի վրա կոացած, մոմի երկշտ թրթռոցի տակ, անհարթ ծայրով, քիչ պատռոված, ծալծրված թղթի կտորի վրա գրում էր կրկնվող հուսահատական, անիմաստ խոսքերը.

Իմ սիրելի, իմ թանկագին, իմ փոքրիկ Մարի: Ամեն շունչս, սրտիս ամեն մի զարկը, ամենուր, միշտ... միայն դու... Տե՛ր աստված...

Ուշ երեկոյան միայն, երբ Կուրտն արդեն վերջացնում էր աշխատանքը, եկավ Անդրեյը: Նա արտասովոր աշխույժ էր, զրուցասեր, նույնիսկ շատախոս: Պատմեց, որ հաջորդ օրը նշանակված է զորահավաքի ենթարկվածների ճանապարհումը, որ ինքը դբադված է ջոկի հավաքով, որ Գոլոտովը հազար անգամ իրավացի է, երբ պնդում է, թե նրա՝ Անդրեյ Ստարցովի համար շատ օգտակար կլինի ռազմաճակատում թմրագերծվելը:

— Սանշինոյից հետո ես կարծես վերածնվեցի,— բղավում էր նա, ձեռքերը շփելով ինչպես կայտառացնող, բուրավետ սառնամանիքին:— Եվ հասկացա, թե ինչու էի մինչև հիմա ինձ մշտապես ճնշված զգում: Անհասկանալի մի խավար պարուրել էր ինձ, ես խեղդվում էի, շունչ քաշելու հնարավորություն չունեի: Գիտե՞ս դա ինչ էր: Դա այն կեղծ գիտակցությունն էր, թե իբր ես պատասխանատու չեմ աշխարհում կատարվող այս դարհուրանքի համար: Իբր ես հանցանք չունեմ այդ սարսափի մեջ: Սակայն, խիղճս հանգիստ չէր տալիս: Խիղճը սարսափելի բան է, Կուրտ: Խիղճը... այո...

Անդրեյը մի պահ հապաղեց, հետո ավելի ոգևորված շարունակեց.

— Սուտ... հասկանո՞ւմ ես՝ սուտ: Ես մեղավոր եմ այն բանում, որ մարդիկ մահվան էին գնում, իսկ ես նրանց հետ չէի: Այնպես չէ՞: Բոլորը, ովքեր չէին գնում պատերազմելու, ովքեր չեն գնում պատերազմելու՝ բոլորը մեղավոր են պատերազմի համար: Եթե մահը պետք է, եթե այն անխուսափելի է, պետք է ինքդ... հասկանո՞ւմ ես, պետք է ինքդ մահանաս, ոչ թե նայես՝ ինչպես են ուրիշները մահանում: Սանշինոյի մոտ, երբ բոլորի հետ պիտի վազեի մահվան ետևից, ես հասկացա, թե ինչ բան է խիղճը... Ես հասկացա, որ պետք է ուսերիդ առնես սարսափի ողջ ծանրությունը, ոչ թե փախչես նրանից, համարելով, որ այդ բանում մեղավոր է աշխարհը, սակայն ոչ դու...

Անդրեյը տեղից վեր էր թռչում, սկսում էր սենյակում

վազվզել, նստում էր, կրկին վեր թռչում և գրեթե շնչահեղձ լինելով, չէր դադարում խոսելուց: Նրա դեմքը ճմրթված էր, ինչպես անքուն անցկացրած գիշերվանից հետո, սակայն պղտոր աչքերը մի արտակարգ սուր փայլով էին վառվում:

— Օ՛, ես հիմա ուրիշ, բոլորովին ուրիշ մարդ եմ: Ես հաճույքով եմ ռազմաճակատ գնում: Ես այլևս չեի կարող ապրել այնպես, ինչպես առաջ: Պարզապես կմեռնեի թախծից: Շունչս բռնվում է, երբ հիշում եմ, թե ինչ եմ ապրել Սանշինոյի մոտերքը: Գիտե՞ս ինչ, Կուրտ: Ամբողջ կյանքիս ընթացքում միակ անգամն էր, երբ մի քանի րոպե դադարեցի ինքս ինձ տեսնել: Առաջ երբեք, նույնիսկ պատանի հասակում, երբ առաջին անգամ կին ճանաչեցի...

Նա հանկարծ կանգ առավ, կարծես ապշած անսպասելի մտքից, սսկվեց և հայացքը սեւեռեց մի անտեսանելի կետի, ինչ-որ տեղ աչքերի բարձրության վրա: Հետո գլուխը թափահարեց և պատասխանեց իր մտքին.

— Ուշ: Նույնիսկ Մարիի հետ, երբ ամեն ինչ լողում ու երերվում էր նրա հայացքում, նույնընկա այն ժամանակ, Կուրտ, ես այդ զգացումը չեմ ունեցել: Ես ինձ տեսել եմ կողմնակի հայացքով: Սանշինոյի մոտերքը դադարեցի ոչ միայն տեսնել ինձ, այլև զգալ: Եթե մահը դա է, ուրեմն՝ այն հիանալի է...

Կուրտը հետևում էր Անդրեյին այն սաստկացող և թաքցրված տազնապով, ինչպես նայում են մի մարդու, որը շափազանց եռանդազին է ապացուցում, թե միանգամայն առողջ է: Եվ երբ Անդրեյն ասելիքը վերջացրեց, ու նրա ձայնը թուլացավ, ինչպես վանդակի մեջ թպրտացող ջարդված թռչունը, նա ասաց.

— Անդրեյ, դու շատ հոգնած տեսք ունես:

— Ինձ թվում է՝ քեզնից ոչ ավելի,— պատասխանեց Անդրեյը:

Կուրտը ցույց տվեց լամպի տակ դրված թղթերի կույտը:

— Առավոտից սրանցով եմ զբաղված: Մի հսկայական խումբ ենք ուղարկում: Գրանք բոլոր այն գերիներն են, որ կովել են մարկգրաֆի դեմ... Գուցե թե՛յ կուզեիր: Ասեմ թող պատրաստեն:

— Այո, այո, թեյ կխմեմ: Ասա:

Կուրտը դուրս եկավ: Նրա կրունկները թխկոցը լավեց հա-
րկան սենյակում և լոեց միջանցքում: Հեռավոր դուռը հագիվ
լսելի շրխկաց:

Անդրեյը վեր կացավ բավաթոռից, քայլեց դեպի սեղանը:
Կապույտ թղթապանակները դարսված էին հավասար կույ-
տով: Վերևի թղթապանակի շապկին սևին էին տալիս խոշոր
լիտերները:

P — S
REICHSDEUTSCHE
ԳԵՐՄԱՆԱՑՆՆԵՐ

Անդրեյը բացեց թղթապանակի մեջտեղը: Մոխրավուն
հաստ թղթի թերթիկը հաստ գծով բաժանված էր երկու կեսի:
Թերթի աջ կողմը լցված էր ուսական տպագրական տառե-
րով և գրագրի մաքուր ձեռագրով: Պարզորոշ գրված բառերի
մի կույտ ընկավ Անդրեյի աչքին:

Զինվորական կոչումը՝ Եֆրեյմոս
Անուեր՝ ԿՈՆՐԱԿ
Ազգանունը՝ ՇՏՏՏ
Երբվանից է գերի՝ 1917 թ. փետրվարից:

Անդրեյը թերթիկը դուրս քաշեց թղթապանակի միջից և
հայացքը սահեցրեց նրա հակառակ կողմով: Թերթիկի ցածում
դրված էր մանուշակագույն կնիքը և թեք, խոշորատառ ստո-
րագրություն՝

Կ. Վան:

Անդրեյը թղթապանակը փակեց, թերթիկը երկտակ ծա-
լեց ու շտապով դրպանը խոթեց, պալ մեջքը դարձրեց սեղա-
նին: Շնչառության հետ դուրս ժայթքող հեծկլտոցը զսպելու
համար նա բոլոր մկաններն այնպես լարեց, որ կարծես
զսպանակով ետ թռավ այն սեղանից, որի ծայրին նստել էր:
Եվ այդ շարժման հետ նրա փորն էլ խոր ներս ընկավ, ու նա
բարձր զկուտաց: Երբ հեռվից քայլեր լավեցին, Անդրեյը նեւ-
վեց դեպի հարևան սենյակի կիսախավարը ու բղավեց մի
քանի անգամ իրար ետևից, ամեն անգամ ավելի ու ավելի
շփոթ:

— Պետք չէ, պետք չէ...

Մթության մեջ նա դիպավ Կուրտին և բռնեց սրա ձեռքերը:
— Պետք չէ: Չեմ ուզում, միտքս փոխեցի...

— Ի՞նչ...

— Թե՛ն չեմ ուզում, չեմ կարող, չեմ հասցնի: Հիշեցի, որ
դեռ պետք է գնամ... պետք է տեղ գնամ մի կարևոր գործով...
ինձ հանձնարարել են...

— Քեզ ի՞նչ է պատահել:

Կուրտն Անդրեյի ձեռքն ամուր սեղմեց ու քաշեց դեպի
լույսը: Սակայն վերջինս չէր հանդարտվում, պնդում էր, թե
անհետաձգելի գործ ունի, զկուտում, շնչահեղձ էր լինում՝ մերթ
բղավելով, մերթ շնչալով և շտապով մի կերպ քաշում
անձուռի շինելը:

— Ինչպե՞ս էի մոռացել: Մնաս բարով, Կուրտ, ես ոչ մի
կերպ չեմ կարող...

Կուրտը խստորեն բռնեց նրա ուսերից:

— Բարեկամս, քեզ բոլորովին չես տիրապետում: Դու
տենդի մեջ ես:

— Այո՛, այո՛: Սակայն դա լավ տենդ է, լավ: Ես այնքան
երջանիկ եմ: Մնաս բարով:

Կուրտը նրան սեղմեց կրծքին, գրկեց և՛ բարձրահասակ,
ուղիղ, առանց մեջքը թեքելու, կանգնեց այդպես անշարժ:

— Եթե դու մեռնես, Անդրեյ, ես մի մխիթարություն կու-
նենամ՝ դու լավ գործի համար կմեռնես: Դեհ...

Նա շրթունքները դիպցրեց Անդրեյի այտին, հետո նրան
թողեց: Այն ժամանակ Անդրեյին մի սարսափելի դող համա-
կեց, ասես հանկարծակի դիպավ սառը երկաթին: Նա, զկուտո-
ցը զսպելով, մի կերպ արտասանեց:

— Մնաս բարով, — և դուրս վազեց:

Փողոցները սև էին, քամին անկյուններից փչում էր հան-
կարծահաս պողոթկումներով, կատաղորեն ձաղկում ծառերի
տերևաթափ ճյուղերը:

Անդրեյը վազում էր առանց շունչ առնելու, շարունակ
իրար բերելով շինելի փեշերը, կարծես գլխի չէր ընկնում
կոճկել: Զկուտոցը տանջում էր նրան, նա գրեթե շնչահեղձ էր
լինում, և քամին մթության մեջ տարածում էր նրա ընդհա-
տուն, թնդաձայն հեծկլտոցը: Սակայն Անդրեյը կանգ չէր առ-
նում:

Նա վաղեց մինչև ծայրամասի սարալանջերը, շրջանցեց իր տունը և նետվեց դեպի սարը այն փողոցով, որը դաշտ էր տանում: Այստեղ քայլերը դանդաղեցրեց և սկսեց նայել շինություններին: Սակայն խրճիթները թաղված էին գիշերվա անթափանց խավարի մեջ, ինչպես թանաքի մեջ ընկած ճանճեր, և մեկը մյուսից հնարավոր չէր տարբերել:

Անդրեյը կանգ առավ:

Եվ նույն պահին մեկը վստահորեն բռնեց նրա արմունկը: Անդրեյը ետ թռավ և արագ շրջվեց, զկոտոցի նոպան սեղմեց որովայնն ու կոկորդը, նա ցավից երերաց:

— Ես եմ, — լսեց նա քամու ոռնոցի միջից:

Անդրեյը գրույանից հանեց ծոմոված թերթիկը և մեկնեց մթության մեջ: Սառը մատները դիպան նրա ձեռքին: Նա արտասանեց ընդհատուն և խուլ ձայնով.

— Մի կերպ մենակ զնայեք... էշեղունի հետ չի կարելի... մինչև Մոսկվա...

Նա նետվեց սարի տակ, սակայն ետևից հասավ մի բղավոց.

— Մարիի նամակը:

Անդրեյը քաշեց վերնաշապկի օձիքը, ծոցից հանեց նամակն ու դրեց սառը, լուված մատների մեջ:

Քամին փչում էր համընթաց, ճամփան ցած էր գլորվում, և Անդրեյի վազքը նման էր անդունդ նետած քարի թռչելի:

Նա վաղեց մինչև իր տան դուրբասը, բակ ներս ընկավ, ելավ առձուտքին և նոր միայն շունչ քաշեց: Դուռը նրա համար բացեցին, նախասենյակով անցավ խոհանոց, շոշափեց նստարանին դրված ջրով դուլը, պաղեց և, դուլը թեքելով, սկսեց եզրից ջուր խմել: Զուրը նրան թվաց տաք, հոման: Ետ քաշվեց, հանգստացավ և կրկին սկսեց խմել մեծ-մեծ կուսերով: Հետո շերեփը գտավ, ջուր վերցրեց, պատուհանը բացեց, գլուխը դուրս հանեց և շերեփի ջուրը լցրեց գլխին: Հետո ընկավ նստարանին:

Իր սենյակ մտնելով, Անդրեյը լույսը չվառեց: Նա շոշափելով պատրաստեց անկողինը, դանդաղ հանվեց և պառկեց վերնակով պինդ ծածկված:

Քունը անսպասելիորեն շուտ վրա հասավ, այնպես որ

Անդրեյը ոչ մի անգամ չշարժվեց, և լուռությամբ ավելի ու ավելի սակավ էր ցնցվում զկոտոցից:

Եվ կարծես նույնքան արագ, ինչպես քունը, վրա հասավ տեսիլը.

Անսահման մի լայնարձակություն լցված է շողշողուն կապտությամբ: Կապտությունն ամենուր է՝ վերեվում և ներքևում, ամեն կողմից միայն այն է՝ անհատակ, հորդող կապտություն: Եվ այդ կապտության մեջ նրա խորքում՝ և միաժամանակ կարծես շատ մոտ Անդրեյի առջև դրված է մի անշարժ դատարկ աթոռ Աթոռը բարձր, ուղիղ թիկնակ ունի, ուղիղ ոտքեր և հարթ նստոց: Այն բոլորովին անշարժ է, վրան ոչ ոք նստած չի: Աթոռը դատարկ է: Աթոռի վրա ոչ ոք նստած չի: Սակայն այն կարծես սպասում է, թե մեկին պետք է նստեցնեն...

Անդրեյը սթափվեց: Նա պառնել էր ամբողջ մարմնով և դեմքով պատին կիպ կպած: Վերմակը, բարձը, սպիտակեղենը թաց էին քրտինքից: Նա վեր թռավ, ոտքերը դրեց հատակին և շունչը պահեց: Աղոտ, թույլ այգաբացը նշմարվում էր պատուհանից դուրս: Սակայն Անդրեյի առջև, անսահման, դողող կապտության մեջ, դեռևս երևում էր անշարժ դատարկ աթոռը: Աթոռին ոչ ոք նստած չէր: Սակայն այն սպասում էր ինչ-որ մեկին: Դա պարզ երևում էր...

Անդրեյը լսեց իր ատամների շխկշխկոցը, և ասես արձագանքելով այդ շխկշխկոցին, նրա մերկ կրունկներն սկսեցին արագ-արագ թխկթխկացնել հատակին:

Դա Անդրեյ Ստարցովի Սեմիրոլում անցկացրած վերջին օրն էր:

Այն ամենը, ինչ անում էր այդ օրը, մի կծիկ էր դառնում: Անդրեյը հազիվ էր հիշում բազմությունը ծածկող աղջամուղջը, բազմություն, որ ուղեցկում էր զորահավաքվածներին: Անկանոն ձայներ, պլակատներ և դրոշներ, որ ծալել էին հարմարության համար, հրհրոց կայարանի նեղ կառամատույցում: Ուղեկցողների քաղաք վերադառնալուց առաջ Անդրեյը

ինչ-որ բան էր ասում, և բղավոցներին նրա ոտքերի տակ երևում էր ճոճուկ արկղը: Հետո նա հրածեշտ տվեց ընկերներին, և նրանց դեմքերը թվացին ամոթխած, իսկ համբույները՝ գործնական: Ընկեր Գոլոսովը խորամանկորեն փի մեջ թաքցրեց ծիծաղը և ամուր սեղմեց նրա ձեռքը: Ռազմական օղաշու Շչեպովը Անդրեյին մի կողմ տարավ և նամակ տվեց հորը՝ Սերգեյ կյովիչին հանձնելու համար:

— Գուց գուցե ստիպված լինեք որոշ ժամանակ մնալ Պետերբուրգում, ահա ուրեմն... Կարող էք հորս մոտ իջնել: Ես նրան գրում եմ... Հետո, ի միջի այլոց գրել եմ նրան, որ ամուսնացել եմ, սակայն մոռացել եմ կնոջս անունը հայտնել... Ասացեք: Ի դեպ դուք գիտե՞ք: Ես ամուսնացել եմ Կլավդիա Վասիլևնայի հետ...

Հետո վազվզոցը, սև, խճճված ճանապարհներով, կույր վագոնների միջև, հետո ճանապարհը դեպի քաղաք, որտեղ պետք էր ինչ-որ բան անել՝ միայնակ և երկար ճանապարհ: Այդ ամենը մշուշվեց այն անդադրում պահանջով, որ ևս մեկ անգամ ապրի լիակատար ազատության զգացումը, այն զգացումը, որ ունեցավ Սանչինոյի մոտերքը, դաշտերում՝ մարմին շունենալու զգացումը:

Գուցե Անդրեյը վախենում էր երա՞զը հիշել: Գուցե նա շտապում էր իր մե՞ղքը քավել: Սակայն կյանքում ապրած իր լավագույն զգացողությանը անձնատուր լինելու նրա կամքը համառ էր և ետ էր մղում մնացած ամեն բան:

Եվ միայն ահա թե ինչը պատուեց այդ անընդմիջությունը, ժանր սրի նման մի կողմ նետեց այդ ամբողջ օրն ու դարձրեց այն հրածեշտի օր:

Գիշերը ցուրտ էր: Երկինքը արտասովոր բարձր էր թվում, և աստղերը մեռած էին: Կայարանի առջևի հրապարակը ոչ թե ինչպես միշտ նմանվում էր պարապուտի, այլ կարծես տարածվել էր անապատի նման: Զին շարժում էր ոտքերը. կառապանի. թեթև երկանիվ սայլը աջ ու ձախ էր թեքվում, սակայն մեկնելու, շարժվելու զգացողություն չկար: Հանկարծ գիշերվա մեջ անտանելի մի կերպարանք թռավ կառքի ոտնակին: Զին կանգ առավ:

— Իհ՛տա, — բղավեց Անդրեյը:

— Ես ուզում էի, որ ոչ ոք չտեսնի, որպեսզի Գոլոսովը չտեսնի, — շնչահեղձ լինելով ասաց նա: Հետո ընկավ Անդրեյի գիրկը, սառցե շուրթերով սեղմեց նրա բերանը, սառը թափթփված մազերով դիպավ նրա դեմքին, պարանոցին, ձեռքերին և այդ աշնանային գիշերվա, շուրթերի ու մազերի սառնության մեջ անսպասելի ջերմությամբ ասաց.

— Գնա՛ս բարով:

Անդրեյը պետք է մի բան բղավեր, որովհետև ճիշտ խցկըվել էր կոկորդը, որովհետև միտան հանկարծ պոկվեց կառքից և փախավ գիշերվա մթության մեջ, որովհետև հանկարծ այնպես ստացվեց, կարծես նա հեռանում էր մորից, հեռանում ընդմիջտ. պետք է, պետք է բղավեր, սակայն բղավելու փոխարեն նա բոթեց կառապանի մեջքն ու մի կերպ արտաբերեց.

— Քշի՛ր:

Եվ կրկին ամեն ինչ մշուշվեց մի պարզորոշ ցանկությամբ՝ կրկին անգամ, շուտով զգալ, ապրել այն, ինչ եղել էր Սանչինոյի մոտերքը, դաշտերում:

— Քշի՛ր, քշի՛ր, քշի՛ր:

Հետո Անդրեյը խցկվել էր տաքացվող ապրանքատար վագոնի մի անկյունում և, օձիքը բարձրացրած, փակել աչքերը:

Մի ժամ անց գնացքը նրան քարշ էր տալիս Պետերբուրգի ճամփով:

Այդ պահին Կուրտը Գերմանական զինվորների Սեմիդոլի խորհրդի աշխատանքի մասին զեկույց էր կազմում Մոսկվա ուղարկելու համար, և գրեց իր զեկույցի վերջին կետը.

Հայտնում եմ, որ Սեմիդոլի խորհրդի գրասենյակից անհետացել է սաքսոնական ծառայության եֆրեյտոր Կոնրադ Շտեյնի անունով գրված անձնական վկայականը: Այդ փաստաթուղթը ներկայացնողին պետք է բռնել: Իսկական Կոնրադ Շտեյնին, բացի անձնական վկայականից, իմ կողմից կտրվի նաև հատուկ փաստաթուղթ: Այս մասին միաժամանակ հայտնում եմ Գերինների տեղափոխման կենտրոնական խորհրդին:

Ծածկոցները հաճաճ են

Պատուհաններից դուրս դանդաղ տեղում էր թեթև, փաթիլավոր ձյունը: Սարերն իրար էին սեղմվել սպիտակ, գրեթե թափանցիկ, և նրանցից անդրադարձվող լույսը սենյակը լեցնում էր խաղաղությամբ: Սեղանին, լայնահատակ սրճամանի տակ, երևում էր սպիրտայրոցի կապտավուն բոցը:

Օրեր-լեյտենանտ ֆոն ցուր Մյուլեն-Շենաուն նկարների վրայից գոլուշորեն հանում էր քաթանե ծածկոցները: Նա ծածկոցը շարտում էր հատակին, անշտապ իջնում սանդուղքից և նայում էր նկարը: Հետո կրկին բարձրանում էր սանդուղքին, բացում հաջորդ նկարը և կրկին նայում հեռվից: Երբեմն շրջվում էր դեպի պատուհանը, նայում, թե ինչպես է ձյունը հանդարտ տեղում, ուղղում էր ճմրթված վերնաշապկի վեր ծալված թևերը և կրկին գործի անցնում: Նրան օգնում էր լուսամուկն ծառան, որը ծածկոցները դարսում էր մի անկյունում և սանդուղքը տեղափոխում:

Օրեր-լեյտենանտը իրար ետևից երկու գավաթ սուրճ խմեց, ծխամորճը ծխեց և հրամայեց.

— Լվացվելու ջուր պատրաստիր և գնա ձին թամբիր:

Մառան դուրս եկավ, սակայն մի բուսից վերադարձավ և զեկուցեց.

— Ցրոյլայն Ուրբախ:

Օրեր-լեյտենանտը սեղմեց բազկաթոռի կողերը, մարմինն առաջ նետեց, որպեսզի տեղից վեր թռչի, սակայն խսկույն ևեթ իրեն տիրապետեց, հանգիստ ելավ տեղից ու հանգիստ էլ պատասխանեց.

— Ներս հրավիրիր:

Մարին արագ ներս մտավ ու կանգնեց սենյակի մեջտեղում: Նա դեռևս պարուրված էր թեթև սառնամանիքի թարմությամբ, և ուսերին փայլվում էին հաված ձյունափաթիլների հետքերը:

Օրեր-լեյտենանտը գլուխ տվեց: Մարին կանգնած էր անշարժ: Օրեր-լեյտենանտը քայլեց դեպի աղչիկը, և նրա աչքերը հազիվ նկատելիորեն ցնցվեց: Նա սկսեց.

— Դուք եկաք...

Ինչ-որ բան խանդարում էր նրան խոսել, հայացքը պտտեցրեց շուրջը, կարծես հանկարծ անծանոթ սենյակ էր բնկել, քայլեց դեպի դուռն ու ստուգեց արդյոք լա՞վ է փակված: Սեղանի մոտ վերադառնալով, նա իր վրա ջանք գործադրեց, որ Մարիի կողքից անցնի, նրա քայլերը դանդաղեցին, և նա պետք է կոանար, որպեսզի քայլերը կանգ չառնեն:

— Նստեցեք, — ասաց նա:

Սակայն Մարին շարունակում էր կանգնած մնալ, հայացքը մի կողմ թևքած: Օրեր-լեյտենանտը նայում էր Մարիին, և նրա կախ գցած ձեռքերի մատները ջղաձգվում էին, ասես շարունակ ուղում էր մի բան բռնել կամ որևէ շարժում անել, սակայն վարանում էր: Նրա մշտապես կիսաբաց շուրթերը մերկացրել էին շատ սպիտակ ատամները, և դեմքը միանգամից վախեցած ու գիշատիչ արտահայտություն էր ստացել:

— Գրեթե չորս տարի... — կրկին խոսեց նա: — Երբեք չէի կարծում, որ այս սենյակում ձեզ կտեսնեմ այսպիսին... օտար: Այս սենյակում, Մարի...

Մարին հանկարծ բնդհատեց նրան.

— Դուք ինձ խաբե՞լ եք:

— Ե՛ս, — բացականչեց օրեր-լեյտենանտը:

Նրանց հայացքները մի պահ հանդիպեցին, հետո Մարին կրկին աչքերը փախցրեց, և օրեր-լեյտենանտը շրջվեց դեպի սեղանը: Նա դարակը բացեց, հանեց թղթապանակը, միջից վերցրեց կեղտոտված, ճմրթված ծրարը, մոտեցավ Մարիին և լուռ մեկնեց: Մարին ծրարը պատռեց, նայեց նամակի սկզբին, հետո վերջը, և օրեր-լեյտենանտը տեսավ, թե ինչպես նրա աչքերի վրա տարածվեց մուգ, դանդաղահոս արյունը: Մարին նամակը սեղմեց և ձեռքը թաքցրեց վերարկուի զրպանում:

Օրեր-լեյտենանտը հեռացավ, կանգնեց պատուհանի մոտ, և, աչքերը կկոցած նայելով ձյան վետվետանքին, մի կերպ, դժվարությամբ արտասանեց.

— Ես ձեզ երբեք, ոչ մի բանում չեմ խաբել: Դուք եք ինձ խաբել:

Մարին կամացուկ պատասխանեց.

— Ես ձեզ չեմ սիրում:

Օրեր-լիցյտենանտը չպատասխանեց: Մարին մի քիչ հապաղեց, հետո հանկարծ բարձրաձայն, շտապով ասաց.

— Ես ձեր նամակի ոչ մի խոսքին չեմ հավատում: Ձեր գրածը ամբողջապես սուտ է...

Այն ժամանակ օրեր-լիցյտենանտը կտրուկ շրջվեց նրա կողմը, ձեռքերը դրեց մեջքին և հռհռաց: Նա հռհռում էր ետ ու առաջ օրորվելով, առանց հայացքը Մարիից կտրելու, սպողանների քիթը գորգին դոփելով: Միծաղը թույլ չէր տալիս նրան ոչ մի բառ արտասանել: Վերջապես նա հանդարտվեց, մի հոնքը վեր տնկեց և, ուսերն անփութորեն շարժելով, խորհուրդ տվեց.

— Հարգելի ֆրոյլայն, իմ կարծիքով, ամենից լավն այն կլինի, որ դուք մի զբոսանք կատարիք դեպի Պետերբուրգ և ինքնենթ համոզվեիք, թե իրականությունն ինչ չափով է համապատասխանում այն ամենը, ինչ հաճեցիք սուտ անվանել...

Նա աչքերը կկոցեց Մարիի վրա, կրկին ոտքը դոփեց գորգին, վերցրեց ծխամորճը, սակայն չծխեց ու կրկին նետեց սեղանին: Տառապանքն ու գոռոզությունը միախառնվել էին այդ մարդու շուրթերին, և նա հարցրեց.

— Դուք ինձ ատում եք... Ինչ արած: Ես սոսկ ճշմարտություն եմ ձեզ գրել...

Նա հանկարծ նկատեց, որ Մարին գունատ է և տարօրինակ կերպով օրորվում է, առանց ոտքերը տեղից շարժելու: Նա քայլեց դեպի աղջիկը, սակայն վերջինս արագ շրջվեց ու դուրս եկավ սենյակից:

Օրեր-լիցյտենանտը ականջ դրեց, թե ինչպես մարեցին նրա քայլերը, նետվեց դեպի դուռը, սակայն կես ճամփին հայհոյանքի նման անմիտ ու դաժան մի բան բղավեց և կանգ առավ:

Անկյունում դարսված էին խնամքով ծալված ծածկոցների: Դրանց ետևը դրված էր պատից իջեցված «Նյուրնբերգի գերմանական թանգարանի բակը» նկարը: Օրեր-լիցյտենանտը գրպանից հանեց ծալովի դանակը, բացեց, ոտքը դրեց

ձածկոցների վրա, դանակը թափով մտցրեց նկարի մեջ և կտավը ծայրից-ծայր պատռեց:

Եվ դա այնպիսի մի ձայն արձակեց, կարծես թիթեղյա տանիքին մի բուռ սխեռ նետեցին, և այն թեքությամբ գլորվեց ու լցվեց ջրհորդանները:

Նոր երկիր

— Հայրիկ, ձեզ խնդրում ենք պատիվ անել մի քիչ նեղվել...— ասում է Շչեպով-որդին:

— Իսկ դու երբեք պատիվ ունեցե՞լ ես,— բղավում է հայր-Շչեպովը:

— Դա ձեր անձնական կարծիքն է:

— Տե՛ր աստված: Մի որդիս մինչև վերջ թալանեց, ծերուկիս անտեր թողեց: Հիմա մյուսն է եկել՝ հորը փողոց է շպրտում: Գնա ու պատի տակին հոգիդ տուր:

— Ձեզ ոչ թե դուրս են շպրտում, այլ խնդրում են՝ մի քիչ ավելի փոքր սենյակ զբաղեցնել:

— Նղովում եմ քեզ հայրական անեծքով հավիտյանս:

— Հայրիկ, դուք սրիկա եք...

— Նղովում եմ, նղովում: Հրե՛շ:

Անդրեյի ականջին են հասնում ծերունական կատաղի ողբ ու կոծը, քաշքշվող աթոռների աղմուկը, դռների շրխկոցը: Հետո ամեն ինչ լռում է, և պատի ետևից լսվում է որդի Շչեպովի ձայնը:

— Կլավդիա, Ստարցովին չի կարելի դուրս անել, նրա կինը շուտով պետք է ծննդաբերի...

Կի՞նը:

Անդրեյը շտկվում է, վեր կենում, մոտենում է անկողնուն, որի վրա նստած է Ռիտան: Նա ձեռքը դնում է Ռիտայի գլուխին, շոյում նրա փափուկ, հարթ մազերը, խոսում այնպես, որ միայն Ռիտային է լսելի:

— Իմ կինը:

Ռիտան նրա ձեռքը սեղմում է այտին: Անդրեյը նայում է Ռիտայի ժպիտին՝ խղճուկ ժպիտ, որը տարօրինակ կերպով լուսավորում էր նրա ուռած, այտուցված դեմքը: Այն տգեղ էր, ահա՛՛ ժամանակից վաղ առաջացած, կարծես օտար թորչո-

մությամբ, և Անդրեյը բնքշորեն համբուրում է այդ դեմքը:

— Ես գնում եմ,— ասում է նա:

— Ո՞ւր:

— Ինձ այստեղ... մոտ մի տեղ... խոստացել են մի բաժակ կաթ... Հետո մի շիշ կվերցնեմ...

— Արդեն քիչ մնաց,— ասում է Ռիտան:

— Այո, իհարկե: Ամենասարսափելին արդեն անցկացրինք. ձմեռը... Այսօր հաց են տալիս, ևս կմտնեմ...

Նա ժպտում է Ռիտային ու գնում:

Մինչ նա միջանցքում գլխարկն է որոնում, մուտքի դռան բարավորին անձայն ցնցվում է դանգակը: Անդրեյը դուռը բացում է այն պահին, երբ նախասենյակում լսվում է մի փոքր ավելի վստահ զանգ:

Անդրեյի դիմաց, սանդուղքի բազրիքին հենված կանգնել է մի աղջիկ: Նրա մազերը, սպիտակ շրջազգեստն ու բլուզը թրթռում են սանդղահարթակից բաց բնակարան խուժող տաք միջանցիկ քամուց: Նա շտապով Անդրեյին է մեկնում մինչև արմունկները մերկ, նիհար թևերը և ձգվում է դեպի նա: Անդրեյը նրան ճանաչում է ոչ թե ձեռքերից և ոչ էլ փայլուն կլոր աչքերի հայացքից, այլ մարմնի մի կորությունից, որ հանկարծ նկատելի էր դարձել քամուց ոտքերին սեղմված հագուստի տակից: Եվ, ասես պաշտպանվելով, Անդրեյը ձեռքերը քաշում է դեպի կուրծքը, ամեն ինչ զուրս պահած, նահանջում է դեպի նախասենյակ, կիսախավարը, դեպի պատից կախված զգեստը: Բարակ, ուղիղ ձեռքերը նրա կողմն են ձգվում դռան միջով, ավելի ու ավելի են մոտենում, և ահա հանկարծ նրան թվում է, թե լսում է մի շշուշ:

— Անդրեյ, չե՞ս հավատում, Անդրե՛յ:

Այն ժամանակ Անդրեյը խեղդվում է երջանիկ ու վայրի խոսքից:

— Դո՛ւ... դո՛ւ, դո՛ւ:

— Մարի՛,— բղավում է նա ու ձեռքերն առաջ նետում:

Սակայն նույն պահին տեսնում է, որ Մարին հայացքը մի կողմ է դարձրել նրանից ու աչքերը իջեցրել մինչև կես մարդահասակ բարձրություն: Անդրեյը գլուխն այն կողմ է շրջում:

Նրա կողքին կանգնել է Ռիտան: Անդրեյը խսկույն նկատում է սրա ցցված փորը, արդեն կախ ընկած և այլանդակ

կերպով մեծ փորը, որ առջևից վեր էր տեկել շրջազգեստի փեշը:

Մարին հենվում է դռանը, նրա թևերը կախ են ընկնում, նա կարծես ամբողջապես կախ է ընկնում օդում: Հետո հայացքը Ռիտայի փորից դարձնում է դեպի դեմքը, նրա կուպերը հանկարծ մահանում են, աչքերն անշարժանում:

Անդրեյն ուզում է առաջ շարժվել, նրան խանդարում են պատից կախված շինելները, վերարկուները, հովանոցները, նա ինքն էլ դառնում է այդ շինելների նման փալաս, անողնաշար: Նա վերջին ուժերը լարած պոկվում է պատից, քայլում դեպի Մարին, և նրան չհասած, մեկնում է ձեռքը:

— Մարի...

Սակայն հենց որ նրա մատները կաշում են Մարիի արմունկին, աղջիկը սուր ճշում է.

— Ա՛-ա՛-ա՛:

Անդրեյը ձեռքը ետ է քաշում և, թեթվելով նրա դեմքի վրա, կրկնում է հազիվ լսելի.

— Մարի...

Եվ Մարին կրկին ճշում է սուր, միևնույն սուր ճիշով, առանց ձայնի իջեցնելու կամ բարձրացնելու.

— Ա՛-ա՛-ա՛:

Այն ժամանակ նրա ճիշին արձագանքում է Ռիտայի երկարածիգ ու բութ հատաչը: Անդրեյը շրջվում է ու տեսնում, ինչպես Ռիտան կուպեցել է հատակին, ասես մի բան է գցել ու փնտրում է մութ անկյունում, ինչպես հետո շտկվում է և կրկին անսպասելիորեն ու անշնորհք կռանում: Անդրեյը շարժվում է Ռիտայի կողմը, սակայն այդ պահին Մարին դռնից դուրս է թռչում, և քարե սանդուղքին հասու թիակթիակում են նրա կրունկները:

Անդրեյը դուրս է թռչում սանդղահարթակ, կախվում բազրիքից և առանց շունչ առնելու մի քանի անգամ իրար ետևից բղավում խոր, դատարկ սանդուղքների վրայով.

— Մարի՛, Մարի՛, Մարի-ի՛...

Նա տեսնում է, ինչպես մեկ, երկու, երեք անգամ երևում ու անհետանում է աղջկա սպիտակ զգեստը, ինչպես մի պատահանի մոտ ծփում են նրա մազերը, լսում է, ինչպես դղրդափայլ մուտքի դուռը, որ թափով շրխկացրին և ինչպես սան-

գուղքների վրա ոռնաց պոռթկուն միջանցիկ քամին: Հետո նա գլուխը կախում է բազրիքին:

Բաց բնակարանից նրա ականջին է հասնում Շչեպովի զնգուն ձայնը.

— Կլավդիա... պետք է վազել մանկաբարձուհու ետևից:

Անկյունից զլորվում է երեխաների աղմկոտ բաղմությունը՝ եռում, փրփրում, արևի տակ խայտում գույնզգույն շթերով, լցվում պողոտայով լողացող մարդկային մարմինների հոծ, ծանրաշարժ հոսանքի մեջ: Այդ հոսանքի մեջ երեխաները տրորվում են ինչպես տոպրակի մեջ լցված հատապտուղներ, սակայն նրանց բաղմությունը դառնում է ավելի փոթորկոտ, և շթերի վերևում, որ նման էին դյուղական մահճակալների վարագույրների, ավելի հաճախ են փայլփլում ատամների սպիտակ կետերը:

Եվ ահա անկյունից զլորվող երեխաների բաղմության մեջ չգիտես որտեղից մի աղջիկ է ընկնում: Նա շվարած նայում է շուրջը, ուզում է փողոցը կտրել, որպեսզի ճամփան շարունակի, նա անպայման պետք է շարունակի գնալ, իր ճամփով՝ բաղմաթիվ շենքերի բարձր, անվերջանալի շարքի առջևով: Սակայն նրան բոթում են, բաշքշում, պտտեցնում այդ վազվող երեխաները, և նա, ջրվեժի մեջ ընկած տաշեղի նման, անզոր պտտվում է գույնզգույն շթերի փրփուրի խորքում: Նրան անկյունից մի կողմ են տանում: Երեխաները նրան կիպ սեղմում են իրենց անդադրում— արագաշարժ մարմնիկներով, որ սեղմվել, քիչ է մնացել տրորվեն մարդկային հոծ հոսանքի մեջ: Աղջկան են դառնում մի քանի ծիծաղելի, զննող հայացքներ, նրան ինչ-որ բան են բղավում անհասկանալի լեղվով, նրա առջև բացվել են սուր-սուր, փայլփլուն ատամներ և փոքրիկ, ճարպիկ ձեռքեր քաշքշում են նրա բլուզը: Աղջիկը մի բան է ասում, ի պատասխան երեխաների զխավերը ծիծաղ է պայթում, նա տեսնում է, ինչպես արևից և ծիծաղից ոչ խոր կնճիռներով ուրախ ազդուվում են պտտիկ դեմքերը, և կրկին ինչ-որ բան է ասում: Այն ժամանակ երեխաներն սկսում են բղավել, շարունակ կրկնելով միևնույն բառը և ձեռքերը թափահարում են բաղմության մեջ դեպի մի կետ: Դժվարությամբ, հրմշտելով, աղջկան է մոտենում զողող

զխով մի ծեր կին, խունացած հովանոցը մեջքին գցած: Երեխաները ձգվում են դեպի կինը, մատներով ցույց են տալիս աղջկան, իրար հերթ շտալով ինչ-որ բան են բղավում:

Պառավը ֆշշացնում է երեխաների վրա, աշխատում է վախեցնել դեմքի խիստ արտահայտությամբ, սակայն երեխաներն ավելի ուրախ, ավելի անզուսպ են սկսում ծիծաղել: Պառավը ժպտալով խնդրում է ներել անզուսպ երեխաներին, և ճերմակ մազերը ցնցելով, ասում է աղջկա ականջին.

— Probablement, vous n'etes pas d'ici, mademoiselle?

— Oui, madame,— պատասխանում է աղջիկը սոսկ շուրթերով, անսպասելիորեն կռանալով, կարծես պատրաստվում էր կնիկսեն անել,— je ne suis pas d'ici...

— Je vois bien, que ce pays vous parait nouveau. Allez-vous quelque part?

— Non... en ce moment je ne vais nulle part...

— Voulez-vous, alors, nous faire compagnie ?

Աղջիկը նայում է շուրջը: Անթիվ-անհամար մանկական դեմքեր այս ու այն կողմ երեքայով և դեպի վեր ձգվելով, առանց կանգ առնելու լողում են նրա ետևից: Նա ասում է ցրված.

— Oui, si vous voulez...

Հետո բարձրաձայն հարցնում է.

— Mais ou est-ce-que vous allez avec ce tas d'enfants ?

— Nulle part, tout droit!— և պառավը գողգոջ ձեռքով ցույց է տալիս հեռուն՝ ուղիղ, երկնքին դեմ առնող պողոտայի ծայրը:

Մարին նայում է այնտեղ, ու նրան թվում է, թե ինքը կառչելի գազաթին է, և նրա ոտքերի տակից դեպի թեք եր-

¹ — Դուք, հավանաբար, տեղացի չե՞ք, օրիորդ:

— Այո, տիկին... Ես տեղացի չեմ:

— Տեսնում եմ, ձեզ համար այս երկիրը նորություն է: Դուք որևէ տե՞ղ եք գնում:

— Ոչ... հիմա այլևս ոչ մի տեղ չեմ գնում...

— Կուզեի՞ք մեզ ընկերակցել:

— Այո, եթե ձեզ հաճելի է...

— Սակայն, դուք ո՞ր եք գնում այսքան երեխաների հետ:

— Ոչ մի տեղ, ահա հենց այսպես, ուղիղ (Ձրուհու):

կինքն է վաղում հավերժ նոր և հավերժ կանչող լայնարձա-
կությունը: Գլխավերևում սլանում են սպիտակ ամպաշղթա-
ները, քամին վրա է տալիս պոռթկումներով՝ տներին ծեփե-
լով ամբոխի բվվոցն ու դոփյունը, ինչպես Լաուշիի վրա ան-
տառների աղմուկն էր ծեփվում լեռների զառիկողերին: Եվ
ինչպես Լաուշիի վրա, երբ բարձրանում ես կատարին ու շունչ
առնում, կուրծքդ լայնանում է, և ուզում ես, որ լեռն անընդ-
հատ վեր բարձրանա ու այդ վերելքին վերջ չլինի:

Մարին մի հայացք է նետում պառավի կողմը: Վերջինս
գլուխն այնքան ուժեղ է ցնցում, որ ուսերն էլ են ցնցվում:
Երբեմն-երբեմն նա կարծես շնչում է.

— Tout droit, tout droit...

Ուղիդ, ուղիդ... Մի աղջիկ Մարիին է մեկնում բարդուց
պոկած փոքրիկ ճյուղիկ: Մարին վերցնում է, ժպտում, սեղ-
մում աղջկա նիհար, սուր ուսիկը, նայում նրա աչքերի մեջ:
Այդ աչքերը խորն են և ուրախ, ինչպես ջրափոսիկներ, որոնց
մեջ խայտում է ամպոտ օրը: Բազմութունը հանկարծ նոս-
րանում է, տեղն ընդարձակվում է, երեսները նետվում են
առաջ գնացածների հտեկից, երկու, երեք, չորս, գուցեն
ավելի աղջիկներ բռնում են Մարիի ձեռքերից և ծիծաղելի
քարշ են տալիս իրենց հտեկից: Մարին ծիծաղում է ու վա-
զում... Ահա թե ուր բերեց նրան Անդրեյը:

— Tout droit, tout droit!

Այդ ժամանակ Անդրեյը նստել էր անկողնու մոտ, որի
վրա Ռիտան էր փռվել: Նա բռնել էր Ռիտայի ձեռքն ու նայում
էր նրա դեմքին: Այն գորշ էր, և աչքերի տակ գոյացած պար-
կերին արտասուքներ էին փայլվում: Հենց որ կծկումներն
սկսվում էին, Ռիտան կծում էր ստորին շրթունքն ու գլուխը
շրջում պատի կողմը: Անդրեյը քրտնած ափերով շփում էր
նրա ձեռքն ու ասես վախենալով, թե նա կտնքա, խոսում քթի
տակ.

— Դե՛հ լավ, սպասիր... համբերիր...

Երբ ցավն արդեն անտանելի դարձավ, Ռիտայի ափանջնե-
րի հտեղ թափվեցին արագահոս արտասուքներ, և նա ճիշդ
խեղդելու համար մի կերպ արտասանեց.

— Ճիշտն ասա... դու նրան... դեռևս սիրո՞ւմ ես...

Ահա մենք ավարտում ենք մեր պատմությունն այն մար-
դու մասին, որը կարոտով սպասում էր, թե կյանքը երբ պետք
է նրան ընդունի: Մենք հայացք ենք նետում այն ճանապար-
հին, որով քայլում էր նա դաժանության ու սիրո ետեկից, ար-
յունով ու ծաղիկներով ծածկված ճանապարհին: Նա անցավ
այդ ճանապարհը, և նրա վրա արյան ոչ մի բիծ չմնաց, նա
ոչ մի ծաղիկ չտրորեց:

Օ՛, եթե նա գեթ մի բիծ իր վրա առներ, եթե գոնե մի ծա-
ղիկ տրորեր: Թերևս այն ժամանակ նրա նկատմամբ ունե-
ցած մեր խղճահարությունը վերածվեր սիրո, և մենք նրան
թույլ շտայինք, որ այդքան տառապալից, այդքան ողորմե-
լիորեն կործանվի:

Սակայն մինչև վերջին րոպեն էլ նա ոչ մի քայլ չարեց, այլ
միայն սպասում էր, թե քամին նրան կըշի այն ափը, որին
ուզում էր հասնել:

Ապակին երկաթի հետ չի զոդվում: Այդ մասին խոսելու
հարկ չէր լինի, եթե ճանապարհների վախճանին վրա չհասներ
այն գիտակցությունը, թե գթությունն ավելի կարիք ունի նե-
րողամտության, քան դաժանությունը: Արդյոք այդ չէ՞ պատ-
ճառը, որ մենք դաժանությունն արդարացնում ենք միայն
այն ժամանակ, երբ վերջինս սրբագործված է կարեկցանքով:

Սակայն ապակին երկաթի հետ չի զոդվում, և մենք ի վի-
ճակի չենք որևէ բան փոխելու Անդրեյի ճակատագրում:

Անդրեյը նամակ ստացավ: Տասնյակ փոստատոների և հար-
յուրավոր ուղեհանդուկների միջով այն անցել էր սահմանա-
պահ ուղեկալներից, և նրա վրա մնացել էին այդ բոլորի՝
հետքերը՝ գունավոր մատիտներ, դրոշմակի ներկ, նկատելի
մատնահետքեր: Տարօրինակ էր, սակայն, նամակը խուսափել
էր միայն այն կորզոնից, որը չէր կարող անտարբեր մնալ
նրա հանդեպ:

Անդրեյը փակվեց սենյակում, նստեց մեջքը դռանը դարձ-
րած: Նա բերանը լայն բացեց, որպեսզի սուլոցով ժայթքող
շնառությունը շփվի, ձեռքերը ցնցվում էին, և նա ընկավ
ձեռքերի վրա, արմուկները հենելով ծնկներին: Երբ ծրարը

բացեց, նրա դեմքը հանկարծ սպիտակեց, ասես վրան գալ շփեցին:

«Հարգելի պարոն Ստարցով.

Ի դեպ, չգիտեմ նույնիսկ, թե ինչպես պետք է ձեզ դիմել Գուցե «ընկե՞ր» Ստարցով: Չեմ կարող զրկել ինձ բավականությունից ու ձեզ՝ չհայտնել որոշ հանգամանքներ, որոնք ամենայն հավանականությամբ հետաքրքրություն են ներկայացնում ձեզ համար: Պետերբուրգում կայացած մեր վերջին տեսակցություն ժամանակ, երբ հաճեցիք ձեզ հայտնի ծառայությունը մատուցել ինձ, դուք կամեցաք պարզել նաև, թե, ընդունելով ձեր հիշյալ ծառայությունը, ես համարո՞ւմ եմ արդյոք, որ մենք քվիտ ենք: Եթե հիշում եք, ես այն ժամանակ ասացի, որ ինձ ձեր հանդեպ պարտավորված եմ զգալու այնքան ժամանակ, մինչև կատարեմ Սեմիդոլում ինձ տրված ձեր հանձնարարությունը: Ես երջանիկ եմ, որ ներկա պահին հնարավորություն ունեմ ձեզ հայտնելու, որ այդ հանձնարարությունը ճշտորեն կատարել եմ, և այդպիսով ձեզ հետ հիմա լիովին քվիտ ենք: Այո, մենք քվիտ ենք, ընկեր Ստարցով: Բիշոֆսբերգում հեշտությամբ գտա ձեր հարսնացուին, և նա ձեր նամակն ստանալու համար ինձ մոտ ժամանեց այնպիսի աճապարանքով, որը վկայում է ընկեր Ստարցովի նկատմամբ նրա տածած անդամաճան զգացմունքի մասին: Սակայն թույլ տվեք հեռվից սկսել: Չի կարելի ասել, թե դուք գուրկ եք բնագործի: Համենայն դեպս, ես շփոթվեցի, երբ դուք Պետերբուրգում հարցրեցիք ինձ, թե արդյոք ճանաչո՞ւմ եմ ֆրոյլայն Մարի Ուրբախին: Դուք, իհարկե, լավ եք հասկանում, որ եթե ես այն ժամանակ այդ բանը խոստովանեի, գա կնշանակեր՝ չկատարել Սեմիդոլում ձեզ տրված խոստումը: Մինչդեռ ես ինձ այնքան պարտավորված էի զգում ձեր հանդեպ, որ գերադասեցի ճշմարտությունը թաքցնել, որպեսզի ինձ համար այդքան անսովոր գնով կարողանամ երախտահատույց լինել ձեզ ըստ արժանվույն: Չեմ թաքցնում, ես ցնցված էի ֆրոյլայն Ուրբախի հանդեպ ձեր տածած մեծ զգացմունքից: Ես շատ լավ հասկացա, որ հենց այդ զգացմունքին եմ պարտական և դրան պետք է վերագրեմ ձեր այն որոշ անհոգությունը, որով դուք արհամարհեցիք տվյալ պահին ինձ հա-

մար վճռական նշանակություն ունեցող հայտնի հանգամանքները: Ձեզ համար կարևոր էր միայն մի բան. նամակը որևէ կերպ հասցնել ֆրոյլայն Ուրբախին: Ես դա ձեզնից լավ էի հասկանում: Եվ պահում էի ձեր նամակն այնպես, ինչպես կարելի է պահել կյանքում ամենաթանկ բանը: Չէ՞ որ ես ձեզ այնքան պարտական էի, ընկեր Ստարցով: Երբ ձեզնից լսեցի, որ ֆրոյլայն Մարին ձեզ հետ երջանիկ է եղել այն ժամանակ, երբ ես կովում էի Շամպանում և Արևելքում, գիշերով դուրս գալով ձեր մոտից, բակի դռնակի մոտ կանգնած, մտածում էի, թե ում հետ պետք է հաշիվ տեսնեմ: Ես տատանվում էի, որովհետև դուք կողքիս էիք, իսկ մինչ ֆրոյլայն Մարին հասնելը պետք է երկար ու վտանգավոր ճանապարհ կտրեի: Սակայն ձեր նկատմամբ տածած երախտագիտության զգացումը հաղթեց, և վճռեցի Մարիի հետ հաշիվ տեսնել: Երբ հետագայում Պետերբուրգում կրկին հանդիպեցի ձեզ, ինչպես հարկն է ձեզ հատուցելու միտքը դարձյալ գլուխս եկավ, և ստիպված էի ինձ վրա մեծ ջանք գործադրել, որպեսզի ձեր գանգը չփշրեի, երբ քայլում էի ձեր ետևից: Սակայն ճակատագիրը բարենպաստ էր իմ նկատմամբ: Ինձ բախտ վիճակվեց մեկ անգամ ևս համոզվելու, թե որպիսի զգացմունքներ եք տածում ֆրոյլայն Մարիի նկատմամբ և միաժամանակ պարզելու, որ այդ բուն զգացմունքները ձեզ չեն խանգարում ձեր հարսնացուին դավաճանելու նոր սիրուհու հետ: Այն ժամանակ արդեն վերջնականապես վճռեցի, թե ինչ պետք է անեմ: Նկատի առեք, որ ես ոչ մի բոլոր չէի մոռանում խոստումս՝ կարոտով ու սիրո տառապանքով լի ձեր նամակը ձեր հարսնացուին հանձնելու մասին: Ինչպես կարող էի այդքան ստոր գտնվել: Չէ՞ որ կյանքով պարտական եմ ձեզ, ընկեր Ստարցով, իսկ իմ կյանքը դուք գնահատել էիք Սեմիդոլից Բիշոֆսբերգ ուղարկվող տարանցիկ նամակի արժեքի... Հիմա ես կրկին իմ սենյակում եմ, շրջապատված ինձ համար սիրելի նկարներով: Ես ինձ միանգամայն հանգիստ կզգայի, եթե չլինեք զայրույթի այն զգացումը, թե ինչպես մի անգամ անզորություն ունեցա ձեզ կենդանի դուրս թողնելու այս սենյակից: Ի դեպ, նկարների մասին: Եթե դուք դեռևս հնարավորություն ունեք կապվելու ընկեր (կարծեմ ճիշտ է) Կուրտ Վանի հետ, ապա հաղորդեցեք նրան, որ իմ հավաքածուում

պահելող նրա բոլոր նկարները այրել եմ: Սակայն քիչ հավանական է, թե այդ նրան կարող է հետաքրքրել, քանի որ քաղաքագետները արվեստով զբաղվում են հազվագեպ և ոչ ինչպես հարկն է: Մի՞թե ընկեր Վանը մինչև հիմա գլխի չի ընկել, թե ով է գրասենյակից հանգուցյալ Կոնրադ Շտեյնի փաստաթղթերի անհետանալու պատճառը: Ես երբեք չէի կարծում, որ նա այդքան բթամիտ է... Այսպես, ուրեմն, վերադառնալով Շենաու, ես ձեր հարսնացուին հայտնեցի այն ամենը, ինչ գիտեի ձեր ասածից, ինչպես նաև այն, ինչ ինձ հաջողվեց իմանալ Ֆրոյլայն Մարիի նկատմամբ ձեր տածած զգացմունքների, ձեր նոր ընկերուհու և այլնի վերաբերյալ Ինքնին հասկանալի է, որ ձեր հարսնացուին մանրամասն գրեցի այն ծառայությունների մասին, որ մատուցեցիք ինձ և, հուսով եմ, սոցիալիստական հայրենիքին՝ Ռուսաստանին: Այդ բանը ես ավելի քան մեծ հաճույքով արեցի, քանի որ ինձ հայտնի դարձան ձեր հարսնացուի սխրագործությունները դեռևս խեղդամահ չարված սոցիալիստական հայրենիքի՝ Գերմանիայի բնագավառում: Ձեր հարսնացուին դիմելիս անպացույց հանդես չգալու համար խոստացա նրան ներկայացնել ձեր ձեռքով գրված նամակը: Արդեն գրել եմ, որ ձեր հարսնացուն չստիպեց իրեն երկար սպասել և եկավ ինձ մոտ: Ես նրա հետ տեսակցություն ունեցա այն սենյակում, որ դուք գիտեք և որտեղ մի ժամանակ... Ի դեպ այդ մասին կասենք ստորև: Ձեր հարսնացուն ինձ չհավատաց, ինչպես և սպասում էի: Ես նրան խորհուրդ տվեցի գալ ձեզ մոտ, որպեսզի համոզվի իմ ասածի բացարձակ ճշմարտությանը: Նրա նկատմամբ հսկողություն սահմանեցի: Հիրավի, սրտիս շատ մոտ էի ընդունել ձեր հարսնացուի ձեր նկատմամբ տածած քնքուշ զգացմունքները, ընկեր Ստարցով: Ձեզ մոտ գալու համար նա հանդգնեց այնպիսի մի քայլ անել, որն այնքան հերոսական չէ, որքան անաղնիվ է. նա ամուսնացավ ռուս գերի շարքային զինվորի հետ, որպեսզի ռուսական քաղաքացիության և Ռուսաստան մեկնելու թույլտվություն ստանա: Նրա այդ արարքից ես համոզվեցի, որ աղջիկը ջերմորեն սիրում է ձեզ, և ինձ համար հաճելի էր մտածել, թե նա ինչպես է ~~ստորացել~~, որպեսզի հետո ավելի ևս մեծ ստորացում զգա՝ ձեր խաբեությունն ու ձեր ոչնչությունը տեսնելով: Պատկե-

րացնում եմ, թե դուք ինչպես պետք է տառապեք այդ ստորացման համար, ընկեր Ստարցով, և այլևս այնքան էլ չեմ փստստում, որ ատրճանակա չպարպեցի ձեր ճակատին, երբ լսեցի, որ Ֆրոյլայն Մարի Ուրբախին ձեր հայտնացուն եք համարում: Ձեր հարսնացուին: Ես արտակարգ վիրավորված չեմ այն բանից, որ Մարին ինձ դավաճանում էր ձեզ հետ, քանի որ կանայք առաջին սիրեկանին առավել զգուշությամբ պետք է թաքցնեն երկրորդից, քան ընդհակառակն: Եթե ես հանձին ձեզ չէի կասկածում իմ փոխարինողին, ապա դուք էլ ոչ մի ընդունելի կարող մտածել, որ ես ձեր նախորդն եմ: Ձեզ հետ հաշիվ տեսնելու պահանջը ես հավասարակշռում էի ոչ միայն այն բանով, որ լուծյամբ իմ կյանքն էի փրկում, այլև Վայմարի գիշերօթիկ դպրոցի սանուհի Մարիի մասին հիշողություններով, որը միսս Ռոնիի պանսիոնից փախավ եկավ ինձ մոտ Շենաու, հենց այն սենյակը, ուր տեղի ունեցավ իմ և ձեր առաջին ծանոթությունը: Մենք քվիտ ենք, ընկեր Ստարցով:

Ձեզ երախտապարտ՝
Փոն ցուր Մյուլեն-Շենաու:

Հուսով եմ իմ անունը չի վնասի ձեր անվտանգությանը: Իսկ եթե վնասի, ապա, թերևս, ձեր հարսնացուի, իմ սիրուհու և անհայտ ռուս զինվորի կնոջ՝ Ֆրոյլայն Մարի Ուրբախի հետ ունեցած տեսակցությունից հետո: Համենայն դեպս, ես դիտավորյալ մի քիչ կուշացնեմ նամակս, որպեսզի այդ հանդիպումը չկանխեմ, հանդիպում, որի մասին մտածելիս արդեն հոյակապ տրամադրության մեջ եմ ընկնում: Servus!»

Անդրեյը նամակը ճմրթեց ու դուրս նետվեց սենյակից: Նրա ետևից հասավ երեխայի հանկարծակի, բարալիկ լացը: Նա կանգ չառավ: Կանացի ձայնը տազնապալի կանչեց նրան սանդղահարթակից, մեկը նրա անունը տվեց դարբասի մոտ, ինչ-որ մեկը վախեցած ետ ցատկեց նրանից փողոցում: Նա վազում էր, կարծես փախում հետապնդումից:

Գզզված, ճմրթված՝ նա իր հուսահատական վաղժը դանդաղեցրեց միայն քաղաքի ծայրամասում: Շուրջն ամայի

1 Ձեր խոնարհ ծառա (բառացի՝ ստրուկ), (լատ.):

տարածութիւններ էին, աղբով ու աղյուսով ծածկված: Մանր անձրեք էր տեղում, խտացնելով և սառեցնելով իրիկնային կիսամութը: Ավերված շինութեան քարե կմախքի մեջ քամին թափահարվում էր վանդակն ընկած գաղանի նման:

Անդրեյը շրջվեց, ետ դարձավ քաղաք, անցավ Ֆաբրիկաների ցածրիկ շենքերով պատած ինչ-որ փողոցներով, ընկավ Նևայի ափը, կրկին դուրս եկավ Ֆաբրիկայի փողոցները և կրկին հայտնվեց ամայի տարածութեան մեջ:

Խավարը թանձրանում էր, գիշերը վրա էր հասնում ամռանը ոչ հատուկ արագութեամբ:

Անդրեյը նայեց շուրջը, անձրևի խիտ մաղի միջով տեսավ հեռվում սեղմված շինութիւնների սև զանգվածները, և կրկին շարժվեց դեպի քաղաք:

Նրան կլանեցին շտեմարանների, էլեվատորների, վերնատների և աշտարակների վիթխարի լուռ զանգվածները: Նա թաղվում էր փայտացող, մեռած երկնաքերների քաղաքում:

Հանկարծ մի գորշ բան կտրեց նրա ճանապարհը և գետնի մեջ խրվեց: Անդրեյի ոտքերը շողացին: Նա քայլում էր ինչպես մի կենդանի տիկնիկ՝ առաջ, առաջ: Մեկը մյուսի ետևից ճանապարհը կտրելով, սահեցին գորշ գնդիկները: Անդրեյը շարունակում էր առաջանալ: Ահա մի բան դիպավ նրա սապոգներին ու մի կողմ թռավ: Ահա նա ոտքը դրեց ինչ-որ փափուկ, լաթի նման փափուկ բանի վրա և կարճ մի ճիչ ծակեց նրա ականջը: Նա քայլերը դանդաղեցրեց, որովհետև սկսեց դիպչել ինչ-որ փափուկ արգելքների, որ ցրված էին ամբողջ ճանապարհով մեկ: Նա կանգ առավ, որովհետև ամեն քայլի հետ լավող սուր ճիչերն արդեն վերածվեցին սուլոցի:

Անդրեյը կանգնել էր փողոցի մեջտեղում, որի երկու կողմերում մինչև սև երկինք խոյացող շտեմարաններն էին: Կանգնել էր մինչև կոճերը խրված ինչ-որ խոյուսի մեջ, որը թանձր, անշտապ ալիքներով գլորվում էր ճանապարհով ու ծանրորեն ողողում նրա ոտքերը: Նա նայում էր այդ ալիքների պղտոր-գորշավուն կատարներին, և դրանք նրա աչքին երևում էին որպես անթիվ-անհամար զգվելի գազանիկների կոր մեջքեր:

Եվ հանկարծ նա լսեց թիչ խեղդված մի ձայն.

— Անդրեյ, դրանք առնետներ են, առնետներ: Թո՛ւր դրանց վրայով:

Նա կույրի նման ձեռքերն առաջ մեկնեց ու կանչեց.

— Կո՛ւրտ, Կո՛ւրտ:

Նրան պատասխանեց հնազանդ արձագանքը:

Անդրեյը դեմքը ծածկեց ու փայտացավ, ինչպես իրեն շրջապատող սև շտեմարանները: Պղտոր-գորշավուն ալիքները դանդաղ գլորվում էին ճանապարհով, և առնետներն իրար ետևից սողում էին Անդրեյի սապոգների վրայով:

Երբ նա ձեռքերը կախ գցեց, դեմքը սպիտակ բծի նման դրոշմվեց մթութեան մեջ: Սալարկն անշարժ էր, և գոյացած ջրափոսերի վրա անձրևը մանր կտկտացնում էր:

Անդրեյը տեղից պոկվեց ու նետվեց դեպի քաղաք: Սակայն փողոցները նորից նրան դուրս բերին ամայի տարածութիւն: Նա գայթեց, ընկավ մի խոր խանդակ, սկսեց դուրս մագլցել և նորից ետ գլորվել փոսը: Ու մինչ նրա ոտքերը, ձեռքերը, ամբողջ մարմինը ցեխի վրայով ետ էին սողում խանդակի մեջ, նրա ականջներում հնչում էր խուլ, հեռավոր ձայնը.

— Անդրեյ, դու սարսափում ես վախից: Թո՛ւր, անցի՛ր գրա վրայով, անցի՛ր...

Անդրեյը ճշալով դուրս թռավ փոսից և նետվեց գիշերվա խավարի մեջ բղավելով.

— Օգնեցե՛ք, օգնեցե՛ք...

Եվ գիշերով, խճաքարերի, խանդակների վրայով, անվերջանալի պարապուտներում այս ու այն կողմ էր նետվում նա խելագարի նման— գուցե և խելագար— որոնելով ճամփաներ: Սակայն նրա շուրջը փռված էին ամայի տարածութիւններ, նրա գլխին կախված էր սև երկինքը, և շկար մարդկային կացարան, շկային ճամփաներ:

Այդպես պարապուտները շրջապատել էին Անդրեյին մինչև այն տարին, որին վիճակված էր ավարտել մեր վեպը: Իսկ երբ այդ տարին եկավ, Կուրտն Անդրեյի համար արեց այն, ինչ պարտավոր է անել ընկերը, բարեկամը, արվեստագետը:

«Քաղաքներ և տարիներ» վեպի առաջին հատվածները մամուլում երևան եկան 1922 թվականին:

1924 թվականին վեպն ավարտվեց և լույս տեսավ առանձին գրքով:

Համաշխարհային առաջին պատերազմից հետո անցած տասնամյակը խթան հանդիսացավ բազմաթիվ երկերի ստեղծման համար, որոնք ծնունդ առան այդ ողբերգության մասնակիցների և ժամանակակիցների կենսափորձից: Հագիվ թե կարելի լինի Եվրոպայում որևէ նշանակալի երկիր հիշատակել, որտեղ քսանական թվականների երկրորդ կեսին պատերազմական իրադարձություններին նվիրված մի քանի վեպ գրված չլինի:

Արևմտաեվրոպական գրողները, շատ հաճախ պատերազմը ներկայացնելով որպես մարդու կամքին չենթարկվող աղետ, իրենց հերոսներին դատապարտում էին կործանման: Վեպերի այդ հերոսների, ինչպես նաև նրանց նախատիպերի՝ համաշխարհային առաջին պատերազմի զոհերի համար ամենուրեք տարածում էր գտել ընդհանուր մի անուն՝ «կործանված սերունդ»: Պատերազմը կոչվում էր սպանդ, մառդաց: Այն, իրոք էլ, կոտորած էր, որ կազմակերպել էին համաշխարհային մրցակցող տերությունների կառավարող շրջանները: Ժողովրդի շահերին խորթ այդ իմպերիալիստական պատերազմը, երիտասարդ սերնդի համար, որի արյամբ էր հատուցվում, կոտորածից բացի ուրիշ ոչինչ չէր:

Իմ վեպի հերոս Անդրեյ Ստարցովը որոշ իմաստով պատկանում է այդ «կործանված սերնդին»: Ցարական Ռուսաստանը, մասնակցելով իմպերիալիստական պետությունների այդ կռիվին, երիտասարդների ամբողջ բանակներ դատապարտեց անխնա ոչնչացման: Անդրեյն իրեն համարում էր դատապարտվածներից մեկը, և նրանց մեծամասնության նման, ատեց պատերազմը: Ինչպես պատերազմն ատող մեծամասնության, այնպես էլ նրա համար այդ վիճակից դուրս գալու

¹ Վեպի առթիվ գրված հեղինակային վերջաբանը առաջին անգամ տպագրվել է Կ. Ֆեդինի Երկերի ժողովածուի 1-ին հատորում, ГОСУИТЭЗДАТ, М., 1952:

էլք էր բացել Ռուսաստանում հաղթանակած Հոկտեմբերյան հեղափոխությունը: Սակայն այդ ճանապարհին նրա համար արգելք դարձան այն նախապաշարմունքները, որոնց մեջ նա մեծացել էր, որպես նախահեղափոխական ռուսական բուրժուական մտավորականության հետևորդն ու ժառանգը: Պատերազմի ներշնչած նողկանքն ու սարսափը խանգարեցին նրան: Համաշխարհային կոտորածի գարշելի էությունը վանազանելու Ռուսաստանում ծագած քաղաքացիական պատերազմի նոր և բոլորովին այլ բովանդակությունից: Նա պատերազմի մեջ սոսկ պատերազմ էր տեսնում այն ժամանակ, երբ Սովետական Ռուսաստանը, վերջ տալով իմպերիալիստական պատերազմին, արդեն պայքարում էր բանվորների և գյուղացիների սոցիալիստական նպատակների համար և պաշտպանում իր հայրենիքը ցարական Ռուսաստանի ոչ վաղեմի դաշնակիցների ներխուժումից, որոնք ջանում էին ամեն կերպ նրան ենթարկել իրեն ու վերականգնել նախկին իրավակարգը: Իր մեջ ուժ չգտնելով ընդունելու հեղափոխության պատմականորեն խելամիտ պայքարը, որովհետև այդ պայքարը պատերազմ էր, Անդրեյ Ստարցովը, բնականաբար, կարծես իրմով մեծացնում էր «կործանված սերնդի» զոհերի թիվը:

Այն, որ Ստարցովը անկարող եղավ գնալու հեղափոխության ուղիով, բխում էր սոսկ հիշյալ նախապաշարմունքներից և նրա բնավորության արատներից: Նա չկարողացավ անձնական կյանքը ենթարկել ժամանակի խիստ, սակայն և մեծ խնդիրներին, և դրա համար ստիպված էր հատուցել: Թուլությունը նրան հասցրեց հանցագործության: Ստարցովի կործանումը դատաստան էր նրա նկատմամբ: Սրանով արդեն նա տարբերվում էր «կործանված սերնդից». նրա ճակատագիրը կանխորոշվում է ոչ թե պատերազմի ողբերգությամբ, այլ նա ինքն է իրեն դատապարտել արդարացի հատուցման նրա ճակատագիրը դառնում է բացառություն, իհարկե, բավական տարածված բացառություն մտավորականության այն շրջանում, որին նա պատկանում էր:

Վերջին դիտողությունը ավելի շուտ վերաբերում է վեպի ֆարսուլային, քան պարտադրում հեղինակային բացատրություններ տալու ըստ էության:

Սակայն ահա թե ինչը ինձ զրդեց հիմա, համաշխարհային առաջին պատերազմի սկզբից շորս տասնամյակ անց, խոսելու Անդրեյ Ստարցովի՝ որպես վեպի հերոսի, և բացի այդ իմ՝ որպես վեպի հեղինակի մասին:

Պատերազմն սկսվեց, երբ Անդրեյը Գերմանիայում էր: Նա տեսել էր Գերմանիայի կյանքը մինչ պատերազմը և պատերազմից հետո: Նա գործող անձ դարձավ այնպիսի հանգամանքներում, որոնք հետևանք էին գերմանացիների մեջ գտնվելու փաստի: Նա միշտ չէ, որ խելամտորեն, իսկ հաճախ էլ սխալ կամ շափազանց սուբյեկտիվորեն էր գնահատում տեսածը: Սակայն նա լավ էր տեսնում: Եվ այն, ինչ նա տեսավ համաշխարհային առաջին պատերազմի ժամանակաշրջանի Գերմանիայում, մեզ համար նշանակություն ունի նաև հիմա՝ 1939—45 թվականների համաշխարհային երկրորդ պատերազմում Գերմանիայի նկատմամբ տարված հաղթանակից հետո:

«Քաղաքներ և տարիներ» վեպի «Ինքնակենսագրայնություն» հարցը, որ ուղղակի կամ կողմնակիորեն շոշափվել է քննադատության կողմից, ճիշտ կարող է հասկացվել սոսկ մի վերապահությամբ, այն, որ բառիս լայն իմաստով, շատ քիչ վեպեր միայն կարող են ինքնակենսագրային շինել: Սխալ կլինե՞ր վիպասանի սյուժետներում անպայման փնտրել կյանքում նրա ապրածի կրկնությունը: Սակայն հերոսների բնութագրման հիմքը միշտ կլինի նրա կյանքի ճանաչողությունը: Նա եզրահանգումներով լրացված իր կենսափորձը բաժանում է վեպի հերոսներին, ինչպես կոմպոզիտորն է ձայները բաշխում նվագախմբի գործիքների միջև:

«Քաղաքներ և տարիներ» վեպը մասամբ կառուցված է մինչ համաշխարհային առաջին պատերազմը և պատերազմի ընթացքում Գերմանիայում իմ կատարած դիտումների հիման վրա: Այդ դիտումներն, իհարկե, ամեն ինչում չէ, որ համընկնում են Անդրեյ Ստարցովի ապրումների հետ: Գրանք դուրս են գալիս Ստարցովի կերպարի սահմաններից, քանի որ շեն սպառվում այդ կերպարով, դուրս են գալիս և վեպի շրջանակներից, որովհետև նա շարունակում է իմ դիտումները ստուգել նաև վեպի գործողության ժամանակային սահմաններից դուրս՝ վեպը գրելու ընթացքում: Այդ դիտում

ները ես առիթ ունեցա բաղմիցս ստուգելու համաշխարհային առաջին պատերազմից հետո անցած տասնամյակների ընթացքում, առիթ ունեցա այդ բանն անելու նաև ոչ վաղ անցյալում նացիստական Գերմանիայի ջախջախումից հետո: Եվ քանի որ Գերմանիայի նկարագրությունը, իսկ վերջինս որոշ իմաստով վեպում հանդես է գալիս իբրև զլխավոր գործող անձանցից մեկը, հիմնվել է անձնական դիտումների վրա, ուստի ուզում եմ այդ մասին խոսել ինքնակենսագրայնության պլանով, որը խորթ չէ նաև վեպին:

1914 թվականին ես որպես մոսկովյան ուսանող մեկնեցի Գերմանիա: Բնակություն հաստատեցի Նյուրնբերգում՝ մի քաղաք, որ գրավում էր հրաշքով պահպանված իր միջնադարյան ճարտարապետությամբ: Մերուկ բուրգի աշտարակներին և խրամներին նայելիս, որոնք ցանցապատված էին նեղլիկ փողոցների, խաղալիքային հրապարակների և անշափ մեծ ձեղնահարկերով տիկնիկային տնակների խիտ ուստայնով, միջնադարը թվում էր սոսկ մեռյալ հուշարձան: Նույնիսկ «Մրկաթյա կույսը»,— այն աշտարակը, որտեղ պահվում էր տանջանքի գործիքների հավաքածուն,— անմեղորեն ննչում էր թանգարան-քաղաքի ուժանտիկական շրջանակի մեջ: Զարմացնում էր միայն, թե որպիսի ակնառու ակադեմիական մանրախնդրությամբ էին հավաքված, դասակարգված և ապակու տակ տեղավորված մարդու խոշտանգման այդ գործիքները:

1914 թվականի պատերազմին նախորդող ամռան իրադարձությունները տենդայնորեն մերկացրին վաղուց ի վեր Գերմանիայում ռազմամոլությամբ դաստիարակված և արմատավորված գծերը: Քաղքենիական, բուրժուական և հատկապես յունկերների շրջանում այդ դրսևորվում է որպես ազգային մեծամասնություն և ռազմատենչ անհանդուրժողություն բոլոր ոչ գերմանացի ժողովուրդների նկատմամբ: Գրեթե ամեն ֆիլիստեր, մեծից մինչև փոքրը, իրեն իրավասու էր համարում դատելու յուրաքանչյուր ազգության և ձգտում էր «պատժելու» սլավոններին, «պատժելու» ֆրանսիացիներին սոսկ այն բանի համար, որ նրանք կարող էին մտածել ոչ այնպես, ինչպես գերմանացի ռազմամոլները:

Պրուսական ռազմամոլությունը կայգերական Գերմա

նիայի շարիքն էր: Պրուսական դաստիարակութիւնը, որ հեղեղէ էր ամբողջ Գերմանիան, հենվում էր երկու գլխավոր պայմանի՝ հրամանի և հպատակվելու վրա: Հաճախ այդ բանն ընդունում էին և իրենք՝ ֆիլիստերները: Գերմանական ունակցիոն վիպասան Շպիլհագենը, օրինակ, այսպես էր ասում. «Հրամայելու մոլեգնութիւնը, հրամաններին ենթարկվելու ստրկական փափագը՝ ահա այն օճը, որ խեղդում է գերմանական Հերկուլեսին, դարձնում նրան գաճաճ»: Հայտնի է սակայն, որ գաճաճները հաճախ հերկուլեսներից վըտանգավոր են: Եվ շուտով նրանք իրենց դրսևորեցին:

Բուրժուազիայի «հրամաններին ենթարկվելու փափագը» Գերմանիայի՝ ըստ մեծութեան Եվրոպայում առաջին և մի ժամանակ մեծավաստակ սոցիալ-դեմոկրատիային վերածեցին ռազմամոլների ձեռքի տակ գործող լավ զինվորների: «Քաղաքներ և տարիներ»-ի վարպետ Մայերը սովորական երևույթ չէր: Կայզերի սոցիոլոգները օրինապահ էին: Խորտակվում էր փոքրաթիվ մարդկանց վերջին հույսը, թե ողջախոսութիւնը Գերմանիային ետ կպահի անդունդ գլորվելու եզրից: Շովինիզմի խելահեղութիւնը տիրապետում և զարմանալի հեշտութեամբ իր ետևից տանում է ֆելդֆելեհների ձեռքի տակ խստավարժված ժողովրդին: Պարզվեց, որ բուրգը սոսկ հուշարձան չէ: Նրա ներսում միջնադարը դեռ չէր քայքայվել, Նյուրնբերգի թանգարաններում ասպետական գեներ ու զրահը զուր չէին պահպանում ժանգոտումից:

Ես Նյուրնբերգից մեկնեցի պատերազմ հայտարարելու օրը, երբ կայարանում փակցնում էին բավարական թագավորի հրամանը՝ զորահավաքի մասին, և երկաթուղիներն անցնում էին ռազմական իշխանութեան ձեռքը: Ըստ էության, դա արդեն փախուստ էր: Ես թե՛ երիտասարդ էի և թե՛ միամիտ՝ մինչև վերջին պահը չէի հավատում աղետի իրողութեանը: Հույս ունեի «ժլկել» սահմանից: Գրեզդենում ինձ բռնեցին, և այլևս ստիպված էի հրաժարվել ազատվելու հույսից. ինձ մոտ խուզարկութիւն կատարեցին, ես դարձա ոստիկանութեան հսկողութեան ներքո գտնվող «քաղաքացիական գերի»:

Շուտով ինձ արտաքսեցին Յիտտաու: Զխոսուլվակիայի սահմանի մոտ գտնվող սաքսոնական այդ քաղաքին վիճակված էր դառնալ գերմանական քաղքենու ուսումնասիրութեան

իմ երկարատև դպրոցը: Ես տեսել ևմ մի բանի տասնյակ հանդիսավոր, ջահերով երթեր քաղաքի փողոցներում: 'Իս հայտնագործութիւն էր. գերմանական «քաղաքակրթութիւնը» սիրով պահպանում էր կրակի հեթանոսական պաշտամունքը: Ես տեսնում էի հյուծված ուս գերիներին՝ ոտոզման դաշտերում կամ անասնանոցներում աշխատելիս: Գերմանացի կալվածատերերը և կուլակները իսկական ստրկատերեր էին. նրանք հյուծում, ուժասպառ էին անում ստրուկներին, նրանց գերեզման դնում և գնում էին մոտակա ճամբարը նոր գերիների ետևից: Ես քարոզներ էի լսում գերմանական արդարադատ սրտի մասին, որ կարողում էր քահանան ռազմագերիների եղբայրական գերեզմանոցում՝ ճամբարային հերթական անձնասպանին թաղելիս: Ես գերմանական հարյուրավոր թերթեր կարդացի, որոնք ծաղրում էին հումանիզմը՝ որպես թուլակամութեան արտահայտութիւն:

Սակայն գերմանական ժողովուրդը չէր կարող ինքն իրենից թաքցնել գնալով մեծացող սեփական տառապանքները, որի պատճառը, ինչպես բացատրում էին նրան, օտար ազգերի շար կամքն էր: Տառապանքը ստիպում է մտածել: Վերդենի մոտերքում բանակի անմիտ ջախջախումից հետո, Յուտլանդական մարտում նավատորմի ղեկի մասի ապարդյուն կործանումից հետո, 1918 թվականի ամռան պարտութիւններից հետո գերմանական ժողովրդի լայն զանգվածներում արդեն սկսեցին սթափվելու ակնառու նշաններ երևալ: Այդ տարի, երբ Բեռլին գնացի, հանդիպեցի գերմանացի սպարտակյաններին, և նրանք ինձ ցույց տվեցին այնպիսի երիտասարդների, որոնք պատերազմի ընթացքում փոխել էին իրենց հայացքները և պատրաստ էին հեղափոխութիւն անելու: Այդ փաստը հիմք դարձավ հետագայում «Քաղաքներ և տարիներ»-ում Կուրտ Վանի կենսագրութեան համար:

Կայզերական Գերմանիայի կործանումից քիչ առաջ ես հայրենիք վերադառնալու իրավունք ստացա: Ինձ մտքրին գերիների փոխանակման մի խմբի մեջ, եկա Մոսկվա: Գերութիւնը դարձավ հուշ: Զորս տարուց ավելի գերմանացիների թիկունքում ապրած ժամանակ կատարածս դրառումները և թերթերի մի ամբողջ կապոց դրված էին իմ ճամփուկում:

Հետո վրա հասավ նոյեմբերի իննը: Թվում էր, թե գերմանական ժողովրդի կյանքում անցյալը խորտակվեց անվերադարձ, ինչպես ցարական անցյալը Ռուսաստանի ժողովուրդների կյանքում: Վիլհելմը փախավ, Եվրոպային ահ ու սարսափ ազդող գերմանական բանակը քայքայվում էր, ուղղման և ակասամբեց, Բեռլինում ստեղծվեց նոր կառավարություն՝ սոցիալ-դեմոկրատների գլխավորությամբ:

Սակայն պատերազմ հարուցած ուժերը սոսկ ճգնաժամ էին ապրում, նրանք շարունակում էին իրենց գոյությունը: Այդ ուժերը ոտքի ելան պատմականորեն շատ կարճ ժամանակամիջոցում: Վերսալի պայմանագիրը մինչև վերջ չգինաթափեց Գերմանիային: Ռեակցիոն ուժերն սկսեցին համոզել ժողովրդին, որ ռազմական պարտություն չի եղել, որ գերմանական գլխավոր շտաբի ստրատեգիան անթերի էր, որ «հաղթանակող» Գերմանիան ներքին հեղափոխության զոհը դարձավ:

Սոցիալ-դեմոկրատիան դարմանալի հետևողականությամբ շարունակում էր իր դավաճանությունը, որ սկսել էր դեռևս Վիլհելմի օրոք ռախսատագում քվեարկելով հօգուտ ռազմական վարկի: Այն ճնշեց հեղափոխական զանգվածների բոլոր փորձերը, թույլ չտվեց, որ նրանք պետության ճակատագիրն իրենց ձեռքն առնեն: Սոցիալ-դեմոկրատիայի կողմից չախճախվեցին Համբուրգում և Քիլում ապստամբած նավաստիները, Բեռլինի սպարտակյանները, Սաքսոնիայի հեղափոխական շարժումը, Բավարիայում ստեղծված խորհրդային հանրապետությունը: Այն իր ոչ հաստատուն իշխանությունը ամրապնդում էր Պրուսիայի յունկերների և Ռուրի արդյունաբերողների աջակցությամբ, օգնելով թնդանոթի արքաներին, որպեսզի վերջիններս զենք արտադրեն անգլո-ֆրանսիական դաշնակիցների ներողամիտ հսկողությունից թաքուն և ամերիկյան կապիտալիզմի շուքը օգնությամբ, որը ագրեսիվ կերպով ներթափանցում էր Եվրոպա:

Համաշխարհային առաջին պատերազմից տասը տարի անց ես կրկին Գերմանիա մեկնեցի: Դաշնակիցները Քյոլնն արդեն վերադարձրել էին գերմանացիներին: Սակայն ես Քոբլենցում դեռ տեսա անգլիացիների, իսկ Ֆրանսիացիներին հանդիպեցի խաղողաշատ Հռենոսի հարավային ոլորք-

ներում. դաշնակիցները ջանում էին որքան կարելի է մեծ դին պոկել իրենց զորքերը Արևմտյան Գերմանիայից դուրս բերելու համար: Հաղթողների զինվորները դեռևս պահպանում էին իրենց վերջին հերթափոխը:

Գերմանացիները արտակարգ համառությամբ էին պայքարում իրենց պարտության հետևանքների դեմ: Ռևանշի տրամադրությունը ջանադրաբար նախապատրաստվում էր բուրժուական մամուլի կողմից: Սոցիալ-դեմոկրատական կառավարությունը առանց հատուկ քողարկման ընթանում էր ռազմամուլներին համաքայլ, որոնք ապահովված էին ֆելդմարշալ Հինդենբուրգի հովանավորությամբ, այն Հինդենբուրգի, որը նացիոնալիզմի խորհրդանիշ էր Վիլհելմի դրոշի ներքո բռնված պատերազմի ժամանակ, և դարձավ Վայմարի հանրապետության պրեզիդենտը:

Ես առիթ ունեցա այնուհետև երկու անգամ ևս այցելելու Գերմանիա՝ 1931 և 1932 թվականներին: Այն, ինչ տեսա այդ տարիներին, կարելի է միանգամայն նոր ժամանակաշրջան անվանել: Անցած երեք տարվա ընթացքում գերմանական կյանքի առաջին պլանը գրավել էին նացիոնալ-սոցիալիզմի մյունխենյան շարժման պարագլուխները: Նրանք բոբբոբում էին ռևանշի պահանջները, արգելակում Վերսալի պայմանների կատարմանը, գրգռում, զայրույթ հարուցում հեղափոխական վերափոխությունների մնացորդների դեմ, արագորեն գրոհայինների ռազմականացված ջոկատներ էին կազմում և տեղորի ենթարկում դեմոկրատիայի կողմնակիցներին:

Ֆրանսիական սահմանին մոտ գտնվող Բադեն փոքրիկ քաղաքում, որտեղ կես տարի ապրեցի, ինձ վիճակվեց ականատես լինել ռախսատագի վերջին ընտրություններին: Ընտրություններն անցկացվեցին ընտրողներին գրոհայինների մահակներով վախեցնելու միջոցով: Ընտրության ամենահեռուն պահին սվաստիկան վեր խոյացավ ընտրական տեղամասի շենքի վրա, իր տակ կոխոտելով պետական դրոշը:

Այդ ժամանակ արդեն ռազմական նախապատրաստությունները Գերմանիայում գրեթե բացահայտ էին տարվում: Ուսանելի էր տեսնել, թե ինչպես հարևան Ֆրանսիայի աչքի առջև փոստատան անվան տակ վիթխարի ավտոմոբիլային կայան-բազաներ էին ստեղծվում, և ինչպես նույն անմեղ

փոստի համար անթերի ճանապարհների խիտ ցանց էր ըստեղծվում, թեև Եվրոպայի այս խուլ վայրերը օրական հազիվ մի բարակիկ պարկ նամակ էր բերվում: Սոցիալ-դեմոկրատներն իրենց գործն արել էին, և արդեն ետին պլան էին մղվել աչ կուսակցությունների կողմից, որոնց մեջքին էր կանգնած հզոր Ռուսը նացիոնալ-սոցիալիստների իր սլաստիկայով: Ավստրիացի Ֆելդֆեբել Հիտլերին գերմանական հպատակություն հրամցրին, և նա դարձավ «կայսերական գերմանացի», ստացավ հարկավոր աստիճանը, մտավ ռախրստագ և անցավ մահակներով ծեծված մեծամասնության գլուխը: Ռեակցիոն Եվրոպան գերմանական ֆաշիստներին ոչ միայն շողոքորթում էր, այլև ստորաքարշություն էր անում նրանց առջև:

1933 թվականի հունվարին Հիտլերն իշխանությունը գրավեց, ինքն իրեն նշանակեց ռախսակնցլեր, և այն ժամանակ Գերմանիայում նացիստների ձեռքն անցան ներքաղաքական ճակատի բոլոր բանալիները: Պատմում էին շատ դիպուկ մի անեկզոտ. Հիտլերը մեկնել էր ծերուկ Հինդենբուրգի նստավայրն ու նրա հետ զբոսնում էր այգում. հանկարծ պրեզիդենտի ձեռքից թաշկինակն ընկնում է, և երբ Հիտլերն այն բարձրացնում ու տալիս է ծերուկին, Հինդենբուրգն այնքան քաղաքավարի և այնքան ընդգծված կերպով է շնորհակալություն հայտնում իր նորեղուկ վարչապետին, որ վերջինս ասում է. «Ձերդ գերազանցություն, մի՞թե արժե շնորհակալություն հայտնել, սա այնքան շնչին բան է», և Հինդենբուրգը ի պատասխան, խորամուխ նայելով սեփական թաշկինակին, ասում է. «Ի՞նչ եք ասում, ինչպե՞ս թե շնչին բան է: Չէ՞ որ պետության մեջ սա միակ տեղն է, ուր կարող եմ քիթս խոթել...»:

Հինդենբուրգի պրեզիդենտությունը Վայմարի կանոնադրության միակ արտաքին մնացուկն էր, որ նացիստները հանդուրժում էին, ի դեպ, մինչև իր ծառայությունը վերջացրած Ֆելդմարշալի մոտալուտ մահը: Նա նրանց չէր կարող խանգարել: Ռախստագը հրդեհելով, նրանք աշխարհին ցույց տվեցին, թե նացիոնալ-սոցիալիստները ինչպիսի միջոցներով պետք է վերադաստիարակեն Գերմանիան: Վերադաստիարակությունը կատաղի թափով կատարվեց: Նացիոնա-

լիզմը հասցվեց այլատյացության ամենաբարձր աստիճանին և ավարտվեց ռասիզմի մարդակործանարար տեսությամբ. գերմանացիք հայտարարեցին, որ կոչված են իշխելու բոլոր ժողովուրդներին, որպես «արիական ռասայի» ամենագտարյուն ներկայացուցիչներ: Հակահրեական շարժերը փոթորկի նման տարածվեցին ամբողջ Գերմանիայում:

Նյուրնբերգը դարձավ կրկեսի արենա, որ սարսափ էր ազդում իր ֆաշիստական զորահանդեսներով, դարձավ նացիզմի մայրաքաղաքը, արյունարբու քարոզների, հավատարմնչական օրհներների ամբիոնը: Միջնադարյան խոշտանգումները գլուղակցվում էին հեթանոսական դիցաբանության տարածմանը: Խարույկների վրա այրում էին հիտլերականների համար ոչ ցանկալի գրքերը: Աննկարագրելի շափով շատանում էր վերածնված գերմանական զենքը: Ի վերջո բանակը, որ պահպանում էր կայզերական ժամանակի պրուսացիների ավանդները և սկզբում խուսափում էր նացիստներից, նվաճվեց վերջիններիս կողմից, և այն ժամանակ նացիզմը լիովին միաձուլվեց գերմանական ավանդական միլիտարիզմին: Գերմանիայի ներսում այլևս ոչինչ չէր արդելակում, որպեսզի վերջինս ընթանա ռազմական ռեանչի ուղիով: Արտաքին քաղաքականության մեջ հիտլերականները շանտաժի, սպառնալիքի, «մյունխենցիների» հետ գործարքների մեջ մտնելու միջոցով և պլանաչափորեն զբաղվելով լեհական, չեխական, լիտվական, ավստրիական հողերը, իրենց համար ելման դիրքեր էին նախապատրաստում աշխարհի վրա հարձակվելու համար:

Համաշխարհային առաջին պատերազմը սկսվելուց ուղիղ մի քառորդ դար հետո նացիստների Գերմանիան հարձակվեց լեհաստանի վրա, և դա արդեն համաշխարհային երկրորդ պատերազմի սկիզբն էր, որն աննախադեպ էր իր մասշտաբով և դաժանությամբ:

1941 թվականի ամռանը Հիտլերը, իրագործելով իր վաղուց նախապատրաստված պլանը, առանց պատերազմ հայտարարելու, լիտիաբար հարձակվեց Սովետական Միության վրա:

Այն ամենը, ինչ տեղի ունեցավ դրանից հետո, դեռևս թարմ է մեր հիշողության մեջ: Մեր հիշողությանը խոր վերջ

է հասցվել պատմութեան մեջ շտեմնված այն բնութիւնից, որ հիտլերականների միլիոնանոց հորդաները կիրառեցին մեր երկրի վրա, և այդ սարսափելի ակտը երբեք չի մոռացվի: Հայրենական մեծ պատերազմում զավթիչներին մենք հակադրեցինք սովետական ժողովուրդների փառապանծ միասնութիւնը, և պատերազմն ավարտվեց մեր հաղթանակով ու նախատական Գերմանիայի լիակատար ջախջախմամբ:

Հիշում եմ, թե որպիսի անբացատրելի զգացումով էի կարգում կարմիր բանակի հաղորդագրութիւնների մեջ ինձ լավ ծանոթ սաքսոնական գետերի և փոքրիկ քաղաքների անունները՝ Նայսե, Յիտտաու, երբ մեր բանակն արդեն հարձակվում էր գերմանական տիրակալութեան խորքում: Համաշխարհային առաջին պատերազմի օրերին ապրելով այդ Նայսեի ափին, ես երազում միայն կարող էի ոուս զինվոր տեսնել: Եվ տեսնում էի երազում, քանի որ հարթման չէր կարելի երազել ոուս զինվորի մասին, որպեսզի մտքերը շմատնէիր: Հիմա արդեն սովետական բանակը հատուցում էր բերում միլիտարիստական Գերմանիայի մեղքով մեր երկրի կրած անմարելի տառապանքների դիմաց: Կրակից խանձված մեր հաղթող զինվորը ոտքերի տակ տվեց իր ձեռքով ջախջախված նացիստների վերջին շտանդարտները՝ Սաքսոնիայում, Միլեզիայում, Բրանդենբուրգում, և Սովետական Միութեան դրոշմ պարզեց Բեռլինում՝ ռախսատագի վրա:

Ես այս ամենի մասին խոսում եմ ոչ այն պատաճով, որ «Քաղաքներ և տարիներ» վեպից բխում է համաշխարհային առաջին պատերազմին հաջորդող իրադարձութիւնների կանխատեսումը: Ես, իհարկե, չէի կարող դրանք կանխատեսել: Սակայն այն կորստաբեր ուժերը, որ մասնակցում էին ոչ վաղ անցյալում աշխարհը ցնցած իրադարձութիւններին, մանուկ կամ սաղմնային վիճակում գոյութիւն ունեին դեռևս համաշխարհային առաջին պատերազմին, — իհարկե, գոյութիւն ունեին և դրանից առաջ, — և դրանք իմ ժամանակագրութեան մեջ առավել կամ պակաս շափով իրենց արտացոլումն են գտել գերմանացիներին նվիրված գլուխներում և գործող անձանց մեջ:

Հիտլերյան Գերմանիայի հետ այդ բախումից ձեռք բերած ողբերգական փորձը մեզ ակնառու կերպով ցույց տվեց,

որ գերմանական նացիստները ժխտում են այն ամենը, ինչ մարդկային է: Հենց նացիստներն էին, որ իրենց ճամբարներում ունչացրին միլիոնավոր տղամարդկանց և կանանց: Նրանք էին, որ խանդակների եզրին դնողակահարում էին ժրժկեր երեխաներին զրկած մայրերին: Նրանք էին, որ այրում էին ամբողջ երկրներ: Նրանք երկրի երեսից ջնջեցին հարյուրավոր քաղաքներ: Նրանք գերիներին խարանում էին, ինչպես տաժանապարտների: Նրանք ստրկութեան էին զրում սովետական երիտասարդներին: Ո՞վ կարող է թվարկել նրանց կատարած բոլոր գաղանթութիւնները:

Իմ վեպում ուրիշ դարաշրջան է ցույց տրված: Իմ նկարագրած գերմանացիները դեռ չէին ենթարկվել այն երկաթյա տոփանմանը, որին ենթարկվեց Գերմանիան հիտլերյան ռեժիմով: Եթե կարելի է այսպիսի ասել, այն ժամանակ ամեն ինչ ավելի մեղմ էր: Սակայն «Քաղաքներ և տարիներ»-ի օբեր-լեյտենանտ Ֆոն ցուր Մյուլեն-Շենաուն արդեն պառակտութիւն էր սերմանում Սովետական Ռուսաստանի ժողովուրդների միջև, ծառից կախում էր ոուս գյուղացիներին, հակահեղափոխութեան գաճաճ ֆյուրերի դեր էր կատարում: Վերադառնալով իր հայրենի տունը, նա դանակով խաչաձև պատուեց «Նյուրնբերգի գերմանական թանգարանի բակը» նկարը, որ կատարված էր հովվերգական տրամադրութեամբ: Նա այդ բանն արեց անձնական նկատառումներով, նկարչի՝ իր հայրենակցի հանդեպ տաժած ատելութիւնից, քանի որ վերջինս պատերազմից հետո դարձել էր հեղափոխական: Սակայն օբեր-լեյտենանտի այդ արարքն, այնուամենայնիվ, այլ իմաստ է ստանում:

Նյուրնբերգը դադարեց անցյալի հովվերգական հուշարձան լինելուց, այն դարձավ նացիստական մոլեռանդութեան խորհրդանիշ, և դժվար է ենթադրել, թե Ֆոն ցուր Մյուլեն-Շենաունի խառնվածքի տեր մարդը ժամանակի ընթացքում հանդես չգար հիտլերյան կուսակցութեան ոսկե նշանի տակ: Գժվար է պատկերացնել, թե ինչպես կարող էր գերմանական սոցիալ-դեմոկրատիան սկզբում այնքան եռանդով ճանապարհ բացել հիտլերականների համար, իսկ հետո էլ այնքան ամոթալի և ստորաքարշորեն իր տեղը զիջել նրանց: Եթե Վիլհելմի ժամանակից արդեն նրա շարքերում պակաս

լինեին Պատու Գեներալի նման միապետին հլու-հնազանդ քաղ-
քենիները: Ու թերևս, գերմանական բժշկության մեջ հապիվ
թե հանդես գալին հիտլերական փորձարարները, որոնք գե-
րիների վրա փորձարկում էին թուլյների և խեղդող գազերի
ազդեցությունը, եթե նախկինում, կալվերական Գերմանիա-
յում, գոյություն չունենային այնպիսի բժիշկներ, որոնք
ճամբարներից վերցրած մարդկանց վրա փորձում էին նոր
անզգայացնող միջոցները, ինչպես «Քաղաքներ և տարիներ»
վեպում այդ անում է հիվանդանոցի ավագ բժիշկը՝ կտրելով
Ֆյոգոր Լեպենդինի ոտքերի մնացորդները:

Իմ վեպում շատ զուգահեռներ և նմանություններ կարելի
է գտնել գերմանական ուղամոլների մեր ներկայիս ճանա-
չողություն և այն բանի միջև, թե նրանք ինչպիսին էին դեռևս
կալվեր ժամանակ: Եթե խոսենք սոսկ Գերմանիային նվիր-
ված գլուխների մասին, ապա, իմ կարծիքով, վերջիններիս բո-
վանդակությունն այն է, որ նրանք շոշափում են հետագա-
յում աշխարհի գլխին նացիզմի բերած աղետի ակունքները:
Գերմանական ուղամոլները մարդկային սկզբունքները
ամենախիստ խնդրում ժխտում էին և այն ժամանակ՝ հա-
մաշխարհային առաջին պատերազմում: Այդ սկզբունքները
լիովին ժխտեցին հիմա՝ Հիտլերի տիրապետության օրոք:

«Քաղաքներ և տարիներ» վեպի գերմաներեն թարգմա-
նությունը թշնամաբար բնորոշվեց քսանական թվականների
Գերմանիայի պահպանողական մամուլի կողմից: Երեսնական
թվականներին նացիստները վեպն այրեցին խարույկների վրա:
Ահա թե ինչպիսին է այս գրքի կենսագրությունը, որի
շատ էջերը նվիրված են պրուսական ուղամոլության նկա-
րագրությանը:

Ես առիթ ունեցա Գերմանիան կրկին տեսնելու 1945 և
1946 թվականներին: Բեռլինի և Բրանդենբուրգի, Սաքսոնիա-
յի, Թյուրինգիայի, Բավարիայի ավերված քաղաքների միջով
ևս մեկնեցի Նյուրնբերգ: Աշտարակների և բուրգի պատերի մի-
ջև ազբի հսկայական մի կույտ էր վեր խոյանում: Արձանացած
միջնադարի ողջ ողմանտիկական երազը, որ մի ժամանակ
հրապուրում էր զբոսաշրջիկներին, ցնդել էր մշուշի նման:
Խճաքարից գոյացած սարերի վրայով տեղ-տեղ մարդու ոտնա-
հետքի լայնություններ կա՞ծաններ էին անցնում: Փողոցների

հետքն էլ չէր մնացել: Միայն առաջվա նման կատակով ժրպ-
տում էր ումբերի բեկորներից ծակծկված բրոնզյա մայս-
տերգինգեր Հանս Սաքսը: Եվ եթե նախկին այդ Նյուրնբերգը
հիմա էլ գրավում էր մարդկային նոր բազմությունների,
ապա վերջիններիս հետաքրքրությունն արդեն հնություն հուշ-
արձանների վրա չէր սեռված:

Այստեղ հանդիսավոր կերպով կատարվում էր այն, ինչի
մարդիկ սպասում էին հյուսիսում և հարավում, արևելքում և
արևմուտքում, երբ նրանցից լավագույնները կենաց-մահու
պայքար էին մղում իրենց հայրենիքներն ազատելով ստրկաց-
նողների կրնկի տակից: Այստեղ դատում էին պատերազ-
մի գլխավոր հանցագործներին՝ գերմանական նացիզմի պա-
րազուկներին: Այստեղ դատում էին այն Նյուրնբերգին, որը
գարձել էր ինկվիզիցիայի խորհրդանիշը, մարդկային ազա-
տության և արժանապատվության դեմ արյունարբու արարք-
ների քարոզիչը:

Նրանք, ովքեր 20-րդ դարում հարություն էին տվել «Եր-
կաթյա կույտի» միջնադարյան խոշտանգումների գործիքնե-
րին, կատարելագործել էին դրանք հնարագետ դահիճների
ձեռքով և կիրառել բոլոր ժողովուրդների նահատակների
վրա, հիմա Միջազգային ուղամական տրիբունալի առջև դա-
տապարտյալների աթոռին նստած սպասում էին իրենց
դատաստանին:

Այն ժամանակ, 1945 թվականի հաղթանակից անմիջապես
հետո, թվում էր, թե գոյություն ունի անխախտ վճռականու-
թյուն՝ մեկընդմիջտ վերացնելու գերմանական ուղամոլու-
թյան վերածննդի վտանգը: Թվում էր, թե ջախջախված հիտ-
լերականների մնացորդներին այլևս երբեք թույլ չի տրվի
ոտքի կանգնել: Ինչպես գիտենք, այդպես չեղավ:

Ամերիկյան այն նույն պահակները, որ Նյուրնբերգում
բանտի խցիկներից Միջազգային տրիբունալի սրահն էին բե-
րում գերմանացի ֆաշիստներին՝ գլխավոր ուղամական հան-
ցագործներին, նրանց նկատմամբ սահմանված դատավճռից
հերավի շատ քիչ ժամանակ անց, բանտերից ազատեցին
Հիտլերի գեներալներին, ոչնչացված բանակների այդ կենդա-
նի մնացած գազաններին: Ֆաշիզմի երեկվա «դատավորնե-
րը» դարձան նրա սպառնալիկները, խանդավառ կողմնակիցնե-

րը, և երեկվա թշնամիները միասին նստեցին սեղանի առջև՝ նոր պատերազմի ծրագրեր մշակելու համար:

Գարձյալ թխկթխկացին էսէսականների պայտերը Արևմտյան Գերմանիայի դիաբազային սալարկներին: Գարձյալ գերմանական սոցիալ-դեմոկրատները պառլամենտական թմբուկներ թմբկահարեցին ի փառս իրենց նոր տիրոջ՝ համաշխարհային տիրապետության ամերիկյան նոր հավակնորդի: Գարձյալ ծխացին Ռուրի ժխնելույզները, և անդրովկիանոսային ֆինանսական մագնատները, որ օգնում էին Կրուպպին ոտքի կանգնելու Վերսալից հետո, կրկին նրան ոտքի հանեցին Պոտսդամից մնացած հող ու մոխրից:

Կարող է թվալ, թե համաշխարհային երկրորդ պատերազմից հետո Գերմանիայում կրկնվում է այն ամենը, ինչ տեղի էր ունեցել առաջինից հետո: Սակայն դա այդպես չէ:

1950 թվականին Գերմանիա կատարած վերջին ուղևորությունը հնարավորություն տվեց ինձ տեսնելու մի բոլորովին այլ աշխարհ, որը բնավ նման չէ նրան, ինչ այդ երկրի արևմուտքում ստեղծում են ամերիկյան ժամանակավոր տնօրենները:

Գերմանական ժողովրդի կյանքում շեր կարող հետք չթողնել այն բանը, որ նա հիտլերականությունից ազատվեց հերոսական սովետական բանակի շնորհիվ: Գերմանական դեմոկրատական հանրապետության հուշակույր պատմական վերածննդի պոռթկումով համակված ժողովրդական զանգվածներում տեղի ունեցող խոր հեղափոխական պրոցեսների արդյունքն է: Գերմանական նոր պետության սոցիալական կյանքում, քաղաքականության, մշակույթի մեջ՝ ամենուրեք ծընվում է նոր մարդը՝ ազատ ֆաշիստական ինքնակալության կապանքներից, վստահ, որ խաղաղասեր և իրավահավասար այլ ժողովուրդների հետ միասին կանգնել է իր ազգի բարգավաճման ճիշտ ուղու վրա:

Ես այս անգամ հուզիչ և նշանակալից հանդիպումներ ունեցա: Այն նույն Սաքսոնիայում և նույն Թյուրինգիայում, որոնց տերիտորիայով Նյուրնբերգ էի գնացել ընդամենը մի հինգ տարի առաջ, հիմա ինձ համար ամեն ինչ անճանաչելի էր դարձել:

Լայպցիգում, ժողովի ժամանակ, մի սրահում, ուր երկու

հազար հինգ հարյուր մարդ էր տեղավորվում, ես լսեցի այնպիսի երգեր, որոնց նմանը երբեք չէր հնչել Գերմանիայում. այդ երգերի մեջ ամեն ինչ ազնվացած էր նոր սկիզբ առած մարդասիրական զգացումով՝ և՛ երաժշտության ներդաշնակությունը, ուրիշը, և՛ բանաստեղծի խոսքերը: Այստեղ կանայք և տղամարդիկ արդեն չէին նմանվում ոչ վաղ անցյալի ողբերգությունից ընկճված մարդկանց, մարդկանց, որոնք իրենց ուսերին կրում են այն հանցագործությունների ծանրությունը, որոնց մղեց երկիրը նացիստների ամոթալի ուժիմը, պատանիներն ու աղջիկները այնպիսի հատկություններ էին ձեռք բերել, որ խորապես թշնամական էին աճող սերնդի վրա հիտլերական խստավարժության թողած շարժանները: Յվիկաուում՝ աժխի և տրակտորների քաղաքում, բանվոր երիտասարդությունը լցվում է դպրոցները, կուրսեր, ակումբներ, աշխատանքից ազատ ամբողջ ժամանակը տրամադրում ուսման: Իենայի հայտնի համալսարանում, որտեղ զբաղարանում պահված են 425000 մոռացված դիսերտացիաներ, հնագույն ֆակուլտետների կողքին բացվել է նաև բանֆակ: Բանվորների երեխաները մտան Լայբնիցի, Հեգելի, Մարքսի և 1848 թվականի հերոսներին նվիրված հուշատախտակներով այդ հին «առլան»: Վայմարում գերմանական մշակույթի հուշակավոր հուշարձանների՝ Գյոթեի և Շիլլերի տուն-թանգարանների կողքին, նախկին դուքսական պալատում տեղավորված է Գյոթեի դարաշրջանին նվիրված ժողովրդական թանգարանը: Վայմարը դադարել է սոսկ գիտական աշխարհի գրական հիշատակ լինելուց և դարձել գերմանական պատմության ազգային կենտրոն, ուր ժողովուրդը կզնա ազատ գիտելիքներ ձեռք բերելու:

Ոչ, համաշխարհային երկրորդ պատերազմից հետո Գերմանիայում կատարված իրադարձությունները չեն կրկնում այն, ինչ տեղի ունեցավ համաշխարհային առաջին պատերազմից հետո: Ժամանակակիցը տեսնում է ոչ թե արագ իրար հաջորդող տասնամյակների միապաղաղությունը, այլ իրականության բուռն շարժման մեջ տեղի ունեցած խիստ փոփոխությունները: Ավելի խստորեն և ավելի անդրովկի են իրար դեմ կանգնել երկու աշխարհ՝ հետադիմությունն ու

առաջադիմութիւնը: Եվ Գերմանիան առայժմ դեռ բաժանված է այդ երկու աշխարհների միջև:

Սակայն գերմանական ժողովուրդը մահացու հիվանդութիւնից հետո կյանքի է կոչվում, ինչպես ավերակներից բարձրացվող պատերն ու տանիքները: Նա պայքարում է իր միասնութեան համար: Եվ ապրելու ու միասնութեան նրա կամքն ամենից ավելի արտահայտվեց պատերազմի վտանգի դեմ խաղաղութիւնը պաշտպանելու նրա պայքարի մեջ: Այդ պայքարը ներկայումս ամրացնում է զոնալ սահմաններով արհեստականորեն մասնատված գերմանական ժողովրդի ներքին կապերը: Գեմոկրատական Գերմանիան պատերազմի դեմ իր պայքարի շնորհիվ օրեցօր մեծացնում է Արևմտյան Գերմանիայում ապրող իր հայրենակիցների համակրանքը: Արևմուտքի գերմանացիները գնալով ավելի լավ են հասկանում, որ խաղաղութիւնն է Գերմանիայի միակ փրկութիւնը: Նրանք անխուսափելիորեն պետք է ձեռք մեկնեն Արևելքի գերմանացիներին:

Այլ կերպ չի կարող լինել: Այլապես համաշխարհային առաջին պատերազմում առատորեն ճաշակած և երկրորդ պատերազմում այնքան դաժանորեն վերապրված տառապանքները դարձյալ կզատնան մարդկութեան ճակատագիրը՝ անասելի շափերով մեծանալով և խորանալով:

Երբ հիմա նայում էի գերմանական ազատ երիտասարդութեան աչքերին, հաճախ էի տեսնում այն փայլը, որ զարմանքով և ուրախությամբ նկատել էի առաջին անգամ երիտասարդ սպարտակյանների հայացքներում՝ 1918 թվականին Բեռլինում ունեցած հանդիպումներիս ժամանակ: Այդ փայլը երբեք անհետ չէր մարում: Այն պահպանեցին գերմանական կոմունիստները «արյունարբու շուն» Նոսկեից մինչև «երկաթյա» Հինդենբուրգն ընկած ամբողջ ժամանակաշրջանում, այն պահպանեցին ու տարան Հիտլերի ու Հիմլերի համակենտրոնացման ճամբարների միջով, պահպանեցին երկար տարիների էմիգրացիայում և ներկայումս վառեցին նոր Գերմանիայի միլիոնավոր պատանիների ու աղջիկների աչքերում: Այդ աչքերի փայլը նշանակում է խաղաղութիւնը պաշտպանելու պատրաստակամութիւն, նվիրվածութիւն՝ աշխատավոր ժողովրդին, ինտերնացիոնալիզմին: Այդ փայլ-

ը՝ ատելութիւն է պատերազմների հանդեպ, բուրժուական իրավակարգի անարդարութեան և սոսի հանդեպ:

Ահա այն ճանապարհը, որ ես բախտ ունեցա անցնելու՝ գիտելով Գերմանիայի կյանքում տեղի ունեցող մերթ ժանր և սարսափելի, մերթ հուսադրիչ, ուրախալի փոփոխութիւնները:

«Քաղաքներ և տարիներ»-ը այդ ճանապարհի միայն մի մասն են արտացոլել: Ես լավ տեսնում եմ, որ վեպի հերոսներն էլ շատ փոքր մասն են կազմում այն կերպարների, որոնցից կազմված էր այն դարաշրջանի երկու աշխարհների պատկերը: Անդրեյ Ստարցովը անզոր սարսափ էր զգում պատերազմի հանդեպ: Իր կյանքի երջանիկ պահը նա համարում էր մի անգամ բախտի կողմից իրեն պարգևված վճռակալութիւնը, երբ նա պատրաստ էր մեռնել մարտի դաշտում: Սակայն նրա կողքին ապրում և գործում էին մարդիկ, որոնք պատերազմն ասում էին նրանից ոչ պակաս, այլ ավելի՝ Վերջիններիս վճռակալութիւնը մարտի դաշտում այլ բնույթի էր: Նրանք մարտում ոչ թե մահ էին փնտրում, այլ ուզում էին մարդուն աղատել նորանոր պատերազմների վտանգից: Այդ մարդիկ խաղաղութեան ներկայիս կողմնակիցների նախորդներն են, հայրերը, որոնց որդիներն արդեն գիտեն, որ խաղաղութիւն կամենալը միայն քիչ է, որ այն պետք է պայքարով պահպանել: Վեպում այդ մարդիկ քիչ են, դրանց տեղը շին կարող լրացնել, անշուշտ, դրանց մոտ և հարազատ այլ հերոսների առանձին գծերը: Ես հասկանում եմ այդ ոչ լիարժեքութիւնը և դրանից բխող թերութիւնները, որ կան «Քաղաքներ և տարիներ»-ում:

Իմ ձգձգված ակնարկը հետևանք է ունեցածս ապրումների, որ դուրս են գալիս վեպում ընդգծված իրադարձութիւնների շրջանակից: Այդ ապրումներն ինձ միացնում են ժամանակակից ընթերցողի հետ:

Ընթերցողների մեծ մասին համաշխարհային առաջին պատերազմի իրադարձութիւնը հայտնի է գրքերից և պատմութիւններից: Ինձ համար՝ դա նույնիսկ անձնական փորձ է, ինչպես մեծամասնութեան համար՝ Հայրենական մեծ պատերազմի փորձը: Շատ բան, որ ես տեսել էի 1914—1918 թվականներին, կարելի էր միայն այն ժամանակ տեսնել: Այն

ժամանակ իմ կողմից ոչ պարզ կամ սխալ հասկացվածը անցյալի գիրկն է անցել՝ գրքում նկարագրված պատմական իրականության հետ:

Եթե ես վեպը գրեի ոչ թե երեսուն տարի առաջ, այլ հիմա, շատ բան այլ կերպ կտեսնեի, ու, թերևս, Անդրեյ Ստարցովի հոգեկան խոռվիքը, որ արտացոլվել է վեպի «խոռվահոլիզ» կառուցվածքի վրա, իմ թեմաներից մեկը մնալով հանդերձ, չխանգարեր ինձ նրա կողքին դնելու այլ թեմաներ, որոնք ծնվել էին հետագա իրադարձություններից: Սակայն ինչպես երեսուն տարի առաջ, այնպես էլ հիմա ես կպահպանեի իմ մտահղացման կորիզը, ու հավանաբար միայն ավելի սաստկացնեի «Քաղաքներ և տարիներ»-ի որոշ լեյտամոտիվները, ինչպիսին է, օրինակ, Նյուրնբերգում գլխատված մարդասպանի գլխի պատմությունը: Իսկ այն, ինչ երեսուն տարի առաջ գրվել է այլ կերպ, քան ես կուզեի գրել հիմա, դա այլևս չեմ կարող փոխել: Եվ այդ բանը պետք էլ չի անել, եթե հիշենք Չերնիշևսկու խորհուրդը, որն ասել է, թե «ժեր հասակում պետք չէ փոխել այն, ինչ գրել ես երիտասարդ ժամանակ»:

1947—1951 թթ.

ՀԱՄԱՌՈՏ ԾԱՆՈԹԱԳՐՈՒԹՅՈՒՆՆԵՐ

ՔԱՐՈՎԿՆ—XVII—XVIII դարերում հատուկ մի ուղղություն էր ճարտարապետության և կերպարվեստի մեջ, որ զարգացնում էր հաճախ ճոռոմության հասնող, պաճուճազարդ, ճոխ ձևեր:

ՔՐԻՍՏՈՂԻՅԱՆ ԹՈՒՂԹ— նկարչության և լուսանկարների փակցնելու համար հաստ թուղթ:

ՔՈՒՐԳ (գերմ.) — ամրոց (միջին դարերում):

ՉՈՅՐԱՏ (գերմ.) — արքունի խորհրդական, ընդհանրապես՝ պատվավոր տիտղոս:

ԳՈՐՏՈՒԱՐ (ֆրանս.) — պանսիոնի կամ ուսումնական հաստատության սաների ընդհանուր ննջարան:

ԿԱՄԱՐԵՐ (ֆրանս.) — կռիվ անբաշ կաթից պատրաստված պանիր:

ԿԱՊՏԵՆԱՐՄՈՒՍ (լատ.) — Լեյբասպա, որի ենթակայության տակ է վաշտի գինապահեստը, հանդերձանքը:

ԿԵԳԵԼԲԱՆ (գերմ.) — տախտակամած կեզլի խաղալու համար:

ԿԵՐԺԱԿ — աղանդավոր, նաև պառակախիչ:

ԿՏԻՏՈՐ (հուն.) — եկեղեցական ավագ (երեցփոխ). այն անձնավորությունը, որի միջոցներով կառուցված է տաճարը:

ԿՈՒՆԵՆ (գերմ.) — պիրոնի, տորթ, թխվածք:

ԼԱՄՊԻՈՆՆԵՐ (ֆրանս.) — գույնզգույն ապակյա կամ թղթե լապտերներ՝ հրավառության համար:

ԼԱՆԳՏԱԳ (գերմ.) — տեղական ինքնավարության օրգան Գերմանիայում և Ավստրիայում:

ԼԱՆԳՏՏՈՒՐՄ (գերմ.) — Գերմանիայում և Ավստրիայում պետական աշխարհազոր, որ կազմված է զենքը կրելու ի վիճակի մարդկանցից և զորակոչվում է արտակարգ վտանգի դեպքում:

ԼՈՎԱԼ (գերմ.) — ռեստորան, պանդոկ:

ՄԱԳԻՍՏՐԱՏ (լատ.) — բուրժուական երկրներում քաղաքային վարչություն. մունիցիպալիտետ (տես.):

ՄԱՐԿԳՐԱՅ (գերմ.) — կոմս, որ կառավարում է ուժեղ պահպանություն տակ գտնվող սահմանային շրջան:

ՄԵՏՐԱՆՊԱԺ (ֆրանս.) — էջկապ:

ՄՈՒՆԻՑԻՊԱԼԻՏԵՏ (լատ.) — տեղական ինքնավարության օրգան:

ՆԻՐՎԱՆԱ (սանսկր.) — բառացի՝ մարում, անհետացում: Անկոթյան հասկացություն, երբ մարդն աստիճանաբար ինքնահրաժարում է ասլում, միաձուլվում է բնությանը. արտահայտվում է լիակատար հոգեկան հանգստությամբ, կրթերի, ցանկությունների բացակայությամբ, քանի որ ըստ Բուդդայի ուսմունքի՝ կյանքը շարիք է, գոյություն ունեցող ամեն ինչ շնչին է և վաղանցիկ, մարդը պետք է ձգտի հոգու մաքուր, անլրդով վիճակի:

ՕՐԿԵՍՏՐՈՆ (հուն.) — մեխանիկական երաժշտական գործիք, որի մեջ համատեղված են նվագախմբային զանազան գործիքներ. հնարավորություն է տալիս կատարելու ամենաբարդ ստեղծագործությունները, փոխարինելով ամբողջ նվագախմբի:

ՊԱՆՓՊՏԻԿՈՒՄ (հուն.) — մոմից սարքված արձանիկների և դանազան այլ առարկաների ցուցահանդես, որ հետաքրքրություն է առաջացնում իր արտակարգությամբ:

ՊՐԵՑԵԿՏՈՒՐԱ — կապիտալիստական երկրներում վարչա-տեխնոլոգիալ շրջանի կառավարման օրգան:

ՊՐՈՄԱԿ (ֆրանս.) — դրոսավայր, գրոսանք:

ՊՈՒՄՊԵՐՆԻԿԵԼ (գերմ.) — վեստֆալյան մեղրաբլիթ:

ԻԱՏՈՒՇԱ (գերմ.) — գերմանական երկրներում քաղաքային վարչություն. քաղաքային ինքնավարության շենքը:

ՏՈՒՐՆԳԱԼԷ (գերմ.) — մարմնամարզական սրահ:

ՖՈՐՇՄԱՆԴ (գերմ.) — վարչություն, վարչության նախագահ: Գերմանիայի սոցիալ-դեմոկրատական կուսակցության մեջ՝ կենտրոնական կոմիտե:

ԹԻՍԱԿԵԼ (գերմ.) — ամրոցի ամենից ավելի ամրացված կենտրոնական մասը, որ հարմարեցված է ինքնուրույն պաշտպանության. հին քաղաքներում ամրոցատիպ կառույց:

ԹԻՏՐԱ — մատենանվագ՝ կամիթահար լարային երաժշտական գործիք:

ՋԱՊԱՆ — գեղեկական բանկոն:

ՇՏԱԿՏՐԱՏ (գերմ.) — մունիցիպալ խորհրդական:

ՇՏԱՆԴԱՐՏ (գերմ.) — կայսրական (թագավորական) դրոշ, ինչպես նաև պետության գլխավոր դրոշը, որ բարձրացվում է կայսեր (թագավորի) քաղաքում, նավի վրա, պալատում եղած ժամանակ:

ՇՏՐԵՅՉԵԼ-ԿՈՒՆԵՆ (գերմ.) — կարկանդակ:

ՇՈՒՑՄԱՆ (գերմ.) — ոստիկան:

ՇԽԵՐՆԵՐ (շվեդերեն) — ժայռեր և փոքրիկ ժայռոտ կղզիներ ծովերում և լճերում:

ԷՐՑՆԵՐՑՈՒՄ (գերմ. ԵՐՇ — նախածանց է, որ տիպոսներից ավելացնելու նշանակում է բարձրագույն աստիճան): Ավստրիայում, իսկ այժմուհետև Ավստրո-Հունգարիայում Հաբսբուրգների արքայական տան արքայազների տիտղոսը, որ պաշտոնապես սահմանվել էր 1453 թվականին:

ԷՍՊԱՆՐՈՆ (իտալ.) — ուսումնական գեներ՝ մի քիչ կեռ կամ ուշիղ ծայրով, որ կիրառվում է սուսերամարտում:

ԲՈՎԱՆԻԱԿՈՒԹՅՈՒՆ

Գլուխ նվիրված այն տարուն, որով ավարտվում է վեպը

Ճառ	5
Նամակ	7
Անցման բանաձևը	11

Գլուխ առաջին

Ինը հարյուր տասնինը բովականի մասին

Պետերբուրգ	13
Խրամատի պրոֆեսորը	21
Կոնրադ Շտեյն	33
Թշնամին զարբասի մոտ է	36
Կծիկ	54

Գլուխ

Ինը հարյուր տասնչորս բովականի մասին

Սիրո ցենտրիֆուգա	73
Երբ վաստորեն սկսվեց համաշխարհային պատերազմը	82
Dichtung und Wahrheit	92
Մադիկներ	110

Գլուխ շեղումների

Լեզենդներ-ասեկոսներ-եղելություն	121
Քարե մարկգրաֆուհին	123
Քայլերը հաստատուն են դառնում	141
Միսս Ռոնիի պանսիոնը	148

Գլուխ

Ինը հարյուր տասնվեց բովականի մասին

Լանդշտուրմ	155
Յոթ լճակների պուրակը	169
Մադիկներ, դեռևս ծողիկներ	184
Փախուստ	208

Գլուխ

Ինը հարյուր տասնչորս բովականի մասին

Ում նկատի ունեք պեննրալ-ֆելլմարշալ ֆոն Հինդինբուրգը	231
Մարդու ինչին են պետք այս խղճուկ օրերն ու ժամերը	241
Ֆյոգոր Լեպենդին	253
Անբաղաբավարի ֆելիետոն	266

Գլուխ

Ինը հարյուր տասնույթ բովականի մասին

Ճանապարհ	272
Առանց սև ու սպիտակի	296
Հատապոտոլներ	310
Ֆիննական ցեղի ժողովուրդ	336

Գլուխ երկրորդ

Ինը հարյուր տասնիներ բովականի մասին, որը նախորդում է առաջին զլխին

Շաբաթ օր Սեմիդուում	344
Լեպենդինի վախճանը	369
Կյանքում առաջին անգամ	387
Հանդիպում	409
Երազ	416

Գլուխ

Ինը հարյուր քսան բովականի մասին

Մածկոցները հանված են	432
Նոր երկիր	435
Մենք քվիտ ենք, ընկեր Ստարցով	441
«Քաղաքներ և տարիներ» վեպի առթիվ	448
Համառոտ ծանոթագրություններ	467

ԿՈՆՍՏԱՆՏԻՆ ԱԼԵՔՍԱՆԴՐՈՎԻՉ ՖԵԴԻՆ
Քաղաքներ և տարիներ
Վ Ե Կ

КОНСТАНТИН АЛЕКСАНДРОВИЧ ФЕДИН

Города и годы

Р о м а н

(На армянском языке)

Издательство «Совстакан քոչ»

Երևան — 1981

Խմբագիր՝ Է. Բ. Քոռունյան
Նկարիչ՝ Ռ. Ս. Զուլհալյան
Գեղ. խմբագիր՝ Վ. Ա. Հառուքյունյան
Տեխ. խմբագիր՝ Ա. Յ. Կովկասյան
Վերատպող սրբագրիչ՝ Ս. Մ. Բուլարյան

ИБ № 3452

Հանձնված է շտրվածքի 26. 12. 80: Ատորագրված է տպագրության
22. 05. 81: Ֆորմատ 84×108¹/₃₂: Քուղի՝ տպագրական № 2: Տա-
ռատեսակ՝ «Գրքի սովորական»: Տպագրություն՝ բարձր: 21,6 հրատ.
մամ., 24,78 պայմ. տպ. մամ.:

Պատվեր՝ 408: Տպաքանակ՝ 50.000: Գինը՝ 1 ռ. 60 Կ:

«Առվեսական գրող» հրատարակչություն, Երևան—9, Տերյան 91:

Издательство «Совстакан քոչ», Երևան-9, ул. Теряна, 91.

ՀՍՍՀ հրատարակչությունների, պոլիգրաֆիայի և գրքի առևտրի
գործերի պետական կոմիտեի Հակոբ Մեղապարտի անվան պոլի-
գրաֆկոմբինատ, Երևան—9, Տերյան 91:

Полиграфкомбинат им. Акона Меганарта Госкомитета по
делам издательств, полиграфии и книжной торговли
Арм. ССР, Ереван-9, ул. Теряна, 91.